





BIBL. NAZ.
Vitt. Emanuele III

II
SUPPL.
PALATINA

C

65bis
NAPOLI





LXVII, E, 17.

90 / 1st
I

II Suppl. Palat. C 65

671 031

R E R V M

IN REV. CVRIA REGII CAPELLANI MAJORIS

J V D I C A T A R V M

T O M V S P R I M V S

C O M P L E C T E N S

Reivindicationes omnes Regii juris patronatus
in Abbatias, Beneficia, Monasteria,
ac Ecclesias

AB ANNO 1774. AD ANNVM 1786.



N E A P O L I
EX REGIA TYPOGRAPHIA
MDCCLXXXVII.

I N D E X

Abbatiarum, Beneficiorum, Monasteriorum, & Ecclesiarum Regii
Juris Patronatus, quæ ad Regiam Coronam pertinere decla-
ratum est, & quæ in hoc primo Tomo continentur,
ordine alphabetico dispositus.

ABBATIAE.

<i>S. Anastasi, & S. Maria de Carbone.</i>	Pag. 280
<i>S. Angeli de Fiamella.</i>	372
<i>S. Angeli de Rapario.</i>	497
<i>S. Angeli in Formis.</i>	68
<i>S. Angeli in Valtu, seu Monticuli.</i>	73
<i>S. Antonii Vicauesis.</i>	14
<i>S. Bartholomæi de Caspineto, & S. Maria de Casanova.</i>	19
<i>S. Benedicti de Salerno.</i>	277
<i>S. Clementis in Piscaria.</i>	8
<i>S. Joannis in Cornacchiaro.</i>	348
<i>S. Joannis in Flore.</i>	185, 204
<i>S. Joannis in Lamis, & S. Maria de Pulsano.</i>	257
<i>S. Joannis in Venere.</i>	340
<i>S. Joannis Tirosti.</i>	321
<i>S. Leonardi de Amendolara.</i>	204
<i>S. Maria de Bangle.</i>	151
<i>S. Maria de Benevento.</i>	384
<i>S. Maria de Colma.</i>	124, 152
<i>S. Maria in Cryptis.</i>	273
<i>S. Maria de Ligno Crucis.</i>	327
<i>S. Maria de Pirna.</i>	235
<i>S. Maria de Picciano.</i>	180
<i>S. Maria de Ripalda.</i>	411
<i>S. Maria della Mattina, & S. Nicolai, Granciarum S. Laurentii in Tusora.</i>	45
<i>S. Maria delle Stalile.</i>	194
<i>S. Maria de Vittoria de Scurcula, S. Maria de Cappellis, & S. Andrea de Tibulario.</i>	163
<i>S. Maria Matris-Domini.</i>	23
<i>S. Martini de Mesa.</i>	437
<i>S. Petri in Campeja.</i>	34, 225
<i>S. Vincentii ad Vulturum.</i>	212
BENEFICIA.	
<i>Canonicatus Cathedralis Luceria.</i>	1
<i>Canonicatus Vallata Pedimontii.</i>	427

<i>Canonicatus Ecclesie Milestis.</i>	364
<i>Canonicatus Ecclesie Cavenfis.</i>	435
<i>Canonicatus S. Michaelis Archang. Plani Surrenti.</i>	218, 244, & 250
<i>S. Angeli ad Putrum.</i>	12
<i>S. Maria Vallis, & S. Eustachii.</i>	1
ECCLESIAE.	

<i>Aversa.</i>	52
<i>Baroliana.</i>	492
<i>Bibinensis.</i>	335
<i>Canusina.</i>	337
<i>Capuana.</i>	446
<i>Casalis Paulisti.</i>	235
<i>Cavenfis.</i>	59
<i>Compsana.</i>	169
<i>Gravinensis.</i>	442
<i>Lycianis.</i>	431
<i>Nisiphiensis.</i>	163
<i>Montis Odoristi.</i>	505
<i>Satriani, & Campanie.</i>	452
<i>Scylactensis.</i>	129
<i>S. Altissimi Diocesis Sorana.</i>	420
<i>S. Bartholomæi de Avezzano.</i>	181
<i>S. Michaelis Archangeli Montis Gargani.</i>	308, 455
<i>S. Ruchi Terra Montorii.</i>	420
<i>S. Severi.</i>	354
<i>Terra Campitellari.</i>	61
<i>Terra Capertini.</i>	9
<i>Thursi, & Anglona.</i>	395
<i>Tricaricensis.</i>	275
<i>Trojano.</i>	438

MONASTERIA.

<i>Montis Casini.</i>	388
<i>Montis Cassini.</i>	267
<i>Ordinis Carthusiani.</i>	107
<i>S. Eustachii de Pantasia.</i>	168
<i>S. Laurentii de Aversa.</i>	162
<i>S. Maria de Passio.</i>	286
<i>S. Maria Insulae Tremitana.</i>	134
<i>SS. Trinitatis de Cruaso Cava.</i>	59

A D D E N D A.

In causa redintegrationis bonorum pertinentium ad Regiam Præposituram Ecclesie S. Eufanii; necnon Regii juris patronatus in Canonicatus ejusdem Ecclesie cum jure collationis. Die 28. Aprilis 1785.

Curia Regii Capellani Majoris declarat, dismembrationem bonorum Abbatie, seu Præposituræ S. Eufanii de patronatu, & collatione Regia, factam anno 1616. per Rev. Episcopum Aquilanum de mandato Romanæ Curie pro erectione Vicariæ perpetuæ, irrequisito Domino; immo spreto Patrono Principe, prout ex actis, fuisse, & esse nullam: ac proinde nulla habita ratione memoratæ dismembrationis, eandem Regiam Præposituram redintegrandam esse, prout præsentis decreto redintegretur in possessionem dictorum bonorum juxta statum primævum; ita tamen quod Regius Abbas, sive Præpositus S. Eufanii tenentur destinare Vicarium Curatum, illumque exhibere ex redditibus dictæ Præposituræ pro animarum cura. Declarat insuper Canonicatus erectos in dicta Ecclesia S. Eufanii, cum assignatione bonorum ejusdem Regalis Præposituræ, fuisse, & esse pariter de patronatu, & collatione Regia cum jure ad serenissimum Regem pertinente Canonicatus prædictos conferendi in singulis vacationum vicibus, cum onere residendi pro ejusdem Ecclesiæ servitio. Ne vero jura Regia diminuantur, describantur dicti Canonici in libris Curie inter cetera Beneficia, in quæ jus patronatus Principi competit.

Es quidem omnia per Curiam decreta sunt in consequentiam, & executionem rei per ipsam judicatæ sub die 22. Novembris 1769, quæ fuit declaratum, Ecclesiam, & Præposituram sub titulo S. Eufanii cum omnibus suis bonis, Dignitatibus, & integro statu, fuisse, & esse jura Regie collationis; quod enim de toto judicatum fuit, idem judicari oportuit de quibuscumque ejus partibus; in toto enim & pars continetur, *L. 113. ff. de reg. jur.*

CURIÆ CAPEL. MAJOR. DECRETA.

*In causa inter magn. D. Franciscum de Francisco, nomine, ut ex
actis, & magn. Baronem feudi Clusani super qualitate juris patronatus
S. Mariæ Vallis, & S. Eustachii ejusdem feudi in Regia Curia Rev. Ca-
pellani Majoris hujus Regni. Die 24. Aprilis 1775.*

PETIT D. Franciscus de Francisco, ut jus patronatus S. Mariæ Vallis, & S. Eustachii feudi Clusani Regium declareretur *immediatum*, non *mediatum*, uti vocant, annexum eidem feudo, fol. 2. Excepit magn. Baro, idem jus patronatus semper fuisse possessum a Baronibus, tamquam feudo annexum; ceteroquin se libenter executurum, quod Magistratus diceret, fol. 41. Ex relatione Domini Filci Patroni Regiæ Provincialis Audientiæ diei 17. Novembris 1774., fol. 3. ad 9., atque ex omnibus actis sequens eruitur factum: Maria de Cardona, Comes Abellinarum, & Marchio Padulæ, & Clusani, anno 1555., inter nonnulla Beneficia, hujusmodi Ecclesiasticum Beneficium, sive Capellaniam possedit; postea idem feudum Clusani a Regia Curia, ad quam, ob lineam finitam, pervenerat, venditum fuit, anno 1690. Victoris de Sangro, Marchioni Montisfalconis, hoc addito, non *inclusis* tamen in *presenti* venditione *juribus patronatus Ecclesiarum, & juribus presentandi in eis, quæ dictæ Regiæ Majestati intelligantur, & sint reservata*, fol. 13.: Iterum, instantibus creditoribus, sub hasta S. R. C. fuit venditum, anno 1746. hodierno Baroni Anastasio, sine expressa concessione juris patronatus Beneficiorum, neque in hujus feudi appretio quodcumque jus patronatus videtur relatum, fol. 15. Queritur, num jus Regium patronatus dicendum sit *immediatum*, an feudo annexum, sive *mediatum*?

Fundatoribus illud concessum est, ut jus eorum patronatus certo cuidam fundo adscribant, itaut pars fundi sit;
Tom. I. Cur. Cap. Maj. A si ve-

Ex voluntate fundatoris potest euidam fundo jus patronatus adscribi; cum autem feudo additum fuerit, feudumque Domino Regi aperiat, jus patronatus inter majores Regalia recensetur; itaut neque in generali feudi concessione comprehendi possit, neque prescriptioni obnoxium sit.

CURIE CAPELLANI MAJORIS

si vero feudo Rex Dominus adscribat, pars feudi videtur esse; idque jus reale dicitur, rei adhærens, sicut aurum glebale, quod pro gleba penditur, ei adhæret. Si igitur feudum Regi Domino aperiatur, reddit id ad suam naturam, hoc est, bona feudi ad plenam illius proprietatem, jura vero patronatus, quæ pars ipsius feudi sunt, ad majora sic redeunt regalia, ut quod ad nudum tantum, & simplex ministerium in Vassallum transferri possint. Hæc autem regalia, licet nudi ministerii gratia, in generali concessione, aut alienatione, cum omnibus juribus, & pertinentiis suis, nullatenus venire putamus, ex argumento Constitutionis: *Ea, quæ ad speciale decus &c.*; quam celebrem Friderici II. Constitutionem postea, quemadmodum testantur nobiles Regni Pragmatici, Thomas Minadous, ad Constitutionem, in aliquibus, vers. Comitum, & Baronum num. 13. & 14., & Camillus de Curte *divers. Feud. c. 3. par. 2. num. 30.*, Regiis literis Robertus, & Philippus III. Reges speciatim instaurarunt, ne ullo pacto jura Regiæ patronatus in Vassallum transirent, nisi id conceptissimis verbis fuerit tributum; neque, castris devolutis, si denuo Rex alienaverit, concessa rursus intelligantur; & hoc jure utimur. Quid si Vassallus immemorabilem juris nominandi possessionem forte probaverit? cum ex eadem possessionis causa, sive titulo hujus Regii juris concessio non appareat, merito dicimus, minime præscriptionem quamcumque Vassallo profuturam. Hinc Curia Ill., & Rev. Dom. Regii Capellani Majoris, cum voto Dom. Regii Consil. D. Stephani Patritii ordinarii Consultoris, decrevit: *Jus patronatus Beneficii Sanctæ Mariæ Vallis, & S. Eustachii fuisse, & esse Regium jus patronatus immediatum, adnotandumque in libris hujus Regiæ Curie; necnon pertinere ad serenissimum Regem jus in eo nominandi, & presentandi Beneficiatum, sive Rectorem toties quoties casus vacationis occurrerit. Quod vero ad Clericum D. Marcum Mastrocinqve hodiernum Beneficiatum, an submovendus sit a possessione beneficii, bona ne, vel mala fide fuerit nominatus, & institutus, Partibus plenius auditis, providebitur: Neutram in expensis.*

In

DECRETA.

3

In causa inter Rev. Canonicos Clericos Rev. Capituli Ecclesie Cathedralis Civitatis Luceria S. Mariae, abbatem, & Rev. Episcopum, rem conventum, super jure Regio collativo quatuor Canoniatum Clericalium, in Curia Rev. Capellani Majoris hujus Regni. Die 10. Maji 1775.

Potentibus tam magn. Promotore Fiscali Regiæ Coronæ, quam Canonicis Clericis Rev. Capituli Civitatis Luceriæ S. Mariæ, quatuor ex Canoniatibus Clericalibus ejusdem Ecclesiæ declarandos esse juris Regii collativi, atque reintegrandos juribus Majestatis secundum legem foundationis; Rev. Episcopus excepit, eosdem omnes Canoniatum esse sui juris institutionalis, & collativi, tam ex ipsa foundationis lege, quam ex antiqua consuetudine, & observantia ordinandi, & conferendi omnes Canoniatum Clericales. Dato termino ordinario super deductis ex parte magn. Promotoris, & Canonicorum Clericorum, die 22. Augusti 1772., fol. 117., probationes hinc inde factæ sunt, fol. 158. ad 203. Ex Diplomate Regis Caroli II. fundatio, atque dotatio ejusdem Ecclesiæ constat die 14. Januarii 1302., fol. 23. Litteris Apostolicis Benedicti XI. XIV. Kalendas Decembris, idest, mense Novembris 1303. fuit eidem Regi indultum Regium jus patronatus præsentandi Episcopo personas idoneas ad Decanatum, Archidiaconatum, & Cantoriam, & conferendi vice Apostolica medietatem Præbendarum, fol. 247. & 248.: quibus accessit alterum Diploma ipsius Regis Caroli II. renovatæ foundationis, & dotationis, die 21. Februarii 1304., fol. 49. ad 51. Rex Robertus deinde, petente Episcopo, & Capitulo Lucerino, uno atque altero Diplomate confirmavit tam secundum insertum Diploma Regis Caroli ejus patris, die 5. Januarii 1322., fol. 26. ad 28., quam suprascriptas Apostolicas Litteras Benedicti XI., die 10. Januarii 1322., fol. 247. ad 249. Hoc amplius Regius Archivarius Siciliæ testatur, reperiri in Repertoriis Regis Roberti sequentem adnotationem: *Lucerinæ Ecclesiæ Bulla Benedicti, qua mediante, conceditur Regi, & successoribus jus præsentandi Episcopo ad Decanatum, Archidia-*

Nulla longissimi temporis possessio legi foundationis officit; ubi autem ambigua lex sit, diuturna observantia, etsi ad præscribendum inefficax, optima tamen interpret accipitur.

conatum, & Cantoriam personas habiles, & conferendi medietatem Præbendarum, fol. 107. Altero Diplomate Regis Caroli III., die 7. mensis Julii 1381., narratur fundatio facta a Carolo II., eidemque Regi addicta collatio dignitatum, scilicet, Decanatus, Archidiaconatus, Thesaurariatus, & Cantoratus, & medietas Canonicatum, reliqua vero eorundem Canonicatum medietas relicta Episcopo; quo Diplomate simul querela exponitur Decani &c. atque totius Capituli, nonnullos Clericos, fraudibus, & malitiis, Beneficia Lucerinæ Ecclesiæ, ad Regis collationem spectantia, ab aliis collatoribus indebite accepisse, fol. 15. & 16. Extat quoque Diploma Reginæ Joannæ die 1. Novembris 1367. in quo continetur petitio Decani, Cantoris, Canonicorum, Clericorum, & totius Capituli residentium, circa distributionem Præbendarum, fol. 17. & 18. Patet collatio Canonicatus, facta a Regina Joanna die 1. Augusti 1345. Joanni Francisco de Neapoli, familiari Ludovici de Duratio fratris ejusdem Reginæ, fol. 251.; atque altera collatio facta a Regina Joanna die 26. Julii 1516. Abbati Baptistæ Judicis Francisci, ob mortem Canonici Abbatis D. Francisci della Jodella, fol. 250. Inspiciuntur contra collationes Canonicatum Clericalium sub recentiori nomine Abbatiarum factæ ab Episcopo ab annis 1594. 1607. 1624. 1625. 1631. &c. usque ad tempus præsens, his verbis: *tam vigore privilegii serenissimi Regis Caroli II. prædictæ nostræ Ecclesiæ fundatoris, & dotatoris, quam etiam ex antiquissima consuetudine ipsius Ecclesiæ, ac nostrorum prædecessorum pacifica, & immemorabili possessione, etiam ab ipsius Ecclesiæ fundationis, dotationis, erectionis tempore, conferendi omnes Abbatias quovis tempore vacantes*, fol. 78. 241. 242. 245. &c. His positis, instituit Domin. Advocatus Regiæ Coronæ die 20. Augusti 1774., *declarari quatuor ex octo Canonicatibus Clericalibus Capituli Regalis Ecclesiæ Civitatis Luceriæ, scilicet quod eodem redit, alternativam in omnibus fuisse, & esse de Regia collatione, & proinde reintegrari ad jus Regium collativum, cum omnibus juribus prærogativis, & proventibus eisdem competentibus*, fol. 257.

Nul-

Nullam longissimi temporis, quamvis immemorabilis, possessionem admitti contra apertam foundationis legem, juris manifesti est, ex perpetua etiam rerum judicatarum auctoritate. Ubinam hujusmodi foundationis lex posita sit, & qualis sit, quaeritur? Eam veremur legem excipere ex primo serenissimi Regis Caroli II. Diplomate foundationis Ecclesiae Lucerinæ; siquidem Diploma illud ad absolutum illius Ecclesiae statum non pertinet. Verius eam, quam perquirimus, legem ex secundo ejusdem Regis Diplomate excipere oportet, cujus observantia aliquando hominum machinationibus, aliqua ex parte turbata, antiquis Regiae foundationis juribus, tum pro Regia ipsius Episcopi nominatione, more Nostorum Majorum, fuit per hanc Regiam Curiam nuper restituta. Ubi igitur a Rege jus Episcopo conceditur ordinandi, & instituendi ceteros omnes Clericos, verba exponenda sunt, & qualis sit lex foundationis, aperitur: ordinamus, & volumus quod subscripta Personatus, Canonicatus, & Personatus officia, Decanus videlicet, Archidiaconus, Thesaurarius, Cantor, octo Canonici, octo Clerici, sint in eadem Ecclesia . . . Apostolicæ auctoritatis, & Reverentiae arbitrio reservato decrevimus, & in praeacta nostra fundatione, & dotatione rei nostrae legem apponentes, expressimus, & declaramus expresse, quod officia, seu dignitates praedictae, Decanatus, Archidiaconatus, & Thesauriatus, & Cantoria cum vacaverint, per Nos, & nostros Heredes libere conferantur, Canonicatum vero medietas per Nos, & Heredes praedictos, reliquae medietas per Episcopum conferetur; ita ut cum vacaverint repetitis vicibus, fiat ipsa collatio alternatim. Ceteri tamen omnes Clerici ordinari debent, & institui per Episcopum memoratum; nec tamen alii Clerici vocem habebunt praeter praefatos, qui Personatum obtinent, atque Canonicos in electione Episcopi, cum pro tempore in ipsa Ecclesia fueris facienda. Patet ceteros Clericos extra Capituli gremium eidem Ecclesiae fuisse inscriptos. Porro in ea temporum disciplina nullus, nisi alicui adscriptus Ecclesiae, ubi suis fungeretur muneribus, ne vagus incertis sedibus iret, ordinabatur,

Con-

Concil. Trid. sess. 23., cap. 16. ; nondum enim sacra , quæ nunc dicimus , Clericorum patrimonia , veluti eorundem Clericorum Ecclesiis additiones , comparata erant . An autem intelligantur Clerici etiam de octonario numero Præbendati , non insubtiliter dubitatur . Ut res exitum reperi-
ret , certi aliquid statuendum esset ad id , quod recta suggereret interpretatio ; verba tamen cum alio duci non possint , minime indigent interpretatione , intelligenda enim sunt ex proprietate , quam communiter accipimus : multoque minus colligere conjecturis voluntatem licet , si aperta , & evidens sit voluntas . Itaque quando fundator , *rei sue legem apponens* , statum Ecclesiæ composuit , constitutis quatuor nempe Dignitatibus , octo Canonicis , Clericis octo , jus sibi reservavit collativum earundem omnium Dignitatum , & dimidium Canonicatum , Episcopo vero , tam alterum Canonicatum dimidium , quam plenam ceterorum omnium Clericorum ordinationem , & institutionem indulsit ; haud esse voluntatis quæstionem putamus . Cum is eodem fere loco , Ecclesiæ senatum efformans , Canonicatus octo numeraverit ; jus conferendi dimidiam Canonicatum partem , quod sibi speciatim reservavit , nonnisi ad eorum quatuor videri relatum constat . Clericos tamen omnes , nimirum Præbendatos , & eos extra Capituli gremium Episcopi collationi Regem , quam munifice , remisisse palam est . Frequentissimum est genus interpretandi posteriora ex antecedentibus , atque ex proximo loco dictis ; eo id amplius ita intelligendum , quia nusquam Rex fundator Clericos Capitulares , qui iuste Canonici sunt , communi suffragio in Capitularibus actionibus gaudentes , Canonicos nuncupavit . Confirmari id rectius videtur ex altero adjuncto loco , quo eadem disponentis mens depromitur , puta ex prima Fundatoris concessione , cum institutis viginti Canonicis sine ulla classium distributione , integram tunc dimidiam eorundem partem Fundator remisit ab Episcopo conferendam ; nam voluntate creditur sibi ille fuisse consentiens , idest , primo foundationis actu integram dimidiam sibi partem Canonicatum retinere , integram

gram alteram indulgere Episcopo: altero vero actu, digniores Personatus ex integro servare sibi, eidem Episcopo ceteros omnes Clericos; hoc enim ex eadem voluntate proficiscitur. Nec unquam dixeris, recte interpretationis mensuram capiendam esse ex Apostolicis Benedicti XI. Litteris, latis longe ante solemnibus, & perfectæ foundationis Ecclesiæ diem, adversusque juri Regiæ collationis primorum Personatum, quod fundator sibi speciatim consuluerat, *Apostolicæ auctoritatis, & Reverentiæ arbitria reservato*, Litteris Benedicti, antea latis, prorsus prætermisissis. Præterea receptum est, quod si scriptum, vel scripti sententia ambigua, & obscura sit, Judices recte ei accedere, quod minus ambiguum est, omisso eo, quod est obscurius; minus autem ambiguum pendimus, quod fuit longo tempore observatum, maxime si hominum memoriam excederet, nihilque contra, vi, clam, vel precario probatum fuerit. Quare, licet in subjecta juris Regiæ Patronatus materia observantiam quamcumque ad vim præscriptivam non sufficere existimemus, ad vim tamen interpretativam, ubi quid ambiguum esset, eam inter ceteras conjecturas esse validissimam ipsamet naturalis æquitas suadet; optima enim est legum interpretæ consuetudo, L. 37. & 38. ff. de Leg. Hinc Curia Ill., & Rev. Capellani Majoris, cum voto Dom. Reg. Consil. D. Stephani Patritii ordinarii Consultoris ejusdem, declarat: Rev. Episcopum Civitatis Luceriæ Sanctæ Mariæ absolvendum esse ab impetitis ex parte Regiæ Fisci, & Rev. Canonicorum Capituli Cathedralis Ecclesiæ ejusdem Civitatis; ac proinde eundem Rev. Episcopum manutenendum esse in jure, & possessione conferendi omnes octo Canonicatus Clericales supradicti Capituli secundum legem foundationis, appositam in secundo Diplomate serenissimi Regis Caroli II. fundatoris præfate Ecclesiæ, oppositis per Regium Fiscum, & Rev. Canonicos non obstantibus: Neutram in expensis.

In causa Regii Filii super reintegratione Regii juris patronatus Ecclesie, sive Abbatie Casauriensis S. Clementis in Piscaria. Die 8. Augusti 1775.

Jus patronatus, etsi in fundationis tabula non constitutum, re ipsa acquiritur fundatione, vel dotatione Ecclesie.

Dominus Advocatus Regalis Coronæ die 19. Aprilis 1775. petiit, Ecclesiam, sive Abbatiam S. Clementis Domus aurea fuisse, & esse de Regio jure patronatus, per Curiam Reverendæ Capellani Majoris Regni declarari, & describi in libris ejusdem Curie, fol. 94. Præ oculis Curia habuit Diplomata Imp. Ludovici Pii, Carolimanni, Berengarii, Rogerii I. Regis Siciliæ, Ducis Apuliæ, & Principis Capuæ, aliorumque Impp., & Regum, fol. 49. ad 81.; ex quibus constat, eandem Ecclesiam, sive Abbatiam Casauriensem fundatam, atque dotatam esse Regiis, optimisque fundis, Oppidis, Castris, Villis &c.

Patroni jus ita semper observari oportet, ut doctiores Jurisconsulti putant, nasci ex grati animi causa (*Concil. Tolet. IV., Can. XXXVII.*) illudque adeo summo jure deberi, ut verius sit, jus patronatus ipso jure acquiri, quamvis nihil, ne verbum quidem, in fundationis tabulis dictum sit (*cap. XXV. de Jur. Patron.*). Fundatione, vel dotatione jus patronatus acquiritur (*Concil. Trident. sess. XXV. de reformat. cap. IX.*); recteque id rationis ordini convenire loquuntur Ecclesiasticæ sanctiones (*Concil. Tolet. IX. Can. XI.*). Plane is, qui ad reficiendam Domum pecuniam credidit, re ipsa secundum ordinis rationem privilegium acquirit; quamquam nominatim stipulatus non fuerit; quia constituentium auctoritate concessum esse videtur (*Leg. V. ff. qui pot. in pign.*), eadem certe ordinis ratione, qua in Ecclesiis, quæ in possessionibus, vel prædiis rusticis privatorum erectæ sunt, merito ordinandos non esse Clericos placuit ex alia possessione, at ex ipso vico, ubi Ecclesiam esse constiterit (*Leg. XI. Cod. de Epif. & Cler.*). Jura vero patronatus, quæ ex Regum largitionibus, Fiscique munere perficisci comperimus, valde coli decet, ut ad ipsius Regni bonum sint, Civisque piam, & quietam vitam degant; eaque esse immutabilia,

lia, nullique præscriptioni obnoxia receptum est. Quamobrem mutata primori patronatum forma, spreto, inquam, patrono, hominum forte, ac defultorii temporis injuria; mox novitatibus prorsus sublatis, ea jura ad primorem sui naturam, scilicet, ad *Regalia* refluere, a quibus antea fluxerunt, perpetuum judicavimus, eo tamen pacto, ut semper, & ubique in æquipollenti re, quemadmodum rei casus, & dignitas postulat, Fundatoris voluntas observetur. Hinc Curia Ill., & Rev. Capellani Majoris, cum voto Dom. Regii Conf. D. Stephani Patritii ordinarii Consultoris ejusdem, decrevit: *Ecclesiam, sive Abbatiam Casauriensem S. Clementis in Piscaria, nulla habita ratione status, in quo reperitur, fuisse, & esse Regii juris patronatus; ac proinde reintegrandam esse juri- bus Majestatis, cum omnibus juribus, actionibus, jurisdictionibus, præminentis, fundis, Oppidis, Castris, Villis, omnibusque pertinentiis suis, & cum jure nominandi Abbatem toties, quoties casus vacationis contigerit; describendamque esse in libris Regiæ Curiae Rev. Capellani Majoris inter ceteras Ecclesias, & Abbatias Regii juris patronatus, oppositis non obstantibus.*

In causa reintegrationis juris patronatus Ecclesiæ Majoris, & Collegiæ Terræ Cupertini cum Regio Fisco. Die 14. Augusti 1775.

Judicio reintegrationis instituto Regii juris patronatus, cum omnibus pertinentiis, & integro statu, instante etiam Dom. Advocato Regiæ Coronæ, super Ecclesiâ Majori & Collegiata Terræ Cupertini, fol. 1., & 361. vol. 1.; datus est terminus ordinarius die 25. Junii 1771., fol. 362. Ex particula vetustissimi libri, cujus titulus est, *Præcedentia, & quarta funerum*, constat, ipsam Majorem Ecclesiam a Comite Goefredo Northmannorum Dynasta ædificatam fuisse anno 1088., reædificatamque a Comite Manfredo anno 1235., tunc Tarentinorum Principe, atque ab eo redecimalibus fundis dotatam; idque apparere ex inscriptionibus ad januas ipsius Majoris Ecclesiæ... (1) D. O. M.

Tom. I. Cur. Cap. Maj.

B

MAN.

Sicut ædificatione, ita etiam reædificatione Ecclesiæ jus patronatus acquiritur. Cum vero fundationis tabulæ defuerint, præsumptiva admittitur juris patronatus probatio; præsertim si agatur de jure Regio.

MANFREDUS TARENTI PRINCEPS COMES CUPERTINI, DEI PARAE
 MARIAE AD NIVES DICAVIT A. D. MCCXXXV. . . (11) D. O. M.
 DEI PARAE MARIAE VIRGINI AD NIVES REGIUM MANFREDUS
 STEGMA, REGALESQUE LARGITUS REDITUS A. D. MCCXXXV. . .
 (111) D. O. M. MANFREDUS TARENTI PRINCEPS, COMES CU-
 PERTINI, EX SVEVORUM FAMILIA TEMPLUM HOC NULLIUS
 DIORCESIS VETUSTATE COLLAPSUM A FUNDAMENTIS EREXIT
 A. D. MCCXXXV., fol. 94. a t. Constat quoque, insignia Re-
 giæ Domus Svevorum eidem Ecclesiæ insculpta fuisse, fol.
 121. vol. 2. ; & concessionem ipsius Ecclesiæ Rev. Capitu-
 lulo fecisse Comitem Pyrrhum de Baucio anno 1458. hi-
 sce verbis: *Eidem Clero & Capitulo concedimus, & donamus*
rededimam Batini, & Cupertini, quam anno quolibet solebat
dare, & solvere Curia nostra, fol. 150. vol. 2. in Episcopali
vero visitatione ejusdem Majoris Ecclesiæ, ab Antonio San-
felicio Episcopo Neritonensi, Civilium, & Sacrarum anti-
quitarum studiosissimo, facta anno 1710., ita legitur, fol. 60.
vol. 1.: Nam antea ibi non aderat alia Capella, sed quedam
porta Ecclesiæ, supra qua reperiebatur inscriptio posita a Prin-
cipe Manfredo Cupertini Comite, qua dicebat . . . D. O. M. MAN-
FREDVS TARENTI PRINCEPS DICAVIT A. D. MCCXXXV. . . post
multa sacula, & proprie in anno 1235. noviter reedificata fuit
ab eximia pietate Principis Manfredi, quamvis non in ea alti-
tudine, ex qua hodie constat, nam sic elevatum fuit anno 1563.
expensis hujus magnificæ Universitatis, fol. 62. dist. vol. Infra
bimestre lapidem cum inscriptione posteros admonente intus Ec-
clesiæ, nempe a parte interiori in pariete portæ majoris in
medio muri prædicti apponi facere, fol. 129. vol. 3. Præterea
inscriptio legitur ad januam majorem ipsius Ecclesiæ eo-
dem anno 1710., ex quo modo ordinata fuerat ab eo-
dem Episcopo Antonio Sanfelicio: D. O. M. ANTONIUS SAN-
FELICIUS EPISCOPUS NERITONENSIS ALETINUM HOC VETU-
STATE COLLAPSUM BARBARORUM IMPIETATE SUA JAM ORBA-
TUM SEDE, ET A GUFERIDO COMITE RESTITUTUM ANNO
1085. DENVO A MANFRIDO TARENTI PRINCIPE AUSPICIIS
ERECTUM A. D. MCCXXXV. III. AB ORDINE, POPULOQUE
 AM-

ANNO 1563. FMS PROVENTIBUS IN HANC FORMAM REDACTUM
 AN. 1707. POSTMODUM TEMPLUM DICAVIT AN. 1710. XIII.
 KALENDAS NOVEMBRIS, fol. 138. vol. 3. His omnibus acce-
 dunt depositiones Josephi Antonii Strafella, fol. 60., Fran-
 cisci Schitaroli, fol. 74. a t., & Nicolai de Dominicis,
 fol. 67. vol. 1., testantium, lapidariam inscriptionem, mox
 transcriptam, qua memoriæ proditum est, Manfredum Ta-
 renti Principem, & Cupertini Comitem eandem Ecclesiam
Nullius Diœcesis vetustate collapsam a fundamentis erexisse,
 audacter fuisse, ex quo tempore Ecclesiam Neritonensem
 idem Episcopus regebat, dealbatam, atque deletam a D. Fran-
 cisco Elia ejusdem Ecclesiæ Cupertini Archipresbytero.

Rite, & recte Sanctæ Matris Ecclesiæ ordinationibus
 constitutum est, ædificatione Ecclesiarum, vel fundacione
 jus patronatus acquiri; verius tamen est, Ecclesiæ ædifica-
 tione reædificationem contineri *cap. 1. de J. P. in 5. Com-
 pil.* Ita enim Sacri Canones collapsas Ecclesias restaurari
 magis, quam ædificari curant; vetustorumque Templorum
 reparatorem, & novum conditorem eodem jure censer
 non dubitatur; æquumque esse arbitramur, ut qui destru-
 ctam Ecclesiam reficit, ejus dicatur patronus, quippe qui
 novam ædificasse videatur Ecclesiam; quum nova indigeat
 consecratione. Quid si constructionis, vel fundacionis de-
 fuerint tabulæ? probationem sane admittimus, quam vocant,
 præsumtivam, & adminiculativam, eo præsertim casu, quo
 de jure Regio ageretur; cum Rex in dubio præsumatur
 patronus Ecclesiæ habentis dignitatem. Et quidem præ
 ceteris præsumtivis probationibus eam validiorem esse proba-
 tionem putamus, quæ ex marmoribus æneis, vel lapidariis
 inscriptionibus, simulacris, insignibus, velis educitur, ut
 in posterum firmior maneat memoria, quis sit fundator,
 quænam fundacionis lex, vel dedicatio, quibus bonis con-
 ditum fuerit opus; idque ex veteribus sumtum patet, qui
 suis operibus publicis suos inscribebant titulos, idest, no-
 men, statum, dignitatem, generosa facinora, gentem, fa-
 miliam; unde apud Christianos inter honorifica patronatus
 B 2 jura

jura bonor *Lifra* permeavit, L. 38. ff. de aur. & arg. leg., L. 2. §. ultimo ff. de oper. publ. Sapienter judicatum olim refert *Pelafcus de jure emphyt. qu. 19. num. 26.*, quafdam Ecclefias in antiquo libro cenfuali Majoris Ecclefie Comimbricenfis, fcriptas hac claufula: REGIS EST, Regii juris patronatus efle, nec poffeffori adverfus illius claufule vim præfcriptionem, licet immemorabilem, profuiſſe. Hinc Curia Ill., & Rev. Capellani Majoris, cum voto Domini Regii Confiliarii D. Stephani Patritii ordinarii Confultoris ejuſdem declarat: Ecclefiam Majorem, five Collegiatam Terræ Capertini fuiſſe, & efle Regii juris patronatus, proindeque juribus Majeſtatis reintegrandam, cum omnibus corporibus, pertinentiis ſuis, juribus, actionibus, præminentiiſ, jurifdiſtionibus, jure nominandi toties quoties caſus vacationis contigerit; reintegrandamque efle in libris bujus Regiæ Curie; atque quod ad ipſius Ecclefie Majoris qualitatem, quam dicunt, Nullius Diccelfis, penes aſſa deductam, procedendum efle, Partibus plenius auditis.

In cauſa magn. U. J. D. D. Joannis Philippi Delfico, ſive Regii Fiſci cum Rev. D. Simone Franchi, de, & ſuper Regio jure patronatus beneficii S. Angeli ad Puteum Oppidi Turtureti. Dia 15. Aprilis 1776.

P Etente U. J. D. D. Jo: Philippo Delfico Regium declarari jus patronatus beneficii S. Angeli ad Puteum Oppidi Turtureti, Regiam in eo nominationem reintegrari, interque Regia patronatus jura conſcribi, petitis inhæſit Fiſci Patronus Regiæ Coronæ, fol. 4. Ex Bullis anni 1561., per Curiam Episcopalem Interamnenſem expeditis, ad electionem, nominationem, & præſentationem D. Baltaſſarris Acquaviva de Aragonia utilis domini Turtureti, inſtitutum fuiſſe patet D. Vincentium Acquaviva de Aragonia ad Eccleſiam S. Angeli ad Puteum in pertinentiis Turtureti, fol. 68. Nominationem deinde fecit D. Andreas Matthæus Acquaviva de Aragonia anno 1617. ad eandem Eccleſiam favore Clerici Januarii Marciano, fol. 64. 65., alteramque fecit anno 1656.

Regium jus patronatus inter majora Regalia adnumeratur; neque alienari poteſt, neque eſt præſcriptioni obnoxium; atque fruſtra ei opponitur ultimus ſtatus, ob quem poſſeſſio acquiſita dici nequit.

1676. D. Andreas Franciscus de Capua utilis dominus Turtureti favore D. Caroli de Capua, fol. 57. Patet quoque ex appretio feudi Turtureti sequuto anno 1667., inter jura feudalia describi jus patronatus beneficii S. Angeli ad Puteum, fol. 76. ad 84. His inspectis, & omnibus actis, partibusque auditis &c.

Inter Regalia & quidem majora, communi Jurisconsultorum sententia, adnumerari Regios Patronatus, jura in dubium revocari nequit. Ea, maximum jus appellata, minime a Regali Diademate avelli, ac alienari posse, perenni vice pronunciatum extitit; hinc præscriptionis, etiam si longævæ & hominum memoriam excedentis, laqueo minime irretiri, explorati juris est. Cum enim jus resistit, præscriptio non datur. Immo si Rex, vaxallo feudum concedens, nominatim jus patronatus etiam concedat, non ipsum jus patronatus, sed ejusdem exercitium tribui censetur. Inalienabile namque jus patronatus est; feudoque devoluto, unde defluerat exercitium juris patronatus reflueri oportet. Frustra igitur Canonicus Simon Franchi collationem tanquam de libero sibi ab Episcopo factam contraria possessione, & ultimo statu tutari posse contendit. Porro quoad possessionem, dicimus, Episcopum Interamnensem liberam collationem beneficii S. Angeli ad Puteum Oppidi Turtureti numquam possedisse, etsi per longos annos in possessione ejus extiterit. *Non videtur possessionem adeptus is, qui ita nactus est, ut eam retinere non posset, L. 22. ff. de acquir. vel amitt. possess.*; aliud enim est possidere, longe aliud in possessione esse, *L. si quis 10. ff. eod. tit.* Profecto in Regiis patronatus juribus Rex semper jus præsentandi retinet, licet in possessione semper non fuerit. Quo vero ad ultimum statum, iniquum pronunciamus, si contra naturalis juris voces quis retineat, quod alteri domini jure debetur; hinc etiam contrariæ opinionis patroni, veritate urgente, fateri coguntur, ultimum statum in beneficialibus attendendum, cum non constet de præcedenti. Si ergo liquet, ultimo statui beneficii S. Angeli ad Puteum præcedentes non

non consentire, in eoque utiles dominos ejusdem Oppidi jus præsentandi libere, & Episcopo adprobante exercuisse, iniquam occupationem merito censeri ultimum statum existimamus; legitima enim patronatuum jura tollere, æquum non est, *Concil. Trid. cap. v. sess. 25.* Hinc Curia Ill., & Rev. Capellani Majoris, cum voto Domini Regii Consiliarii D. Dominici Potenza ordinarii Consultoris ejusdem, sequens protulit decretum: *Constare de Regio jure patronatus Beneficii S. Angeli ad Puteum Oppidi Turtureti Regiæ Curie devoluti, jusque nominandi in eo, & præsentandi competere S. R. M. nostri Regis toties, quoties casus vacationis occurrerit; ac proinde describendum esse in libris nostræ Curie inter Beneficia Regii juris patronatus.*

In causa Ill. Ducis Turristi Fisci Patroni Regiæ Coronæ, de, & super Regio jure patronatus Abbatie S. Antonii Viennensis extra Pentam Capuanam hujus Civitatis. Die 6. Maji 1776.

IN controversia de Regia fundatione Ecclesiæ S. Antonii Viennensis, instituta per Fiscum, duo potissimum sunt perpen-
sa; primo consensus Historicorum omnium, tradentium hanc Ecclesiam a Neapolitanis Principibus fundatam esse; deinde nominis Andegavenfis arma pluribus memoratæ Ecclesiæ locis affixa.

Quod ad primum, magni momenti visa sunt Petri de Stephano, & Aloysii Contarini antiquorum Scriptorum testimonia, quorum alter anno 1560. alter vero anno 1569. ex instituto recensentes nedum sacra loca Neapolitana, sed & eorum fundatores, memoriæ tradiderunt, Ecclesiam Sancti Antonii Viennensis fundatam fuisse a Principibus Andegavensibus.

Proximus his fuit Joannes Antonius Summontius, Scriptor & ipse Sæculi XVI., qui duobus historiæ suæ locis accuratius docuit, præter Ecclesiam, domum etiam hospitalem extructam, & utriusque fundatriem Reginam Joannam I. Andegavensem diserte memoravit. Cum
lis sue concors Cæsar Engenius, qui Sæculo XVII. res pa-

patrias litteris consignavit, controversam Ecclesiam ab eadem Regina extructam, & dotatam posteritati mandavit. Id ipsum tradidit Carolus Celanus Neapolitanæ Ecclesiæ Canonicus, præter Petrum Jannonium, & Presbyterum Neapolitanum Gasparem Torellum in *dissertat. de ortu, & progress. Ordinis Sancti Anton. Viennens.*

Ea porro Canonistarum sententia constans est, patronatus antiquiores Historicorum auctoritate recte probari, modo ii, & antiqui sint, eosque tempus, affectatio, fraus suspectos haud reddat; maxime vero si eandem rem plures, & eodem modo gestam tradaant. Secus enim nil certi quicquam superesset, & humanæ fidei fundamenta subrueret, qui concors Scriptorum testimonium in discrimen adduceret. His autem fundamentis, quoad probationem antiqui patronatus, constat innixas complures Rotæ Romanæ decisiones, præsertim vero *part. 13. dec. 237. num. 9. part. 18. tom. 2. dec. 679. num. 9. 10. 11. part. 14. dec. 306. num. 5.*

Porro, quod ad antiquorum Historicorum fidem in iudiciis, extat definitio Honorii III. in *Cap. cum causam de probation.*, res scilicet antiquas recte probari veterum librorum ope, per famam, & per adminicula id genus alia. Extat & Glossa ipsius juris Pontificii in *d. Cap. cum causam*, sic enim ibi a Glossatore monitum: *Nota ergo, quod scriptura librorum antiquorum facit fidem.* In eamque iverunt sententiam *Card. de Luca de jure patron. disc. 57. n. 13.*, de *præemin. disc. 2. n. 14. & disc. 3. n. 10.*, *Lambertini. de jure patron. lib. 2. part. 2. in 4. art. decimæ quest. princip. n. 13.*, *Cassan. in Catal. par. 10. consil. 46. circa fin.*, *Surgen. Neapol. Illustr. cap. 12. n. 1.*, aliique sexcenti; alterum vero Fisci argumentum majoris adhuc momenti visum. In termino enim probationibus præstituto, per testes, vicosque in eo Auditorum genere peritos, renunciatum est, in ædificio S. Antonii Viennensis Andegavensium Principum arma pluribus in locis inspicere marmore, vel ligno insculpta, in interna, externa Templi fronte, ac pro ipsis Ecclesiæ foribus. Ea res rite adprobata pro Regio patronatu sententiam

ne-

necessario visa est exposcere. Nimirum exploratum est, vetustissimum institutum fuisse illud, legibus Principum, veterumque Patrum consensu firmatum, quo prædiis, seu rusticis, seu urbanis, titulos suos affigebant domini; id certissimum dominii monumentum censuere veteres. Ita eorum affigendorum copiam unis dominis fecere leges. Ad liberalitatem etiam in publicum excitandam id ipsum concessum illis, qui pecunia sua opus aliquod extruxissent, vel ab alio inchoatum absolvissent, *L. 2. ff. de oper. publ.* Porro affixos prædiis titulos, argumentum fuisse dominii ipsi Ecclesiæ Patres & ingenue sunt professi, & veluti certissimam juris regulam passim id prædicant. Hinc Divus Petrus Chrysogonus *serm. 164.* ita profatur: *Dominos prædiorum affixi tituli proloquuntur.* Et Divus Augustinus in *Psalm. 21.*: *Quando aliquis potens invenerit titulos suos, nonne jure suo rem sibi vendicat?* Id autem adeo certum fuit jure civi, ut quemadmodum a proprio prædio privatim dominus detentorem non posset expellere, ita neque proprio prædio per alium inique detento privatim titulos suos ei liceret imprimere, *L. 2. C. ut nemin. liceat.* Id non aliunde cautum, nisi quia privatim sibi dominium vindicare videretur, qui in prædio suo titulos privatim imposuisset; affixi enim tituli, cum possessione dominium transferre, publice credebantur.

Quod autem privati homines, id potiori jure Principes factitarunt; quamplurimis enim juris locis est proditum, Principes rebus suis, seu privatis, seu sacris, titulos affixisse suos, ut ipsorum adpectu res ad Principem pertinentes dignoscerentur, eisque digna principali numine reverentia præstaretur. Hinc privati reperti, qui rebus suis titulos principales imprimerent, seu Regiam tutelam ostentaturi, seu ut prædiis suis reverentiam principalem conciliarent. Eam igitur audaciam impunem non reliquerunt Honorius, & Theodosius, & publicis juribus jusserunt depurari prædia, quibus dominici tituli præscripti forent, *L. 1. C. ut nemo privator.* Constat igitur ab antiquissimis usque tem-

temporibus tam privatos homines, quam Principes ipsos prædia titulis insignire solitos.

Jam vero eorum exemplo, qui opera publica extruxissent, idem quoque juris Christianis elargiri placuit, qui aut Tempia, aut Ædículas de suo fundassent. Ita Ecclesiis quoque tituli inscribi cœpti. Id jus fundatores sacrarum Ædium avidius usurparunt, seu ad munificentie, seu ad quasi dominii ostentamentum; nam sub incunabula patronatus, fundatores Ecclesiarum in eas jure veluti dominii censebantur, nec aliunde fortasse veteres Canones *dominos* fundatores appellant, & Ecclesias ipsas titulorum appellatione designant.

Illud etiam constat, sequioribus Sæculis arma, seu insignia, quæ vocant, in veterum titulorum successisse locum, teste *Surgente in Neap. Illustr. cap. 20. n. 7.*: quod & luculenter adnotavit *Cassan. in Catal. part. 1. conclus. 55.* Ita quemadmodum Christiani veteres Ecclesiis a se constructis titulos suos præfigere solebant, sequioris etiam ævi fundatores Ecclesias a se fundatas familiæ suæ armis insigniebant. Ex veteribus autem Canonibus argumento desumpto, veluti ex compacto statuere Doctores, jus esse fundatoribus Ecclesiarum quocumque in Ecclesiæ constructæ loco arma sua familiaria sculpere, ac pingere. Ea *listras* appellant Gallicani Scriptores. Hinc in armorum, seu listrarum insignibus certissimam foundationis probationem constituere Doctores omnes, quos recenset, & sequitur Franciscus de Roye in *traët. de jurib. honor. lib. 2. cap. 3.* Re autem accurate perpensa, Vir clarissimus ita pronunciat: *Ex quibus omnibus patet, fundatorem intra, & extra suam Ecclesiam listras, quæ loco sunt titulorum, imaginum, & inscriptionum, habere posse, quod est veluti symbolum, & memoria præteriti dominii. Et binc listra per totam Ecclesiam depicta certissime indicat, quis sit ejus fundator, quippe quæ ei soli competat intra, & extra Ecclesiam.*

Illis utique argumentis perpetuo a Rota Romana decisum constat, arma familiæ antiquis Ecclesiæ marmoribus sculpta luculenter probare foundationem, & jus patronatus,

Tom. I. Cur. Cap. Maj.

C

præ-

præsertim vero *part. 1. dec. 13. n. 3. dec. 518. n. 2. part. 2. dec. 374. n. 7. dec. 548. n. 7. part. 9. dec. 115. n. 5. part. 17. dec. 139. n. 5.* Habetur idipsum in Glossa juris Pontificii in *dist. cap. cum causam de probat. verb. per libros antiquos*, & apud Lambertinum, Gratianum, Ripam, Menochium, Rebuffum &c. lisdem pariter argumentis visum est Curie, de Regia S. Antonii Viennensis fundatione constare, & tam Ecclesiam ipsam, quam Hospitalem domum inibi constructam, a Regina Joanna I. fundatam, & dotatam esse; idque præter Historicorum fidem, liquido ostendere Andegavensia, quæ ibi supersunt, arma. Quod probationis genus, utpote a temporibus longe disitis perpetuo permanens, & in oculos omnium incurrens, merito præ ceteris a jure probatur in *L. 10. ff. de probat.*, ubi Marcellus: *Monumenta publica potiora testibus esse Senatus censuit.*

Neque vero ullatenus imminutum in controversam Ecclesiam jus Principis visum est, quia, Ordine Viennensi apud Nos jamdudum abolito, ea subinde commendata fuit. Nam, ut passim in Europa alibi, Patriæ Regni leges, cum reliqua Regalia, tum Regios patronatus præscriptioni subesse non patiuntur. Eo accedit, quod ex uno controversa Ecclesia sine consensu Principis, & contra ipsam Bullam Clementis VII. de anno 1523. ab Ordine Viennensi fuit avulsa, ut commendaretur privatis, commendationis genere apud veteres Christianos ignoto; de ejus Ecclesiæ redditibus æquius melius Neapolitani Reges statuere poterant, novoque pios usus præstituere in eorum locum, qui ex Ordinis abolitione cessaverant. Quæ sane facultas in Ecclesias etiam Principi competit, in quas jure patronatus non utitur. Ea enim insita Principatui est seu ob tutelam Canonum Principi jure Regio competentem, *Can. 20. caus. 23. quass. 5.* seu ob voluntatis commutationem ad eundem Principem unice pertinentem, *L. 4. ff. de administ. rer. ad Civit. pertin.*

His igitur perpenfis, Curia Ill., & Rev. Domini Regii Majoris Capellani hujus Regni, cum voto Domini Regii Consiliarii D. Dominici Potenza Consultoris, censuit, me-

mo-

moratæ Ecclesiæ, juriumque ei hærentium patronatum, vi juris ex fundatione progredientem, ad Regiam Coronam redire oportere; ac proinde inspecta petitione Regii Fisci, fol. 1., inspectisque citationibus per edictum, contumaciis inculatis, fol. 2. & 8.; probationibus factis, fol. 30. ad 38.; relatione Peritorum, fol. 46. ad 51., atque his, quæ pro Regio Fisco sunt allegata, & omnibus actis; ita pronunciavit: *Ecclesiam, sive Abbatiam Sancti Antonii Viennensis extra Portam Capuanam hujus Civitatis a serenissima Regina Joanna I. Andegavensi fuisse fundatam, ac dotatam, eandemque fuisse, & esse juris patronatus sacræ Regiæ Majestatis; ac proinde redintegrandam esse, & redintegrari debere juxta primævam sui naturam juris prædictæ Majestatis, cum omnibus ejus Ecclesiis, pertinentiis, corporibus, redditibus, exemptionibus, jurisdictionibus, dignitatibus, & integro statu; & adnumerandam esse, & describendam inter ceteras Ecclesias, Abbatis, & dignitates Regii patronatus.*

In causa reintegracionis Regii juris patronatus super Abbatia S. Bartholomæi de Carpineto, & S. Maria de Casanova in Provincia Aprutina. Die 23. Decembris 1776.

PER Cæsidium Gualterium, in hærente Fisco, actio instituta fuit, eaque petitum, ut redintegraretur Regius patronatus in Abbatiam S. Bartholomæi de Carpineto, & Abbatiam S. Mariæ de Casanova apud Aprutios, quos vocant hodie, constitutam. In judicio probatum ab actore fuit, prædictam S. Bartholomæi Abbatiam fuisse fundatam anno 962. per Berardum Liuduno prognatum; cum vero Liudunum, ex Dynastis Longobardis unum, toto Pennensi Comitatu late olim imperitasse; Bernardum autem Liuduni filium, sub ipsa fundationis initia, prædictæ Abbatiæ largiorem constituisse dotem; nam, præter alia, ei concessisse Carpineti, Faræ, & Varlezzi Castra; in ea quoque constituisse Ordinis Benedictini Fratres, Abbatem vero Benedictum cognomento renunciasse; eundem a Bernardo jussim

Dos data, edificatio, fundus patronatum constituunt; immo quilibet ex his titulis ad illum constituendum sufficit. Patronatus vero probatio luculenta oritur ex vetustissimis monumentis, & insignibus.

Ecclesiam, & Abbatiam dotem curare; ab eodem Fratribus facultatem relictam, Abbatem in posterum rite cooptandi, ubi primus Abbas fato cecidisset. Omnia isthæc in judicio sunt adprobata, partim ipso foundationis instrumento, partim S. Bartholomæi de Carpineto, & S. Clementis Casauriensis Chronicis.

In judicio quoque constitit, Nortmannos Longobardorum in Regno successores in controversam Abbatiam, ac Monasterium jus patronatus exercuisse liberrimum, dotem etiam auxisse; ubi vero Rogerii Regis opera Regni formam Neapolitanæ Provinciæ induerunt, omnibus patronatus juribus in prædictum Monasterium Neapolitanos Principes non interrupta serie usos esse, utrumque Guilielmum scilicet, Tancredum, Henricum VI. Atque hæc ferme omnia vetustissimo quoque S. Bartholomæi de Carpineto Chronico sunt confirmata.

Quod vero ad Abbatiam Sanctæ Mariæ de Casanova penes Cistercienses olim, ostensum in judicio fuit, eam per Margaritam Loreti, & Conversani Comitissam fuisse fundatam anno 1191, ejusdem foundationem ratam habitam, & numeris omnibus absolutam per ejus filium Bernardum prædictarum Terrarum Comitem majoris ætatis jam factum anno 1210.; eandem vero Abbatiam per prædictam matrem, ac filium Regia fuisse dotatione auctam; ei enim concessa feuda, castra, latifundia ad prædictorum Comitum demania pertinentia. Id apprimè liquet ex veteri confirmationis Diplomate prædicti Bernardi anno 1210. scripto; nam in eo quidem tum prima fundatio, cum dotatio, & insequuta Bernardi Comitis confirmatio apertissime memorantur. Clarius adhuc id constitit per inspectionem imaginis hodieum existentis in Ædícula vulgari cognominato *Regia*, quæ pars veteris Ecclesiæ in præsentī superest: quæ quidem inspectio, & petente actore, & jussu Curie ceptata fuit. In ea compertum scilicet, imaginem exhibere Margaritam, & Bernardum Comites venerabundos ad Beatam Virginem, cum inscriptione: *Mater donavit, filius adprobavit*. Ex fide etiam

veterum Historicorum constitit, prædictum Bernardum Loreti, & Conversani Comitem, unum ex veteribus Principibus Nortmannis, fuisse ex ipso Rege Rogerio per feminam descendentem. Is enim alterius Bernardi traditur fuisse filius, qui fuerat Roberto de Celano prognatus. Hic autem Robertus susceptus fuit a Guilielmo Loreti Comite, & Adelivia, quæ ipsum Regem Rogerium patrem habuit.

Præterea, & illud evictum est, post Nortmannos, & Svevos Principes extinctos sine virili stirpe, Andegavenses Reges in eandem Abbatiam jus patronatus exercuisse. Sane id aperte constitit per inspectionem ipsius Ecclesiæ, in qua adhuc arma gentilia domus Andegavensis, aurea lilia præferentia, in antiquissimis ejus parietibus distinguuntur. Quæ res quidem maximum patronatus est argumentum; neque enim præter patronum quisquam arma gentis suæ in quolibet Ecclesiæ loco potest insculpere, uti perpetuo a Rota Romana decusum, præsertim vero *part. 1. dec. 13. n. 3. dec. 518. n. 2. part. 2. dec. 374. n. 7. dec. 548. n. 7. part. 9. dec. 115. n. 5. part. 17. dec. 139. n. 5. & Gloss. juris Pontificii C. cum causam, verb. per libros antiquos de probat.*

Illud postremo constitit, anno 1591. Regem Philippum II. per literas suas sollicite mandasse ejus temporis Proregi, ut sedulo perquiri curaret patronatus Regni Neapolitani Regios, qui ob iniquiores temporum vices neglecti forent: ex Regiis ea de re codicillis a Protege & Collaterali Consilio, in Regno pridem abolito, Cameram Summarie referre jussam sigillatim de Ecclesiis S. Bartholomæi de Carpineto, & S. Mariæ de Casanova; re per Cameram accurate perpenſa, Proregi relatum, constare de Regia fundatione Abbatie S. Mariæ de Casanova, eique unitam, Abbatiam S. Bartholomæi, quæ Regiam quoque fundationem haberet; id suadere accuratorem inquisitionem ea de re habitam; proinde sibi videri, libere posse Regem eam Abbatiam conferre, cum primum vacaret; & quod interim Regis arma suspenderentur in ipsius Ecclesiæ foribus. Constat autem Regis arma tunc affixa, etiamnum in foribus Ecclesiæ conspici.

Cum

Cum igitur utriusque Abbatiz certissimæ fundationes productæ fuerint, & primorum fundatorum jura ad Regem Neapolitanum redierint, Curia Ill. & Rev. Capellani Majoris censuit, dubitari non oportere de Regio patronatu in utramque Abbatiam. In utraque enim fundacione tituli patronatus omnes conjunctim occurrunt, quorum singuli patronatum gignunt, dos data scilicet, ædificatio, fundus. *Can. filijs 16. qu. 7. cap. nobis 25. de jure patronat. Novel. 57. cap. ult.* Aliunde recepta juris sententia est, quolibet ex prædictis titulo patronatum acquiri, licet is diserte reservatus non fuerit; eundem semel a Principe acquisitum quicumque immemorabili præscriptione amitti non posse; eam juris regulam non minus fori observantia, quam novissimis Regni legibus inniti. Id firmissimum Curiz visum, inspecta rei inquisitione Cameræ jussu ceptata anno 1591., ejusdem Tribunalis relatione, comprobatione Collateralis Consilii, & mandatis exinde datis a Prorege, ut proinde res jam olim judicata videri queat. Censuit igitur utramque Abbatiam per injuriam a Romana Curia unitam, & titulo Commendæ collatam, Principis patronatu neglecto, ad Regiam Coronam redire oportere: qua de re visis petitionibus, & instantia Regii Fisci, fol. 1. & 2., scripturis exhibitis, & testium depositionibus, fol. 13. ad 24., 53. ad 75., ac omnibus actis in duobus voluminibus; cum voto Regii Conf. D. Dominici Potenza ordinarii Consultoris ita pronunciavit: *Abbatiam S. Bartholomæi de Carpineto, & Abbatiam S. Mariæ de Casanova in Provincia Aprutina, alteram a Principibus Longobardis, alteram vero a Principibus Nortmannis fundatam, & dotatam, fuisse, & esse juris patronatus Sacra Regie Majestatis, ac proinde redintegrandas esse, & reintegrari debere juxta primatam earum naturam juribus prædictæ Majestatis, cum omnibus earum Ecclesiis, pertinentiis, granciis, corporibus, redditibus, exemptionibus, jurisdictionibus, dignitatibus, & integro statu, & adnumerandas esse, & describendas inter ceteras Ecclesias, Abbantias, & Dignitates Regii patronatus.*

In causa RR. PP. Basilianorum Monasterii S. Mariae Matris Domini Nuceria Paganaorum, & Regis Fisci, de, & super Regio jure patronatus Abbatis, & Ecclesie S. Mariae Matris Domini. Die . . . Maji 1777.

Basiliani Fratres Monasterii, & Ecclesie, quæ *Mater Domini* vulgo dicitur, ab anno usque 1767., ad judicium provocarunt D. Nicolaum Xaverium Sanctamaria Episcopum Cyrenensem, tunc temporis etiam Abbatem Commendatarium Abbatie Matris Domini apud Nucerinis erectæ. Lis per Basilianos instituta eo collineabat, ut Regio patronatui redintegraretur prædicta Abbatia, quæ diu per Romanam Curiam Commendæ titulo concessa fuerat. Mortuo vero anno 1776. Episcopo Cyrenense, judicium ultra processit, instante quoque Regiæ Coronæ Patrono, contra quoslibet qui sua interesse putarent. Ita actorum solemnibus rite expeditis, & probationibus in termino allegatis, haud semel petitum est, ut controversia definiretur.

In probationis termino ex Regiis literis atque aliis documentis constitit, eo loco olim miraculis inclaruisse imaginem Virginis Matris Domini. Iis tactus Petrus Regina militiam ejuravit, nam per id tempus pro Rege Guilhelmo II. stipendia faciebat, statimque a Romualdo Salerni Archiepiscopo obtinuit facultatem Ecclesie in loco imaginis extruendæ ad Virginis cultum, in qua Fratres accessuri Sancti Benedicti regulam sequerentur, & sanctius Deo præstarent religionis officia. Cum vero Ecclesia fuisset extructa, & complures ad novum institutum amplectendum confluxissent, Petrus Regina, Abbas per eos renunciatus, ægre vitam tolerabat cum suis; nusquam enim fundi aderant, unde alimenta suppeterent. Proinde novus Abbas Guilielmum II. supplici libello adiit, eumque enixe rogavit, ut Regia sua liberalitate consulere egestati tot hominum, qui ejus Ecclesie servitio se mancipaverant. De precibus sibi per libellum oblatis ita in rescripto suo ipse Guilielmus II.,

Quatenus dignaremur circa tantorum famulantium pro eorum

Augmentum dotis, æque ac dos ipsa, jus patronatus tribuit. Dotasse autem dicitur is quoque, qui licet dotis nomine usus non sit, fundos tamen Ecclesie donavit, unde alimenta sumerent Ministri.

Jurisdictionis munus, quo Ecclesia fungitur, Principis concessionem manifestissime indicat; quare & Regium jus patronatus rite, recteque probat.

vite

vitae necessariis providere. Porro rescripto suo Princeps significavit, se Petri desideria lubenter excepisse, quia proclivis erat ad liberalitatem exercendam erga Ecclesias. Quapropter Regiis suis literis 17. Julii anni 1178. concessit Ecclesiae praedictae rustica quaedam praedia, latissime quidem patentia intra territorium Nucerinum & Sarnense, prope Divi Marciani Pagum: eidem quoque concessit jugera quaedam ad *Summae* radices; ut perpetuo ac sine oneribus ea bona ipsius Ecclesiae nomine a praedicto Abbate possiderentur.

In judicio quoque constitit, Fridericum II. Imperatorem Regio suo Diplomate anno 1220. sub tutelam suam recepisse ejus Ecclesiae Abbatem, Monachos, & Monasterium; ipsum etiam concessisse & confirmasse sturtiam & molendinum *Arcupinti*, ut ibi dicitur, & Terras Sancti Marciani, & ad faciendum ibi molendinum, sicut Oddo de Barchicisten Rector Nuceriae in ipso Monasterio obtulerat, & tradiderat. Eodem denique Diplomate Fridericus ratas haberi jussit reliquas donationes, quae praedicto Monasterio factae fuissent, *salvo*, ut ibi legitur, *mandato, & ordinatione nostra.*

Innotuit etiam, eundem Fridericum alio suo Diplomate anni 1234. rursus sub fide & clientela sua suscepisse Monasterium Matris Domini; eidemque iterato confirmasse nedom sturtiam *Arcupinti*, quae dicitur, & ibi pitrinum extructum cum aquis, aquarumque decursu, & praedia omnia a Guilielmo II. concessa; sed & fundum alium, cum praedictis praediis conjunctum, in loco *Filettini*, qui dicitur, pridem Monasterio traditum a praedicto Oddone Nucertino Rectore; & insuper eidem Monasterio concessisse aliam sturtiam haud procul a Pago Divi Marciani sitam, quam a Monasterii vocabulo *Mater Domini* appellavit. Cum vero postea Fridericus ad demanum suum redire jussisset praedium quoddam vulgo dictum *Fusaro*, indemnitas Monasterio servandae causa ei sex uncias annuas a Fisco suo persolvi jussit alio Diplomate, inter probationes allato.

Adprobatum etiam in termino fuit, anno 1268. Carolum

rolum I. Andegavensem sex fundos in territorio sitos Rocæ Pimontis eidem Monasterio elargitum; anno etiam 1415. Reginam Joannam II. jus nundinarum per octo anni dies circa Ecclesiam habendarum Monasterio tribuisse, quas anno 1433. bis per annum haberi concessit, cum opportune jurisdictionis usu. Per alia quoque Diplomata cum prædicta Regina, tum Alphonsus, & Ferdinandus Reges, & bonorum omnium possessionem Monasterio confirmarunt, eique suum Mundiburgium indulsunt.

Præterea ex platea seu censu bonorum ad dictam Ecclesiam pertinentium constitit, prædia hodie, ab ea possessa in Divi Marciani pago, & in Nucerino, & Sarnensi territorio a Guilelmi, & Friderici liberalitate profecta, suorum reddituum partem efficere longe maximam. Ex eadem quoque constitit, ad prædictam Ecclesiam pertinere Vassallos haud paucos, ejusque jurisdictioni subesse. Monstruosum autem in jure est, sine concessione Principis jurisdictionem in alios exercere quempiam.

Porro licet Abbas Commendatarius libello suo *fol. 189.* contenderit, Regium Patronatum nusquam evinci posse, deficiente Regiæ dotationis titulo; ejus tamen oppositionis nulla ratio videbatur habenda. Nimirum Abbatis oppositio eo redibat, Regia Diplomata generatim omnia nullibi dotis mentionem injicere, & speciales dumtaxat largitates suggerere; jus autem non pati, ut sine dotatione quispiam patronatum in Ecclesiam nanciscatur. Cum tamen non oporteat jus calumniari, neque verba captare, sed qua mente quid dicatur, animadvertere, Abbatis argumentum facile explodi queat. Leges scilicet patronatum ei jubent addici, qui dotem Ecclesiæ dederit, nemo tamen inficias iverit dotis vocabulo ea in re contineri prædia, & id genus alia, unde Ecclesiarum Ministris alimenta suppetant. Igitur ad eum quoque patronatus in Ecclesiam pertinebit, qui Ministris prædia concesserit, licet ea dotis vocabulo non designarit. Sane cum rogante Petro Regina, ut Guilielmus Monachorum sustentationi consuleret, prædia supra memo-

Tom. I. Cur. Cap. Maj.

D

rata

rata Monasterio concesserit? dotem ei reipsa dedit, licet vocabulo abstinuerit: dos enim fuit ipsa prædiorum collatio, ex quibus annuam sustentationem Ecclesiæ Ministri perciperent. Hinc cavetur jure civili, ut quoties de actu agitur, qui effectus juris dotationem continet, dotis vocabulum negligi impune possit, sive de constituenda dote agatur, sive de tradenda. Rem apprimè probat Jurisconsultus in L. 23. ff. de jure dot. sic enim ibi: *Quia autem in stipulatione non est necessaria dotis adjectio, etiam in traditione tantundem dicimus.* Eam legem ferme clarius ita vertunt Græci Basilicorum interpretes: *Quemadmodum autem in stipulatione necessario non adjicitur, dotis scilicet vocabulum, ita nec in traditione.*

Ad hæc Canones ipsi patronatum quidem illis addicunt, qui dotem Ecclesiæ constituerint, sed ea in re non dotis vocabulum, sed rem ipsam spectari jubent. Cum enim dos Ministrorum alimenta, & cetera Ecclesiis necessaria, seu ad facta testis servanda, seu ad Dei cultum, complectatur; hinc si qui alimenta Ministris constituerint, & quotidianæ Ecclesiæ necessitati de suo prospexerint, iis Canones patronatum adjudicant, licet in ea re peragenda dotis vocabulum non memorarint. In præsentî controversia decretorius est Canon *Nemo, de consecrat. dist. 1.*, ibi enim dotis mentione susque, deque habita, jure patronatus uti jubentur generatim omnes, qui quotidianæ Ecclesiarum necessitati de suo consulunt, ii scilicet qui ea præstant, quæ ad luminaria, & ad custodiam, & ad stipendia custodum sufficiunt. Ita etiam Justinianus Nov. 57. cap. ult. per ea verba patronatus acquisitionem designavit: *Si quis ædificans Ecclesiam, aut etiam aliter in ea ministrantibus alimenta expendens &c.* Quo loco Justiniani mentem ita enuntiavit in epitome sua Julianus antecessor Constantinopolitanus: *Si quis Ecclesiam ædificaverit, aut Clericis ex substantia sua annonas dederit.* Quod loquendi genus & ipsi profani Scriptores usurparunt, ut in Aureliano Vopiscus: *Templum solis fundavit, & Pontifices roboravit: decrevit etiam emolumenta factis testis, &* *Mi.*

Ministris: idest, ut ait Salmasius in eum Vopisci locum: *salaris & redditibus optimis annuis eos distavit, & munivit.*

Ex dictis liquet, ob Guilelmi II. liberalitatem in primæva illa dotatione jus patronatus in controversam Ecclesiam Regibus Neapolitanis fuisse quæsitum. Quod vero ad ceteras largitates juniorum Principum Neapolitanorum superius memoratas, eæ & primam ejus Ecclesiæ dotem auxerunt, & tanquam ab eadem manu Regia promanantes jus Neapolitanorum Regum vehementius confirmarunt. Dotis enim augmentum eodem cum dote jure censi debet per *L. 8. C. de jur. dot.*; & ex Concilio Tridentino *sess. 14. cap. 12. de Reformat.* novum gignit patronatus titulum, ibi enim habetur, patronatum acquiri non posse, nisi ab eo, qui Ecclesiam construxerit, seu jam erectam, quæ tamen sine sufficiente dote fuerit, de suis propriis & patrimonialibus bonis competenter dotaverit. Et apertius *sess. 25. cap. 9. de Reform.*, quo loco sermo est de jure patronatus acquisito, vel acquirendo, seu ex augmento dotis, seu ex nova constructione, vel alia simili causa.

Quamvis autem post Reginam Joannam II. nullæ aliæ largitates controversæ Ecclesiæ per Principes Neapolitanos factæ sint allegatæ; cum tamen & ex Ecclesiæ platea, & ex possessione constet, prædictæ Ecclesiæ & olim fuisse, & in præsentî Vassallos esse, in eosque jurisdictione uti; sat inde liquet, per juniores Principes eidem Ecclesiæ alias quoque concessionem fuisse factas. Nam neque Vassalli, neque jurisdictio a privatis hominibus concedi potest. Ea autem jurisdictionis concessio non solum evincit, alia etiam ejus Ecclesiæ bona a manu Regia profecta fuisse, sed & singulari curæ Principibus Neapolitanis fuisse, ut Ecclesia isthæc decoraretur.

Exploratum vero in jure est, cum dotem, tum dotis augmentum jus patronatus asserre, licet illud diserte non reservetur. Rem ita definit ipse Clemens III. *cap. 25. de jure patron.* Apertius quoque ea de re loquitur Glossator ad *Can. 79. dist. 1. de consecr.*, sic enim ibi: *Jus patronatus*

ipſo jure debetur, etiamſi non petat, vel in paſſum deducat. Id non ſolum ratio juris jubet, ſed æquitas ipſa ſuadet. Jus enim patronatus dotantibus neceſſario deferendum fuit, ut mutuum officium exercere videretur Eccleſia adverſus eos, qui ex ſubſtantia ſua dotem Eccleſiis conſtituerunt. Quod vero privatis non denegatur, potiori jure Principibus concedi debet. Si enim de Principibus agatur, jus patronatus pars juris Majeſtatici cenſeri debet. Inde factum, ut in Provinciis Catholicis generatim omnibus Principum patronatus præſcriptione, aut inuſu amitti nequeant. Eo autem jure & in Regno Neapolitano utimur.

Cum igitur ex controverſa Abbatia expulſi fuerint Benediſtini Fratres, pro quibus ea ab initio fundata fuerit; cum deinde eadem per Curiam Romanam perſonis ſit commendata, quæ redditibus corradendis unice intentæ, Monafterium & Eccleſiam ſatiſcere, & pene corruiere ſunt paſſi; cum vero poſtea Commendatarii in eandem Abbatiam induxerint Fratres Baſilianos, variis paſſis in introductione conventis, atque ea potiſſimum lege, ut pene omnes Abbatie redditus Commendatarii ſibi retinerent: ea quidem omnia ſine conſenſu Principis ita acta, tranſacta, abuſiva cenſeri debent, neque ejuſmodi auſus juri Majeſtatis præjudicium creare potuerunt. Quapropter & Abbatiam, & Eccleſiam, & Monafterium ad Regium patronatum redintegrari oportere, Curia Ill. & Rev. Capellaniſ Majoris cenſuit; atque viſis Regalibus reſcriptis, fol. 36., & 308.; libellis, fol. 185. 194., & 351.; allegationibus, fol. 316.; iſtantiis Regii Fiſci, fol. 196. a 1., & 350.; Regiis Diplomatiſ in ſeparato volumine, & omnibus actis; ita pronuntiavit, cum voto Domini Regii Conſiliarii D. Dominici Potenza ordinarii Conſultoris: *Abbatiam, & Eccleſiam cum Monafterio ſub titulo Matris Domini in territorio Nucerino, ſtanſibus epimiſ dotationibus prædeceſſorum Regum hujuſ Regni, fuiſſe, & eſſe juris patronatus Sacræ Regiæ Majeſtatiſ, ac proinde redintegrandas eſſe, & redintegrari debere juxta primævam earum naturam juriſ prædictæ Majeſtatiſ cum omni-*
bus

bus earum Ecclesiis, pertinentiis, corporibus, redditibus, exemptionibus, jurisdictionibus, dignitatibus, & integro statu; & adnumerandas esse, & describendas inter ceteras Ecclesias, Abbatias, & dignitates Regii patronatus.

In causa Rev. D. Hyacinthi de Ambrosio, cum Rev. D. Francisco Xaverio Casaro, & Episcopo Neritonensi, de, & super Regio jure patronatus Ecclesiæ Cupertini. Die 9. Septembris 1777.

Curia III. & Rev. Capellani Majoris sua sententia diei 14. Augusti anni 1775. declaravit: Ecclesiam Majorem, seu Collegiatam Terræ Cupertini fuisse, & esse Regii juris patronatus; reintegramque propterea eam esse jure Majestatis, cum omnibus ipsiusmet corporibus, pertinentiis, juribus, actionibus, præminentiiis, jurisdictionibus, jure nominandi, seu potius præsentandi, roties, quoties casus vacationis contigerit; registrandamque, seu describendam proinde fore in libris ejusdem Curie. Quoad vero qualitatem, seu præminentiam Nullius Diocæseos ipsius Ecclesiæ, per eandem Curiam, Partibus plenius auditis, providendum fore, fol. 488. & 489. Appellatione adversus sententiam prædictam per Rev. Episcopum Neritonensem proposita, fol. 493., Regali diplomate diei 25. mensis Novembris ejusdem anni designatus fuit quond. Regius Consil. Marchio Spiriti Judex appellationis, fol. 495. perque obitum ipsius, mihi (Reg. Conf. D. Basilio Palmieri) præfatæ appellationis examen commissum est. Inspectis itaque omnibus actis, & Regali rescripto diei 1. mensis Februarii præsentis anni, fol. 497., Partibusque auditis, earumque Allegationibus sedulo perpensis, atque consideratis, censendi definitioque, bene, jure, recteque sententiatum per prælaudatam Curiam fuisse; abs re, maleque appellatum per Rev. Episcopum Neritonensem.

Confirmatur sententia Curie, quæ ex præsumptiva probatione declarata est Ecclesiæ Cupertini Regii jure patronatus.

Enim vero præter rationes in præfata sententia pro firmando Regio jure patronatus supradictæ Majoris, seu Collegiæ Ecclesiæ Terræ Cupertini optime exaratas, per pensæque, indubitati juris prorsus est, jura patronatus ad-

eorundem probationem necessario non requirere foundationum tabulas; verum illa signis, insignibus, seu armis, inscriptionibus, & ut verbo uno absolvam, titulis, ceu viri eruditi ajunt, demonstrari posse; ipse namque Innocentius III., qui, ut loquitur Alteserra, fuit Jurisconsultorum Jurisconsultissimus, paræmiam hanc Canonici juris profecutus fuit; etenim licet Miles de Tigné foundationis tabulis Parochialis Ecclesiæ de Tigné careret, jusque patronatus ejusdem Ecclesiæ sibi competere, pertinereque contra Capitulum Cathedralis Ecclesiæ intenderet, non abnuuit Innocentius III. jus patronatus illius Ecclesiæ Parochialis Militi adscribere, atque addicere, ex eo quia Ecclesia in Villa ipsiusmet militis extructa, atque fundata extabat, ut ex *Epistola* 123. lib. 3. registri ejusdem Innocentii visitur. Verum enim vero profunt instrumenta, seu foundationum tabulæ ad majorem rei gestæ probationem; monet namque Argentæus lib. 1. *Historiæ Britannicæ* cap. 9. quoties desint juris patronatus tabulæ, Clericos beneficiorum acceptorum facillime immemores, ad illud obstinate, perfrecteque negandum, & contendendum esse procliviores.

Insignia igitur, seu arma, titulosque alicujus familiæ cuicumque Ecclesiæ, vel Monasterio adpicta, insculptaque, veluti tesseram juris patronatus illius Ecclesiæ, vel Monasterii ipsius familiæ agnoscere non abnuunt iidem prætense liberæ beneficiorum, Ecclesiarumque collationis assertores, inter quos Cardinalis quond. Gabriel Palæotus Archiepiscopus Bononiensis Ecclesiæ in Opusculo *de Imaginibus* lib. 1. cap. 48. ait, insignia familiarum in ipsas Ecclesias admitti, insculpique, ut inde patronatus jura probentur, tucanturque; nam secus temporis diuturnitate obliterarentur, doperderenturque.

Neque alio abiit clarissimus Martinus Magerus in percelebri Opere *de Advocatia armata* cap. 18. n. 104.; inibi enim docet, etiam si insignia Ecclesiis adposita reputandas esse probationes præsumptivas juris patronatus; attamen non secus illa adpingi, atque insculpi consuevisse, ne temporis lapsu,

lapsu, atque diuturnitate tale familiarum jus patronatus obliteretur; esseque insignia veluti signa quædam, litterasque hieroglyphicas breviter, & compendiose demonstrantes, quod non videtur, & in memoriam ejus, qui quidpiam egregium, & præclare gessit, adposita. Quodque præsertim omnis dubitationis expertus est, si insignia Ecclesiis vel Monasteriis affixa illius sint, qui jurisdictionem territorialem in loco, ubi Ecclesiæ, vel Monasteria visuntur, habuit; evidentissime enim tunc ex illis signis dignoscitur, dominum territorialis jurisdictionis dominium Ecclesiarum, Monasteriorumque habuisse, ejusque insignia insculpi curavisse, ne deinceps a dominio constructoris, seu fundatoris, ejusque heredum, successorumque auferantur; serveturque in posterum, quod Canonici functionibus statutum legitur, nefas esse Monasteria, Ecclesiasque auferri a dominio constructoris, ut ex *Canone 21. Concilii Romani anni 816. sub Eugenio II., confirmato per Leonem IV. ann. 853.,* observare est apud Labbeum *tom. 9. Conciliorum pag. 1124.,* licet Gratianus eum non integrum referat in *Canone Monasterium 33. caus. 16. question. 7.*

Adnotavit quoque eruditus vir Theodorus Hopingius in *Opere de insigniis, sive armorum prisca, & novo jure cap. 10. de rebus, & locis, in quibus insignia pinguntur, & suspenduntur n. 31.* Consuetudinem pene omnium receptam esse, adponi, & insculpi insignia Ecclesiis, ad excitationem (verba sunt laudati Auctoris) & incitamentum exornandarum adium Sacrarum, & firmandi patronatus tituli fidem. Atque ut res breviter perstringatur, nemo tam eruditorum virorum, quam etiam Pragmaticorum omnium diffusetur, insignia, seu arma, vel titulos Ecclesiis, Monasteriisque affixa, certam patronatus juris tesseram esse illius familiæ, cujus insignia, seu arma, vel listræ, & tituli sunt, quod etiam conjicere ex *Novella 67. Justiniani Imperatoris* hæcbit.

Hæc igitur animadversione adhibita, cum in facto dubitari nequeat, Ecclesiæ Collegiæ, seu Majori Terræ Cuperini usque in præsentiarum, insignia, seu arma sacrosissi-

mo-

morum hujus Regni retro Svevorum Regum insculpta, vel adpicta conspici; hinc certo certius affirmari necesse est, firmiterque tenendum, Ecclesiam prædictam fundatam, dotatamque fuisse vel per Manfredum Regem, vel prædecessores de præclarissima Svevorum familia Reges.

Insuper addendum est id quod firmo stare talo docent viri eruditi, interque hos Antonius Faber *lib. 1. Codicis tit. 2. de fin. 48.* Theodorus Reinkingk *de regimine seculari, & Ecclesiastico lib. 3. classe 1. cap. 9. n. 45.* alique, Monasteria, Ecclesiasque in Principis territorio extructas, in dubio præsumi fundatas, dotatasque per ejusdem territorii Principem, majoresque suos; propterea ait prælaudatus Martinus Magerus *de Advocatia armata cap. 18. n. 25.* Principes, Reges, alioque magnatum status, juris præsumptione fundatam habere intentionem, Ecclesias in eorum territorio sitas, per prædecessores eorum fundatas, dotatasque fuisse. Ratio autem jure optimo deducitur ab his, quæ Guillelmus Benedicti adnotavit in *Cap. Rainutius de testament.* in verbo *& uxorem, decis. 1. n. 24.* videlicet, beneficia non nasci, sed fieri, proindeque ea omnia præsumi patronata; hocque etiam monet clarissimus vir Franciscus de Roye, juris patronatus scientiæ apprimè peritissimus, in *Prolegomenis ad tit. de jure patronatus cap. 15.* Et jure quidem merito, nam si Ecclesiæ, beneficiaque non nascuntur, sed fiunt, hoc est, ni per aliquem ædificantur, fundenturque, & dote congrua pro earum sustentatione, & divinorum officiorum celebratione muniantur, in rerum natura minime existere posse certum est; ex hac ipsa Ecclesiarum, beneficiorumque fundatione, atque dotatione jus patronatus oriri in propatulo est, prout ipsemet Pontifex, sive sit Alexander III., sive Clemens III., ut alii putant, statuit in *Cap. Nobis 25. Extra de jure patronatus.*

Nec obstaculum aliquod facessit id, quod Canonistarum, sive potius Decretalistarum vulgus magno clamore blaterat, videlicet, ex eodem *Cap. Nobis 25.* denegari in Ecclesiis Collegiatis, atque Conventualibus jura patronatus

ex

ex sola fundatione, & dotatione; sed perneceffe requiri in limine fundationis expreffam eorundem jurium refervationem ab Diœcefano approbatam . Parvi faciendum namque eft ludicrum hoc figmentum , tum quia jure veteri prorfus incognita fuit hujusmodi refervatio, ut liquet ex *Canone 21. fupralaudati Concilii Romani anni 826.*, & ex *Canone Abbatem 4. cauf. 18. qu. 2.* tum etiam quia, uti monent Carolus Molineus, Francifcus Florens, Francifcus de Roye, aliique viri eruditi in *notis ad idem Caput Nobis 25.* minime de Principum, ceterorumque præclariffimorum hominum fundationibus Pontifex in præcitato capite oblocutus fuit, ut ex ejusdem verbis liquido inferunt; tum denique, quia, ut optime advertit doctiffimus, clariffimusque nuper laudatus Francifcus Florens in eruditiffimo Commentario ad *lib. 1. Decretalium tit. 6. de electione, & Electi potestate, pag. mibi 151. tom. 1. edit. Parifienfis anni 1679.* Reges Galliæ, Angliæ, Hiberniæ, Siciliæ, Hispaniarumque, neglecto novo Decretalium jure, & præcipue dicti *Capitis Nobis 25.* jus antiquum retinuerunt, præfertim in Prælatorum electionibus, poftulationibus, translationibus, itemque in Epifcopis, Metropolitanis, vel Primatibus instituendis; quodque magis, magisque locum fibi vendicat in Apuliæ Rege, qui ex attestatione Gloffæ in *prin. quæft. 7. cauf. 16. verbo Ecclefias*, per Correctores Romanos non expunctæ, immo ab Gregorio XIII. per Bullam anni 1580. approbatæ, *potest dare Ecclefias, cui vult, præter auctoritatem Epifcopi*, habet collationem omnium beneficiorum in Regno exiftentium.

Ex hucusque prænotatis liquido inferri licet, nefas effe contendere Ecclefiam Majorem, feu Collegiatam Terræ Cupertini fuiffe, & effe Regii patronatus juris; proindeque jure merito reintegrandam Regiæ Coronæ hujus Regni; interque cætera majora jura Majestatis, inque eorundem albo adnotandam, defcribendamque fore, ne in pofterum, ut prælaudatus Argentæus monet, per Clericos beneficiorum immemores iterum denegetur contendaturque, ut ex aliis hujus Regni pene innumerabilibus exemplis, non fine ma-

Tom. I. Cur. Cap. Maj.

E

ximo

ximo cordatiorum virorum conquestu, colligere pariter, ac deplorare licet.

In causa Rev. Canonici D. Angeli Brocchi, & Regii Fisci, cum Reverendiss. Episcopo Aquini possessore super Abbacia S. Petri in Campeja. Die 23. Decembris 1777.

CANonicus Angelus Brocchius anno 1770. ad iudicium provocavit, ut redintegraretur jus patronatus Regium in Abbatiam sub titulo Divi Petri a Campeja, ab Episcopis Aquinatis diu detentam. Eam ob rem citationes per editum adversus eos sunt expeditæ, qui sua interesse crederent. In iudicio adfuit hodiernus Aquini Episcopus contendens, actorem iudicio arcendum, quia ejus actio omni juris specie destituebatur. Ea de re Rex augustissimus interpellatus, iusto iudicio decerni iussit literis suis ejusdem anni sub die 28. mensis Aprilis. Ita & ad producenda documenta sua Aquinati Episcopo concessæ dilationes, & ad probationes venire iussæ sunt partes in termino litigantibus indulgeri solito. Iudicio rite ordinato, tum prælictus Brocchius, tum Regius Fiscus exposcunt, ut Abbatia cum ipsa ejus collatione faustissimo Regi nostro restituatur. Contra Episcopus Aquini petit, ut ab injusto iudicio absolvatur.

Principio scripturis allegatis adprobatur est, inclinante Sæculo XVI., cum Abbatia, de qua agitur, ad Regium patronatum pertineret, quemdam audacissimum Episcopum Aquinatem clandestinos libellos offerri curasse; in eis Pontifici exposuisse, Episcopales suæ Mensæ redditus tenuis esse, & ab eodem petiisse, ut suæ Mensæ adjiceretur Abbatia Divi Petri a Campeja, curæ ecclesiasticæ, & conventus expers; eundemque Episcopum dolose reticuisse, in eam Abbatiam jus patronatus Regi competere, aut saltem ab ipsius Regis Ferdinandi temporibus ejus conferendæ possessionem penes Regem Neapolitanum fuisse. Ita quidem Aquini Episcopus petitam unionem a Pontifice obtinuit, & Abbatiam occupavit. Rescriptum vero Pontificium neque qui-

quibus oportebat exhibuit, neque placetandum curavit. Nec insuper unus ex Regiis Ministris extitit, qui Episcopi facinus impediret, aut adversus cum irrogaret audaciæ summâ pœnas.

Quod autem Abbatia Divi Petri a Campeja ad Regium patronatum pertinuerit, ex productis documentis clarissime evincitur. Primo enim ex illis constat, non amplius in prædictæ Abbatie Cœnobio versantibus Fratribus Benedictinis, literis suis 31. Maji anni 1484. Regem Ferdinandum declarasse, a pluribus retro annis se contulisse beneficium Divi Petri a Campeja Petro Dogna Cantori suo, ad Regiæ Capellæ suæ patronatum pertinens: graviterque se ferre, ob Cantoris absentiam ejus beneficii redditus multum detrimenti cœpisse. Proinde idem Ferdinandus demandavit Hieronymo Canaletto, ut beneficio restitui curaret bona omnia, fructus, & redditus; futuras exactiones pro Fisco Regio fieri mandatum; si quid autem solutum esset inter Cantoris absentiam, id ipsius Regii Fisci nomine condici jussum, eique restitui.

Præterea constat, post annum 1484. ab eodem Rege eam Abbatiam Joanni Paulo Bonifacio fuisse collatam. In compertis est enim, ultro ea se abdicasse Paulum Bonifacium; die autem 5. Junii 1506. Consalvum Cordubensem, Ducem cognomento Magnum, vacantem Abbatiam vice Regia contulisse Clerico Bernardino Bonifacio, addito, eam Regiæ collationis esse. Liquet etiam, die 20. Januarii anno 1512. Franciscum Remulines, Legatum, sive Locumtenentem generalem in Regno, Surrenti Cardinalem, eandem Abbatiam Bernardini morte vacantem Ferranti Bonifacio concessisse: die quoque 12. Augusti 1520. Proregem Raymundum de Cardona eandem Ferrantis morte vacantem contulisse Scipioni Bonifacio; die etiam 15. Februarii 1531. Cardinalem Pompejum Columnam eandem Abbatiam morte Scipionis vacantem dedisse Hieronymo Spes, juxta litteras Caroli V. signatas die 22. Decembris 1530. Sed & die 27. Aprilis anni 1554. Cardinalis S. Balbinus Petrus

Pacecco Locumtenens in Regno generalis contulit Alphonso Villalopez eandem Abbatiam vacantem obitu Cæsaris Vicedonii. Die quoque 31. Martii anni 1569. Prorex Parafan de Ribera concessit Octavio Floccari eandem Abbatiam vacantem morte Bernardini Coxe, qui auctoritate Principis eam fuerat affectus. Præterea die 23. Decembris anni 1579. Prorex Joannes de Zunica Petreperfiæ Princeps contulit Evangelistæ Scalpello eandem Abbatiam, de qua ultro se abdicarat prædictus Octavius. Tandem die 14. Novembris anni 1591. Prorex de Zunica Mirandæ Comes concessit Joanni Sabater eandem Abbatiam jam vacantem post obitum prædicti Evangelistæ. In omnibus autem concessionibus hætenus enarratis illud singulare est, quod in eis diserte memoratur, Abbatiam Regiæ collationis esse.

Jam vero post vetustiores Canones ipsa Tridentina Synodus definivit, *sess. 25. cap. 9.*, si de beneficiorum fundatione non liqueat, *ex multiplicatis præsentationibus jus patronatus recte probari*. Quis igitur in dubium revocare auserit jus patronatus Regium in Abbatiam Divi Petri a Campeja? Id enim juris Principi asserunt ipsæ duodecim collationes per Neapolitanos Principes non interrupta serie concessæ. Tot enim collationes controversæ Abbatæ per eos factæ inveniuntur a Regis Ferdinandi Regno ad annum usque 1597., quo per summam injuriam a patronatu Regis ea fuit avulsa. Quod si Concilii Tridentini superior definitio in privatorum patronatibus adprobandis in foro passim admittitur, potiori jure admitti debet in confirmandis patronatibus Principum, a quibus præsumendum est, Ecclesias, & Monasteria fundata esse, & quorum jura per alienam fraudem sæpe sunt intercepta.

Porro alio adhuc argumento evincitur, controversam Abbatiam ad jus patronatus Regium pertinere. Regiis scilicet Philippi II. codicillis cautum fuerat, in unum librum conferri Ecclesias generatim omnes, in quas Regius patronatus ei competeret. Id executioni mandatum per Regiam Cameram, quæ exquisitissime investigavit id genus Ecclesias,

ut

ut ad Principem alibi agentem earum censum transmitteret. In relatione autem ad Proregem missa anno 1566. inter Regii patronatus Ecclesias Abbatia etiam Divi Petri a Campeja adnotata fuit. In registris quoque Ecclesiarum ejus generis per Regiam Cameram institutis ann. 1591. 1592. & 1593. perpetuo descripta fuit Abbatia isthæc cum redditibus suis, qui per id temporis ad annuos ducatos centum sexaginta sex pertinebant.

Cum igitur statim post annum 1594. controversa Abbatia per fraudem sit occupata, quo tempore justa ejus possessio cum patronatus exercitio ad Principem pertinebat: ejus autem occupatio dolo malo contigerit; nil quicquam impedimento esse potest, quominus ejusdem patronatus Coronæ Regiæ restituatur, cujus jura quacumque temporis præscriptione leges non patiuntur imminui.

Neque vero ulla ratio eorum videbatur habenda, quæ regerebat Aquini Episcopus. Quod enim dicitur, in registro taxationum Cameræ Pontificiæ ann. 1314. Abbatiam Divi Petri a Campeja de Ordine Benedictino fuisse taxatam in florenis trigintatribus, & una tertia; in registris etiam obligationum Cameralium, quæ in Archivo secreto Vaticano asservantur, inveniri, Abbates Divi Petri a Campeja ann. 1344. 1377. 1389. & ann. 1459. promississe *pro suo communi servitio florenos trigintatres, & una tertia, & quinque servitia familia consueta*: id quidem refertur ad tempus, quo Monasterium extabat, extabant etiam Abbates regulares. Per id autem temporis quo jure, quaque injuria Fiscus Pontificius ab iis omnibus collationes exigebat?

Futile quoque videri debet argumentum desumptum ex registro epistolarum Apostolicarum in eodem Archivo Vaticano secreto asservato. Inde scilicet liquere, ait Episcopus Aquini, Clementem VII. ann. 1345. literis suis Avinionem expeditis, Campejensi Abbate mortuo, dispositioni Sedis Apostolicæ reservasse electionem idoneæ personæ, quæ Campejensi Monasterio præsideret: ei vero regendo Pontificem destinasse quemdam Nicolaum Andream, qui eam Ab-

ba-

batiam flagrantissime concupiverat. Id enim referri quoque debet ad tempus, cum existeret Monachorum Conventus, & Abbatis electionem a Fratribus fieri oportebat. Ea autem reservatio, & Abbatis destinatio a Pontifice facta, ut gratificaretur ambizioso homini, juris Canonici fundamenta subvertebat; quin haud facile definiri queat, num reservatio isthæc & Abbatis destinatio a Pontifice facta executionem in Regno obtinuerit. Verosimilius videri debet, Pontificiam ea de re Bullam fuisse exitu inutilem. Sane in aliis vacationibus numquam in posterum reservatio isthæc Abbatis executioni mandata fuit. Neque enim ejus executionis vestigia nquam occurrunt.

Quod autem ex ejusdem Archivi secreti Vaticani registris ostendit Aquini Episcopus, Pontificem Pium II. literis Mantuæ expeditis idem Monasterium commendasse, vacans per obitum Petri Alabastrieri, in favorem cujusdam Stephani de Comitibus; quod etiam verba Pontificis eam facultatem sibi asserentia producit ex ejusdem Pii Bulla, sic enim ibi: *Romanus Pontifex, cui Ecclesiarum, & Monasteriorum omnium sollicitudo incumbit, illorum prout potest dispensatis obviat, & de ipsorum regimine, prout temporum, & personarum qualitates exigunt, nonnumquam disponit, eisdemque personis providet, sicut illorum statui, & necessitati conspiciat expedire*: quod ita præfatus addit Pontifex *providere se velle tam eidem Monasterio de Gubernatore utili & idoneo, quam dilecto filio Stephano de Comitibus de aliquo subventionis auxilio*: quod indidem quoque probat mandatum Episcopo Verolensi, ut si nondum Campejenfis Monasterii Abbas designatus esset, id commendaret Stephano de Comitibus ea lege, ut ibi existentium Fratrum numerus non posset imminui; de redditibus vero, qui ex Monachorum alimentis superessent, arbitrio suo statueret: quod adhuc ostendit, Paulum II. anno 1466. ob mortem prædicti Stephani *infra diem unam ab Urbe Romana commississe Vicariis Segnenfis, & Aquinatis Episcopi, ut commendarent Monasterium Divi Petri a Campeja Joanni de Comitibus Segnenfis Diocesis Clerico, eadem*

dem quoque lege, ne Fratrum, *si qui ibi existerent*, numerus imminueretur (jam enim pro solito commendationum effectu Monasterium dissolutum fuerat): quod ex eodem Archivio quoque confirmat, ob renunciationem prædicti Joannis, Sixtum IV. anno 1475. concessisse idem Monasterium Commendationis titulo Georgio de Rovere Anagninensi Canonico., in concessione aperte per Pontificem addito, *se commendare prædictum Monasterium, quod Conventu caret*, utpote Monasterio jam dissolutum; quod denique ostendit Aquini Episcopus, anno 1487. Innocentium VIII. idem Monasterium per mortem prædicti Georgii vacans contulisse Stephano de Urzellis, cum eadem declaratione, illud Conventu carere: ea quidem omnia ejusmodi sunt, ut ad Episcopi Aquinatis jura tuenda nullatenus attineant.

Nimirum quæ congerit memoratus Episcopus eo aptissime pertinent, ut ostendant, quibus initiis dissolutum sit Monasterium Divi Petri a Campeja. Sane eo commendationis genere invidiæ pleno, & veteribus Christianis ignoto, Monasterii redditus Abbatis Commendatarii deprædationibus fuerunt exposita. Ita, Fundatoris pia mente neglecta, Monasterii dissolutio, & Monachorum segregatio evitari non poterat. Neque enim tenuitas illa reddituum suffectura erat & Monachis sustentandis, & aviditati Abbatum explendæ. Hoc autem dempto, Monasterii scilicet dissolutione ob Commendatariorum supervenientiam, in comperto est, ceteras omnes Pontificias provisiones effectum in Regno non fuisse consecutas. Neque aliunde ratio reddi potest, cur Abbates per Pontificem renunciati, tam frequenter Abbatia Campejensi se abdicarunt, & post resignationem alterius, Abbatia statim alteri commendata fuerit. Per id scilicet temporis videbat Ferdinandus in Monasterio Monachos amplius non versari; ejus autem redditus a Pontificio Commendatario per summam injuriam absumi, deglutiri. Res igitur eo redierat, ut ex veteri instituto Abbatis electio fieri non posset. Ita opportunissimum censuit jus patronatus Regium in Ecclesiam, & Monasterium desertum exercere per ejus collatio-

tionem factam Petro Dogna Cantori suo. Ita coherent omnia, & tot Ecclesiæ, & Monasterii vices facile intelliguntur.

Sane si recte rationes in eas, Monasterii dissolutio commendationem a Pontifice captatam statim est consequuta. Id & in aliis commendationibus a Pontificibus fieri solitis frequenter contigit, & superius exposita rei series in hoc quoque Monasterio factum evincit. Ea commendatio primum concessa fuit Stephano de Comitibus anno 1459., quo tempore Monachi in Monasterio adhuc agebant: commendatio ea lege facta, ne Monachorum numerus imminueretur. Eadem deinde commendatio concessa Joanni de Comitibus anno 1466. Jam prior Abbas, quæ ejus fortasse fuit aviditas, Monachos, aut omnes, aut partem certe maximam expulerat. Proinde in altera commendatione Joanni concessa in Bulla additum fuit, ut Monachi non imminuerentur, *si qui sunt*. Ad id autem tempus referri debet Ferdinandi collatio, quam ejus Regiæ literæ exhibent anni 1484. Sic enim ibi: *Nui intendimo, che li frutti, ed introiti spettantino al Beneficio de S. Petro de Campea per la absenzia de Donno Petro Dogna Cantore nostro, al quale più anni sò conferivmo detto Beneficio, per essere jus patronato della nostra Cappella, sono quasi dispersi, annichilati, & indebite alienati in potere de multe persone, lo che ne dispiace grandemente per lo interesse de nostra Corte*. Si enim per Ferdinandum collatio facta fuerat diu ante annum 1484., sat inde liquet, eam ad tempus Joannis de Comitibus referre oportere. Quoniam vero eodem anno in manu Regiæ Abbatia erat, & mox insequentis temporibus adhuc in Regis arbitrio fuit, ut constat ex perpetuis collationibus per Principes Neapolitanos factis ad annum usque 1591.; inde sine dubio deduci debet, collationes per Pontifices factas seu Joanni de Comitibus, seu Georgio de Rovere anno 1478. sive Stephano de Uzellis anno 1487. alteri per resignationem alterius, & nunquam executioni fuisse mandatas, & exitu fuisse inutiles. Cum enim Abbatia foret penes Abbates a Principe renunciatos,

ec.

eodem tempore penes Commendatarios Pontificios ea esse non poterat .

Postremo perperam Aquini Episcopus in hoc argumento se tuetur exoleto præscriptionis effugio . Vulgatum est, jura Majestatis, inter quæ Regii quoque patronatus referri debent, ne millenariæ quidem præscriptioni subesse. Id juris publici principium passim ubique obtinet, & pluribus augustissimi Ferdinandi rescriptis est confirmatum .

Cum vero irrita ab initio fuerit controversæ Abbatiam unio, qua eam Clemens VIII. Aquinati Episcopali Mensæ adnexuit, nullas enim Canones haberi jubent uniones quarumlibet Ecclesiarum, quæ ad alterius jus patronatus pertinent: necessario inde consequitur, Abbatiam Divi Petri a Campeja cum bonis, & omni causa, ad Coronam, unde fuit avulsa, & ad Regium patronatum redire oportere. Cumque ex inveterata consuetudine, ob perpetuas scilicet, & non interruptas collationes a temporibus Regis Ferdinandi ad annum 1591. jus quoque conferendi memoratam Abbatiam, quæ sine cura est, ad Regiam Majestatem pertinnerit: palam est, quo in integro ponantur omnia, jus idem collationis in redintegratione debere comprehendi. Hinc Curia Ill., & Rev. Capellani Majoris inspectis petitionibus, fol. 16., 19., & 53., Regali rescripto, fol. 14., scripturis exhibitis, fol. 7., 8., 10., 11., 41. ad 52., 78., 79., 22. ad 39., 76., 94. ad 106., decreto termini, fol. 59., articulis, fol. 88. ad 90., testium depositionibus, fol. 107. & seq., ac omnibus actis; ita pronunciavit, cum voto Domini Regii Consiliarii D. Dominici Potenza ordinarii Consultoris: *Abbatiam Sancti Petri de Campeja in Diocesi Aquinatenſi fuisse, & esse Regii patronatus, ac proinde redintegrandam esse, & redintegrari debere juribus Majestatis, cum omnibus ejus bonis, juribus, redditibus, Ecclesiis, Granciis, & cum jure collationis, & integra causa; eandemque Abbatiam describendam esse, & describi debere inter ceteras Ecclesias, & Abbatias Regii patronatus, oppositis ex parte Rev. Episcopi Aquinatenſis non obstantibus.*

Tom. I. Cur. Cap. Maj.

F

In

In causa inter Ill. Marchionem Pescopagani, & Eminentijs. Cardinalem D. Petrum Passi. Die 7. Januarii 1779.

Regil juris patronatus Abbatia declarata, ejusdem juris censetur *Grancia*, sive membra illius.

Cum a nostra Curia fuisset declaratum, Abbatiam S. Laurentii in Tufara, fuisse, & esse de Regio jure patronatus mediato, & annexo feudo Pescopagani, idemque jus comperit, & competere Baroni dictæ Terræ; ideoque hodiernum ejusdem Terræ Marchionem manutenendum esse, & quatenus opus, reintegrandum in possessione juris nominandi ad dictam Abbatiam: instituit exinde dictus Marchio, inherente etiam, & instante Fisco Regalis Coronæ, ut pariter declararetur, Ecclesiam S. Mariæ della Mattina Terræ Andrettæ, ac Ecclesiam S. Nicolai Terræ Caletri, cum earum redditibus, juribus, & pertinentiis, fuisse & esse *Grancias*, sive membra ejusdem Abbatie S. Laurentii in Tufara. In ea facti questione memoratus Marchio protulit hujusmodi per lucidas probationes. Instrumenta scilicet locationis reddituum integræ Abbatie S. Laurentii in Tufara de anno 1571., & de anno 1603., in quibus disertis verbis comprehenduntur redditus duarum *Granciarum* S. Mariæ della Mattina Terræ Andrettæ, & S. Nicolai Terræ Caletri, utpote ad eandem Abbatiam pertinentes: relationem anno 1632. ab Archiepiscopo Terræ Andrettæ scriptam ad Archiepiscopum Complanum, cum descriptione Ecclesiarum in ea Terra existentium, in qua retulit, inter alias, Ecclesiam S. Mariæ della Mattina *Granciam* Abbatie S. Laurentii in Pescopagano de jure patronatus familie Gesualdo: visitationes anno 1644. & anno 1654. peractas ab Archiepiscopis Complanis, in quibus relatum fuit, Ecclesiam S. Laurentii de Tufara habere aliquas *Grancias*, videlicet, Ecclesiam S. Mariæ della Mattina Terræ Andrettæ, & Ecclesiam S. Nicolai Terræ Caletri: ac demum inscriptionem anno 1664. in marmore sculptam in Ecclesia S. Mariæ della Mattina Terræ Andrettæ, qua memorie proditum fuit, quod Cardinalem Ludovicum Abbatem S. Laurentii in Tufara restaurationes quasdam in dicta Ecclesia S. Mariæ della

Mat.

Mattina fieri curasse. Cum igitur satis superque ea testimonia actoris intentionem probaverint, neque ex parte rei conventi quicquam productum fuerit ad ea infringenda, visum est Curiae sententiam ferre secundum actorem, ita ut ordinata reintegratio memoratas etiam *Grancias* complectatur; quod enim de toto iudicatum est, id pariter decerni oportet de parte *L. 113. ff. de reg. jur.*, ac proinde Curia Ill. & Rev. Capellani Majoris sub oculis habens libellos, fol. 1. in actis reclamationis, instantiam Fisci, decretum Regalis Camerae S. Clarae, comparitionem, memorialia, fol. 16. a 1., 19. 20. 31., & 32. eod. proc., scripturas exhibitas in processu: pro Abbazia S. Laurentii in Tusara, ac omnia acta in duobus voluminibus; ita pronunciavit, cum voto Domini Regii Consil. D. Dominici Potenza ordinarii Consultoris: Ecclesiam S. Maria della Mattina Terra Andretta, necnon Ecclesiam S. Nicolai Terra Galetti, cum earum redditibus, juribus, & pertinentiis, fuisse & esse *Grancias*, sive membra Abbazia S. Laurentii in Tusara, ac proinde stante declaratione jam facta quoad jus patronatus Regium mediatum dictae Abbazia, ac reintegratio ordinata favore Ill. Marchionis Terra Pescopagani in jure nominandi, & presentandi, eadem declaratio, & reintegratio exequatur etiam quoad dictas duas *Grancias*. Verum pro decisione iudicii reclamationis adversus Regium exequatur interpositum sub die 21. mensis Junii 1756. favore Reverendiss. Cardinalis D. Petri Pamphili, partes adeant Regalem Cameram S. Clarae.

In causa Ill. Marchionis Terra Campilastarii, cum Civibus Terra praedicta. Die 7. Januarii 1779.

V Illis omnibus actis, Curia Ill. & Rev. Capellani Majoris, cum voto Domini Regii Consilarii D. Dominici Potenza ordinarii Consultoris ejusdem, declarat: Ecclesiam Archipresbyteralem Terrae Campilastarii, sub titulo SS. Salvatoris, fuisse, & esse de Regio jure patronatus mediato, illudque, tamquam annexum feudo Campilastarii, competisse & competere

Multiplicatae praesentationes jus patronatus probant Decimarum praestatio, quas dominicales esse non constat, decerni debet, pro ut opus est Ecclesiae.

Ill. Marchioni dictæ Terræ; & iam hodiernum Ill. Marchionem, quam ejus in feudo successores manutenendos esse, & manuteneri debere in possessione seu quasi juris præsentandi ad dictam Ecclesiam Archipresbyteralem toties, quoties casus vacationis acciderit. Quod vero ad exactionem decimarum in altis deducitur, fiat relatio per Cancellarium Curie, partibus requisitis, quantitatis pecuniarum, quæ percipitur quolibet anno ex dictis decimis, facta coacervatione per decennium, ac etiam onerum, & expensarum, quibus subjacet dicta Ecclesia Archipresbyteralis, ad finem providendi.

Censuit enim Curia de jure patronatus non esse ambigendum, cum liquido constet, Barones Terræ Campilactarii fuisse in possessione præsentandi ad dictam Ecclesiam Archipresbyteralem continuatis vicibus per annos pene biscen- tum viginti, videlicet ab anno 1570. usque ad præsens. Atqui post venustiores Canones ipsa Tridentina Synodus definivit *sess. 25. cap. 9.* si de beneficiorum fundatione non constet, ex multiplicatis præsentationibus jus patronatus recte probari. Pro eo vero quod attinet ad exactionem decimarum, pro qua Universitas consensit in Judicem, com- paritione præsentata penes acta hujus Curie sub die 15. Martii 1777., *fol. 85.*, cum liqueat quidem esse de mensa feudi modium unum frumenti, quem percipit Baro terragii nomine ex singulis undecim, qui recolliguntur in territoriis dictæ Terræ; alterum vero modium, quem solvant Coloni Rev. Archipresbytero similiter ex singulis undecim nomine decimarum, ultra terragium Baroni debitum, plane non li- quet processisse pariter ex mensa feudi: ideoque censuit Cu- ria modum exactionis hujusmodi decimarum decernendum esse prout opus est dictæ Ecclesie Archipresbyterali, ejus- que Ministris; quod quidem referendum est a Cancellario Curie.

In causa D. Francisci Caraccioli, Abbatis Regalis Abbatie Casauriensis S. Clementis in Pescaria, cum Rev. PP. Celsissimi Altarenensis, D. Horatio Mattioli, & alid. Die 9. Julii 1779.

Regio patronatu redintegrato in Abbatiam Casauriensem Pescaræ sitam, Abbas, per Principem nominatus, petiit libello suo, ut eidem Abbatie restituerentur Pesculi, & Corvaræ Castra, & Ecclesia S. Mariæ in Blasiano, quam vocant, in territorio Aprutino. In ejus enim Ecclesiæ, ac prædictorum Castrorum possessione sunt Cælestini Patres de Murrone, ob emphyteusim cum ipsis initam a Bibliothecæ Vaticanæ Custodibus. Pridem scilicet Romana Curia, Abbatia seu divisa, seu deminuta, Castra isthæc cum prædicta Ecclesia ab ea deliberaverat: indidem quoque separatam Præposituram constituit sub Sanctæ Mariæ Ambrosianæ titulo, eamque prædictæ Bibliothecæ Custodibus possidendam dederat.

Quæ partem constituent Abbatiam, ipsius jus sequi debent; unde Regio Abbatiam redintegrato, & in partem redintegrandum est. Nulla vero pronuncietur emphyteusis hujusmodi partis antecedenter inita.

Idem Regius Abbas restitutionem urgebat Ecclesiæ Divi Clementis, quæ, a vicino flumine mutuata vocabulum, ad *Gomanum*, vel *Vomanum* dicitur, ac duorum Castrorum, quorum alterum vocabulo *Guardiæ*, seu *Gomana*, seu *Vomana*, designari solet, alterum in veteribus quidem Diplommatibus Castrum Vetulum *Monasium*, seu *Monacisium* dicitur; hodie Castrum inferius ab indigenis appellatur. Nam hæc quoque Castra ab Abbatia Casaurienti decerpit Romana Curia, atque in dotem constituit Abbatie Divi Clementis ad Gomanum per Pontificem erectæ: ea, diversos experta Commendatarios, in præfenti detinentur ab Horatio Matthæo Archiepiscopo Colossensi.

Judicio rite instituto, ordinato, possessoribus auditis, Patronus quoque Regiæ Coronæ petiit, ut ab Abbate Regio petita redintegratio executioni demandaretur.

Regius Casauriensis Abbas in progressu judicii pluribus argumentis ostendit, tum Castra Pesculi, & Corvaræ, cum Ecclesiam S. Mariæ in Blasiano pertinere ad Abbatiam S. Clementis Casauriensis, ejusque membra censeri oportere. Eam
in

in rem primo protulit Imperatoris Ludovici II. diploma anni 875. In eo Imperator Monasterio Divi Clementis Casauriensis a se recens erecto dotem constituit; ei scilicet donavit complura pradia diversis in locis constituta: in territorio vero Pennensi *Castrum Pesculi, & Corvarie*. Id ipsum firmavit Regius Abbas recognitione jussu Judicis instituta. Inde enim constitit, in aenea Ecclesiae porta vetustissima Divi Clementis Casauriensis bona fere omnia, quae ad praedictum Monasterium pertinerent, descripta esse; inter ea autem aperte legi *Pesculum, & Castrum Corvarie*. Eodem retulit Regius Abbas veterem illam historiam apud Hughellum de *fundatione Monasterii S. Clementis Insula Pescaria, quod Ludovicus II. Imperator in Pennensi Diocesi condidit*. Inde sane liquet, ad dotem dicto Monasterio constituendam Imperatoris pecunia vicos, pagos, rura fuisse eoempta circa territorium Casauriense posita; inter alia vero memorari seu pagum, seu rus, quod *Blescanum* appellabatur.

Quod autem ad *Blescanum*, intentionem suam apertius firmabat actor ipso Casauriensis Chronico. Ibi enim memoriam proditur, plures possessiones Monasterii Casauriensis, ac praesertim *Pesculi, & Corvarie Castra* cum rure, seu pago Blescano occupata fuisse a Sanfone, ac Walterio Rainardi filiiis, quae quidem possessiones, ut in Chronico praedicto dicitur, *abusim appellatae fuerant Sanfonicae ex nomine Sanfonis*: eam occupationem Guidonem Abbatem detulisse ad Conradum, ac per Judices ab eo datos possessionem Guidoni restitutam: eundem Sanfonem per tempus invasionis suae, *in loco qui Blifianus est appellatus*, Ecclesiam fundasse S. Mariae patrocinio augustam in *Terra S. Clementis*: eam Guidonem Abbatem in possessionem restitutum in honorem Beatae Virginis factam testam servasse: ad eam quoque rite consecratam Monachos e Monasterio suo misisse, qui eidem Ecclesiae deservirent. Charta quoque scripta anno 1065. idem Casauriensis Abbas ostendit, eundem Sanfonem Monasterio Divi Clementis ultro confirmasse praedictae Ecclesiae concessionem, atque in exemplo confirmationis proflare *Ecclesiam*
in

in Comitatu Pinenſi in ipſo vocabulo de Bliſiano, quæ vocatur S. Maria, cum Cellis, & libris, & cum pannis, & cum omni ornamento Eccleſiarum, & cum ejus dotaliſia, quæ eſt inter terram cultam, & incultam mediola trecentum.

Eodem collineabant, quæ ex Diplomate Rogerii Regis, & Pontificum Romanorum Bullis proferebat Caſaurienſis Abbas. Quod enim ad Rogerium, probavit eum Diplomate ſuo anni 1140. Regiæ Abbatæ Caſaurienſi confirmaffe veteres Imperiales conceſſiones Caſtrorum, prædiorum, Eccleſiarum: res ad eam pertinentes enumeraffe, ſpeciatiim vero recensuiſſe *Peſculum*, *Corvariam*: poſt quarumdæ etiam Eccleſiarum enumerationem ſtatim addidiſſe, & omnes alias Eccleſias de Terra Sanſoniſca. Quod vero ad Romanos Pontifices, plures eorum Bullas produxit actor, quibus ipſius jura mirum in modum adjuvabantur. Eo apprime pertinent Bullæ Calliſti II. ann. 1121., Alexandri III. ann. 1166., & ne ſingulos memorem, Cæleſtini III. ann. 1191. Eæ ſcilicet ad Abbates Caſaurienſes ſunt ſcriptæ. Per eas vetuere Pontifices, ne Monafterium Divi Clementis Caſaurienſis in ſuorum prædiorum poſſeſſione turbaretur: in iis autem percenſendis & ſpeciatiim memorarunt *Peſculum*, & *Corvariam*, & ſingularia privilegia Abbati Caſaurienſi conceſſerunt. Inſtar omnium eſſe queat illud, quo interdicut, ut in ſupradictis locis nullus Episcopus audeat Synodum celebrare, vel aliqua jura Episcopalia exercere, niſi a ſe, vel ſucceſſoribus ſuis vocatus fuerit.

Quod vero ad petitam reſtitutionem Eccleſiæ Divi Clementis ad Gomanum, cum Caſtris ejus dotaliſis, propoſitus confirmandi petitione idem Chronicon Caſaurienſe allegavit Abbas. Ibi enim traditur, Eccleſiam Divi Clementis in Gomanu extructam fuiſſe per Hermengardam Imperatoris Ludovici II. matrem, ac large etiam dotatam; eam in loco *Guardiæ* ædificatam, ob fluminis quoque vicinitatem, ad Gomanum dictæ. Produxit quoque ex Diplomate Imperatoris Ludovici II. ſupra memorato ann. 875. locum, unde liquet pientiffimum Principem prædicto Monafterio conceſſiſſe

fisse præter alia Castra in territorio Aprutino *Castrum Guardia*, quod ibi legitur, & *Castellum Vetulum Monasticum*, eo addito, cum omnibus Ecclesiis prædictorum Castellorum, & locorum. Eodem pertinebant, quæ cum ex privilegio Regis Rogerii ann. 1140., tum ex aliis monumentis produxit Abbas. Nam in privilegio quidem Rogerii, quo confirmantur concessionem Imperiales Monasterio Casauriensi factæ, inter alia percensentur *Castrum Guardia*, & *Castellum Vetulum Monasticum*. Ex aliis vero monumentis liquet, Rogerii Regis ævo Abbatem nomine Oldrium præfuisse non minus Monasterio Divi Clementis Casauriensis, quam Ecclesiæ Divi Clementis ad Gomanum, utpote quæ tamquam *Grancia*, quam vocant, prædicto Monasterio suberat. Ea autem omnia cum Bullis quoque Romanorum Pontificum coherere demonstravit Abbas, Alexandri scilicet III. Callisti II. & Cælestini III. ann. 1121. 1166. 1191. Ibi enim prædicti Pontifices spiritalem jurisdictionem concedentes Abbati Casauriensi in loca territorii sui, recensent quoque *Castrum Guardia*, & *Castellum vetulum Monasticum*.

Argumentis hætenus expositis momentum quidem haud leve addebat Regius Casauriensis Abbas ex adhoarum solutione, & ex memoriis censualibus Comitum & Baronum Regni premanans. Nam ab ipso Carolo I. Andegavensi ad adhoarum solutionem Monasterio Casauriensi adactæ, præter alia feuda, ea præstatio a Monasterio exacta fuit *pro Castro veteri Monastico, & Gardi Gomana suis in Justitiariatu Aprutii*. In censum vero Comitum, & Baronum Regni relatus quoque fuit Oderius Abbas Divi Clementis in Pescaria, eo addito, ad eum inter alia feuda pertinere in Comitatu Aprutii Guardiam, quod est feudum duorum Militum.

Jam vero temporibus mox insequentis, pro solitis Monasteriorum vicibus, Casauriense quoque Commendatariis traditum fuit. Ex ea quoque mutatione Casauriensis Abbas ad intentionem suam firmandam argumenta corrasit. Sequioris enim ætatis monumentis ostendit, Abbates Casauriæ Commendatarios dominium, & jurisdictionem exercuisse cum

in Monasterium Casauriense Pescariæ, cum in Divi Clementis ad Gomanum Ecclesiam, & Castra reliqua, de quibus præfens controversia suscepta fuit. Sane Hieronymus Branconius Abbas Commendatarius ann. 1612. Bullæ suæ occasione novæ Capellanæ editæ hunc titulum præfigebat : *Abbas & perpetuus Commendatarius Abbatie S. Clementis in Pescaria, & ad Vomanum*. Eo autem jure dixit, se Capellaniam erigere fundatam a *Leonardo de Bernardinis Guardie ad Vomanum nostræ jurisdictionis Clementinæ*. Idem quoque Commendatarius Abbas, ann. 1626. alteri Bullæ suæ eadem inscriptione præfixa, in eam inseruit petitionem cujusdam Bonifacii Pacii *di Castel basso* ob alterius Capellanæ erectionem. Ejus vero erectionis causa assensum præstitit prædicto Bonifacio a *Castro vetere inferiore alias Monacisco* Abbatialis jurisdictionis. Idem autem jurisdictionis actus, cum iisdem enunciationibus, in aliis Abbatum Commendatariorum Bullis sat frequenter occurrunt. Ejusmodi sunt productæ Bullæ ann. 1629. 1630. 1674. 1676. Ab actore igitur monumenta allegata aperte videbantur evincere, loca, quorum restitutionem ipse urgebat, & vetera sua vocabula perpetuo servasse, & ad Abbatiam suam perpetuo pertinuisse.

His ita præstitutis, aperte liquet, Pesculi, & Corvæ Castra cum Ecclesia S. Mariæ in Blesiano, Guardie quoque, & vetus Monaciscum Castrum inferum, seu inferius dictitari solitum, cum Ecclesia Divi Clementis ad Gomanum, ob primam Imperialem dotationem pertinere ad Abbatiam Divi Clementis Casauriensis, tamquam membra inde pendentia. Inde vero necessario sequitur, controversa corpora ad prædictam Abbatiam redire oportere, ac Regium patronatum in ea redintegrandum, quemadmodum in Abbatiam ipsam Casauriensem Regius patronatus redintegratus fuit per sententiam ab hac Curia latam anno 1775. Cum enim in toto pars quoque contineatur l. 113. ff. de reg. jur., corpora isthæc, Abbatie pars olim, ipsius jus sequi debent. Indidem quoque sequitur ab initio suo irritam censendam esse emphyteusim cum Patribus Cælestinis de Mure : *Tom. I. Cur. Cap. Maj.*

G

rone

rone ininita. Ejus enim auctores omni prorsus jure carentes jus aliquod in Cælestinos transferre non poterant, secundum juris regulam in l. 54. ff. eod. Nimirum irrita ab initio fuit concessio facta Bibliothecæ Vaticanæ Custodibus: ab eis causam Cælestini habent. Cum igitur principalis causa numquam constiterit, sequuta inde emphyteusis firmitatem habere non potuit ex l. 129. ff. eod.

At vero perperam Bibliothecæ Vaticanæ Custodes se tuerent pactis conventis inter augustissimum Regem Catholicum, & Summum Pontificem Benedictum XIV. anno 1741. Ajunt scilicet, ibi placuisse, ne umquam infirmarentur beneficiorum, & Abbatiarum uniones, quæ Romanis Ecclesiis, Collegiis, Monasteriis, piisque domibus adnexa forent. Primo enim non facile probatum est, nam Bibliothecæ Vaticanæ Custodes inter prædicta corpora referri debeant. Deinde, quod caput est, ipsa sæleris prædicti & verba, & sententia eorum exceptionem omnino perimunt. Nimirum inter ejus sæleris leges constitutum fuit, ne beneficia & Abbatiæ hujus Regni aliis quam regnicolis conferrentur, quibusdam exceptis, & præsertim, ne rescindi jus esset uniones Beneficiorum, quæ per id temporis Romanis Ecclesiis reperirentur adnexa: eodem tamen capite pluries declaratum fuit, ea omnia referenda esse ad Abbatiæ, & beneficia, quæ & Regiæ nominationis non essent, & a Pontifice libere conferri possent. Cum igitur Casauriensis Abbatiæ disscripta membra nominationis sint Regiæ, sælus Regium, & Pontificium Vaticanæ Bibliothecæ Custodibus nil quicquam prodest. His igitur perpensis, & visa petitione, visisque decreto termini, scripturis exhibitis, probationibus, memorialibus a S. M. remissis, fol. 1. 17. a 1., 33. ad 81. 90. ad 107. 118. & 122., ac omnibus actis, Curia Illust. & Rev. Capellani Majoris, cum voto Domini Regii Consilarii D. Dominici Potenza ordinarii Consultoris, ita pronuntiavit: Ecclesiam S. Mariæ in Blasiæno, & Castra Pesculum, & Corbariam, necnon Ecclesiam S. Clementis ad Romanam, & Castrum Guardia, quæ etiam dicitur Romana, & Castellum

Stellum vetulum Monasticum, quod etiam dicitur Castrum vetus inferius, sive Castel basso, pertinuisse, & pertinere ad Regalem Abbatiam S. Clementis in Pescaria; ac proinde, nulla ratione habita dismembrationis dictarum Ecclesiarum, & Castrorum, neque status, in quo reperiuntur, dictas Ecclesias cum descriptis Castris redintegrandas esse, & redintegrari debere dictae Regali Abbatiae Casauriesi S. Clementis in Pescaria, & aequae fuisse, & esse Regii juris patronatus, prout dicta Regalis Abbatia vigore sententiae latae per nostram Curiam sub die 8. Augusti 1775., & restituendas esse juribus Majestatis, cum omnibus juribus, actionibus, jurisdictionibus, praeminentiis, fundis, & pertinentiis; & describendas esse, una cum dictis Castris, in libris Curiae Rev. Capellani Majoris inter ceteras Ecclesias Regii juris patronatus, tamquam unitas, subjectas, & pertinentes eidem Regali Abbatiae Casauriensis; oppositis, & deducis in contrarium non obstantibus. Respectu vero praeteritorum per Rev. Archiepiscopum Colossensem D. Horatium Matthaei fiat relatio S. R. M.

In causa Ven. Monasterii Sancti Spiritus de Murano Ordinis Celestini, & successore D. Francisci Cerraciolo Regii Abbatis S. Clementis in Pescaria, cum D. Felice Antonio, & successore D. Petro de Petris Marchione Terra Castellonis. Die 10. Julii 1779.

Curia Ill. & Rev. Domini Regii Majoris Capellani hujus Regni, cum voto Domini Regii Consiliarii D. Domini Potenza ejus ordinarii Consultoris, visis actis, providet, decernit, atque mandat, quod condemnentur Ill. Marchio Castellonis D. Petrus de Petris ad solvendum in beneficium Regii Abbatis S. Clementis de Casauria quolibet anno decimam fructuum territoriorum nuncupatorum Vicenna, & Vicennola, sive Vicenna grande, e piccola, ad rationem unius in singulos decem, francam, liberam, & exemptam, a die possessionis captae per eundem Regium Abbatem praefatae Abbatiae, & in futurum, juxta conventionem initam sub die 29. Januarii anni 1604. inter tunc temporis Baronem, & Rev. D. Hieronymum Branconio tunc Abbatem; dempsit tantum ex dictis territoriis Vicenna, &

Cum jura Regii patronatus praescriptioni non subint, consequens est, ut praestatio decimae Ecclesiae Regii patronatus debita, licet longo temporis spatio intermissa, debeat quoque.

Vicennola portionibus agrorum, forte noviter acquisitis titulo emptionis, sive permutationis, de quibus didus Marchio docueris per publica instrumenta. Et pro liquidatione quantitatum a dicta die possessionis decursarum in biduo audiantur Partes: salva provisione facienda respectu decimarum decursarum a die iudicii moti per Pen. Monasterium S. Spiritus de Murrone, ipso Monasterio audito. Neutram Partem in expensas.

Ita censuit Curia, eo quod anno 1604., post decreta Collateralis Consilii favore Abbatis, memorata præstatio decimarum conventa fuit inter Abbatem, & Baronem; quæ quidem conventio cum rem ipsam, sive ipsa territoria affecterit, procul dubio ex ea tenentur quicumque fuerint in eadem re particulares etiam successores, *argum.* l. 47. 48. § 49. ff. de contrahen. empt. Neque obstat, quod longo temporis spatio præstationis exactio fuerit intermissa; nam Patris leges cum reliqua Regalia, tum Regii patronatus jura præscriptioni subesse non patiuntur.

In causa declarationis Regii patronatus in Cathedrali Ecclesia Averfanam. Die 28. Julii 1779.

Ecclesiam fundatio ex publicis monumentis rite probatur; ea autem, si- mul cum dotatione a serenissimis Principibus facta, Regium jus patronatus censuit, sive Cathedralis Ecclesia sit, sive cujusvis generis.

Post denunciationem Osmii de Iudice, quo Regium jus patronatus in Averfanam Ecclesiam descerebatur: iudiciumque rite denunciatum tam Episcopo prædecessori, quam ceteris interesse prætendentibus, expeditis citationibus per edictum; Regiæ Coronæ Patronus petiit libello suo, ut in prædictam Averfanam Cathedrali Ecclesiam jus Regii patronatus reintegraretur. De ejus enim fundatione, & dotatione Regia, liquido constare contendebat. Et quod ad Regiam quidem fundationem, Regalis Coronæ Patronus intentionem suam firmabat antiquo marmore, quod in antiqua prædictæ Cathedralis Ecclesiæ parte hodieum prostat. Inde enim liquet, ejus ædificationem fuisse susceptam a Riccardo genere Nortmanno, tertio Averis Comite, & Caput Principe, post ipsius autem obitum a Jordano Principe Riccardi filio eandem fuisse absolutam. His ita præstitutis, negandum non

non

non videbatur jure summi Imperii patronatum in Averfanam Ecclesiam prædictis Principibus fuisse quæritum, atque in Reges Neapolitanos eorum successores translatum. Jus enim summi Imperii in Averfam exercuit ejus primus Comes Rainulphus; Rainulpho successit Asclettinus, qui Averfanum Comitatum per manus Riccardo tradidit. Riccardus vero, quod diximus, controversiæ Ecclesiæ fundationem primus inchoavit. At vero de prædicti marmoris fide nusquam relinquebatur dubitandi locus. Præterquam quod enim & publice prostat, ut diximus, & a Curia Cancellario ejus jussu fuit inspectum; pridem illud exscripsit Lucentius sub titulo *de Ecclesia Averfana*. Sic enim ibi: *Cathedrale Templum illud idem est, quod tertius Averfanorum Comes Reccardus Northmannico opere, plurimo siburtino ex marmore substruxit in ipsa fere media Civitate, & Princeps Jordanus filius terminavit. Ita distichon e lapide fidelissime proloquitur:*

PRINCEPS JORDANUS RICCARDO PRINCIPE NATUS

QUAL PATER INCÆPIT, PIUS HÆC IMPLENDA RECEPIT.

Quod igitur ad Averfanæ Cathedralis Ecclesiæ fundationem, de ea quidem dubitari non poterat; ea scilicet adprobatur monumento publico: ut autem Marcellus edixit, *monumenta publica potiora testibus esse, Senatus censuit. L. 10. ff. de probat.*

Quod ad dotationem, certissimis etiam documentis evincebatur, primos Averfanorum Comites, & Caput Principes, in Averfanam Ecclesiam a se recens extructam, ac Pauli Apostoli titulo præfulgentem, dotis ei constituendæ gratia plurima contulisse; insequutos vero mox Principes cum eadem Ecclesia liberalitatem suam exercuisse. Sane ex allegatis monumentis constitit, Riccardum primum prædictæ Ecclesiæ fundatorem ei concessisse Caltrum Patriæ, unde reditus longe maximi ab Averfanorum Episcopo percipiuntur hodie, cum lacu Lucrino, ejusque territorio, & pertinentiis, speciatim vero, cum piscationibus, & fusariis, & cryptis, & consuetudinibus, & redditibus, & sylvis, & venationibus bestiarum, & volucrum, ac cum omnibus utilitatibus. Eidem

Ec-

Ecclesiæ ab eodem Riccardo donatum Castrum *Soffitium*, quod *Socium* dicitur hodie, Ecclesia Divi Petri Nucerrini cum territorio suo, feudum Postelli in Magdalunensi Castro, Ecclesia Divi Blasii in Aversano Suburbio, & olivetum ad radicem montis, ubi porta Capuæ sita erat. Insecutus vero temporibus prædictæ Ecclesiæ dotem idem Ricardus auxit; suo enim Diplomate anno 1073. ei contulit Castrum Latinum in Calatino territorio, cum Terra, & Villanis, Hominibus, Vassallis, Vassallorumque redditibus, montibus, sylvis, campis &c.

Præterea aliis adhuc monumentis ostendebatur, Riccardum II. Capuæ Principem anno 1095., Principatus sui decimosexto concessisse, & confirmasse eidem Ecclesiæ bona omnia, quæ concessa ei jam fuerant a decessoribus suis, præsertim vero ab avo Riccardo, ac patre Jordano: & præterea eidem contulisse Terram Berti ex propria liberalitate. Liquebat etiam, Principem Jordanum II. Diplomate suo anno 1121., sui principatus primo, ad extollendam Cathedralē Aversanorum Ecclesiam, Roberto Aversano Episcopo, ejusque successoribus concessisse *Capellam nostram S. Fidei in Palatio nostro Aversa sitam, cum balneo nostro juxta ilem Palatium constituto, Villanis, redditibus, pratis, castis, fabricis, & infabricis, cum terris cultis, & incultis, arboribus, cum omnibus pertinentiis suis.* Alio vero Diplomate ejusdem anni eidem Ecclesiæ concessit pariter, & confirmavit bona generatim omnia pridem ei concessa a prædecessoribus suis: quæ quidem bona in charta donationis sigillatim enumerata ea ipsa sunt, quæ supra recensuimus. Sed ex ipsa charta apparet, prædecessores illos eidem Ecclesiæ ulterius fuisse clarificos *Ecclesias cum omnibus suis pertinentiis, decimas, terras cultas, & incultas, cum montibus, & planis, cum sylvis, aquis, piscationibus &c., homines præterea in territorio Alisia, & Accertarum, & in Castro Lauri, & Villam S. Elpidii cum omnibus pertinentiis suis, & homines in Pumigliano, Nivano, & Casapuzzano, & duo molendina prope Ecclesiam S. Martini, & Stavianam in territorio montis Sarcuti; nam in prædicta Jordani II.*

con-

confirmatione bona isthæc omnia numerantur .

Jam vtro ubi Neapolitanæ Provinciæ unius Regni formam induerunt , a Regum Neapolitanorum liberalitate Averſana Cathedralis Eccleſia novas conſeſſiones obtinuit . Primo enim Rex Rogerius , poſt concordiam inter Averſanam Eccleſiam , & Cœnobium Divi Laurentii initam , Diplomate ſuo ann. 1144. eidem Cathedrali confirmavit ſacra , qui Patriæ dicitur . Deinde Rex Guilielmus II. , & Regina Margarita ejus mater alio Diplomate ann. 1167. eidem Eccleſiæ conceſſerunt *Caftrum S. Georgii ſitum in pertinentia Beneventana , cum omnibus juribus , & pertinentiis ſuis* . Leopoldus etiam Vormatiensis Epifcopus , & in Regno Sicilienſi Legatus , *ex poſſeſſate ſibi attributa per Regem Fridericum* , anno 1215. eidem Cathedrali conceſſit *Caftrum Cumarum cum omnibus tenementis , & pertinentiis ſuis* , eidem quoque confirmavit privilegia generatim omnia a ſuperioribus Regibus ei conceſſa . Sed & ipſe Fridericus II. Diplomate ſuo ann. 1221. declaravit , ſecundum edictum Capuæ a ſe promulgatum , Baſinium Averſanum Epifcopum in Capuana Curia ſolemniter habita exhibuiſſe authentica quædam privilegia Auguſtæ matris ſuæ Eccleſiæ Averſanæ conceſſa ; ab eis ſe compendiſſe , prædictam Auguſtam in ſui tutelam , & mundiburgium recepiſſe prædictam Averſanam Eccleſiam , eamque , Clericos , & homines ſuos , ab omnibus exactionibus ſubtraxiſſe , etiam & collectis , & integram decimam Bajulationis Averſæ tam intus , quam extra impartiſſe , & conceſſiſſe Eccleſiæ memoratæ , eandem vero Auguſtam eidem Eccleſiæ donaviſſe *vintam Averſæ , quæ eſt in ſuburbio S. Mariæ , necnon Caſale Priani in tenementis ipſius Civitatis cum omnibus juſtis tenementis , & rationibus ſuis* . His ita reſcitis , Averſanæ Eccleſiæ ea omnia Fridericus reſtituit , in tutelam ſuam eam recepit , ipſi , ejuſque Clericis , & hominibus a publicis oneribus immunitatem induliſit , eique confirmavit , ac ruruſ conceſſit *integram prædictam decimam Bajulationis ipſius Civitatis , cum domo , quæ eſt in ſuburbio prædictæ S. Mariæ , necnon Caſale Priani cum omnibus juſtis tenementis , & pertinentiis ſuis* . At vero majoris mu-

munificentiam ostendendam causa eidem Ecclesiam confirmavit Castella, Casalja, omnes possessiones, piscationes, homines, & quicquid ipsa Ecclesia tempore qu. Domini Regis Guilielmi II. predecessoris ipsius Imperatoris, tenuit, & possedit, prout jam caverant privilegia ipsius Guilielmi II., & Augustae parentis suae. Eam vero concessionem confirmavit quoque Rex Manfredus Diplomate suo ann. 1259.

Diplomata isthuc Carolo II. Andegavensi fuerunt exhibita; ab eo vero rite recognita aucta fuerunt, & confirmata privilegio suo anno 1289. Eadem Cardinalis Brancatius Averfanus Episcopus rursus exhibuit Ludovico III., a quo etiam plenissime sunt confirmata Regio Diplomate ann. 1421.

Ex dictis hactenus aperto liquet, Neapolitanos Principes Averfanam Cathedralē Ecclesiam extruxisse, dotasse. Ipsi igitur in eam Ecclesiam jus patronatus denegari non debet. Nimirum jus patronatus in fundatas Ecclesias a jure, non indulgentia profiscitur; æquissimum enim visum est, ut Praelati destinarentur Ecclesiis eorum arbitrio, qui facultatibus suis eas fundassent. Hinc ipsi Pontifices itaemerunt jus patronatus in fundatas Ecclesias patronis ipso jure competere; indidem quoque passim cavetur in jure Pontificio, fundatores Ecclesiarum eo jure uti oportere. Instat omnium sint *C. Nobis 25. de jure patron. C. 3. de Ecclef. edifice. Can. 23. caus. 16. qu. 7.*

Perperam vero quis rogorat, reliquarum quidem Ecclesiarum fundatoribus jus patronatus competere, nequiquam vero illis, qui Ecclesias Cathedrales extruxerint, easque dotaverint. Ea enim sententia & Canonibus adversatur, & adversus Principes est iniquissima. Canones scilicet nullo cum Ecclesiarum discrimine fundatoribus jus patronatus competere jubent. Iniquissimum vero adversus Principes esset, si eis negaretur, quod privatis quibilibet denegari non debet; nam Cathedrales scire omnes a Principibus sunt fundatae. Si igitur admittatur portentosa isthuc sententia, praerivatis ipsis conditio Principum deterior esset. Sed ea in re

re argumentis non opus, nam ipsa Tridentina Synodus jus patronatus in Cathedralibus Ecclesiis competere posse palam proficitur *sess. 25. cap. 9. de reformat.* Ibi scilicet id agebat Synodus, ut intra arctiores limites redigerentur jura patronorum in Ecclesiis. Per eam tamen innovationem nullum præjudicium fieri jubet Principibus, seu de Cathedralium, seu de aliarum Ecclesiarum patronatu ageretur: *Exceptis, inquit, patronatibus super Cathedralibus Ecclesiis, & exceptis aliis, quæ ad Imperatorem, & Reges, seu Regna possidentes, aliisque sublimes, ac supremos Principes, jura Imperii in dominiis suis habentes, pertinent.*

Porro prædicta sententia, qua Neapolitanorum Principibus jus patronatus in Cathedralibus Ecclesiis in controversiam revocatur, non solum Canonibus adversatur, sed receptis quoque moribus apud alias Christianas Provincias observari solitis. In Europa enim Christiana alibi Christiani Principes foundationis titulo jus patronatus exercent non solum in minores Ecclesias, sed in Cathedralibus quoque. Sane, ut de aliis taceam, ob jus foundationis in Hispanas Cathedralibus Ecclesias jure patronatus utuntur Hispani Reges, ut observat, præter alios, Covarruvias rerum Hispanarum peritissimus, ad *cap. possessor. par. 2. §. 10. num. 7.* Sic enim ibi clarissimus Auctor: *Siquidem Hispaniarum Reges patronatus jus obtinent in Ecclesiis Cathedralibus, cum eas erexerint, construxerint, & amplis patrimoniis ditaverint.* Idem de Cathedralibus Gallicanis testatur Renatus Choppinus de *Sacr. polit. lib. 1. tit. 4.*; & de Germaniæ Cathedralibus Hermann. *Conring. tom. 2. pag. 387.*

Enim vero in historia quoque Neapolitana ejus rei illustria monumenta prostant. Nimirum in pactis convinctis inter Carolum V., & Clementem VII. anno 1529., expressis viginti quatuor illis Ecclesiis Cathedralibus, quæ *limitrophæ* ibi dicuntur, & quas ad Regis nominationem pertinere placuit; constitutum est quidem, ut Cathedralibus reliquæ a Romano Pontifice libere conferrentur; verum hæc statim excipiuntur, quæ fundatæ per Neapolitanos Principes ad-

Tom. I. Cur. Cap. Maj.

H

ipso-

ipſorum patronatus Regium pertinerent. Aperta ſunt in eam ſententiam verba ſæcleris. Sic enim ibi: *Reliquis omnibus Eccleſiis, ac beneficiis dicti Regni, exceptis dumtaxat his, quæ juris patronatus exiſtant, ad liberam diſpoſitionem Sedis Apoſtolicæ remanentibus.* In ſædere quoque inter Clementem IV., & Carolum I. Andegavenſem, quo per ſummam injuriam facultas interponendi Regii aſſenſus in tꝛiſcoporum electionibus prædicto Principi adimebatur, ſpecialim exceptæ fuerunt Episcopales Eccleſiæ, in quas jus patronatus Regium competeret prædicto Principi, prout ex illis verbis: *Salvo mihi, meiſque in Regno heredibus, jure patronatus in Eccleſiis in tantum, quantum hac parte patronis Eccleſiarum Canonica inſtituta concedunt.* Nemo autem ignorat, ex Canonicis inſtitutis patronis in fundatas Eccleſias jus nominandi com- petere.

At vero Regio patronatui in Averſanam Eccleſiam ob- eſſe non poteſt, quod in bonorum omnium poſſeſſione ea non ſit hodie, quæ in prædictis Principum conſeſſionibus memorantur. Regius enim in eam patronatus præclare ſta- bit, ſi conſtet, quod negari nequit, bona omnia, quæ ab ea poſſidentur hodie, e Regia Neapolitanorum Principum munificentia proveniſſe. Sane potiores ejus Eccleſiæ hodierni redditus proveniunt a locatione lacus Patriæ, a Vico Socivi, & a ſpecioſis prædiis, quæ prædicta Cathedralis poſſidet in territorio Averſano, necnon in Terra Magdaluni, in Terra Montiherculis, in Villis S. Elpidii, Nivani, Caſtepuzzanæ, Pumiliani de Atelis, ceteriſque ſinitimis locis. Exploratum eſt autem, redditus, ac prædicta præſidia in memoratis Prin- cipum conſeſſionibus contineri. Conſtat igitur, quicquid hodie poſſidet Averſana Cathedralis Eccleſia, ex largitione Neapolitanorum Principum promanſiſſe.

His igitur rite perpenſis, & omnibus actis, Curia Ill. & Rev. Capellani Majoris ita pronunciavit, cum voto Do- mini Regii Conſilarii D. Dominici Potenza ordinarii Con- ſultoris: *Averſanam Cathedralē Eccleſiam ſub titulo S. Pauli Apoſtoli, fundatam, dotatam per Normannos Principes, fuiſſe,*
& eſſe

Et esse de Regio patronatu ; preinde ad fauissimum bodiernum Regem, ejusque in Regno successores spectare jus nominandi prædictæ Cathedralis Episcopum, quoties casus vacationis acciderit, cum reliquis juribus, quæ patronis competunt: prædictamque Cathedralē cum omnibus juribus, privilegiis, ac pertinentiis suis, ac prædicta nominandi facultate, redire oportere ad jura Majestatis ex veteri sua primæva natura, eaque de causa in libris prædictæ Curie inter reliquas Ecclesias Regii patronatus eam referendam esse.

In causa declarationis Regii patronatus in Monasterium SS. Trinitatis de Civitate Cava, atque in Cathedralē Ecclesiā ejusdem Civitatis. Die 14. Augusti 1779.

Thomas Galisus. Fisco nunciavit, Monasterium SS. Trinitatis Cavense extructum olim, ac dotatum fuisse a priscis Salerni Principibus, qui jure summi imperii partem hujus Regni sat magnam habuerunt: ex bonis quoque prædicto Monasterio concessis per Salerni Principes, tractu temporis, delibatam fuisse partem, non contemnendam, ad Ecclesiā Cathedralē Cavensem, recens erectā, dotandā, nullā cum Principum Neapolitanorum venia. Inspec̃tis documentis productis a delatore, Patronus Coronæ Regiæ petiit, ut cum Monasterium, tum Cathedralis Ecclesiā Cavenfis Regii patronatus declarentur esse, atque ad jura Majestatis redeant, cum suis pertinentiis generatim omnibus, ac præsertim cum facultate nominandi Episcopi, quoties Episcopatum vacare contigerit, & cum jure Abbatis seu eligendi, seu confirmandi.

Ad eam controversiā definiendam rite vocatis, quorum interesset, ac pro recepto judiciorum ordine probationum termino præstituto, Curia examen instituit monumentorum, quæ a prædicto Galisio sunt allegata. Inde primo constitit, circa annum 1025. Abbatē Adeiserum, non minus nobilitate natalium, quam vitæ sanctimonia insignem, Ecclesiā extraxisse sub titulo SS. Trinitatis in territorio

Fundatio, & dotatio facta ab his, qui summum imperiū exercuerunt, Regiū jus patronatus constituit. Cum fundatores in Monasterii, & Abbatie fundatione Abbatie electionem Monachi tribuerint, confirmatio tantum ad Principem spectat. Ex bonis Monasterii Regiū patronatus Cathedrali Ecclesiā dotata, in jussu Principis; quamdiu Principi ipsi placuerit dotacionem tolerare; in illam ei competit jus patronatus, ad eumque nominatio Episcopi spectat.

Mitilianensi, in crypta *Arfitia* dictitari solita prope Salernum, cum consilio Monasterii quoque ibi construendi, in quo alerentur Benedictini Fratres; utrumque autem Guaimarium patrem, & filium Salerni Principes, genere Longobardos, prædicto Abbati Adelferio concessisse solidum Mitilianum, cryptam, Ecclesiam, atque in Mitiliani territorio sita prædia, vineas scilicet, arbusla, insiteta, castaneta, fructeta, & lata rura nullis arboribus confita; facultatem quoque construendi Monasterii, ejusque pomeria proferendi pro lubitu. Quod vero ad electionem Abbatum in posterum, hanc prædicti Principes legem servari jusserant: *Item si volueris, vivente te, vel ad diem obitus tui, alium Abbatem ibidem ordinare, ad tuam sis potestatem, qualiter volueris: & si vo te nolente, vel regnante ante tuam defunctionem, Abbas per te in prædictum Monasterium Sanctæ Trinitatis ordinatus non fuerit, potestatem habeat ipsa Congregatio Monachorum, qui in ipso Monasterio fuerint, Abbatem inter se eligere, & ordinare, qualiter voluerint; alias sic faciant semper per omnes vices, quando Abbas eorum mortuus fuerit.* Præter memorata bona prædicti Principes Adelferio concesserunt alveum Selani fluminis cum ripis, rivis, vallibus, flumina quoque reliqua, aquas, aquarumque divergia, quæ ubicumque aliis rebus dicti Monasterii forent conjuncta, & facultatem ea quoquoque versu ducendi, pistrina exstruendi, & reliquos inde usus percipiendi, prout utilitas Monasterii postularct. Eidem quoque concesserunt omnes seu indigenas, sive incolas prædictorum locorum, eosque exemerunt a publicis oneribus Fisco præstari solitis. Ei denique concesserunt facultatem cædendi ligna per omnes sylvas demanii sui, in usum seu Monasterii, seu hominum, qui ad Monasterium pertinerent.

Deinde ex productis monumentis constituit, anno ferme 1069. Gisulfum Salerni Principem prædicto Monasterio confirmasse; quæ in superiori concessione continerentur, eique præterea concessisse totam tellurem cum vineis, insiteta, castanetis, & sylvis, in loco, qui vulgato vocabulo *Plajamenti* appellabatur, ejus latissimis finibus in concessione de-

designatis: eidem concessisse quoque alia flumina cum alveis, & ripis, ac prædia, quæ ad eorum latera dextrorsum, sinistrorsum porrigerentur. Facultatem autem Monasterio dedit, ut in illis posset *palos figere, & antepositiones, & molina, & trappeta pro olivis, & calcaria, & ædificia facere, & fodere, & ipsos alveos per ipsas res ipsius Monasterii mutare qualiter voluerit; quoniam talia nullus sine mandate nostræ Reipublicæ audeat facere, seu habere potest in nostro Principatu*. Eidem quoque concessit totam tellurem in loco, qui *Calcarola* dicebatur. In confirmandis autem Monasterio bonis a decessoribus suis ei concessis, discrete memoravit diversa prædia Monasterio pridem concessa extra Salernum sita, in loco vulgo *Tusciano*. Addidit quoque respectu possessionum Monasterio concessurum, seu demaniales, seu feudales forent, seu ipsorum feudorum hominibus, seu bonis stabilibus continerentur, nullum Curie servitium præstandum esse.

Præterea idem Princeps mira liberalitate investivit Abbatem, & Monasterium, locorum regione vastissima; ejus enim limites aut diffusi montes erant, aut fines locorum inter se longe lateque distantium; altera enim ex parte ad Nucerinum territorium pertinebant, ex altera Amalfitanum. In ea autem regione continebantur Castrum S. Adjutorii cum pertinentiis suis, & lata spatia, vulgo dicta *Passiano, Transfonsa, Albola, Cetara, & Fonte*, cum pertinentiis quoque suis. In eadem vero loca Abbates jurisdictionem exercere jussit; ab incolis etiam accipere tributa, pensiones, redditus, & specierum partes, quæ Camera Principis inferenda erant, seu capitationis, seu jugationis causa solvenda essent. Ne quid autem deesset liberalitati suæ, in eas regiones, earumve homines, nullum jus sibi reservavit, præter tures, & munimenta Principatus tuendi causa ibi constructa.

Neque vero hic substitit Principum liberalitas adversus Cavesæ Monasterium, ejusque Abbates. Constat scilicet, undecimo labente sæculo Longobardos Salerni Principes Normannorum armis cecidisse. Cum itaque Dux Rogerius, gente

Nort-

Nortmannus, Ducis Roberti Guiscardi filius, Salerni Principatum obtineret; per id temporis, anno videlicet 1085. Jordanus Riccardus prognatus, & ipse genere Nortmannus, Capuæ Princeps, in prædictum Monasterium liberalitatem suam exercuit. Per eum alia quoque bona in territorio Nucerrino concessa sunt Cavenfi Monasterio, ac insuper Ecclesia sub titulo Divi Angeli, quæ in Diplomate constituta dicitur *in monticulo, quod est prope, & ante Castellum, & munitionem Nucerie*, cum molendino, hominibus, ac præliis omnibus, quæ ad prædictam Ecclesiam pertinebant, sitis, ut ibi dicitur, *per totam pertinentiam Nucerie, vel ubicunque.*

Rursus eodem anno 1086. Comitissa Guaytemira Ducis Rogerii soror, ac Roberti Guiscardi filia, cum consensu Ducis Rogerii Monasterio Cavenfi concessit Monasterium sub titulo Divi Stephani Protomartyris constructum in loco *Toncarica* appellato in territorio Lacedognæ, cum suo Casali, & cum hominibus, & possessionibus, quæ ad ipsum pertinebant; aliud rus etiam a Casali prædicto distitum, cognomento *Buzzacara*, cum Isca Battalole, longe latiusque patens; & ad Cavense Monasterium pertinere iussit cunctos locorum prædictorum omnes, & civilem jurisdictionem.

Præterea eodem anno Asclestinus Nortmannorum quoque Princeps Siciniani Comes, ejusque uxor Sichelgata, filia Paldulfi Principi Guaimario prognati, Monasterio Cavenfi, ejusque Abbati concesserunt integrum Monasterium constructum in honorem Divi Petri *ante, & prope Castellum, quod vocatur Pella*, cum omnibus prædiis, vineis, syivis, molendinis, villanis, ac redditibus universis inde percipi solitis, bujulatione quoque in prædictum Pollæ Castrum, & rus etiam *Ruffellanum* ingentis latitudinis.

Ex allegatis etiam monumentis constat, prædictum Duceum Rogerium annis 1089. 1092. 1106. Cavenfi Monasterio tres diversas concessiones contulisse *de rebus*, ut ipse declarat, *nostra Reipublice pertinentibus*. Bona autem concessa fuerunt latum prædium extra Salerni portam, in loco dicto *Tusciano*, cum oliveto, querceto, ac terris vacuis,

ubi

ubi etiam viscebatur Ecclesia in honorem Apostoli Mathiæ extructa; alia quoque terra sine arboribus dicta *Isca* longa lateque patens, cum flumine, quod illam interfluebat; servitia quoque, & præstationes ab iis præstari solitæ, qui eam regionem incolabant; aliud quoque prædium immodicæ latitudinis dictum *Starsia* cum terris cultis in territorio Sarni, in loco qui *Tubellaria* dicebatur; molendina duo ex decem illis, quæ Dux habebat in Castro Sarni in flumine dicto *la Face*; Castrum *Stregula* cum Monasterio Divi Hadriani; Casale *Fabrica* in Apuliæ finibus, cum suis incolis, terris, sylvis, arvis herbosis, fluminibus, & si quæ alia ad illum pertinebant.

Ex productis tandem monumentis apparuit, anno 1154. Regem Guilelmum I. in favorem Cavenfis Monasterii Panormi confirmasse privilegia Ducis Rogerii, Roberto Guiscardoprognati, atque ea, quæ eidem concesserat Augustus pater suus Rogerius, per Marinum Abbatem Cavensem exhibita. Eidem quoque concessit omnimodam jurisdictionem in omnia Castra, Casalìa, atque alia loca, quæ ad prædictum Monasterium pertinerent; sibi quoque retinuit merum imperium, seu jus gladii, quod per ea tempora nulli Baroni concedebatur, ut rerum periti norunt. Exemit etiam a publicis muneribus, ac servitio Curia, omnia Monasterii bona, seu demanialia, seu feudalia, & Casalès Cavæ homines, quique agerent in prædicti Casalès territorio a flumine Silari ad Schifatem usque, atque in Amalfitano Ducatu. Alia quoque insignia privilegia ei concessit ex eo, quod ipse asservit, quod dictum Monasterium est opus progenitorum nostrorum.

Ita Cavenfis Monasterii fundatione, & dotatione Regia demonstrata, quod supererat, Thomas Galisius adgressus est adprobare, Cavensem quoque Cathedralem Ecclesiam fundatam, ac dotatam fuisse ex bonis ex Monasterio prædicto decerptis. Ex scripturis autem per eum exhibitis apparuit, Urbanum quidem II. Abbati Cavenfi usum Pontificalium concessisse, & Episcopalem jurisdictionem in loca territorii sui, Ordinum collatione, & Ecclesiarum consecra-

cran-

crandarum facultate tantum excepta. Verum per id institutum Castro Cavæ, ejusque territorio in dies populosiori in rebus sacris non sat prospectum videbatur. Eam ob rem Bonifacius IX. anno 1394. ipsum Cavensem Monasterium, ejusque Ecclesiam in Cathedralē erexit, ita ex Monasterio novus emerisit Episcopatus, cujus sacræ jurisdictioni Pontifex subesse jussit terras, vicos, & Castra omnia, quæ ad Cavensem Abbatiam antea pertinebant. Per eundem vero Pontificem res ita transacta fuit, ut novæ Cathedralis Capitulum ipsi Monachi constituerent, & Clausstralis Prior, post Episcopum, primam dignitatem haberet, Decanus secundam.

A monumentis etiam allegatis ab auctore constitit, post tres Episcopos, qui huic Cathedrali præfuerunt, Cavensem Episcopatum delatum fuisse Angelotto de Fuscis ab Anagnensi Ecclesia eo translato anno 1426.: eundem anno 1437. ab Eugenio IV. Cardinalem Divi Marci fuisse renunciatum: ita eum Episcopatum Angelottum retinuisse jure commendationis ad annum usque 1444., quo fato is cecidit: eo exemplo successores usos, eumque Episcopatum commendationis quoque jure retinuisse Ludovicum Scararum Cardinalem Aquilejensem ad annum usque 1465., Joannem Aragonium Cardinalem S. Hadriani ad annum usque 1485.; tandem Episcopatum Cavensem pervenisse ad Oliverium Carsam, eumque veluti commendatum habuisse ad annum usque 1494., eoque tempore rerum faciem mutatam fuisse. Nimirum prædictus Cardinalis perspexerat, solito commendationum fato regularem observantiam in Cavenfi Monasterio fuisse collapsam. Aliunde probe nrat, Patavinam Divæ Justinæ Congregationem, ejusdem Benediclini Ordinis, sanctitatis gloria apud Christianos florescere. Proinde Monasterio Cavenfi veterem suum splendorem is restitutus, in illud advocavit dictæ Congregationis Divæ Justinæ Fratres. Ita anno 1497. auctore Alexandro VI. commendationem suam prædictæ Congregationi resignavit ea lege, ut se mortuo, Episcopalis in Cavenfi Monasterio dignitas prorsus extingueretur, & in eo revivisceret vetus Abbatialis dignitas, prout se res habuerat a primo fundationis initio.

Ita

Ita primū in Cavenſi Monafterio Episcopalis dignitas fuit abolita, Abbas vero Episcopalem tantum jurisdictionem ſine facultate Ordinis in Cavenſe territorium exercebat. Indoluerunt Cavenſes Cives, ſe Episcopalis dignitatis jure fuiſſe privatos: ita graviffima inter eos, & Monafterium jurgia: id autem potiſſimum contendebant, ut veteri Cathedrali jam abolita, nova Cathedralis Eccleſia erigeretur: ei autem Cavenſe Monafterium dotem conſtitueret. Votis Cavenſium Civium diu reſtitere Fratres, tum ne Episcopalem jurisdictionem in Cavenſem Dioceſim amitterent, cum ne prædictæ dotis conſtituendæ cauſa Monafterii redditus imminuerentur.

His ita tranſactis, ut ex productis monumentis conſtitit, anno tandem 1513. diſſidia ſunt compoſita. Præviis enim pactis conventis inter Monafterii Abbatem prædictæ Congregationis nomine, & Cardinalem Aragonium Sedis Pontificiæ Delegatum, Leo X. Bulla ſua 11. Aprilis anni 1513. antiquam dignitatem Episcopalem, & jus Cathedralis Eccleſiæ Monafterio adnexum ſuppreſſit; Eccleſiam vero S. Mariæ Cavenſis in novam Cathedralē crexit, eique a Monafterio omnino ſeparatæ in Dioceſim dedit, præter Cavam ipſam, quicquid per veteres Episcopos jure territoriali poſſeſſum fuerat ſeu ſacro, ſeu profano. Ita Cavenſi Episcopo in territorium Cavenſe non tantum eccleſiaſtica, ſed civilis quoque jurisdictionis fuit tradita. Novæ autem Cathedrali dotis cauſa ſcutatorum auri de Camera millia & quadringenta ſunt conſtituta, eaque de cauſa a Monafterio exinde ſunt delibata tot bona, unde prædicta quantitas anno quolibet redire poſſet, quamvis ut ſunt res hodie, redditus longe majores inde percipiuntur. Ita ſine aſſenſu Neapolitanorum Principum, qui in jura fundatorum ſucceſſerunt, Monafterii redditus ſunt diſcerpti, atque in alium converſum.

Jam vero ne quid in recto judicii ordine deſiderari videretur, primum omnium audiri placuit eos, quorum intererat, Ab eis autem nil prorſus eſt allegatum ad actionem

infringendam a Fisco institutam. Proinde Curia primo visum, Regium patronatum in Monasterium SS. Trinitatis Cavenis omnino exploratum esse. Ex certissimis enim documentis liquet de ejus fundatione facta per Longobardos Principes, cum in eam Regni partem summum imperium exercebant. Ipse Mabillonius in Benedictinis Annalibus ad annum 1025. de ea fundatione testatur. Sic enim ibi clarissimus Auctor: *Primus Monasterii auctor Alferius, locum cedente Guaimario, seu Waimario Principe Salernitano ejus nominis III.* De ejusdem Monasterii dotatione apertius liquet ex copia productorum Diplomatum, quibus non minus Longobardi Principes, quam eorum apud Nos in Imperio successores Nortmanni illud dotare, ditare perpetuo studuerunt, ipsius Principatus bona delibando. Ea res quidem, & sua sponte liquet, eamque certiore facit Rogerii Ducis declaratio. Nam is quidem Diplomate suo anno 1089. professus est palam, se eas concessiones Monasterio facere *de rebus nostre Reipublice pertinentibus*. Ejus quoque rei major certitudo proficit in Diplomate Regis Guilelmi anni 1154. Ibi enim novas concessiones antiquis is addens, se id facere declaravit, *ex eo, quod dictum Monasterium est opus progenitorum nostrorum*.

Cum igitur omnino constiterit, veteres Principes, qui jure summi imperii nostras Provincias habuerunt, Cavense Monasterium fundasse, dotasse: in controversiam revocari nequit, ejus Regium patronatum ipso jure ad Principem pertinere. Rem aperte definiunt *Novell. 57. c. 2. Can. decernimus caus. 16. qu. 7. cap. Nobis de jure patron.*

Quod vero ad electionem Abbatis, cum duo Guaimarii Salerni Principes primi Monasterii fundatores expressim concesserint, ut ipsa Fratrum Congregatio Abbatem sibi libere eligeret, quoties cum eligi oporteret: proinde Curia censuit, in presenti rerum facie nil quicquam innovandum contra electionis formam in Abbatis electione receptam, respectu etiam habito Regalis rescripti de die 10. Julii 1779. Ne quid tamen de jure Regio imminuatur, requisitum Cu-

riae

riæ visum, ut ad confirmandum electum Abbatem Regius impetretur assensus. Id ipsi Pontifices rescriptis suis statuerunt d. C. 25. *de jure patron.*

Pro eo tandem quod attinet ad Cavensem Cathedralē Ecclesiam, exploratum est, eam fundatam, & dotatam esse bonis ex Regio patronatu decerptis, idest bonis a Principibus Monasterio Cavenſi concessis. Ejusmodi vero bona a Monasterio sunt delibata, ne petito quidem assensu Neapolitanorum Principum, ad quos in Monasterium patronatus pertinebat. Quamdiu igitur clementissimo Principi in animo fuerit tolerare ejus Cathedralis dotationem ex Principatus bonis, Regio assensu ad hujusmodi dotationem non petito; certo certius est, in eam illud idem jus patronatus ei competere, quod fundationis, & dotationis causa privatis quibuscumque in Ecclesias competit. Quamvis enim ea bona causa dotis translata fuerint in Ecclesiam Cathedralē injussu Principis, attamen ex recepta juris regula a domino jura domini non amittuntur, etiamsi forte per alios, in aliam formam, aut speciem res convertatur, l. 7. §. 7. ff. *de acquir. rer. dom.* Nam ut ait l. 11. ff. *de reg. jur.* *Id quod nostrum est, sine facto nostro ad alium transferri non potest.* Ipsa autem Romana Rota pridem agnovit, Regium patronatum in Monasterium completi quoque Ecclesias ab eo dependentes, dec. 298. n. 14. par. 9. to. 1. Ea quidem ex regula excipit Romana Rota Ecclesias, quæ aliunde sint acquisitæ n. 16., sed ut supra fuit evictum, Cavenſis Ecclesia fundata, ac dotata fuit ipsius patronatus bonis. Quoniam vero jus potissimum e patronatu manans Prælati nominandi facultatem complectitur ad vacantem Ecclesiam; ideo Curia censuit, Regi competere jus nominandi Cavensem Episcopum, quoties eam Ecclesiam vacare contigerit. Alias enim ostensum, id juris Regi competere non minus in minores Ecclesias, quam in Cathedrales quoque.

His igitur perspectis, & rite examinatis, Curia Ill. & Rev. Domini Capellani Majoris, cum voto Domini Regii Consiliarii D. Domini Potenza ejus ordinarii Consultoris,

ita pronunciavit: *Monasterium SS. Trinitatis Cavenfis fundatum, dotatum per veteres Principes Longobardos, insequentium vero Normannorum Principum liberalitate ditatum, fuisse & esse Regii patronatus: iridem quoque Ecclesiam Cathedralē Cavensem fundatam, dotatam prædicti Regii Monasterii bonis, quæque ex prædictorum Principum liberalitate ad prædictum Monasterium pervenerunt, fuisse & esse Regii patronatus: ideoque Regi D. N., ejusque in Regno successoribus competere jus Episcopi nominandi ad prædictam Ecclesiam in vacationibus ipsius omnibus, jus quoque Abbatis confirmandi in quolibet nova electionis casu, atque alia jura, quæ patronis competunt: proinde non minus Monasterium, quam Cavensem Cathedralē cum omnibus suis juribus, privilegiis, præminentis, corporibus, redditibus, Ecclesiis inde pendentibus, grangiis, exactionibus, jurisdictionibus, pertinentiis, atque integro statu suo, secundum veterem naturam suam, redire oportere ad Majestatis jura: in libros quoque Curia referri inter alia Monasteria, Ecclesias, seu Abbatis Regii patronatus. Quod vero ad res alias a delatore præsentatas ultimo libello suo exhibitio in actis, fol. 110., audito super his Domino Patrono Regalis Coronæ, providebitur.*

In causa Regii patronatus in Abbatiam S. Angeli in Formis. Die 6. Septembris 1779.

Fundatio, & dotatio Ecclesiæ facta ab illis, qui summo imperio possunt, Regium jus patronatus constituent, nulli præscriptioni obnoxium.

Actum fuit in Curia Ill. & Rev. Capellani Majoris de Regio patronatu in Abbatiam S. Angeli in Formis, ejusque redintegratione favore Regalis Coronæ. Ab anno usque 1772. Promotor Fiscalis postulavit hujusmodi patronatum redintegrari jure Majestatis, cui & inhaeret Advocatus Regalis Coronæ, & Regio rescripto sancitum fuit, ut Curia rem rite cognosceret. Itaque instituto judicio, & audito D. Philippo Spinelli e Marchionibus Fuscaldi, ejusdem Abbatiae possessore, & dato etiam termino probatorio; Curia examen instituit monumentorum, quæ pro assertionem Regii patronatus sunt allegata. Quæ vero interea de fundatione, & dotatione dictæ Abbatiae comprobata fuerunt, hæc sunt.

Ex

Ex instrumento permutationis celebrato mense Decembris anno 1065., anno videlicet octavo Principatus Richardi, & Jordani ejus filii, Capuæ Principum, constitit, quod Hildebrandus tunc *Sancæ Capuanae Sedis Archiepiscopus*, consentientibus Sacerdotibus, Levitis, & Clericis sui Archiepiscopatus, declaravit sollemniter, quia *supradictus Richardus gloriosus Princeps* divina inspiratione compulsus pro mercede, & redemptione animæ suæ, vult construere & edificare Canobium, & desiderat invenire remotum locum, ubi *Monasterium edificandum esset*, venit ad Nos, quærens a Nobis, ut commutationem faceremus de Ecclesia pertinente *suprascripto nostro Archiepiscopatus vocabulo S. Michaelis Archangeli, quæ dicebatur antiquitus ARCYDIANÆ, & modo dicitur AD FORMAM*. Addidit, quod Princeps idem permutationis titulo sibi tradi quæsierat tres alias Ecclesias subjectas, & pertinentes ad ipsam Ecclesiam S. Michaelis Archangeli, sub titulis scilicet S. Joannis, S. Salvatoris, & S. Hilarii, quamvis vetustate consumptas, ac insuper terras cultas & incultas, & montes ad ipsam Ecclesiam S. Michaelis Archangeli pertinentes, ipsumque Principem in permutationem obtulisse Ecclesiam sub nomine S. Joannis de Landepaldiis Capuæ sitam, cum omnibus vero possessionibus, quæ ad eandem Ecclesiam pertinebant, ac integra suppellectili, & ornamentis, quibus erat instructa: quodque ad permutationem peragendam secundum Canonicam institutionem, & Regum statuta, Archiepiscopus ipse accersiverat Missum suum, bonæ opinionis hominem, nomine Marium, Presbyterum, & Cardinalem dicti Archiepiscopatus; præfatus vero Princeps direxerat Missum suum Joannem Judicem, ut recognosceret, an quod Archiepiscopatus accepturus erat in permutationem, præstantius esset eo quod erat daturus: illosque opportune, ac diligenter rebus omnibus perspectis, renunciasse, bona a Principe danda majoris fore pretii, & permutationem ipsam in utilitatem Archiepiscopatus cessuram. His igitur impletis, permutatio peracta fuit sollemniter, traditione rerum vicissim permutatarum: consentientibus ac probantibus Presbyteris, Levitis, & Clericis dicti Archiepisco-

pa-

patus, juraque dominica in Ecclesiam S. Michaelis Angeli ad Formas, tresque alias sub titulis S. Joannis, S. Salvatoris, & S. Hilarii, translata fuerunt in Richardum Capuæ Principem.

Insequenti vero anno Principes iidem Richardus & Jordanus alio instramento, seu Diplomate, primum quidem memoraverunt ejus Ecclesiæ acquisitionem, quæ dicebatur ad Arcum Dianæ, sub titulo S. Michaelis Archangeli, eo quod locus ille visus fuerat aptissimus pro Monasterio inibi extruendo. Inde vero ad hujusmodi donationem, seu dotationem processerunt: *Ob amorem Omnipotentis Dei, & ipsius Sancti, necnon pro salute animarum nostrarum . . . per hoc nostrum Principale scriptum damus, concedimus, & confirmamus in præfatum Canobium nuper a nobis constructum, & ubi nunc Venerabilis Abbas Capuanus regimen tenere videtur, quid quantum nostro Principali juri pertinet in toto Sarzano, cum omnibus hominibus, qui ibidem modo commorantes sunt vel fuerint. Addere se etiam dixerunt partes ipsius Sarzani, quæ ad alios primum pertinebant, & Fisco deinde addictæ fuerunt. Aliam denique Ecclesiam eidem Monasterio concesserunt sub titulo S. Angeli Capuæ sitam, juxta plateam de Aulealdifichi, cum omnibus juribus & pertinentiis.*

Constitit præterea ex alio Diplomate ejusdem Principis Richardi de anno 1072., quod ipsemet obtulit, subjecitque Desiderio Abbati Montis Casini Canobium S. Michaelis Archangeli, quod antiquitus dicebatur ad Arcum Diana, & nunc dicitur ad Formam, cum Ecclesiis sibi subiectis, & cum suis pertinentiis, quid qualiter nobis est pertinet, per chartam commutationis nobis emissam ante hos annos a Domino Hildebrando Archiepiscopo SS. Protomartyris Stephani, & Agathe, hujus Capuane Sanctæ Sedis, insinuat etiam cum ipsa concessione, quæ per nostrum Principale scriptum ibidem a nobis concessa, & confirmata est.

Quæ hæcenus enarrata sunt, non ex memoratis tantum Diplomatum, sed a Petro Diacono Chronicorum Casinensium lib. 3. cap. 37., & a Mabillonio Annalium Benedi-

dictinorum tom. 5. fol. 46. edit. Lucens. ad annum 1072. profertur, & confirmantur.

Sed præter institutam hoc modo constructionem Monasterii S. Angeli ad Formas a Principibus Richardo & Jordano, & donationem inde additam primo ejusdem constructionis tempore, accedit quoque, quod Princeps idem Jordanus ann. 1089., anno videlicet 30. Principatus Capuæ, & ann. 26. Ducatus Cajetæ, novo alio Diplomate memoravit primum permutationem a Principe Richardo patre factam cum Archiepiscopo Hildebrando, constructionemque dicti Monasterii, dotationem, amplasque concessiones eidem a patre collatas; & quod illud insuper Monasterio Montis Casini subjecerit. Tum & religionis amore ipsemet motus, confirmavit primum Monasterio bona omnia a Principe patre donata, ac præterea hæc alia etiam adjecit: *Concedo quoque eidem Monasterio S. Angeli Ecclesiam S. Angeli Olaldischi, cum terris, & servis, & cum omnibus suis pertinentibus; & Ecclesiam S. Benedicti Pissoli cum Ecclesiis, & terris, & pertinentibus suis, quæ Ecclesia sunt in Capua, & S. Petrum de Scafati cum Monasteriis, servis, & terris, & omnibus suis pertinentibus, & Ecclesiam S. Rufi cum servis, & terris, & omnibus suis pertinentibus; & Ecclesiam S. Agatha sitam prope muros Aversana Urbis, cum hominibus, & terris, & universis suis pertinentibus; & unum castanetum optimum, & terras pro servitio hospitum, quod est prope Battitizum in finibus Sarzani.* Tum alio Diplomate ejusdem anni fines descripsit supradicti castaneti, ad maximam quidem latitudinem.

Hujusmodi Monasterium, ut ex antiquis monumentis colligitur, penes Monachos Ordinis S. Benedicti ad sæculum usque XV. mansit. Eodem sane sæculo illud idem huic Monasterio usuvenit, quod hujus Regni Monasteriis & Abbatibus pene omnibus, nimisum, ut Commendatariis traderetur, nulla quidem ratione habita Jurium Regalium. Anno 1582. Cardinalis Antonius Casafa tunc Commendatarius ad ipsam Monasterium Cassinenses accepit e Congregatione S. Justinae

stinæ Patavinæ, ut antiquam collapsam jam disciplinam in eo restitueret. Sed cum successores Commendatarii annuas præstationes, Monachis pro eorum sustentatione solvi solitas, tribuere neglexissent, paulo post, anno nimirum 1600. Cassinenses Cardinali Sfrondato Commendatario Monasterium abdicarunt. A quo inde tempore, præter quamcumque Principum fundatorum voluntatem, Monasterium cum redditibus suis omnibus penes Abbates Commendatarios permanfit.

Cum igitur ea ita sint, visum est Curie facillime expediti posse de jure patronatus quæstionem. Cum enim ambigendum non sit, ipsum Monasterium fundam dotatumque fuisse a Principibus Nortmannis, qui in his Regionibus summo imperio potiebantur (quod satis evidenter ex allatis Diplommatibus, & ex Historicis ipsis adparet); nec propterea dubitandum est, quin jus patronatus ad fundatores Principes, eorumque in Regno successores pertineat. Constat enim jus patronatus fundatione, constructione, & dotatione Ecclesiarum ipso jure adquiri. *Cap. quoniam 3. cap. nobis 25. de jure patron. cap. ad audientiam 3. de Eccles. edific. Can. pia mentis 23. Can. decernimus 29. caus. 16. quæst. 7.* Cumque in *Can. Monasterium 30. cit. caus. 16. qu. 7.* satis aperte statuatur, quod *Monasterium canonice constructum a domino constructoris eo invito non auferatur*: nihil quidem rationi, ipsique juri Canonico magis erit consonum, quam ut præfata Abbatia fundata, constructa, & dotata a Principibus Nortmannis, ad Reges successores, cum nativo jure patronatus revertatur.

Frustra vero quis objiciat, jura Majestatis, si in usum aliquando deducta non sint, diuturnitate temporis amitti. Vulgatum enim est, jura Majestatis, inter quæ Regii quoque patronatus referri debent, ne millenariæ quidem præscriptioni subesse. Id juris publici principium passim ubique obtinet, & pluribus hujus Regni sanctionibus est confirmatum. His igitur perspectis, & omnibus actis, Curia ita pronunciavit, cum voto Domini Regii Consilarii D. Dominici Potenza ordinarii Consultoris ejusdem: *Abbatiam S. An-*
geli

geli in Formis Capuæ sitam, constructam & dotatam ab antiquis Principibus Nortmannis in usum Monachorum Ordinis S. Benedicti, derelictam deinde a Monachis ipsis, & nonnullis Abbatibus causa percipiendorum reddituum commendatam, fuisse, & esse Regii patronatus; proinde fauissimò Regi, ejusque in Regno successoribus jus competiisse, ac competere nominandi in ea Abbatem vacationis tempore, ac similiter cetera jura competere, quæ patronis competunt: necnon dictam Abbatiam cum omnibus suis redditibus, corporibus, grangiis, bonis, juribus, rationibus, Ecclesiis, privilegiis, præcipientiis, & quibuslibet pertinentiis, una cum jure nominandi, juribusque aliis patronatus adnexis, Regi restituendam, ac redintegrandam esse, ex nativæ sui naturæ, eamque in libris Curia cum ceteris Abbatibus, atque Ecclesiis Regii patronatus esse describendam.

In causa Regii patronatus in Abbatiam Divi Angeli in Vulturno, seu Mentinuli. Die 29. Novembris 1779.

Quod ad controversiam de redintegrando Regio patronatus in Abbatiam S. Angeli in Vulturno, pendentem in Curia Capellani Majoris, res ita se habet. Ab ipso anno 1771. Promotor Fiscalis exhibuit monumenta dotationis ab antiquis Principibus Longobardis, Nortmannisque pro prædicta Abbatia erigenda factæ, ejusque redintegrationem petiit. Patronus etiam Regiæ Coronæ ab ipso anno 1772. postulat libello suo, ut prædictæ Abbatiz fructus sequestro ponerentur, ne cum Principis, & pauperum detrimento consumerentur. Interea temporis Romana Curia prædictam Abbatiam pro recepto more commendavit Francisco Carafa Cardinali. Ejus nomine contra redintegrationem a Fisco petitam diversæ exceptiones fuerunt oppositæ: petiit quoque, ut ea Abbatiz commendatio Regio placito ex usu recepto confirmaretur. In eo partium consensu hæc Curia in sua ad Principem consultatione censuit, ut causa subiceretur judicio ordinario, in quo invicem proposita rationum momenta accuratius perpenderentur. Eadem Curia Regali clemen-

Ex dote data ab eo, qui summum imperium exercet, jus patronatus Regium emanat. Dura dos intelligitur, cum ad alendos Ecclesiæ Ministros fundi donati fuerint; etiam si dotis vocabulum nō adhibuerit donans. Quæ vero Ecclesiæ concessa corpora jurisdictionis ex relictum edicunt, non nisi a Majestate indulta dici debent; restatque jus patronatus Regium prostant.

tiam definiendum remisit, an inter iudicii moras Regio placito munienda foret prædicta commendatio. Ea de re bina Regis optimi rescripta sunt evulgata. Primo mense Septembris anni 1774. cautum, ut ob singulares Commendatarii causas Regium exequatur ei concederetur. Altero mense Augusti anni 1776. vetitum, ne ob privilegium in primo rescripto Cardinali Carafa concessum, præjudicium creatum intelligeretur redintegrationi a Fisco petita. Curia igitur in mandatis datum, ut iudicium jam institutum absolveret, ejusque exitum Principi exhiberet. Ob ejus igitur rescripti executionem ad ipsius controversiæ definitionem Curia procedendum censuit.

Re autem rite perpenſa, de Regia controversiæ Abbatia dotatione dubitandum vix videbatur. Primo enim constat, ex Diplomate anni 967. cujusdam Longobardi Principis, qui in eo inscribitur *Pandolfus Princeps de Conſa, & de Rapolla, Magister, & Dominator, & acquiſitor Principatuum*, eum apud Conſiam nono ſui principatus anno declarasse, præceptum Evangelicum se sæpe sæpius perpendifſe, quo miſericordia erga pauperes commendatur; ea de cauſa ſe decreviſſe dare *Villam de Monticulo Eccleſiæ, & Monafterio Sancti Michaelis de Monte Vulturano*, in quo eſt *Venerandus Abbas Benediſtus*, cum quinquaginta Monachis, qui pro timore Dei dimiſerunt omnia ſua, & vivunt ſicut pauperes in illo ſancto loco, & Eccleſia. Indidem liquet ejus deliberationis implendæ cauſa eundem Principem cum diverſis civibus prædictæ Villæ de Monticulo ad dictum Monafterium contendiſſe oratum Abbatem, alioſque Monachos, ut pro ſe orarent, ac divinam miſericordiam erga ſe provocarent: id officium Principi lubenter præſtiſſe Monachos, ejusque nomen litteris conſignafſe; his ita tranſactis, oblationem ſuam ita nuncupaſſe: *dedit dicto Monafterio Villam de Monticulo cum omnibus pertinentiis ſuis, quæ ſuit de patre meo, & matre mea, & ego habebam, & de patrimonio . . . & rogavi Dominum Abbatem, ut veniret ad Conſiam, & acciperet ibi privilegium de oblatione dicta, & veniens Dominus Abbas, nobiſque junctis in Civitate Con-*

Confra, & in praesentia Domini Petri Venerabilis Episcopi ipsius, junctis sic omnibus, qui ibi erant, cognovi quod feceram in Monasterio, & dixi Domino Abbati, ut faceret de Villa Monticuli quicquid vellet sicut Dominus, & feci jurare omnes Monticuli, ut facerent praeceptum Abbatis, & essent omnes Monasterii omni tempore.

Rursus ex alio Diplomate anni 1080. apparet, Nortmannum Principem cognomento Goffridum Simacioli Dominum Corbi filium Dei charitate tatum in remedium animæ obtulisse perpetuo jure Monasterio S. Michaelis Archangeli Vulturani, SS. Trinitatis Ecclesiam sitam in loco, qui dicitur Catuna, & Villam, quæ dicitur Aqua Tella, & S. Mariae in bedera, Sanctique Egidii Ecclesias cum omnibus suis pertinentiis, juribus, territoriis cultis, incultis, pascuis, sylvis, vineis, aquis, molendinis. Oblatio isthæc id singulare habet, quod expleta fuit in praesentia, & cum subscriptione Ducis Roberti Guiscardi, ejusque filii Rogerii Comitis, Desiderii Abbatis Casinensis, Balduini Melphitani Episcopi, Constantis Episcopi Venusini, Mathonis Episcopi Montisviridis, atque aliorum honestorum hominum, qui aderant Melphie in palatio Pontificali. Id Pontificale palatium ab eo diversum fortasse non fuit, in quo pluribus ante annis domicilium sibi delegerat Pontifex Nicolaus II., dum centum Episcoporum Concilium Melphi habuit, & Ecclesiam Divi Angeli in Vultu consecravit.

Præterea ex aliis quoque monumentis liquet, post Friderici II. obitum, Galvanum Lanceam, qui Manfredi Tarenti Principis partes sequebatur, spoliasse Monasterium Villa Monticuli tamquam de jure Regio. Haud ita multo post, rerum apud nos potito Carolo I. Andegavensi, prædicti Monasterii Abbas cum eo expostulavit ob res a Galvano direptas. Proinde idem Carolus anno 1266., ipsius Regni primo, præcepit Justituario Lucaniæ, ut Monasterio Monticulum restitueret, si de ejus dominio, & possessione constaret; ita tamen, ut eam ob rem neque Regiis juribus, neque alterius cujuscumque præjudicium creatum intelligeretur.

tur . Mandato Justitii Guilemus Melphitanus Judex tota de re accuratam inquisitionem instituit . Monticulum igitur petens accurate perpendit instrumenta a Monasterio exhibita , testes audivit ; tota autem inquisitio eo rediit : *Qualiter quondam Pandulfus Princeps Consue pro salute anime sue , & omnium parentum suorum , & pro remissione omnium peccatorum eorundem , donavit Villam Monticuli Monasterio S. Michaelis de Monte Vulturano . Probatur per instrumentum publicum inde confectum ; prout testes jurati , & interrogati dixerunt , quod Castrum , & Terra Monticuli cum tenimento , & aliis pertinentiis suis , situm in Justitiariatu Basilicatae pleno jure spectet ad dictum Monasterium Vulturensi ; & unusquisque dixit , quod pluries vidit , & legis privilegium donationis , & confirmationis ipsius Castri , & Terrae Monticuli , & tenimenti ejusdem , factum eidem Monasterio de ipsis Castro , & Terra , & pertinentiis suis a qu. Pandulfo Principe de Consue , & Regibus Siciliae , scilicet Rege Rogerio , & Rege Guilelmo . Testes etiam affirmarunt , Monasterium ab immemorabili pacifice possedisse dictum Castrum , & territorium , & alias pertinentias ipsius Castri , percipiendo fructus , & alios proventus , & jura tam ab hominibus habitatoribus ipsius Terrae quoad jus temporale , & saeculare , quam a Presbyteris , & Clericis ipsius Terrae quoad jus Ecclesiasticum , & spirituale . Alii quoque asseruerunt , quod praedictum Monasterium habebat ibidem Bajulos , & Judices , & faciebant ibidem regere justitiam , dominabantur ibidem tam in laicis , quam Clericis , Castro , & Terra , & hominibus Monticuli , tamquam in Castro , Terra , & hominibus pleno jure spectantibus ad Monasterium supradictum .*

His ita compertis , Justitiarius Lucanis sententia sua definivit , dictum Castrum Monticuli restituendum , & assignandum esse eidem Abbati , & Monasterio Vulturensi , jure Regio , & cujuslibet alterius , secundum formam sacri mandati , semper salvo . Ipsa vero sententia per Monticuli restitutionem Monasterio facta confirmata fuit . Proinde ipse Carolus I. Diplomate suo jussit , ab hominibus Monticuli Monasterio solitas cautiones , seu *affecurationem* , quam vocant , praestari juxta

Re.

Regni consuetudinem , post præstitum Principi fidelitatis iuramentum .

Jam vero documenta isthæc per Fiscum exhibita sunt eadem , quæ Cardinalis Nicolaus Coscia superioribus annis Commendatarius in Regia Camera produxit contra Universitatem Atellæ , ut proinde in dubium revocari nequeant . His igitur monumentis Fiscus innixus in prædictam Abbatiam Regium patronatum redintegrari petiit . Inde enim aperte constitit, Monasterium Vulturense dotatum fuisse per Principes , qui in certas Regni partes summum imperium exercuerunt . Dos Monasterio constituta ex ipsius Principatus bonis patet . Cum igitur privatis omnibus , qui dotem Ecclesiæ constituunt , jus patronatus competat , *Can. Nemo de consecrat. dist. 1.* , idem Juris Principi denegari non debet.

Fisci petitione ita constituta , adversus eam plures exceptiones opponit Commendatarius hodiernus Abbas . Primo enim is regit , ex Pandulfi privilegio nullum patronatum nasci ; namque ait , nullam in eo mentionem dotationis occurrere , unius oblationis mentionem fieri , & ex qua simplex titulus benefactoris enasci queat . His addit , Pandulfum neque Ecclesiam , neque Monasterium Vulturense fundasse , cum ipse Pandulfus testetur Diplomate suo , tempore liberalitatis suæ Ecclesiam & Monasterium extitisse cum quinquaginta Monachis . Inde vero infert dotantis vocabulum Pandulfo accomodari non posse ; contendit enim , dotales veteres fundos Monasterio esse oportuisse , unde Abbas cum Monachis quinquaginta alimenta perciperet . Sane vulgatum in Regula Benedictina est , eam amplecti volentes sua omnia oportuisse deferre , atque ab ipso Monasterio alimenta percipere .

Enimvero re accurate perpenfa , ejus exceptionis nullam rationem haberi placuit . Quamvis enim in Pandulfi liberalitate dotationis mentio fuerit omiffa , reipsa tamen Ecclesiæ , & Monasterio dos per Pandulfum collata fuit . Neque enim oportet verba captare , sed qua mente quid fiat , animadvertere . Aliunde non quid dixerit , sed quid con-

tra-

trahentes fecerint leges spectari jubent. Finem donationis suæ Pandulfus ostendit, cum dixit, quod Abbas, & Monachi quinquaginta *vivebant ut pauperes in illo sancto loco*, ac sibi obversari regulam Evangelicam, quæ indigentibus opitulari jubet. Cum igitur Monasterio tradidit Villam Monticuli, cum redditibus inde percipi solitis, revera dotem ei constituit, quamvis in donatione sua dotis vocabulum non adhibuerit. Ipsum jus civile ad dotis qualitatem constituendam dotis vocabulum non requirit. Sane definit Jurisconsultus in *L. 23. ff. de jur. dot.*, in dote seu constituenda, seu tradenda, dotis mentionem fieri non oportere. Lubet in re ista celeberrimi ipsa Jurisconsulti verba hic exhibere ex *d. L. 23. de jur. dot.*: quia autem in stipulatione non est necessaria dotis adjectio, etiam in traditione tantumdem dicimus.

Sed ex ipsis rebus in promptu est argumenta desumere. Nemo unus inficias iverit, dotis vocabulo contineri su dos, unde Ecclesiæ Ministri vitam tolerare solent. Jus igitur patronatus ei etiam deferri debet, qui suos Ministros dederit, licet eos dotis vocabulo non designavit. Aliunde Canones patronatum illis deferri jubent, qui dotem Ecclesiæ constituerint: in eo tamen negotio non vocabulum, sed res ipsas, & facta spectant. Dos scilicet, quæ Ecclesiis constituitur, Ministrorum alimenta, alique complectitur, quibus Ecclesiarum necessitatibus occurri possit. Dotem constituentibus Canones jus patronatus deferunt. Ex Canonum igitur sententia jure patronatus excludi non debent, qui Ministris alimenta constituunt, & largitionibus suis necessitatibus Ecclesiarum subvenerint, quamvis in datione mentionem dotis nullam injecerint. Id apertissime definitur in prædicto Canone *Nemo, de consec. dist. 1.*; ibi enim dotis mentione neglecta, jus patronatus deferretur generatim omnibus, qui facultatibus suis quotidianis Ecclesiæ necessitatibus consulant, iis scilicet, qui ea præstant, quæ luminaria, custodiam, & ipsorum custodum stipendia spectant. Ipse Imperator Justinianus ea in re sententiam Caponum expressit, & modum indicavit, quibus jus patronatus acquiri solet, in *Nov. 57. cap. 1.*;

cap. 1. ; sic enim ibi : *Si quis edificans Ecclesiam , aut etiam aliter in ea ministrantibus alimenta expendens . Eum vero locum ad Justiniani mentem ita interpretatur in epitome sui Julianus antecessor Constantinopolitanus : Si quis Ecclesiam edificaverit , aut Clericis ex sua substantia annonas dederit .* Eo autem loquendi modo in re alimentaria ipsi profani Scriptores sunt usi . Ita quidem Vopiscus in Aureliano : *Templum solis fundavit , & Pontifices roboravit : decrevit etiam emolumenta fartis testis , & Ministris .* Ad eum Vopisci locum opportune Salmasius : *Salaris , & redditibus opimis annuis eos distavit , & munivit .*

At vero adversus ea quæ diximus perperam excipitur , Monasterio non defuisse , unde Abbas , & Monachi quinquaginta percipere alimenta possent . Id enim ipsis Diplomatis verbis aperte adversatur . Nam ibi quidem Pandulfus testatur angustissimas res Monasterii fuisse , & Abbatem cum Monachis vixisse ut pauperes . Si igitur vivebant ut pauperes , eis alimenta ad vitam tolerandam deesse oportebat . Vanior adhuc exceptio est , quæ ex Regula Benedictina desumitur . Si enim Abbas , & Monachi non indiguissent alimentis a Pandulfo præstitis , ejus donationem Regula obstante non acceptassent . Contra tamen est factum ; post eam enim , Pandulfum *alacre acceperunt* ad suam orationem . Eo accedit , quod si Regula obstitisset , a Carolo I. Andegavensi Monachi non postulassent restitutionem Monticuli , a cujus possessione per Galvanum Lanceam dejecti fuerant *in ipsius Monasterii præjudicium , & non modicam læsionem* ; neque hujusmodi postulationi Carolus annuisset .

At palmarium hodierno Abbati est argumentum inde desumptum , quod Pandulfus donationis auctor jus summi imperii in Regno nunquam exercuit ; idipsum de Goffrido asserit , qui liberalitate sua dotem Monasterii auxit . Exceptionem suam inde confirmat Abbas , quod sub Longobardorum Principatu , Capuæ tantum , Salerni , & Beneventi Principes jus summi imperii apud nos usurparunt ; in Regno reliqui ab eorum nutu pendebant ; Principis vocabulum ad

eos tantum pertinuisse, qui Salerni, Capuæ, Beneventi imperitarunt; & in veteribus monumentis Consue Pri-ncipes nusquam occurrere. His ita constitutis, Abbas opponit, ad Regem quidem pertinere posse jus patronatus in Ecclesiis ab iis fundatas, qui jus summi imperii exercuerunt, ne-utiquam vero in eas, quæ a privatis hominibus suis allodiis dotatæ fuerint; ejusmodi vero esse controversam Ecclesiam.

Enim vero ea quidem exceptio facile repelli potest. Fiscus enim ostendit, Principes Longobardos ad successio-nem vocasse non tantum liberos natu majores, sed minores etiam, quos inter vici, pagi, Civitates dividebantur, qui-bus Principatus constabat, liberos vero natu minores jure summi imperii usos esse in eis Regionibus, quæ ad ipsum pertinebant dominium. Hinc tot Comitatus apud Longobar-dos, qui jus summi imperii in suo quisque territorio exer-cuerunt. Atque inde ratio reddi potest, cur in tot frustra comminutum Longobardorum imperium Nortmannorum vir-tuti cesserit. Utrumque id erit, illud constat, fundationes a quibuscumque Principibus Longobardis factis Regii patro-natus censeri oportere, eas enim ceptarant Prin-ipes, qui summi imperii jura exercebant. Fallitur igitur Abbas cum regerit, unos Beneventi, Capuæ, & Salerni Principes jure Majestatis in Regno usos.

Quod vero ad Principem Pandulfum donationis aucto-rem, quamvis ob temporum obscuritatem de rebus ab eo gestis non omnino constat, Fiscus tamen ostendit verissimum Diploma esse, ejusque ingenuitatem numquam in dubium re-vocatam esse. Sane idem Diploma productum in judicio fuit Caroli I. Andegavensis ævo, cum agbatur de ejusdem con-cessionis vigore. Id ipsum rite agnitum legitimum fuit ha-bitum. Inde factum, ut Terra Monticuli nomine Curia per Galvanum Lanceam occupata Monast-rio Divi Angeli in Vultu sit restituta. Eo accedit, quod superior Commen-datarius Abbas monumenta isthæc in judicio ultro allegavit. Ejus igitur successor ingenuitatem Diplomatis in dubium revocare non potest.

Ex

Ex dictis hætenus Fiscus evincit, Pandulfum jura summi imperii in Consiam, & Rapollam exercuisse. Licet igitur neque Beneventi, neque Salerni, neque Capuæ is imperarit, patronatus in controversam Ecclesiam ad Neapolitanos Principes jure Regio pertinet. Sed singulares tituli, quibus in Diplomate designatur Pandulfus, ex sententia Fisci videntur ostendere, hunc Pandulfum eundem esse cum Pandulfo, qui *capitis ferrei* dici solebat, qui primum Beneventi Princeps, mox potitus est etiam principatu Capuæ, & Salerni. Id si admittatur, ratio facile reddi potest, cur *acquisitor Principatum* is dicatur in Diplomate suo. Id ipsum ideo probabilius videri debet, quia Diploma signatum dicitur anno 967. mense Majo anno nono *Principatus nostri*. Ineunte autem anno 959. Princeps Landulfus II. Pandulfum *capitis ferrei* Principatus socium renunciavit.

Utrumque id erit, facile Fiscus refellit exceptionem aliam, qua contenditur, res Monasterio donatas inter Regalia censendas non esse. Nimirum donata Monasterio fuit Terra Monticuli cum Vassallis, jurisdictione, territorio, prædiisque late patentibus: idque hodieum dignosci potest ex vastis saltibus, & immensis terris cultis, & incultis, quæ in Monticuli Territorio continentur. Quod igitur donatum fuit, & ad Regalia spectabat, & ab eo tantum concedi poterat, qui summum exercebat imperium. Proinde si omnia argumenta deessent, ipsa rerum concessurum natura concessionem Regiam ostendit esse, & de Principis patronatu dubitari non patitur. Sane Manfredi tempore Terra Monticuli per Galvanum Lanceam occupata fuit tamquam ad Regiam Curiam pertinens. Cum etiam per Carolum I. Andegavensem ea Monasterio restituta fuit ob Pandulfi privilegium, id fieri placuit, salvis Majestatis juribus, quæ ad Principem pertinebant. Quod autem in Diplomate dicitur, Terram Monticuli paterno, materno jure hereditario, ad Pandulfum pertinuisse, id Fisci intentioni non obstat, id enim inculcat, eam Terram non primum ab ipso Pandulfo fuisse acquisitam, sed ad parentes quoque suos pridem pertinuisse.

Tom. I. Cur. Cap. Maj.

L

De

Denique donatio Villæ, quæ dicitur Aquæstetæ a Goffrido facta Nortmanno Principe patronatum Neapolitani Regis aperte adstruit. Ex historia enim Neapolitana constat, nondum sub Rogerio Neapolitanis Provinciis in Regni formam redactis, veteres Nortmannos Principes pro se singulas regiones cepisse, easque jure summi imperii ad illos pertinuisse, qui ipsas debellassent. Ejusmodi Goffridus fuit: ejus igitur donatio jure Majestatis est expedita. Aliunde ea donatione aucta fuit dos Monasterii. Vulgatum autem in jure est, patronatum acquiri seu augmento dotis, seu nova constructione, vel alia simili causa. *Conc. Trident. sess. 25., cap. 9. de Reform.*

His omnibus rite perpenſis, Curia Ill. & Rev. Dom. Capellani Majoris visum, de Regio patronatu in Abbatiam Divi Angeli in Vultu dabitari non posse; exceptionum vero per Abbatem oppositarum nullam rationem haberi oportere. Quapropter inspecta petitione, *ſol. 1.*, inspectisque scripturis exhibitis, Regalibus rescriptis, & instantia, *ſol. 4. 7. 9. 12. 19. 30. 35. 38. 41. 43. 48. 49. & 55.*, ac omnibus actis, cum voto Domini Regii Consiliarii D. Dominici Potenza ordinarii Consultoris, ita pronunciavit: *Abbatiam Divi Angeli in Vultu, seu Monticuli, tamquam largiter dotatam per Pandulfum Longobardum Principem, & Goffridum Nortmannum, fuisse, & esse de Regio patronatu, cum facultate nominandi Abbates quæties Abbatiam vacare contigeris, & cum reliquis juribus, quæ Regium patronatum sequuntur: proinde prædictam Abbatiam cum Grancia Aquæstetæ, cum omnibus suis Ecclesiis, pertinentiis, dignitatibus, corporibus, redditibus, exemptionibus, jurisdictionibus, privilegiis, præeminentiis, & integro statu, ad jura Majestatis secundum suum primævum statum redire oportere, atque in libros Curia referri inter alias Abbatias, Ecclesias, & dignitates, in quas jus patronatus serenissimo Regi competit.*

In causa D. Francisci Acquaviva ab Aragonia, Abbatis Regalis Abbatie Sanctæ Mariæ Matris Domini, cum D. Paschale Corrales. Die 2. Decembris 1779.

Inspecto supplici libello S. M. porrecto, & Regali rescripto, fol. 1. & 2., instantia, fol. 10., decreto termini, fol. 17. & 1., instrumento, fol. 21. & seqq., instantia Regii Fiscii, fol. 58. & 1., & omnibus actis, Curia Ill. & Rev. Capellani Majoris, cum voto Domini Regii Consilarii D. Dominici Potenza ordinarii Consultoris, declarat: *D. Franciscum Acquaviva ab Aragonia, Abbatem a clementissimo Rege nominatum ad Abbatiam sub titulo Sanctæ Mariæ Matris Domini, non teneri rursus in emphyteusim concedere D. Paschali Corrales prædia in territorio Salerni posita in loco dictari solite Vessola, seu Palmentello, pertinentia ad Ecclesiam S. Mariæ in Vessola, prædictæ Regalis Abbatie gratiam; proinde prædictum Abbatem pro arbitrato statuere posse de prædictorum prædiorum seu locatione, seu administratione: salva provisione facienda respectu fructuum pro præterito perceptorum. Neutram Partem in expensis.*

Regii joris patronatus consequens est, ut qui a Principe nominatus fuerit, non teneatur Ecclesiam prædia rursus in emphyteusim concedere; cum antecessens emphyteusis, quippe quæ Principis assensu caret, nulla sit.

Nimirum D. Franciscus Acquaviva causam habet ab ipso Principe, qui Regiis suis codicillis ei deferri jussit prædictæ Abbatie administrationem, ob Regium patronatum in eam Principi competentem. Is igitur non obligatur rursus inire novos contractus emphyteuticos in prædictæ Regiæ Abbatie prædiis, qui sine ipsius Principis assensu sunt initi. Cum vero prædictorum prædiorum emphyteusis ab initio suo Regii assensus firmitate caruerit, eam hædiernus Abbas, non si vellet quidem, sine assensu Principis, executioni demandare posset.

Sane prædictorum prædiorum emphyteusis, inita anno 1554. in annos vigintinovem ad renovandum, nullam ab initio firmitatem habuit, quamvis fingi velit, eam nudam qualitatem Ecclesiasticam habuisse, & patronatu Principis nusquam affectam. Nam alienatio isthæc expedita fuit solennibus non observatis, in jure civili præscriptis in Nov. 7.

cap. 2. Eo accedit, quod licet emphyteusis contracta foret, cum obligatione impetrandi assensus Pontificii, qui pro ratione temporum necessarius habebatur in prædiorum Ecclesiasticorum alienatione; ne is quidem impetratus fuit. Neque ob temporis diuturnitatem præsumi potest assensum Pontificium re ipsa impetratum fuisse. Statim enim post contractum initum defectus assensus fuit oppositus: eadem vero oppositio insequentibus quoque temporibus perpetuo allegata fuit, neque umquam assensus est impetratus. Actus igitur ab initio infirmus tractu temporis convalescere non potuit. *L. 29. ff. de regul. jur.*

Sed in præsentī controversia eo argumento tuto carere licet. In ea agitur de alienatione prædiorum, quæ ad Abbatiam Regii patronatus pertinet. Explorati autem juris est, ejusmodi alienationes esse omnino irritas, ubi sine consensu Principis peractæ fuerint. Sane Canones generatim edicunt, patronorum consensum requiri oportere in distrahendis rebus Ecclesiæ, in quam jus patronatus alicui competit. *Can. Constitutum 16. qu. 1. Can. filius 16. qu. 7.* Ea in re cum Canonibus convenit Regia declaratio faustissimi Regis Ferdinandi contenta in Regiis literis 27. Octobris anni 1777. His ita præstitutis, cum Cardinalis Firraus Abbas Commendatarius Abbatissæ Matris Domini anno 1609., alterque successor Nicolaus Xaverius Sanctamaria Cirenensis Episcopus anno 1742., veluti transigendo, controversam emphyteusim renovaverint, quisque quamdiu viveret: ex hujusmodi obligatione, contra juris formam inita, vix est, ut personæ ipsæ transigentium adstringi potuerint; prædia vero ipsa nullo pacto obligari poterunt. Nam respectu prædiorum ad Abbatiam pertinentium obligatio ulla enasci non potuit, sine consensu Principis, a quo novus contractus confirmandus erat, non minus ob jus Majestatis, quam patronatus.

Hic accedit, Paschalem Correale ad judicium provocatum nihil adversus actorem opposuisse, neque in cursu termini adversus actionem quid excepisse: perpetuo autem tacuisse. Suo igitur silentio jus actoris agnovit. Vulgata enim
juris

juris est regula: *Qui tacet, non utique faletur, sed tamen verum est, cum non negare. L. 142. ff. de reg. jur.*

In causa Rev. Capituli Terræ Montorii cum Rev. Episcopo Interamnenfi. Die 9. Augusti 1779.

IN Curia Regii Rev. Capellani Majoris hujus Regni agitata fuit contentio ioter Rev. Episcopum Aprutium, seu Interamnatem, & Rev. Archipresbyterum, Capitulumque Collegiatæ Ecclesiæ Sancti Rocchi Regii patroatus mediati Terræ Mootorii, ejusque Comitatus, num videlicet Archipresbyter modo dictus fulgeat jurisdictione quasi Episcopali in Terra Montorii, ioque Comitatu ejusdem super Canonicos præfatæ Collegiatæ Ecclesiæ, atque super Clerum & populum ejusdem Terræ, totiusque Comitatus? Et an possit instituere Canonicos numero duodecim, componentes Collegium, sive Capitulum ejusdem Collegiatæ Ecclesiæ, ad præsentationem Regiam, nunc vero ad præsentationem Illustris Comitatus Domini Montorii, sui que Comitatus, atque feudalis patroni, valeatque vicissim Capitulum instituere Archipresbyterum ad eandem Regiam præsentationem, sive ad præsentationem ejusdem Ill. Comitatus feudalis patrooi pro nunc, & durante linea ejusdem, nulla prorsus intercedente approbatione prælaudati Episcopi Aprutini? Iosuper an ne potis sit Archipresbyter constituere Vicarios, seu Capellanos ad suum nutum amovibiles, curam animarum exercentes in Parochiis Comitatus prædicti eidem Ecclesiæ Collegiatæ S. Rocchi unitis, absque licentia, & approbatione supradicti Aprutini Episcopi? Sit ne demum eadem Collegiata Ecclesia nullius Dioceseos, habeatque territorium, seu potius Diocesim separatam, divulsamque tam a Diocesi Aprutina, quam a Pennesii, quibus contermious est atque finitimus totus Montorii Comitatus? Reintegrandumque pariter sit supradictæ Ecclesiæ Collegiatæ beneficium, sive Ecclesia S. Bartholomæi de Fajeto, tamquam de evidenti Regio jure patronatus, sive patronatu feudali?

Ex unione Ecclesiarum in Oppido populi, quæ animarum curam habent, censetur translata jurisdictione ecclesiastica, & spiritualis in Prælatum inferiorem; atque ex potestate Prælati inferiori tributa præficiendi personas spirituali regimini, Clerum, & personas Ecclesiasticas visitandi, corrigendi, puniendi, inducitur territorium separatam nullius Diocesis, a Diocesi Episcopi divulsam.

Affir-

Affirmant Archipresbyter, atque Capitulum, ajuntque his præeminentiis, & prærogativis potiri ob privilegium ab Pontifice Paulo IV. concessum anno 1559., quo anno vi Bullæ ejusdem, erecta fuit in Collegiatam Ecclesia S. Rocchi, cique unitæ annexæque fuere pleræque Ecclesiæ Parochiales, & beneficia Terræ Montorii, & Comitatus ejusdem; quæ nempe Ecclesiæ omnes, & beneficia, licet fuissent Regii patronatus in origine, & tunc temporis patronatus feudalis, nihilominus accedente consensu Ducis Palliani, tunc Comitis Montorii, obtentoque pariter Regio placito, seu exequatur (in quo expresse declaratur Ecclesias prædictas, beneficiaque cetera fuisse Regii juris patronatus) in fundum dotis prædictæ Collegiatæ Ecclesiæ S. Rocchi, & pro divinis explendis, proque sustentatione unius Archipresbyteri, & duodecim Canonicorum, utpote ex fundationis jure fuere per præfatum summum Pontificem unitæ, & jus patronatus Regium, seu feudale ex fundatione, & dotatione, neutiquam vero ex gratia, in præfata Bulla declaratum.

Negat vero Aprutinus Episcopus, asseritque elici nequaquam posse ex Bulla prædicta concessas fuisse Archipresbytero hujuscemodi præeminentias, multoque minus jurisdictionem quasi Episcopalem, nec Ecclesiam Collegiatam S. Rocchi, ceterasque Ecclesias, & beneficia sibi unitas, esse nullius Diœcesis, neque habere territorium separatum; verum esse illas non solum in Diœcesibus, sed de Diœcesibus Aprutina, & Pennensi; instituendos propterea esse Archipresbyterum, & Canonicos per ipsummet Episcopum, licet ad præsentationem Comitis Montorii, approbandosque esse pariter Vicarios, seu Capellanos Ecclesiarum Comitatus Montorii per loci Diœcesanum; ceteroquin curam animarum in præcatis Ecclesiis Parochialibus unitis exercere minime eos posse. Subjungitque in hac quasi possessione ipsum ab ævo longinquo reperiri.

In hac enim concertatione aliter fuit decretum per præclarissimum Dominum Regium Consiliarium Judicem datum per S. R. M. in appellationis gradu propositæ per Rev. r.
Epi-

Episcopum Aprutinum (cui appellationi postea inhæresere Archipresbyter & Capitulum), quam decisum extiterat prius per commendatissimum, laudatumque viram Dominum Regium Consiliarium tunc Curiae Rev. Regii Capellani Majoris Consultorem. At cum mihi per eandem Regiam, plenissimamque Majestatem demandata sit ejusdem concertationis cognitio, atque decisio in alio appellationis judicio petita per Archipresbyterum, & Capitulum; idcirco, ut causa sedulo, & ut par est, per vera juris principia discutiatur, decidaturque, ne quid detrimenti Regium jus patronatus capiat, necessarium propterea esse duco, ut prius in antecessum exponatur quidnam statutum fuerit per Paulum Papam IV. in prælaudata Bulla; quid inde juris ab ea in præsentia contentione derivetur, deducaturque. Et ut rite, recteque hæc omnia servantur, ipsiusmet Bullæ verba, quæ ad rem faciunt, hic in medium proferre, necessarium arbitror.

Summus Pontifex igitur Paulus IV. sua Bulla data Romæ septimo Kalendas Junii anni Incarnationis Dominicæ quingentesimi quinquagesiminonni supra millesimum, Pontificatus sui anno quinto, mensibus videlicet quatuor antequam mense Septembris mortem obiret, Ecclesiam S. Rocchi Terræ Montorii (quæ antea de Regio jure patronatus erat, tunc vero juris patronatus feudalis) in Collegiatam evexit, crexitque, eique univit aliquas Ecclesias Parochiales, *suppreffis in eis nomine, & titulo Rectoris*, ut Pontifex ait, annuixitque plures alias Ecclesias, beneficiaque, quæ in Bulla sigillatim enumerantur, & præsertim beneficium, sive Ecclesiam *S. Bartholomæi de Fajeto*, quarum pleraque dictum fuit, fuisse de Diocesi Pennensi. Quæ quidem erectio Collegiatæ Ecclesiæ, & unio factæ fuere, ut *Ecclesia S. Rocchi* (verba sunt Pontificis), *& Terra prædicta per amplius decorarentur, & animarum cura diligentius exerceretur, ac in ipsa Ecclesia S. Rocchi, divinus cultus, & Ministrorum Ecclesiasticorum numerus incrementum susciperet motu proprio, non ad Joannis Ducis, & Comitum Montorii, ac Universitatis, ac hominum prædictorum, seu alicujus eorum, vel alterius, seu alio-*

aliorum pro eis nobis super hoc oblata petitionis instantiam, sed de nostra mera liberalitate ad Omnipotentis Dei laudem, & fidei Catholica exaltationem, Ecclesiam S. Rocchi prædictam (dummodo ipsius Joannis Ducis, & Comitum, & pastorum ad hoc, & infra scripta accedat assensus) erigimus in Parochialem, & Collegiatam Ecclesiam cum Sacratio, Cameterio, & fontibus Baptismalibus, necnon sigillo, & arca, sive capsâ communibus, ac mensa Capitulari, aliisque Parochialibus, & Collegiatis insignibus, & in illa unum Archipresbyteratum dignitate principalem pro uno Archipresbytero, qui inibi caput existat, & præminentiam, jurisdictionem, & superioritatem in Capitulum, & Canonicos ipsius Ecclesie S. Rocchi, ac Clerum & personas Ecclesiasticas tam Ecclesie, quam Comitatus prædictorum habeat, illosque visitet, corrigat, & puniat, ac etiam curam animarum dilectorum filiorum Parochianorum dictarum Ecclesiarum Parochialium, & omnium altarum personarum dicti Comitatus per se, vel Vicarios, seu Capellanos ab eo ad nutum suum ponendos, & amovendos, exerceat, fol. 22. ad 23.

Prosequitur deinde Pontifex in erigendo, ac instituendo duodecim Canonicatus cum duodecim Præbendis, uniendo propterea prælaudatæ Ecclesie Collegiatæ prædictas Parochias, Ecclesiasticas ceteras, ac beneficia totius Comitatus, nedum quoad temporalia, verum etiam quoad spiritualia plenissimo jure. En Pontificis verba statuente unionem temporalium rerum: itaque liceat pro tempore existentibus Archipresbytero, & Canonicis ejusdem Ecclesie S. Rocchi, cedentibus, vel decedentibus singulis modernis Parochialium, & aliarum sine cura Ecclesiarum Rectoribus, ac Monasterii hujusmodi Abbate, vel Commendatario, aut illas, vel illa quomodolibet dimittentibus, vel amittentibus, seu in hoc expresse consentientibus, illorum omnium, & singulorum, ac honorum, & jurium suorum quomodocunque corporalem, realem, & actualem possessionem per se, vel per alium, seu alios propria auctoritate libere apprehendere, ac perpetuo retinere, ac eorum fructus, redditus, & proventus in suis, & Ecclesie S. Rocchi, necnon Mensæ hujusmodi usus, & utilitatem convertere. Huc usque unio quoad tem-

po-

poralia, accipe modo unionem quoad spiritualia: Necnon curam animarum dilectorum filiorum Parochianorum earundem Parochialium Ecclesiarum per Capellanum, seu Capellanos ad eorum nutum ponendos, & amovendos exercere Diocesani loci, vel cuiusvis alterius licentia super hoc minime requisita, ejusdem Joannis Ducis, & Comitit, ac patroni ad hoc etiam accedente consensu auctoritate Apostolica, & tenore præmissis perpetuo unimus, annedimus, & incorporamus. Necnon ipsi Joanni Duci, & pro tempore existenti Comiti Montorii jus patronatus, & præsentandi ad Archipresbyteratum dicto Capitulo ad singulos vero Canonicatus, & singulas Præbendas hujusmodi etiam, ac prima vice ad eorum primæva erectione, & successive quoties illos, etiam apud Sedem eandem vacare contingerit pro tempore existenti Archipresbytero ipsius Ecclesiæ S. Rochi personas idoneas in Archipresbyterum per Capitulum in Canonicos vero ejusdem Ecclesiæ per Archipresbyterum ad præsentationem hujusmodi instituendos eisdem auctoritate, & tenore similiter perpetuo reservamus, & concedimus; decernentes jus patronatus Joanni Duci, & pro tempore existenti Comiti hujusmodi ex fundatione, & dotatione, & non ex privilegio competere, fol. 13. a t., & 14.

Pergit porro Pontifex abolere, irritumque declarare quicquid contra prædicta quomodolibet in posterum fieret: en ipsa Pontificis verba: ac collationes, & provisiones, necnon quasvis alias dispositiones de Archipresbyteratu, ac Canonicatibus, & Præbendis præfatis etiam per Nos; aut Sedem eandem absque Joannis Ducis, & pro tempore existentis Comitit hujusmodi pro tempore factas nullas, & invalidas, & nullius roboris, vel momenti fore ac per Venerabiles Fratres nostros modernos, & pro tempore existentes Aprutinos, & Penenses Episcopos, ceterosque quorum interest inviolabiliter observari; ac tam illas, quam easdem præfatas ex quavis etiam juridica causa, etiam ad ipsorum Episcoporum, seu aliorum Ordinarium instantiam, de subreptionis, vel obreptionis, aut nullitatis vitio, seu intentionis nostræ, vel alio defectu notari non posse, dict. fol. 14.

Postquam igitur Pontifex pleno, immo plenissimo jure
Tom. I. Cur. Cap. Maj. M uni-

univit, annexitque temporalia, ac spiritualia omnium Ecclesiarum Terræ Montorii, & totius Comitatus Archipresbyteratus, & Capitulo Collegiæ Ecclesiæ S. Rochi, ceteraque amplissimas potestates Archipresbytero contulit, ac Clerum, & populum ejusdem Comitatus, quoad spiritualia eidem Archipresbytero curandum tradidit apertissime ostendit se erexisse, & creasse Prælatum insensuram jurisdictione quasi Episcopali præditum, atque auctoratum, prout ex sequenti forma compertitur: *necnon omnibus, & singulis aliis privilegiis, immunitatibus, exemptionibus, prærogativis, præeminentiis, gratiis, favoribus, & induit aliis partium illarum Collegiatis Ecclesiis earumque Prælati, & personis in genere, vel in specie, aut alias quomodolibet concessis, ac quibus illæ, vel earum Prælati, Capitula, & persone hujusmodi utuntur, possunt, & gaudent, ac uti, potiri, & gaudere potuerunt quomodolibet in futurum, uti, potiri & gaudere libere, ac etiam licite valeant eisdem auctoritate, & tenore indulgemus, fol. 14. a 1.*

Missa facimus cetera, quæ ad dignitatem, potestatemque Archipresbyteri Ecclesiæque Collegiæ S. Rochi augendam, pleno calamo in supradicta Bulla describi sinit Pontifex. Fuit deinde hæc eadem Bulla munita, ac roborata Regio placito, seu exequatur die decimaquinta mensis Januarii anni 1560., cui præcessit die undecima ejusdem mensis relatio Curie Rev. Capellani Majoris assidente pro Consultore præclarissimo Viro tunc Regio Consiliario Joanne Andrea de Curtis, & adnotari merentur ejusdem relationis sequentia verba: *So de voto alla detta Università (di Montorio) doverli concedere il ditto Regio exequatur, ut petitur per esecuzione di essa Bulla, atteso detti beneficii so de jure patronato Regio, & in detta Bulla si fa menzione, come in detta esenzione, & unione concorre l'assenso del ditto Conte, fol. 16. a 1.*

Hæc enim statuit Pontifex in prælaudata Bulla, in qua licet alia multa legantur, quæ ad ostendendam Archipresbyteri dignitatem, potestatemque exprimuntur; attamen ne prolixior sim, consulto ea omnia omitto. His igitur præmissis deveniendum nunc est ad enarrationem, explicationemque juris,

juris, ac potestatis, quæ in Archiepiscopum jam dictum fuere per Pontificem demandatæ: & ut hoc facillime perspicueque quantum mihi datum est, exequar, operæ pretium esse existimo adnotare eum eisdem propemodum verbis nunquam satis laudatissimi Viri maximique Pontificis Benedicti XIV., ut ceteros taceam, tres adesse Prælatorum inferiorum species, sive, ut alii dieunt, classes.

Prima est eorum, qui certo præsunt generi, seu melius, speciei personarum existentium intra septa alicujus Ecclesiæ, Monasterii, seu Conventus, cum passiva exemptione ab Episcopi jurisdictione, ejusmodi, namque sunt nonnulli Regulares Superiores, aliique Prælati Sæculares, qui una cum Ecclesia, Clericis, administrisque ejusdem Ecclesiæ, quibus præsunt, subjiciuntur immediate Romano Pontifici. Hæc enim prima species jure merito, ut mea fert opinio, dici potest infima Prælatorum inferiorum classis.

Secunda Prælatorum inferiorum species est illorum, qui habent, exercentque activam jurisdictionem in Clerum populumque certi loci, qui vero locus est intra Episcopi Diocesim, ab eaque definitus, ac prope circumscriptus. Hi enim Prælati inferiores, improprie, & lato quodam loquendi modo, dicuntur esse *nullius Diocesis*. Hæc namque, ni fallor, appellari potest media Prælatorum inferiorum classis.

Tertia demum species inferiorum Prælatorum est illorum, qui jurisdictionem activam habent in Clerum, populumque alicujus loci, seu Oppidi, aut plurium locorum, & oppidorum, quæ omniino avulsa, & separata sunt a cujuslibet Episcopi Diocesi; dieunturque propterea constituere quasi quandam Diocesim, ubi Prælati, iis exceptis, quæ ordinis sunt Episcopalis, omnia exercet, quæ ceteroquin ad jurisdictionem Episcopalem pertinerent. Et tertia hæc Prælatorum classis nobilissima, & suprema fas est, ut appelletur inter Prælatos inferiores; proindeque vere, & proprie dicuntur *nullius Diocesis*. Ita igitur distinguit, describitque Prælatos inferiores præclarissimus, doctissimusque ille Pontifex, sæculique sui decus Benedictus XIV. in suo percep-

lebrī, eruditissimoque Opere de *Synodo Diocesana cap. II. n. 2. 3. & 4.* uti ante eum monuere *Clement de Arosigui in concordia Pastoralī super jure Diocesano inter Episcopos, & Prælatos inferiores part. I. cap. 4. n. 64. & seq.*, & *Cardinalis Petra ad Constitut. 4. Callisti III. sess. I. tom. 5.*

Adjiciendum insuper est, quotidem plæclarissimus Pontifex Summus discessit, statuitque sua *Constitutione, seu Epistola decretali septuagesima sexta tomī primi suarum Constitutionum*, exarata pridie Idus Martii anno Incarnationis Domini:æ septingentesimo quadragésimo secundo supra millesimum, ad profligandam vetustam contentionem vertentem inter Episcopum Conversanensem, & Hierosolymitanam Religionem asserentem sibi Ordinariam jurisdictionem quasi Episcopalem in Oppido Putiniani circumscripto, & conterminato ab Conversanensi Diocesi. Edixit enim ibi Summus Pontifex, posse Prælatum inferiorem jurisdictionem quasi Episcopalem, & Ordinariam exercere in aliquo Oppido, vel, ut hoc verbo utar, Metrocomia majori, aliisque vicis ab ea dependentibus, duobus modis, privilegio Pontificio nempe, & immemorabili præscriptione; rejecta per laudatum Pontificem quadragenaria titulo colorato, ut dicitur, adjuncta, licet per quamplurimos Scriptores, Tribunaliumque decisiones aliquoties hæc quadragenaria præscriptio cum titulo colorato unita ad exercitium hujusce jurisdictionis visa sit satis.

Et quamquam Hierosolymitana Religio affirmaret, ac tueretur jurisdictionem prædictam sibi fuisse concessam per Joannem XXII. Papam anno 1317., quo Monasterium S. Stephani Ordinis S. Benedicti ipsimet Religioni suis unitum hisce clausulis, formulisque: *Cum Ecclesiis, Capellis, membris, Castris, Casalibus, grangiis, territoriis, olivetis, possessionibus, juribus, jurisdictionibus, libertatibus, privilegiis, & exemptionibus, ac omnibus bonis, juribus, & pertinentiis suis;* attamen jure merito Maximus Benedictus XIV. parvifecit, sprevitque Hierosolymitanæ Religionis prætensionem, cum ex formulis illis uno Monasterii tantummodo, quoad tem-

po-

poralia, secus vero, quoad spiritualia arguebatur; atque propterea Summus Pontifex tenore *præfata* Constitutionis (Joannis XXII.) minime ex ea evincitur in Magnum Magistrum, ejusque Commendatarios *translatam fuisse plenam, & omnimodam jurisdictionem Ecclesiasticam, & spiritualement, non solum in Ecclesias, & loca, verum etiam in Clerum, & populum, quemadmodum necessarium est, ut Prælatus inferior suum peculiare habeat territorium, a reliqua Episcopi Diœcesi separatam, §. 6. dictæ. Constit.*

Additque Summus Pontifex minime censeri verisimile *translatam fuisse in dictam Religionem jurisdictionem quasi Episcopalem ex supra transcriptis, aliisque Joanninæ Constitutionis formulis; quia ut verò propriis Benedictinis utar: nullum verbum de Oppido populo, soluto, ut prætenditur, a lege Diœcesana, & avulso a jurisdictione Episcopali: nullum de personis spirituali regimini in posterum præficiendis: nullum de finibus apte designandis: nullum denique de cura gregis, & vigilantia Pastoris in dicta Constitutione adjectisset, si revera id facere providus Pontifex in animo habuisset. Ibidem §. 8.*

Existimat igitur, definitque Summus Pontifex, censeri *translatam jurisdictionem Ecclesiasticam, & spiritualement in Prælatum inferiorem, quoties per unionem Ecclesiarum præcipue curam animarum habentium fiat verbum de Oppido populo, & de cura animarum ejusdem: inducitur territorium separatam, & a Diœcesi Episcopi divulsam, cum Pontifex in concessione conferat Prælato inferiori potestatem præficiendi personas spirituali regimini grecis Metrocomiæ, Vicorumque sibi subsectorum sinibusque designatorum; præcipue cum transferat, concedatque jurisdictionem activam, quoad spiritualia exercendam in Clerum, & populum itidemque Clerum, & personas Ecclesiasticas Metrocomiæ, ceterorumque Vicorum, seu toties Comitatus visitare, corrigere, atque punire. His igitur præminentiis Prælato inferiori concessis, jure hic dicitur Prælatus tertiæ speciei, seu classis, qui omnia exercere potest, valetque exceptis iis, quæ ordinis Episcopalis sunt, videlicet Confirmatione, &*
Sa-

Sacrorum Ordinum collatione, est nullius Diœcesis, habetque territorium separatum, & quasi Diœcesim avulsam a reliqua Episcopi Diœcesi.

His modo adnotatis observandum est æquidnam Paulus Papa IV. præfudato suo Diplomate concessit Ecclesiam S. Rochi Terræ, seu Oppidi Montorii? erexit primo illam in Parochialem, & Collegiatam regendam, gubernandamque per unum Archipresbyterum, duodecimque Canonicos, ut tam Ecclesia, quam terra prædicta per amplius decorarentur, & animarum cura diligentius exerceretur, & divinus cultus, & Ministrorum numerus incrementum suscipere, Archipresbyterum dignitate principalium munitis, ut inibi caput existeret, & præminentie jurisdictionem, & superioritatem in Capitulum, & Canonicos ipsius Ecclesie S. Rochi, ac Clerum, & personas Ecclesiasticas, tam Ecclesie, quam Comitatus prædictorum (Metrocomiæ nempe, & Vicorum ei subiectorum finibus designatorum) haberet, illosque visitaret, corrigeret, & puniret, ac etiam exerceret, curam animarum, dilectorum filiorum Parochianorum distarum Ecclesiarum Parochialium, & omnium aliorum personarum dicti Comitatus per se, vel per Vicarios, seu Capellanos ad nutum suum ponendos, & amovendos Diœcesani loci, vel eussis alterius licentia super hoc minime requisita.

En jurisdictionem Ecclesiasticam, & spirituales, quæ exigitur per Constitutionem Benedictinam ad efformandam, creandumque Prælatum inferiorem tertiiæ classis; fuit namque hæc eadem translata per Pontificem Paulum IV. in Archipresbyterum, per eundemque exercenda in Clerum, & populum non solum Ecclesiarum Parochialium, verum etiam totius Montorii Comitatus. En personæ, Vicarii videlicet, seu Capellani, qui per Archipresbyterum præficiuntur in posterum spirituali regimini Oppidi populosi Montorii, atque Comitatus ejusdem. En cura animarum habitualis apud Archipresbyterum, vigilantia ejus committitur ponere, vel dimittere ad suum libitum Vicarios, seu Capellanos pro exercitio curæ actualis totius populi Metrocomiæ, seu Oppidi Montorii, & omnium Vicorum ejusdem, seu Comitatus;

& quod

& quod maxime notandum est, en potestas Archipresbytero collata *ponendi, amovendique* ad suum nutum Vicarios prædictos pro cura spirituali totius populi Montorii, & Comitatus, *Diocesani loci, vel cujusvis alterius licentia minime requisita*. Non secus ac ipsæ Episcopus in sua propria Diœcesi pro instituendis Vicariis curam animarum exercentibus a nemine licentiam, & approbationem expetere, neque requirere debet. En demum Terra Montorii, & totus Comitatus avulsi a Diœcesibus Aprutina, & Pennensi, quarum Clerus, & populus tamquam de territorio separato fuerunt submissi spirituali regimini Archipresbyteri exercendo per se, vel per Vicarios ad suum nutum ponendos, & amovendos; & Canonicos, & omnes personas Ecclesiasticas hujusce Territorii *visitare, corrigere, & punire*, sicut ipsi Episcopi Aprutinus, & Pennensis in propriis Diœcesibus Clerum, & personas Ecclesiasticas visitant, corrigunt, & puniunt. Et quamquam punitio, & correctio ambiguam pati possint interpretationem, & cumulative, videlicet Prælato inferiori, & Diœcesano, non autem privative eidem Prælato concessæ aliquoties dici possint, ut voluit Van-Espen in *jur. Ecclesiastic. part. 3. tit. 12. cap. 5. n. 22.* atamen *visitatio* unius jurisdictionis ordinariæ tantum est Diœcesani loci; ita namque definitum legitur ævo posteriori, & per novam Ecclesiæ disciplinam per Innocentium III. in *Cap. cum venerabilis 21. de censibus, exactionibus, & procurationibus*, ubi legitur: *Episcopum ratione Episcopalis jurisdictionis, quam habet (in Ecclesia) teneri causa correctionis, visitare eas*; quo etiam tempore audiri cœpit, visitationis exercitium impræscriptibile esse, etiam per tempus immemorabile, utpote ipse Innocentius III. rescripsit in *Cap. cum ex officio 16. de sentent. & rei judicat.*; notatque inter ceteros Franciscus Florens in *Cap. auditis de præscriptionib. cap. 4.* quicquid in primæva Ecclesiæ disciplina actum sit circa visitationis exercitium tribus primis sæculis, innovatumque sit posterioribus, de qua re videndus est Thomassinus de *veter. & nov. Eccles. discipl. part. 2. lib. 3. cap. 77. & seq.*, cui adjungendus est eruditissimus Boeh.

Bochmerus in suo *jure Ecclesiastico* lib. 3. tit. 39., qui satis accurate docuit §. 18. rem secus se haberi coepisse saeculo IV., quo Imperii sacri fulcra quodammodo in potentioribus Ecclesiis jacta fuerunt, ita quoque *jus visitandi Ecclesias illi* (sacro Imperio) primario adscriptum; additque §. 41.: *Ac facta mutatione, audita est vulgata sententia; visitationem esse actum Episcopalis jurisdictionis, hoc est Imperii sacri*. De qua enim visitatione, jure ne, an injuria sibi abstinere Summæ Potestates ab adiungendo Episcopis missos Dominicos, seu Regios per eosque visitare ipsos Episcopos, hic loqui missum facio, & ad rem deveniendo, dico, negari hodie nefas esse, visitationem proprie esse actum Episcopalis jurisdictionis exequenda intra suæ Dioceseos fines; nam *visitationis jus*, ut ait laudatus Bochmerus §. 62., *ex jurisdictione Ecclesiastica visceribus petitur*; propterea non amplius, ut olim, & ab initio in iis per modum doctrine, & functionis Pastoralis, seu Doctoris proceditur, sed pro Imperio, secundum regulas jurisdictionis Ecclesiasticæ; ut passim &c.; immo, ut docet Vir ceteroquin eruditus Abatvcrus Fritschius in suo Tractatu, *de jure visitandi Ecclesiastico* cap. 3. num. 1. & 2., ita visitandi jus adnexum infixumque esse Ecclesiasticæ jurisdictioni, ut nonnisi eam habendi competere, in confesso est apud omnes, Cap. si Episcopus, ubi Glos. &c. . . . Ideoque visitationis actum exercens in loco aliquo, superior esse, & jus Episcopale habere præsumitur, per ea, quæ tradit &c. iisdemque verbis, eademque sententia antea hoc idem edocuit Theodorus Reinkingius *de regimine Seculari, & Ecclesiastico*, lib. 3. clas. 1. cap. 7. n. 13. Et ita passim Rota Romana pro explorato habuit *decis.* 192. n. 2. par. 2. *diversor. & decis.* 394. apud Farinacium; docuitque post ceteros Erasmus a Cochokier Vir doctus Leodiensis in suo Tractatu *de jurisdictione Ordinarii in exemptis*, tom. 1. part. 5. qu. 52. n. 3. Archipresbyterum enim Collegiatæ Montorii non solum fuit expresse concessa correctionis, punitionis, & præcipue visitationis potestas Canonicoꝝ, & Cleri ejusdem Terræ, & personarum omnium Ecclesiasticarum, & quoad spiritualia omnis populi totius Comitatus; sed fuit ipse idem

At-

Archipresbyter in Paulino Diplomate paulo ante transcripto constitutus, creatusque caput, cum præ eminentia, jurisdictione, & superioritate in Capitulum, & Canonicos Ecclesiæ S. Rochi, ac Clerum, & personas Ecclesiasticas tam Ecclesiæ, quam Comitatus, & cum hac præ eminentia, jurisdictione, & superioritate tamquam caput Ecclesiæ S. Rochi, & Comitatus; optimo quidem jure privativo, corrigit, punit, visitatque omnes de Ecclesiis Terræ Montorii, Comitatusque.

Eo magis ex prælaudato Paulino Diplomate, vel si minus dicere, Bulla elicitur Archipresbyterum Montorii describendum esse in albo Prælatorum inferiorum tertie speciei, sive classis, doctè eruditeque per Benedictum XIV. definitum; quia translata, atque concessa fuit ei potestas instituendi Canonicos per Patronum feudalem præsentandos; & ut ab omni Episcopi Aprutini subjectione prorsus eximeretur, subtrahereturque, Canonicis Ecclesiæ S. Rochi mandata fuit potestas ad præsentationem ejusdem feudalis Patroni, instituendi Archipresbyterum; subtrahere, namque, seu eximere ab institutione Episcopi Archipresbyterum, qui caput existat, præ eminentiam, jurisdictionem, & superioritatem exerceat in Capitulum, omnesque de Territorio Montorii, ejusque Comitatus, illosque corrigit, puniat, visitetque, atque curam animarum, sive per se, sive per Vicarios ad nutum constituendos, dimittendosque in eodem Territorio exerceat Diocesani loci, vel alterius licentia minime requisita, nihil aliud profecto est, quam constituere Prælatum inferiorem nobilissimum tertie classis, qui jure appellari mereatur nullius Diœcesis, ut sæpius, laudatus Summus Pontifex Benedictus XIV. statuit, aliique docuere.

Ex his eisdem præ eminentia, jurisdictione, & superioritate adstruitur, frustra, immo contradictorie adscribi Episcopo Aprutino, sive institutionem Archipresbyteri Canonico-
rumque Ecclesiæ Collegiatæ S. Rochi, sive eorum approbationem; directe enim hæc adscriptio destruit Bullam Paulinam, quæ derogat potestatem Episcopo Aprutino instituendi, sive Archipresbyterum, sive Canonicos, ut ex transcrip-

Tom. I. Cur. Cap. Maj.

N

tis

tis verbis liquido eruitur. Immo idem Pontifex declarat nullum, invalidum, nulliusque roboris, quicquid contra prædicta per Aprutinum Pennensemque Episcopos in posterum moliretur, ea verba Pontificis: ac collationes, & provisiones, necnon quascunque alias dispositiones de Archipresbyteratu, ac Canonicatibus, & Præbendis præfatis etiam per Nos, aut Sedem Apostolicam, absque Joannis Ducis, & pro tempore existentis Comitibus assensu hujusmodi pro tempore factas nullas, & invalidas, & nullius roboris, vel momenti fore; necnon unionem, annexionem, & incorporationem, ac alia præmissa ... per Venerabiles Fratres nostros modernas, & pro tempore existentes Aprutinos, ac Pennenses Episcopos ceterosque quarum interest inviolabiliter observari, fol. 14.

Perperam enim, & contra juris principia reservaretur Episcopo adprobatio personarum per alium ad curam animarum instituendarum; ejus namque est adprobatio personarum ad curam animarum, cujus ejusdem personæ est institutio ad animarum curam, præcipue cum qui instituit, potestatem habet deinde institutum corrigendi, puniendi, ac visitandi. Et licet (nescitur, quibus sane disciplinæ principii) ex Concilio Lateranensi in posterum duæ species institutionis inventæ sint, una nempe, quæ collativa tituli appellatur, altera autorizabilis qua missio ad curam animarum transferri dicitur, attamen cum is, qui potestatem habet corrigendi, puniendi, ac visitandi (quæ est de Ordinaria jurisdictione Prælati loci) instituat personam per quemcumque Patronum eoque libentius per Patronum Regem, seu ejus loco per Patronum feudalem præsentatam, institutione autorizabili eam instituit, numquam vero collativa tituli, quia conferre in tali casu titulum, de Patrono dicitur, secundum dictam novam inventam disciplinam. Sed de hoc alibi per me fuit dictum, explanandumque fortasse in causa graviore erit.

At ut magis hoc axioma in propatulo sit, pateatque Aprutino scilicet Episcopo nullum jus competere, siue instituendi, siue approbandi Archipresbyterum, Canonicosque, eoque minus tam eidem Episcopo, quam Pennensi licere, ap-

approbare Vicarios ad nutum Archipresbyteri designandos, atque dimittendos, observandum est Paulum IV. prælaudatam Bullam non solum crexisse Ecclesiam S. Rochi in Collegiatam, & Parochialem, verum etiam eidem uniuisse Ecclesias Parochiales, ceterasque tam Terræ Montorii, quam totius Comitatus.

Hæc autem unione jam existente disquirendum sane est, quænam unionis species illa fuerit? Autumant juris peritiores tres esse unionis species; unam nempe, quæ sit quoad temporalia tantum; alteram, quæ dicitur fieri pleno jure, tertiam demum, quæ plenissimo jure sæpius fieri contingit, ut optime edisserit Joannes Philippus Stevogtius in suis Opusculis juris Ecclesiastici *de unione Ecclesiarum, & beneficior. sectio. 3. cap. 1. §. 9. & 10.*, licet ceteri duas tantummodo unionis species statuunt, quoad temporalia videlicet unam; & pleno jure alteram, ut inter alios docet Ludovicus Engel in Opusculo *de privilegiis, & juribus Monasteriorum privileg. 46.*, quodque Opusculum præmissum videtur *sæpius Collegii universi juris Canonici ejusdem Auctoris.*

Dicitur autem fieri unio quoad temporalia tantum, quando una, vel pleræque Ecclesiæ Parochiales uniuntur alicui Monasterio, vel Cathedralis, sive Collegialis Ecclesiæ Capitulo, quoad bona, redditusque tantum, cum jure præsentandi Parochum, seu Rectorem, ab Episcopo tamen instituendum, ut asserit prælaudatus Engel *loc. cit. De unione quoad temporalia num. 1.* quamquam Stevogtius *loc. cit. §. 10.* putet, hujusmodi unionem quoad temporalia fieri, cum una Ecclesia, vel existens, vel collapsa, in qua seorsum antea sacra administrabantur, cum juribus suis, ac bonis omnibus ita alteri uniatur, ut pro una eademque censeatur.

Existimat ulterius idem clarissimus Vir supracitato §. 9. fieri unionem pleno jure, cum jus, redditus, ac temporalia percipiendi competat Abbati, vel Prælato sæculari, cum cura pariter investiendi, ac instituendi Vicarium sine tamen cura animarum, quæ solummodo ab Episcopo concedatur: proptereaque Vicarius is, in iis, quæ ad curam animarum

pertinent, ab Episcopo non autem a Prælato inferiori approbari debeat, illique de cura prædicta respondeat, ejusque jurisdictioni, ac *visitationi*, una cum populo, sive Parochianis subiectus sit.

Fit demum plenissimo jure unio, cum non solum jus percipiendi redditus, ac temporalia Prælato inferiori, vel Capitulo, seu Monasterio transfertur; verum etiam sacrorum administratio, ac animarum cura, quæ per se, vel per Vicarium exercenda committitur, etiam absque investitura, seu institutione; qui vero Vicarius sic positus, designatusque appellatur temporalis, & ad nutum Prælati amovibilis, nam cura habitualis penes Prælatum residet, actualis quidem, quæ & provisoria administratio prælaudato Slevogtio, loco, quo supra, dicitur, ad Vicarium, sive Capellanum pertinet. Habetque hoc casu Prælatus inferior, vel si placet dici, Pastor primitivus jus visitandi Clerum, & Populum suæ Ecclesiæ, ceterarumque unitarum, potestatemque corrigendi, puniendi, instituendi, deponendique, ceteraque jura, quæ jurisdictionis quidem Episcopalis sunt, non autem Ordinis. Ita sane distinguunt prælaudati Slevogtius *de unione Ecclesiar.* cap. 3. §. 9. & Engel *loc. cit.*, cui hæc unio dicitur *plena jure*, & fortasse non abs re, cum & ita pariter appellari placuit Innocentio III. in *Cap. cum inter vos* 13. *de sentent. & re judicat.*

Neque abnuic præclarissimus Van-Espen, post Abbatem Panormitanum, & doctissimum Prosperum Fagnani in explanatione Canonis IX. Concilii Lateranensis III. sub Alexandro III. congregati, & per S. Raymundum de Pennafort interpolati in *Cap. cum & plantare, de privilegiis &c.*, docet enim inibi laudatissimus Van-Espen, locum minime sibi vindicare Lateranensem Canonem ad Templariorum avaritiam, excessusque reprimendos, coercendosque prolatum, quoties Ecclesiæ pleno jure sint Prælato inferiori addictæ unitæque; hoc est cum cura animarum populi sit commissæ, populusque ipse subiectus eidem Prælato inferiori; tunc enim iste efficitur Ordinarius cum Territorio separato a quacumque Diocesi,

cessi, diciturque hoc Territorium nullius *Diacepsos*, institutionem non solum collativam tituli, verum etiam auctorizabilem Prælatum ipsum habere.

His igitur de unionis effectu, atque efficacia prænotatis, pro comperto habetur ex privilegio Paulino unionem Ecclesiarum Parochialium, aliarumque, tam Metrocomiæ Montorii, quam ceterorum ejusdem Vicorum, seu Comitatus, pleno, sive mavis, plenissimo jure factam fuisse Collegiatæ Ecclesiæ Montorii: nam potestas Archipresbytero collata fuit instituendi Canonicos, iisque pariter illum: caput idem Archipresbyter constitutus fuit cum jurisdictione corrigendi, puniendi, immo & visitandi quascumque personas Ecclesiasticas populumque Montorii, & totius Comitatus, eique etiam fuit contradicta cura animarum, exercendo, sive per se, sive per Vicarios, Capellanosque ad nutum suum amovibiles: quæ cura, provisoria, administratio dicitur supralaudatis Auctoribus, cum habitu sit penes Archipresbyterum, actu vero penes Vicarios prædictos; quæ tamen omnia per Archipresbyterum exercenda sinuntur, Diocesani loci, vel cujusque alterius licentia minime requisita: utpote quæ exercentur per Archipresbyterum in proprio separato territorio, atque in nullius Diocesi.

Inferitur pariter ex eisdem supra explanatis, non ob stare prorsus *caput decimum octavum sessionis vigesima quarta de reformatione Tridentini Concilii*, multoque minus Bullam S. Pii V. *ad exequendum*, quorum sanctione statuitur, etiam Vicarios (quibus cura animarum Ecclesiarum Parochialium Monasteriis, Collegiis Capitulorum, & cuicumque alteri unitarum concedita sit) esse quidem per Episcopum approbandos, per Prælatum vero inferiorem nominandos, seu præsentandos. Primo enim tam Tridentinum, quam Bulla Prædicta loquuntur de Vicariis perpetuis, qui sunt veri Rectores Curati, habentque curam animarum habitualementque, non vero provisoriam administrationem, tenenturque ipsi de cura prædicta Episcopo, non autem inferiori Prælato respondere: secus vero accidit in Vicariis, seu Capel-

pellanis ad notum ejusdem Prælati inferioris amovibilibus, ut optimo jure notat laudatus Engel *loc. cit. privilegio 46. de unione pleno jure num. 1. & seqq.*, advertiturque etiam dictus Slevogtius §. 9.

Minusque etiam obstat videntur sanctiones prædictæ, quia in sæpius laudata Paulina Bulla expresse animarum cura omnium personarum, & universi Populi Montorii, & Comitatus committitur Archipresbytero, exercenda ad sui libitum per se, vel per Vicarios per ipsum constituendos, & dimittendos, removendosque, nulla licentia Diocesani, sive alterius cujusque requisita; cum ex adverso Tridentina, & Piana sanctiones loquantur de Vicariis perpetuis, minime de removendis inconsulto Episcopo; & utpote qui curam exercent animarum Populi eidem Episcopo subiecti, atque correctioni, punitioni spirituali, & quod magis est, ejusdem visitationi submissi, quodque prorsus alienum est a causa præsentis, cum Populus Montorii ejusque Comitatus, & cura animarum ejusdem Populi sit commissæ Archipresbytero ejusque correctioni, punitioni, & visitationi, exclusis omnimodo Episcopis Aprutino, & Pennensi.

Demum officere nequaquam potest, nec debet Tridentinum juribus Archipresbyteri Montorii, ejusque Comitatus; non tam ipse, quam Ecclesia Collegiata S. Rochi Montorii est juris Regii patronatus ex fundatione, & dotatione, neque tam vero ex privilegio, seu gratia, ut expresse declaratur in prædicta Bulla Papæ Pauli IV., & quod magis ad rem facit, in Regio *exequatur*, expresse advertitur, caveturque Ecclesias prædictas, atque beneficia juris esse Regii patronatus, ut ex utriusque verbis jam supra transcriptis liquido constet; & cum leges, præminentie, prærogativæ, juraque demum omnia in limine fundationis juris Regii patronatus appositæ, constitutæque, utpote publici juris, ut ait clarissimus Franciscus de Roye in *prolegem. ad tit. de jure patron. cap. 15.*, neque a Pontifice, neque a quocumque alio aboleri, derogari, neque quoquo modo lædi possunt; nec etiam ab ipso Principe Patrono, quia officium Patroni est curare, ut maneat patro-

tro-

tronatus in primæva institutione, ut solide docet Georgius Cabedus in perraro Opusculo de *patron. Regie Coronæ cap. 12. n. 8.*, propterea neque ex Tridentino Concilio, neque ex Piana Constitutione detrimentum quantumlibet minimum Regium jus patronatus capere potuit; ut dicere superfedeam, quod in patronatibus Regiis non simplex præsentatio inest, verum etiam collatio pleno jure, qua etiam institutio auctorizabilis continetur, de qua re tamen hic nunc differere, missum facio. Igitur frustra, & in detrimentum, everfionemque juris Regii adducitur supradictum *capus 18. sess. 24. de Reformat.*

Ultraquamquod, quisnam in præclarissimo, augustoque Neapolitano Foro adeo hospes, & hebes est, qui nesciat, Tridentinum, quatenus disciplinam, politiamque exteriorem respicit, ex quo præcipue jura Regia, Regiaque patronatus jura detrimentum capiant, in hoc Regno receptum minime fuisse? cuinam non innotescit serenissimum augustumque Philippum II. rescripisse die 17. Julii anni millesimi quingentesimi sexagesimi quarti Duci Alcalà tunc Regni moderatori, eumque deteruisse, ne pateretur publicari, vel exequi in hoc Regno, ceterisque suis Provinciis illa ex Tridentino Concilio capita, quæ quomodolibet lædere possent Regalia sua jura, & præsertim Regios patronatus? quis denique ignorat, cujusmodi Concilii capitibus (quæ inter cetera notata fuere per quondam spectabilem, laudatissimumque Virum Regentem Collateralis Consilii Franciscum Antonium Villani) in hoc Regno executionem prorsus firmiterque fuisse denegatam?

Igitur si quæ ex Tridentina Synodo præjudicium, sive detrimentum inferunt juribus Regalibus Regisque patronatibus, supremæque Principis jurisdictioni, recepta minime fuerint, immo profligata, ablegataque extitere; nefas in præsentia est illa in perniciem supremæ Principis Regaliæ in medium proferre, allegare. Eo magis, quia certissimi juris est, penesque Catholicos Scriptores exploratum, minime obligare quempiam, quæ ex Tridentina Synodo recepta non fuere. Mitto quæ in hanc sententiam leguntur in dissertatione super

per receptione Concilii Tridentini Gallico idiomate *extra-*
ta, quæque profat in fine libri, cui titulus est: *Notes sur*
le Concile du Trente, editionis Coloniz 1706., tacco, quæ
 edidit clarissimus Van-Espen in libello *de promulgatione le-*
gum Ecclesiasticarum: & Petrus Stokmans in libello *de Bel-*
garum jure, ceterique, quæque hic recensere supervacanei
 foret laboris.

Sed temperare mihi non possum, quin moneam, quæ
 docuit Martinus Navarrus *conf. 1. quæst. 8. de constitut.*,
 quemque prosequitur supralaudatus Erasmus a Chokier Leo-
 diensis in Tractatu *de jurisdictione Ordinarii* in exemptos *tom. 1.*
part. 1. qu. 50. n. 12., & *seqq.*, videlicet Synodum Triden-
 tinam per ea, quæ mores disciplinamque respiciunt, non
 obligare, ne in foro quidem interiori, quotiescumque illa
 recepta minime fuere. Idcirco cum prædicta Tridentina ca-
 pita & præsertim præfatum *cap. 18.* adversentur, det. gent-
 que juri Regii patronatus ejusque præminentis, prærogati-
 vis, & juribus omnibus per Pontificem Paulum IV. in funda-
 tionis, & dotationis limine statutis, atque concessis, & Re-
 gio placito, seu *exequatur* confirmatis; in eorundem jurium
 Regalium everfionem Tridentinam declarationem proferri,
 absomum omnino est, Regioque Magistratu indignum.

Verum enim vero silentio prætereundum haud puto,
 in Diplomate duodecim Ecclesiæ Romanæ Cardinalium, quo
 indulgentiæ concessæ fuere Ecclesiæ S. Rochi, appellari Ec-
 clesiam prælaudatam, *nullius Dioceses*, ut manifesto legitur
 ex Diplomate prædicto præferente epocham diei vigesimæ
 primæ mensis Novembris anni millesimi quingentesimi sexa-
 gesimi quinti, Pontificatus Pii Papæ quarti anni sexti, hoc
 est tribus annis post Synodum Tridentinam Romæ publi-
 catam existis, ut ex Diplomate in actis exhibito post la-
 tum decretum præclarissimi Domini Reverendæ Curæ Con-
 sultoris *fol. 129.* videre est.

Neque demum magni facienda est, immo ab albo ex-
 pungenda, atque proscribenda prorsus est jactata per Reve-
 rendum Episcopum quasi possessio instituendi Archipresbyte-
 rum,

rum, Canonicosque per Montorii Comites præsentatos, approbandique Vicarios, sen Capellanos: nam etiam ipsi Epistolæ Decretalium assertores advertunt minime posse eosdem exemptos Prælatos in alterius præjudicium propriæ exemptioni renunciare, præsertim cum adsit titulus expressus, & non præsumptus, vel, uti dicunt, coloratus, ut post Panormitanum scribit laudatus Engel in *Collegio universi juris Canonici lib. 5. tit. 33. §. 3. n. 18.* Multo minus asserre præjudicium, læsionemque juribus Archipresbyteri Montorii posset prætenfa quasi possessio instituendi Archipresbyterum, Canonicosque per Episcopum Aprutinum opposita, etiam si Archipresbyter Canonici, & ipsi pro tempore feudales Patroni consensissent; læderentur enim jura Regalia, & inde caperet detrimentum Regius patronatus, qui quacumque immemorabili adversa possessione, nequaquam præjudicari, vel minui quomodolibet potest; propterea docet laudatus Georgius Cabedus de *Patronatibus Regia Corone cap. 10. n. 7. §. 8.* nullos esse consensus, renunciationesque per Rectores Ecclesiarum Regii juris patronatus factas: proindeque collationes, seu institutiones per Episcopum per centum, vel quodcumque aliud tempus exercitas, nullas, irritasque executive fuisse declaratas, sprete quacumque possessione per Episcopum opposita; quodque etiam affirmat Michael de Cortiada *decif. 253. n. 58.*

Immo, ut nuper dictum est, jus patronatus Regium nec etiam ab ipso Principe præjudicari, neque renunciari potest, utpote quod est ex juribus Majoribus Regiæ Coronæ, Regiæque dignitati annexum, ex qua divelli, separarique minime potest, non secus ac de ceteris Majestatis juribus supremis, atque majoribus evenit, atque statuitur, ut optime docent Joannes Solortanus de *jur. Indiarum tom. 2. lib. 3. cap. 1. n. 22. §. 23.* & in *Politica lib. 4. cap. 3.* & laudatus Cortiada *loc. cit. n. 59.* ceterique.

Hinc infertur, quod etiam si Patronus feudalís consensisset institutionibus Archipresbyteri, sive approbationibus Vicariorum, seu Capellanorum per Aprutinos Episcopos per-

Tom. I. Cur. Cap. Maj.

O

Et

etiam; nullum nihilofecius præjudicium, nullamque læſionem afferre potuit juribus Regii patronatus confenſus prædicti feudalibus Patroni, quia proprietas, ut ita dicam, juris Regii patronatus, ſive ipſum jus patronatus annexum, inſixumque eſt Regiæ Coronæ, ipſique ſupremæ Regiæ dignitati, & exercitium tantummodo hujus juris eſt penes Comites Montorii; propterea ex qualicumque conſenſu, vel potius longa oſcitantia Montorii Comitum nullum, ne minimum quidem detrimentum Regium jus patronatus capere potuit, quin reintegretur in primævam ejus inſtitutionem, omneſque præminentiæ, prærogativæ, atque juridiſctionem in limine fundationis per Pontificem conceſſas, pactas, conventasque. Immo jure poteſt, debetque Regiæ Coronæ Fiſcus, ſive Advocatus cogere, atque compellere Montorii Comites, ut utantur Regio jure patronatus ſecundum fundationis legem, quocumque præjudicio ſive per ipſos, ſive per alios priuſ remoto, atque eliminato; non ſecus ac ex explorato jure poteſt Fiſcus feudatarium cogere, ne feudo, ejusque juribus damnum inferat, aut inferre patiatur.

Hiſ igitur in ſiſto, atque in jure ſedulo, matureque diu perpenſis atque examinatis, ſic cenſendum, definiendumque eſſe duco: *Eccleſiam Collegiatam S. Rochi Terra Montorii, proque ea Archipreſbyterum, Capitulumque ejusdem, manutenendos, & quatenus opus, reintegrandos eſſe in omnibus juribus, dignitatibus, præminentiis eiſdem per Paulum Papam IV. in ſepius laudata Bulla conceſſis; & ſignanter Archipreſbyterum prædictum manutenendum eſſe in jure inſtituendi Canonicos numero duodecim, hoſque etiam manutenendos eſſe in jure inſtituendi Archipreſbyterum per Comites Montorii præſentandum; pariſerque manutenendum, & ſi opus fuerit, reintegrandum in exercenda cura animarum tam in Terra Montorii, quam in toto Comitatu ejusdem, cum poteſtate, & juridiſctione quaſi Episcopali Clerum, & Populum prædictæ Terræ Montorii, ejusque Comitatus corrigendi, puniendi, atque viſitandi, Capellanos, ſeu Vicarios inibi ponendos, & ad libitum amovendos pro cura prædicta exercenda, Dioceſani loci, vel cujuſvis alterius licentiæ minime requiſita, ſed tan-*

tantummodo per eundem Archiepiscopum pro tempore apprehendens, declarando propterea Terram Montorii, Comitatumque ipsius nullius esse Diocesis, sed territorium habere separatim & avulsam a Diocesi Aprutina, & Pennensi; esseque Archiepiscopum prefatum Prælatum inferiorem tertie classis, seu speciei, illiusque præsertim, quam apprime describit, definitque maximus, eximiusque Pontifex Benedictus XIV. in locis supra laudatis, munitum propterea, atque auctoratum jurisdictione quasi Episcopali pro plena cura animarum in toto territorio Oppidi Montorii, ejusque integri Comitatus, exceptis tantummodo his, quæ Ordinis sunt Episcopalis, videlicet Confirmatione, & Ordinatione.

Reintegrandum demum esse censeo, prout reintegrari desinjo, atque mando Ecclesiam S. Bartholomæi de Fajeta, una cum omnibus suis juribus, & bonis, & integro statu in beneficium præfatæ Collegiæ Ecclesiæ S. Rochi, utpote quæ de Regio patronatu feudali est, describiturque in supradicta Bulla Paulina, præindeque injuria divulsam fuisse a præfata Ecclesiâ S. Rochi, & ab Episcopis Aprutinis occupatam, usurpatamque. Et ita &c.

BASILIVS PALMIERI.

In causa Promotoris Fiscalis Regalis Coronæ cum Monasteriis Ordinis Carthusiani super eorundem reintegratione ad Regiam patronatum. Die 30. Martii 1780.

Promotor Fiscalis Regalis Coronæ in Curia Ill. & Rev. Capellani Majoris rite petiit, ut Carthusiani Ordinis Monasteria S. Stephani de Bosco in Calabria ulteriori, S. Martini prope Neapolim, S. Laurentii de Padula, Divi Jacobi in Insula Caprearum, & S. Nicolai de Valle Claromontana in citeriori Calabria, restituerentur Regio patronatui cum omnibus suis Ecclesiis, Granciis, bonis, juribus, feudis, jurisdictionibus, & aliis pertinentiis. Petiit quoque, ut Rex Neapolitanus reintegraretur in jus eligendi Priores prædictorum Monasteriorum, quoties il eligendi forent, & in reliqua

Jus patronatus tunc in fundatione inest, atque summo jure debetur, etiam non reservatum.

Nisi expressa renunciatione jus patronatus fundator remisit, remissum presumi nequit ex quavis generali formula, in Ecclesiæ donatione adhibita:

id, quod possimum obtinet in jure patronatus Regio. Successor ejus, qui Ecclesiam extraxit, dotavitque, jus patronatus remittere nequit, præferim Regium; cum hoc inter Regalia adnumeretur, quæ nulla ex parte alienari possunt.

Dotatio Ecclesie ex bonis feudilibus, imperato Regio assensu, facta jus patronatus immediatū Baroni, mediatum vero ipsi Regi tribuit: quare bonis feudatariis publicatis, omnibusque ipsius juribus, feudo annexis, ad Regem delatis; immediatū cum mediato jure patronatus consolidatur, atque inter Majestatis jura locum sibi vindicat. Monasterium privati juris, cui aliud valetur, quod a Principe extractum est, Regio juri patronatus obnoxium fit.

Dos e Regio patrimonio, rebusque ad Principum pertinentibus Monasterio data, Regium jus patronatus constituit, licet ab alio Monasterio extractum fuerit.

liqua jura, quæ in Conventuales Ecclesias Principi patrono competunt. Petitionem vero suam firmavit productis documentis, quæ dubitari non sinunt, prædicta Monasteria, aut a Neapolitanis Principibus fundata esse, aut certe bonis ad Fiscum pertinentibus fuisse dotata.

Ad judicium rite ordinandum denunciata hæc omnia prædictorum Cœnobiorum Prioribus; citationibus quoque per edictum expeditis, idem factum cum reliquis generatim omnibus, qui controversiam institutam sua interesse putarent. Elapsis igitur terminis præstitutis, Curia ad examen documentorum processit, quibus Promotor Fiscalis intentionem suam firmarat. Ex allegatis autem instrumentis Curia hæc comperit.

Quod ad Monasterium S. Stephani de Bosco, ex Diplomate Rogerii anni 1090. liquet, ex Gallia per id temporis in Calabriam adventasse Brunonem, & Lanuinum, cum Sodalibus suis, homines sanctimonia celebres, qui sæculo derelicto, Deo se omnino mancipaverant; prædictum vero Rogerium Siciliæ, & Calabriæ Comitem, eos exorasse, ut in Comitatu suo sibi deligerent locum idoneum, in quo & Deo servirent, & virtutem suam exercerent. Sane Rogerii precibus expugnati in solitudine permanfuri locum sibi elegerunt inter spatium illud dictitari solitum *Arenam*, ac *Stilum*. Ita Rogerius ipsis, eorumque successoribus, qui Deo ibidem se addicturi forent, concessit prædictum locum *cum tota sylva, & terra, & aqua, & monte in spatium unius leucæ in omni parte adjacente*. Id quoque addidit, ut prædictum locum possiderent ab omni onere immunem; ejusque nominæ ab eis neque servitium, neque angaria, neque alia præstatio exigeretur. Neque ita multo post ab eodem Rogerio Calabriæ Siciliæque Comite, alia suo Diplomate mense Majo anni 1093. eadem narratio repetita fuit, ac sigillatim memorata fuit prædictæ leucæ concessio, quæ Brunoni, Lanuino, eorumque Sodalibus donata fuerat. Ut vero in posterum dissidiorum præcideretur occasio, idem Rogerius limites designavit, quibus illius leucæ spatium comprehensum in-

intelligi oporteret. Ne qua vero ea de concessione controversia porro fieret, alius Rogerius filius Ducis Guiscardii fratris prædicti Rogerii Comitis alio Diplomate suo anni 1094. & ipse ratam haberi iussit prædictam donationem a patruo suo factam.

Neque tamen hic substitit Nortmannorum Principum liberalitas. Nimirum in Brunonis Eremo Ecclesia constructa jam fuerat. Idem igitur Rogerius Calabriae & Siciliae Comes eam dedicandam curavit a Panormi Archiepiscopo, & ab Episcopis Mileti, Tropæ, Nicastræ, Catinenfi, & Scylacæi. Ut autem liquet ex ipsius Diplomate anni 1094., in ea dedicatione concessit Brunoni Magistro Eremi, ejusque successoribus, Monasterium Arsfasæ cum omnibus bonis, & pertinentiis suis, ab omni servitio immune. Illud quoque in Diplomate addidit, se bona isthæc Brunoni dare, Ecclesiæ de Eremo seu de Bosco dotandæ causæ, cum consilio uxoris suæ Adelaidis, & Goffredi & Malgerii filiorum suorum consensu. Ut autem in futurum constaret, quæ fuisset liberalitas sua, accurate descripsit, qui fines essent Monasterii Arsfasæ, iisque contineri iussit *S. Andree, & Rosæ* pagos. Eadem de causâ Brunoni concessit locum *Apostolos* dictitari solitum cum pagis duobus, *Bingi* scilicet, & *Bubungi*, finibus designatis, quibus prædictus locus concluderetur. Neque liberalitatis hic finis. Nam eidem Brunoni concessit Ecclesiam *S. Fantini* exemptam a jurisdictione Jeracenſis Episcopi, in territorio Grotterienſi sitam, cum omnibus pertinentiis suis in Diplomate Rogeriano descriptis. Eidem quoque concessit *Arunci* Pagum in Territorio Scylacæi positum, eodem jure, quo in eum usum jam fuerat prædictum Arsfasæ Monasterium.

His ita transactis, paucis post annis ejusdem Rogerii Comitis liberalitas in prædictum Monasterium omnem supergressa est modum. Nam alio Diplomate suo anno 1099. primo enarravit beneficium a Deo O. M. in se collatum ob Brunonis preces, quibus edixit se proditorum hominum conurbationem effugisse in obſione Capuæ; ea de re se dormica-

Ex Regio jure patronatus in Monasterium illud consequens est, ut in Prioris electione partes suas Princeps interponat: quod privato patrono denegatur.

mientem per insomnia monitum, ac statim somno excitum exercitum instruxisse. Eodem in Diplomate addidit, se proditoribus profligatis, & Capua capta, Scylacæum rediisse, ibi cum Brunone statim congressum, ei insomnia sua patefecisse, gratiis actis, quod in suis precibus sui licet absentis sollicitudinem caperet: sibi vero Brunonem humiliter affirmasse, non Brunonem ipsum, sed Dei Angelum, qui Principibus adforet belli tempore, ei per insomnia apparuisse. Ibidem narravit Rogerius Comes, se summo studio Brunonem orasse, ut sibi adjici pateretur uberrimos redditus, quos in Scylacæo ei destinaverat: eos obfirmate recusasse Brunonem eo sub obtentu, quod neglectis sæculi divitiis Deo prorsus se mancipaverat: Rogerium tandem vix exorasse: Brunonem, ut acceptaret pauxillum munusculum in bonis, quæ prædicto Diplomate describuntur. Itaque Brunoni, ejusque successoribus donavit *Monasterium Divi Jacobi Montauri cum castro sub eodem Monasterio posito: castrum aliud situm in vertice montis, qui Belvederius appellabatur: Pagum S. Mariæ ad radices prædicti montis: domum cum vinea, quæ pertinerat ad Robertum Guiscardum, sibi quæ donatam a Duce Rogerio fratris sui filio: vicos Montabrum, Olivianum, & Gasparinam cum pertinentiis suis, ac vasallis omnibus, qui eos incolerent.* Descriptis autem prædictorum vicorum spatiis late patentibus, præscripsit, ne intra ea spatia privatorum quispiam sibi alicujus prædii proprietatem adrogaret, quia eorum dominis ipsorum consensu tantundem jam dederat in prædiis, aut pecunia. Hæ quoque idem Rogerius addidit *donationem hortii S. Nicolai, hereditatis Calogerici villani sui, piscinæ, & battinderii sub Scylacæo, cum facultate Brunoni concessa percipiendi ex aqua fluminum quem usum vellet, & jure pabulatum ducendi animalia Monasterii per prædia & loca finitima, & glandes legendi ex omnibus Rogerii lucis.* Denique idem Rogerius Brunoni quoque donavit duodecim supra centum servorum ac villanorum lineas ea lege, ut cum ipsi, tum eorum filii, ubicumque agerent, Monasterii perpetui servi forent. Eam conditionem se illis imponere declaravit, quia in Capuæ prodicione inter conjuratos

tos hi fuerant; eos diversis necis generibus se occidere decrevisse, intercedente vero Brunone de severitate sua se remisisse.

Hæc summa sunt capita Rogerianæ liberalitatis erga controversum Monasterium. Qui sequuti sunt Principes eam & confirmarunt, & auxerunt. Primo enim Rex Guilelmus II. Diplomate suo mens. Februar. ann. 1173. sigillatim enumeratis privilegiis Comitis Rogerii proavi sui ei Monasterio concessis, ea de re interpellatus ab Eremita magistro, & ea privilegia confirmavit, & veteribus donationibus addidit Pagum, qui *de Comite* appellabatur, in territorio Scylacæi. Deinde eadem privilegia confirmavit Fridericus II. Diplomate suo anni 1224. Ut autem & ipse munificentiam suam cum Monasterio exerceret, præter veteres concessionem ei jurisdictionem competere iussit in villanos Monasterii omnes, ubi ubi sibi incolatum deligerent.

Hæc summa ferme instrumentorum est, quæ a Promotore Fiscali sunt allegata. Eadem ipsa in diversis controversiis suis ab ipso Monasterio in iudicio sunt producta. Proinde & eorum auctoritatem Monasterium in præsentī causa debet agnoscere, & de ipsorum ingenuitate controversiam instituere nequit. Ex prædictis autem documentis aperte constitit Monasterium S. Stephani de Bosco, ubi Carthusiani Ordinis Institutor domicilium sibi delegit, fundatum, ac dotatum fuisse a Rogerio Siciliæ & Calabriæ Comite, qui per ea loca jus Majestatis habuit. Si qui enim alii Neapolitani Principes prædicto Monasterio aliquid contulerunt, ejus tantum dotem auxerunt liberalitate sua. Nimirum interpellante Rogerio prædictum Monasterium in ulteriori Calabria fuit extractum. Is constructionis causa non nudum solum Brunoni dedit, sed & immensa prædia, quæque per ipsum leucæ spatium patebant. Id a Rogerio factum, ut ex eorum redditibus, & ædificationis onera sustineri possent, & Monachis alimenta suppeterent. Ipse Ecclesiam dedicandam curavit, & amplam constituit Monasterio dotem bonis Fiscalibus firmæ constantem. Nam præter Arsaphiæ Monasterium, & Ec-

cle-

clesiam S. Fantini, & quæ ad ea pertinebant bona, ei donavit Pagos S. Andreæ, Roseti, Bingi, Bubungi, Arunci, cum pertinentiis suis, qui habitatorum frequentia mox inclaustruerunt. Præterea eidem donavit locum *Aposolos* dictitari solitum, in quo hodie Monasterii Græcia enitet. Quinquennio vero post Monasterii dotem auxit quatuor aliis Pagis, ad illud pertinere iussis, cum pertinentiis suis, S. Mariæ scilicet, Montabri, Oliviani, & Gasparinæ, duobus quoque Castris, aliisque bonis quamplurimis descriptis in Diplomate anni 1099., præter illa bona, quæ a Guilelmo II. anno 1173., & a Friderico II. anno 1224. eidem Monasterio collata fuerunt, & quorum supra mentionem injecimus.

Quæ hæcenus recensuimus dubitari non sinunt de patronatu, qui ad primum fundatorem pertinuit, & jure ab eo transmissio ad successores in Regno Neapolitano pertinet. Perperam vero regeret fortasse quispiam, patronatum in fundationis tabulis sibi non servasse Rogerium. Frequenter enim ipsi Romani Pontifices definierunt sola fundatione jus patronatus acquiri, licet illud in constructione fundator sibi non reservavit. Instar omnium sit rescriptum Clementis III. in *cap. Nobis de jur. patron.*, sic enim ibi Pontifex definit controversiam sibi propositam, an aliquis efficiatur sola constructione patronus: *Inquisitioni tuæ tale damus responsum, quod si quis Ecclesiam cum assensu Diocesani construxit, ex eo jus patronatus acquirit.* Cum Pontificum definitionibus consonat Tridentina Synodus *sess. 14. cap. 12. de Refor.* Ibi enim ab ea cautum, ut quicumque Ecclesiam de novo fundaverit, & construxerit, seu jam erectam, quæ tamen sine sufficiente dote fuerit, de suis propriis & patrimonialibus bonis competenter dotaverit, jus patronatus impetrare, & obtinere possit, aut debeat. Id autem recte placuit, & in ipsius fundationis consequentiam. Nimirum quæ moris & consuetudinis sunt perinde haberi debent quasi in contractu promissa fuerint *L. 31. §. quia assidua ff. de edil. edil.* Ubi primum Ecclesias Christiani fundare cœperunt, in fundatas Ecclesias jus sibi patronatus reservabant. Ita paulatim invaluit, ut in re dubia præsumendum esset, fundato-

rem

rem jus patronatus sibi reservasse, neque oporteret, ut disertis verbis in foundationis tabulis id patronus sibi stipularetur. His ita constitutis, patronatus exceptio, reservatio, tacite in fundatione inest, eaque omnino continetur. Ut autem passim adnotant ad *L. 3. ff. de reb. cred.*, haberi pro cauto, & convento debet, quod natura sua in actu & negotio continetur, non secus ac si lingua nuncupatum esset.

His accedit, quod patronatus fundatori competit *summo jure*. Sane Ecclesia ab ipsarum foundationum initiis patronatum censuit competere *ordine juris*, *Can. 2. Concil. Tolet. 9.* Alibi etiam legere est, jus patronatus *rationis ordini convenire*, *Can. Rationis Caus. 16. qu. 7.* Ipsi Pontifices etiam edixerunt, illud Ecclesiam *semper sustinuisse cap. 3. de jur. patron.* Censuerunt etiam Pontificii juris interpretes, fundatoribus patronatum jure naturali competere. Eo enim inspecto, qui beneficium ab alio accipit, illud grato animo suo pensare debet, & donatori pro virili satisfacere. Inficias autem nemo iverit, per fundationem a fundatore beneficium Ecclesiam conferri.

Quoad Monasterium S. Martini prope Neapolim, liquet ex monumentis exhibitis a Promotore Fiscali, Carolum Illustrem Calabriæ Ducem Regis Roberti filium unigenitum, ejusque in Regno Vicarium, Diplomate suo 4. Maji anni 1325. consilium suum patefecisse, quo decrevisse narrat extruere Monasterium in Monte Divi Erasmi prope Neapolim, Carthusianis Monachis inhabitandum. Eam ob rem in prædicto Diplomate jussit, Notarium Martucium Sericum Patria Neapolitanum, Judicem appellationum Vicariæ, & M. C., accipere & aservare pecuniam, quam ei numerari præcepisset ejus operis perficiendi causa. Id quoque ei datum in mandatis fuit, ut eam expenderet in calcem, lapides, lapillos, ferrum, trabes, & id genus alia, quæ ad ædificationem sunt necessaria. Indidem desumi jussit mercedes artificum secundum præscriptum Abbatis Divi S. verini, & Joannis de Aja Ciambellani Regis parentis sui, & Vicariæ Regentis. His enim curatio prædicti operis demandata fuerat,

Tom. I. Cur. Cap. Maj.

P

cum

cum interventa tamen trium aliorum artificum, qui constructionem moderarentur. Ab eodem Carolo in Diplomate cautum, ut ejus operis causa accepti & expensi rationes redderentur coram Auditore eam ob rem destinando.

Mortuo Carolo Illustri, Rex Robertus ejus parens Diplomate suo 3. Julii anni 1329. ad Joannem de Aja Vicariæ Regentem, ejus operis perficiendi causa confirmavit mandata omnia, quæ a filio suo Carolo Calabriæ Duce data jam fuerant. Inter opus interea obiit unus artificum, qui ei dirigendo præfecti fuerant. Idem igitur Robertus alio Diplomate suo 11. Julii anni 1336. ad Martutium Sericum pecuniæ accipiendæ & expendendæ electum, in artificis defuncti locum suffecit Athanasium Primarium Neapolitanum. Ibidem Robertus edixit, ut eo audito expenderetur pecunia, quæ operi absolvendo necessaria foret.

Interea & ipse Robertus supremum diem obiit an. 1343., postquam tamen opus absolutum jam fuerat; ac Regnum per manus traditum Reginæ Joannæ I. ejusdem Roberti nepti. Ea igitur Diplomate suo prædicti anni 13. Junii rationes pecuniæ in opus jam perfectum expensæ a Martuccio Serico reddi jussit coram duobus Rationalibus a se destinatis. Id ab ea factum, ut literæ *quietantiæ*, quam vocant, eidem Martuccio expedirentur. Ita alio Diplomate suo 27. Augusti ejusdem anni prædictas literas Martuccio dedit. Mirum autem videri non debet, quod in eo Diplomate dicitur, auri uncias tantum 1134. ejus operis causa fuisse expensas. Primo enim ex ducatos sex singulæ complectebantur, ut pro ratione temporum ea pecunia sat multa videri posset. Deinde ibi tantum agitur de pecunia, quæ ab anno 1339. usque ad ann. 1343., fuerat expensa. Ob pecuniam enim acceptam, & expensam ab initio operis, aliæ quietantiæ literæ pro eodem Serico expeditæ fuerant eodem anno 1339.

Porro eadem Joanna I. longo suo Diplomate 15. Julii anni 1347. primo edixit, Carolum Illustræ Calabriæ Ducem patrem suum testamento suo jussisse, Monasterium extrui Carthusiani Ordinis in Monte S. Erasmi sub titulo Divi Martini:

tini: eundem quoque cavisse, ut dos ei constitueretur quantae necessaria foret fratribus duodecim ibi victuris sub observantia Ordinis, eorumque famulis. Ibidem addit, avum suum Robertum ejus voluntatis exequendae causa destinasse annuas uncias biscentum, quibus praedia quotannis coemerentur, unde Monasterium alimenta perciperet: post mortem Roberti Regis se quoque jussisse, ut praedictae unciae biscentum annuae ea de causa collocarentur, donec Monasterii redditus ad annuas uncias biscentum pertingerent. His subdit eadem Regina, pecunia quotannis ita collocata, Priorem, & Divi Martini Coenobium praedia jam emisse, unde redibant annum unciae centum sexaginta quinque, ac tarena vigintinovem; acquirendas superesse annuas uncias trigintaquatuor, ac tarenum unum; ad eas parandas pro re nata factum iri emptiones, eaque de causa praesto futuram pecuniam a Roberto destinatam. Antequam tamen *de institutione, ac dotatione praedicti Monasterii opportuna privilegia expedita forent*, ejus pater, & avus obierant. Id igitur exequutura Joanna I., praedicto suo Diplomate Ordini Carthusiano dedit praedictum Monasterium cum omnibus aedificiis suis, & utensilibus in ipsius usum paratis, eique decem constituit praedictas annuas uncias biscentum, declarans id facere, *tamquam clara paterni nominis & aviti heres, atque posteritas.*

Temporibus mox insequentis eadem Joanna I. Diplomate suo 16. Augusti anni 1370. declaravit, se Neapoli in regione vulgo *delle Corregge* construi curasse Hospitale pauperum cum officinis ei necessariis, & Ecclesiam sub titulo Coronae Spinae Jesu Christi, eique Hospitali & Ecclesiae in pluribus bonis a se coemtis dotem constituisse. In eodem Diplomate accurate recensuit, quae pietatis opera in praedicto Hospitali & Ecclesia exequenda forent; praestituto numero personarum, quae utique inserviturae essent, & quae ab unoquoque officia praestanda forent. Ibidem cavit, ut Hospitale, & Ecclesia, eisque ministerium praestare jussi, subessent Priori, & Monasterio Divi Martini Carthusiani Ordinis. Mox in eodem Diplomate inseritur longa series

prædiorum, annuorum reddituum, & bonorum etiam fendallium, in quibus prædicto Hospitali & Ecclesie a se constituta dos fuerat: eo etiam addito, quod alii floreni viginti mille supererant collocandi, ad dotis destinatae modum.

Eadem vero Joanna alio suo Diplomate 14. Maji anni 1375. ita incipiens orationem sua: *Ad Venerab. Monasterium S. Martini Ordinis Carthusiani supra Neapolim, opus quidem manuum Regie domus nostrae, dirigentes specialis devotionis affectum, ipsiusque commodum, quantum honeste possumus, perquirentes*, edixit, ut animalia prædicti Monasterii omne genus pascua decerpere possent in omnibus Regni locis ad Regium demanum pertinentibus, neque fidei, diffidæ, bajulatu, aliisque vestigalibus, iuribusque subessent.

Insequuti Neapolitani Reges suam quoque munificentiam cum Divi Martini Cœnobio exercuerunt. Primo enim Rex Ladislaus Diplomate suo 31. Octobris anni 1399. commemorata liberalitate Caroli III. parentis sui cum prædicto Monasterio, quod appellavit, *opus manuum clara memoria progenitorum nostrorum*, ei confirmavit annuam præstationem quinquaginta modiorum falis a Regina Joanna I. præscriptam, & solvi iussam ex vestigali falis in Principatu Campanie in sustentationem Monachorum, eorumque, qui in ipsorum ministerio forent.

Deinde Rex Renatus Diplomate suo 10. Martii anni 1441. sub Regiam tutelam recepit prædictum Monasterium, bona ipsius omnia, Priorem, Monachos. Sic enim ibi Renatus: *Sub nostra protectione recipimus, & sub Regii nostri favoris, defensionis, & prosecutionis præsidio amplexamur*. Id ab eo factum, cum ne Monachis a laicis molestia crearetur, tum quod in Diplomate disertè dicitur, *quod Monasterium ipsum Divorum progenitorum nostrorum opus insigne fore dignoscitur*. Ibidem a Renato cautum, ut prædicto Monasterio possessio conservaretur suorum bonorum, ac iurium; si quid fecus fieret, ei prompte, & sine figura iudicii a Magistratibus omnibus jus redderetur: in exportatione etiam, aut importatione fructuum, ac specierum, seu a propriis prædiis percepta-

ceptarum, seu aliunde emtarum, donatarumve, vectigalium ac reliquarum publicarum functionum gratia prorsus immunes essent; si quis vero aliquid, aut a Monasterio, aut a Monachis contenderet sibi dare oportere, ejus rei cognitio unice ad ipsum Principem pertineret.

Denique Ferdinandus etiam I. Monasterio Divi Martini ostendit benevolentiam suam. Nam is quidem Diplomate suo 18. Novembris anni 1464. prædicto Monasterio confirmavit privilegium a decessoribus suis ei concessum, quo cavebatur, ut res omnes, quæ in ejus, aut Monachorum usum emerentur, cujusvis vectigalis, ac reliquorum publicorum onerum essent immunes. Alphonsus etiam II. Diplomate suo 18. Maji anni 1494. eidem Monasterio confirmavit privilegia, & elargitiones omnes per superiores Principes ei concessa. In eo autem sigillatim commemoravit solutionem annuam unciarum 21., & tarenorum duorum, quæ quotannis Monasterio solvebantur a Dohana Stabiarum ad complementum constitutæ dotis, & annuorum ducatorum triginta, qui ex Dohanali pecunia Tarentina præstandi erant.

Superioribus monumentis expensis omnino patuit, Monasterium Divi Martini supra Neapolim Regiæ foundationis esse, eamque a Carolo Illustri, ejusque patre Roberto Rege potissimum repetendam esse. Eorum enim munificentia principium prosequutio, ac finis ejus foundationis, accepta referri debent. Diplomata enim superius memorata, & pro extruendo prædicto Monasterio sollicitudinem eorum testantur, & pro eo dotando liberalitatem exhibent. Extant etiam certissima monumenta Ecclesiæ & Hospitalis sub titulo Coronæ Spinæ, quæ & Monasterio subesse sunt iussa, & quorum redditus eidem sunt addicta per unionem. De Regio igitur in prædictum Monasterium patronatu, ultra quam factis est, liquet. Ad acquirendum scilicet patronatum in Ecclesiam, aut Monasterium nil ultra requiritur, quam constructio. Id aperte inculcat *Cap. Nobis de jure patron. & Can. Filii caus. 16. qu. 7.* Hinc & patroni vocabulo designatur nudus Monasterii extructor *loc. cit. in Can. Monasterium.* Id ita

ita placuit jure Christianorum primævo; oportebat enim, ut eam vicem iis retribueret Ecclesia, qui & ad Dei gloriam, & ad ejus religionem ampliandam de suo Ecclesiam extruerent, licet eis dotem non constituissent. Igitur potiori jure patronatus fundatori competit, si cum constructionis titulo dotis quoque constitutio concurrat.

Perperam vero adversus hæc excipitur, Reginam Joannam I. patronatum sibi abdicasse, quia in Monasterio Ordini Carthusiano tradendo, & in bonorum translatione dotis constituendæ causa eidem facta, in Diplomate edicit: *Nilil Nobis, seu heredibus, ac successoribus nostris jure proprietatis, possessionis, domini, seu potestatis, vel quasi, quocumque nomine censeantur, vel censi possent in præfato Monasterio, possessionibus, bonis, juribus, redditibus ejus, præfatisque omnibus aliis, & singulis, ac inscriptis, nisi orationes, & alia suffragia, & beneficia spiritualia . . . quomodolibet retinentes, seu etiam reservantes.* Verba enim isthæc eam sententiam habent, ut quamvis Monasterium ære Regio esset extructum, ejusque bona dotalia Regia pecunia coemta forent; ea tamen omnia transferrebantur quoad plenum dominium, proprietatem, & possessionem, uti Religio suadebat, in erectione sacræ Domus, Templique Deo dicati: nullam igitur partem proprietatis, possessionis, domini, seu potestatis, professa est Regina se retinere super bonis donatis, nullumque pro iis sibi reservavit homagium, præstationem, servitium; eo tantum contenta, ut precibus suis Fratres apud Deum pro ea intercederent. Nusquam ibi patronatus mentio. Is enim neque domini, neque possessionis, aut potestatis in bona donata, quæ verba in Diplomate occurrunt, vocabulo continetur. Sane jus patronatus a fundatione repetendum est, neque quicquam cum dominio, aut potestate commune habet.

Aliunde, quoties de ipsis privatis agitur, quum patronatus a fundatione necessario promanet, expressa tantum renunciatione is remitti potest. Ad ejus remissionem non sufficit præsumta renunciatio: multo minus igitur generales formulæ ejus renunciationem inducunt, præsertim si ex alio re-

ferri

ferri debeant. Ipsa Rota Romana, privatis vix favens adversus libertatem Ecclesiarum, pluries ita pronunciavit, præsertim vero *part. 7. Rec. decis. 133. n. 11.*, illis verbis: *Nec sufficit præsumta, & obscura renunciatio juris patronatus, sed requiritur expressa: & rursus part. 5. tom. 1. decis. 377. n. 3. & part. 18. tom. 2. decis. 771. n. 7.* Idem passim inculcant juris Pontificii celebriores interpretes. Ita Franciscus de Rove in *Prolegom. de jur. patron. cap. 15.*: *Quum constat aliquem fundasse Ecclesiam, satis probatur, eum esse illius patronum, & expressa renunciatione opus est, ut eo jure submoveatur.* Et inter vetustiores Lambertinus de *jur. patron. part. 1. lib. 1. qu. 2. art. 4.* Rochus de Curte verb. *& Ecclesiam fundavit, qu. 8. nu. 12.* Garzias de *benefic. part. 5. cap. 9. n. 62.*

Jam vero si patronatus privatorum hominum neque præsumtis renunciationibus, neque formulis generalibus & obscuris remissi intelliguntur; respectu patronatuum Regibus competentium, multo minus id perferendum. Ea in specie scilicet jus patronatus inter jura Majestatis referri debet, neque a Regia Corona divelli potest, & ut reliqua Majestatis jura, neque alienationi, neque præscriptioni subest. Id quidem repetendum est e jure publico; pari enim modo in Christianis Provinciis observatur, ut passim tradunt Scriptores exteri. Id de Hispania testatur Solorzanus de *jur. Indiar. lib. 3. cap. 3. n. 52.* Ibi enim docuit primum, Coronæ Principis Regios patronatus hære, statimque hæc addidit: *Quo fit, ut nullo modo etiam ex voluntate, & concessione expressa ipsorum Regum in alium transferri, vel alienari possit in totum, nec pro parte, non magis, quam reliqua alia bona, quæ ad eandem Regiam Coronam spectant, & de Regalibus dicuntur, & ideo inalienabilia esse censentur, saltem ultra tempus, quo ipse alienans vixerit.* Idem de Gallia tradit Choppinus de *deman. Gallic. lib. 2. t. 1. n. 2.* Ejus autem juris rationem inde repetit, quod sicut lege Julia dos est a marito inalienabilis, ita Regium Coronæ patrimonium individua Reipublica dos. Idem de Lusitania scribit Cabedus *decis. 65. n. 3.*, ubi præfatus Regios patronatus præscribi non posse, hæc subdit: *Et ratio,*

ob

ob quam in patronatibus id judicatur, ea est, non quod patronatus proxime accedunt ad jurisdictionem, sed quia in nostro Regno regulantur tamquam bona alia Regiæ Coronæ. Id ipsum & in Regno Neapolitano servatur, ejusque juris observantiam complura rescripta Augustissimi Ferdinandi inculcarunt.

Hactenus dictis illud accedit, controversum patronatum ab ipsa Regina Joanna I. originem suam non habuisse, quasi præsumi possit, illum ab ea remissum fuisse in fundacione, dotacione. Ut enim supra vidimus, Monasterii Divomartiniensis fundatio & dotatio, partim Carolo Illustri Joannæ patri, partim ejus avo Roberto accepta referri debet. Sane ipsamet declaravit in Diplomate suo, Carolum Illustrum testamento cavisse, ut construeretur, & dotaretur prædictum Monasterium, ut ab ipso inchoatum jam fuerat ab anno 1326. Eodem in Diplomate declaravit, post mortem Caroli patris sui Regem Robertum ejus voluntatis exequendæ gratia annuas uncias biscentum in prædiorum emtiones collocari jussisse, ut inde dos Monasterio constitueretur; ex factis emtionibus jam uncias centum sexagintaquinque & tarena vigintinovem percipi, acquirendas tantum superesse uncias trigintaquatuor cum tareno uno, eaque de causa pecuniam præsto esse. Aliunde constat per Roberti obitum anno 1343. ad Joannam Regno delato, eodem anno a Martucio Serico eam rationes reddi jussisse omnis pecuniæ ob Monasterii constructionem expensæ, cique literas quietantiæ expedisse. Hæc omnia apprime evincunt, æque ab ipsa Joanna Monasterium fundatum, aut dotatum esse, & sub Roberti Regno Monasterium extructum, & dotatum fuisse: dos enim constituta fuit pecunia, quæ eam in rem ab ipso Roberto destinata jam fuerat. Id ex ipso constat Joannæ Diplomate, ibi enim edicit, propter rerum humanarum vices factum, ut pater, & avus prius vita decederent, *quam de institutione, & dotacione Monasterii opportuna privilegia contigisset habere.* Diploma quoque ea de re scriptum expedire se declaravit, *tamquam clara paterni nominis & avi heres, atque posteritas.* Nullus igitur relinquitur dubitandi locus, fundacionis & do-

tationis intuitu patronatum in Monasterium ad ipsum Carolum, ejusque parentem Robertum pertinuisse; Diplomate vero suo Joannam memoriæ tantum causa declarasse quid per parentes suos ea in re factum esset.

Quod hætenus diximus argumentis etiam ex melio jure civili desumptis facile evinci potest. Nimirum jus civile caveret, uno ex coheredibus ad monumenti extruccionem damnato, heredis damnati proprium monumentum non esse; id potius hereditarium censeretur oportere; pertinere igitur ad coheredes omnes, eaque de causa ab heredibus omnibus heredem gravatum conveniri posse, ut monumentum extruat. Id diferte jubetur in *L. 18. His consequenter §. 1. D. famil. ercisc.* Sic enim ibi Jurisconsultus: *Sed & cum monumentum jussit testator fieri, familiæ erciscundæ agent, ut fiat. Idem tamen tenet, quia heredum interest, quos jus monumenti sequitur, præscriptis verbis posse eos experiri, ut monumentum fiat.* Argumentum igitur inde desumptum omnino probat, Ecclesiæ fundatione & dotatione a testatore præscripta, heredis proprium patronatum non esse, sed ad ipsam hereditatem pertinere. Ita eam speciem definivit doctissimus Covarruvias *Variar. Resol. lib. 2. §. 18. num. 10.*, sic enim ibi: *Si testator instituit tribus heredibus, uni eorum jusserit propriis ipsius heredis impensis Ecclesiam construere, eaque fuerit consensu Episcopi constructa mortuo testatore ab uno ex pluribus heredibus, in hoc patronatus acquiritur non tantum heredi Ecclesiam adificanti, sed & omnibus testatoris heredibus.* Convenit cum eo Baldus in *rubr. C. res inter alios acta*. Sic enim ibi gravissimus Doctor: *Cum heres nomine testatoris, & ejus jussu ac mandato Ecclesiam construxerit, ejus hereditarij jus patronatus acquisitum censebitur.*

Si igitur in controversum Monasterium patronatus ab ipsa Regina Joanna primum acquisitus non fuit, sed pridem pertinuerat ad Robertum ipsum, cujus pecunia extructum, ac dotatum id fuerat, perperam asseritur, generalibus illis verbis Joannam patronatum remittere voluisse. Si enim ea fuisset Reginæ voluntas, oportebat aboleri, destrui patronatum, qui ipsi Roberto delatus jam fuerat. Id ipsum ta-

Tom. I. Cur. Cap. Maj.

Q

men

men in arbitrio Joannæ non erat; postquam enim patronatus tam eximius Coronæ acquisitus jam fuit tanto Roberti, Regnique dispendio, inter jura Majestatis eum referri oportebat. Jura autem Majestatis, ut supra ostendimus, ulla ex parte alienari nequeunt.

De Monasterio vero Divi Laurentii prope Padulam hæc ferme constant ex monumentis, quæ Promotor Fiscalis exhibuit. Primo liquet, Thomam Sanseverinum Marsici Comitem decrevisse fundare novum Monasterium Carthusiani Ordinis in Diœcesi Caputaquensi: ea de causa egisse cum Abbate, & Monasterio Montis Virginis, ut sibi cederetur locus *Divi Laurentii de Padula* dictitari solitus, cum domibus, vineis, hortis, terris, pistrinis, aquis, aquarumque decursibus, ac reliquis pertinentiis, quæ in Padulæ territorio prædictum Montis Virginis Monasterium possidebat; ejusdem vero Monasterii indemnis servandi causa ei permutationis titulo obtulisse quasdam *startias*, quas vocant, ac prædia, quæ is habebat in feudo Sanseverini. Conditio Abbati, ac Monasterio placuit. Ita anno 1305. 14. Octobris de tota re instrumentum rite scriptum Aversæ fuit; in eo a Monasterio Montis Virginis per Procuratorem speciali mandato constitutum cessus fuit Thomæ Sanseverini prædictus locus Divi Laurentii de Padula cum omnibus pertinentiis suis. Thomas vero Sanseverinus permutationis titulo in Monasterium transtulit *Startiam* Divi Angeli, *Startiam* de Marsiculis, prædium de Ramario, & de Carrara, cum pertinentiis suis, quæ ad eundem Thomam pertinebant in Sanseverini feudo.

Liquet etiam ex Diplomate Caroli II. Andegavensis diei 27. Aprilis anni 1305., Thomam Comitem Regi patefecisse bonorum permutationem cum Monasterio Montis Virginis factam; Regi eundem exposuisse, se bona omnia per eam permutationem quæsitâ donasse Carthusiano Ordini, ut inde ejus Instituti Monachi alimenta perciperent in Monasterio, quod ædificandum susceperat sub Regula prædicti Ordinis prope Ecclesiam Divi Laurentii; his addidisse præter enunciata bona, eundem Comitem ad Monachos exhibendos eidem

Mo-

Monasterio donasse stertiam ingentem in Territorio Padulæ in regione *Aque sparte*, quæ dicebatur, ac decimam tam Bajulatus Padulæ, & Saulæ, cum reddituum omnium, vinearum, hortorum, arborum, ac pistrinorum demanii sui, atque animalium omnium, quæ ipse habebat, aut idem ejusque heredes habituri forent in Padulæ, aut Saulæ Territorio, juxta quæque piscandi in fluminibus, & aquis vallis Diani, & dimidium decimæ, quæ ei solvebatur ex piscibus, & piscatione in Civitate Policastri, præterea decem *quarantinos* annuos olei optimi ex oliveto Caparrothæ in Territorio Castri Fasanellæ, & exemptionem fidei respectu animalium ad Monasterium pertinentium, ac pascentium in quibuscumque prædij demanii sui, & immunitatem a platheatico respectu rerum, quæ a Monasterio venderentur, aut emerentur, tantum reservato feudali servitio Regiæ Curie solvendo ex terris ejusdem Comitatus. His enarratis, addit in Diplomate suo Carolus, prædictum Marsici Comitem assensum, ac Regiam confirmationem postulasse, cum prædictæ permutationis causa, tum donationum, quas Monasterio fecerat. Eodem igitur in Diplomate Carolus ea omnia rata haberi jubet ea sub clausula: *Feudali servitio pro dictis Terris dicti Comitatus nostræ Curie debito, juribusque nostris aliis, & cujuslibet alterius semper salvois.*

Præterea liquet, eundem Comitem Thomam diei 28. Januarii 1308. primo declarasse, a se constructam novam Domum Divi Laurentii de Padula Carthusiani Ordinis, deinde in ejus favorem renovasse concessionem cum bonorum, quæ ex prædicta permutatione obvenierunt, tum aliorum bonorum eidem Monasterio donatorum, prout enunciata fuerant in prædicto Diplomate Caroli II., insequenti cum additamento: *Addentes, ac etiam attestantes, quod supradicta bona omnia & singula dedimus, & damus prædictis Priori, & Fratribus burgensatica, & libera, exempta, & immunia, atque absoluta ab omni onere, atque servitio feudali, pro quo feudali servitio Nos, nostrosque successores, & heredes Curia Regia obligamus, & promittimus respondere. Petimus propterea, & cum instantia postulamus, quod dicta permutatio, necnon concessionem, & dona-*

tiones superius nominatæ eisdem Religiosis, & Domui per Sacram Regiam Majestatem absolute & libere confirmantur.

At vero alius Thomas Sanseverinus Maritimi Comes prædicti primi fundatoris heres, ineunte sæculo XV. adversus Ladislaum Regem conjurationem cœptavit, ejusque pœnas capite luit. Ita bona ipsius omnia, jura, feuda Fiscus delata, ut late enarrant Angelus Constantius in *Hist. Regn. lib. XI.*, ac Summontius *lib. V.* Duplici igitur titulo Regius patronatus in Monasterium Divi Laurentii de Padula ad Principem pertinet. Primo enim dotatum fuit bonis feudalibus, in quæ dominium directum Principi competit. Deinde bonis & juribus Thomæ Sanseverini ad Fiscum delatis ob Majestatis crimen, cum reliquis juribus patronatus etiam in prædictum Monasterium ad Fiscum deferri oportuit. Ita intelliges, cur Regina Joanna II. anno 1416. & Rex Ferdinandus anno 1459. in Regiam tutelam suam prædictum Divi Laurentii Monasterium receperint, eique sua privilegia confirmarint, cum possessione bonorum, quæ ei donata fuerant.

Præterea ex aliis quoque monumentis constat, ann. 1457. per Bullam Nicolai V. prædicto Divi Laurentii Monasterio unitum fuisse vetus aliud Monasterium sub titulo S. Mariæ de Pisticio cum bonis ad ipsum pertinentibus, quæ quidem bona in præsentem ob prædictam unionem possidet Monasterium Divi Laurentii de Padula. Prædictum autem Monasterium S. Mariæ de Pisticio Regii juris patronatus fuisse exploratissima monumenta probant. Constat scilicet ex productis monumentis, Radulfum Maccabæum ex vetustis Nortmannorum Principibus, & ipsius Rogerii Comitis Siciliæ & Calabriæ generum, Civitatis Severianæ dominum, Pisticii, & aliarum regionum, Diplomate suo anno 1087. declarasse com Emma uxore sua prædicto Rogerio prognata, se absolvisse novam foundationem Monasterii prope Pisticii Castrum in honorem B. Virginis; advocasse Abbatem Nicolaum Tarenti commorantem, ut cum suis Monachis ibi degeret sub Regula S. Benedicti; acceptata per Abbatem conditione, Radulfum ei dedisse prædictum Monasterium cum Ecclesia
Divi

Divi Joannis de Pisticio cum omnibus juribus, & pertinentiis suis; eidem Abbati concessisse Castrum Franculi, ubi extructum Monasterium fuerat, & Castrum Pilosi cum vicinis prædiis, Iscam Basenti quoque, atque inclitas Salandræ Terras, ac tenimentum Montis cum Ecclesia S. Andræ, finibus bonorum, ac prædiorum omnium designatis. Monasterio concessit etiam facultatem agrorum colendorum in toto Pisticii Territorio, cum exemptione a quacunque decima, terratico, aliove tributo. Per idem territorium quoque eadem immunitate uti iussit, seu Monasterium, seu ejus vassallos, quod ad ligna, aquas, pascuas. Neque hic substitit Radulfi Maccabæi liberalitas erga Pisticii Monasterium. Alio enim Diplomate anni 1095. prædicti Monasterii Abbati, ejusque successoribus concessit, ut exinde tenerent, & dominarentur libere, secure, & absolute civitates, possessiones, territoria, villas, terras cultas, & incultas, cellas quoque, & obediencias prædictæ S. Mariæ Canobio pertinentes; homines vero in eorum ministerio positi immunes forent a publicis functionibus, servitio, angaria, platheatico in Regionibus ac Vicis ad se pertinentibus. Anno quoque 1097. rursus Monasterio confirmavit Basenti Iscam, & Salandræ Terram. Anno etiam 1100. eidem concessit Ecclesiam Divi Michaelis Archangeli prope flumen Basenti positam cum proximo pago, cum latissimis pertinentiis suis. Denique anno 1107. rursus ei concessit tenimentum Montis, & Ecclesiam S. Andræ.

Præterea constat, Rogerium Regem Diplomate suo anno 1133. mense Decembri confirmasse Monasterio S. Mariæ de Pisticio Ecclesiam S. Michaelis Archangeli cum suo pago, & Monasterium Sanctissimæ Trinitatis Montis Janesii, & Ecclesiam S. Angeli de Barco cum omnibus pertinentiis suis, prout edicebatur in privilegiis Radulfi Maccabæi, prohibendo molestias, quæ in possessionibus dictarum Ecclesiarum ei a Regni Baronibus creabantur. Alio quoque Diplomate eidem confirmavit Ecclesiam Divi Basilii in Appii territorio positam juxta concessionem pridem factam ab ipsius sorore Emma Civitatis Severianæ Comite, & ejusdem Radulfi uxore.

Cun-

Constat denique, Monasterium S. Mariæ de Piflicio omnium ferme opulentissimum, ob solitas Monasteriorum vires, commendatum fuisse anno 1504. Idem, postquam diversos Commendatarios fuit expertum, pervenit tandem in manus Andræ de Agnecio, isque aliquot post annos Monasterii commendationem resignavit. Per eam occasionem Nicolaus V. Bulla sua anno 1451., de Regio patronatu nullam mentionem injiciens, dignitatem Abbatialem, & Benedictinum Ordinem in eo Monasterio aboleri jussit; ejusdem vero cum pertinentiis suis unionem fecit in favorem S. Laurentii de Padula.

Jam vero quum hætenus dicta indubiis monumentis firmiter Promotor Fiscalis, exploratum Curie videbatur, omnino constare de Regio patronatu in Monasterium Divi Laurentii de Padula, seu primæva ejus fundatio spectetur, seu respiciatur fundatio Monasterii S. Mariæ de Piflicio, quod Monasterio Divi Laurentii fuit unitum. Nimirum, ut supra fuit ostensum, Divi Laurentii Monasterium a Thoma Sanseverino Marisci Comite ab initio suo fuit extructum: ab eodem in ipsa fundatione dotatum fuit ex bonis feudalibus cum servitio feudali sibi concessis. Dos igitur ab initio suo ad Regalia pertinebat. Proinde per ipsam fundationem & dotationem prædicto Marisci Comiti jus patronatus immediatum quæritum fuit. Statim igitur veluti per consequentiam patronatus mediatu acquisitus fuit & Regi, qui jura Regia sibi reservando assensum dotationi præstitit. Tractu temporis bona Thomæ Sanseverini Comitis Marisci publicata fuerunt. Per publicationem bonorum jura ipsius omnia feudis annexa sunt Regi delata. Ipsum igitur jus patronatus immediatum in prædictum Monasterium a Thoma Sanseverino quæritum, in persona Principis cum patronatu mediato consolidatum fuit, & exinde ad jura Majestatis pertinere cæpit. Ita quidem constitui detet, si primæva Divi Laurentii de Padula fundatio, dotatio respiciatur. Eodem res recíbit, si unio Monasterii S. Mariæ de Piflicio ei facta spectetur. Nimirum, ut supra vidimus, id constructum, & dotatum fuit a

Ra-

Radulfo Maccabæo, qui per eas Regiones jure summi Imperii utebatur. Ab eodem Radulfo idem Monasterium dotem accepit in feudis, aliisque bonis ad Regalia pertinentibus. In prædictum igitur Monasterium jus patroatus semel Radulfo quæsitum Regni successoribus delatum fuit, idque hodie Principi denegari non debet. Ejus Monasterii cum bonis suis unio facta fuit Monasterio Divi Laurentii. Proinde ejus quoque unionis titulo in Monasterium Divi Laurentii de Padula patronatus Principi competit.

Quod ad Monasterium Divi Jacobi in Insula Caprearum, ea de re Promotor Fiscalis exhibuit Diploma Reginæ Joannæ I. expeditum ad preces Jacobi Acunzi Caprensis civis, ejusdem Reginæ Consiliarii ac familiaris, anno 1371. mense Majo. In eo declarat Regina, prædictum Jacobum edificandum suscepisse in Caprearum Insula in loco *Sama* dictitari solito Monasterium Carthusiani Ordinis sub titulo S. Jacobi Apostoli; eundem eum rogasse, ut religiosum desiderium suum Regali sua clementia adjuvaret, ministrando alimenta Fratribus, qui inibi Deo inservituri forent. Ibidem Regina addit se quoque religione sua in tam pium opus proclivem fuisse. Proinde, ut in prædicto Diplomate dicitur, *donavit eidem Monasterio per dictum Jacobum taliter construendo, ac construi jam incepto, pro dote ipsius Monasterii, ac pro vita, ac sustentatione Fratrum ipsorum, & aliarum personarum degentium, & inservientium in eodem, & præsertim, ut Fratres ipsius Ordinis habentes in illo continuatis temporibus residere ad famulandum Deo, & ad Divinum ibi cultum jugiter celebrandum, commodius sustententur, & vivant, omnia bona stabilia demanialia, quæ Regia Curia possidebat in Caprearum Insula, ejusque territorio, domus scilicet, terras cultas, incultas, præterea annuam solutionem unciarum sex solvendarum ex B-julatu Civitatis, & aliam præstationem annuam unciarum quinquaginta solvendarum ex redditu Tinctoriæ Neapolitanæ, annuas quoque uncias duodecim ex Dohana majoris fundaci Neapolitani præstandas; quæ quidem terræ, & præstationes prædicto Jacobo ad certum tempus concessæ fuerunt, ea ve-*

ro de causa libere Reginæ resignatæ fuerant. Ulterius tamen excurrit Reginæ liberalitas. Eidem enim Monasterio pro dote, ac pro vita, & sustentatione Fratrum ipsius, donavit proventus, ac jura Bajulatus Caprearum, licet ad manus mortuus perventura forent, ac modios salis annuos triginta; facultatem eidem dedit cædendi ligna in luco Schifatenli, & immunitatem cujuscumque oneris Dohanalis, Bajulatus, passus, platheatici; denique & exemptionem a vectigalibus respectu specierum omnium, quæ in ipsum Fratrum emerentur, & immunitatem ab omni servitio, subsidio, angaria, & complura alia privilegia, quæ brevitatis causa hic omittimus.

His ita præstitutis, de Regio in prædictum Monasterium patronatu dubitari non potest. Id quidem ab alio fuit extructum, a Regina tamen Joanna dotem accepit ex patrimonio Regio, & de bonis, quæ pertinebant ad Principatum. Proinde secundum præscripta Canonum jus patronatus acquisitum Reginæ fuit. Canones enim per solam Ecclesiæ dotationem jus patronatus acquiri jubent. Id disertè cavet *Can. Filiis caus. 16. q. 7.*, & Concilium Tridentinum *sess. 14. cap. 12. de reformat.* Id ipsum Justinianus edixit in *Nov. 17.* Sic enim ex ejus Novellæ sententia defertur jus patronatus: *Si quis ædificans Ecclesiam, aut etiam aliter in ea ministrantibus alimenta expendens &c.* Quum igitur omnia jura Reg a ex Joanna I. ad Regni successores redierint, Curia pro explorato habuit, jus patronatus in Monasterium Divi Jacobi a Joanna I. quæsitum, hodie ad Principem pertinere.

Denique quod ad Monasterium S. Nicolai de Cluromonte, de ejus quoque Regio patronatu dubitari nequit ob documentorum fidem, quæ Promotor Fiscalis exhibuit. Nimirum inde constat, sæculo XIV. vertente, Vinceslaus Sanseverinum Venuſii & Tricarici Ducem, & Cluromontis Comitem, extruere volentem Monasterium Carthusiani Ordinis sub titulo S. Nicolai de Valle, pluribus instrumentis ea de re sententiam suam ostendisse. In iis primo cum consensu generalis Procuratoris Carthusiani Ordinis designavit locum, in quo Monasterium ædificandum esset, in S. Helania scilicet in

in territorio Claromontano posita. Deinde se obstrinxit ad inchoandam constructionem suis impensis, neque eam se intermissurum, donec absoluta foret Monasterii ædificatio cum Ecclesia, clausura, claustris, officinis, pistrinis, aliisque commoditatibus: illud quoque promisit, se non minus Monasterium, quam Ecclesiam instructurum utensilibus, & suppellectili necessaria. *Et quia parum esset concedere Monasteria, & Oratoria, nisi orantes ipsi, & servitores Dei haberent necessaria alimenta, & alia necessaria quotidie opportuna*, idem cum consensu Rogerii Sanseverini Comitis Claromontii & Coriolani, sui filii natu majoris, in antecessum donavit Monasterio ædificando quingenta terræ modia in toto Claromontii territorio, per Priorem futurum eligenda, & agriculturæ usui inservitura; tot quoque vineas jam fructum ferentes, ut inde possent percipi vini cadi sexcenti; prædictas vero terras & vineas ab omni onere liberas per Monasterium possidendas edixit. Ne vero Monasterio deessent annui reditus cum ad alimenta Fratrum, tum ad stipes pauperibus erogandas, ad alia quoque cum Monasterio, tum Ecclesiæ necessaria; ei donavit annuas uncias centum eidem solvendas ex Bajulatu S. Martini de Ripario, Castrinovi, Claromontii, Senisii. Quum tamen prædicta prædia redditusque feudalia forent, concessionem Regii assensus in se recepit, ne qua controversia in posterum Monasterio fieret. Hinc Rex Ludovicus II. Diplomate suo anno 1397. mensis Junii Regio assensu suo ratas esse jussit concessionem in prædictis instrumentis comprehensas, ea tamen sub clausula: *fidelitate nostra, feudali quoque servitio pro dicto Castro Claromontis, & bonis feudalibus illius, per eundem Ducem Venusii, & suos jam dictos successores, nostræ Curie debito, nostris aliis juribus, & cujuslibet aliterius semper salvis.*

Constat etiam, Regem Ladislaum Diplomate suo 15. Martii anni 1404. ad preces Prioris prædicti Monasterii jam extructi confirmasse donationes ei factas a Vincenslao Sanseverino, ac concessionem quoque Pagi Rubius dictitati. His suam etiam liberalitatem addidit. Prædicto enim Monasterio

Tom. I. Cur. Cap. Maj.

R

præ-

præstari perpetuo iussit salis modios iriginta ex salinis Altomonii. Respectu vero prædicti Pagi, ac rerum donatarum intuitu, Monasterium exemit non solum a feudali servitio, sed etiam a solutione filæ, & ceteris iuribus, quæ ad Fiscum pertinent.

His ita transactis, idem Vincens'aus Sanseverinus Venusti Dux, ac Monasterii fundator, sub initia sæculi decimi quinti sub eodem Ladislao, ob majestatis crimen & ipse capite punitus fuit, ut Regni Historici passim tradunt. Ita ejus bona, & jura omnia redierunt ad Fiscum. Proinde secundum quæ supra diximus, immediatum in prædictum Monasterium jus patronatus Regiæ Coronæ delatum fuit.

Ex hæcenus dictis aperte liquet de patronatu Principis in Carthusiana Cœnobio. Quod superest igitur, videamus oportet de Promotoris Fiscalis petitione, quod ad facultatem eligendi Prioris, quoties Prioratus vacare contigerit. Ea in re, prætermissa vetustiori Ecclesiæ disciplina, qua Regalia Monasteria ab ipso Principe Abbatem accipere cogebantur, controversiam definimus illis potissimum Canonum collectionibus, quæ jus commune Canonicum complectuntur, & in Christianis Provinciis juris communis vocabulo designari solent. Eæ quidem collectiones non e solo Principum fundatorum arbitrio Abbatum electiones pendere jubent, ea in re tamen omnino Principes excludi vetant. Nam electionis negotium non minus Monachorum; quam Principum quoque fundatorum consensu expediendum edicunt. Celeberrimus est in eam sententiam Canon apud Gratianum in *caus. 18. qu. 2. Can. 4.*, sic enim ibi: *Abbatem in Monasterio illum volumus ordinari, quem sibi de sua Congregatione, & Monachorum electio, & possessionis Dominus, & quod magis observandum est, ordo vitæ, ac meritum poposcerit ordinari.* Complures quidem existimarunt, jus ibi patrono delatum privatis fundatoribus communicari non oportere, nemo unus tamen in animum induxit suum, id patrono Principi denegandum esse. Eo sane ref. rri debet rescriptum Clementis III. in *Can. Nobis 25. de jure patron.*, sic enim ibi Pontifex: *Ceterum in Conventuali Ec-*

Ec-

Ecclesia non electioni Prælati faciendæ, sed jam factæ, honestius patroni postulatur assensus, nisi aliter de sua jurisdictione obtineat, ut partes suas interponere debeat electioni tradendæ. Eam vero sententiam, & ipsa verba exceptionis inculcant, & doctissimi quique Decretalium Interpretes sunt amplexi.

Sane earum Interpretes celeberrimi docuerunt prædictæ Decretalis exceptionem eos patronos respicere, qui summo imperio in Regionem utantur, licet idem juris privatis fundatoribus deferendum negent. Atque ea quidem in re inter privatos fundatores, & Principes discrimen constitui debet. Id ipsum autem ex juribus Majestatis est repetendum. Nimirum in Monasteria, & Ecclesias Principi jus tuitionis, & Regia custodia competit. Eo si jus foundationis accedat, ea sane in specie Princeps & in Abbatis, & cujuscumque Prælati electione, partes suas recte interponit. Ejus vero discriminis inter privatos fundatores, & Principem, ipsi Tridentini Patres videntur auctores fuisse, cum edixerunt Principes ipsos cum privatis fundatoribus confundi non oportere. Quum enim jura patronorum varie coercuissent, ac reformassent, in generalibus illis regulis statim exceperunt patronatus, qui pertinerent ad Imperatorem, Reges, atque alios Principes, qui jus summi imperii exercerent.

Quod vero diximus, eam Principibus facultatem ipsum Pontificem detulisse in dict. *Can. Nobis de jure patron.*, ejus quidem sententiæ doctissimi quique Decretalium Interpretes auctores fuerunt. Primum enim Janus a Costa, inter interpretes id genus facile princeps, hæc adlinat ad prædictum Decretalium caput: *Quæro, quid iis verbis intelligat Pontifex, nisi aliter de sua jurisdictione obtineat. Id omnino videtur accipiendum de patrono laico Rege, vel Principe, ut & glossa tandem fatetur Sic igitur hæc exceptio ubi explicanda videtur, ut hoc deferatur Regibus, & Principibus ratione jurisdictionis suæ, ideoque summæ potestatis, propter quam, ut initio bujus tituli diximus, dicuntur habere custodiam Ecclesiarum.*

Franciscus quoque de Roye gravissimus & ipse Decretalium interpres cum Jano a Costa ea in re convenit: sic enim

is scribit ad d. Can. 25. de jur. patron.: Sed excipit Pontifex in hoc capite 25., nisi aliter de sua jurisdictione obtineat, ut partes suas interponere debeat electioni tractandæ. De sua jurisdictione, id est pro imperio, pro summa potestate sua. Sic enim jurisdictionis latissime sumpta pro majoritate, & potestate accipitur apud Rodericum Toletanum, Trithemium &c. Quasi diceret Pontifex, nisi patronus sit Rex, Dux, aut Comes ejus Provinciæ, in qua constituta est ea Conventualis Ecclesia.

Ab horum sententia haud abludit Josephus d'Avezan in Dissert. de jurepatr. apud Meermann. Sic enim ibi vir doctissimus: Quamvis autem patronus laicus partes suas interponere non possit electioni tractandæ, nisi in casu proposito, excipitur tamen Rex, vel Princeps, qui jus patronatus habet in Ecclesia Conventuali; & de eo omnino accipiendum videtur, quod est in d. Can. 25. de jurepatr., nisi aliter de sua jurisdictione obtineat: quæ verba notant quoddam jus singulare Regum, sive Principum. Memorata autem prædicta Concilii Tridentini distinctione inter privatos fundatores, & Principes, statim hæc subdit loc. cit. . . . Sic ergo exceptio proposita in d. Can. 25. mihi explicanda videtur, ut hoc deferatur Regibus, & Principibus ratione jurisdictionis suæ, id est summæ potestatis, per quam habere dicuntur custodiam Ecclesiarum. Id ipsum docuit celeberrimus Hericurtius juris canonici sententia & usu peritissimus; nam is in Opere suo *Loix Ecclesiast. chap. du droit du patronag.* generatim quidem edicit patronos in electionibus Ecclesiarum Conventualium partes suas interponere prohiberi, statim tamen personas excipit, quarum singularis qualitas aliud juris exposcat. Qua quidem in exceptione vir doctus Reges, & Principes fundatores respexit. Eandemque sententiam aperte sequitur Durandus de Maillane in Lexico suo Canonico in verb. Patron.

Neque vero concordia isthæ inter Principem, & Monasterium in Abbatis electione a Clemente III. primum præscripta fuit. Eadem enim pluribus ante sæculis & conveniens, & opportuna visa Gregorio Magno juris Ecclesiastici vindici constantissimo. Is enim diserte cavit, ut in Monasterio Au-

gu-

gustodunensi a Rege simul & Monachis eligeretur Abbas lib. I. epist. 8. Sic enim ibi : *Obeunte Abbate , non alius ibi quovis obreptionis astutia ordinetur , nisi quem Rex ejusdem Provincie cum consensu Monachorum secundum timorem Dei elegerit , ac provideris ordinandum .*

His rite perpensis , quum exploratum sit Regium jus patronatus in Monasteria Carthusiani Ordinis , Curiae visum , Regiam Coronam in illud redintegrandam esse , & in patronatus veluti consequentiam , Regis consensu expediendas Priorum electiones ; eas autem fieri oportere praesentibus personis destinandis a Principe , quae vice sacra in electionibus partes suas interponant ; ita autem expeditas electiones firmitatem suam non obtinere , nisi Regio quoque assensu firmatae fuerint . Hinc ita pronunciavit : *Monasteria Carthusiani Ordinis hujus Regni , nimirum S. Stephani de Bosco in Calabria ulteriori , S. Martini supra Neapolim , S. Laurentii de Padula in Lucania , S. Jacobi in Insula Caprearum , & S. Nicolai Vallis Claromontana in Calabria citeriori fuisse & esse Regii juris patronatus . Ac proinde Regalis Corona redintegretur in dictum jus patronatus tam super praedicta Monasteria , quam in Grancias , Ecclesias , pertinentias , bona , jura , privilegia veteris status sui , ea lege , ut Princeps partes suas interponat in electione Priorum , quoties ii sint eligendi . Eapropter in electionibus faciendis Regius consensus obtineatur , aequae expendantur conventualiter in Monasteriis suis praesente persona a Principe destinanda , quae vice Regia partes suas in electionibus interponat ; ita autem expeditae electiones firmitatem suam tandem obtineant , ubi Regio assensu firmatae fuerint . Nequando autem in posterum Regia jura detrimentum patiantur , praedicta Monasteria referantur in libros Curiae inter alias Ecclesias , Abbatias , & Monasteria Regii patronatus .*

In causa Regii Fiscii pro declaratione Regii patronatus in Monasterium S. Mariæ Insula Tremitanæ, & Abbatiam S. Mariæ de Calena. Die 2. Junii 1780.

Dotatio de bonis, quæ ad Principem spectant, Regium patronatum constituit.

Promotor Fiscalis Regiæ Coronæ petit in Curia Capellani Majoris, ut Regalis Corona reintegraretur in patronatum, qui Principi competit tum in Monasterium Divæ Mariæ Tremitanæ, cum in Abbatiam Divæ Mariæ de Calena. Eam ob controversiam auditis D. Ferdinando de Leon Fiscii Patrono, eaque de causa speciatim a Principe delegato, atque Abbate Monasterii Divæ Mariæ Tremitenfis, ac dato termino ad probandum, ex parte Fiscii complura sunt exhibita documenta, quæ ejus causam justam ostenderunt. Solemnibus vero judicii rite expletis, prædictus Fiscii Patronus ita institit: *Fiscus instat per Rev. Curiam Capellani Majoris declarari, Monasterium S. Mariæ Tremitanæ Insula, & Abbatiam S. Mariæ de Calena, fuisse, & esse Regii juris patronatus, ideoque ambo reintegranda esse optimo jure Regiæ Coronæ, cum omnibus ipsorum bonis, feudis, jurisdictionibus, juribus, pertinentiis, & integro statu, juxta primævam ipsorum naturam, & cum omnibus & quibuscumque juribus Principi Patrono competentibus; & ad hunc effectum prædictum Monasterium Tremitanum, & Abbatiam Calenæ describi inter alias Ecclesias, Abbantias, & Monasteria, quæ in Regno hoc optimo jure Regi nostro pertinent, & spectant.*

Actiōne ita instituta, ex allegatis monumentis constitit, sub initia sæculi XI. constructo Monasterio S. Mariæ Tremitanæ, certatim ei dotem constituisse diversos Dynastas genere Longobardos: In eum sane censum referri debent Termuli Comites, Comites quoque Theatenfes, eorum fratres, alique de ipsorum prosapia. Ii quidem de genere summorum Imperantium, Beneventi scilicet, & S. karni Principum, in territorium quisque suum jus summi imperii exercuerunt, ut ex historicis monumentis liquet. Iidem quoque ex veteri Longobardorum jure Principatum suum in solos liberos natu majores non transmittēbant, sed cum inter sin-

gu-

gulos liberos dividebant. Id quidem Longobardorum exitium maturavit: neque enim ratio Principatus aliter constare potest, quam si ab uno regatur. Ita ab ipsis Monasterio donata bona ad Principatum pertinuerunt. Ejusmodi saltem fuerunt Castra Righi Armarii, Planasi, Acquavivæ, Sparpaliæ, Senellæ, Linari, atque alia, quæ partem non modicam Termulani, & Theatensis Comitatus constituebant. Prædicta autem Castra in Monasterium collata fuerunt cum pertinentiis, ac prædiis, quæ ipsorum ambitu continebantur. Ex ipsarum vero donationum inspectione constat, prædia ad singula Castra pertinentia per immensa spatia pa'uisse, ac modiorum viginti millia fuisse complexa. Prædictæ etiam concessionες factæ fuerunt cum Ecclesiis in memoratis Castris extructis, cum aquis, aquarumque decursibus, aliisque juri- bus, quæ ad jura Majestatis pertinebant. Si cujus vero Castri principatus inter plures fratres divisus foret, partem quisque suam donavit.

Jam vero prædictæ concessionες liberalitate Longobardorum Principum Monasterio factæ in jure controverso positæ videri poterant. Nam per id temporis contendebant Occidentis Imperatores, Neapolitanas Provincias, ac reliquam Italiam, supremo Majestatis jure ad se pertinere. Inde intelligitur, cur ii in nostras Regiones frequentissime adventarent, ut Longobardos Principes inter se dissidentes conciliarent, ac pro lubito de ipsorum Principatu statuerent. Inde factum, ut in adventu Conradi in Italiam anno 1038, & Henrici III. anno 1054. ab his Principibus Monasterium prædictarum donationum nedum confirmationem, sed & novam concessionem obrinere curavit. Novam autem concessionem Monasterio fuisse factam ostendit Conradi privilegium, sic enim ibi: *Per hanc præceptalem auctoritatem concedimus, donamus, atque largimur, insuper confirmamus, atque corroboramus.* Formula haud absimilis occurrit in privilegio Henrici, sic enim ibi Imperator: *Per hanc præceptalem auctoritatem concedimus, donamus, insuper confirmamus.* His ita præstitutis, aperte liquet, a prima origine sua Monasterium bonis Prin-
ci-

cipatus dotatum fuisse: id ipsum vero ex præscripto Canonum Regii patronatus fundamentum est.

Prædicta quidem ratio dubitari non patitur jus patronatus in controversum Monasterium ad Principem pertinere. In re tamen, de qua agitur, clarior occurrit patronatus significatio. Conradus enim, & Henricus, ne quis relinqueretur dubitandi locus, quisque concessione sua, in Monasterium Regia liberalitate dotatum jus patronatus sibi reservarunt. Nimirum ita edicunt in Diplomate Principes: *Voluimus etiam atque statuimus, ut deinceps sit sub nostro regimine, & nulli nisi nobis respondeat*. Ea vero formula non tantum jus patronatus Principibus reservatum fuit, sed Tremitanum Monasterium ad qualitatem Imperialem pervenit. Id ex veteri politia eo pertinebat, ut Monasterium, & sub Imperatoris regimine foret, & ab ejus numine prorsus penderet. Inde factum, ut posterius Nortmanni Principes, quos vellet, renunciarent Abbates, eosque pro lubitu gradu suo deicerent. Indidem factum, ut in Andegavenses translati rerum arbitrio, Regio Diplomate suo Carolus II. Andegavensis milites per Monasterium ali jussert, & ad defendendam Tremitanam insulam ab eodem munimenta fieri.

Ex dictis hætenus Curia visum, Regium in Tremitanum Monasterium patronatum in dubium revocari non posse, ac redintegrationem a Fisco petitam ei denegandam non esse.

Quod ad Abbatiam S. Mariae de Calena, a Promotore Fiscali exhibitum fuit exemplum Diplomatis Riccardi Principis Capuae, expediti anno 1059. in Urbe Melphi. Inde liquet, per id temporis sub auspiciis Nicolai II. habitum fuisse Concilium Melphitanum, ibique plura proposita, quæ ad æternam salutem proficerent, præsentē Riccardo Principe: ea occasione excitatum fuisse Riccardum, ut aliquid cœptaret, & Deo gratum, & salutē suæ profuturum. Ita, Romano Pontifice in Consilium adhibito, Abbate Casinensi Desiderio, qui Concilio intererat, ad se vocato, eum invelsit Abbatia S. Mariae in Calena in finibus Apuliae posita inter Montem Garganum, & mare Adriaticum, secus Castrum

rum cognomento *Vestim*. In prædictæ autem investituræ Diplomate ita edicit: *Præfati Casinensis Canobii S. Benedicti ditioni subijcimus prædictam Abbatiam S. Marie cum integris omnibus Castellis, Villis, vicis, cellis, domibus, territoriiis, prædiis, sylvis, arbusis, vineis, olivetiis, pratis, aquis, molendinis, piscariis, aliisque omnibus rebus mobilibus, & immobilibus ad præsens quocumque modo præfata Abbatia pertinentibus.*

Præfulgebat Abbatia isthæc multorum Castrorum, Vicorumque dominio cum pertinentiis suis, multarum Ecclesiarum numero, earumque redditibus. Ad eam pertinebant quoque possessiones non paucæ, prædia, jura. In eorum censum referri debet & decima piscationis Lacus Varani, quam hodie Abbatia possidet. Sed ea de re plura desino, nam ingens illa bonorum copia ad Abbatiam pertinentium extat in confirmationis privilegio per Guilelmum II. expedito anno 1179. Ea autem Guilelmi confirmatio alterius confirmationis adprobandæ causa concessa fuit, quam prædictæ Abbatie indulserat Rex Rogerius ejusdem Guilelmi avus non multo postquam ex concessione Riccardi Principis prædicta Abbatia Monasterio Casinensi fuerat addicta, ut evincunt acta fol. 71.

His ita præstitutis in dubium revocari nequit, ad Regem utriusque Siciliæ in Abbatiam pertinere hodie eadem jura, quæ ad Riccardum Principem pertinuerunt olim. Inficias autem nemo iverit, ad Riccardum Principem jus patronatus in eam pertinuisse. Is scilicet de prædicta Abbatia pro arbitrio suo statuit, tamquam de re ad se pertinente, idque coram Pontifice, ejusque consilio adhibito. Si alia argumenta decssent, libera isthæc dispositio evinceret, patronatum in controversam Abbatiam exploratissimum fuisse habitum. Id ipsum tamen apertius liquet ex natura bonorum, unde ea dotata fuerat. Castra enim, Vici, & jura Majestatis ei concessa a solis Principibus donari potuerunt.

Liquet ex actis quidem, prædictam Abbatiam anno 1445. jussu Eugenii IV. a Monasterio Casinensi, ad quod per plura sæcula pertinuerat secundum concessionem Riccardi Prin-

Tom. I. Cur. Cap. Maj.

S

cipis,

ēpis, fuisse divulsam, & concessam Monasterio S. Mariæ Tremitanæ, suppressa dignitate Abbatiali, & Benediktino Ordine. Id tamen ceptatum a Pontifice fuit neque jubente, neque assentiente Patrono Principe. Igitur divulsio isthæc facta per potestatis abusum, ac nulla ratione Principis Patroni habita, imminuere non potuit Regia patronatus jura. Ea vero in hodiernum Regem Neapolitanum migrarunt.

Hactenus allatis pro Principis patronatu cum in Monasterium Tremitanum, tum in Abbatiam de Calena, accedit, Abbatem in judicium rite vocatum, adversus Fiscī petitionem, ac patronatus redintegrationem nil allegasse. Quin Promotor Fisci inter alia documenta produxit libellos anno 1611. per Generalem Canonicorum Regularium, & S. Mariæ Tremitanæ Abbatem porrectos Regi Philippo II. In iis vero prædicti Antislites ingenue confitentur, multos Imperatores, Reges, ac Principes tanta veneratione prædictum Monasterium prosequutos, ut illud ditarent terris, castris, prædiis, sique plurima privilegia concefferint. Per ipsam igitur adversam partis confessionem de factis liquet, unde secundum præscripta legum patronatus promanat. Proinde, his, aliisque perpensis, Curia Ill. & Rev. Domini Capellani Majoris, cum voto Domini Regii Consiliarii D. Dominici Potenza ordinarii Consultoris ejusdem, ita pronuntiavit: *Monasterium S. Mariæ Tremitanæ Insule, & Abbatiam S. Mariæ de Calena, fuisse, & esse Regii juris patronatus; proinde in utriusque possessionem Regiam Coronam redintegrandam esse, quo jure, quaque conditione fuerunt a foundationis initio, cum omnibus ipsorum bonis, feudis, jurisdictionibus, pertinentiis, & integro suo primævo statu, ac jurebus generatim omnibus, quæ Principi Patrono competant. Ad hunc autem effectum prædictum Monasterium, & Abbatiam referenda censet inter alias Ecclesias, Abbantias, & Monasteria Regii juris patronatus, ne quando in posterum ea de re controversia insitatur.*

*In causa Regii-patronatus in Ecclesiam Cathedralis Scylaciensem,
Die 14. Novembris 1780.*

Paulus Cassadonte Cathedralis Scylaciensis Canonicus Regi denunciavit, Scylacii Episcopalem Ecclesiam Regii patronatus esse, idque aperte liquere ex vetustis monumentis, quas in prædictæ Ecclesiæ Archivio asservabantur. Iis conquisitis, atque ad Curiam Ill. & Rev. Domini Capellani Majoris transmisissis, idem Canonicus petit, ut de Regio patronatu in judicio decerneretur; inspecta vero productorum monumentorum cœtitudine, Regia Corona in eum reintegraretur, *via exequutiva*, quam vocant. His initiis Regiis litteris cautum, ut prædicta Curia auditis, quos oportet, controversiæ fata componeret, prout leges, & in Regno recepti mores exposcerent. Ita instituta actio nunciata fuit hodierno Episcopo Scylaciensi; citationibus etiam per editum judicio adesse sunt jussi generatim omnes, quorum controversia interesse posset. Incausatis autem contumaciis, Coronæ Patronus petit libello suo per Curiam declarari Scylaciensem Episcopalem Ecclesiam a Rogerio Comite Calabriæ, & Siciliæ, dotatam, fuisse, & esse de Regio patronatu, eam igitur ad jura Majestatis regere oportere, cum omnibus bonis suis, feudis, juribus, ejusque pertinentiis, cum jure quoque nominandi Episcopi, quaqua de causa in posterum ea Sedes vacaret. Judicio ita ordinato, ad eam actionem expediendam ad productorum monumentorum examen Curia rite processit.

Ex veteribus monumentis liquet, anno 1096. Rogerium Calabriæ & Siciliæ Comitem suo Diplomate declarasse, post extructas diversas Ecclesias Episcopales, quibus inserviebant Canonici ad divinarum laudum ministerium addicci, se summo dolore fuisse affectum ob ruinas, & infelicem Ecclesiæ Scylaciensis statum. Namque in tam nobili Civitate, quam tunc Christiani incoherent, & in quam tot Normanni confluerant, nondum extructa foret Latina Episcopalis Ecclesia. Suam igitur veluti incuriam emendaturus, ob quam Scylacii

Fundatio, & dotatio Ecclesiæ juxta patronatus præferunt, etiam si non reservatum; reservatum vero intelligitur, cum Princeps fundator in ipsa Ecclesiæ fundatione ejus Episcopum delegerit.

laciū Ecclesia sic muta erat, sic inutilis erat, sic sine patre, sine consilio, & opibus, sic a laudibus divinis tacita, plurium Episcoporum consilio, & consensu adhibito, prædictæ Ecclesiæ Episcopum destinavit Joannem Nicephorum Mileti Decanum, Ecclesia dotata, quot, & quantis sibi placuit beneficiis, ac in foundationis tabulis præstitutis Ecclesiæ Scylacienfis limitibus. Hinc in prædicto Diplomate primo declaravit loca, quæ ad Diocesim Scylacii pertinerent, atque ab ea pendere iussit Scylacium ipsum, Tabernam, Stilum, Antistilum, S. Catharinam, Badolatum, Satrianum, Castrum Cuculum, Castrum Mainardum, Lumatæ dimidium, Catanzarium, ejusque Collem, Saliam, Barbatum, ac Tiriolum. Descripsit inde Abbatis, & Ecclesias, quas eidem Episcopali Ecclesiæ univert, nimirum Abbatias S. Mariæ de Roccella, S. Juliani, S. Senatoris, S. Gregorii, S. Basilii, S. Nicolai Meliotæ, S. Lucæ, S. Petri, S. Mariæ de Butadio, S. Helenæ, S. Martiæ, S. Marinæ; Ecclesias vero S. Fantini, S. Nicolai de Potamo, S. Constantinæ, S. Anastasie, cum suis divisionibus, & vineis, S. Nicolai ad Balneum, ac S. Matthæi cum Villanis, & locis cultis in territorio S. Eliæ, Abbatiam S. Joannis Stilenfis, Abbatiam S. Leonitini, Ecclesiam S. Nicolai de Lato, cum S. Maria, & S. Nicolao de Travocatis.

Ea enumeratione præposita, descripsit bona, quæ prædictæ Ecclesiæ donaverat, ejusque dotis constituendæ causâ rursus donare volebat. Primo igitur ei donavit Castrum Alare cum pertinentiis suis, idque hodie & in Scylacienfis Ecclesiæ bonis est, & potissimam partem dotis ejusdem constituit; facultatem recipiendi, & habendi in territorio Ecclesiæ villanos externos; decimam rerum omnium, quæ pervenirent ab animalibus, frugibus, auro, & argento omnium Civitatum, & Castrorum, quorum supra mentio fuit injecta; facultatem construendorum pistrinorum in quocumque Ecclesiæ prædio; numerum villanorum ingentem, cum ipsorum filiis, qui fuerunt nominatim descripti. Tandem Episcopo, ejusque successoribus eadem privilegia concessit, quæ

Mi.

Mileſio, & Meſſinenſi Epiſcopo liberalitate ſua conceſſa fuerant, facultatem ſcilicet juridiſtionis exercendæ juxta Canonum, ac Patrum ſcita inter Clericos Latinos, & Græcos, qui in ejus Diœceſis territorio forent. Anno etiam 1098. alio Diplomate ſuo rurfus prædiſto Epiſcopo confirmavit Caſtri Alaris conceſſionem, ejuſque amplum territorium ſpecialim deſcripſit.

Conſtat etiam, Rogerium Regem Comitis Rogerii filium Diplomate ſuo anno 1110. donaſſe eidem ſedi Eccleſiam S. Mariæ de Roccella cum omnibus pertinentiis ſuis, in quibus erat Bonofinemus, cum multis prædiis, juxta limites deſcriptos in Rogeriano Diplomate, & juxta conceſſionem, quæ de eodem nemore facta fuerat memoratæ Eccleſiæ S. Mariæ de Roccella a patre ſuo Comite Rogerio ab ipſo anno 1094. Anno autem 1145. idem Rex Rogerius confirmavit Sicaltio Epiſcopo Scylaciens ſi tam dotationem ſuæ Eccleſiæ factam a Comite patre ſuo anno 1096., quam dotem a ſe conſtitutam anno 1110.

Exploratum eſt quoque, Regem Guilelmum eidem Cathedrali dediſſe Baldumi feudum, piſtrinum, aliaque prædia: Reginam vero Conſtantiam Regis Rogerii filiam Diplomate ſuo anno 1196. confirmaſſe dotationem Eccleſiæ Scylacii a Comite Rogerio ejus avo, & a Rege Guilelmo patruo factam, & Scylaciensium Epiſcoporum juridiſtionem ampliaviſſe.

Denique rerum præteritarum memoriæ paſſim oſtendunt, in controverſiis prædiſtæ Cathedralis, quæ ſubortæ fuerunt ob Caſtrum Alare, aut ingens territorium S. Mariæ de Roccella, aut alia bona veteris ſuæ dotationis, Epiſcopos ſe defendiſſe prolato titulo diſtarum antiquarum conceſſionum, earum vero vigore a Regiis Magiſtratibus Epiſcopis fuiſſe ſervatam prædiſtorum bonorum poſſeſſionem.

Jam vero, quæ ex memoratis monumentis liquent, dubitare non ſiunt de Neapolitanorum Principum patronatu in Scylaciensium Eccleſiam. Primo enim exploratiſſima eſt fundatio, ac dotatio veterum Neapolitanorum Principum bonis ipſius Principatus facta. Deinde conſtat, dotem olim Ec-

Ecclesiæ Scylacienti collatam eam ipsam esse, qua hodie Scylacientes Episcopi se sustentant. Tralaticium vero est inter Doctores, dotationem, & fundationem Ecclesiæ jus patronatus deferre. Id aperte jus civile cavet in *L. Si quis C. de sacros. Eccles.*, in *Nov. 77. cap. 2. in Nov. 123. cap. 18.* Cum jure civili in ea re convenit jus Canonicum in *Can. 51. caus. 16. qu. 1.* cum concordantibus, idque confirmatum plurimum Conciliorum scitis, ac præsertim in Tridentina Synodo *sess. 14. de Reformat. cap. 12.*

Sed in præsentî articulo argumentis haud opus, res enim ipsa demonstrat, cujusmodi jus fundatio fundatori dederit. Comes enim Rogerius in ipso fundationis articulo Episcopum elegit Ecclesiæ præfuturum, ac jus ei præstituit in sua Ecclesiâ exercendum. Neque excipi hic potest, quasi Rogerius patronatum sibi non reservavit. Primo enim ad patronatus acquisitionem reservatio necessaria videri non debet *ex Cap. Nobis 25. de jure patronat.* Deinde reipsa Rogerius in Scylacientem Ecclesiâ patronatum sibi reservavit; in ipso enim fundationis actu Episcopum delegit, qui ei præcisset. Patronatus igitur jure quam optimo exercitus per Neapolitanos Principes, Regiæ Coronæ restitui debet. Hinc Curia, cum voto Domini Regii Consiliarii D. Dominici Potenza ordinarii Consultoris ejusdem, ita definiit: *Scylacii Ecclesiâ fundatam dotatam per Rogerium Calabria, & Siciliæ Comitem, ac per successores Neapolitanos Reges opibus auxilium, fuisse, & esse de Regio patronatu; proinde prædictam Ecclesiâ, cum omnibus suis bonis, feudis, juribus, jurisdictionibus, prærogativis, pertinentiis, ac nominatione Episcopi in vacationibus quibuscumque, ad jura Regiæ Coronæ redire oportere; ipsam vero Ecclesiâ in libros Curia referendam inter alias Ecclesiâs, in quas jus patronatus Principi competit.*

*In causa Regii patronatus in Ecclesiam Episcopalem Melphitensem .
Die 14. Novembris 1780.*

Promotor Fiscalis Regiæ Coronæ petiit libello suo in Curia Illi: & Rev. Capellani Majoris, ut Melphitana Episcopalis Ecclesia, utpote a Neapolitanis Principibus opulenter dotata, ad Regium patronatum pertinere declararetur, cum omnibus bonis, & pertinentiis suis. Quæ autem monumentis a se exhibitis certitudo inerat, id quoque petiit, ut in prædictum patronatum Regia Corona redintegraretur *via exequutiva*, quam vocant. Ita Curia præcepit; ut ejus petitionis certior fieret Ferdinandus de Vicariis Melphitanus Episcopus, per edictum quoque citarentur omnes, quorum fortasse lis interesset. His ita transactis, a prædicto Promotore Fiscalis petiit, ut in judicio rite decerneretur de quibusdam veteribus monumentis, quæ in prædicta Cathedrali Ecclesia prostabant, quæque ad firmandum Regium patronatum produci possent. Hinc ejusdem Curie jussu ad prædictorum monumentorum recognitionem processum. Ita instructo processu documentis exhibitis, atque veterum monumentorum agnitione, ab eodem Promotore Fiscalis in judicio postulatum, ut de lite pronunciaretur. Interea temporis tamen Melphitanus Episcopus fato cessit. Proinde ne quid vitii objiceretur sententiæ per Curiam proferendæ, Curia rursus per edictum citationes expediri jussit, ut se judicio sisterent si qui alii controversiam sua interesse crederent. Incusatis igitur contumaciis, Curia propositæ actionis examen instituit.

Primum omnium ex documentis exhibitis liquet, Ducem Rogerium Ducis Roberti filium, *intervenientibus Comitibus, atque Magnatibus fuit, necnon Archiepiscopo Sipontino, & Episcopo Trojano, Ecclesiæ S. Mariæ Melphitensi dotem constituisse.* Is sane apertis verbis declaravit, dotem ei se constituere, pro certo habens, se rem facere Deo gratissimam, *si venerabilibus locis, eorumque Ministris, & Custodibus necessaria adhiberet, & præstaret alimenta.* Dotis autem constituendæ causâ, Ecclesiæ Mel-

Sola dotatione jus patronatus acquiritur.

Melphienſi conceſſit *Caſtrum Salſula cum omnibus iuribus, & pertinentiis ſuis, & territoriis, cum omnibus ruſticis, qui modo ibi ſunt, vel futuri ſunt, ſic ut non ſint tributarii Ducis: Item omnes Judeos, & Monafterium S. Joannis de Illiceto de Balneo.* Eidem Eccleſiæ confirmavit bona generatim omnia, quæ aut a ſe, aut a patre ſuo Roberto S. Marim Melphienſi conceſſa forent.

Præterea conſtat, anno 1097. eundem Ducem Rogerium alio ſuo Diplomate eidem Eccleſiæ Melphienſi conceſſiſſe Eccleſiam S. Michaelis Archangeli, & Vicum Gaudianum, cum omnibus vaſſallis, & iuribus, & pertinentiis ſuis. Ex rebus autem ita conceſſis ullas publicas functiones præſtari vetuit.

Conſtat quoque, anno 1102. Pontificem Paſchalem II. Bulla ſua Guilelmo Epifcopo Melphienſi directæ teſtari de prædicta donatione a Duce Rogerio prædictæ Cathedrali facta; ea enim in Bulla Eccleſiæ Melphienſis primo ſubjecit Oppidum Lavellanum: mox ita addidit: *Præterea Villam Salſula, Gaudianum, poſſeſſiones S. Joannis de Illiceto, ita ſemper in poſſeſſione propria Melphienſis Eccleſiæ permanere cenſemus, ſicut a filio noſtro Duce Rogerio ſuis temporibus tradita, & chyrographo confirmatæ ſunt, hoc ipſum Judeorum cenſu, Balnearum reditu, villanorum veſtigalibus, molendinis, vineis, agris, ceteriſque rebus, quas intra vel extra Civitatem Melphie idem Dux Eccleſiæ veſtræ contulit.*

Exploratum eſt etiam, anno 1296. Regem Carolum II. Andegavenſem Cathedrali Melphienſi confirmariſſe Vicum Gaudianum, & Caſtrum Salſulæ, ſecundum Diplomata Ducis Rogerii, quæ in privilegio Caroli II. de verbo ad verbum fuerunt inſerta. Anno autem 1324. Rex Robertus Diplomata iſthæc obſervantiam ſuam habere juſſit. Eorum enim exequendorum cauſa diſerte cavit, ut Melphienſis Eccleſia ab omni ſervitio feudali prorsus immunis eſſet cum reſpectu Vici Gaudiani, tum reſpectu Caſtri Salſulæ. Præterea conſtat, anno 1409. Regem Ladislaum Diplomate ſuo ad Juriſdictionem Lucaniſſe miſſo reſtituiſſe Eccleſiæ Melphienſi

poſ-

possessionem Vici Gaudiani, quæ ab Herricono stipendiario suo occupata fuerat. Causam restitutionis assert, quia *Gaudiani Vicus*, cum turri, juribus, & pertinentiis suis omnibus, fuit & est *dos præcipua*, & *patrimonium proprium ipsius Melphienfis Ecclesiæ*, & *de cujus fructibus, redditibus, & proventibus consueverunt dictæ Ecclesiæ Præsides sustentari*,

Denique ex recognitionibus Curæ jussu susceptis ab Officiali Provincialis Audientiæ liquet, ex scripturis Archivii Ecclesiæ Melphienfis decimam reddituum Bayulationis Civitatis Melphii. Indidem quoque constat, regificam Turrim Campanariam ejusdem Ecclesiæ anno 1153. extructam fuisse Regis Rogerii sumptibus, ejusque rei fidem facit vetus inscriptio, quæ in prædicta Turri adhuc extat. Testes quoque rite rogati fidem fecerunt, Melphienfes Episcopos ex redditibus S. Iulæ, & Gaudiani, atque aliis veteris dotationis corporibus, hodie dum percipere quolibet anno summam sat ingentem ducatorum quindecim mille.

Superioribus monumentis accurate perpensis, Curæ visum, de Promotoris Fiscalis actione dubitari non oportere. Ejus intentionem plene confirmant cum dos ingens, quæ Neapolitanorum Principum largitate ad Ecclesiam Melphiensem pervenit, tum vetera monumenta, quæ omnem suppositionis suspensionem arcant. Constat quoque, prædictam dotem bonis Principatus, fuisse constitutam, atque ea hodie Melphienfes Episcopos dignitatem tueri suam. Exploratum est autem, sola dotatione jus patronatus acquiri. Id & aperte Justinianus edixit in *Novell. 57. cap. 7. in Novell. 123. cap. 18.*, & ipsi Romani Pontifices in Decretalibus confirmarunt. Eam vetustissimam Ecclesiæ disciplinam inculcant & probant ipsi Tridentini Patres *sess. 14. de Reform. cap. 12.* Certum igitur videri debet, Neapolitano Regi, ejusque in Regno successoribus optimo jure Regium patronatum competere in Melphiensem Ecclesiam. Proinde Curia, cum voto Domini Regii Consiliarii D. Dominici Potenza ordinarii Consultoris ejusdem, ita de controversia pronunciandum censuit: *Episcopalem Ecclesiam Melphiensem a Neapolitanis Principibus opulenter dot.*
Tom. I. Cur. Cap. Maj. T 1a-

tatam, fuisse & esse de Regio patronatus, ac proinde prædictam Ecclesiam cum bonis suis omnibus, feudis, juribus, privilegiis, jurisdictionibus, prærogativis, ac pertinentiis, ejusque patronatu ad Regiam Coronam redire oportere, cum jure nominandi Episcopum, quacumque de causa Melpbienfis Episcopatus vacaverit, & cum reliquis juribus, quæ Principi patrono competunt; ea vero de causa prædictam Ecclesiam referendam esse in libros Curiae, atque inter alias Ecclesias, in quas jus patronatus Principi competitis.

In causa Regii patronatus in Monasterium Divi Laurentii Civitatis Aversa. Die 12. Decembris 1780.

IN Regali Camera S. Claræ contendebat Thomas Morellus adversus Cœnobium Divi Laurentii Aversani, locationem quorundam prædiorum, cum eo a se initam, perpetuam factam videri ob novissimas Regni leges. Eam ob rem disceptatum inter litigantes fuit, utrum prædictum Cœnobium Regiæ foundationis esset, atque ad patronatum Principis pertineret. Ejus enim disceptationis definitio institutæ de locatione controversiæ præjudicium facere videbatur. Proinde ejusdem Regalis Cameræ consultatione prævia, Regi optimo visum Regiis suis litteris die 14. Novembris ann. 1778., ut Curia Ill. & Rev. Capellani Majoris, audito eodem Morellio, aliisque, quos expediret, de Regio patronatu pronunciaret, quod in prædictum Divi Laurentii Cœnobium Principi fortasse competeret.

Judicio igitur adesse jussit Thoma Morellio, ac Monasterio Divi Laurentii, adfuit quoque Promotor Fiscalis Regalis Coronæ. Is vero, ad probationem Regii patronatus pluribus monumentis exhibitis, petiit libello suo, ut in tanta eorum certitudine, & perspicuitate, Regius in prædictum Monasterium patronatus declararetur *via exequutiva*, quam voeant. Denique Regiæ quoque Coronæ Advocatus petiit libello suo, *per Curiam Rev. Capellani Majoris exequutivæ declarari, Monasterium S. Laurentii de Aversa Ordinis Casinensis fuisse, & esse*

Esse Regii juris patronatus, ac proinde reintegrari juribus Monasteriis, cum omnibus bonis, feudis, jurisdictionibus, & pertinentiis suis, & cum omnibus, singulis, & quibuscumque aliis juribus quomodocumque, & qualitercumque ad Principem Patronum spectantibus, & describi inter Ecclesias, & Monasteria Regii juris patronatus.

Productis autem monumentis inspectis, Curia comperit, quod ad controversi Monasterii fundationem, ipsum Imperatorem Fridericum II. professum esse, illud a Principibus decessoribus suis extructum fuisse. Id aperte suadent, quæ in ejus Diplomate occurrunt anni 1223.; sic enim ibi Fridericus: *Nos igitur attendentes, quod prædictum Monasterium felicium Principum, atque Regum prædecessorum structura existit specialis, & ab eis longe lateque ditatum pariter, & dotatum &c.* Cum Friderico convenit Mabillonius. Is enim prædicti Monasterii fundationem asserit Riccardo I. genere Nortmanno Aversæ Comiti, qui ad Capuæ Principatum pervenit. Id ipsum vel inde liquet, quod idem Riccardus anno 1055., eo Monasterio jam constructo, ejusque regimen obtinente Abbate Gualterio, ei donavit Ecclesiam, ac Monasterium S. Michaelis Archangeli in Territorio Neapolitano positum, cum obedientiis, ac cellis suis, aliisque pertinentiis, vicis scilicet, prædiis cultis, & incultis, pascuis, olivæis, castanetiis, sylvis, villanis, aliisque redditibus.

Hactenus quidem exposita Regiam extructionem prædicti Monasterii sat videntur evincere. Verum Regiam dotationis fidem certiorum faciunt per Promotorem Fiscalem monumenta producta. Inde enim constat, anno 1070. Jordandum Capuæ Principem, Riccardo prognatum, Monasterio, sub Abbate Rainaldo, concessisse stantiam *de Ceraso* districtari solitam, atque hortos ad Aversæ mœnia: Abbatibus quoque concessisse in prædictos hortos concire homines, inibi eis domus extruere, ac pro eorum arbitrio Judices constituere, qui inter eos jus dicerent. Ipsi etiam Monasterio præstari jussit servitia, census, proventus, excadentias, ac jura quælibet, quæ publicarum functionum nomine a prædictis ho-

mihibus præstari oportuisset. Præterea Monasterio concessit hortum prope forum Averſæ Sabatinum, & jura quædam in Patriæ lacum; Monasterium etiam Divi Blasii prope Cœnobium Divi Laurentii, cum hominibus, & pertinentiis suis. Alio autem Diplomate in prædicti Monasterii favorem extendit jura, quæ ei donata fuerant, quod ad piscationem in Patriæ lacum; & ad lites præcavendas, ea distinxit a juri-
bus concessis Averſano Episcopo, cui quoque ejus rei concessio facta fuerat. Denique alio Diplomate mense Martii ann. 1082. eidem Monasterio concessit prædia quatuor lae-
pætentia, eorumque fines accurate descripsit.

Præterea constat, eodem anno 1082. dictum Jordanum Principem, ejusque filium Principem Riccardum Monasterio Divi Laurentii Averſano aliud concessisse Monasterium Capuæ positum, celebre illud quidem, ac ejusdem Divi Laurentii titulo præfulgens, cum omnibus bonis, & pertinentiis suis, ac juribus, quæ concessiois tempore ei compete-
bant. Id Monasterium Capuæ fuerat ædificatum præcedenti sæculo per Aloaram Principem, ejusque filium Landenulfum Monachorum gratia, qui Capuam petierunt postquam Monasterium Divi Vincentii ad Vulturum destructum fuerat. Archiepi-
scopus autem Adenulfus Diplomate suo ad prædictos Principes ejusmodi concessionem fecerat, *ut Ecclesia, quam tu Domina Alæara Serenissima Principissa, & prædictus Dominus Landenulfus magn. Princeps filius tuus vocabulo S. Laurentii Levite & Martyris, intus istam Capuanam Civitatem a novo fundamen-
to constituisti pro redemptione animarum vestrarum, & Domini Pandolfi Principis . . . in qua etiam Canobium servorum Dei prævidisti, sit absolute libera amodo, & deinceps ab omni con-
ditione Archiepiscopalis dominationis cum omnibus rebus, & pertinentiis suis.* At vero præter prædictum Monasterium, prædicti Principes Jordanus, & Riccardus memorato Diplomate Monasterio Divi Laurentii Averſano itidem concesserunt Ecclesiam S. Reparatæ, & Divi Blasii cum pertinentiis suis; Ecclesiam S. Andræ apud Golinum, aliam S. Andræ Ecclesiam apud Sinuessam, cum bonis, quæ ad eas pertinebant,
Mo-

Monasterium S. Crucis in Territorio Calatino, vicum Martiani frigidi, Ecclesiam S. Martini Magdalunensis, Ecclesiam S. Mariæ de Juliano, Ecclesiam S. Mariæ de Spelunca, Ecclesiam S. Salvatoris de Vallo, Ecclesiam S. Mariæ de Domicella, ac S. Angeli de Lauro cum pertinentiis suis, Numerii decimam ex annona, vino, fructibus, animalibus percipi solitam, Villam Casollæ, Ecclesiam S. Mariæ antea ei concessam ab eodem Jordano Principe, Monasterium S. Vincentii, pistrina duo apud Pontemilicem, aliaque bona non pauca.

Insuper ex prædictis monumentis liquet, anno 1097. memoratum Riccardum II. Jordani filium alio Diplomate suo confirmasse Monasterio Divi Laurentii Averfano omnes prædictas concessiones; veteribus etiam donationibus addidisse prædiorum, aliorumque bonorum concessiones: anno autem 1109. Robertum Capuæ Principem prædicti Riccardi fratris sui successorem, & memoratas concessiones denuo confirmasse, ac novas etiam de suo donationes fecisse.

Constat quoque, anno 1172. Regem Guilelmum non solum concessisse, confirmasse bona omnia memoraris concessionibus comprehensa, Monasterio Divi Laurentii Averfano donata; verum etiam in concessione sua complexum esse plura alia, & bona, & jura, quæ magnum Monasterio commodum allatura erant. In sua vero concessione speciatim expressit, *Casale Nulliti: Villanos, & Terram de Centora: Stariatiam, & Villanos, qui dicuntur li Zaccarelli, qui sunt in Frignano majore: Villanos de Frignano piccolo, & homines de Ficara cum tenimentis eorum: Terras etiam, & Villanos, qui sunt in Villa Piponis cum decimatione totius feudi, tam de terris cultis, & incultis, quam de nemore, & fusario: unum molendinum, quod est ad Calaprichitum: duo molendina, quorum unus vocatur sculona lacu, & aliud sibi contiguum in loco ubi dicitur Trisfiscum: in Sylva, quæ vocatur Guarana pro domibus reparandis, & pro utilitate foci ligna accipere: decimam Casalís Novi: Casale S. Petri in Balneo: Casale S. Mariæ de Uivola, cum omnibus hominibus, trappetis, molendinis, olivetis, vineis, & Ecclesiis sibi sub-*

subditis. Casale Balesiniani, & Casale de Lamacupa cum eorum pertinentiis: Abbatiam S. Mariae de Curonesejo cum Ecclesiis sibi subditis in Valle Senisii, videlicet S. Scolastica, S. Maria, S. Bartholomaeo, & Ecclesiis aliis, cum eorum pertinentiis: Ecclesiam S. Joannis de Treja, quæ est sita in Monte Capitonis, & ipsum Montem secundum fines in eo ipso privilegio memoratos. Eadem in Guilelmi charta eidem Monasterio mox donantur aliæ Ecclesiæ ferme septuaginta in variis Regni partibus, cum earum bonis, territoriis, vicis, hominibus, olivetis, sylvis, & pertinentiis quibuscumque. In eodem privilegio id quoque additur: ut Monachi, & universi Monasterii homines ubicumque fuerint, libere possint emere, & vendere quacumque voluerint, & nullum jus, donationem, seu platbeaticum solvant.

Constat denique, anno 1223. Fridericum II. Imperatorem confirmasse, renovasse controverso Monasterio ingentem aliam donationem per Ducem Rogerium Roberti filium ei factam: generatim etiam ratas haberi jussisse donationes in Averfanum Monasterium per prædecessores suos collatas. Ipse autem se id facere declaravit, ut superius dictum est, quod prædictum Monasterium felicium Principum, atque Regum prædecessorum nostrorum structura extitis specialis, & ab eis longe lateque ditatum pariter, & dotatum.

His ita præstitutis, nemo inficias iverit, Monasterii Divi Laurentii Averfani indubia extare monumenta cum fundationis, tum dotationis factæ per Principes, qui jure summi Imperii in Regnum Neapolitanum sunt usi. Proinde Curia visum, hodierno Regi Neapolitano, ejusque in Regno successoribus, in prædictum Monasterium jus patronatus denegari non oportere. Nimirum vulgata juris est regula, per fundationem, ac dotationem jus patronatus acquiri. Id non semel edicitur cum in jure civili *L. Si quis C. de Sacros. Eccles.*, *Novell. 57. cap. 2.*, *Novell. 123. cap. 18.*, cum in Pontificio *Can. 51. caus. 16. qu. 1.*, *Can. Nemo, de consecr. dist. 1.*, *Can. Rationis, caus. 16. qu. 7.* Id ipsum aperte definitum in Concilio Tridentino *sess. 14. cap. 12. de Reformat.* Exploratum etiam in jure est, ob solam fundationem jus patronatus compe-

petere, licet id juris in fundatione sibi fundator non reservari, *cap. 25. de jure patron.* Id advertit ipsa Glossa ad *Can. 9. distinct. 1. de consecrat.* Nemo igitur addubitarit, Regiam Coronam in controversi Monasterii patronatum redintegrari oportere, cum omnibus joribus, quæ ex patronatu pendent. Id eo magis decerni debet, quia Monasterium nullam adversus prædictam redintegrationem contradictionem instituit, quin ei potius assentitur ingenne fatendo suam existentiam Neapolitanorum Principum munificentia acceptam referendam esse.

Quod autem ad Abbatis electionem, constat anno 1515. Regem Ferdinandum Catholicum assensu suo Regio passum, ut Monasterium Divi Laurentii Averfanum uniretur cum Congregatione Casinensi, quæ Divæ Justinæ appellatur. Ea autem Congregatio inter institutionis leges id singulare habet, ut Abbates a singulis Monasteriis non eligantur, sed ab omnibus Monasteriorum Abbatibus in unum convenientibus, cum ordinis generali Præsidente. Ejusmodi institutum, & quietem Monasteriorum fovit, & regularis observantiæ disciplinam juvit. Ex actis autem constat, Patres Divi Laurentii Averfani præsentem observantiam Principi exposuisse, eumque per libellos rogasse, ne ob Regii patronatus redintegrationem solitus Abbatum eligendorum ritus immutaretur. Apparet etiam, Regem piensissimum Regiæ suis litteris ad Curiam Capellani Majoris missis cavisse, ut in controversiæ decisione ratio haberetur rerum, quas prædicti Patres Regi exposuerant, earumque usus fieret, quem oporteret. Hinc Curia visum, in eo rerum habitu circa Abbatis electionem nihil innovandum: ne quid præjudicii tamen Regia jura patiantur, Abbates in posterum Regio Numine confirmandos, neque munus suum capere posse, nisi confirmationem electionis a Principe obtinuerint. Hinc Curia, cum voto Domini Regii Consilarii D. Dominici Potenza, ejusdem ordinarii Consultoris, ita pronunciavit: *Monasterium Divi Laurentii Averfanum Benedictini Ordinis fundatum, atque opulenter dotatum a Neapolitanis Principibus fuisse, & esse de Regio patro-*

tronatu. Proinde Regalis Corona redintegretur tam in patronatum prædicti Monasterii, quam Granciarum, feudorum, vicorum, Ecclesiarum, bonorum, jurium ad idem pertinentium, secundum ejus primævam naturam, & integrum statum, cum facultate confirmandorum Abbatum in singulis electionibus, itaut eorum electio firmitatem non habeat, nisi per Principem confirmetur; atque in alia jura, quæ Principi Patrono competunt. Ne quando autem jura Regia imminutionem patiantur, Monasterium prædictum referatur in libros Curia inter alias Ecclesias, & Monasteria Regii patronatus.

In causa Regii Fiscii pro declaratione Regii patronatus super Monasterium S. Maria Insula Tremitana, & Abbatiam S. Maria in Calena. Die 15. Januarii 1781.

AB sententia dicta atque pronunciata die secunda mensis Junii proxime lapsi anni 1780. per Rev. Curiam præclarissimi Capellani Majoris, ejusque laudatissimum, doctissimumque Dominum Consultorem, qua declaratum fuit, *Monasterium S. Mariae Insula Tremitanae, & Abbatiam S. Mariae de Calena ipsi jampridem unitam, fuisse, & esse Regii juris patronatus; redintegrandam propterea Regiam Coronam esse in possessionem utriusque, quo jure, quaque conventionis fuerunt a foundationis initio, cum omnibus ipsorum bonis, feudis, jurisdictionibus, pertinentiis, & integro suo primævo statu, ac juribus generatim omnibus, quæ Principi Patrono competunt, fol. 133. & 134. proc. cui titulus est: Atti originali ad istanza del Regio Fisco, o sia del Promoter Fiscale della Corona sulla dichiarazione del Regio padronato del Monistero di S. Maria di Tremiti, coll' annessa Balia di S. Maria in Calena: provocav't Tremitense Monasterium, appellavitque ad Judicem designandum per clementissimum Regem nostrum, cui preces exposuit, ut Judicem appellationis judicii pro modo dicta causa ei concederet. Piissimus Rex benigne Judicem appellationis dedit, mihi que munus hoc mandavit per suum Regale rescriptum diei vigesimæ secundæ mensis Julii hujusmet anni, fol. 141.*

Fuit

Fuit igitur terminus impartitus in iudicio appellationis jam expletus; ea propter ad causæ decisionem deveniendum est. At ut hoc rite recteque fieri valeat; operæ pretium esse duxi explanare statum concertationis, quæ inter Promotorem jurium Regalis Coronæ, & Tremitense Monasterium vertitur.

Rescripto Sux Regiæ Majestatis diei decimæ nonæ mensis Novembris anni 1779. lato per primam Regalem Secretariam Status, Regiæque domus, mandatum fuit Curix modo dicti Rev. Capellani Majoris, ut ipsa disquireret, investigaretque de existentia Regii patronatus Monasterii Tremitenfis, seu Insulæ Diomedis, auditò Domino Fiscì Patrono Regalis Patrimonii D. Ferdinando de Leon viro disertissimo, in hac causâ per S. R. M. peculiariter designato ad tuenda jura Regiæ Coronæ; auditoque pariter Abbate supradicti Monasterii, fol. 1. diâ. proc.

Deinde Promotor Regalis Coronæ, ejusque jurium Regalium exactor solertissimus D. Sebastianus Albanus die 11. mensis Decembris ejusdem anni institit in modo dicta Rev. Curia, exposuitque, dubio procul esse Monasterium Tremitense, eique annexum, atque in antecessum unitam Abbatiam S. Mariæ in Calena esse Regii juris patronatus, utpote illud dotatum ditatumque per hujusce Regni Principes prædecessores; ea propter declarari executive Monasterium prædictum, una cum eadem Abbatia S. Mariæ in Calena, fuisse, & esse juris Regii patronatus, redintegrandaque porro esse in beneficium Regiæ Coronæ, una cum omnibus bonis, feudis, jurisdictionibus, Regaliis, Granciis, & cum omnibus pertinentiis eorundem Monasterii, & Abbatix, & præcipue cum jure eligendi per S. R. M. Abbatem ipsiusmet Monasterii, quotiescunque electio prædicta fieri debeat; instititque etiam interim sequestranda esse bona omnia dictorum Monasterii, & Abbatix; & audiri in omnibus supra modo laudatum Dominum Regalis Patrimonii Fiscalem D. Ferdinandum de Leon, fol. 2. Quæ quidem instantia pro more denunciata fuit Rev. Abbati.

Dehinc idem accuratissimus Promotor jurium Regalis Coronæ
Tom. I. Cur. Cap. Maj. V roræ

ronæ denuo institit in dicta Rev. Curia, retulitque idem Monasterium jampridem in alia causa quamplurimas exhibuisse scripturas, documenta, atque Diplomata quædam, ut sese defenderet, suaque jura illic tueretur; at vero cum ex eisdem chartis, diplomatibusque perquam liquide jus Regii patronatus se visendum præbebat, ea propter ipse Promotor Regalis Coronæ pro hac causa ad evincendum jus Regii patronatus in præfata Rev. Curia hujus judicii repræsentavit chartas ipsas ab illis exscriptas, cum clausula tamen *sic & in quantum pro causa prædicta prodesse, fol. 6.* Quæque jam existunt a fol. 7. ad 103.

Hinc per Curiam die 18. mensis Januarii anni 1780. dicta fuit dies ordinaria, seu mavis, præfinitus terminus ordinarius, cujus in progressu multa alia Diplomata, & hujus Regni serenissimorum Regum præcepta, ut dicuntur, atque mandata ad idem Monasterium pertinentia exhibita fuere; neque Monasterium aliud excepit, immo altum silentium tenuit. Igitur præstituto termino expleto, jurisque ritu, atque solemnibus perfectis, absolutisque, per Rev. Curiam, ejusque clarissimum Dominum Consultorem sententia, quam jam inde ab exordio hujus narrationis exhibui, dicta fuit.

Provocavit porro ab hac sententiâ Monasterium, asseruitque ab ea se læsum; læsionis autem causam nequaquam exposuit, neque in termino præstituto in judicio appellationis eam declaravit, immo nullum libellum exhibuit, nullamque exceptionem opposuit, vel quoquo modo obstitit; proinde quod juris ordo statuit, adimpletum expeditumque est; superest modo, ut judicium meum dicam, sententiamque proferam. Ad quam porro ut ordinate progrediar, præmonendum primo esse puto, perobscurum incertumque prorsus esse, quandonam Monasterium Tremitense, & a quo fundatum, erectumque fuerit, cum & ipse accuratissimus, doctissimusque Mabillonius licet in *Annalibus Benedictinix* notitiam proferat omnium Monasteriorum tam virorum, quam Sanctimonialium Aſſeclarum hujus Instituti, & persæpe originem, fundatoresque illorum etiam aperiat, attamen de hoc Monasterio Tre-

mitensi in *Tom. 4. modo dictorum Annalium pagina mihi 546.* perpauca quidem narrat in anno 1054., sed sic narrat, ut id Monasterium jampridem exstitisse appareat.

Nec negotium facessit charta, quæ a præclarissimo Muratorio exscribitur in *Tom. 5.* non vero in *Tom. 4. Antiquissimum mediæ ævi pagina 1038.*, ex qua erui videtur illud paulo ante annum 1045. fundatum, constructumque fuisse, ex eo, quod Almeradus Dragonariæ Episcopus illud in modo dicto anno consecrans, dixit Abbati, & Monachis ejusdem: *a novo fundamine erexistis*; namque ex hoc argui non licet, Monasterium illud fundatum erectumque fuisse ab ipsis Abbate, & Monachis, quibus Almeradus tunc verba faciebat; cum enim dicitur aliquid factum fuisse ab Abbate, & Monachis, minime sic presse præciseque intelligendum est de illis Abbate, & Monachis, eo tempore præsentibus, quin ad præteritos hujusce allocutionis formula facile extendi non valeat; etenim cum dicitur quidquam factum fuisse ab hominibus gregatim copulatis, non ea propter inferri consentaneum est, illud factum fuisse ab iis, qui tunc in Collegio sunt, sed optime etiam animo comprehendi licet, id peractum fuisse per Collegium talium hominum, qui in antecessum ejusdem Collegii fuerunt, ut quotidie verba faciendo, præcipue Monachis, ipsis dicimus, per ipsos factum fuisse aliquid, quod retroactò longissimoque ævo peractum est.

Nec porro consecratio Monasterii Tremitenfis, anno 1045. consignata, indicio esse potest, tunc sane temporis Monasterium fuisse constructum; namque consecrationes Ecclesiarum, Monasteriorumque sæpe numero peragi solebant post diuturnum intervallum a die earumdem erectionis, ut videre est apud Ughellium in *Italia Sacra Tom. 8.* editionis anni 1721.; quandoquidem memoriæ proditur, Ecclesiam Casinensis Monasterii non ante annum septuagesimum primum supra millesimum per Alexandrum II. Pontificem fuisse consecratam, adfuisseque etiam Campum supradictæ Dragonariæ Episcopum.

Igitur si quid in tanta temporum ignoratione conjicere

liceat, non multum a scopo aberrasse reor, qui judicavit, Monasterium Tremitenſe, quamquam ſub invocatione prius Sancti Jacobi Fratris Domini, in nono ſeculo vel ut maxime initio ſæculi decimi fuiſſe fundatum, atque erectum. Etenim legitur in prima charta ex iis, quæ per diligentiffimum Promotorem jurium Regaliſ Coronæ in actis proditæ ſunt, proſtatque *fol. 7.* quemdam Giſonem Langobardum filium Manardi menſe Martio anni milleſimi vigelimiquarti quamplurima bona *proprietatis ſuæ donaviſſe Monasterio S. Jacobi Apoſtoli Fratris Domini, quod ſitum eſt in Monte, qui vocatur Tremiti, & Domino Roxio Ven. Abbati, diſto fol. 7. a parte poſteriori.* Hoc porro Monasterium S. Jacobi Fratris Domini erat collocatum in Monte ſeu Inſula Tremiti; quodque judicandum eſt, temporis proceſſu nuncupatum fuiſſe ſub invocatione S. Mariæ, cum memoriæ proditum non ſit, duo Monasteria in Monte, qui idem eſt, ac Inſula Tremiti, extitiſſe.

Cum igitur initio undecimi ſæculi extiterit Monasterium Tremitenſe bonis reſertum, omnibuſque numeris abſolutum; par æquumque eſt credere, retroacto tempore illud fuiſſe erectum, & neceſſario levamento pro cultu Eccleſiæ, & Monachorum alimoniis fuiſſe dotatum, atque inſtructum. At quiſnam Monasterium fundaverit, conſtruxerit, dotaveritque? paulo poſt demonſtrabitur.

Interea commonefaciendum eſt, donationes, ceteraſque diſpoſitiones, quæ in chartis in proceſſu exhibitis leguntur, factas fuiſſe per homines Langobardos, qui quidem fuere ſimplices beneficiarii, ſeu feudatarii, qui feuda tenebant a Senioribus, Proceribuſque, atque a Ducibus, Principibuſque Beneventanſ; minime vero ipſos fuiſſe Dynaſtas; vivebant porro jure Langobardico; & legibus retroactorum Regum Langobardorum contractus, donationes, ultimæque voluntates peragebantur. Nec proſecto alia de cauſa in omnibus ſupradictis chartis donationum, aliarumque diſpoſitionum Monasterio Tremitenſi factarum in actis exhibitis, homines illi Langobardi poteſtatem pro anima diſponendi de eorum bonis

ac-

acceptam referunt legibus Luitprandi, Caroli Magni, atque Ludovici Pii, nisi quia re ipsa in jure Langobardico probabant leges modo dictorum Regum, atque Imperatorum, quibus sancitum erat, fas esse hominibus Langobardis de eorum bonis, utcumque pro causis prædictis, donationes, ceterasque dispositiones perficere, illasque ratas, firmas, atque perpetuo inviolabiles permansuras fore, multamque etiam imponendam esse earum violatoribus, eisque qui quoquomodo ausi fuissent illas vel minimum attingere. Et ne exlex ipse videar, dum hæc dico; en leges Luitprandi, Caroli Magni, & Ludovici Pii, quæ prostant in libro 2. legum Langobardorum tit. 18. *de ultimis voluntatib.*: sancivit enim Rex Luitprandus, vel Lutprandus in leg. 2. modo laudati tituli: *Si quis Langobardus, ut habet casus humane fragilitatis, ægrotaverit, quamquam in lectulo jaceat, potestatem habeat, dum vivit, & recte loqui poterit, pro anima sua judicandi, vel disponendi de rebus suis quomodo, aut qualiter voluerit, & quod judicaverit, stabile debeat permanere.*

Ecce Caroli Magni legem, quæ est quinta hujusmet tituli (nam quartam ipsius Imperatoris omitto, utpote quæ ejusdem fere est exempli): *Quicumque Langobardus res suas pro anima sua ad causam Dei tradere maluerit, domini traditionem faciat coram testibus legitimis, & quæ in hoste factæ sunt hæc traditiones, de quibus nulla quæstio est, stabiles permaneant &c.* Extatque etiam hæc lex inter Capitularia Caroli Magni anni 803. per doctissimum virum Stephanum Baluzium collecta tom. 1. *Capitulari secundo, capitulo 6.*

Denique Ludovici Pii lex, quæ est septima, in hanc eandem sententiam perscribitur: *Si quis suas res pro salute animæ suæ ad aliquem venerabilem locum, aut ad propinquos suos, aut cuilibet alteri tradere voluerit, & eo tempore infra ipsum comitatum fuerit, legitimam facere traditionem studeat &c.* Prostat quoque apud eundem Baluzium laudato *Capitulari primo Ludovici Pii anni 819. cap. 6.*

Nolo silentio præterire legem, quam Lotharius primus Ludovici Pii filius sancivit; quæ est octava: *Volumus, ut res*

res, quæ a liberis personis locis Deo dedicatis conferuntur, liceat sibi usumfructum, & ordinationem rerum earundem, & si aliter sibi placuerit, reservare; & si aliter eas non ordinaverit, ita remaneant sicut prius data fuerint.

Neque omittenda est Alemannorum lex lata per Chlotarium Regem, quæ est prima legum Alemannorum per præclarissimum virum Fridericum Lindebrogium relata in Codice legum antiquarum, exscribiturque pariter per Joachim Vadianum *de Collegiis Monasteriisque Germaniæ veteribus, lib. 2. in princ.*, quæque statuit: *Si quis liber res suas, vel semetipsum ad Ecclesiam Dei tradere voluerit, nullus habeat licentiam contradicendi non Dux, non Comes, nec ulla persona, sed spontanea voluntate liceat Christiano homini Deo servire, & de propriis rebus suis semetipsum redimere. Et qui hoc voluerit facere, per chartam de rebus suis ad Ecclesiam ubi dare voluerit, firmitatem faciat, & testes sex, vel septem adhibeat, & nomina eorum ipsa charta contineat, & coram Sacerdote, qui ad eandem Ecclesiam deseruit, super altare ponat, & proprietates de ipsis rebus ad ipsam Ecclesiam in perpetuum permanent. Et si aliqua persona, aut ipso qui dedit, vel aliquis de heredibus ejus postea ipsas res de illa Ecclesia abstrahere voluerit, vel aliquis homo, quuscumque persona hoc præsumpserit facere, & effectum quem inchoavit non obtineat, & Dei judicium incurrat, & excommunicationem Sanctæ Ecclesiæ; & multam illam, quam charta continet, persolvat, & res illas ex integro reddat, & fredum in publico solvat, sicuti lex habet.*

Enimvero Alemannorum, Langobardorumque leges, ad quas supradicti homines Langobardi provocant, quibusque mores eorum congruebant, illarumque formulæ, immo verba ipsa, quæ in præfatis donationibus, dispositionibusque ut plurimum exscriptæ leguntur, liberam, absolutamque potestatem eis faciebant, de quibuscumque bonis disponere pro anima, & redemptione peccatorum in beneficium Ecclesiæ, Monasteriorumque; cæque Langobardorum leges tunc temporis pro eorum jure communi, & peculiari habebantur, atque in omnibus ipsorum contractibus, dispositionibus, & in omni-
bus

bus humanis actionibus observabantur. Hinc in propatulo est ratio, cur tam libere, tamque effuse conspiciuntur factæ a præfatis hominibus Langobardis immodicæ donationes, nimia legata, excedentes dispositiones etiam omnium feudorum, in beneficium Tremitenfis Monasterii.

Ad confirmationem porro eorum per me huc usque explanatorum in testem appello Chronicon Casauriense penes laudatissimum Muratorium *tom. 2. part. 2. Scriptorum rerum Italicarum*, & præcipue pag. 856. & seq., ubi pleræque donationes Castrorum, terrarum, earumque partium factæ leguntur per Aprutinos homines beneficiarios, Monasterio Casauriensi anno 1047., imperante eodem Henrico III. Conradi filio; nec proinde affirmare licet fuisse tales homines Dynastas.

Neque mirum videndum est, quod ab hominibus beneficiariis seu feudatariis, ita præter modum, & sine aliquo objice de eorum feudis dispositum legatur in supradictis chartis: etenim præter exaratas leges Langobardas, illius ævi mos in tota Italia, sive jure, sive injuria pervagatus sinebat, beneficiarios de eorum beneficiis seu feudis quam libentissime disponere, illaque donare, alienare; qui quidem mos, seu pestis, ut eam appellat Lotharius II. Imperator, viguit ad annum usque millesimum centesimum trigessimum sextum, quo anno idem Imperator apud Ronchalias in agro Placentino tulit legem, quæ incipit: *Imperialis, de prohibita feudi alienatione per Lotharium*; in ea porro sit mentio de modo dicto abusu, seu peste alienandi feuda, insciis invitisque Senioribus, Proceribusque, atque aliis, a quibus tenebantur: en Lotharii verba: *Perniciosissimam pestem & Reipublice non mediocre detrimentum inferentem, rescare proposuimus. Per multas enim interpellationes ad nos factas comperimus, milites suos beneficia passim distrabere, ac ita omnibus exhaustis, suorum Seniorum servitia subterfugere, per quos vires Imperii maxime attenuatas cognovimus, dum Proceres nostri milites suos omnibus beneficiis suis exutos ad felicissimam nostri Numinis expeditionem nullo modo transducere valeant. Hortatu itaque & consilio Archiepi-*

piscoporum, Episcoporum, Ducum, & Comitum, Marchionum, Palatinorum, ceterorumque nobilium, similiter etiam Judicum, hac editâ lege in omne ævum, Deo propitio, valitura decernimus: Nemini licere beneficia, quæ a suis Senioribus habent, sine ipsorum permissione distrahere, vel aliquod commercium adversus tenorem nostræ Constitutionis excogitare, per quod Imperii, vel Dominorum minuatur utilitas &c.

In anno itaque millesimo centesimo trigesimo sexto vetita, atque abolita fuit prava illa consuetudo, qua retroactis ævo milites, seu beneficiarii, qui feuda habebant a suis Senioribus, Proceribus, atque a dominis, neglecta eorum permissione, illa distrahebant, donabant, deque illis ad libitum disponebant. Chartæ vero in processu hujus causæ existentes illorum Langobardorum hominum, qui feuda tenebant a Senioribus, Proceribus, dominisque suis, initium ducunt ab anno millesimo vigesimo quarto, & progrediuntur usque ad annum millesimum quadragesimum octavum: videlicet ad illud ævum pertinent, quo mos pravus, conceptus abusus, pestis perniciosissima profundas radices egerant; hac porro de causa & superscriptarum Langobardarum legum auxilio, nuperrimi laudati homines errore ducti, & promissis a iorum in fraudem seipfos impellendo, posse redimi peccata, scelera, omniaque flagitia mortis tempore, quo spes nulla remanet bonis, & feudis amplius fruendi, tam immensas, excedentesque donationes exequuti fuere, nescientes facete dictum per sincerissimum Chronistam Casauriensem ad quatuor sceleratissimos homines Aprutinos, qui bona furto, vi, & rapina subtrahita, Monasterio Casauriensi donatione tradiderunt: *Quid prodest, dixit ille, si homo rapiat, & Monachus comedat?*

Ex modo dictis perquam clare liquere dignoscitur, homines Langobardos, qui bona, & feuda Tremitenſi Monasterio tradiderunt, fuisse simplices milites, seu beneficiarios, de quibus Imperator Lotharius lectus fuit, quibusque in posterum vetita fuit feudorum distractio sine permissione Seniorum, & Procerum, a quibus feuda habebant; neutiquam vero fuisse Dynastas, vel summum imperium habentes, quibus
fo-

solummodo licet feuda cuique concedere, vel dono dare.

His igitur usque adhuc ita præmonitis, atque præcongnitis, progredior ad ea, quæ ut mea fert sententia, congruere videntur pro recta iustaque decisione existentis Regii juris patronatus super Tremitense Monasterium, ejusque unitam Abbatiam S. Maris in Calena. Exploratum profecto est, Monasterium Tremitense ante annum millesimum vigesimum quartum fuisse fundatum, erectum, & congrua dote, atque pleniori commodo fuisse dotatum, sive mavis, ditatum, & abunde locupletatum: etenim meminisse oportet ex sæpe numero laudariis chartis liquere, donationes ceterasque dispositiones in eis contentas, fuisse factas Monasterio Tremitenfi non solum tunc temporis jam existenti, sed Monasterio antea bonis instructo, referto, præditoque Abbate, Monachis, & integra dote pro istorum uberioribus amplioribusque alimoniis, & Ecclesiæ cultui necessaria. Non legitur enim in illis chartis, aliquem ex illis hominibus Langobardis fundasse, construxisse, dotasseque Monasterium prædictum, sed eidem, præterito tempore jam extructo atque dotato, suis donationibus pro redemptione animæ, ut tunc dici solebat, beneficisse. Atque hi Langobardi viri propterea haberi possunt & dici ut maxime *benefactores*; nam Ordarico Vitali teste *lib. 5. historis Ecclesiasticis*, ut missos ceteros faciam: *Qui multum auget Ecclesiæ facultates, tanquam munificus adjutor Ecclesiæ beneficium meretur.*

Dixi tamen in præmonitione habita de hac fundatione, nesciri quandonam Tremitense Monasterium sit fundatum, erectumque, & quidnam illud fundaverit dotaveritque. In hisce enim dubiis incertitudinibusque firmo talo stat canon axiomatique (utor verbis virorum omnium, qui hoc argumentum disquirere) Monasterium existens in alicujus Principis territorio in dubio præsumendum esse ab ipso, vel illius majoribus constructum ac dotatum, adeo ut Principes, Reges, & alii Dynastæ, juris præsumptione in Ecclesiis, Abbatibus, & aliis Collegiis, ac particularibus beneficiis fundatam habeant intentionem. In hanc sententiam præclare docuit Gui-

Tom. I. Cur. Cop. Maj.

X

ld-

lelmus Benedicti in *cap. Rainutius*, in verbo *¶ uxorem nomine Adelasiam decis. 1.* Omnia beneficia præsumi habere patronos, fundatores, aut donantes, cum naturaliter beneficia non nascantur, sed producantur in esse artificialiter per Laicos, qui ut plurimum sunt Ecclesiarum fundatores; quod etiam confirmat clarissimus vir Franciscus de Roye in *Prolegomenis ad tit. de jur. patron. cap. 7. § cap. 15.*, ceterique viri eruditi.

Est enim ipsiusmet juris Canonici systema, atque ordo, acquiri jus patronatus ex Ecclesiæ constructione, atque dotatione, ut statutum videtur per Coelestinum III., sive sit Clemens III. (ut multi eruditi viri autumant) in *Cap. nobis 25. de jure patronatus*, quodque antea sancitum fuerat per Justinianum in *Novella 57.*, mandavitque postea Pelagius II. in *Can. Abbatem 4. caus. 18. quæst. 2.* Cum igitur Ecclesia, seu Monasterium non nascatur, sed artificialiter producat in esse, quodque fieri nequit nisi ab aliquo fundatore; ab hoc eodem axioma propterea, ipsius juris ministerio, jus patronatus acquiritur. Cum vero non constet incognitumque sit, quisnam Ecclesiam, Monasterium, ceteraque beneficia in esse duxerit, fundarit, construxerit, dotaveritque, juris præsumptione, & jure superioritatis territorialis habendus est pro fundatore, & patrono Princeps atque Rex territorii, in quo Ecclesia, Monasterium, & alia beneficia erecta repertiuntur.

Ab hoc axioma nemo dissentit, idque adstruunt Antonius Faber in suo Codice lib. 1. tit. 2. definit. 48. in notis n. 7., & Theodorus Rheinkingius de *Regimine saculari, & Ecclesiastico* lib. 3. Classe 1. cap. 9. n. 45., quodque non inficiati sunt Lambertinus, & Rochus de Curte de *jure patronatus*, alique, quos præclare prosecutus Martinus Magerus de *Advocacia armata, de diversis Advocatiis probandi modis* cap. 18. n. 25. & 26., inquit: *Hic accedit quod Monasterium existens in alienius Principis territorio, in dubio præsumitur ab ipso, vel ejus majoribus constructum ac dotatum, adeo ut Principes, Reges, & alii magnatum Status juris præsumptione in Ecclesiis, Abbatibus, & in aliis Collegiis, ac particularibus beneficiis fun-*
da-

datam habeant intensionem Nam presumuntur fluxisse a Principe, tanquam a fonte, & nutricio Ecclesiarum.

Tanquam consectorium tamen advertendum existimo, nunquam Ecclesias, Monasteria, & quæcumque alia beneficia præsumi fundata, aut dotata per Clericos, Monachosque, aliosque ejusdem loci & ordinis, ut optime docet Franciscus de Roye in *Prolegomen. ad tit. de jure patron. cap. 6.*

Tamet si ergo incomperta sit origo Tremitenfis Monasterii; nihilofecius perquam certe habendum est, illud fuisse fundatum, ac dotatum per Principes illius regionis; iisque porro, & dignitati eorum, hujusque successoribus Principibus jus patronatus illius fuisse quæsitum, nemo est qui in dubium possit revocare.

Hinc judicandum est, quam apposite Imperator Conradus, *Salicus* nuncupatus, in suo Diplomate anni 1038., quod legitur, *fol. 22.* declaraverit Monasterium Tremitense esse sub suo regimine, & nulli alii respondere, nisi sibi; regebantur enim, atque gubernabantur per Principes fundatores omnia Monasteria, quæ eorum juris patronatus erant; non alia de causa porro in Chronico Casauriensi *lib. 5.* apud Muratorium *tom. 2. part. 2. Scriptor. rer. Italicar. pag. 872.* legitur, Monasterium Casauriense fuisse ab Imperatoribus gubernatum, nisi quia Imperialis patronatus erat. Apposite igitur per Imperatorem Conradum statutum fuit Monasterium Tremitense subesse suo regimini, & nulli alii respondere debere; notum quidem erat ipsi, illud erectum & dotatum fuisse per prædecessores Principes, sciebatque etiam Monasterium non esse auferendum a dominio constructoris, seu fundatoris, rationisque ordinem non pati, ut Monasterium contra voluntatem fundatorum ab eorum dispositione, ad arbitrium suum quis debeat vindicare, ut edixit S. Gregorius Magnus in fine VI. sæculi in *Canone 34. caus. 16. quest. 7.* Idemque Conradus eodem Diplomate donavit Monasterio Castrum nuncupatum Rigarmarium, tertiam partem Castri Linarii, multaque alia bona.

Nec secus præcepit Henricus III. Imperator ejus filius

alio suo Diplomate anni 1054. quodque extat fol. 38.; etenim non solum iterum donavit Monasterio Tremitenſi idem Caſtrum Rigarmarium, ſed etiam Civitatem de Mare, multaque bona, quæ in eodem Diplomate deſcripta viſuntur, deinceps ſequenti formula, mandavit: *Ut deinceps Monasterium ſit ſub noſtro regimine, & nulli niſi nobis reſpondeat. Jubemus igitur ut nullus Episcopus extraneus, Abbas, Dux, Marcbio, Comes, Vicecomes, ſeu aliqua Regni Noſtri parva, magnaque perſona prædictum Monasterium de præſatis bonis inquietare, moleſtare, diſſolvire præſumat &c.* Ad hæc tam Conradus, quam Henricus in ipſiſmet Diplomatiſus confirmavere omnes donationes Monasterio in antecellum a quibuſcumque factas.

Elſe ſub Regis regimine, nihil aliud profeſſo denotat, niſi ſub Regis patronatu aſſeſſe, ejuſque deſenſione, & tuitione, quæ deſenſionis formula in chartis fundacionis, præcipue Principum Normannorum, aperte legitur; immo poſt hanc expreſſam deſenſionis formulam, non ſolum multa ſtatuitur contra violatores, contraque voraces bonorum in fundacione donatorum, ut mandatur in modo dictis Conradi, & Henrici Diplomatiſus, ſed indicuntur maledictiones, execrationes, excommunicationes contra eos, qui quoquo modo uſurpare præſuſerint bona in chartis fundacionum donata, ut videre eſt in Diplomatiſus fundacionum Comitſis Rogerii, Regis Rogerii, ceterorumque exſcriptis per Rocchum Pirum in *Sicilia Sacra*, & in quamplurimis aliis Nortmannorum Dynaſtarum hujus Regni per Mabillonium exhibitis in *tom. 5. Annalium Benedictionum*; quibus formulis triſtibus & horrendis uſi fuere Principes, Regesque poſteriores ad reprimendum propulſandumque abuſum peſſundandi bona Eccleſiarum, illaque in beneficium, & in alodem, ſeu in alodium concedendi; de qua re videndus eſt clariffimus Franciſcus de Roye in percelebri Tractatu *de miſſis Dominicis cap. 8. de miſſis Dominicis ad diſciplinam publicam*; extantque quamplura hujusmodi alienationes vetantia Capitula apud Baluzium in *Capitulariſus Regum Francorum*, & præcipue *tom. 1.*

pag. 906.

pag. 906. cap. 386. , licet antea optimo jure ea bona distra-
xerit Carolus Martellus pro obfistendo atque propulsando cre-
bras & continuas Saracenorum incurfiones ; quamquam inde
obtreftatores memoriæ , & nominis illius aufi fuerint illam
mendacem faliffimamque fabellam comminifci , quam viri e-
ruditi , & præcipue Baronius ad annum 741. a n. 14. , ibi-
que Pagius , & Sirmondus in notis ad Capitularia tom. 2.
pag. 779. exploferunt , exagitaruntque .

Præ oculis etiam habendum effe exiftimo , fupra lauda-
tos Conradum , & Henricum non folum confirmaffe ceteras
donationes factas per fepe nominatos homines Langobardos ,
verum etiam iterum ipfos eofdem Imperatores donaffe idem
Caftrum Rigarmarium , multaque bona , quæ jampridem do-
nata fuere per eofdem homines Langobardos ; quarum qui-
dem donationum confirmationes facere ufi fuere Principes ,
ut inde illæ haberenter ut factæ ab ipfifmet ad adftruendum
dehinc jus patronatus proprium : id quod laudatus Francifcus
de Roye in prædicto Opufculo de miffis Dominicis in tit. de
Miffis Dominicis ad difciplinam publicam cap. 8. præclare docet :
*Qualibet bona , ait , Monafteriorum cure femp fuerunt Chri-
ftianiffimis Regibus , non tantum quod plura ex iis donaverint ,
fed etiam quod cum eorum donationes ab ipfis etiam privatis fa-
ctas , Regia autoritate confirmarunt , perinde effe putaverunt ,
ac fi ea Monachi ex Regia liberalitate poffiderent , ut habet Con-
fitutio Alexii Comneni apud Theodorum Balfamonem ad Canon. 12.
feptimæ Synodi ; unde tot præcepta Regia de bonis Monachorum ,
qua infcribuntur feptius miffis Dominicis . Cum igitur Principes
confirmabant donationes jampridem factas , etiam per perfo-
nas privatas , & præcipue feudorum (ut videtur factitatum
in fupradictis Diplomatis) tunc reputabantur donationes
tanquam factæ ab ipfis Principibus , quorum profecto erat ,
donationes feudorum ratas , firmasque habere .*

Infuper refervatio regiminis Monafterii Tremitenfis fa-
cta tam per Conradum , quam per Henricum Imperatores in
eorum Diplomatis , eft peculiaris , verusque character &
effectus juris patronatus ; etenim regere Monafterium , Eccle-
fiam ,

siam, Xenodochium, Nosocomium, vel Ptochium, idem omnino est, ac curare, ut eorum, rerumque ipsorum administratio fiat secundum leges, finesque præscriptos in foundationum tabulis, ita jam pridem edicente Imperatore Zenone in *L. 15. Cod. de Sacrosanctis Ecclesiis*: *Si quis donaverit aliquam rem mobilem, vel immobilem, vel semoventem, aut jus aliquod personæ Martyris, aut Prophætæ, aut Angeli, tanquam ipsi postea Oratorium edificaturus, & donationem insinuaverit apud quos necesse est, cogitur opus perficere . . . Idem, & in Xenodochiis; & Nosocomiis, & Ptochis . . . His vero adimpletis, administratio secundum ea quæ his, qui liberalitatem exercuerunt visa fuerunt, & secundum præscriptos fines fiat.*

Hinc videtur deinceps eadem potestas tradita fuisse patronis Ecclesiarum, Monasteriorum, ceterorumque locorum, atque Beneficiorum per Concilii Toletani IX. *Canones 1. & 2.* relatos etiam per Gratianum in *Can. Filiis*, *Can. Decernimus caus. 16. qu. 7.* Statuitur porro in Canone modo dicti Concilii: *Ut patronus de rebus ad Ecclesiam suam pertinentibus sollicitam curam, & præcipuam sollicitudinem habeat.* Regimen insuper Monasterii situm est in curando, sive cavendo, ne bona illius dilapidentur, vendantur, perque Monachos ultrahantur; ceteroquin iidem Toletani Patres voluere, ut patronus compescat eos honestæ communionis conventionem, corrigatque, si non resipuerint; ea propter jure dixit Georgius Cabedus de *patronatu Regiæ Curie cap. 12.*: *Officium Patroni est curare (quod idem est ac regere) ut res patronata maneat in primæva institutione.*

Ex supradicto reservato regimine patronatum agnovit, affirmavitque quoque doctissimus, jurisque patronatus incorruptissimus Scriptor Franciscus de R. *ye in Prolegomenis ad tit. de jure patronatus cap. 27.*, qui tamen deneget patrono administrationem rerum Ecclesiæ, Monasterii, sive cujuscumque alterius loci, vel beneficii juris patronatus, firmat vero in patrono curam, custodiamque rerum horum locorum, & jus expetendi implementum ejus, quod in foundationis tabulis præscriptum est; atque propterea: *Hodie quidem cum Sa-*
cri

cri Canones ipsi etiam Patronis omnem potestatem in rebus Ecclesiasticis ademerint, ne tandem eas usurparent sub obtentu juris patronatus, illi forte illam sibi vindicare non possunt, sed unum illud curare, ut foundationis leges observentur, ut Ecclesie sue bona in eos usus ab ipso Clerico convertantur, ad quos in ipsa foundatione destinata sunt.

Quamquam vero patronis rerum administratio vetita sit, negari tamen nequit, quin Rectores, Abbates, ceterique præpositi, qui Ecclesiis, Monasteriis, aliisque locis Regii juris patronatus præsent, debeant rationem reddere Regi Patrono, de rerum existentia, & de impigra, & irreprehensibili executione omnium legum, & operum in foundationis tabulis præscriptorum, atque mandatorum. Mitto hic afferre *Canonem vigesimum Vernensis Concilii*, & pene innumera Capitularia Caroli Magni, Pipini Regis, Caroli Calvi, ceterorumque Francorum Regum, e quibus eruitur, qualis, quantaque sit Regum Patronorum potestas in exigendis a Monasteriis Regii juris patronatus rationibus, non solum de bonis, redditibusque eorum, num sint erogati juxta foundationis leges, vel ultra modum profusi, sed etiam in perquirendo discipline formam, atque executionem; quæ porro omnia, si libet, videri possunt apud modo laudatum præclarissimum virum Franciscum de Roye *de Missis Dominicis* cap. *de Missis Dominicis ad disciplinam publicam*, & apud laudatissimum eruditissimumque virum Ludovicum Antonium Muratorium in *differt. 9. de Missis Regiis* tom. 1. *Antiquitatum mediæ ævi*, & apud disertissimum Stephanum Baluzium in *notis ad Epistolam* 80. Lupi Abbatis Ferrariensis, qui fuit unus ex Dominicis Missis a Carolo Calvo constitutus, qui præscripsit cuidam Abbati, ut ad se mitteret *breves*, seu ut dicitur, *statum de facultate sui Monasterii*.

Ad hanc potestatem igitur, ut equidem opinor, referendum est, quod mandant Conradus, & Henricus in suis Diplomatis, videlicet: *Et nulli nisi nobis* (Monasterium) *respondent*, quæ porro formula non solum profert exemptionem Monasterii a jurisdictione omnium eorum, qui in iisdem

Di-

Diplomatibus dinnmerantur, sed quam maxime statuit, mandaque Abbati, ut de Monasterii administratione nulli, nisi ipsis Imperatoribus successoribusque in Regio patronatu rationem reddat. Etenim, etsi quisquis Rex in suo Regno possit rationem repetere de gestis omnium Ecclesiarum, Monasteriorum, ceterorumque Piorum Locorum, quodque jus est indivisibile a summo Imperio, & eminenti dominio Principis, quod habet semper super omnibus bonis subditorum, & præcipue Ecclesiarum, ob eandem curam custodiamque a Deo sibi commissam; attamen neque summum Imperium, neque eminens dominium Principi tribuit jus illud Regii patronatus, quod ex sola fundatione, constructione, & dotatione Ecclesiarum, Monasteriorum, aliorumque Beneficiorum acquiritur. Juri porro huic patronatus, non antea statuto neque cognito, nisi in medietate V. sæculi, ut crudiores viri existimant, nihil commune prorsus est cum jure summi Imperii, & eminentis domini nato in Principe cum ipso Principatu.

Ex his porro, quæ hucusque sunt exposita, extra dubitationis aleam positum apparet, nostro Augusto & Clementissimo Regi jus patronatus super Monasterium Tremientense, ejusque unitam Abbatiam S. Mariæ in Calena competere. At quia accuratissimus Promotor Regalis Coronæ inter cetera jura ad hunc Regium patronatum redintegranda, institit pariter pro redintegratione juris eligendi Abbatem modo dicti Monasterii; hinc disquirendum esse puto, num jus eligendi Abbates, aliosque Præpositos Monasteriis, ceterisque Ecclesiis Conventualibus, vi, & natura, ut ita dicam, Regii juris patronatus, pertineat ad Regem Patronum.

Insufficientur nonnulli, contenduntque hoc jus Patrono non competere, & quod maximopere miror, illud est, quod jus hoc Regiæ Coronæ jampridem infixum, atque, ut dicam, ferruminatum, quam recentissime per nonnullos vidco fuisse labefactatum atque per summam injuriam avulsam ab nostri Augusti Principis diademate. Sed quo jure, quæ ratione quæso? Illa quidem tantum, quæ summa animi

con-

coffidentia elicitur, exprimiturque a Clementis III., five sit potius Cælestini III. epistola in cap. *Nobis* 25. *de jure patronat.*, ubi hæc verba leguntur : *Si quis Ecclesiam cum assensu Diocesani construxit, ex eo jus patronatus acquirit. Ceterum in Conventuali Ecclesia non electioni Prælati faciende, sed jam factæ honestius patroni postulatur assensus, nisi aliter de sua jurisdictione obtineat, ut partes suas interponere debeat electioni transanda.* Hinc scilicet inferitur, in electione Abbatis, aliorumque Prælatorum Monasteriorum, & quarumcumque Ecclesiarum Conventualium jus electionis non esse patroni, sed ea jam facta propter honestatem, & obsequium quoddam assensum solum patroni postulandum esse, seu requirendum. Verum ne Regia Corona tam perniciosum detrimentum, tamque gravem jacturam capiat ex modo exscripta epistola Decretali duo breviter animadvertenda esse duco.

Primum est, modo dictam Decretalem epistolam habente XII. sæculo non esse antiquiorem; etenim five sit Clementis III., cui in vulgatis Codicibus adscribitur, five potius sit Cælestini III., ut advertit præclarissimus, jurisque Canonici perquam eruditissimus Bohemerus in sua editione totius hujus juris, ejusque variarum lectionum, in nota num. 46. ipsiusmet epistolæ, nunquam existimandum est fuisse prolatam ante annum 1188; namque Clemens III. ad Pontificatum evectus die 20. mensis Decembris 1187., successorem habuit Cælestinum III. qui e vivis excessit die 8. Januarii 1198., ut videre est apud nuperum solertem industriumque Auctorem Pontificum Romanorum Vitarum Gallico idiomate conscriptarum tom. 3.

Deinde monitum volo, jus patronatus tres successive habuisse periodos. Prima periodus incipit a medietate V. sæculi, quando jus patronatus fuit initium ex Conciliis Arclatenfi, & Auriscano, ad VII. sæculum usque, in qua periodo solum præsentationem consecuti fuere fundatores. Altera ab VII. sæculo decurrit ad XII., quo quidem intervallo, quia summo pere excrevere Ecclesiarum, Monasteriorumque fundationes & extruções, propter quas divitiarum maximam co-

Tom. I. Cur. Cap. Maj.

Y

pian

piam eadem loca a fundatoribus compararunt, utque ab eis non desisteretur, præsentationes, collationes Ecclesiarum, Beneficiorumque, & electiones Prælatorum, Monasteriorum, & Conventualium Ecclesiarum fundatoribus, seu patronis concessæ fuere: hoc enim sæculo XII. jus patronatus suum sistere gradum visum est; namque deinceps (eaque est tertia periodus), ceperunt Pontifices & alia Concilia de potestate fundatorum, & patronorum paulatim toto conatu, quantum potis erat, detrahere, atque derogare: proinde ex hoc ævo in posterum jus patronatus per Pontificum epistolas Decretales, & modo dicta Concilia in deterius abiit, & fundatorum, patronorumque primæva potestas in aliquibus Regionibus præcipue, magnopere fuit imminuta. De hisce porro tribus juris patronatus periodis testem perhibeo supralaudatum Bohemum in Commentario ad Decretale Gregorii IX. *lib. 3. tit. 38. de jure patronat.*

Ex his animadversionibus apertissime constat, quantum inefficax, quantumque viribus sit destitutum supra exscriptum *cap. 25. tit. de jure patron.* ut ejus vi abstrahatur a patronia electio Prælatorum Monasteriorum, Ecclesiarumque Conventualium, illarum præcipue, quæ ante sæculum XII. fuere fundatæ, erectæ, locupletatæ, illæ scilicet, quæ ante ævum capitis prædicti fuerunt tot bonis, tot feudis, divitiis, privilegiisque innumeris sussultæ, atque refertæ. Nonne fundatores præsertim Principes, & Reges illas erexerunt, & ditarunt eo ævo, quo jus patronatus in eos trans mittebat non solum præsentationes, sed collationes, & Prælatorum Ecclesiarum Conventualium electiones? Si hoc jus Regibus erat jam quæsitum, non quidem prece, sed pretio immensorum latifundiorum Monasteriis traditorum, qua causa, & qua ratione illud poterat deinde a propria Corona divelli, atque abstrahi? Nonne ipsæ Pontificum Decretales epistolæ mandant, non esse jus alteri quæsitum auferendum? Ita sane. Si igitur nemini fieri debet læsio in peculiari quæsito jure; quonam pacto inferri quiverat detrimentum juribus Regum quæsitis tot bonorum, & feudorum in Monasteria effusione?

Hinc

Hinc est, quod aliqui progressum graduum seu periodum juris patronatus secum non reputantes, ingenium intenderunt in explanando posteriora illa verba, quibus ipse Pontifex generalem regulam prius jactam, postea coarctavit, videlicet, *nisi aliter de sua jurisdictione (Patronus) obtineat*. Molinaeus enim ad supra exscriptum caput 25. affirmat, his verbis excipi patronum illum, qui sit præditus majoritate, potestate, vel præeminentia, in quo casu idem Pontifex jus electionis ipsi tribuit, conceditque, capropter ait: *Jurisdictionis in hoc capite sumitur pro dignitate, majoritate, auctoritate, potestate, sive præeminentia, qua patronis competit*. Hanc quoque exceptionem, & coercionem assert Franciscus de Roye in Commentario ad idem cap. 25. pro personis illis sublimioribus, quæ imperio, & summa potestate sint suffultæ; atque ita quamplures alii interpretantur.

Attamen quidquid sit de explanatione illius limitationis, hoc unum verum, firmumque est, Reges, Princepsque omnes neglexisse hoc jus novum Decretalium, Conciliorumque posteriorum, neque unquam passos fuisse minimum quid sibi decerpi ex illa sublimi potestate, quam semel retrosæto ævo per ipsos adquisitam fuisse liquebat. Ac minime omnium id passi sunt utriusque Siciliæ Reges, quorum potestas, quoad hoc jus attinet, liceat mihi dicere, ceterorum Principum potestatem antecellit, habentque iidem collationem omnium utrorumque Regnorum Beneficiorum; quæ quidem potestas nequit in dubium revocari per ipsam Romanam Curiam, utpote agnita, & confirmata per ipsum Gregorium XIII. in Decreti Gratiani correctione. Meo porro animo non sedet hic dissertationem de hoc argumento exarare, ne sim prolixior, neve nauseam afferam, sed producā solum quod de hoc Regum jure, deque modo dictis Decretalibus, & Conciliis disseruit præclarissimus eruditissimus atque saniori doctrina præditus Franciscus Florens in Commentario ad lib. I. Decretal. tit. 6. de electione, & electi potestate tom. 1. Operum pag. milii 151. & seq. edit. Parisiensis anni 1679.; en ejus verba: *Sequitur ut de jure Regio traitemus in Prælatorum electionibus, po-*

translationibus, translationibus, itemque in Episcopis, Metropolitanis, vel Primatibus instituendis, Consequenter aliquid de Investituris, & Regalibus addemus, quæ coherent electionibus. De his enim frequens occurrit mentio in hoc tractatu, tam in decretis, quam in Decretalibus.

Postrema quidem Concilia, & Decretales concedunt tantum Regibus assensum electioni jam factæ, non autem faciendæ. Sed pugnat cum jure communi veteri, quod multi Reges, in primis nostri perpetuo retinuerunt, jure novo decretalium neglecto.

Ex his constat in Imperio tam Occidentali, quam Orientali, in Gallia, Anglia, Hibernia, Sicilia, Hispania maximam Imperatorum, & Regum in constituendis Episcopis potestatem fuisse: Nec post factam electionem, nudo illo assensu fuisse contentos, quem eis recentiora Concilia, & Decretales reliquerunt, quæ nunquam obtinuerunt. Prosequiturque deinde in describendo jura, & auctoritatem omnium modo exscriptorum Regnorum Principum, præcipue pag. 154. de utriusque Siciliæ Regibus quædam, sed non omnia complexus est jura, quæ dici & enarrari potuissent.

Dein pag. 156. sic vir doctissimus ait: Ex his colligimus quanta fuerit Regum nostrorum, & aliorum auctoritas, & potestas in electionibus Episcoporum, & Abbatum, etiam vigente jure communi; quo electiones communi consensu Cleri, & Populi peragebantur. Quod jus Regibus competit, tum propter præcellentem eorum dignitatem, tum propter specialem tuitionem & protectionem, seu custodiam, quam Ecclesiis impertiantur. Accedit hæc summa ratio, quæ in privato quolibet patrono locum habet, quia Ecclesias & plerasque Abbatis, & Prioratus dotaverunt & ditaverunt non tantum amplis possessionibus, & redditibus eis assignatis, sed etiam Civitatibus, & Ducatibus.

Liquet igitur non solum cap. 25. de jure patronat. numquam fuisse receptum, sed omnia alia Concilia, & epistolas Decretales ab XII. sæculo in posterum latas, & utcumque jus Regium, & præsertim patronatum, attentantes, fuisse neglectas, nulloque pretio habitas. Jus enim erat fundatori-
bus usque ab medietate VII. sæculi, Rectores Ecclesiarum, Mo-

Monasteriorumque eligere, posthabita quacumque Episcopi, & alterius ordinatione, ita sane sanciente Concilio Toletano IX. Can. 2. apud Labium tom. 7. Concilior. Quod si sprevis eisdem fundatoribus, Rectores ibidem præsumpserit Episcopus ordinare; & ordinationem suam irritam noverit esse, & ad reverentiam sui alios in eorum loco, quos talem ipse fundatores condignos elegerint, ordinari. Statuit Concilium Romanum anni 826. cap. 21. apud eundem Labium tom. 9. Concilior.: Monasterium, vel Oratorium canonice constructum a dominio constructoris (scilicet fundatoris) invito non auferatur, liceatque illi (Monasterium) Presbytero, cui voluerit pro sacro officio illius Diaconos, & bonæ auctoritatis dimissoria cum consensu Episcopi, ne malus existat, commendare. Probo enim, vitæque castigatissimæ Abbatum, ac Prælati debet Princeps Monasterium commendare, quod idem est ac eligere, & committere; ita equidem apposite explicat præfatus Boehmerus in Commentario ad tit. 38. lib. 3. Decretal. de iure patronat. §. 25.: Commendare Presbytero Oratorium, nihil aliud denotat, quam in eo talem constituere, eique illud committere.

Ex Canonibus porro, & Conciliis ante sæculum XII. congregatis maxima erat Regum potestas circa electionem Prælatorum Monasteriorum, præcipue illorum quæ Regii iuris patronatus fuerit; cui potestati licet summopere conati sint Pontifices suis Decretalibus epistolis, & posteriora Concilia derogare, eamque paulatim evertere, atque diruere; nihilo secius semper Principes illam stabilem, immotamque retinere, & conatibus aliorum optimo jure obstitere.

Immo licet interdum in chartis foundationum Monasteriorum, sive in concessionibus immunitatum, exemptionumque eisdem Monasteriis per Principes clargitarum, aperte legatur exscripta formula, quod Abbas libere eligatur per eosdem Monachos ipsiusmet Monasterii, quodque nullus valeat in electione ipsa se immiscere, neque inferre; attamen nunquam retroactis temporibus Monachi ausi fuere Abbates, vel alios Monasteriorum Prælatos eligere sine Principis consensu; quinimmo ipsi Principes Regesque, Monachos in Abbates

ta-

talium Monasteriorum eligendos statuerunt, decreveruntque, ut scitissime admonet Hieronymus Acosta, siue sit Riccardus Simonius in suo percelebri Tractatu Gallico idiomate exarato, *Histoire de l'origine, & du progres des Revenus Ecclesiastiques tom. premier pag. 144.*

Ex hucusque perpenlis in comperto est, Monasterium Tremitense ab initio ejus foundationis fuisse Regii juris patronatus; quod jus jampridem extitisse, vel maxime perno-scitur ex Diplomatribus Imperatorum Conradi Salici, & Henrici ejus filii, a quibus exceptum illud fuit sub eorum regimine, itaut ipsis, & non aliis modo dictum Monasterium responderet.

Ex iisdem principiis porro supra firmatis, ut necessarium consecrarium subsequitur, Abbatiam S. Mariæ in Calena ejusdem Regii patronatus juris fuisse: etenim cum ostendi nequeat quanto, & a quonam fundata, atque ditata & dotata fuerit, indubie præsumendum, imo certe affirmandum est, fuisse illam per prædecessores Principes illius Regionis fundatam, atque dotatam: id quod luculentius ellicitur ex charta, quæ prostat in actis, fol. 47., ex qua in comperto est, Abbatiam modo dictam S. Mariæ in Calena donatam fuisse per Riccardum Capuæ Principem Casinensi Monasterio in anno 1059. in Concilio Melphitano congregato sub Nicolao II. Pontifice; quæque Abbatia etiam jampridem fuisset erecta, dotata, & Castris, & bonis fere innumeris locupletata; nihilominus illa patronatus jure per Riccardum possidebatur, ut illius ævi mos erat. De qua quidem donatione meminit etiam Leo Ostiensis, seu Mariscanus in *Cronico Monasterii Casinensis lib. 3. cap. 13.*, ubi hæc habentur: *Et quoniam ab eodem Pontifice paschalis festivitatis gratia invitatus fuerat, Romam reversus, post festum urbe egrediens, Melphiam Apuliæ urbem perrexit, ubi tunc idem Apostolicum Concilium celebrare disposuerat, in qua etiam Synodo, dum Riccardus Capuanus Princeps cum aliis quamplurimis interfuisset a supradicto Papa Nicolao admonitus, præceptum fecit Beato Benedicto de Monasterio S. Maria in Calena, cum pertinentiis suis. Quod præ-*

præceptum, seu donatio exscripta quoque legitur in nota num. 9. ad præfatum cap. 3.

Constat igitur tunc temporis Monasterium seu Abbatiam S. Mariæ in Calena retroacto tempore fuisse constructam, & bonis, & Castris locupletatam; fuit porro illa per Riccardum Capuanum Principem admonitum a Nicolao II. Papa in Concilio Melphitano tradita Casinensi Monasterio. Quæ ratione, quaque causa illo ævo visuntur peractæ per sæculares homines pene innumeræ donationes Ecclesiarum Monasteriis Monachorum, meum non est hic disquirere, adeat qui de hoc aliquantulum informari cupiat, Franciscum de Roye in Commentario ad cap. 5. tit. de jure patronatus §. 1. & Franciscum Florentem in Commentario ad caus. 16. §. seq. quæst. 7. de statu Monachorum, ut missis faciam ceteros, qui pleniori calamo de hac re pertrastarunt. Quæ porro donationes deinceps vetitæ fuere per pleraque Concilia, inter quæ fuit aliud Melphitanum sub Urbano II. anni 1090., ut videre est apud Archiepiscopum Parisiensem præclarissimum virum Petrum de Marca in notis ad Concilium Claramontanum, & doctissimum Espenium in dissertatione Canonica de pristinis Altarium, & Ecclesiarum incorporationibus, & donationibus. Jure tamen merito infertur ex traditis per laudatissimos hos viros, Monasteria, & Ecclesias per laicos & Principes possessas, donatasque, non alio jure, per eos ipsas possessas fuisse, nisi, ut plurimum, patronatus jure; quod non abs re fatendum est, factum fuisse de Abbatia S. Mariæ in Calena, utpote, quæ de Castris ceterisque juribus Regalibus locupletata erat, de quibus Castris juribusque Regalibus Principum solum erat Ecclesias, & Monasteria dotare, & locupletare. Quibus locupletationibus jus patronatus acquiri, jam supra demonstratum est.

Igitur censeo, bene, recteque fuisse sententiatum per præclarissimum, laudatissimumque Dominum Consiliarem Reo. Curie Capellani Majoris, & male contraque jus fuisse provocatum atque appellatum pro parte Tremitenfis Monasterii: Censeo etiam, ac definitive sententio, esse redintegrandum quoque Regiæ Coronæ jus ele-

electionis omnium Abbatum pro tempore eligendorum in prælaudato Tremitemsi Monasterio, ejusque unita Abbatia S. Maria in Calena, una cum omnibus præminentius, prerogativis, iuribusque honorificis, quæ Principi patrono tam electionis tempore, quam deinceps competunt, & quoquo modo competere possunt.

BASILIVS PALMIERI.

In causa D. Paschalis Correale cum D. Francisco Acquaviva Abbate Regule Abbatia S. Maria Matris Domini. Die 17. Martii 1781.

INSPECTO Regio Rescripto diei 19. Februarii elapsi anni 1780., fol. 69., decreto termini ad non posita ponendum &c., ejusque compilatione, fol. 71. a t. ad 132., inspectisque omnibus actis, Dominus Miles U. J. D. D. Ferdinandus Corradini Regius Consiliarius, & Judex appellations in præseni causa specialiter per S. M. deputatus declarat: bene appellatum per magn. D. Paschalem Correalem, & male judicatum per Curiam Rev. Capellani Majoris S. M. in ejus decreto interposito sub die 2. Decembris anni 1779. fol. 65.; ac proinde, suspensio dicto decreto, dictus D. Paschalis Correale absolvetur a petitis per Regium Abbatem Abbatie S. Maria Matris Domini D. Franciscum Acquaviva ab Aragonia; salvo iuribus contra eundem D. Paschalem pro augmento canonis, forsan debito a die elapsi temporis ultimarum viginivocem annorum, æstimato fundo in emphyteusim per ipsum Correale decento, servata forma instrumenti initii die 3. Decembris anni 1774.

Quodnam fundamentum fuerit decreti Curie, dicetur, ut in eo elidendo ratio Rei absolvendi pateat. Curia, potentibus Fratibus Basilianis Monasterii sub titulo S. Mariæ Matris Domini, anno 1777. declaravit, prædictam Abbatiam cum Monasterio, & Ecclesia S. Mariæ Matris Domini fuisse, & esse juris patronatus prædecessorum Principum hujus Regni; ac proinde iuribus Majestatis esse restituendam, juxta ipsius primævam naturam, cum omnibus ejus Ecclesiis, jurisdictionibus, ac toto statu ejusdem.

Sua

Sua igitur Clementissimus noster Princeps facultate usus, illam in D. Franciscum Acquaviva de Aragonia contulit. Cum contulisset, postulavit hic, & a Curia, solemnibus iudicii peractis, audito Paschale Correale reo convento, obtinuit, ut sibi liceret, prout vellet, sive locare, sive administrare bona, quæ pertinebant ad beneficium sub titulo S. Mariæ de Vesula, quod fuerat cum aliis per Romanos Pontifices annexum ipsi Abbatîæ, atque in perpetuam emphyteusim concessa fuerant usque ab anno 1554. per Rectorem ejusdem beneficii Ascanium Capograsso ejus fratri Jacobo, quæque ad ipsum Pascha'em Correale hereditario jure pervenerant.

En quibus ex causis mota fuerit Curia ad sic decernendum. Primo, quod D. Franciscus Acquaviva jus suum a Principe haberet, ad cujus patronatum bona in emphyteusim data cum pertinerent, contractus, quod assensu ipsius Principis caruisset, corruebat. II. Si etiam conungi vellet, nunquam hujusmodi bona Regio patronatui obnoxia, quin libera Ecclesiæ fuisse, emphyteusis vitio laborabat ob non impleta solemnia præscripta in 2. *cap. Novellæ* 7. Cui rei aliud incommodum accedebat, quod nec assensus Pontificius, qui tum requiri putabatur, impetratus esset, nec ob longissimi temporis lapsum præsumendum, quia statim ejus defectus fuerat oppositus, adeo ut cum ab initio actus deficeret, tractu temporis convalescere non poterat ex *L. 29. D. de reg. jur.*

Sed his acquiescere animus non potuit. Non enim offecere reo convento defectus assensus Principis videbatur, quia fundus in perpetuam emphyteusim concessus Jacobo Capograsso, ejusque heredibus, & successoribus, cum ad patronatum Principis tum non pertineret, sed ut beneficium Ecclesiasticum (qua de re nulla usque adhuc contentio habita est) liberæ esset Archiepiscopi Salernitani collationis; ejus assensu non indigebat; nec unionis obtentu cum Abbatia S. Mariæ Matris Domini id effici potuit. Nam fuerit hæc unio Romani Pontificis potestate facta, in cujus collationem id beneficium inciderat, certissime nujusmodi annexio subsequuta esset anno 1681., scilicet longe post sæculum ab

Tom. I. Cur. Cap. Maj.

Z

inita

inita emphyteusi, cujus proinde vim destruere non poterat, vetantibus id luculentissimis juris regulis, quæ non sinunt alteri per alterum iniquam conditionem inferri, ut ex *L. 75. D. de reg. jur.* habetur. Quin re-scripta ipsa Principum, juri aliorum derogantia, aut legibus contraria nullam vim habere ipsi Principes jubent, ut ex *L. 32. C. locat. & conduct.*, & *L. 7. C. de precib. Imper. offerend.* patet. Alibi etiam statuitur, rem inter alios actam non nocere *L. 4. C. quib. res jud. non noc.* Igitur bona istius beneficii Abbatis annexi post emphyteusim cum sua causa transfugerant, ut in *L. 18. §. 2. D. de pignor. act.*, & *L. 12. D. famil. ercisc.* præscribitur. Quibus accedit alia juris regula, in negotiis definiendis tempus contractus spectari, sic statuente *L. 78. D. de verb. oblig.*, & *L. 25. in fin. C. de repud.* Et quod leges ipsæ edicunt, licere novo domino expellere vet. res colonos, id in locutionibus, in quibus non fuerit jus in rem acquisitum, sibi locum vendicat, non in ceteris contractibus rem ipsam afficientibus.

Nihil etiam metuendum erat firmitati contractus ex *Novella 7.* sub titulo *de non alienand.*, aut *permutand. reb. Eccles.*, nam hæc constitutio per posteriorem 120. correctæ fuit, atque emphyteusis perpetua permessa. Verum aliud obiectum ex posteriori hac constitutione elicium urget: vetat enim hæc, irritasque facit alienationes in conjunctos, quod in emphyteusi, de qua agitur, contigit. Possset responderi, constitutionem in hac parte proprie loqui de bonis Ecclesiasticis Constantinopolitanæ Civitatis, non de ceteris, ad quæ prohibitionem non protrahit: possset etiam dici, quod bonorum istiusmodi vendicationem solis Ecclesiis tribuat, sed fortasse non tuta esset responsio. Quod omni metu liberare videtur, id est, posteriorem hominum ætatem hæc immutasse, atque Regnorum Christianorum moderatores Religioni duxisse relinquere Romanis Pontificibus, ac Episcopis Ecclesiasticorum bonorum curam præcipuam, & paulatim obsolescere leges, quæ ante jam latæ essent. Hinc est, a sæculis Pontifices hac facultate usos, quam repetere summæ Potestates, cum
li.

libuisset, poterant; & hinc factum eorum Magistratus in judiciis hac in re Canones, & Decreta Pontificum sequutos. Igitur qui contractus tanta bona fide gesti essent, etiam si longo errore populorum, nulla juris regula patitur everti, quin ea ipsa, quæ nullum juris vigorem habitura essent, si publice interesset sustineri, facta cæta relicta sunt, cujus sapientissimæ rei præclarum exemplum exhibet *L. Barbarius Philippus D. de offic. Prætor.*: tantum fidei publicæ tributum, ac tranquillitati omnium. Hanc ipsam mentem beneficentissimæ nostræ Principi insedisse, ejus edicta, præcipue illud anni 1769., quo frenum injicitur acquisitionibus Locorum Piorum, demonstrant.

Sed si qui adhuc scrupulus reliquus est, en in medio pro reo convento S. C. Senatus vetustissima res judicata semper observata, ex qua etiam diluitur objectum defectus Pontificii assensus. Cum enim anno 1574. Rector Beneficii S. Mariæ de Vesula, Joannes Angelus de Julianis petiisset, rescindi debuisset emphyteusim, de qua controversia est, quod Pontificius assensus non fuisset impetratus, & quod eo contractu læsa Ecclesia fuisset, atque per vicennium lis perdurasset, tandem rite judicio peracto, anno 1594. prodit sententia, qua fuit reus absolutus, solum adaucta canonis præstatione ad ducatos nonaginta. Et facile deprehenditur, quæ fuerit canonis adaugendi ratio, si perpendatur in illo emphyteusis contractu initum pactum, ut quoties undetriginta annorum curriculum effluxisset, renovanda emphyteusis esset, atque fundi valor æstimandus, ut ejus, quod pluri æstimaretur, medietas Rectori Beneficii, alia medietas emphyteutæ cederet: & jam cum decisio prolata est, effluxerant anni undetriginta, & hujusmodi sententia fuit confirmata, & publica scriptura per partes executioni demandata, ut nulla per se res duo fascula alia contentio orta sit: cujus rei fides ex exhibitio per Regum Abbatem authentico monumento cruitur. Igitur hac in re non licebat amplius disputare, aut judicium instaurare, vetantibus id *Legibus 31., & 56. D. de re judic.*, & *L. 1. 2., & 4. C. eod. tit.*

Nec his obstitit, quod per Regium Abbatem dicitur, hujusmodi sententiam nunquam rei judicatæ vim habuisse, quia expressis juribus adversa, ex allegata *L. unic., D. quæ sentent. sine appell. rescind.* Primo, quia nuli juri adversatur, aut adversari præsumenda est, actis enim illius judicii caremus: tum etiam, quod objecta lex licet caveat, judicia contra sacras constitutiones prolata, appellatione non indigere, subjicit tamen, tum demum contra constitutiones judicari, cum de jure constitutionis, non de jure litigatoris pronuntiat, atque exempla profert: & id ipsum *L. 32. D. de re judic.* constituitur. Atque tanta est rei judicatæ sanctitas, ut si per aliam ei fuerit derogatum, prima semper consistat; alias, ut inquiunt leges, nullus esset licium finis. Nostis etiam legibus id obfirmatur, nam adversus decreta præsidium relinquentes, ut nulla dici possent, sex dierum spatium indulgent, dummodo arguantur prolata contra expressum casum legis, vel publicam scripturam jam exhibitam.

Nec hujusmodi res judicata novationem ex voluntate partium recepit, ut elici videtur ex decreto Curie, quin novum, si novo opus erat, robur sumpsit. Plures enim transactiones inter Rectores ipsius Beneficii, & emphyteutas subsequutæ sunt, sed super majori, vel minori incremento pensionis, quas dubias anceps rei nova æstimatio, vel alia, quæ de mente primorum contrahentium excitabantur, faciebant post curricula undetriginta annorum juxta contractum anni 1554. Atque in his omnibus transactionibus semper transigentes memorant, sequuntur, ac obfirmant legem contractus, ac rem judicatam, tantum abest, ut ne latum quidem unguera discesserint. Hæc & alia, quæ brevitatis studium omittere suggerit, impulerunt ad reum absolvendum.

In causa redintegrationis Regii patronatus in Collegiatam Ecclesiam S. Bartholomæi de Avezzano . Die 7. Aprilis 1781.

AB anno 1766. in Curia Capellani Majoris instituta lis fuit de redintegratione Regii patronatus in Collegiatam Ecclesiam S. Bartholomæi de Avezzano in Marficana Diœcesi positam . Franciscus Marianus primum, deinde Abbas, & prædictæ Ecclesiæ Collegiæ Canonici, Promotor denique Fiscalis Regiæ Coronæ executionem prædictæ redintegrationis rite petierunt . Vocatus in judicium fuit Magnus Comes Stabuli D. Laurentius Columna, tamquam injustus prædicti patronatus possessor . Eo audito, ac probationum termino præstituto, intra ejus spatium plura documenta a Partibus fuerunt exhibita . Pluribus etiam Divalitis literis ejus controversiæ definitio inculcata fuit . Hinc Regalis etiam Coronæ Advocatus petiit libello suo, ut in prædictam Ecclesiam Regius patronatus redintegraretur, eaque Principi restitueretur, cum omnibus ipsius bonis, ac pertinentiis, ac præsertim cum jure electionis Abbatis, & Canonicorum, quotiescum locus electioni foret .

Documenta ejus patronatus demonstrandi gratia exhibita summam & breviter, & perspicuitatem habent . Nam in Caroli II. Andegavensis regestro, quod in Regiæ Siciliæ tabulario asservatur, inter Ecclesias ad Regiam collationem spectantes refertur etiam Ecclesia S. Bartholomæi de Avezzano . In libro quoque Beneficiorum Regiæ collationis Regis Roberti ævo, qui in eodem tabulario extat, ita legitur : *Rex Robertus tamquam Patronus dictæ Capellæ præsentavit Firminum Scotti in Rectorem . Hec Ecclesia S. Bartholomæi de Avezzano Marficana Diœcesis est Collegiata, & spectat ad Regem jure patronatus, seu præsentationis, & pluries suis litigatum inter Regem, & Episcopum super electione Rectoris . Cumque dictus Episcopus Marficanus nollet admittere dictum Firminum Scotti per Regem Robertum præsentatum, Rex ipse hortatus est dictum Episcopum, ut præsentatum admitteret, cum Episcopus jurium Regium non debeat esse impugnator, sed defensor .*

Hoc

Publica monumenta Regum jurepatronatus recte probant . Præscriptioni non subjacet Regium jus patronatus; nec cum feudi concessione concessum dici potest, nisi expressim in investitura de eo fiat mentio .

Hoc autem probationis genus in dubium revocari non potest. Quæ enim in publicis tabulariis referuntur, juris & facti certitudinem habent; aliter in ejusmodi libris locum non invenirent. De eis dubitari non fuit publica auctoritas, cujus jussu publica tabularia instituuntur, & asservantur. Hinc de scripturis in ejusmodi libris descriptis ita edicit Marcus in L. 10. ff. de probat.: *Monumenta publica potiora esse testibus Senatus censuit*. Cum jure civili jus quoque Pontificium in ea re consonat in cap. *Cum causam*, de probat. Ibi enim Honorius III. aperte definit res antiquas antiquorum librorum testimonio confirmari. Opportune igitur ibi Glossa advertit: *Nota ergo, quod scriptura librorum antiquorum faciat fidem*. In eandem cum Glossa sententiam conveniunt passim Doctores. Instar omnium sint Card. de Luca de jure patron. disc. 57. n. 13. de præemin. disc. 2. n. 14. & disc. 3. n. 10. Lambertini. de jure patron. lib. 2. p. 2. in 4. art. decima quæst. n. 13. Cassan. in Catalogo p. 10. confid. de patron. Reg. Coron. cap. 34. n. 5. Plures per Salgad. de protest. Reg. pat. 3. cap. 10. n. 240. 274. 277.

Jam vero controversus patronatus inde firmatur etiam, quod contradicto veluti judicio confirmatus fuit. Firmino enim Scotto electo per Principem, contradictione Marficani Episcopi insuper habita, Abbas per Robertum electus fuit institutus. In liquido constat in ejusdem Roberti Diplomate 2. Septembris anni 1338. In eo scilicet in supplici Firmini libello ejusmodi preces occurrunt ad Principem: *Sane Presbyter Firminus Scotti Capellanus, familiaris & fidelis noster nuper exposuit, quod ipse Ecclesias S. Bartholomæi de Avezzano, & SS. Bartholomæi, & Restitutæ de pertinentiis Castri Murrai Soranae Diocesis, in quibus nostræ Curie jus competit patronatus, quasque ad præsentationem nostram obtinet jam annis septem, tenuit, & possedit pacifice & quiete, sed queritur, quod nonnulli de novo ipsum super possessione prædictarum Ecclesiarum, & earum fructuum perceptione, turbant indebite, & multipliciter inquietant*. Ab eo igitur ob prædicta incommoda Princeps interpellatus, ut porro sine cujusquam turbatione possidere pergeret, in ejus favorem expedit litteras conservatorias, quas vocant.

Ea.

Eadem de re debetari non fuit monumentum aliud ab ipſo Magno Comite Stabuli exhibitum. Nimirum inde liquet, anno 1416. Regiam Joannam II. jure patronatus in controverſam Eccleſiam Neapolitanis Principibus competentis, ejuſdem Eccleſiæ nominaviſſe Rectorem Marianum de Rocco; ea enim vacaverat ob renunciationem Jacobi de Rocco; præſentationem vero à Regina factam nulla cum controverſa admiſiſſe Marſicanum Episcopum, & ab eodem inſtitutionem Mariano de Rocco collatam.

Cum igitur de Regio in prædictam Eccleſiam patronatum tam liquido conſtet, Cyria cenſuit, Regalem Coronam in ejus poſſeſſionem redintegrari oportere. Neque veto quæ pro ſe attulit Magnus Comes Stabuli Columna quicquam obſtant intentioni Fiſci. Quod enim ad præſcriptionem ab eo oppoſitam, aſſerendo deceſſores ſuos ejus Eccleſiæ nominaviſſe Canonicos duorum ferme ſeculorum ſpatio, atque ab anno tantum 1692. nominaviſſe Rectorem; per ſe liquet, ejuſmodi nominationes quoad tempora non uniformes ab uſurpatione Regii juris promanaviſſe, ſeu ob abſentiam Neapolitanorum Principum, ſeu ob publicorum Magiſtratum negligentiam. Sed & id genus actus Regiæ Coronæ obefſe nequeunt, neque ad præſcriptionem prodeſſe poſſunt, nam, ut paſſim in Europa alibi, juſ Neapolitanum quoque, ac præſertim noviſſimæ Fauſtiſſimi Ferdinandi leges Regios patronatus præſcriptioni ſubeſſe vetant.

Futilis etiam videri debet Magni Comitſ Stabuli exceptio, Joannam II. ſcilicet non jure Regio nominaviſſe, ſed tamquam Albæ Comitum; inde autem fieri controverſæ Eccleſiæ patronatum non Regium quidem, ſed feudalem eſſe, ac cum ipſo Comitatu Albæ conjunctum; ſe vero tamquam hodiernum Albæ Comitum nominare oportere. Primo enim Joannæ legitimæ Regni Neapolitani Regiæ perperam tribuitur Comitſ titulus, quaſi eum Comitatum feudali jure poſſideret. Cum enim illa ſummum imperium exerceret, nominabat in Albæ Eccleſia jure Regio, neutiquam vero Comitſ. Ejus igitur patronatus Regius, non feudalſ erat. Sa-

ne

ne feudorum instituto repugnat, sui ipsius Reginam feudatariam fuisse; exploratum est enim ad feudale servitium obligari Barones: proinde cum nemo sibi servire queat, si quid est in immediata Principis possessione, feudi naturam habere non potest. Eo accedit, quod ante Reginam Joannam idem patronatus pertinuerat ad Robertum, ejusque patrem Carolum II. Andegavensem: ii vero contrarium patronatum exercuerunt jure non feudali, sed Regio. Id etiam vel inde liquet, quod prædictus patronatus in antiquis regestris, non tamquam feudalis, sed Regius describi solet.

Quod vero additur, controversum patronatum in Comitum Stabuli fuisse translatum cum Comitatu Albæ, absurdum etiam censeretur debet. Nimirum Regii patronatus aliorum Regiorum jurium exemplo a Regali Corona divelli nequeunt. Saltem, ut id fiat, oportet, ut speciali concessione in alterum transfiratur. *Capyc. Invest. Feud.*, verb. *Cum juribus patronatus*. *Choppin. de Deman. Gallic. lib. 3. tit. 20. n. 1. Cardos. Os. de patronat. Reg. resol. 84. n. 2.*; quamvis vero quindecim ab hinc annis lis de patronatu sit instituta, specialis isthæ concessio nusquam fuit exhibita. Hinc Curia, cum voto Domini Regii Consilarii D. Dominici Potenza ordinarii Consultoris ejusdem, ita pronunciavit: *Ecclesiam Collegiatam S. Bartholomæi de Avezzano, fuisse, & esse de Regio patronatu; proinde Regalem Coronam redintegrandam in ejus patronatus possessionem, cum omnibus ipsius bonis, juribus, prærogativis, & quibuslibet pertinentiis; in jus quoque eligendi Abbatem, seu Rectorem, & Canonicos ejusdem Ecclesiæ, quoties occasio tuleris: Præterea ad conservationem Regiorum jurium prædictam Ecclesiam describendam esse in libris Curie inter alias Ecclesias, in quas jus patronatus Principi competit. Quod autem ad petitam redintegrationem molendini Moscini positi in Avezzani territorio in favorem prædictæ Ecclesiæ, quod etiam ad deducta per Magnum Comitem Stabuli de prætensa unionem quorundam beneficiorum simplicium ad suum patronatum pertinentium cum dicta Ecclesia S. Bartholomæi, Partes informant ad finem providendi.*

In

In causa Regii patronatus in Abbatiam, & Monasterium S. Joannis in Flore. Die 23. Aprilis 1781.

Regiae Coronae Patronus usque ab anno 1774. actionem instituit, eaque petiit, ut cum Abbatia Divi Joannis in Flore, tum Ecclesia & Monasterium Cisterciensium ejusdem tituli ad Regium patronatum pertinere declararetur, ob perspicuitatem documentorum, quae in actis prostant. Nunciata actione per citationes edicto expeditas omnibus, quorum interesse posset, judicio adfuerunt Jacobus Philomarinus praedictae Abbatiae Commendatarius Abbas, ac Procurator praedicti Monasterii Cisterciensis Ordinis; neuter tamen quicquam allegavit, quo Coronae Regiae Advocati actio repelli posse videretur. Ita, pluribus exactis annis, neque adversus intentionem Fisci productis scripturis ullis, petiti libello est; ut de tota re decerneretur.

Ex Ecclesiae fundatione, & dotatione jus patronatus derivatur.

Ex documentis pro Fisco exhibitis aperte patuit, Abbatiam S. Joannis in Flore sub saeculi XII. finem fundatam fuisse ab Imperatore Henrico VI., ab eodem etiam magnifice fuisse dotatam bonis, quae pertinebant ad Fiscum, ac praesertim ingentibus praediorum spatiis apud Silam Constantiae, quae & ipsa in Regum Neapolitanorum demanio erant: eam liberalitatem Imperatorem exercuisse ob preces Abbatis Joachimi, qui in eo Monasterio primus novum Ordinem Florentem instituit, cum post mortem Guilielmi II. idem Henricus ad jura tuenda uxoris suae Constantiae in Regnum Neapolitanum venit, ut inde Tancredum injustum possessorem expelleret. Indidem quoque constitit, praedictam Imperatricem Constantiam post Henrici obitum & ratas habuisse concessionem praedicto Monasterio factas, atque illud in suum mundiburgium recepisse; ejus etiam successorem Fridericum II. non tantum confirmasse concessionem Augustissimorum Parentum, sed & addidisse suas, pluribus Principatus rebus translatis in Monasterium: in ejusmodi vero translationibus declarasse semper, se eam cum Monasterio liberalitatem exercere, quia opus suorum Progenitorum erat, a quibus extru-

Tom. I. Cur. Cap. Maj.

A 2

Etum

etum ac dotatum fuerat, & quia eorum pietas jure veluti hereditario fuerat in se transmissa. Præterea inde constitit, ad Reges Andegavenses translati rerum arbitrio, prædicto Monasterio & veteres confirmasse concessionem, & suas etiam addidisse: in suis vero concessionibus itidem declarasse, eo se devenire, quia a decessoribus suis Monasterium fuerat erectum. Id autem insequentia documenta probant.

In actis fuit exhibita sententia prolata mense Junio anni 1199. a Bonhomine Consentino Archiepiscopo, Riccardo Abbate S. Euphemie, Guicelmo de Bisliniano, & Alexandro Guilelmi filio Vallis Cratensis Justitiariis, in eam rem delegatis a Bartholomæo Panormi Archiepiscopo, qui cum ea facultate a Principe mandatum acceperat. Inde liquet, Græcos Monachos, trium SS. Puerorum Monasterium incolentes, vi armata invasisse magnam territorii prædicti partem apud Silam, Consentinæ Abbati Joachimo ab Henrico concessi, ac præter alias violentias, ipsum Monasterium, ejusque officinas fuisse deprædatis. Ea de re Joachimus conquestus apud Principem obtinuit, ut ejus jussu Panormi Archiepiscopus opportune de justitia provideret, ac reos puniret; litteris autem mandati ad controversias præcavendas ei edicatur, *quod cum Dominus olim Imperator a partibus istis recedens versus Apuliam prima vice tenderet, transiente ipso per partes Calabria, ad supplicationes prædicti Ven. Abbatis Joachim, & Confratrum ejus, quoddam tenimentum eis concessit, facto exinde privilegio suo.* Eidem Archiepiscopo patet post Imperatoris obitum, in Siciliam migrante ejus augusta conjuge Constantia, prædictos Græcos Monachos eis occurrisse declarantes, ejus territorii per Imperatorem Joachimo concessi partem ad se pertinere; in ea vero controversia cum a Græcis Monachis nullum instrumentum productum esset ad intentionem suam firmandam, sic tandem per prædictam Dominam Imperatricem Curiam jam dictum tenimentum prænominato Ven. Abbati Joachim sententialiter adjudicatum est, & per ejusdem privilegium sibi perpetuo confirmatum. Principis igitur mandatum exequuturus Panormi Archiepiscopus, subdelegavit quatuor prædictos Judices, ut & de causa

co-

cognoscerent, & de iustitia providerent. Ii vero, causa cognita, Græcos Monachos alieni invasores expulerunt, ac possessionem Abbati Joachimo, ejusque Monasterio restituerunt, *dantes perpetuam sapsinam juxta mandatum ipsum Vener. Abbati Joachim, & Monasterio ejus, totius tenimenti, & locorum, de quibus questio vertebatur inter Monasterium Floris, & Monasterium SS. trium Puerorum, secundum quod concessum ei fuerat a Domino Imperatore, & confirmatum a Domina Imperatrice per privilegia sua.*

Extat privilegium quoque Friderici II. mense Martii anni 1200. eidem Abbati Joachimo concessum. Is in supplici libello suo exposuerat, quod in loco, qui dicitur *Caput album* in extrema parte *Syle*, quæ adjacet Civitati *Consensia*, quia ob maximam congeriem nivium, quæ fit ibi singulis annis, valde efficitur ibi difficilis, & periculosus accessus, fecerat quoddam receptaculum ad refugium tam Fratrum suorum, quam ceterorum, quos causa similis ea parte transire compellit. Cum igitur perpendisset ejus operis incrementum maxime profuturum, Regem rogavit, ut copiam ei faceret ædificandæ Domus Instituti sui, & quod aliis concedebatur sub annuo redditu, Religiosis concederetur Deo servituris ab omni coactione, ac molestia Bajulorum immune. Rex autem Fridericus breviter ita præfatus: *Nos igitur, qui in fovenda religione Domus tuæ, paternæ, & maternæ munificentia, atque delectationis, jus hereditarium possidemus, ipsi, ejusque successoribus concessit liberam potestatem ædificandi in præfato loco, qui dicitur Caput album, Domum Religionis ad honorem, & utilitatem multorum, & eidem Domui liberam possessionem adjacentem ipsi loco per spatium mille passuum tam in longitudine, quam in latitudine sua, ab omni collatione immunitate concessa.*

Aliud adhuc privilegium extat ejusdem Friderici jam Imperatoris Basileæ scriptum ad supplicem libellum Matthæi novi Abbatis S. Joannis in Flore mense Aprilis 1229. In eo concessit, ac perpetuo confirmavit prædicto Monasterio *Granciar*, quas habet in tenimentis *Cherentie, Cusentia, & Cutroneorum, videlicet Bardò, Fluco, Canalem cum Botulo, & locum,*

qui dicitur *Albe*, cum vineis, arboribus, terris, molendinis, aquis, sylvis, virgultis, & aliis utilitatibus, & pertinentiis suis. Concessit quoque, eique perpetuo confirmavit culturam Barani, quæ est in tenimento Monticini: & quod libere & absque ulla exactione possit cavare, & percipere mineram ferri per omnes mineras Calabria. Postremo post remissionem feudalis servitii ratione multarum rerum, quæ Monasterio oblata fuerant, id se facere declaravit pro remedio animarum Divorum Augustorum Parentum nostrorum b. m., qui Monasterium Beati Joannis de Flore pia donatione beneficiis sue munificentia dotaverunt, sicut in suis privilegiis plenius esse dignoscitur.

Aliud occurrit etiam privilegium ejusdem Friderici scriptum in Castris apud Oppidum Divi Petri in Territorio Bononiensi mense Octobris anni 1220., in quo ita præfatur: Sane cum Monasterium Floris in Sylva Calabria a Divis qu. Parentibus nostris plantatum decenter, latitudine prædiorum, ac utilitate liberatum, & usum perpetuitate rigatum, dante Deo piis actis incrementum, sacrae Religionis odorem, & propaginis ubertatem ad salutem suorum ediderit fundatorum: Nos qui paternæ gloria Deo cooperante successimus erga tanta pietatis opus paternum jure propositum, devotionisque studium imitatur, & plantationem, quam dictorum Illustrum Augustorum religiosa pietas propagavit, tertio nostræ gratiæ titulo, velut pernecessario utilitatis fomento complectimur, ut quia funiculus triplex difficile rumpitur, cum illorum auctoritate nostræ confirmationis agglutinata soliditas nullo umquam tempore dissolvatur. Hinc ad preces Abbatis, & Monasterii S. Joannis in Flore ei concessit, confirmavitque possessiones, largitiones, atque immunitates, quas a Parentibus suis, aut a se acceperat, aperte cavens, ne quid ei officeret generalis revocatio a se facta in Regno quarundam veterum concessionum respectu. Bonis autem donatis enunciatis, præter alia, quæ sequuntur enumeravit: In primis locum ipsum, qui nunc Flor, olim vero dictus est Faraclovus, cum terris laboratorijs & incultis, aquis quoque, & sylvis, planitijs, & montaneis adjacentibus eidem Monasterio, Tenimentum Fluce situm in maritima Calabria inter flumen Netum, & flumen Pittabrum,

brum, cum Ecclesia, & Grancia ibi constitutis. Per totam quoque Calabriam libera pascua pro animalibus suis absque herbatico & glantatico, & libere ac sine ulla exactione salem per omnes salinas, & venam ferri per omnes menses Calabrie cavare, atque percipere. Reditus etiam quinquaginta Bisantiorum aureorum de salina Neti annis singulis percipiendorum. Granciam quam habet in tenimento Gherentia in loco, qui dicitur Albe, prope Casale Bardù. Terram quoque laboratoriam de demanio nostro, ad salmatas duas prope ipsam Granciam. In tenimento Cusentia Granciam canalis, & tenimentum, ac locum Bottuli. In tenimento fluminis frigidi Monasterium fontis laureati, cum Granciis, tenimentis, & pertinentiis suis. In tenimento Barbari Monasterium Aquæ vivæ, cum Granciis, tenimentis, & pertinentiis suis. In tenimento S. Severinæ Monasterium Calabromaria, & quidquid nobis jure patronatus, aut alio quocumque modo pertinet. In tenimento quoque Gherentia Monasterium Calabria, cum Granciis, tenimentis, & pertinentiis suis, & Ecclesiam Montis Marci cum suis pertinentiis.

Exhibitum quoque fuit aliud ejusdem Principis privilegium iisdem in Castris eodem Octobre anni 1220. scriptum: in eo autem animi sui sententiam ita declaravit: *Debitis ceterarum Ecclesiarum Regni nostri beneficiis per gratiam piæ devotionis, & innatæ compassionis intendimus: sed Monasterium Floris, quod solum in Sicilia Regna fundatum Dominus Imperator Pater noster, & Domina Imperatrix Mater nostra b. m. dotare præmiis, & privilegiis specialiter elegerunt, hereditaria pietate, velut quadam solvendi successione, tueri, regere, & relevare debemus. Hinc ad preces Matthæi Abbatis, & Monasterii Divi Joannis in Flore, ei concessit in perpetuum libere & sine ullo servitio, ac in capite feudum, quod in Gherentia, & Caccurio tenuit, & possedit qu. Rogerius Saracenus, de quo Rogerio non est heres. Præterea ei concessit, & confirmavit culturam Barani juxta tenorem privilegii a nostra ei dudum majestate indulti: similiter omnes possessiones, quas Gismundus filius Ragonis Battalla quondam habuit in Cusentia, & tenimento Civitatis ejusdem.*

Allegatum etiam in judicio fuit aliud ejusdem Principis pri-

privilegium scriptum Brundisii mense Martii anni 1221. Eo declaravit Fridericus, quod quamquam Divalibus suis litteris exemisset a lege generalis revocationis in Curia Capuæ habita Florense Monasterium, & Conventus inde deductos; attamen Matthæus Abbas, ac prædictum Monasterium, cum privilegiorum veritati confisi, tum munificentiae, & liberalitati suæ, privilegia exhibuerant Abbati Joachimo ab Henrico, & Constantia suis parentibus concessa. Hinc descriptis bonis omnibus prædicto Monasterio ejusmodi privilegiis concessis, ea confirmavit auctoritate sua, salvo, inquit, mandato, & ordinatione nostra.

Productum etiam in actis fuit aliud Friderici privilegium Messanæ scriptum mense Junio anni 1221., quo superioribus concessionibus Florensi Monasterio factis, confirmatis, in favorem insuper Religionis ipsius, pro salute, & gloria fundatorum, ac honore nostræ gratia paternum opus & propositum imitantes, ei concessit jus asyli, ut quicumque intra septa, & claustras Florensis Monasterii, & Ecclesiarum ejus confugerit, a violenta captione, & invasione temeraria sui securus. Præterea ei concessit Curiam, sive Forum, & emendationem de universis excessibus, qui intra fines possessionis suæ de Sylva indebito præsumuntur, præterquam de homicidio, de mutilatione membri, de sanguine, ac de his, quæ crimen læsæ Majestatis respiciunt, salvo mandato, & ordinatione nostra.

Aliud Friderici privilegium in actis extat scriptum e Castris in obsidione Jati mense Julio anni 1221. Ibi memoravit expostulationes Abbatis, & Monasterii S. Joannis in Flore, quod cum per privilegia Augustorum Parentum nostrorum memorie recolenda, & nostra, tenimentum in Sylva Calabria, in quo eorum Monasterium situm est, & possessiones alias ipsis privilegiis comprehensas cum omni libertate possideant, quidam Ecclesiarum Prælati, alique sæculari potentia armati homines injurias eis intulerant, eisque controversiam contra privilegiorum libertatem fecerant. Ob eas vero querelas sibi delatas Fridericus ita decrevit: Nos itaque, qui paterna glorie, Domino annuente, successimus, Regni nostri Ecclesias & specialiter Domum Floris,

solam in Regno Siciliæ Illustrum Augustorum Parentum nostrorum pia liberalitate fundatam, manutenere, fovere, & tueri volentes: districte mandamus, & firmiter precipimus universis Regni nostri Fidelibus, ut nullus super ipso tenimento de Syla Fratribus dictæ Domus molestiam aliquam inferre præsumat, jura proprietatis aliquod, vel antiquam laborandi, seu pascendi consuetudinem requirendo; quia cum de tota Syla idem tenimentum, pars de toto, usus Seroorum Dei, & divino sit cultui sequestratum, tunc a communi universorum usu, & omni onere, ac servitio seculari subdudum est, liberatum pariter, & exemptum per Illustres dicti Monasterii fundatores, qui habuere plenam de omnibus potestatem.

Productum est denique ejusdem Friderici privilegium iisdem in Castris scriptum mense Augusti ejusdem anni ad Justitios, & Camerarios Calabriæ, & Vallis Cratensis, quo Monasterio S. Joannis Florentis concessit immunitatem a Foro civili, cum aliis de causis, cum quia Parentes nostri divæ recordationis Augusti Monasterium Floris pia & liberali devotione fundarunt, & paternum opus singularis prerogative gratia tenemur prosequi cum augmento.

Productum etiam in judicio fuit edictum Roberti Regis diei 24. Decembris anni 1333., quo fines constituit Regiæ Syliæ Consentinæ, ut præcaveret ejus latissimi territorii occupationes. Per eam autem occasionem Rex ita declaravit: *Ac intra prædictos fines Monasterium Floris habet quoddam tenimentum datum sibi per qu. Henricum Imperatorem VI. per fines in suo privilegio designatum.*

Productæ sunt quoque litteræ Reginæ Joannæ I., ejusque conjugis Ludovici 5. Januarii anni 1346. scriptæ ad Justitios & Perceptores Calabriæ, & Vallis Cratensis. Iis vero cautum, ut quavis contentione remota, Florenti Monasterio satisfaceret de annua provisione Bisantiorum de auro quinquaginta stabilita eis certo modo per Antecessores nostros Catholicos Reges Sicilia, & per nos etiam per speciales nostras litteras confirmata.

Ejusdem quoque Reginæ aliæ extant litteræ diei 19. Januarii anni 1346. ad interpellationem Abbatis Florentis, cui
vis

vis inferebatur in bonis, quæ ad Monasterium pertinebant. Iis autem Joanna edixit, se obligari ad tuendas Ecclesias, ac præsertim Monasterium supradictum, quod fuit, & est opus manuum Progenitorum nostrorum Illustrium, ut præfertur. Sub suam igitur tutelam recepit Monasterium cum suis Granciis, ac bonis, districte prohibens, ne qua vis ei in possessione fieret. Aliis vero litteris haud multo post scriptis eidem Monasterio quotannis persolvi iussit memoratos Bisantios auri quinquaginta, vel eorum valorem in carolenis argenti boni, & iusti ponderis sexaginta per unciam computatis, ascendentem ad summam unicarum auri decem, juxta præsentem declarationem nostram, ponderis supradicti.

Denique exhibitum etiam in judicio fuit Alphonſi Aragonii Diploma anni 1445., quo Monasterii fundationem enarrans a Principibus decessoribus suis extracti, & complurima privilegia ei concessa, eique in exemplaribus suis exhibita, ea plenissime confirmavit. Id ipsum quoque factum ab ejus filio Ferdinando Diplomate anni 1459., ubi inserto Alphonſi patris sui Diplomate, illud ratum habuit, pariterque confirmavit.

His ita præstitutis, allata quidem monumenta de Regio in Florenſe Monasterium patronatu dubitari non sinunt. Exploratum scilicet in jure est ob fundationem, ac dotationem, privato cuilibet jus patronatus competere. Id igitur potiori jure in Florenſe Monasterium ad Principem pertinet, quod aperte liquet a Principibus Neapolitanis fundatum esse, atque non nudis tantum privilegiis auctum, sed & ipsis Principatus bonis opulenter fuisse dotatum. Dotis autem magnitudinem ei Monasterio per Neapolitanos Principes constitutæ, ne singuli percontantur, solum Regiæ Sylæ Consentinæ territorium eidem concessum facile ostendit. Id enim patet præter propter passuum millia quadraginta. Ambitu vero suo complectitur pascua, defensas, prædia culturæ apta, vineas, flumina, aquas, aquarumque decursus. Id autem ex actis constat, & verissimum compertum fuit anno 1660., quo tempore jussu Regio totius Regiæ Sylæ, ejusque partis Monasterio concessa, fines descripti fuere. Enim-

Enimvero insigne Florense Monasterium a Principibus Neapolitanis tanta liberalitate fundatum, per summam injuriam fundatoribus suis ablatum, a Romana Curia commendatum fuit sæculo XV. Per eam commendationem factum, ut Abbates Commendatarii Monasterii reditus sibi asseruerint; alimentis autem privati Monachi Monasterium dereliquerint. Indidem quoque factum, ut Abbates ampliores percepturi reditus ex latissimis Commendæ prædiis, finitimorum locorum cultores eo acciverint, annum exigentes censum ob solum novis incolarum domibus destinatum. Quotidie autem novis incolis eo migrantibus, latus vicus ibi constitutus, qui hominum ferme sex millia ambitu suo complectitur, Sanctus Joannes in Flore dictitari solitus. Id vero factum cum magno Regiæ Sylæ detrimento, cujus luci per novos illos colonos quotidie imminuuntur.

Porro temporibus mox insequutis in veteri Florensi Monasterio sedes sibi constituerunt Cistercienses Monachi, Ordinis quidem ab eo diversi, qui ab Abbate Joachimo constitutus fuerat, & cui Regales concessionis factæ. Nec multum tamen profecerunt Monachi Cistercienses sub Commendatariorum regimine, a quibus vix accipiebant quod vitæ tolerandæ sufficeret; donec sub Pio V. mensa Monachalis a mensa Abbatis Commendatarii separata fuit, qui per id temporis erat Cardinalis Sanctæ Severinæ. Exinde extitit, & hodie existit in prædicto Florensi Monasterio Fratrum Cisterciensium Conventus, & ad suam sustentationem reditus separatos habet. Sed extant etiam Abbates Commendatarii per Romanam Curiam renunciati, quorum reditus pertingunt ad ducatorum ferme quatuor millia.

Cum igitur tam liquido constet de fundatione, dotatione Florensis Monasterii per Principes Neapolitanos facta, Curiæ Ill. & Rev. Dom. Capellani Majoris visum, in ipsum, ejusque dependentias jus patronatus ad Principem pertinere: in ejus vero possessionem Regiam Coronam redintegrari oportere. Curæ quoque visum ad Principem pertinere electionem Abbatís in singulis vacationibus, quousque eam commenda-

Tom. I. Cur. Cap. Maj.

B b

tio-

tionem a mente fundatorum alienissimam tolerare velit. Quousque etiam Cisterciensem Ordinem ibidem tolerare velit, eundem Principem Missos Dominicos designare posse, qui in electione Abbatis Claustralis pro ipso Principe partes suas interponant. Hinc tota de re, cum voto Domini Regii Consiliarii D. Dominici Potenza ordinarii Consultoria, ita pronunciavit: *Monasterium S. Joannis in Flore in Calabria situm in territorio Regie Sylæ Consentinæ fundatum & opulenter dotatum a Neapolitanis Principibus fuisse, & esse de Regio patronatu, proinde Regiam Coronam in ejus possessionem, una cum bonis, feudis, Grantiis, Ecclesiis, privilegiis, pertinentiis quibuscumque, reintegrari oportere secundum primævam naturam suam. Ad Principem etiam, ejusque in Regno successores pertinere jus eligendi Abbatis Commendatarii in singulis vacationibus, quandiu ei placuerit Abbates Commendatarios ibi tolerare, eosque bonis Regii demanii perfrui: ad Principem pariter pertinere partes suas interponere in electione Abbatis Claustralis per Missos Dominicos a se deputandos, quandiu ei in animo fuerit, Cisterciensem Ordinem potiri redditibus, qui pro Florenti Ordine destinati a Principibus Neapolitanis fuerunt. Quapropter ejusdem Curia jussu prædictum Monasterium, & Abbatia S. Joannis Florentis describatur in libris Curia inter alias Ecclesias, Monasteria, & Abbacias Regii patronatus. Salvo tamen jure Principis vindicandi, si velit, Regio demanis bona generatim omnia in memoratis concessionibus comprehensa ob extinctionem in Regno Florenti Ordinis, cum quo Neapolitani Principes liberalitatem suam exercuerunt.*

In causa D. Jacobi Migliaccio cum D. Joanne Baptista Cigala Principe Tirioli super Abbatia Sancta Maria vulgo dicta delle Scalelle. Die 2. Junii 1781.

Jacobus Migliaccio Regiæ Cameræ denunciavit; Abbatiam S. Mariæ, vulgo dictam *delle Scalelle*, in territorio feudi Tirioli positam, ad Regium patronatum pertinere. Ei se opposuit D. Jo: Baptista Cigala Tirioli Princeps contendens, ejus Abbatia patronatum ipsius feudo cohærere. A providen-

dentissimo Rege Ferdinando mandatum Curiae Capellani Majoris, ut eam controversiam sententia sua definiret.

Ita Partibus auditis, & productis documentis perpenſis, primo conſtitit, Baroniam Tirioli, Cimiliani, & Roccae Felluccae ſaeculo XV. ad antiquos Catanzarii Comites pertinuiffe, eoſque jus patronatus in controverſam Abbatiam exercuiſſe: eodem vero ſaeculo ob perduellionem praedictorum Comitum, eorum feuda omnia per Alphoſum I. Aragonenſem publicata fuiſſe; anno quoque 1481. Tirioli, & Cimiliani feuda a Catanzarii Comitatu fuiſſe decerpta, ac Sabato Carafa vendita; Galeottum Carafa, qui in Baroniam Tirioli ſucceſſerat, quo jure maximo ad Catanzarii Comites pertinuerat, praſentis controverſiae cauſa articulos inſtituiſſe, ac multos produxiſſe teſtes, qui unanimi conſenſu fidem fecerunt, Catanzarii Comites Galeotti deceſſores ejus Abbatiae cauſa Rectorem nominaviſſe, quoties eam vacare contigiſſet.

Praeterea conſtat, die 1. Julii anno 1499. praedictum Galeottum Comitatum Terrae Novae a Rege Friderico Aragonenſi emiſſe, ejusque contractus cauſa Regiae Curiae ceſſiſſe Baroniam Tirioli per id temporis a ſe poſſeſſam: ſub initio vero ſaeculi XVI. per Ferdinandum Catholicum ſubacta Calabria, & cum ea Comitatu etiam Terrae Novae, a praedicto Rege eundem Terrae Novae Comitatum Conſalvo Ferrando conceſſum, qui celebritate ſua Dux Magnus eſt appellatus. Expulſis e Regno Gallis, Galeottus Carafa eo Comitatu a Ferdinando privatus, iplius reſtitutionem a Rege petiit. Ita aequitatis offendendae cauſa Ferdinandus, cum Terrae Novae Comitatus Magno Duci conceſſus eſſet, ut indemnem Galeottum ſervaret, Diplomate ſuo 20. Februarii anni 1505. in Civitate Tauri in Hiſpania, Galeotto conceſſit, donavit Tiriolum, Roccam Falluccam, Cimilianum, Giralcum, Calandam, Claramvallem, Philoſum, aliaque feuda, cum variis juribus, ſpeciatim vero, cum *juribus patronatus ad Baronem ſpectantibus*, & cum titulo, & honore Comitatus jure tam optimo, maximoque, quam quo antea de Comitatu Terrae Novae ſtatueret poterat.

B b 2

Con-

etiſi patronatus ipſe omnino Regius evadat; cum tamen feudum denuo concedatur, ſimul cum omni cauſa, & juribus patronatus; Idem patronatus jus feudo denuo cohaerere conſtat, atque ad poſſeſſorem immediate, mediate vero ad Principem ſpectare.

Constat quoque Galeottum decessisse, antequam prædictorum feudorum possessionem nancisceretur. Ita Gurrellius eo prognatus a Ferdinando Neapoli agente supplici libello petit, ut eorum nova concessio sibi fieret. Rex igitur alio Diplomate suo in Castronovo 21. Februarii anni 1506. rem totam narrans eadem feuda denuo Gurrello concessit iisdem cum juribus, quibuscum Patri concessa fuerant; ac speciatim cum juribus patronatus ad Baronem spectantibus. Concessit etiam Montispavonis Terram, his additis: *Fidelitate tamen nostra, feudali quoque servitio, & adoba, beneficiis insuper Capellaniarum, & juribus patronatus Regalibus, si quæ sunt in dictis Terris, Castris, & locis, & collationibus earum, nobis, heredibus, & successoribus nostris in dicto Regno salvis, & penitus reservatis.*

Liquet insuper anno 1537. Ferdinandum Carafa Nucerii Ducem, prædicti Gurrelli successorem, ad Abbatiam S. Mariæ Tirioli nominasse Cæsarem Schipanium; ejus etiam nominationis respectu in ipsius favorem Bullas Pontificias fuisse expeditas; prædictum vero Ducem Officiali Tirioli mandasse, ut ejus Abbatie possessionem Schipano daret, eique Abbatie redditus solvi curaret.

Constat itidem anno 1555. prædictum Schipanium ea Abbatia se ultro abdicasse; Pontificem vero Paulum IV. eam contulisse Francisco Carafa, in Bullis addito, prædictam Abbatiam esse *de jure patronatus dilecti filii nobilis viri Ferdinandi Carafa Ducis Nuceria*; collationem quoque ea lege fecisse: *dummodo dicti Ferdinandi moderni Ducis, ipsius Ecclesiæ Patroni, accedat assensus.*

Ex prædictis etiam documentis liquet anno 1601., eadem Abbatia vacante, ob Francisci Carafa mortem, novi Ducis Nucerii Balium, ob vetus jus patronatus, in Curia Nicastræ Cæsarem Carafa ad prædictam Abbatiam nominasse: a Vicario generali quidem ad ostendendum patronatum terminum fuisse datum, Episcopi certiorandi causa, qui eam causam sibi reservaverat; Episcopum vero, neglectis probationibus, Rinaldo Monacho fratri suo Abbatiam contulisse eodem anno 1601.

Con-

Constat quoque anno 1610. Ducem Nucerii Comitis Carolo Cigala vendidisse Baroniam Tirioli cum Terris Cimiliani, & Roecæ Falluccæ, earumque vicis, cum *juribus patronatus Ecclesiarum, & juribus præsentandi in eis*: interea vero, cum a Duce Nucerii in minori ætate constituto in alterius dominium migrasset Tirioli feudum, prædictum Rainaldum Monachum Episcopi fratrem, cum per plures annos Abbatiam detinuisset, eam renunciasse cuidam Siculo cognomento Paduano, annua pensione retenta duc. 400.; prædictum vero Paduanum eandem, sub eadem pensione, renunciasse Marcello de Bonis, per prædictum tamen Marcellum eadem Pontifici resignata, Cardinali Virili per Pontificem fuisse collatam.

Liquet etiam, anno 1633. Joannem Baptistam Cigala Caroli successerem, omisso Judice competente, Pontificem Urbanum VIII. interpellasse, eique pertinentia patronatus exposita, ac spoliatione per Nicastræ Episcopum adversus se facta, Abbatie restitutionem petiisse; vicinum vero aliquem Episcopum delegari de controversia cogniturum. Revera controversia delegata fuit Episcopo Martorani, amplissima facultate instructo. Judicio autem per Martorani Curiam compilato, audito Nicastræ Episcopo, ab ea ita pronunciatum 27. Februarii anno 1634. *D. Joannem Baptistam Cigala utilem Dominum Status Tirioli fore, & esse reintegrandum, & in pristinum statum reducendum, & restituendum ad jus patronatus Baronale Abbatie nuncupata S. Mariæ delle Scalelle existentis in Territorio Tirioli, prout præsentis decreto reintegramus, & ad pristinum statum reducimus, & restituimus. Sic nos dicimus, & sententiamus, dictum jus patronatus spectare pleno jure ad ipsum Principem Tirioli, suosque heredes in dicto Statu, non obstantibus supradictis collationibus factis, & inauditis ipsis Dominis Patronis, tanquam nullum præjudicium afferentibus quoad futuram præsentationem.*

Idem constat, ea decisione contenta, post Cardinalis Virilis obitum a Romana Curia mense Jul. ann. 1634. Abbatiam fuisse collatam Abbati Hieronymo Lanfranco. Scriptum qui-

quidem in Bulla fuit, quod Abbatia, ut *affertur de jure patronatus laicorum nobilium, videlicet pro tempore existentis Principis Tirioli ex fundatione, & dotatione exiit*: statim tamen additum, Abbatiam vacasse obitu Cardinalis Virilis apud Sedem. Proinde Pontifex ita loquitur: *dicto juri patronatus, si quod sit, in totum, attenta vacatione per obitum in Curia prædicta hac vice dumtaxat harum serie specialiter, & expresse deroganter*. Quamvis vero prædictus Jo: Baptista Cigala contendisset in Curia Capellani Majoris, ne executioni mandarentur prædictæ Bullæ, utpote juri suo adversantes; ea tamen cum voto Andreæ Provençalis per id temporis Consultoris, ad Principem retulit, executioni mandari posse, quia in ipsis Pontifex speciatim derogaverat juri patronatus ob vacationem in Curia apud sedem; id factum tamen salvo Principi Tirioli in posterum jure ob patronatum ei competentem. Cum tamen Princeps adversus prædictam relationem appellasset, a Collaterali Consilio appellationis susceptæ causa Consultor Curiaë datus Scipio Theodorus, cujus quoque jussu prædicta relatio executioni mandata fuit.

His accedit, quod vacante Abbatia anno 1659. ob Hieronymi Lanfranci mortem extra sedem, Princeps Jo: Baptista Cigala Curiaë Episcopali Nicastrî nominavit filium suum Franciscum. Citationibus autem per edictum expeditis, atque ad probandum patronatum documentis exhibitis, ei institutio concessa fuit 11. Junii anno 1659.

Præterea apparet, anno 1701. post mortem Francisci Cigala, Principem Jo: Baptistam instituendum nominasse Cæsarem Antonium Cigala. Rursus de Abbatia tunc disceptatum inter Nicastrî Episcopum, & Tirioli Principem. Acta quidem transmissis ad Romanam Curiam, ab ea judicatum, non constare de jure patronatus: ab eadem quoque Cardinali Corsini statim collata fuit. Verum prædictus Princeps meliori consilio instituto, apud Proregem conquestus est de nova spoliatione, quam meditabatur Romana Curia non minus adversus se, quam Fiscum quoque. Nam Fiscus quoque damnum spoliatio complectebatur. Controversia enim feudalem patronatum

natum respiciebat, qui una cum feudo ad Fiscum deferri poterat. Hinc a Prorege petiit ne se non audito, executioni Bullæ demandarentur. Ita vero præscriptum a Prorege fuit die 18. Januarii anni 1704.

Rursus liquet, Bullis pro Cardinali Corsini expeditis nusquam productis, interea vero Abbatæ redditibus Roman pervenientibus, qui Commissario Apostolico solvebantur, Princeps Cigala anno 1707. denuo expostulationes suas ad Proregem detulit circa spoliū, quod adversus se comptabatur, quod quidem ob causas supra expositas, & ob devolutionis casus, detrimentum Fisci quoque complectebatur. Rursus postulavit, ne executioni Bullæ demandarentur se, & Regio Fisco non audito. Addidit in libello supplici, ut interea temporis destinaretur Regius Oeconomus, qui fructus perciperet, ut porro persolverentur Abbati a se nominato. Ita Collaterali Consilio placuit, ut petitio Fisco Regalis Patrimonii nunciaretur: a Fiscis autem Patrono ita libellus conceptus fuit 1. Octobr. ann. 1707.: *Fiscus vixit actis inheret memoriali pro denegatione Regii exequatur, & audiri pro manutentione ad beneficium utilit Domini, & per consequens ad beneficium Domini directi, instando ad id capi opportuna expedientia, & interim pro asscuracione fructuum.* Eo oblato libello Collaterale Consilium 2. Septembris ann. 1709. in mandatis dedit Regenti. Delegato Regalis Jurisdictionis, ut opportune provideret. Referente autem prædicto Regente, viro scilicet clarissimo Cajetano Argento, ita cautum a Collaterali Consilio die 19. Junii anni 1711.: *Curia Rev. Regii Capellani Majoris justitiam faciat respectu manutentionis petita per Regium Fiscum; & utilem Dominum Status Tirolis, & interim destinetur Oeconomus pro exactione fructuum dictæ Abbatiæ, seu Redtoris Sanctæ Mariæ nuncupatæ delle Scalelle.*

In executionem prædicti decreti per Curiam Capellani Majoris, Fisco adprobante, citationes per edictum expeditæ fuerunt. Opportunis autem documentis processu instructo, ac pluries petito, ut causa definiretur, tandem 22. Decembris anni 1711., Philippo Caravita celebri samæ viro per id temporis ordinario Consultore, per Curiam pronunciatum fuit:
Ille-

Illustri Princeps Tirioli manuteneatur, & quatenus opus sit re-integretur in possessione, seu quasi, nominandi, & presentandi Rectorem, seu Beneficiatum in prædicta Abbatia, seu Rectoria S. Mariæ delle Scalle, sita in Territorio Terræ Tirioli, de jure patronatus familiæ dicti Ill. Principis Tirioli, uti annesso feudo Terræ prædictæ: Et provide D. Cesar Antonius Cigala Rector, seu Abbas, uti presentatus in dicta Rectoria, seu Abbatia a dicto hodierno Ill. Principe; immitatur in possessionem ejusdem Rectoriæ, seu Abbatie, una cum perceptione fructuum, reddituum, ac proventuum ejusdem a die presentationis factæ per dictum Ill. Principem, amato Oeconomo destinato pro exactione fructuum prædictæ Abbatie, pro cujus executione partes adeant Regium Collaterale Consilium. Eo autem negotio in Regio Collaterali Consilio mature discussio, referente eodem Cigaretano Argentio, ita placuit: Che si serva S. E. di scrivere al Vescovo Diocesano, ob' essendo già decisa la causa a favore del Regio Fisco, e del Principe di Tiriolo, spedisca le Bolle in beneficio di D. Cesare Antonio Cigala, nominato dal detto Principe, ed intanto l'Economo presente desista. E S. E. si degni di nominare altrq Economo a soddisfazione dell' istesso Principe di Tiriolo.

Electus a prædicto Principe fuit fructuum percipiendorum causa Oeconomus D. Petrus Governa, ejusque electio effectum obtinuit, sed præcepta ad Nicastrum Curiam, ut institutio daretur Abbati, nominato per Tirioli Principem, licet sæpius repetita, executioni non fuerunt demandata ob perviciam Episcopi adlaborantis, ut collatio libera foret. Eam vero ob causam vanum illum obtentum allegavit, controversiam pendere scilicet in Romana Curia.

Ea fuit rerum facies ad annum usque 1721., neque ejus controversiæ causa aliud factum ad annum usque 1779. Eo tandem anno per Jacobum Migliaccium Regiæ Coronæ nunciatum fuit, prædictam Abbatiam S. Mariæ Tiriolensis esse Regii juris patronatus. Ei contradictor existit hodiernus Tirioli Princeps contendens, exploratum videri, patronatum in prædictam Ecclesiam Tirioli feudo coherere; id liquido constare ex ipsius Curie decisione ann. 1711., quæ ab ipso Col-

lateralis Consilio exequutioni demandata fuit . Eam ob rem Rex clementissimus Divalibus suis Curiae mandavit , ut æquius melius definiret , utrum prædicta Abbatia ad collationem Pontificiam , an Regiam pertineret . Ita Jacobus Migliacciuss rursus libellum suum Curiae obtulit ; Regiæ etiam Coronæ Advocatus in eadem insequentem petitionem instituit : *Fiscus Regalis Coronæ instat per Curiam Capellani Majoris reintegrari juribus Majestatis Abbatiam seu Rectoriæ delle Scalelle cum omnibus bonis , juribus , & pertinentiis , & cum jure eligendi Abbatem , seu Rectorem in omni casu vacationis , ac describi in libris dictæ Curia inter cetera Beneficia ad Regem nostrum , ejusque successores in Regno spectantia .*

His omnibus , ac rebus alias judicatis , rite perpensis , de tota controversia Curiae Ill. & Rev. Capellani Majoris ita visum .

Quod ad eum controversiæ articulum , utrum scilicet Abbatia S. Mariæ Tiriolensis ad Regiam , an Pontificiam collationem pertineat , ea in re Curiae visum aliam sententiam proferri non oportere ; satis in eam rem esse sententiam ab eadem Curia prolatam ann. 1711. , quæ rei judicatæ auctoritatem obtinuit . Jam inde declaratum , patronatui Abbatiam subesse , nulla ratione habita collationis factæ per Romanam Curiam , quæ ideo effectu caruit . Cum igitur exinde collationis Pontificiæ nulla ratio fuerit habita , eo de articulo nova Curiae declaratione nil quicquam opus . Quapropter illud tantum in disceptationem venire debet , utrum patronatus ad Regem ipsum immediate , an mediate pertineat , tamquam feudalis scilicet , & feudo Tirioli inherens .

Controversia ita proposita , Jacobus Migliacciuss , qui Abbatiam Fisco nunciavit , contendit eam ad Fiscum immediate pertinere . Is ait , patronatum S. Mariæ Tiriolensis olim pertinuisse ad antiquos Catanzarii Comites , qua quidem in re , ob probationes in judicio deductas litigantes conveniunt , eorum perduellione feuda ipsorum fuisse publicata ; ita ad Fiscum rediisse una cum patronatibus , ceterisque juribus ipsis hærentibus ; ita etiam factum , ut patronatus controversus

Tom. I. Cur. Cap. Maj.

C c

quo-

quoque Regalis evaserit, & ad ipsum Regem immediate pertinere cœperit; Ferdinandum quidem Catholicum Galeotto Carafa pro Comitatu Terræ Novæ concessisse Tiriolum, aliaque feuda, expresse tamen sibi, suisque in Regno successores reservasse Regios patronatus prædictis feudis hærentes, ita controversum patronatum in concessione non comprehensum, atque exinde ad Regiam Coronam immediate pertinuisse.

Enimvero prædictum delatoris argumentum factæ corruit, si ipsa Ferdinandi declaratio tantisper inspiciatur. Is enim diserte declaravit, se Tiriolum, aliaque feuda concedere cum *juribus patronatus ad Baronem spectantibus*. Inde autem liquido constat, quod quamvis post feudorum publicationem in Regem immediate migraverit jus nominandi ad patronatus ipsius hærentes; ipse tamen Rex privilegio suo Baronum jura restituit. Is enim in Diplomate suo aperte distinguit patronatus, qui superioribus temporibus ad Barones pertinuerant, eosque, qui Regi reservati erant. Quod ad patronatus tamen immediate Regios, dubitandus rem loquitur Ferdinandus, ut liquet ex clausula Diplomatis, *si quæ sunt in dictis Terris, Castris, & locis*. Fieri enim poterat, ut nulli in feudis patronatus forent immediate Regii. Ea de re Ferdinandus incertus, excepit in concessione quidem patronatus immediate Regios, in ea tamen contineri jussit eos, qui feudis hærentes ad Barones pertinuissent. Enimvero ipse delator in libellis suis exposuit, controversæ Abbatæ patronatum pertinuisse ad Catanzarii Comites, qui & Barones Tirioli erant. Eum igitur in concessione comprehensum oportuit. In ea enim patronatus ad Barones pertinentes concessi fuerunt; Rex sibi eos reservavit, si qui fortasse forent immediate Regii.

Sane publicato, aut ad Principem devoluto feudo, qualitas feudalis extinguitur, neque enim sibi met Princeps feudale servitium præstare potest. Si Princeps tamen, feudi forma non immutata post devolutionem de eo rursus alterum investiat, ex communi Doctorum sententia id traditum intelligitur cum omni causa, & quo jure, quaque conditione
apud

apud veterem possessorem erat, nec quicquam innovatum in eo censetur, nisi in investitura diserte expressum id fuerit. Atque id quidem juris in re dubia constitui debet. In præsentis controversia tamen eo argumento non opus in aperta Principis voluntate. Rex enim Ferdinandus in nova Tirioli concessione de veteri Baronum Tiriolensium jure non solum nihil imminuit, sed & expresse edixit, se illud concedere cum iisdem patronatibus, qui ad Baronem antea pertinebant, eosque sibi reservavit tantum, si qui immediate Regii inibi forent.

Quæ hæcenus dicta sunt majoris momenti videbuntur, si observetur, temporibus memoratæ concessioni propioribus jus patronatus in prædictam Abbatiam Barones sine controversia exercuisse. Insequentis quidem temporibus, & ab ætate Ferdinandi dissitis, molestia iis creata fuit, & turbationem in possessione sunt passi: id ipsum tamen non inde contigit, quia crederetur patronatus immediate Regius, & Principi reservatus; sed inde potius, quia Nicastræ Episcopi, & cum ipsis Romana Curia, cœptarunt haud semel patronatus memoriam abolere, ut de Abbatia pro libitu statuere possent; sed & ejusmodi ausus in judicio rite instituto coerciti fuerunt a Tirioli Principibus, eique Fiscus non contradictor quidem, sed defensor extitit.

Ea in re tamen decretoria prorsus videtur res judicata anno 1711., quo quidem in judicio Fisci Patronus adfuit Consilii Collateralis jussu. Ibi Fisci Patronus libello suo manutentionem petiit *ad beneficium utilis domini, & per consequens ad beneficium domini directi*. Eo autem ad finem usque litis in judicio præsentæ, secundum suum libellum a Curia pronunciatum fuit, ut manuteneretur Tirioli Princeps, & quatenus opus redintegraretur in possessione nominandi ad prædictam Abbatiam *de jure patronatus Ill. Principes Terra Tirioli, uti annexo feudo Terra prædictæ*. Ea vero sententia vim obtinuit rei judicatæ, eamque Collaterale Consilium executioni demandari jussit. Cum ita res transacta fuerit, non licet Regio Fiscio suæmet petitioni se opponere: multo minus ei licere

debet impedire exequutionem sententiæ juxta libellum suum prolatæ, quæ neque gravamine ullo suspensa fuit, & ab annis usque septuaginta rei judicatæ auctoritatem obtinuit.

His ita perpensis, Curia visum, libellum ab Advocato Coronæ, Viro clarissimo, conceptum ita admitti oportere, ut conveniat cum intentione Fisci declarata ab Advocato Fiscali ab ipso anno 1707., Abbatiam scilicet S. Mariæ Tirioli, seu delle Scalelle ad jura Majestatis mediate redintegrandam, ita ut per intermediam personam Principis Tiriolensis patronatus exerceatur, cujus feudo inhæret. Hinc ita ab ea pronunciatum, cum voto Domini Regii Consil. D. Dominici Potenza ordinarii Consultoris: *Jus patronatus in Abbatiam S. Mariæ Tirioli, seu delle Scalelle, mediate ad Regiam Coronam pertinere, intermedio scilicet Tirioli Principe, tamquam ipsius feudo cohærens; ac jus patronatus immediatum, feudi concessione durante, ad prædictum Principem, ejusque in feudo successores pertinere, cum facultate eligendi Abbatis, seu Rectoris, quoties Abbatiam vacare contigerit. Proinde exequutioni mandetur decretum ejusdem Curia sub die 22. Decembris anni 1711., in cujus exequutionem Tirioli Princeps manuteneatur, & quatenus opus redintegretur ei possessio nominandi Abbatis, seu Rectoris prædictæ Abbatia, qui percipiendorum fructuum facultatem habeat, cum onerum adimplemento. Ipsa autem Abbatia referatur in libros Curia inter alias Ecclesias, & Abbatias patronatus feudalis, in quas jus immediatum Barones, mediatum Rex habet; oppositis, & deductis per Jacobum Migliacicio non obstantibus.*

In causa Regii patronatus in Abbatiam S. Leonardi de Amendolara, vulgo delle Mattine. Die 13. Julii 1781.

Ob fundationem, dotacionemque jus patronatus in Ecclesiam conceditur. Feuda, alique corpora ab Ecclesiis possessa, quæ non-

Dominicus Ciaraldo causarum Patronus supplici libello Regem oravit, ut sibi demandaretur patrociniū Regii patronatus in Abbatiam S. Leonardi de Amendolara in Apulia constitutam, quæ de *Matinis* vulgo dictatur. Rex optimus precibus ejus indulgens prædictæ Abbatia patrociniū ipsi detulit codicillis suis, eo tamen addito, ut id fieret cum intel-

telligentia Regiæ Coronæ Advocati. Ita prædicti patronatus causa iudicium institutum fuit, ut in ejus possessionem Regia Corona redintegraretur. Citationibus igitur per edictum controversia nunciata omnibus, quorum fortasse interesset, ac termino probationibus præstituto, ad causam adprobendam plura in iudicio producta sunt monumenta.

nisi a Principe concedi possunt, Regiam fundationem, donationemque ostendunt.

Ex productis autem monumentis liquet, sæculo XII. in Neapolitano Regno, non sine Regum Neapolitanorum studio, domicilium sibi constituisse Equites Ordinis Theutonici Hierosolymis primum exortos; ab eorundem vero Regum munificentia retulisse, ut Sedes suas constituerent in Divi Leonardi Templo, ac Monasterio eidem adnexo: tractu etiam temporis memorato Monasterio diversas Grancias unitas esse alibi in Regno positas. Ita Domus isthæc cum Granciis ipsi hærentibus evasit dependentia quædam vetustioris Hospitalis S. Mariæ Theutonicorum Hierosolymis ab initio constituti, atque inibi prædicti Ordinis erecta *Perceptoria*, quam vocant. Ob favorem vero, quo Theutonicos per id temporis prosequerentur Neapolitani Principes, præter singularia privilegia, ipsis concessa sunt feuda, ac speciosa prædia, unde ingentes redditus percipiebantur, præsertim ob munificentiam Imperatoris Friderici II., apud quem Hermannus Magnus Ordinis Magister in maxima æstimatione fuit. Atque ea quidem fuit origo bonorum omnium, quæ a Monasterio Divi Leonardi sunt acquisita, quod corversum fuit in Abbatæ formam.

Res hætenus quidem expositas ita fuisse transactas, Regum Neapolitanorum Diplomata complura ostendunt. Eo primo pertinet Diploma Friderici II. Nürimbergæ scriptum anno 1216. mense Decembri. In eo Imperator intuitu eximie religionis & honestatis Hermanni, quem Magnum Ordinis Theutonici Magistrum fuisse vidimus, prædictæ Domui Hospitali concessit *de demanto nostro in tenimento Asculi locum, qui dicitur Bisclillerum, cum terris aratoriis pro quadraginta octo aratris, cum omnibus juribus, libertatibus, fructibus, & pertinentiis suis, liberis, exemptis, & francis ab omni onere servitutis.*

Eodem collineat quoque aliud ejusdem Imperatoris Diploma

ploma Catinæ scriptum anno 1221. mense Decembri. In eo piensissimus Princeps perpendens, quod Sacra Domus Hospitalis S. Mariæ Theutonicorum a Divo qu. Augusto Imperatore Friderico avo nostro pietatis intuitu propagata, & a Domino qu. Imperatore Henrico inclytæ recordationis patre nostro rebus, ac libertatibus præmunita, incrementum suscepit spiritualiter, ac temporaliter; perpendens etiam celebrem vitam, & honestæ religionis cultum, quibus dilectus in Domino Frater Hermannus Magister Domus Hospitalis ejusdem, & frater suus clarere noscuntur, in suam tutelam, ac mundiburgium speciatim recepit eandem Sacram Domum, & ab ipsa quaslibet derivatas; fratres, confratres ipsorum, cum omnibus bonis suis stabilibus, & mobilibus, quæ per totum Regnum nostrum rationabiliter possident. Ibidem addidit eidem se confirmare omnia privilegia, & scripta quaslibet tam a Parentibus nostris, quam a Nobis sibi pia liberalitate concessa, necnon etiam Castra, Casalia, homines, & possessiones, quæ donatione Regum, concessione Principum, & oblatione fidelium, siue quolibet alio justo titulo est adeptæ. Res autem in eam collatas immunes esse iussit a publicis quibuscumque functionibus; angariis, servitutibus, eidem Domui facultate concessa aquandi, pabulandi, lignandi per omnia demanii sui prædia.

Res hæcenus quidem expositæ apertius confirmantur alio ejusdem Friderici Diplomate Melfi scripto mense Septembri anno 1231. In eo fundationem prædictæ Domus diserte tribuit suorum Augustorum Parentum liberalitati, quæ ei causa erat, ut ad eam magis locupletandam propensus esset. En ipsa Imperatoris verba: Si Ecclesias, inquit, & Religiosa loca Divinæ Majestatis intuitu, per quam feliciter imperamus, pia tenemur devotione favere: illas tamen ampliare volumus beneficio liberali, quas Progenitores nostri Divi Augusti recordationis inclytæ fundaverunt, præcipua in eis beneficiorum, & gratiæ privilegia conferentes. Hac itaque consideratione inducti, & attendentes fidem puram, & devotionem laudabilem fratris Hermannî Venerabilis Magistrî Domus Hospitalis S. Mariæ Theutonicorum, & Conventum ipsius fidelium nostrorum, quibus semper nostræ celsitudini placuerunt . . . de innata liberalitatis nostræ gratia, qua benemeritis,

tis, & fidelibus nostris confurvimus providere, donamus eis, atque concedimus prædictæ Domui Hospitali in perpetuum in demanio nostro in tenimento Asculi, in loco, qui dicitur *Aqua lata prope Cornitum*, terras laboratorias pro quadragintaquinque aratris, cum omnibus juribus, & pertinentiis earum, liberas, & francas, & ab omni onere servitutis exemptas.

Suam etiam liberalitatem exercuit cum prædicta Theutonicorum Domo Rex Robertus Diplomate suo die 23. Maji anni 1313: In eo enim ad petitionem *Religiosorum virorum Fratrum Beatæ Domus Hospitalis S. Mariæ Theutonicorum in Barulo*, ejus Ordinis Religiosis conservata fuit possessio, ac perceptio pascuorum in prædiis ad eum usum comparatis, ab eis vero possessis in pertinentiis *Terrarum Baruli, & Troje in Jusitiariatu Terræ Hidrunti, & in aliis Regni partibus*, itaque molestia liberati fuerunt, quæ eis inferebatur.

Quæ hac usque recensuimus, de Regia controversiæ Domus fundatione dubitari non sinunt. Quod tamen potissimum ostendit bonorum immensitatem, quæ ab ejus ævi Principibus, præsertim Henrico VI., ejusque filio Friderico, Domui Theutonicæ Ordinis concessa fuerunt, est Ludovici Regis Diploma Fogiæ scriptum anno 1360. mense Febuario. In eo scilicet recensentur prælia complurima, feudalis qualitatis omnia, ei concessa. Rerum igitur donatarum ipsa qualitas probat, eas Sacræ Domus dotandæ causa a Regibus Neapolitanis fuisse profectas, atque a Regio demanio fuisse divulsas. De rebus vero donatis ne qua porro Religiosis controversia fieret, earum novam concessionem prædicto Diplomate Ludovicus fecit, illud edicens, ut ab omni feudali servitio, atque aliis oneribus immunes per eos retinerentur. Rem omnino efficiunt ipsa Diplomatis verba. Sic enim ibi: *Pro parte Venerabilis, & Religiosorum virorum Magistri Perceptoris, & Fratrum Sacræ Domus Hospitalis S. Mariæ Theutonicorum Hierosolymitanæ in Barulo*, tam nomine, & pro parte ipsius Domus, quam aliorum membrorum, & Granciarum ejus in Regno prædicto existentium, devotorum Oratorum nostrorum, fuit noviter Majestati nostræ lamentabili insinuatione monstratum, quod ipsi, dictaque Do-

mus,

mus, & ejus membra habent, & possident bona feudalit, cum juribus, fructibus, & pertinentiis, sine onere, & absque feudali servitio, qua nobis constare fecerunt, & sunt subsequencia, videlicet: Feudum, Terraticum, vel Mezana sub vocabulo S. Leonardi, situm, & positum circumcirca Domum Hospitalis: Feudum vel Mezana dictum de lo Candelaro, cum Feudo dicto de lo Macerone: Versura quadraginta octo feudales sita, & posita in Feudo de S. Quirito: Feudum de Campo nominatum de Santa Tecchia: Feudum dictum de Belvedere: Feudum nominatum della Mandrolla, vel Santo Ricciardo, situm, & positum in Territorio S. Severi: Flumen feudale dictum Api: Feudum dictum de la Gauta in Territorio Fogie: Maxaria feudalit dicta de l' Amendola: Feudum S. Pauli dictum de Ficoreta in Territorio Troja: Taberna feudalit sita & posita in dicta Civitate Troja: Forma sive Padulia feudalit pro venatione in Territorio Manfredonia cum tribus versuris similiter feudalibus. Alia Feuda sita & posita in Territorio Ascoli, videlicet, Monte Corbo, Monte d' Alessandro, Valle lugara, Puteum, Zingarum, Turris Macinentis, & Demania S. Spiritus: Terratica, vel Mezana feudalit, dicta de Fiumemorto: Feudum dictum Torre de Cani: Turris Alemanna, cum Maxaria, casaleno, panetaria, taberna, & horto, similiter feudalit: dua apotheca sita, & posita in Civitate Melpii cum sylva nuncupata S. Margarita, similiter feudalit: & Castagnetum feudale situm & positum in territorio Pescipagani. Ex eodem Diplomate constat predictos Religiosos addidisse, memorata feuda ipsis pleno jure, ac sine onere aliquo fuisse concessa; verum contra concessionis legem per Regios Quæstores ab ipsis petiitum igitur, ut ab hujusmodi molestia eximerentur. Ea vero de re ita Diplomate suo Ludovicus edixit: Quapropter nos, ut justitia faveamus, confirmantes ipsi Magistro Perceptor, & Fratribus, ac Domui, & Hospitali, & aliis membris, & Grantiis ejus, omnia privilegia, gratias, & concessiones bonorum predictorum feudalium: quatenus opus de novo concedimus omnia predicta bona sub natura feudali, absque tamen onere, seu feudali servitio, vel aliqua prestatione, prout domus ipsa, & ejus membra, ut prædicatur, possident.

Præ-

Præterea ex privilegio Alphonſi I. Aragonii Fogiæ evulgato anno 1442. 10. Decembris liquet, prædictum Principem ſingulari devotione ſua erga venerabile Monafterium, & Eccleſiam S. Leonardi dell' Amendolara, alias diſti delle Mattine, Religionis S. Domus Hoſpitalis S. Mariae Theutonicorum, ob preces etiam Magni Perceptoris prædictæ Eccleſiæ, ei conceſſiſſe, ut quotannis ex Salinis Manfredoniæ ſalis plauſtra decem acciperet in ſubſtentionem diſti Perceptoris, & Fratrum ibidem exiſtentium; ut quotannis etiam ex ejuſdem Civitatis portu exportandi ei jus eſſet decem frumenti plauſtra franca, libera, & exempta ab omni ſolutione juris tractæ, exituræ, & alterius cujuſcumque juris noſtræ Curie pertinentis.

Conſtat denique ex privilegio Atellæ ſcripto 9. Maji anno 1502. per Conſalvum Ferdinandum Cordubenſem, Ferdinandi Catholici in Regno vices agentem, eum ad preces Cardinalis Borgia per id temporis Abbatis Commendatarii venerabilis Eccleſiæ ſeu Perceptorie S. Leonardi dell' Amendolara, ſeu delle Mattine, Ordinis Beate Mariæ Theutonicorum in Hieruſalem, nomine prædicti Ferdinandi Regis confirmariſſe Principum conceſſiones omnes prædictæ Eccleſiæ factas. Per eam occaſionem igitur, non ſolum confirmata fuerunt Diplomata, quorum tenor occurrit in Conſalvi privilegio, ſed & complura alia, quæ in eo enunciantur, quæque fortaſſe in Tabulariis deliteſcunt. Ea ſcilicet conceſſa fuerunt prædictæ Sacræ Domui ab Imperatore Friderico II. menſe Junio 1219., a Rege Carolo II. Andegavenſi 6. Auguſti 1303., a Regina Joanna 30. Auguſti 1343., a Ludovico & Joanna 15. Aprilis 1363., a Rege Jacobo, & Regina Joanna II. 11. Maji 1416., a Rege Ladislao 27. Januarii 1397., & a Rege Ferdinando I. Aragonio 20. Januarii 1470.

Neque vero ſuperiora tantum Diplomata evincunt, controverſam Divi Leonardi Domum a Neapolitanis Regibus bonis Principatus fundatam, & dotatam eſſe: id ipſum quoque confirmat unanimis Hiſtoricorum conſenſus tum Neapolitanorum, tum exterorum. Tradunt enim Leander Albertus, Scipio Mazzella, Jacobus Lenfantius, Bernardus Juſtinianus &

Orelendius, Jacconius, aliqui non pauci per Dominicum Ciaraldi præsentis causæ Patronum producti, partem reddituum longe maximam in prædictam Domum a Friderico II. collatam esse. In vetustis autem rebus definiendis quantam oporteat consentientium Historicorum auctoritatem esse, nemo unus ignorat.

Præterea constat quoque, per Fratres Ordinis Theutonici Regno relicto, Ecclesiam, & Monasterium Divi Leonardi, ex more Romanæ Curie sequiori ævo introducto, ac vetustis Christianis ignoto, a Pontifice per commendationem fuisse collata. Ita feuda, aliaque bona avulsa a demanio Neapolitanorum Principum, eorumque pietate concessa Fratribus Theutonicis, ob operam ab ipsis impendi solitam non tantum pro Religione, sed pro ipsis quoque Principibus, per summam injuriam sunt addicta Abbatibus Commendatariis distandis. Id autem quam alienum fuerit a mente concedentium, æqui rerum æstimatores facile per se decernent.

His prænarratis, Curia Ill. & Rev. Capellani Majoris pro explorato habuit, Ecclesiam, ac Monasterium Divi Leonardi Ordinis Theutonici per Neapolitanos Principes fundata ac dotata fuisse. Quamvis enim in tanta sæculorum intercapedine, prima foundationis ac dotationis instrumenta desiderentur, ipsam tamen fundationem ac dotationem, si omnia desint, sola Friderici II. Diplomata satis ostendunt. In iis enim aperte declaratur, Augustos Parentes suos ejus Domus fuisse fundatores, eidemque non privilegia tantum, sed & dotis constituendæ causa non modica contulisse bona. Ex iis liquet etiam, ipsum Fridericum II. cum prædicta Domo suam quoque munificentiam mirum in modum exercuisse; singularis vero liberalitatis suæ eam rationem reddidisse, quod Dominus isthæc sua & incunabula, & incrementa a Parentibus suis agnosceret. Ea autem de re traditiones historicæ, antiquis factis probandis aptissimæ, dubitari non sinant. Sed & ipsa natura bonorum, quæ prædictæ Domui sunt concessa, Regiam dotationem satis evincit. Ea scilicet pleraque omnia feudalia sunt, & ad Regium natura sua demanium pertinentia:

da: a folis Regibus igitur a Regio Solio delibata concedi potuerunt. Eo accedit, quod bona isthæc a feudali servitio, ac reliquis publicis functionibus in concessione fuerunt exempta. Ejusmodi vero privilegium a summa tantum in Republica potestate concedi & debet, & solet. Ipsi Fratres Theutonici anno 1360. libello suo ad Ludovicum Regem concessionem bonorum ita sibi factam enarrant. Ab eodem Principe non nudam confirmationem, sed & novam concessionem petunt, & impetrant. Eam autem impetratam in judicio produxerunt, ut a jugatione, ac reliquis publicis oneribus immunes declararentur.

Cum igitur ob foundationem, ac dotationem ipsum jus Pontificium patronatum concedat *cap. 25. de jure patron.*, id Regi Neapolitano denegari non debet in Ecclesiam, ac Monasterium Divi Leonardi, cum de foundatione, ac dotatione a decessoribus suis facta liquido constet. Quapropter in prædictum patronatum Regia Corona redintegrari debet cum omnibus pertinentiis ipsi hærentibus, ac cum jure præsertim eligendi Abbatis quotiescumque res tulerit, quousque Principi placuerit, ut a Regio demanio delibata bona, ac in sustentationem Theutonicorum Fratrum addicta, Abbatibus Commendatariis ditandis inserviant; salvo jure Regis aliter statuendi de bonis ob extinctionem corporis, cui ab initio ea concessa vidimus. Hinc Curia, cum voto Domini Regii Consilarii D. Dominici Potenza ordinarii Consultoris ejusdem, ita pronuntiavit: *Ecclesiam, ac Monasterium Divi Leonardi de Amendolara, seu de Mattinis, cum feudis omnibus, bonis, juribus, redditibus, exemptionibus, Ecclesiis, Granciis, & pertinentiis omnibus, & quo jure, quaque conditione sunt optima, fuisse, & esse de Regio patronata; proinde in eum Regiam Coronam redintegrari oportere, sicut præsentis sententia redintegratur, ac restituitur, cum facultate eligendi Abbatis, quoties Abbatiam vacare contigerit, & cum reliquis juribus & patronatu pendentibus: salva facultate Principis facis statuendi de Abbatibus bonis ob extinctionem corporis, cui liberalitate Neapolitanorum Principum concessa fuerunt. Ne quando autem injuria temporum*

D d 2

jus

jus Principis calumniam patiatur, prædicta Ecclesia, ac Monasterium referatur in libros Curiae inter alias Ecclesias, & Abbatias, in quas jus patronatus Principi competit.

In causa Regii patronatus in Abbatiam S. Vincentii ad Vulturum, Die 11. Septembris 1781.

Ex fundatione, vel
dotatione jus patro-
natus promanet, et si
in fundationis tabu-
lis non reservatum.

IN Curia Capellani Majoris controversia est instituta de antiquissimo Monasterio Divi Vincentii ad Vulturum in Samnio posito, pluribus ab hinc sæculis per Romanam Curiam commendato, itaque contra fundatorum mentem dissoluto. Ea de causa Promotor Fiscalis judicio petiit, ut de ejus Regio patronatu pronunciaretur, atque in jus suum primævum Regia Corona redintegraretur. Ob eam actionem judicio rite instituto, denunciata lis fuit Monasterio Casinati possessori bonorum, quæ ad Vulturense Cœnobium pertinuerunt olim: citationibus etiam per edictum expeditis, idem factum cum reliquis generatim omnibus, qui susceptam controversiam sua interesse putarent. Ita probationibus termino præstituto, in ejus cursu a Promotore Fiscali vetera producta sunt monumenta, quæ ipsius intentionem adprobarent. Non alius vero judicio interfuit præter Casini Monasterium: ab eo autem significatum, se Regii patronatus redintegrationi non contradicere, omnemque ea de re controversiam remittere judicio Curiae. Edictalibus igitur contumaciis inculatis adversus eos, quorum fortasse interesset, quique ex more vocati vadimonium non stitissent, Curia ad controversiæ definitionem processit.

Ea in re Promotor Fiscalis veteribus monumentis ostendit, octavo ineunte sæculo veteres Beneventi Principes ad fundationem Monasterii Divi Vincentii Vulturensis & solum ad ejus extructionem dedisse, & magnam bonorum copiam ad Principatum pertinentium concessisse, ut inde Monasterium, ejusque Fratres, quorum magna frequentia ibi fuit, sustentare se possent: ab antiquis Beneventi Principibus concessiones factas a successoribus non solum confirmatas, sed au-

auctas etiam: eas mox concessiones amplissime confirmasse Imperatores, qui summum Imperium per Italiam exercuerunt: ob Monasterii vero celebritatem eosdem illud sub suum mundiburgium recepisse, eique Monasterii Imperialis jus concessisse: insequentis autem temporibus per Romanam Curiam commendationis titulo fuisse collatum: ita ob solitas Monasteriorum, & Ecclesiarum commendatarum vices, veteri splendore suo excidisse, Fratribus, qui ibidem degebant, omnino privatum. Liquet etiam ex monumentis productis a Monasterio Casinato, Vulturense Cœnobium in Abbatum Commendatariorum potestate relictum quotidianas deteriorationes, usurpationes expertum esse; denique anno 1698. ejus Abbatem Innicum Caracciolum Averfanum Episcopum ad novas ruinas amoliendas, illud uniri curasse cum Monasterio Casinato, ea sub lege, ut sibi, ac successoribus in commendatione quotannis persolverentur scuta quadrigenta & quinquaginta; id ipsum tamen sola Pontificis Clementis XI. auctoritate transactum, nulla Patroni Principis, ejusque consensus ratione habita.

Ad ea autem, quæ supra retulimus, comprobanda, Promotor Fiscalis produxit duo antiqua Chronica Farsense, & Vulturense, & Historiam ab Abbate Fleurio scriptam, Ecclesiasticorum Scriptorum consensu firmatam. Inde liquet, octavo ineunte sæculo tres illos Beneventi nobiles cognomento Paldonem, Tasonem, Tatonem, res sæculi deferendi certos, ac vitæ solitariæ, & austere cupidos, in eo vero consilio veluti manuductos per Thomam Monasterii Farsensis Abbatem, locum sibi delegisse prope ripam Vulturni fluminis, millibus ferme passibus distitum ab ipsius origine, ubi vetus Divi Vincentii Oratorium cernebatur, ibique decrevisse Monasterium extruere Benedictini Ordinis. Indidem liquet, eundem Abbatem Farsensem impetrasse a Gisulfo Beneventi Duce electi loci concessionem; Fratres qui eo confluerant, bonis suis exemplis, & vitæ integritate, concivisse in se studium ipsius Ducis Gisulfi, qui ipsis significavit, ut a se peterent quicquid ad ipsorum vitæ sustentationem necessarium

exi-

existimarent; ita per Gisulfum invitatos Fratres ab eo petiisse concessionem confinium prædiorum, ac Montium, Ecclesiarum etiam in finitimis regionibus extructarum, quæ desertæ erant. Quorum petitionibus, ut Farfensis Chronista tradit, Dux Clementissimus libenter annuens idem Monasterium pluribus rebus, ac possessionibus ditavit, & de quibus poposcerat præceptum faciens annulo suo roboravit.

Sane in eodem Diplomate relato in Farfensi Chronico, ita Gisulfus edicit: *Concessimus Nos Dominus vir gloriosus Gisulfus summus Dux gentis Longobardorum in Monasterio S. Vincentii Leuita & Martyris Christi, quod Ven. famuli Christi nobis carnis consanguinitate propinquit, Paldo, Tato, & Taso, pro Dei amore patriam, parentes, & mundi gloriam relinquentes, nuper edificare ceperunt in territorio Sacre nostre Civitatis Beneventane super Vulturni fluminis fontem, terras, & possessiones per designatos fines.* Inde descripti fuere fines prædiorum late patentium, quæ in Diplomate Monasterio concedebantur, & quæ montibus, ac fluminibus terminabantur. In concessionis Diplomate fuerunt additæ Ecclesiæ, ac Monasteria complura cum prædiis, quæ ad ea pertinebant, & cum cellis, curtiis, terris, vineis, pratis, pascuis, sylvis, piscationibus, aquis, rivis, molendinis, & omnibus rebus iisdem pertinentibus. Denique ibidem Gisulfus addit: *Denique pro stipendio servorum Dei concedimus etiam inchoatum Paldum, quem habemus in partes Liburia loco, qui dicitur Pantanum: id ipsum autem finibus late patentibus concludebatur.*

Alia quoque Diplomata in memorato Vulturnenſi Chronico ostendunt, anno 745. Gisulfum II. Beneventi Principem eidem Monasterio concessisse Ecclesiam S. Mariæ in loco Sano, cum omnibus pertinentiis suis, cum terris, aquis, aquarumque decursibus, ripis, piscationibus &c., cum pluribus aliis Ecclesiis eidem subiectis, concessa etiam facultate construendi pistrina intra descriptos fines in Calore flumine. Eidem quoque concessit Ecclesiam S. Columbe juxta Civitatem Soranam cum omnibus, quæ ei jure habendi concessimus, servis videlicet & ancillis, terris fertilibus, vel sterilibus, inchoatis hereditatibus in vallibus, vel montibus:

tibus: simulque cellam S. Juliani in Vico albo per sibi pertinentes fines: Curiam S. Castri, & S. Marie, quæ sunt ad S. Georgium, cum pertinentiis suis: simulque campum qui dicitur Borrani: & in Valle, quæ dicitur Sorana, Ecclesiam S. Stephani, cum omnibus suis pertinentiis. Liqueat etiam, anno 795. Grimoldum Beneventi Principem eidem Monasterio concessisse curtem nostram, quam habemus in finibus Territorii Benefrani cum terris, & montibus: ejus vero finibus designatis addidisse: Ideo in jam dicto Monasterio concessimus in integrum jam dictas terras, & montes, ad possidendum per jam dictos fines.

Constat etiam, anno 819. Ludovicum Pium Imperatorem declarasse, Josuè Abbatem S. Vincentii Vulturnenfis ei exhibuisse præcepta Longobardorum Principum, & Ducum, videlicet Gisulfi, & Sicardi, necnon & præceptum pie recordationis Domini & Genitoris nostri Caroli piissimi Augusti, petentem concessionum confirmationem sibi factarum. Ita prædictus Imperator Monasterio rursus concessit & confirmavit bona omnia, quæ in chartis sibi exhibitis continebantur, & speciatim cellam S. Sossii, cum inclita curte, & Valdum, qui est in partibus Liburie, qui dicitur Pantanum, quæ data est a Duce Gisulfo in prædicto Canobio: deinde similiter aliud Valdum conjunctum in eodem loco, qui datus est in eodem Monasterio a Sicardo Principe Beneventane Civitatis. Item concedimus, atque confirmamus in eodem Canobio Monasterium S. Petri, quod situm est in territorio Capuano non longe ab Arcu Diana, quod dicitur de Juntalo, cum Ecclesia S. Martini, quæ est in partibus Liburie, cum inclita curte, quæ dicitur Severano, & cum aliis Casalibus, & Territoriis, & præditiis, in loco, ubi dicitur ad Transangulum, sicut ejus præcepta continent & descriptiones: Ecclesiam S. Vincentii in Liburia, ubi dicitur Tremajola, cum omnibus territoriis suis: item Cellam S. Vincentii de Cume cum curte, & casis suis: item Cellam S. Georgii infra Salernitanam Civitatem: S. Vincentii in fundo Tensa, cum omnibus aliis Capellis, & pertinentiis eorum.

Constat etiam, non ita multo post Imperatores, qui per Italiam imperitarunt, hoc ipsum Monasterium sub suum mundiburgium recepisse, idque potissimum, quia extructum & do-

tatum fuerat ipsius Principatus bonis. Sane anno 851. divisione Beneventani Principatus inita inter Radelchisum Beneventi Principem, & Syconolphum Principem Capuæ, in Capitulari præter alia placuisse scribitur: omnium rerum SS. Ecclesiarum, Episcopatum videlicet, vel Monasteriorum sub regula degentium, seu Xenochorum, ibi census rationes redduntur de suis singulis substantiis, ubi capita sunt eorum, præter Monasteria S. Benedicti, & S. Vincentii, quæ sub defensione Domini Imperatoris Lutharii, ejusque filii Domini Ludovici Regis sunt.

Constat denique anno 941. Hugonem & Lotharium Italiæ Reges Diplomate declarasse, quod ipsis se sistens Præpositus Monasterii S. Vincentii Vulturnenfis detulit nobis præceptum prædecessorum nostrorum Imperatorum, & Regum, & Parentum nostrorum, videlicet Desiderii, Caroli, Ludovici, atque Lotharii, per quæ contulerunt ex suis rebus in præfatum Monasterium, & confirmaverunt res & possessiones sibi a Principibus, Ducibus, reliquisque fidelibus collatas. Unde præfatus Monachus & Præpositus nostram exoravit clementiam, ut eadem præcepta & legales scriptiones, necnon prædia per diversos fines Regni Italici conjacentia, eidem Cænobio collata, per nostram confirmationis præceptum in præfatum venerabilem locum confirmaremus. Hinc prædicti Principes Monasterio confirmarunt superiores omnes concessiones, & omnes res & possessiones per diversos fines Regni Italici positas, ac præsertim insequentia Monasteria nominatim expressa: Monasterium in honorem Beati Petri Apostoli constructum, positum in loco Trite Territorio Baluense: Et Monasterium quod nuncupatur S. Angeli in Barreggio. In Aprutio cellam unam in loco qui dicitur Arole. Item S. Mariam in duas Basilicas. Item Monasterium B. Petri Apostoli positum juxta fluvium Sabbati in Territorio Beneventano. Sed & cellam S. Sossii in Liburia cum toto ipso Gualdo in loco Pantano. Monasterium quoque Domini Salvatoris nostri Jesu Christi, quod positum est in Alife. Necnon Monasterium S. Georgii in Salerno, & Monasterium S. Mariæ in territorio Marficano, quod situm est in loco Apinianici, una cum castris, capellis, virulis, casis, terris, vineis, campis, pratis, pasculis, sylvis, piscariis, molendinis, aquis, aquarumque decursibus,

sibus, servis, & ancillis ad prælibatum Monasterium pertinentibus. Ad majorem autem ipsius Monasterii securitatem sub Diplomatis calcem addidere Principes: Recipimus propterea prætaxatum Monasterium cum omnibus prætaxatis Monasterii cellis, rebus & familiis, una cum Fratribus & Monachis ibidem Deo famulantibus sub nostræ tuitionis Mundiburdium.

His ita præstitutis, mirum profecto videri debet, quo tandem modo tantæ celebritatis Monasterium, a fundatoribus adeo locupletatum, quod tanto studio sunt prosequuti non minus memorari Principes, quam ipsorum etiam successores, in eam vicem pervenerit, quam hodie experitur. Id tamen totum imputari debet Abbatibus Commendatariis, qui a Regno plerumque absentes, & id unice studentes, ut redditus longe maximos, quoad ipsi viverent, inde perciperent; nusquam fuisse solliciti, quod Cœnobium a Monachis defereretur, ædificia corruerent, & bona ipsius dotalia maximam partem per invasores occuparentur.

Utrumque id sit, cum aperte liqueat, veteres Beneventi Principes, quo tempore per omnes ferme Regni Neapolitani Provincias summum imperium obtinuerunt, & solum ad Monasterii extructionem dedisse, & ei dotem constituisse, necessario inde sequitur, in prædictum Monasterium jus patronatus ad Principem pertinere. Nam & civili, & Pontificio jure cavetur, per fundationem, ac dotationem Ecclesiarum jus patronatus adquiri, *L. 15. Cod. de Sacros. Eccles. Nov. 123. cap. 18. Nov. 57. cap. 2. cap. Nobis 25. de jure patr.* Eo usque autem patronatus a fundatione & dotatione promanat, ut ipse cuicumque fundatori competat, licet in fundationis actu is diserte non reservetur, quod quidem ex enunciatis juribus aperte colligitur. Hinc liquet cur in prædictum Principum actis controversum Monasterium sub qualitate Regalis Monasterii designatum fuit. Nil igitur magis cum æquitate convenit, quam ut in patronatum prædicti Monasterii Regia Corona redintegretur.

Quod vero ad petitionem a Monasterio Casinate factam, ut scilicet in Monasterii Vulturnenfis patronatum Regia Corona.

Tom. I. Cur. Cap. Maj.

E c

rona

rona restituta, rata consistat ejus unio cum Casinenſi Cœnobio: ea de re Princeps optimus arbitrio ſuo ſtatuerere debet. Unio enim iſthæc unius Pontificis auctoritate facta, neque eo aſſenſu Principis confirmata, quem Regalia reſcripta requirunt, videlicet nudo, ſpecifico, ed emanato dal Trono, ab initio ſuo certe non conſtitit. Conva'eſcere igitur ea nequit, niſi principali numine confirmata fuerit. Proinde in præſenti rerum facie ejus unionis nulla ratione habita, Curia Ill. & Rev. Capellani Majoris, cum voto Dom. Reg. Conf. D. Dominici Potenza ordinarii Conſultoris ejuſdem, ita pronuncia- vit: *Monasterium S. Vincentii ad Vulturnum, bonis Principatus dotatum, extructum ab antiquis Principibus, qui in Neapolitanas Provincias jura Majestatis exercuerunt, fuisse & esse de Regio patronatu, cum omnibus suis Ecclesiis, Graculis, bonis, feudis, privilegiis, exemptionibus, ac pertinentiis quibuslibet, & cum facultate vindicandi bona omnia, quæ occupata fuisset fuerint. Proinde Regiam Coronam in dictum patronatum reintegrari oportere, cum facultate eligendi Abbatis Commendataril, cum in præſens, tum in futuris vocationum caſibus, & cum reliquis juri- bus & patronatu manantibus. In conſequentiam autem præſentis declarationis prædicta Abbatia referatur in libros Curia inter reliquas Eccleſias, Monasteria, & Abbatias Regii patronatus.*

In caſſa inter Canonicos Collegiate Eccleſie S. Michaelis Archangeli Plani Surrenti, Fratres Congregationis Mortuorum, & Univerſitatem dicti Plani, cum Rev. Archiepiſcopo Civitatis Surrentina. Die 17. Septembris 1781.

In collatione offici-
 ciorum Eccleſie re-
 ceptiæ, & mere
 patrimonialis inge-
 rere ſeſe nequit ſi-
 ve Romana Curia,
 ſive loci Ordinarius.
 Quæ Eccleſiis dan-
 tur in onerum mer-
 cedem, cum ex me-
 Regiis codicillis die 16. Februarii 1780. ad Cameram Regalem miſſis Principi placuit, ut Curia Ill. & Rev. Capellani Majoris cognitionem inſtitueret de controverſiis ſub-
 ortis inter Canonicos Collegiæ Divi Michaelis Archangeli de Surrenti Plano, Fratres de Sodalitio Mortis, prædicti Plani Univerſitatem, & Archiepiſcopum Surrentinum, quod ad Canonicatum collationem in prædicta Collegiata. Haſte-
 nus quidem Archiepiſcopus Surrentinus in menſibus ſibi reſer-

servatis prædictos Canonicatus libere contulit, duobus exceptis, in quibus prædictæ Ecclesiæ Gubernatores laici jus nominationis exercuerunt. Verum eadem Ecclesia Collegiata contendit, collationes ab Archiepiscopo factas abusivas fuisse, easque ad se pertinere. Contra prædicti Sodalitii Fratres controverforum Canonicatum nominationem ob jus patronatus sibi vindicarunt. Principi visum, totius controversiæ definitionem pendere ab examine juris patrimonialis ejusdem Ecclesiæ recepto ritu cognoscendi. Ita ei placuit, ut Universalitas, & ejusdem Ecclesiæ laici Gubernatores in hac Curia de patrimoniali jure judicium instituerent, & ejusdem juris effectibus: judicio vero pendente præsens status observaretur.

Partibus igitur judicio adesse jussis, ac termino probationibus præstituto, Curia cognitionem instituit de statu, & natura Ecclesiæ Divi Michaelis Archangeli in Surrentino Plano & ante & post erectionem Collegiatæ. Ex actis autem aperte patuit, eam Ecclesiam ante annum 1726., & in origine sua mere laicalem fuisse, ad prædicti Plani Cives pertinentem, sub administratione laicorum Gubernatorum, qui ab eadem Universitate deputabantur. Ea Ecclesia Parochialis erat; ejus Parochus a Parochiæ incolis nominabatur in loco *Carotto* districti solito, ejusque adprobatio & institutio ad loci Ordinarium pertinebat. Eadem Ecclesia receptitia erat, in eamque recipiebantur Sacerdotes, qui inde originarii erant; aliarum Parochiarum Clerici excludebantur.

Liquet etiam, die 20. Maji 1726. Officiales eligi solitos a Sodalitio Mortis, erecto in Ecclesia Divi Michaelis Archangeli, in instrumento publico declarasse, ejusdem Ecclesiæ Gubernatores erigere ibidem statuisse Collegiatam: ideo prædicto Sodalitio placuisse ad ejus sustentationem fundos quosdam eidem addicere unde redire oporteret ducatos annuos biscentum & triginta, ita tamen ut ab ea diversis oneribus satisfaceret, quibus Sodalitium suberat. Hinc prædicti Officiales erigendæ Collegiatæ addixerunt præter prædia quedam, pecuniam annuorum reddituum nomine collocatam, unde percipiebantur quotannis ducati biscentum & triginta. Ei-

ra Universalitate non
proveniant, patro-
natum non tribuant.

dem Collegiatæ onus imposuerunt celebrandarum per hebdomadas singulas Missarum vigintitrium, quæ lectæ dictitari solent, propter animas defunctorum Sodalium; per singulas etiam hebdomadas eorundem animabus applicandi sex Missas cum cantu celebrari solitas, in primo denique Lunæ die singulorum mensium cantandi Missam, & nocturnum unum mortuorum.

Præterea liquet, die 14. Octobris ejusdem anni Gubernatores ejusdem Parœcialis Ecclesiæ Divi Michaelis Archangeli altero instrumento in favorem prædictæ Collegiatæ se obligasse, in quo ad sustentationem ejusdem Collegiatæ in prædicta Ecclesia erigendæ, prout deliberatum jam fuerat, ex fundis ejusdem Ecclesiæ ei donarunt prædia quædam, & census, unde redibant ducati biscentum annui. Donationi autem ita factæ insequentibus conditiones apposuerunt. Inter leges scilicet instrumenti primo cautum, ut prædictæ Ecclesiæ Parochus aut nudus Sacerdos esset, aut Mansionarius, aut erigendæ etiam Collegiatæ Canonicus: idem nominaretur a Parœciæ incolis ex veteri more; præcederet etiam, ac primum obtineret in Collegiata locum, atque ad eum pertinerent Stollæ emolumenta, quæ vocant. Ibidem placuit, ut Canonici, & Mansionarii erigendæ Collegiatæ, Presbyteri forent prædictæ Parœcialis Ecclesiæ Divi Michaelis Archangeli, præcisa facultate cooptandi aut aliarum ejus Diœceseos Parœciarum Sacerdotes, aut externos. Id ita cautum edicitur, cum quia erigendum Capitulum ab ipsa Parœcia dotem acciperet, tum pacis inter Capitulares servandæ causa. Inter prædicta conventa & illud additum, ut prædictæ Parœcialis Ecclesiæ Gubernator, & Capiscus in perpetuum facultatem haberet nominandi eligendi duos Canonicos, ac duos Mansionarios Collegiatæ prædictæ *toties quoties casus vocationis eveniret*. His denique accessit, ut singulis Dominicis Collegiata Missam cum cantu pro populo applicaret, petentibus Gubernatoribus, quibuslibet festis adesset, & sumptibus suis ædituo & organistæ alimenta præstaret.

His ita transactis, a Sodalicio Mortuorum, & laicis Gu-

bernatoribus Ecclesiam S. Michaelis Archangeli precibus adito Pontifice Benedicto XIII. prædictæ Collegiæ erigendæ causâ, ejus Bulla ann. 1727. Archiepiscopo Surrentino demandata facultas fuit petitiæ erectionis faciendæ, cum præstitutis conditionibus. In Pontificis Bulla speciatim cautum, ut saluum jus foret Paræcianis nominandi, & eligendi Parochi, qui Sacramenta ministraret, institutionem tamen, & approbationem ab Archiepiscopo accepturi; ut prædicta Ecclesia erigeretur in sæcularem, & Collegiatam, quæ etiam Parochialis, ut antea, existeret; ut in ea constitueretur Præpositura, quæ potissima & unica dignitas foret, uni ex prædictis Ecclesiæ Sacerdotibus conferenda, qui primum haberet in Capitulo locum; ibidem constituerentur *septem Canonicatus, totidemque Præbende* (eæ tamen a fundatoribus neque petitiæ, neque constitutæ fuerant) *pro septem Presbyteris diſtæ Parochialis Ecclesiæ S. Michaelis Archangeli filiis patrimonialibus idoneis*: ut reservatus intelligeretur Gubernatoribus laicis prædictæ Ecclesiæ patronatus, ac jus nominandi ad Canonicatus duos, *ac diſtum jus patronatus, & præſentandi laicorum tantum exiſtere, & Gubernatoribus nunc, & pro tempore exiſtentibus prædictis non ex privilegio Apoſtolico, ſed ex vera, reali, plena, & omnimoda fundatione vel dotatione mere laicalibus dumtaxat competere*; ac denique, ut prædictus patronatus affectionibus Pontificiis non subesset.

Jam vero Surrentinus Archiepiscopus eam in rem delegatus Collegiæ erectionem executioni mandavit quo modo ei demandatum fuerat. Quamvis autem in Canonicatibus erigendis de Præbendarum etiam constitutione verbo tenus mentionem fecisset, ulterius tamen progressus ita declaravit: *Præpoſite vere & Canonicis prædictis omnia, & ſingula bona, jura, res, proprietates, obventiones, cenſus, & emolumenta univerſa, quomodolibet qualificata & undecumque pervenientia, tam ex donatione diſtorum ducatorum biſcentum facta a Gubernatoribus laicis diſtæ Ecclesiæ, quam ducatorum biſcentum triginta annuorum a Conſraternitate Mortuorum, præ uſu diſtributionum quotidianarum perpetuo applicamus & appropriamus.* Contraria igitur juri

Ar-

Archiepiscopi declaratio videri debet, cum de Canonicatibus & imaginariis Præbendis addit: *Quorum pro tempore vacaturorum provisio, & omnimoda dispositio, ad nos, sive ad Romanam Sedem prout de jure spectare & pertinere debet.*

Rursus mense Martii anno 1728. idem Archiepiscopus ordinaria auctoritate sua prædictæ Collegiæ addidit alios Canonicatus sex Presbyteris conferendos ejusdem Parœcialis Ecclesiæ. In novis tamen Canonicatibus instituendis reditus Collegiæ non auxit, itaut cum primæ, tum alterius institutionis Canonici eosdem ducatos 430. sustentationis causa ab initio constitutos inter se partirentur. Res ab Archiepiscopo ita gesta per Pontificem etiam Clementem XII. Bulla sua confirmata fuit mense Julii anni 1753. Neque tamen hic substitit Archiepiscopus, nam paulo post sex Hebdomadariatus Collegiæ addidit. Ita factum, ut redditibus nusquam auctis, Capitularium numerus vicenarius evaserit.

Ita nata, his profecta initiis Collegiata Divi Michaelis Archangeli; non videtur dubitari posse, officia ex quibus constat, vano Canonicatuum, & Hebdomadariatum titulo decorata, mere patrimonialia esse. Ubi hinc Gubernatores prædictæ Ecclesiæ Collegiatam in ea erigere statuerunt, ei dotis nomine constituentes annuos ducatos biscentum ex prædiis & redditibus ejusdem Ecclesiæ, id ab eis ea lege factum, *che li Canonici e Mansionarj di detta Collegiata erigenda debbano esser Preti della suddetta Parocchiale Chiesa di S. Michele Arcangelo, senza potersi prendere Preti di altre Parocchie di questa Diocesi, e tanto meno li forastieri.* Ecclesia Divi Michaelis Archangeli ab initio suo recepta fuit, atque in eam admitti poterant soli Carottii originarii ex Surrentino Plano. Collegiata ibidem erecta, id sub ea lege factum, ut soli Presbyteri ejusdem Parœcialis Ecclesiæ ad Canonicatus, & Mansionariatus pervenire possent. Jus igitur ad dictam Collegiatam perveniendi prædictorum Presbyterorum patrimoniale fuit. Ubi etiam Sodalitium Mortuorum donavit ducatos annuos ducentos & triginta Collegiæ erigendæ in Ecclesia Divi Michaelis Archangeli, eam Collegiatam respexit, quæ a Gu-
ber-

bernatoribus laicis ejusdem Ecclesiæ constituenda erat; nam unis ipsis jus erat constituendi in Ecclesia sua Collegiatam certis sub legibus. Eadem Bulla Benedicti XIII. exploratum habuit jus patrimoniale prædictorum Presbyterorum, ubi assensum præstitit, ut erigerentur Canonici septem, totidemque Præbendæ pro septem Presbyteris dictæ Parochialis Ecclesiæ S. Michaelis Archangeli filiis patrimonialibus idoneis.

Cum igitur in præsentī controversia agatur de Ecclesia receptitia & Collegiata mere patrimoniali, bonis non Ecclesiasticis quidem, sed mere laicalibus constituta, aperte liquet, neque Romanam Curiam neque loci Ordinarium in collatione officiorum ejusdem Collegiatae sese posse ingerere, sed hujusmodi collationem ad corpus ipsum, sive Collegium participantium pertinere. Id & Regni politia suadet, & ipsa natura receptitiarum Ecclesiarum exposcit. Ita Regalis Camera non semel definivit: id ipsum Neapolitani Principes suis Divalibus sæpe & declararunt, & statuerunt. Eo pertinent Regiæ literæ 20. Septembris anni 1757. occasione Ecclesiæ S. Petri Putignanensis editæ, & aliarum literarum de die 14. Januarii ann. 1769. propter Ecclesiam Divi Marci in Lamiis. Reservatio igitur Archiepiscopi Surrentini, ubi executioni mandavit Bullam Benedicti XIII., qua declaravit, *ut collatio, & omnimoda dispositio de Canoniciatibus vacaturis ad nos, sive ad Romanam Sedem, prout de jure, spectare, & pertinere debeat*, Regni politia, & legibus adversatur, proinde abusive, & inutilis.

Haftenus autem expositis frustra opponitur, Præpositi dignitatem, & Canonici ipsos, reservationem, & affectionem Romanæ Curia subire oportere. In controversia enim Collegiata nomine isthæc dignitatum sunt vana, & substantiam in jure requisitam haud habent. Sanæ hujus Collegiatae Præpositus & Canonici ullius generis non habent præbendam, quod ad Canoniciatus naturam requirit ipse Pontifex in *Cap. Relatum de præbend. & dignit.* Eo accedit, quod nulam illi partem bonorum Ecclesiasticorum habent; quantum vero percipiunt, id totum pendet e ducatis 430. ab initio eis donati,

natis, & a bonis mere laicalibus profectis. Idem autem ducati 430. Beneficiorum Ecclesiasticorum, aut Præbendarum naturam non assumpserunt: nam ab ipso Archiepiscopo ob aliorum bonorum defectum distributionibus quotidianis fuerunt additi; ita primævam naturam suam non exuerunt, & portiones mere temporales Sacerdotum participantium perrexerunt esse. Hinc ut ad eas Canonici admittantur, persona sua sacris officiis interesse debent; quibus autem diebus absunt, distributionibus privantur secundum receptas regulas *punctaturæ* quam vocant. Pro portione igitur servitii personalis solidus fructus ducatorum 430. omnibus viginti Collegiatis distribuitur, deductis oneribus. Ipsi Scriptores Romanæ Curix additissimi docuerunt, Canonicatui, aut alii Beneficio Præbendam hærentem a personali servitio immunem esse, ac proinde simplices distributiones quotidianas præbendæ locum obtinere non posse. *Card. de Luc. de Canon. disc. 16.* Inde fit, ut Præpositura & Canonicatus controversi earum in dignitatum numero censenda sint, quas vulgo *ventosas* appellant. *Fagnan. ad cap. Ad hæc, de Præbend. n. 22.* Sunt itaque vera officia reservationibus Romanæ Curix non subiecta, quemadmodum pluribus Regalibus Rescriptis declaratur.

Perpendit quoque Curia libellum Sodalitii Mortuorum, quo in Collegiatam jus patronatus vindicat, cum facultate nominandi eos, qui in eam admitti debent. Id juris Sodalitium sibi inde asserit, quia in Collegiatæ erectione reddituum partem ei constituit ad summam usque ducatorum biscentum & triginta. Curia tamen advertit, ejusmodi largitate sua Sodalitium non meram liberalitatem exercuisse, ut dotem Ecclesiæ constitueret, sed potius veluti mercedem aliquam Collegiatæ tribuisse, ut ea onera sustineret, quibus ipsum Sodalitium astringebatur. Sane a Sodalitio Collegiatæ collata merces vix respondebat oneribus in eam translatis; in ea igitur collatione nullam Sodalitii liberalitatem videre licet. Exploratum est autem, veluti retributionis titulo fundatoribus jus patronatus competere, idque unice repeti oportere a liberalitate, quam illi in Ecclesias fundandas adhibent. Id recte
ad-

advertit Rot. Rom. dec. 210. num. 9. p. 6. *Recent. Lambertin. de jur. patron. par. 1. lib. 1. num. 4. quæst. 7.* Id vero non concurret in liberalitate Sodalitii Collegiatæ collata. Proinde Curia, cum voto Domini Regii Consilarii D. Dominici Potenza ordinarii Consultoris ejusdem, ita censuit: *Ecclesiam Paracalem S. Michaelis Archangeli in Surrentino Plano in loco Carotto nuncupato, fuisse & esse recepticiam, & in ea Collegiatam erectam mere patrimonialem esse pro Sacerdotibus in eam Paracalem receptis: Præposituram vero, Canonicatus, Mansionariatus, quibus eadem Collegiata constat, & quibus nusquam hæret præbendæ qualitas, sed tantum participatio portionum mere temporalium, sub titulo distributionum quotidianarum, ob quotidianum personale servitium, fuisse, & esse mera officia ac dignitates ventosas appellari solitas, non subiecta reservationibus, & affectionibus Romanæ Curie: proinde jus providendi in singulis vacationibus ad ipsum Corpus Collegiatorum participantium pertinere, neque usquam Ordinarium loci ea in re immiscere se posse, salvo tamen Gubernatori & Capserio diocæ Paracialis Ecclesiæ jure nominandi eligendi Canonicos duos, ac totidem Mansionarios in Collegiata prædicta in singulis vacationum casibus, servata forma instrumenti anni 1726. Quod autem ad patronatum a Sodalitio Mortuorum petitum, Collegiata absolvatur.*

In causa appellationis a decreto Rev. Curie Capellani Majoris pro redintegratione Regii juris patronatus in Abbatiam S. Petri de Campeja. Die 22. Octobris 1781.

PER Rev. Curiam laudatissimi Capellani Majoris Sacratissimi Augustissimique Regis nostri, atque per præclarissimum Dominum Consultorem ejusdem Curie fuit dicta sententia, qua in integrum restitutum fuit, atque redintegratum Regiæ Coronæ ipsiusmet Inviçitissimi Regis jus patronatus Abbatie qu. Monasterii S. Petri de Campeja in Diocesi Aquinatenfis sitæ, per Aulam Romanam contra fas occupatæ, perque eandem, labente XVI. sæculo, Mensæ Episcopali Aquinatenfis, neglecto Regio Patrono, copulatæ, unitæque, seu, ut phrasi.

Tom. I. Cur. Cap. Maj.

F f

Ro-

Ecclesiam, & Monasteria, quæ sub eorum defensionem Principes recipiunt, licet a privatis extrinsecus, Regio tamen juri patronatus subiecta censentur.

Romanæ Curiaë utar, annexæ. Ab hacce sententia reclama-
vit Rev. Episcopus Aquinatenfis, supplicemque libellum ap-
pellationis Sux Regiæ Majestati exhibuit, & Judicem qui
in appellationis judicio jus diceret, petiit, obtinuitque, ac
mihi Regali Rescripto diei 30. mensis Maji anni 1778. causa
demandata fuit, ut supradictam sententiam recognoscerem,
quidque actum in ea fuerit, sedulo perpendere. In obse-
quium igitur Regalium ordinum ac mandatorum, fuit termi-
nus denuo impertitus in judicio appellationis, expetente Oe-
conomo laudatæ Mensæ Episcopalis, qui ut causam in hoc
judicio instrueret, binas decisiones Rotæ Romanæ, unam nempe
diei 21. Aprilis 1600., alteram vero diei 26. mensis Ja-
nuarii anni 1601. a codice decisionum Seraphini Olivarii ex-
scriptas, exhibuit, quibus, consilio præcipiti, ne dicam, tem-
erario, nititur demonstrare, fuisse repulsum, ablegatumque
Regium jus patronatus ab Abbatia S. Petri de Campeja.
Ita porro causa instructa, actisque omnibus expletis, senten-
tiam nunc dicendam esse, juris ordo exigit.

Ne autem crambe repetita actum agam, & quod appri-
me appositeque pro vindicando jure patronatus Abbatiz S. Pe-
tri de Campeja Regiæ Coronæ Augustissimi utriusque Sici-
liæ Regis in sententia disertissimi Domini Consultoris ma-
turityte maxima perpensum est, denuo refricem, brevitati
studens libentissime prætereo. Tantisper solum immorandum
esse duco in perquirendo, quandonam fundatum erectumque
fuerit Monasterium S. Petri de Campeja, & æquissimam illius
fundator extiterit.

Ego sane, ni me fallit mea opinio, perquam constan-
tissime affirmandum esse censeo, Monasterium S. Petri (post-
modum dictum de Campeja & Benedictinorum Ordinis, &
regulæ fuisse, ipsa Romana Curia, idemque Episcopus Aquin-
atis Cathedræ non diffidentur) VI. sæculo erectum funda-
tum, dotatumque fuisse per Liberium quemdam Patritium,
ut apertissime ostendam; & ut hocce expeditius, ac facilius
exequar, advertendum esse moneo, Episcopatum Aquinaten-
sem, ejusque Diœceseos majorem partem, collocatum situm-
que

que esse in Campania, seu in Terra Laboris. Ex duabus porro epistolis S. Gregorii Magni Pontificis Maximi, nempe decimaquinta, & decimasexta, quæ prostant libro septimo epistolarum ipsiusmet Sancti Pontificis anni 599. indictione secunda, seu epistolis quadragésimanona, & quinquagesima ejusdem libri, comperitur, Monasterium modo dictum, fundatum dotatumque fuisse per Liberium Patricium. Ast cum Theodosius Abbas petiisset a S. Gregorio Magno, ut idemet Monasterium nuperrime tunc constructum in domo cujusdam Martini dedicaretur in honorem B. Petri Apostolorum Principis, & S. Michaelis Archangeli, hoc indulsit S. Pontifex, datis litteris ad Fortunatum tunc temporis Neapolitanum Episcopum, ut modo dictam dedicationem expleret, quodque fuisse peractum præclarissimus Joannes Mabillonius Benedictinorum decus lib. 1. *Annalium ejusdem Ordinis*, ad annum 599. num. 29. pagina mihi 254. sequentibus verbis testatur: *Tunc etiam Theodosius Abbas Monasterii Sancti Martini a Liberio quondam Patricio in Campanæ Neapolitanæ partibus constructi, ab eodem Pontifice (S. Gregorio Magno) facultatem petiit, ut dedicaretur Monasterium in honorem B. Petri Apostolorum Principis, & S. Michaelis Archangeli, quod Andreas ipsius decessor in domo cujusdam Martini construxerat. Annuit Pontifex, scriptis litteris ad Fortunatum Episcopum Neapolitanum, ut ad prædictum locum absque ullo gravamine rogatus accederet, solemnia dedicationis faceretur.*

Testatur enim S. Pontifex in supradicta epistola decimasexta, sive sit quinquagesima lib. 7. ejus epistolarum, hocce Monasterium constructum, dotatumque fuisse per Liberium Patricium, scripsitque epistolam decimaquintam, seu quadragésimanonam ad Fortunatum Episcopum Neapolitanum, ut dedicationis prædictæ solemnia perageret, aitque Monasterium esse collocatum in Campanæ partibus. Igitur Monasterium, de quo nunc concertatio est, quodque fuit in Campania, seu Terra Laboris, ipsum idem est, quod sæculo VI. per Liberium Patricium constructum, fundatum, dotatumque fuit.

F f 2

Et

Et ut quælibet animi fluctuatio penitus profligetur, admonitum volo, nullum unquam aliud Benedictinorum Monasterium extructum fuisse in Campania, seu Terra Laboris sub invocatione S. Petri, ut videre est ex omnibus sex tomis Annalium Benedictinorum per laudatissimum Mabillonium partim absolutis, partim per eundemmet primis lineis designatis, & per doctissimum virum P. Theodoricum Ruinart ejusdem Ordinis absolutis. Unum tantum dixeris reperiri Monasterium fundatum in Beneventana Civitate sub invocatione S. Petri anno 672. per Theodatum Romualdi Beneventani Ducis uxorem: at pro sanctimonialibus virginibusque velandis illud constructum fuisse ipse Mabillonius scribit *tom. 1. Annalium, ad annum 672. pag. 513. & pag. 600. in fin.*

Igitur si solum Monasterium supradictum per Liberium Patricium constructum, fundatum, atque dotatum comperitur extitisse in Campania, seu Terra Laboris, illudque dedicatum fuisse sub invocatione S. Petri, & S. Michaelis Archangeli, certo certius dijudicandum est, illud idem fuisse, quod temporum injuria, & tantarum gentium exoticarum barbararumque excursionibus in hoc Regno peractis, per Romanam Aulam fuit, nemine obistente, occupatum, & ad suum libitum contra jus fasque in commendam traditum, collatumque.

Nec firmissimo huic judicio meo negotium facessit supralaudata epistola S. Gregorii Magni, ex qua legitur fuisse Fortunato Episcopo Neapolitano mandatam dedicationem dicti Monasterii, proindeque illud, licet in Campania collocatum, fuisse tamen in Diœcesi hujus Neapolitanæ Cathedralis Episcopalis, quæ pariter in Campania est; cum ex opposito Monasterium S. Petri, de quo concertatio est, fuit, estque Diœceseos Aquinatenfis, cujus Episcopo in mandatis danda erat dedicatio. Sane parvifienda est hujusmodi cavillatio; nam (misso eo, quod paullo ante demonstratum est, videlicet, in Campania unum tantum adfuisse Monasterium Ordinis S. Benedicti sub invocatione S. Petri, illudque fuisse in Diœcesi Aquinatenfi situm) hujusmodi objectio perquam facillime diluitur, si medii ævi historia præ oculis habeatur,

quam

quam strictim hic dicere abs re non esse existimo.

Civitas Aquinas, quæ vetustissima atque perillustis fuit, meruit Cathedram Episcopalem a primis sæculis Christi Scrivatoris religionis in hisce regionibus firmatæ, Episcoposque suos tenuit ad annum usque quingentesimum septuagesimum secundum, fuitque ultimus Episcopus Jovinus quidam. De hac re testem do eundem Magnum Gregorium, qui eodem VI. sæculo floruit, mortemque obiit die 12. mensis Martii anni 604. Ipse profecto libro Dialogorum hæc habet: *Vir quoque venerabilis vita Constantius Aquina Civitatis Episcopus fuit, qui nuper prædecessoris mei tempore beatæ memoria Joannis Papæ defunctus est. Hunc prophetia habuisse spiritum multi testantur. Cujus inter multa hoc ferunt religiosi veracesque viri, qui præsentis fuerunt, quod in die obitus sui, cum a circumstantibus civibus, utpote discessurus, pater tam amabilis plangeretur, eum flendo, requisierunt dicentes: quem post te patrem habebimus? quibus ipse pater per prophetiæ spiritum respondit, dicens, post Constantium, Mulionem, post Mulionem, Fullonem. O tu Aquina & hoc habens. Quo defuncto, ejus Ecclesiæ Pastoralem suscepit curam Andreas Diaconus illius, qui quondam in stabulis itinere cursum servaverat equorum. Atque hoc ex hac vita subducto, ad Episcopatus ordinem Jovinus accersitus est, qui in eadem Civitate fuisset fuerat. Quo adhuc superstite ita cuncti habitatores Civitatis illius & Barbarorum gladiis, & pestilentia immanitate vastati sunt, ut post mortem illius nec quis Episcopus fieret, inveniri potuisset. Sic itaque completa est viri Dei sententia, quatenus post discessum duorum se sequentium, ejus Ecclesiæ Pastorem minime haberet.*

Refert hæc eadem Baronius tom. 10. ad ann. 572. pag. mibi 206., quæ non omisit Ughellius in sua Italia Sacra, tom. 1. de Ecclesiis Sanctæ Romanæ Sedis immedietate subiectis, pag. mibi 394. ad 396. Nec ante annum milliesimum sexagesimum restaurata fuit Cathedra Episcopalis Aquinatis, quo anno quidam Angelus illam aliquandiu rexit, fuitque postea anathemate percussus a Leone IX., & a Nicolao II., e Cathedra profus deturbatus, ut habetur ex Leone Ostiensis in

Chro-

Chronico Casinenſi lib. 3. cap. 15., & ex laudato Ughellio loco nuperrime indicato.

Ex diſtis ergo liquet ævo S. Gregorii Magni, & præcipue anno 599., quo epistoſa decimaquarta ad Fortunatum Neapolitanum Episcopum ſcripta fuit, Eccleſiam Aquinatenſem orbatam fuiſſe proprio Pastore ab anno 572. ad annum uſque 1060. ea propter in anno 599. potis non erat S. Gregorius Magnus mandare Episcopo Aquinatenſi, ut dedicationem Monasterii ſupradicti ſolemni ritu adimpleret; ſcripſitque ideo ad Fortunatum Episcopum Neapolitanum, ut dedicationem exequeretur.

En ergo quam appoſite dignoſcitur Monasterium S. Petri per Liberium Patricium VI. ſæculo fundatum, dotatumque, illud idem fuiſſe, quod poſtea Monasterium S. Petri de Campeja nuncupatum fuit. Nec proſecto obſiſtere licet ex eo, quod Monasterium per Liberium Patricium fundatum dotatumque fuerit ſub invocatione SS. Petri, & Michaelis Archangelii dedicatum; Monasterium vero, de quo lis eſt, S. Petri tantum fuerit nuncupatum; etenim quamplures Eccleſiæ, multaque Monasteria ſub invocatione plurium Sanctorum erecta fuere, quæ deinde temporis excurſu, atque diuturnitate, exoletis ſecundis Sanctorum nominibus, priorum Sanctorum ſolum nomina retinent, iſſque nuncupantur, ut, miſſis ſexcentum aliis, experientia docet in Monasterio eorundem Benediſtinorum huius Civitatis SS. Severini, & Soſſii, quod ſub nomine S. Severini dumtaxat appellatur, cognosciturque.

Hiſce itaque perpenſis, progrediendum eſt ad diſquirendum quonam modo dici valeat juris Regii patronatus eſſe Monasterium fundatum, & dotatum non per Regem, neque per Dynaſtam aliquem, ſed per hominem quendam, licet Patricium, carentem tamen imperio, & jure ſummæ poteſtatis, cum hæc ſublimia jura Solium, & Regale ſaſtigiū, quibus fundator fulgeat, Regium jus patronatus efficiant, atque inde exordium capiant.

Exceptio iſthæc quamvis prima fronte debilitare videatur

tur Regium jus patronatus Abbatix S. Petri de Campeja, attamen eam floccipendendam, atque sui que deque habendam esse ex iis, quæ prænotabo, apertissime ostendam.

Monasteria omnia a suis primordiis originum, & erectionum semper fuere sub speciali cura, & defensione Principum Christianorum, sive illa fuerunt per Principes ipsos, eorumque prædecessores, sive per privatas personas constructa atque dotata. Immo omnia bona vel eisdem Monasteriis donata, vel quæ pro dote in fundatione ipsorummet Monasteriorum tradita fuere etiam a modo dictis privatis hominibus, & Regalis dignitatis, & imperii expertibus, habita semper fuerunt tanquam ab ipsismet Principibus dono Monasteriis data. Apposite porro mihi videtur in medium proferre constitutionem Alexii Comneni hujus nominis primi, sive Manuelis ejus filii Imperatoris relatam exscriptamque per Theodorum Balsamonem in Commentario Canonis 12. Concilii Nicæni II., & VII. Oecumenici apud Guilielmum Beveregium tom. 1. *Pandectar. Canonum SS. Apostolor. & Concilior. pag. mibi 305.* Omnia enim quæ ab ipsis Monasteriis in quacunque Provincia possidentur in Occidente, & Oriente . . . a dictis omnibus Monasteriis vult mea Majestas in æternum possideri, ut Majestatis meæ donum a liberalitate, & munificentia mea profectum . . . Nec enim licentiam habebant Monasteria augere, & amplificare ea, quæ ab ipsis hodie possidentur. Prostat etiam hæc constitutio post Novellas Justiniani editionis Dionysii Gothofredi, ubi leguntur Constitutiones Imperatoris *Constit. IX.* inter Constitutiones Manuelis Comneni Alexii filii; extatque pariter apud Joannem Leunclavium in jure Græco-Romano inter Constitutiones Manuelis Comneni, *Constit. IV. pag. mibi 156.*

Unum tamen monitum esse volo, Franciscum de Roye doctissimum eruditissimumque virum, constitutionem hanc adscribere Alexio Comneno Manuelis patri; at cum illa extet inter Constitutiones per filium Manuelem editas, non vero per patrem Alexium, illi potius adscribenda erit, non isti; sed ne aliquid præteream, liber electoralis Bibliothecæ Palatinæ

tinæ illam Alexio tribuit, ut videre est in nota ad dictam Constitutionem apud Leunclaviu loco nuperrime laudato.

Apprime profecto docuit clarissimus vir Franciscus de Roye in percelebri Opusculo de *Missis Dominicis tit. de Missis Dominicis ad disciplinam publicam, cap. 8. Qualibet bona Monasteriorum cura semper fuerunt Christianissimis Regibus, non tantum quod plura ex iis donaverint, sed etiam quod cum eorum donationes ab ipsis etiam privatis factas Regia auctoritate confirmarunt, perinde esse putaverunt, ac si ea Monachi ex Regia liberalitate possiderent.*

Neque extra præsentis concertationis propositum esse puto hic exscribere, quæ doctissimus Stephanus Baluzius notat ad Lupum Ferrariensem p. 344. Dein vero paulatim Reges nostri eorum Monasteriorum in se susceperunt curam, deque statu eorum Monachorum Regni auctoritate cognoscebant... Itaque Monasteria, ut sæculi nostri verbis utamur, erant per eas tempestates (sæculo scilicet VI. & sequentibus) immediate subiecta auctoritati Regiæ, & ad eam nullo medio respiciebant. Et quoniam eo præsidio Monasteria indigebant, ut facilius occurrerent contraditionibus sive Episcoporum, sive aliorum quorumcumque. Si qui Monasteria de novo fundabant, ea ponebant sub tuitione & defensione Principis. Hocque idem testatur disertissimus vir iustus Enincius Boehmerus in *jure Ecclesiastico ad lib. 3. Decretalium, tit. 35. de Statu Monachorum, & Canonice Regularium, §. 14.*

Fuere porro nedum bona, sed Monasteria ipsa omnia Regiæ potestati subiecta, ac submissa, & nisi suspicaretur, satisfactionemque quibusdam asserere, facile temporum historiam percurrerem, & sigillatim subjectionem omnium Monasteriorum tam virorum, quam sanctimonialium hic referre potis essem. Ipsi profecto Episcopi, quibus primævo jure Monasteria subiciebant, minime audebant sub sua potestate illa suscipere, nisi impetrato prius Principis consensu; id quod eruitur a Gregorio Turonensi lib. 9. *Historiar. cap. 40.*, dum verba facit de sanctimonialium Monasterio S. Crucis in Provincia Pictavorum sine VI. sæculi extructo per Reginam Radegundem quondam Childiberti Regis uxorem, postquam

a ma-

a matrimonio sejuncta ad celibatum in Monasterio se recepit. Ait siquidem Gregorius Turonensis: *Qua (Regina Radegunda) migrante, iterum petiit Abbatissa, se sub Sacerdotis sui potestate degere: quod ille cum primum respuere voluisset, consilio suorum promissit, se patrem earum, sicut dignum erat, fieri, & ubi necessitas fuisset, suam præbere defensionem. Unde factum est, ut absens ad Childebertum Regem præceptionem eliceret, ut ei hoc Monasterium, sicut reliquas Parochias regulariter liceat gubernare.*

Hoc idem testatur ipse doctissimus Joannes Mabillonius tom. 1. *Annalium Benedictinorum lib. 7. ad annum Christi 587. pag. mibi 193.*, ubi idem Monasterium commemorans, hæc habet: *Radegunde Regina mortua, denuo Abbatissa postulavit, quod pia Regina postulaverat vivens a Maroveo loci Episcopo, ut Monasterium Sanctæ Crucis esset sub ejus potestate, quod ille primum quidem abnuit: postea vero Clericorum suorum consilio, mutata sententia, earum se patrem fore pollicitus est & tutorem. Sed quia inconsulto Rege, sive quod Regiæ tutelæ subiectus a Radegunde fuisset locus, sive quod Regiæ conditionis esset, hanc potestatem exercere integrum sibi non credebat; a Childeberto ejus rei facultatem litteris petiit, Regiumque Diploma obtinuit, ut hoc Monasterium, sicut reliquas Parochias suas, regulariter gubernare sibi liceret.*

At ne tempus frustra teratur, legat, quæso, qui velit, præclarissimum, eruditissimumque virum Franciscum Florentem, rerum, historiarumque Ecclesiasticarum apprime callentissimum in Dissertatione habita ad rectam explanationem, cap. auditis, extra de præscriptionibus, quæ prostat tom. 1. ejus Operum pag. mibi 255. & seq. edition. Parisiensis anni 1679., ubi cap. 2. pag. 268. in fin. sic edisserit: *Atque hanc auctoritatem, & potestatem Regum, & Principum in Monasteria nemo mirabitur, si attendat Canones Concilii Chalcedonensis, qui ad statum Religiosorum pertinent, non ab ipsis Patribus Concilii primum emanasse, sed a Martino Imperatore Patribus oblato, & excepto, & laudato ab omnibus Episcopis cum hujusmodi acclamationibus: Hæc fide digna sunt Sacerdoti, Imperatori multos annos, ut constat ex actione sexta Concilii Chalcedonensis. Legitimam istam Principum potestatem, ut indicavimus in hoc capite,*

Tom. I. Cur. Cap. Maj.

G g

In-

Innocentius III. in Regibus Angliæ agnovit: in nostris vero Regibus plures Summos Pontifices eam & laudasse & probasse ostendimus. Ita scribit laudatissimus vir, quodque solide etiam firmat vir nemini secundus Franciscus de Roye in sæpe additato Opusculo de Missis Dominicis, sit. de Missis Dominicis ad disciplinam publicam, cap. 7. de Monaster. subjectione; demonstratque pariter disertissimus Joannes Nicolaus Hertius in dissertatione de jussitata Cisterciensium exemptione.

His igitur prænotatis in comperto est, jure optimo Ferdinandum I. Aragonum Regem inter Abbatis Regii juris patronatus adscripsisse Abbatiam Monasterii S. Petri de Campeja, tam quia sic retroacto ævo illa habita fuerat, ut perquam scite edisserit præclarissimus Consultor Rev. Curia optime meriti Capellani Majoris in sua sententia; quam, tametsi Monasterium prædictum fuerit illud idem, quod Liberius Patricius in fine VI. sæculi fundavit, dotavitque, nihiloſecius quia bona pro dote, & sustentatione ipsiusmet Monasterii per Liberium donata, & tradita, habita fuere ut dono data, & tradita per tunc temporis illius regionis Dynastas, & deinceps per Regni successores Principes, quorum potestati fuere etiam omnia Monasteria submissa, atque recepta sub eorum tuitionem, & defensionem (quæque idem est ac jus patronatus, ut pro Regio patronatu Monasterii Monialium S. Benedicti de Cuperfano disserui) propterea extra dubitationis aleam est, Abbatiam prædictam fuisse, & esse Regii juris patronatus, redintegrandamque profecto Regiæ Coronæ cum omnibus ejus juribus.

Nec porro imminunt Regium jus binæ decisiones Rotæ Romanæ nuperrime in actis exhibitæ, quibus decisum fuisse adstruitur, Abbatiam sæpe dictam non fuisse Regii juris patronatus, cum quia illæ fuere Regni tunc Rege prorsus inaudito; tum etiam quia illæ dictæ fuere per Judicem penitus incompetentem, ut apposite, post ceteros, docuit Franciscus de Roye in *Prolegom. ad tit. de jure patronatus cap. 29.* hisce verbis: *Ratio ea est quia cum laici Judicibus Ecclesiasticis nulla ratione subſeant, nisi pro rebus mere spiritualibus, ad eos duci*

non

non debeant occasione juris patronatus, quod ex se temporale est: & licet Concilium Tridentinum sess. 25. cap. 9. de Reform. involucris verborum multa tegere conatum fuerit, in hoc Regno profecto, ut in ceteris Catholicis Regionibus, non solum illi quoad hoc caput obviam itum fuit, sed etiam alia multa capita recepta non fuere. Proindeque non solum in Regno nostro, sed penes omnes Orthodoxas Nationes de existentia, & patronatus pertinentia Judices Regii solum cognoscunt, deciduntque. Et licet Alexander III. rescripserit Regi Anglorum Henrico II. cap. 3. de judiciis, causas juris patronatus terminandas fore coram Judice Ecclesiastico; attamen rescriptum illud non fuit postea executum, quia in Anglia aderant leges peculiare, quibus hæ causæ decidendæ erant per Judices Regios, ut testis est Matthæus Paris in Historia in Henrico II. ad annum 1163.; neque Pontifici jus est legibus, & summarum Potestatum jurisdictioni derogare, neque paululum minuire, vel attingere.

Optime igitur per Rev. Curiam clarissimi Capellani Majoris sententiatum, injuria per Episcopum Aquinatensem appellatum esse censet.

BASILIVS PALMIERI.

In causa juris patronatus in Ecclesiam Parochialem Casalis Paulisi sub titulo S. Thomæ Apostoli, inter Ill. Principem Aricie utilem Dominum Terræ Arpadii, & Reverendiss. Archiepiscopum Beneventanum. Die 9. Februarii 1782.

Vlris omnibus actis, Curia Ill. & Rev. Capellani Majoris, cum voto Domini Regii Consil. D. Dominici Potenza, Consultoris ejusdem, declarat: *Jus patronatus in Ecclesiam Parochialem Casalis Paulisi sub titulo S. Thomæ Apostoli spectavisse, & spectare medietate ad Serenissimum Regem, immediatate vero ad Ill. Principem Aricie, tanquam utilem Dominum Terræ Arpadii, ac proinde eundem Ill. Principem redintegrandum esse, & redintegrari debere, prout præsentis definitiva sententia redintegrari*

*Jus patronatus re-
cte probatur per an-
tiquas enunciativas.*

G g 2

man.

mandatur in memoratum jus patronatus, cum præminentis, & juribus omnibus patronatus inherentes, præsertim vero cum jure presentandi Parochum, seu Rectorem, ad dictam Ecclesiam Parochialem, quotiescumque casus vacationis acciderit: oppositis & præsentis nomine Reverendiss. Archiepiscopi Beneventani non obstantibus.

Ita fuit pronunciatum eoquod in antiquo Codice hujus Curia, in quo recensentur Ecclesie ad Regium, vel feudalem patronatum pertinentes, Ecclesia isthæc describitur his verbis: *Paulise. S. Tomaso di Paulise, Casale di Arpoja*. Id vero constituit probationem quam ajunt probatam, cum nemo ambigat, non aliter olim in eo Codice hujusmodi Ecclesias fuisse descriptas, nisi illarum qualitate probe perspecta & explorata. Eaque de causa Codex ipse inter acta Curia asservatur, ut scilicet indigentur Ecclesie de patronatu Regio, vel feudali, ejusque ope hujusmodi Ecclesie ab aliis discernantur: isque est ejusdem Codicis quotidianus usus in sententiis ferendis, cum de illarum Ecclesiarum qualitate in Curia disceptatur. Neque obest, quod in eo Ecclesie aliquot describantur, in quas actu non exercetur jus patronatus: cum enim acciderit, illos, ad quos ea res pertinet, in patronatum velle reintegrari, maximus erit ejusdem Codicis usus pro demonstranda pertinentia patronatus.

Porro, quod ad antiquorum librorum fidem in judiciis, extat definitio Innocentii III. in *Cap. Ad audientiam*, vers. *Not igitur de præscript.*, res scilicet antiquas recte probari ex libro censuali Ecclesiarum, cui plena adhibetur fides. Extat & definitio Honori III. in *Cap. Cum causam, de probat.*, quod scilicet res antiquæ veterum librorum ope valide probentur. Extat etiam Glossa ipsius juris Pontificii in *d. Cap. Cum causam*, sic enim ibi a Glossatore monitum: *Nota ergo, quod scriptura librorum antiquorum facit fidem*. In eamque iverunt sententiam *Benedict. Cardos. Ofor. de Patr. Reg. ref. 5. n. 10. Salg. de Reg. protest. p. 3. c. 10. n. 280.* præcipue ex relatis per *Velasco de jur. emphyt. qu. 19. n. 26.*, quod scilicet judicatum fuerit, *quosdam Ecclesias ad jus patronatus Regium pertinere ex*

eo dumtaxat, quod in libro censuali posito in Archivo Ecclesiæ Majoris Episcopatus Conimbrensis, ubi scriptæ erant Ecclesiæ, reperiebatur scriptum in margine libri (*Regis est*), nec profuisse possessori ducentenariam, nec etiam immemorabilem possessionem probatam, cum in patronatibus Regiis non currat præscriptio. Ad-dendi sunt Cabed. de Patronat. Reg. Coron. cap. 34. n. 2. & 3. Card. de Luca de jurepatron. disc. 57. n. 13. & de præ-min. disc. 2. n. 14. & disc. 3. n. 10. Lambertin. de jure pa-tron. lib. 2. part. 2. in 4. art. decimæ quæst. num. 13. Cas-san. in Catalego par. 1., considerat. 46. circa fin. Surgent. Neap. Illustr. cap. 12. n. 1., aliiq; sexcenti.

Constat etiam biscentum ab hinc annis, nempe anno 1582. D. Joannem de Guevara utilem Dominum Terræ Ar-padii, & Casalium, ea gessisse, quæ ad patronum contro-veris Ecclesiæ pertinebant. Is nimirum publico instrumento declaravit jus patronatus in Ecclesiam Parochialem S. Tho-mæ sitam in Cafali Paulisii ad se pertinere: ad eam pridem in Rectorem præsentatum fuisse D. Carolum Laudini, & post ejus obitum ab Ordinario loci in Oeconomum tantum præ-dictæ Ecclesiæ electum fuisse D. Jacobum Antonium Murti-lum: quo pariter defuncto, & eadem Ecclesia vacante, jura patronatus exercendo præsentavit in Rectorem prædictæ Pa-rochiæ D. Sanctum Federicum de Cafali Paulisii.

Uterius apparuit, D. Marinum Verrusio dictæ Ecclesiæ Parochum in inventario confecto anno 1690. ita præfatum fuisse: *In primis la detta Chiesa Parochiale non costa da chi fu eretta, nè da chi fu benedetta, bensì si trova essere stata jus patronato delli Padroni di Arpaja pro tempore: E D. Giovanni di Guevara figlio di Alfonso Barone di Arpaja, e Cafali, l'an-no 1546. a' 22. Marzo, essendo già stato eletto Vescovo di S. Agata, rinunciò una parte della Rettoria di detta Cura, ed in suo luogo successe D. Santo di Laudita presentato da D. Innico di Guevara, come di sopra. Quæ vero in relatione Peritorum fol. 202. congesta sunt adversus hoc inventarium, ea quidem ad rem non faciunt, non enim agitur de inventarii solemnitate, validitate, ejusve effectibus, sed de antiquis enuncia-tivis,*

tivis, seu adfectionibus, quæ in quavis scriptura minus etiam solemnî, dummodo non probetur fraude conficta, respiciendæ veniunt ad antiquarum rerum probationem. Quod autem jus patronatus probetur per antiquas enunciativas saltem duas, docuerunt iidem Scriptores, nempe *Card. de Luca de jure patron. disc. 57. n. 19. Benedikt. Cardos. Ofor. de Patron. Reg. resol. 5. n. 6. necnon Garc. de Benef. par. 5. cap. 9. n. 86. Vivian. de jure patron. lib. 11. cap. 5. num. 24. 48. 49. 50. 54. 57. 58.*

Frustra vero objicitur, ab anno 1664. Ecclesiam hanc Parochialem tam ab Ordinario loci, quam a Romana Curia libere fuisse collatam; nam, ut passim in Europa alibi, Patriæ Regni leges, cum reliqua Regalia, tum Regios, feudalesve patronatus præscriptioni subesse non patiuntur:

In causa patronatus in Abbatiam S. Mariæ de Perno, Die 21. Junii 1782.

Ecclesia, quam utilis terræ dominus fundavit, dotavitque, ipsius immediato juri patronatus, mediato vero patronatus Regio obnoxia est. Præscriptio dari nequit, eam de jure patronatus res in judicio deducta fuerit.

Abbatia S. Mariæ de Perno in Diœcesi Rapollæ per Romanam Curiam collata Nicolao Columna ex Hostiliani Principibus, Pontificio Nuncio apud Invictissimum Regem Hispaniarum, petiit Josephus Caracciolus Torellæ Princeps ei collationi Regium exequatur denegandum esse. Excepit enim prædictam Abbatiam & feudalis patronatus esse, & ad se pertinere tamquam feudi Atellæ possessorem; per summam autem injuriam a Romana Curia controversæ Abbatie collationem fuisse interceptam. Non absimilis petitio fuit Andreæ Doria Melphitani Principis; is enim ejusdem Abbatie patronatum sibi asseruit, tamquam possessori feudi S. Felicis. Uterque igitur & Pontificiæ collationi exequendæ impedimento fuerunt, seque in prædictæ Abbatie possessionem reintegrari petierunt. Verum adversus utrumque contendit Nicolaus Columna, utriusque petitionem ordinario judicio subjiciendam esse, collatione Pontificis non impedita, cum is per tempus immemorabile controversam Abbatiam libere contulerit.

Sub ipsius judicii ingressum apprimè constitit, ab ipso

anno 1565. in Curia instante Fisco, contradictoribus existentibus Commissariis Apostolicis, probationes fuisse factas de prædictæ Abbatiæ patronatu feudali in termino præstituto ad impediendam usurpationem cõptatam a Romana Curia : neglectis autem Fisci probationibus, anno 1616. vano obtenta decisionum Romanæ Curia, a Judice scilicet non competente factarum, ac Regiorum Magistratuum imbecillitate, collationem Pontificiam executioni fuisse mandatam, Fisci juribus tamen expresse reservatis : exinde etiam per summam incuriam, insuper habitis probationibus institutis anno 1565., & juribus Fisco reservatis, insequutas collationes Romanæ Curia executionem in Regno habuisse. De veteri igitur controversia disceptatio est, & vetustiori judicio agitata, in quo Fisci jura sat fuerunt exposita. Hinc Curia visum in præsentì controversia novum terminum probatorium impartiri, ne quid tamen interea temporis Fiscus detrimenti caperet, ipsius Abbatiæ redditus sequestro ponere.

Quoniam vero cum Torellæ Princeps, tum Princeps Melpii in eo conveniebant uterque, patronatum S. Mariæ de Perno veteri Armaterii Castro fuisse annexum, eo cum discrimine tamen, quod ille contendebat prædictum Castrum unitum fuisse feudo Atellæ, hic vero feudo S. Felicis a se possessio, quæ quidem controversia S. C. judicanda remissa fuerat ; ideo ea in re Curia ita interloquendum censuit die 18. Januarii anni 1781. : *Terminus datus currat super existentia, vel inexistentiâ patronatus feudalis in antiquo Castro vulgo dicto Armaterio. Quoad pertinentiam vero dicti antiqui Castri, num scilicet annexum sit, & unitum feudo Atellæ, an vero feudo S. Felicis, Partes adeant Sacrum Consilium, ubi causa pendet inter utiles Dominos dictorum feudorum.*

Termini compilatione absoluta, & causa per sententiam jam decidenda, quod ad fundationem, & dotationem Ecclesiæ S. Mariæ de Perno infrequentia monumenta Curia consideranda sibi proposuit.

Quod ad fundationem, ejus expressa declaratio est in instrumento Margaritæ viduæ Gilberti Balbani. In eo edicit pien-

pietissima mulier virum suum Armaterii Dominum, cum inter vivos ageret, construendam suscepisse Ecclesiam S. Mariæ de Perno, eamque absolvere voto se obligasse: eum facto præceptum: hinc ad ejus operis, ac voti implementum se donasse eidem Ecclesiæ prædium latioribus finibus circumscriptum prope aliam possessionem eidem Ecclesiæ antea a se donatam. Id aperte liquet ex insipientibus instrumenti verbis: *Hinc est quod nos Margarita uxor quondam Domini Giliberti de Balbano, Dei, & Regia gratia Domina Armaterii, & totius Vallis Vitalbæ, eo quia ipse vir meus recolenda memorie, sicut notum est per totam circumstantem Patriam, inciperat Ecclesiam S. Mariæ de Pernis construere, & vovit expensis propriis adimplere, ad cujus salutiferi operis perfectionem, & voti adimplementum, quoniam sicut Domino placuit rebus humanis est exemptus, tum pro salute animæ suæ suorumque parentum, & nostræ nostrorumque successorum remedio, spontanea, & gratuita nostra voluntate donamus, & concedimus prætaxatæ Ecclesiæ S. Mariæ de Pernis, quæ est subfraganea S. Salvatoris de Guolsto, cui præest Domina Agnes Venerabilis Abbatisa, petiam terræ quæ est in territorio Vallis Vitalbæ ad locum scilicet, ubi dicitur Cartofoge. Quæ terra talibus est circumdata finibus. Primus finis est Vallo, qui est iuxta tenimentum, quod alia vice dedimus eidem Ecclesiæ S. Mariæ de Pernis &c.*

Quod ad dotationem, præter bona a Margarita donata ad absolvendum opus a prædicto viro suo Giliberto susceptum, constat mense Martio anno 1173. Riccardum de Balbano ejusdem Giliberti filium cum filio suo Giliberto juniore ad ejusdem Ecclesiæ sustentationem ingentem dotem ei constituisse, bonis ipsi concessis, quæ in suo Diplomate ita describuntur.

Ego Riccardus de Balbano intelligens consideravi nil felicius, & celebrius in præsentis vite pro superna beatitudinis gloria adipiscenda agere mihi licere, quam servos Dei, & Ecclesias Christi temporalibus beneficiis sustentare. Idcirco prævidimus de quadam Ecclesia S. Mariæ, quæ in territorio Armateræ sita esse videtur iuxta montem, qui Perni dicitur: quod nullatenus nisi
no.

nostro adminiculo sustentari potest. Et ideo una cum filio meo Gilierto consulentes, fustali traditione donamus eidem Ecclesie S. Mariæ Perni obedientie S. Salvatoris, quod in territorio Monticli constructum videtur . . . offerimus, & concedimus totam Braidam, quæ est in sylva munda, quam Dominus Rogerius de Murra in pignore prædictæ Ecclesie S. Mariæ Perni pro uncis quatuor auri posuit, cum toto bisillito, quod desuper eandem Braidam est . . . cujus, & dicimus fines. Ab oriente finis est rivulus, qui dicitur Fenuclarii, qui etiam vocatur rivulus vivus. A septentrione est vallonus qui fluit iuxta terram, quæ fuit Caroli Armaterri, & incipit finis iste a prædicto fluvio Fenuclarii, & ascendit per vallonem illum usque ad terram, quæ fuit Roberti de Rocco militis. Deinde incipit alius rivulus parvus a dextra parte illius terræ, & ascendit per illum rivulum usque ad domum Braida, quam dedit prædictus Dominus Rogerius de Murra eidem Ecclesie. Itaut prædicta terra Roberti de Rocco sit in hoc dono, sicut in præsentis privilegio de Braida, & bisillito continetur. Ab occidente finis prænominata Braida, quam Dominus Rogerius de Murra nostra concessione dedit eidem Ecclesie. A meridie finis ejus est donum terræ, quod fecit eidem Ecclesie Mater mea bonæ memoriæ similiter nostra concessione, & sic descendendo finis iste conjungitur cuidam vallonem, qui est inter terram, quam pater meus bonæ memoriæ primum prælibatæ Ecclesie me concedente obtulit, & hanc præsentem Braidam, & sic vallonem iste conjungitur ad primum finem. Similiter concedimus & donamus prædictæ Ecclesie aliam terram, quæ fuit prædicti Roberti de Rocco Militis, quæ est iuxta vallonem, qui dicitur de Ausino . . . Ita has terras, & bisillitum superscriptæ Ecclesie S. Mariæ Perni donamus cum omnibus infra se habentibus, & pertinentibus, ut sint in potestate fratrum illic habitantium, & subsequentium omni futuro tempore &c.

Non tantum donationes Riccardi de Balbano Armaterri Domini, sed & memoratæ donationes ab ipsius propinquis, & vassallis factæ ejusdem venia, ostendunt bona isthæc, quæ constituunt dotem S. Mariæ de Perno sat opulentam, & ad feudum pertinuisse, & in eam jussu ejusdem Riccardi fuisse

Tom. I. Cur. Cap. Maj.

H h

col-

collatas. Constat enim valvasores, valvasinos, & ceteros minores feudatarios de rebus in feudum acceptis sine voluntate majoris Domini non potuisse statuere. Id ipsum liquet in instrumento donationis per Rogerium de Murra factæ anno 1160. qui inter vassallos Riccardi erat, quæ in actis extat, atque inibi legitur: *Ego Rogerius de Murra filius qu. Domini Loffredi bonæ recordationis . . . obtuli Deo, & Beatæ Dei Genitricis Ecclesiæ, quæ constructa est foris Castellum Armaterii in locum qui vocatur Perno, atque Domino Gregorio S. Salvatoris Magistro Priori, & Joanni de Castellano Priori de præfata Ecclesiæ S. Mariæ unam petiam terræ in locum, qui dicitur sylva munda per hos fines &c. Per hanc cartam, & permissionem, & consensum Domini Riccardi de Balbano dedi, atque tradidi prædictam petiam terræ jam dictæ Ecclesiæ S. Mariæ cum omnibus, quæ intra eam sunt, cunctisque suis pertinentiis, cum via sua, & cum vico, & omnibus continentibus.*

Liquet etiam, eundem Riccardum de Balbano prædictæ Ecclesiæ dotis augendæ studio mense Aprili 1175. latum aliud prædium ei donasse ex feudo decerptum, & cum eo conjunctum, quod a prædicto Rogerio de Murra concessum fuerat; in concessione etiam sua affirmasse Riccardum, donationem cum ipsius venia a Rogerio fuisse factam. Sic enim ibi: *Ego Riccardus de Balbano una cum filio meo Giliberto . . . offero & dono Ecclesiæ S. Mariæ Perni unam petiam terræ quæ fuit de feudo Roberii de Rocco Militis, quæ est in loco qui dicitur sylva munda, cujus & dicimus fines. Ab oriente jungitur cum terra ejusdem Ecclesiæ: a septentrione jungitur cum Braida, quam dedit Dominus Rogerius de Murra nostra concessione & voluntate eidem Ecclesiæ &c.*

Hactenus producta monumenta satis ostendunt Ecclesiam S. Mariæ de Perno ab Armaterii Dominis in ejus Castri territorio fuisse fundatam; bonis etiam ex feudo decerptis fuisse dotatam. Ea autem monumenta Curia sufficere censuit ad controversiam decidendam, omisissis aliis donationibus eidem Ecclesiæ factis ab insequentis Armaterii Dominis in dotis additamentum. Tantum opportunum fuerit memorare, quod
le-

legitur in antiqua Bulla Uberti Rapollæ Episcopi anni 1186., qua confirmatur controversæ Ecclesiæ subiectio Monasterio S. Salvatoris de Goleto pro ejus temporis circumstantiis. Per eam occasionem probavit Rapollæ Episcopus ejus Ecclesiæ foundationem, ac dotationem, remque iis verbis enuncians, quæ præsentem causam mirum in modum illustrant: *Et quod etiam magn. viri Domini Giliberti de Balbano una cum Domino Riccardo filio suo Domini Castellii Armaterii, in cujus territorio prædicta Ecclesia S. Mariæ de Pernis dignoscitur fore constructa, amplioribus bonis, & rebus immobilibus suis in præfato territorio Armaterii præfatam Ecclesiam S. Mariæ de Pernis prædotarunt &c.*

Cum igitur in dubium revocari nequeat, tam ex juris civilis, quam ex Pontificii regulis, foundationem, ac dotationem Ecclesiæ, sine reservationis necessitate, jus patronatus deferre: exploratum etiam videri debet, ad utiles Dominos veteris Castri Armaterii spectare, & spectavisse patronatum in Ecclesiam S. Mariæ de Perno. Facile autem refelli potest, quod adversus ejusmodi patronatum regerit Nicolaus Columna, ob collationes scilicet a Romana Curia libere factas ab anno 1616. usque in præsentem diem, jus patronatus feudi possessori competens præscriptione peremptum. Jus enim publicum cum in Regno Neapolitano receptum, tum passim in Europa alibi, jus patronatus ad Regiam Coronam seu mediate, seu immediate pertinens, præscriptioni subesse vetat. Eo accedit, in præsentī causā præscriptionem pro Romana Curia ne allegari quidem posse. Explorati scilicet juris est in judicium re deducta, neque inchoari, neque absolvi præscriptionem posse. Atqui antequam a Romana Curia prædictæ collationes fierent, res litigiosa pridem evaserat ob litis contestationem inter Fiscum, & Commissarios Apostolicos; & probationes absolutæ jam erant, ob quas patronatus feudalī declarandus erat. Ubi vero Pontificia collatio primum in Regno exequutioni mandata fuit, id factum salvis Fisci juribus. Rotalium vero decisionum de libera Abbatiæ collatione pro Romana Curia nulla ratio haberi debet, cum promanarint a Judice non competente. Hinc Curia Ill. &

H h 3

Rev

Rev. Capellani Majoris, cum voto Domini Regii Consilarii D. Dominici Potenza Consultoris ejusdem, ita pronuntiavit: Curia declarat, Abbatiam S. Mariae de Perno fuisse, & esse Regii patronatus mediati herentis veteri Armaterii Castro; ac proinde eam cum suis bonis, juribus, privilegiis, Ecclesiis, Grantiis, obedientiis, ac pertinentiis suis, feudo, ejusque utili Domino, prout qualitas feudalis exposcit, restitui oportere, cum jure Abbatibus nominandi, quoties eam vacare contigerit, & cum reliquis juribus & patronatu manantibus: ipsam vero Abbatiam in libris Curiae describendam inter reliquas Ecclesias, & Abbatis, in quas jus patronatus feudale competit. Quod vero ad pertinentiam veteris Castri Armaterii, utrum scilicet conjunctum id fuerit cum Atelle feudo possessio a Torella Principe, an cum feudo S. Felicis possessio a Principe Melpil, Partes adeant S. C., ubi inter praedictos Barones ea de re lis agitur.

In causa appellationis in hac Curia Capellaniae Majoris vertente inter Collegiatam Ecclesiam S. Michaelis Archangeli Terra Plani Civitatis Surrenti, cum nonnullis interesse habentibus. Die 27. Augusti 1782.

Verpetua ecclesiastica ministeria, quae perceptionem fructuum ex Ecclesiarum bonis praeferebant, quaeque in titulum erecta sunt, vera Ecclesiastica Beneficia censeri debent: cui non obstat, quod ad ministerium quoddam designatae personae ex fundationis tabulis eligendae sint: sicut Ecclesiam dotanti jus patronatus tribuitur, etiam non reservatum; ita contra negandum est ei, qui nullam exercuit erga Ecclesiam largitatem.

His actis: per Dom. Militem U. J. D. D. Carolum Marchionem Citum Regium Consil. ac in praesenti causa Judicem appellationis per S. M. specialiter deputatum provisum & decretum est: Bene fuisse appellatum per Rev. Archiepiscopum Surrentinum, & male judicatum per Curiam Capellani Majoris, maleque appellatum per Gubernatores laicos Parochialis Ecclesiae S. Michaelis Archangeli Plani Surrentini; ac proinde declaramus, quatuordecim Canonicatus, & sex Mansionariatus, quibus Collegiata dictae Ecclesiae coalescit, esse vera Beneficia Ecclesiastica; salvo Collegiatae jura patronatus tam pro sex Canonicatibus secundo erectis auctoritate dicti Rev. Archiepiscopi die 26. Martii 1728., & per Pontificem Clementem XII. Bulla mensis Julii 1733. confirmatis, petentibus Rev. Praeposito, & septem primis Canonicis, quam pro Mansionariatus pariter auctoritate ejusdem Rev. Archiepiscopi die 13. Maji 1751., petentibus omnibus Canonicis constitutis; ac salvo incolis ejusdem loci jure praesentandi Parochum,

abum, & Gubernatoribus sive Capserio Ecclesie prædictæ jure præsentandi duos ex octo primis Canonicis, totidemque Mansionarios, servata forma instrumenti fundationis anni 1726. fol. 11., integra tamen remanente dicto Rev. Archiepiscopo loci Ordinario simplicis institutione dictorum Canonicatum, & Mansionariatuum de jure patronatus RR. Canonicorum incolarum loci, & Gubernatorum sive Capserii Ecclesie prædictæ.

Quum enim dictus Rev. Archiepiscopus anno 1780. in Curia Capellani Majoris petiisset, jus sibi esse libere conferendi in mensibus sibi reservatis Canonicatus quatuordecim, & sex Mansionariatus vigentes in Collegiata Ecclesia S. Michaelis Archangeli Plani Surrentini, præter duos, quorum nominationem Gubernatores laici Ecclesie prædictæ sibi refervarunt, fol. 58. Et contra dicti Gubernatores, & Fratres de Sodalitio Mortuorum jus nominandi, fol. 133., & RR. Canonici, & Mansionarii tam jus nominandi, quam confirmandi ad beneficia prædicta per R. Præpositum ad ipsos pertinere asseruissent, fol. 125. datis, & expletis probationibus constitit, Ecclesiam illam ad annum usque 1726. laicalem, Paroecialem, receptitiam fuisse; Cives enim dicti Plani in loco dicto *Carotto* publicis Comitibus Gubernatores deputabant, & Parochum ab Ordinario instituendum eligebant, in ea vero Clerici unius vici *Carotto* tantum adiciebantur, ceteris omnibus exclusis.

Constitit insuper, anno 1726. tam Gubernatoribus laicis Ecclesie, quam Sodalibus Mortuorum in ea erectis placuisse illam in Collegiatam erigere; utrosque scorsim publicis tabulis, fol. 11. 22. & 24. dotem annuorum ducatorum quadringentorum triginta pro Collegiata erigenda contulisse, annuorum scilicet ducatorum ducentorum triginta Sodalitii Mortuorum Præfectos, & annuorum ducatorum ducentorum Ecclesie Gubernatores: illis onus imposuisse celebrationis per singulas hebdomadas Missarum sex cum cantu, & vigintitrium lectarum, ac canendi quolibet mense in primo Lunæ die Missam, & nocturnum unum mortuorum; hos vero præter onus adjectum celebrandi pro populo Missam cum canta diebus

bus Dominicis, gratis assistendi omnibus solemnibus in eadem Ecclesia pro eorum libitu celebraturis, ac præbendi salarium ædituo, ac organi modulatori, leges insuper dedisse, ut Parochus sive Canonicus, sive Mansionarius esset eligendus a Civibus loci, ut antea mos erat, utque Canonici, & Mansionarii incolæ esse deberent, aliis diversæ Ecclesiæ, sive Diocæscos penitus exclusis, ac tandem, quod jus nominandi Canonicos duos, totidemque Mansionarios ad Gubernatorem Capserium Ecclesiæ pertineret, toties quoties casus evenisset.

Constitit tandem, Pontificem Benedictum XIII. ab utriusque aditum, Bulla anni 1727. Rev. Archiepiscopo Surrentino Collegiæ erectionem præstitutis legibus demandasse pro septem Canonicatibus tantum, totidemque Præbendis, præter Præposituram, quæ unica dignitas esset, nulla prorsus de Mansionariis mentione facta, fol. 94. Bullam hanc Regio placito firmatam die 10. Martii 1728. sequenti die a Rev. Archiepiscopo Surrentino executioni demandatam fuisse, fol. 91. & 101. & a 1.

Die vero 26. ejusdem mensis, & anni petentibus RR. Canonicis, & annuentibus Ecclesiæ Gubernatoribus, Rev. Archiepiscopum auctoritate, quaungebatur, sex alios addidisse Canonicatus, fol. 93., dotem autem pro eorundem sex Canonicorum sustentatione eandem remansisse, quos rursus confirmasse Pontificem Clementem XII. Bulla mensis Julii 1733. a Rege adprobata, fol. 76. & 78.; ac demum eundem Rev. Archiepiscopum ann. 1751., petentibus eisdem Canonicis sex addidisse Mansionariatus, Collegiæ redditibus nusquam auctis, fol. 55.

His cognitis, Curia Capellani Majoris die 17. Septembris 1781. hanc tulit sententiam: *Ecclesiam Parocialem S. Michaelis Archangeli in Surrentino Plano in loco Carotto nuncupato, fuisse, & esse receptitiam, & in ea Collegiatam erectam mere patrimoniam esse pro Sacerdotibus in eam Parocialem receptis, Præposituram vero, Canonicatus, Mansionariatus, quibus eadem Collegiata constat, & quibus nusquam hæret Præbendæ qualitas, sed tantum participatio portionum mere temporalium sub titulo distrib-*

*butionum quotidianarum ad quotidianum personale servitium, fuisse, & esse mera officia, & dignitates ventosæ appellari solitas, non subiecta reservationibus, & affectionibus Romanæ Curie: proinde jus providendi in singulis vacationibus ad ipsum Corpus Collegiarum participantium pertinere; neque usquam Ordinarium loci in ea re immiscere se posse: salvo tamen Gubernatori, & Capserio di-
 ctæ Parochialis Ecclesiæ jure nominandi, eligendi Canonicos duos, ac totidem Missionarios in Collegiata prædicta in singulis vacationum casibus, servata forma instrumenti anni 1726.: quod autem ad patronatum a Sodalitio Mortuorum petitum Collegiata absol-
 vatur, fol. 180.*

Curie sententia his innititur rationibus. I. Quod Ecclesia a suis incunabilis receptitia ejusdem naturæ perseveraverit. Quod Canonicatus ea lege investos, ut nonnisi Presbyteri unius vici Carotto ad eos promoverentur; id namque statutum a fundatoribus, id a Pontifice cautum; jus igitur colligit ad dictam Collegiatam perveniendi patrimoniale esse; deque hujusmodi Ecclesia receptitia, ac patrimoniali Romanam Curiam, & loci Ordinarium jus exercere quoad collationes, Regni politis adversari pluribus Divalibus explicatæ. II. Quod Præpositura, & Canonicatus dignitatum inane tantum speciem præferant; ideoque inter ventosas dignitates esse recensendas; quum nec bonis Ecclesiasticis sint prædita, sed mere laicalibus, scilicet annuis ducatis quadringentis triginta in fundatione subnixis, nec ulla Præbenda ad Canonicatus naturam requisita in *Cap. Relatum de Præben. & Dignis*. Præbendas enim non esse, adstruit, distributiones punituræ regulis subiectas, quæ pro sacro ministerio presentibus tantum quotidie distribuuntur, ex *Card. de Luca de Canon. discurs. 16.*

Tandem quoad jus patronatus petitum a Sodalitio Mortuorum Curia declaravit, Collegiatam esse absolvendam, quum in comperto sit apud omnes, jus illud fundatoribus competere retributionis titulo pro adhibita largitate, & nihil a Sodalitio elargitum fuisse; collatus enim annalis reditus impositis oneribus sustinendis impar fuit.

De

De hac sententia apud Regem Rev. Archiepiscopus Sur-
rentinus postulavit, fol. 186. & 189., datoque appellationis
Iudice, Collegiata de impensis refici, Gubernatores laici jus
patronatus ipsis tribui pro dimidio Canoniciatum, & Man-
sionariatuum petiere, fol. 194. & 199. Datis rursus proba-
tionibus, & expletis, in aliam ire sententiam nobis visum
fuit, declarando Canoniciatus, Mansionariatus, ac Præposi-
turam esse vera Beneficia Ecclesiastica, quum sint officia, si-
ve perpetua Ecclesiastica ministeria cum annexo jure perci-
piendi fructus ex Ecclesiæ bonis, Ecclesiastica auctoritate in
titulum erecta.

De perpetuitate ex foundationis tabulis liquet, ubi amo-
vibiles Canonici non constituuntur, deque in titulum erectione
Bullarum perspicua verba dubitare non sinunt; æque ac
de fructuum qualitate, dum reditus illi a laicis donati e lai-
corum manibus, & usu separantur, & Ecclesiæ Ministrorum
substantiationi addicuntur perpetuo; ita namque fit, ut bona
a laicis semper profecta Ecclesiasticam induant naturam, &
qualitatem.

Electio vero, quæ solis loci illius Presbyteris adstringi-
tur Ecclesiastici Beneficii (de cujus erectione certo constat)
naturam non intervertit, certis enim personis illud conferri
debere a fundatoribus caveri potest, ac solet quotidie, quod
jus passivum appellari placuit. Ideo Innocentius III. lib. 1.
epist. 82. ad Auritanum Archiepiscopum scripsit: *Dignitates,
& cetera beneficia Ecclesiastica pro fidelium devotione constituta
fuerunt certis assignanda personis, ut per ipsas personas in Eccle-
siis devotum servitium jugiter impendatur.*

Ex his Innocentii verbis colligitur quoque, beneficium
sine officio non esse, sed cuique servitium in Ecclesia adjungi;
ideoque minime ventosas definiendas dignitates, quibus pro
diurno servitio fructus quotidie tribuatur. *Divini juris est, ut
qui servit Altari de Altari vivat, nec bono jure, qui non servit
Altari de Altari vivat, sicut stipendium non debetur nisi militanti-
bus, ait Synodus Colonienfis tit. 9. Can. 3. Servitium igitur,
quod in dies a Canonici præstatur, Ecclesiastici Beneficii*

na-

naturæ congruit: quod magis evincitur ex eo quod Capellaniæ, quibus tantummodo Missarum onus adjungitur, ubi in titulum sint erectæ veris Beneficiis accensentur; Capellani enim neque nomine, neque functione a Canonicis fuerunt discreti, ut docuit Molanus de *Canon. lib. 2. cap. 3.*: nam & officium canere, & Evangelium populo explanare tenebantur; postea hæc sensim Canonicis tantum tributa fuere, qui etiam vestibus, & aliis præ eminentiis eos præcellere obtinuerunt.

Præterea stipendium Clericis Ecclesiæ servientibus prius sæculis in dies ab Episcopis dispensabatur ex proventibus Ecclesiæ, perraro autem optime meritis tantum fundus ad vitam assignabatur: *Concil. Aurel. I. Can. 23.*, & *Can. 16. quæst. 1. Can. 61.* Dein labefcente Ecclesiæ disciplina, & Clericorum fidelitate, cœperunt singuli Presbyteri oblationes in propria Ecclesia factas sibi arrogare, inde & bona quoque usu, ac consuetudine cœperunt dividi, ac titulis adnecti.

Tantum abest igitur, distributiones quotidianas, quæ minutatim Ecclesiæ Ministris pro diurno servitio dispensantur Beneficii naturæ adversari, quin proprius accedant. Hinc Alexander III., qui in adducto *Cap. Relatum* pro Canonicali requirit Præbendam, ejus nomine *Clericalis Militiæ stipendia venire*, ait *cap. 4. Cod.*, & alimonix loco succedere, quæ Episcopus præstare tenetur Clericis, quos ordinat sine certo titulo *cap. 2. eod.*: quotidianam hanc dispensationem Præbendæ nomine non venire æquo jure existimavit Cardinalis de Luca, ad hunc vero tantum effectum, ne participes illius essent, qui licentiam abundi obtinuissent, alias obstarer Synodus Tridentina *sess. 4. cap. 13.*, quæ in usum revocavit Bonifacii VIII. Decretum in *Cap. unico de Cleric. non resident. in 6.* Ad ceteros effectus sub Præbendæ nomine eam completi, defendunt Canonistæ, inter quos Fagnanus in *Cap. 8. de Cleric. non resident.*

Nobis autem visum est, de sex Canonicatibus secundo erectis auctoritate Rev. Archiepiscopi, & Pontificis confirmatione ad petitionem octo Canonicorum primo electorum, & de Mansionariatibus ultimo constitutis in anno 1751. petente

Tom. I. Cur. Cap. Maj.

11

tente

tente integra Collegiata auctoritate ejusdem Rev. Archiepiscopi, jus patronatus Collegiatæ adjudicare eadem ratione, qua Sodalitio Mortuorum negatum; scilicet dictum jus patronatus retributionis titulo pro adhibita largitate competere. Onera Collegiatæ imposita a Sodalibus Mortuorum multum addictos redditus annuorum ducatorum ducentorum triginta superare, ad oculum patet. Hinc manifestum est, nonnisi vanum fundatoris nomen sibi vindicare. Pro annuis vero ducatis ducentis a Gubernatoribus laicis Ecclesiæ addictis Collegiatæ tunc erigendæ, iidem quamquam fundatores ob eam dotem constitutam nonnisi jus nominandi duos tantum Canonicos, totidemque Mansionarios, quoties casus vacationis evenisset, sibi reservarunt, relicta libera collatione ceterorum Canonicatum Rev. Archiepiscopo. At pro sex Canonicis secundo erectis, & pro Mansionariis in anno 1751. constitutis ex solis redditibus Collegiatæ mera largitas Canonicorum evidenter agnoscitur: eaque propter retributionis titulo jus patronatus dictorum Beneficiorum Ecclesiasticorum non esse ipsis negandum, censuimus; idque etiam ob non exiguas impensas ab eisdem Rev. Canonicis erogatas pro sex Canonicatibus, & totidem Mansionariis adjunctis, & pro prima Collegiatæ erectione, fol. 33. ad 52. & fol. 55., foundationis enim jus non ex sola fundi datione insurgere tam antiquis Canonibus, quampluribus Decretalibus demonstravit Franciscus de Roye in *Prolegom. de jure patron. cap. 3.*, imo, ut docuit Zipæus *Respon. 3. de jure patron.* illud non acquiritur, nisi omnia conferantur, quæ integra Beneficii instructio, & conservatio exposcit.

Tandem nil ob stare, visum nobis fuit, tale jus patronatus a Collegiata in erectione sex Canonicatum, totidemque Mansionariatuum non fuisse reservatum, vel tot collationibus a Romana Curia, vel a Rev. Archiepiscopo præscriptum: explorati enim juris est tam ob Canones, quam ob Regni leges, sola vi foundationis jus patronatus acquiri, ac pro liberalitate ipso jure deberi *cap. 25. de jure patron. Collect. Regiorum Rescriptorum part. 1. tit. 27. num. 3.*, nec ob col-

collationes ab Episcopis factas patronorum jura umquam præscribi .

De his vero Beneficiis jure institutionem Rev. Archiepiscopo attribuimus *cap. 4. de jur. Archid.*, simplicem autem, quia omni examine præciso ad curata tantum Beneficia requisito, præsentatos admittere tenetur, nec respicere illos potest, nisi pro manifesta & rationabili causa, ut rescriptis Alexander III. *Concil. gen. tom. X. column. 1274.*, hæc vero nonnisi illa, quæ a canonicis impedimentis exsurgit jure definitis *cap. 18. de sent. excomm. in 6.*

In causa Regii patronatus in Abbatiam S. Mariæ de Bancio. Die 12. Septembris 1782.

Dominicus Ciaraldus causarum Patronus Regem interpellavit, ut sibi demandaretur patrociniū Regii patronatus in Abbatiam S. Mariæ de Bancio, per Pontificem Cardinalem Orsini collatam. Ita Principis Divalibus 2. Decembris ann. 1779. Curie Capellani Majoris mandatum, ut, auditis Coronæ Advocato, prædicto Ciaraldo, ac Partibus, de memorato patronatu sententiam diceret. Citationibus igitur per editum expeditis in locis omnibus de more in eam rem destinatis, ut res denunciaretur omnibus quorum interesset, in Curia adfuit unus Procurator Cardinalis Orsini asserens, a Cardinali possideri Abbatiam ex collatione Pontificis, neque ejus Regii patronatus in eam prætere. Dato, & compilato termino probatorio in contumaciam eorum, qui se judicio sistere detrectarunt, in ejus spatio ab eodem Ciaraldo controversi patronatus producta sunt documenta. Iis autem visis, Advocatus Coronæ institit declarari Monasterium sive Abbatiam supradictam fuisse, & esse Regii juris patronatus, ac proinde reintegrandam juribus Majestatis, cum omnibus feudis, juribus, jurisdictionibus, & integro statu, & cum jure eligendi Abbatem quoties vacatio occurreret, ac cum omnibus aliis juribus ad Principem Patronum spectantibus.

Ad causæ decisionem processura Curia examen monu-

li 2

men-

Monumenta, quæ ostendunt, pro arbitrio suo de Monasterio Principem statuisse, tamquam ad se pertinente, tuculentissima argumenta præbent, ab ipso Principe fuisse Monasterium fundatum: cui accedente aliorum Principum donatione, de Regio jure patronatus dubitari nequit.

mentorū cœpavit, quæ pro Regio patronatu Ciaraldus produxit. Primum omnium fuit exhibitum Diploma Grimoaldi Beneventani Principis sub initio sæculi IX. Inde liquet, prædictum Principem Longobardum Monasterio Casinensi, ejusque Abbati, concessisse Monasterium S. Mariæ de Bancio cum bonis omnibus ad illud pertinentibus: *Nos Grimoaldus piissimus, atque excellentissimus Princeps Gentis Longobardorum, motus Dei Omnipotentis misericordia, & pro redemptiōe animæ meæ, seu pro salvatione gentis nostræ, & Patriæ, concedimus in Monasterio Beati Benedicti, quod situm est in Castro Casino, ipsum Monasterium, quod dicitur in Banse, quod edificatum est in finibus Acerentiæ, cum servis, & ancillis, & omnem hereditatem ipsius Monasterii pertinentes, ad faciendum omnia, quæ Abbatibus Sancti Benedicti placuerint, & hoc nostra gloriosa potestate firmavimus, ut ipsum Monasterium sit sub jure Monasterii Sancti Benedicti, & ejusdem Abbatis, qui esse videtur in Castro Casino, ubi sacratissimum ejus Corpus requiescit, & nulus quispiam Episcopus, aut quilibet Sacerdos, aut Judex ibidem aliquem præsumat ordinare, nisi quem Abbas ejusdem B. Benedicti ordinauerit, aut disposuerit de omnibus rebus Monasterii.*

Aliud quoque Diploma fuit exhibitum, expeditum anno 1090. a Normannis Principibus, Rogerio scilicet cognomento *Bursa*, ejusque fratre Roemundo, utroque scilicet filio, & herede Roberti Guiscardi. Inde constat, prædictos Principes procurasse, ut Monasterium S. Mariæ de Bancio dedicaretur a Pontifice Urbano II., & per eam occasionem coram Pontifice, Archiepiscopis, & Episcopis dominiorum suorum, coram Comitibus, & Baronibus quamplurimis Venuſii coactis, concessisse prædicto Monasterio dotem longe maximam, in feudis aliisque bonis publicis consistentem. Primo ei donaverunt *Casale Carratellum* cum hominibus, terris, vineis, pertinentiis, & rationibus suis, sicut hactenus Nos eum habuimus, & cum omni potestate dominiæ generalis, quod est in tenimento *Castri nostri Saracena*, & totum feudum *Guglielmi de Ebuecurt* in ipso *Castro Saracena*, cum villanis octoginta quatuor. Deinde ei donaverunt Ecclesias quamplurimas cum bonis ad easdem per-

pertinentibus, præsertim vero: Ecclesiam Sancti Brancatii, & S. Joannis: Ecclesiam S. Mariæ, & S. Stephani: Ecclesiam S. Mariæ de Armir, & S. Nicolai de Campana intus in Saracena: in Civitate vero Melpbia Ecclesiam S. Christophori cum terra: quæ est in circuitu ipsius Ecclesiæ: in Civitate autem Juvenacii Ecclesiam S. Mariæ, & S. Benedicti in ædificio uno, quas ego Boemundus ædificare feci a novo fundamine, cum omnibus, quæ habent tam intus, quam de foris Civitatis Juvenacii, cum domibus, & platbeis, quæ sunt circa eas, quæ habent hos fines . . . Item in Civitate Trane Monasterium S. Marani, Monasterium SS. Trinitatis extra Civitatem, Ecclesiam omnium Sanctorum, & Ecclesiam S. Benedicti. In Civitate Cannæ Ecclesiam SS. Philippi, & Jacobi: In tenimento Baruli Ecclesiam S. Elisabeth: In Civitate Molfisæ Ecclesiam S. Mariæ extra Civitatem, Ecclesiam S. Joannis, & S. Simeonis, cum Casale Orcituni diruto, & hominibus suis: In tenimento Juvenacii Ecclesiam S. Sylvestri, & S. Leonis PP.: In tenimento Rubi Ecclesiam S. Eugeniæ Virginis: In Civitate Barii Ecclesiam S. Benedicti: In Monte Solicollæ Ecclesiam S. Angeli, Ecclesiam S. Joannis, Ecclesiam S. Mariæ de Catapano, & Ecclesiam S. Mariæ de Anadigito: In tenimento Civitatis Venusii Ecclesiam S. Lucie Virginis: In tenimento Francavillæ Ecclesiam S. Lucie: In Civitate Acheruncie Ecclesiam S. Anastasiæ, extra ipsam Civitatem Ecclesiam S. Petri: in Civitate Tubbii Ecclesiam S. Angeli, & Ecclesiam S. Theodori: In loco Jenzani Ecclesiam S. Vitalis, extra dictum locum Ecclesiam S. Angeli de Forminiano: In Monte Milone Ecclesiam S. Mariæ de Reclusa.

Majori adhuc liberalitate idem Monasterium prosequentes eodem Diplomate eidem concesserunt in dicta Civitate Melpbia duas vineas, quæ nostræ Curie pertinent, quarum descripserunt fines: in territorio Tarantina Civitatis Casale Genzanellum cum villanis suis, cum vineis, terris cultis, & incultis, aquis, platbeis, pascuis, & justiciis suis, & cum omni potestate generalis domini, & habet hos fines . . . In ipsa Civitate Tarantina quartam partem Regii Casalæ, quod est juxta prædictum locum Genzani, necnon, & Ecclesiam S. Mariæ de Muroceteri cum vineis, oli-

olivetis, & terris suis. *Qua omnia prædicta ita concedimus, tradimus, & confirmamus prædicto Monasterio . . . ut sint semper libera, & exempta amodo ab omni servitio publico, vel tributo, & ab omni humana molestatione, & infeſtatione quieta.* Denique eidem Monasterio confirmaverunt bona omnia ab eorum decessoribus donata, ſpeciatim vero tenimenta, *qua sunt circa ipsum Monasterium, & sunt distincta per limites, & fines suos, & obedientias ipsas.* Eos vero fines late patentes in eodem Diplomate expreſſerunt.

Ex alio quoque Diplomate expedito anno 1100. a Roberto Loritelli Comite, qui jure etiam summæ potestatis utebatur in locis ad se pertinentibus, apparet prædictum Comitenti eidem Monasterio conceſſiſſe Pagum, & Eccleſiam S. Laurentii in Mallo in Buccini territorio, cum hominibus, & vaſſallis, ejusque latissimis prædiis, quorum limites deſcripti fuerunt; ei quoque donasse quartam partem bajulationis prædicti Pagi eo tantum cum onere, ut pro Sacris faciendis Sacerdotes duo ibi alerentur.

Tandem Rogerii quoque Regis Diploma fuit exhibitum editum die 1. Octobris anni 1151. Inde autem liquet, prædictum Principem ob vitam, & religionem Rogerii Abbatis Monasterii de Bancio, & preces quamplurimas quas sepe ſepius nobis fudit pro Caſtello Bancia ipſi Monasterio olim a Nortmannis noſtris ſubſtrato (id ſane contigerat cum vetustiores Nortmanni Regni Provincias invaſerunt) rursus ei conceſſiſſe dictum Caſtellum Bancia cum hominibus, terris, aquis, pratis, pascuis, lignis, & cum omnibus, quæ ei pertinent, ac cum juſſiciis, & rationibus ſuis, ut ſemper ſit in poteſtate, & dominatione prædicti Abbatis, & ſucceſſorum ſuorum, ad faciendum de eo, & in eo omnia quæ voluerint omni futuro tempore, n ſra, & noſtrorum omnium tam præſentium, quam ſuccedentium, inquietudine remota. In eo addidit ſibi compertum eſſe: prædictum Monasterium a patruo ſuo Roberto in ſuam fidem, & clientelam receptum fuiſſe, & ab ejus filiis Duce Rogerio, & Boemundo conſobrinis auctum pariter, & ditatum, prout in privilegio, quod oculata fide perſpeximus, continetur. Hinc & ipſe
in

in mundiburgium suum illud recipiens ei confirmavit donationes prædictorum Ducum Rogerii, & Boemundi, addita concessione Pagi Cervaricii, necnon tenimenti S. Gervasii, & tenimenti S. Agathæ. Ei quoque concessit liberam facultatem coadunandi & assidendi homines in locis, & Casalibus suis undecumque habere poterant, præter servos empticios angarios assuetos: fideles autem homines per villas, loca, casalia, vel obedientias suas habitantes, & habitaturi, Abbatibus suis, sive Rectoribus, de omnibus, præterquam de crimine læsæ Majestatis, respondeant.

His ita transactis, Curæ visum, ex prædictis monumentis aperte liquere de Regio patronatu in controversam Abbatiam. Grimoaldus Beneventi Princeps ab ipso sæculo IX. de prædicto Monasterio pro suo arbitrio statuit, tamquam ad se pertinente, eo pendere iussit ab Abbate, & Monasterio Casuensi. Si ea de re nulla documenta suppeterent, hoc unum Grimoaldi factum satis evinceret, Monasterium opera Longobardorum Principum fuisse extructum, dotatum. Dominium enim penes eum esse præsumitur, qui pro domino agit, quam juris regulam proponit Jurisconsultus in *L. Titia ff. de solut.*

Insequentæ dotationes in Monasterium collatæ a Neapolitanis, seu Dynastis, seu Regibus, penes quos in territorio suo summa erat potestas, Regium jus patronatus magis ostendunt. Prædictæ dotationes bona feudalia complectebantur, & res a Principatu decerptas. Ejusmodi fuit donatio facta a Duce Rogerio, ejusque fratre Boemundo, Pagi Carratelli in territorio Castri Saraceni cum pertinentiis suis, feudi Gulielmi Ebuecurtenis cum vassallis, Pagi Genzanelli cum pertinentiis suis in territorio Tarentino, quartæ partis Regii Casalis in eodem territorio positi, præter latiora prædia concessa per decessores Principes in ambitu Monasterii, & præter tot Ecclesias cum bonis suis. Ejusmodi quoque fuit donatio facta per Comitem Loritelli Robertum, Pagi, & Ecclesiæ S. Laurentii in Mallo cum rebus ab eo pendentibus. Ejusmodi denique fuit, eaque potissima, donatio Rogerii Regis Castri Bancienfis, quo privatum fuerat Monasterium sub ipsum

ipsum Nortmannorum ingressum in Regnum, & Pagi Cervaricii, & tenimenti S. Gervasi, & S. Agathæ, cum jurisdictione in aliis quoque locis Monasterio donatis, & cum immunitate a tributis, aliisque juribus in Diplomate enarratis.

Pcr Ecclesiæ Canones jus patronatus deferri jubetur ad privatos quoslibet, qui ad quotidianas Ecclesiarum necessitates eis suas substantias largiuntur. *Can. Nemo, de consecrat. dist. 1.* Id ipsum confirmavit Imperator Justinianus *Nov. 57. cap. ult.* Igitur potiori jure patronatus in Monasterium S. Mariæ de Bancio addici debet Neapolitanis Principibus, qui largitionibus suis de Principatus bonis illud ditarent. Id juris ipsi Principatui hæret. Id ipsum igitur Felicissimo Ferdinando, ejusque in Regno successibus adjudicari debet.

Controversum sane Monasterium per ætatem Grimoaldi Principis Monasterio Casinenti concessum, ac subiectum fuerat. Sed insequentis temporibus, quale fuit opulentorum Monasteriorum commune fatum, Abbatibus Commendatariis commendatum fuit, qui id unum curarunt, ut redditus inde perciperent. Commendatio id genus contra Principis mentem cæptata, quod alias contigisse constat, dissolutioni ipsius Monasterii occasionem præstitit, bonis ab Abbate retentis. Quod quidem veteribus Ecclesiæ regulis adversatur in *Can. Monasterium 30. caus. 16.* Res igitur ipsa flagitat, ut Abbatia per decessores Principes dotata, locupletata, ejusque patronatus, ad successores in Regno redeat. Hinc Curia Ill. & Rev. Capellani Majoris, cum voto Domini Regii Consiliarii D. Dominici Potenza Consultoris ejusdem, ita pronunciavit: *Monasterium atque Abbatiam S. Mariæ de Bancio cum omnibus fructis, Ecclesiis, Granciis, obedientiis, ac juribus generatim omnibus, fuisse, & esse Regii patronatus; Principem igitur, ejusque in Regno successores non minus in patronatum ipsum redintegrari oportere, quam in jus eligendi Abbatem quoties Abbatiam vacare contingerit, pariterque in jura omnia, quæ Principi Patrono competunt. Ne vero jus Principis detrimentum patiat, prædictum Monasterium, & Abbatia inter reliquas Regias Abbatis, & Monasteria in libris Curie describatur.*

In

In causa reintegrationis Regii juris patronatus in Abbatia S. Joannis in Lamis, & S. Mariae de Pulsano. Die 7. Novembris 1782.

IN Curia Capellani Majoris judicium est institutum de origine duarum Abbatiarum, S. Joannis in Lamis scilicet, & S. Mariae de Pulsano, non minus insignium, quam in Regno antiquarum. Promotor Fiscalis contendit libello suo utramque & Regii patronatus esse, & in eas Regiam Coronam redintegrari oportere. Citationibus igitur per editum expeditis, ut controversia denunciaretur omnibus, quorum interesset: in Curia adfuerunt tantum Procuratores D. Nicolai Colonna Nuncii Pontificii apud Catholicum Regem, & D. Josephi Carafa, quorum alter a Romana Curia obtinuit Abbatiam S. Joannis in Lamis, alter vero Abbatiam S. Mariae de Pulsano. Dato postmodum, & compilato termino probatorio, in eo Promotor Fiscalis ad adprobendam intentionem suam, de utriusque Regia dotatione decretoria monumenta exhibuit.

Sane is primo ostendit, undecimo labente seculo, cum adhuc Constantinopolitani Principes quibusdam Regni Provinciis imperitabant, neque Regnum per Normannos omnino debellatum fuerat, praedictos Constantinopolitanos Principes per Catapanos suos ad regimen militari solitos Provinciarum, quae sub Graecorum fide manebant, de bonis ad Majestatem pertinentibus opulentam dotem constituisse Monasterio S. Joannis in Lamis, qua Benedictini Monachi per id temporis ibi degentes laute sustentare se possent. Profecto ex monumentis ab eo productis liquet, anno 1006. Constantinopoli imperante Basilio, Alexium Xiphca Protospatarium, & Italiae Catapanum privilegium dedisse *Alexandro Monacho, & Abbati Monasterii S. Joannis de Lamis nomine ipsius Monasterii*, quo ei concessit lae patentia territoria his finibus circumscripta, *a Castello Bizzani ubi habitant homines ipsius Monasterii, & vadit ad locum Leocarelli, & ascendit ad viam Rubelli, & salit ad caput Lameputei, & ferit ad cosam maximam, & inde vadit ad antrum Vulturi, & ferit ad mon-*

Tom. I. Cur. Cap. Maj.

K k

tem

Ecclesia, quam liberalitate Principum Principatusque hominis dotatam fuisse constat, Regio iuri patronatus obnoxia est; et si in liberalitate exercenda dotis nomine ubi Principes non sint.

tem Condizzi &c. Quare precipimus hos terminos perpetuo quistos dicto Monasterio permanere pro servitio Dei, & dicti Monasterii S. Joannis de Lama.

Præterea constitit, anno 1008. sub eodem Imperatore Basilio Joannem Curcua novum Italici Catapanum eidem Alexandro Monacho, & Abbati Monasterii S. Joannis de Lama altero privilegio suo novam concessionem fecisse prædictorum prædiorum intra designatos limites, atque in ea concessione ita addidisse: Unde precipimus, ut nullus audeat hos terminos ipsi Monasterio columinis removere, seu in eis aliquam turbationem inferre; sed ipsum Monasterium sit cum Monachis suis quietum, & liberum, per hoc sigillum, quod Nos facimus, & damus ipsi Monasterio, ut nullus Episcopus, Archiepiscopus Italia audeat aliquod impetere, sed sit in demanio, & potestate Monasterii prædicti.

Ostensum est quoque, anno 1029. sub Romano Argyropolo Constantinopolitano Principe a Christophoro Protospatario novo Italici Catapano novum privilegium fuisse concessum Petro Monacho, & Abbati Monasterii S. Joannis de Lama, & Monachis, & posteris suis: eo autem prædiorum latius patentia Monasterio fuisse concessa, unde Monachi lautiora alimenta perciperent. Ita enim in privilegio legitur: *Usque in servitio Dei melius animemus, & habeant unde abundanter vivere possint, damus eis, & concedimus terras, & loca cum ipsis terminis videlicet: A Monte Guardie Riniani per vadum, qui vadit ad viam S. Andreae de Stagita, & vadit ad Pirum . . . & ferit in . . . de Brandina, & invertit in medio fluminis Camelarri, & recto tramite vadit ad concam Capitis Montis Tabernarii, & inde vadit ad Montem prænominatum Guardia Riniani.* Unde precipimus, ut nullus inter hos terminos audeat invadere, seu molestiam facere, aut ipsum Monasterium perturbare, sed sint securi in ipsis terris suis in servitio Dei, & Monasterii prædicti &c.

Adprobatur est ulterius, anno 1031. sub eodem Romano Argyropolo, ipsius jussu per Bivianum Protospatarium novum Italici Catapanum eidem Monasterio fuisse factam

ampliozem prædiorum concessionem, quorum remotiores Montes limites erant, ut inde Monachis alimenta suppeterent, iique de vitæ sustentatione nusquam solliciti pro incolumitate Principis Deo preces offerrent. Sic enim in Diplomate legitur :

Quia ipsi, qui apud Deum in habitu monachali vivere cupiunt, & Deo servire, & placere volunt, iustum visum est, ut eis & donum totius bonitatis demus, & meritum, quo perfecta sancta Religio augeatur, ut qui in Ecclesia morantur, cum tota mente Deum orare debeant pro nostro sanctissimo Imperatore, & ceteris Christianis. Quare invenimus Dominum Petrum Abbatem Monasterii S. Joannis de Lama iustificatum nobis a Leone Venerabili Archiepiscopo de Civitate Siponti, & aliis bonis hominibus, quod præcepta Domini bene & laudabiliter ipse, & Monachi dicti Monasterii custodiunt, unde visum est nobis, quod terras laboratorias, & alias eis necessarias tribuamus, unde ipse, & sancti Patres, qui in præfato Monasterio habitant, vel habitaturi erunt, sufficienter & optime habeant unde vivere possint, & Deo servire valeant. Qua de causa mandato, & voluntate sanctissimi Imperatoris nostri, damus, & concedimus tibi Domino Abbati Monasterii S. Joannis de Lama, & posteris tuis nomine ipsius Monasterii, loca videlicet, terras, quæ incipiunt a Monte calvo, quomodo descendit per vallonem, & descendit ad stratam, quæ dicitur Francesca, ubi sunt magni lapides, & ascendit per vallonem ad lacum rubeum, & postea descendit per vallem Termitofani ad cisternam S. Mariæ ad Corellum, & ascendit per vallem jumentorum, & pergit usque ad flumen Candelarii, deinde ascendit per flumen usque ad vallem, quæ dicitur Rubellum, & per Rubellum ad vallem, quæ est Vulturari, & quomodo ascendit ad Guardiolam, & vadit ad Montem Codizzi, & vadit ad Turricellam, & inde pergit ad locum, qui dicitur Jova, ubi surgunt aquæ, & vadit ad Montem Guardiam, deinde vadit per vallem inter duas petras, quæ sunt rubræ, & deinde ad flumen prænominati Candelarii in locum, qui vocatur Blestizzi, & recto tramite vadit sicut petre fixæ sunt, & vadit ad puteos, qui sunt in via, & vadit per ipsam viam ad locum, qui dicitur Trojolum

in flumine, & ascendis per ipsum flumen ad locum ubi est conversio fluminis, ubi petra fixæ sunt, & recto tramite vadit ad locum, qui dicitur Profica, & recto tramite vadit ad stratam Francefcam, et hoc itinere vadit ad Montem, qui dicitur Castellum, et de ipso Monte vadit ad locum, qui dicitur Oculum ad Cotinum de Sambuco, et inde vadit ad locum, qui dicitur Callone de Urfo, et inde vadit ad Montem Formicosum, et inde pergit recto tramite ad locum, qui dicitur Dentale, et inde vadit ad locum, qui dicitur Petrofa, et inde recto tramite vadit ad Monticellum, qui est contra de Montecalvo, et venit per prædictum Montem ad priorem finem. Unde Ego prænominatus . . . pro servitio præfati Monasterii, et pro gaudio, et salute sanctissimi Imperatoris nostri, de mandato, et voluntate ipsius, dono, & concedo, atque confirmo præfato Monasterio S. Joannis Lama, & tibi Domno Petro Abbati ipsius Monasterii, & Monachis, & posteris suis, prænominatas terras & loca infra prædictos terminos designatos, cum terris cultis, & incultis, planitiis, atque montibus, pratis, pascuis, atque paludibus, aquis, nemoribus, sylvis, arboribus fructiferis, atque infructiferis &c.

Constitit denique, anno 1052. jussu Constantini Monomachi per id temporis Orientis Imperatoris per Argryrum novum in Italia Catapanum fuisse confirmatas concessionibus omnes a decessoribus Principibus eidem Monasterio factas. In Diplomate ea verba occurrunt: Quapropter omnes donationes, concessiones, munitiones, possessiones, confirmationes, & libertates olim traditas, & concessas Abbatibus, & Monachis S. Joannis de Lama, & ipsi Monasterio per antecessores nostros, tibi Domno Vito Abbati dicti Monasterii S. Joannis, & posteris tuis nomine & pro parte ipsius Monasterii, & ipsi Monasterio jussu Imperiali in perpetuum confirmamus, sicut per privilegia, seu scripta dicti Monasterii invenimus concessas, atque assignatas. Id insuper additum, quod post Abbatis mortem, Monachi ponant Abbatem secundum regulam, quem viderint honestum, & probum.

Sub Constantinopolitanis Principibus his ita transactis,
Nort-

Nortmannorum in nostris Provinciis valescente potentia, ex ipsorum Privilegiis Monasterio controverſo conceſſis Regius etiam patronatus facile evinci poteſt. Anno ſcilicet 1095. cum Comitatus Montis S. Angeli jure Majeſtatis erat penes Henricum gente Nortmannum, filium Roberti Comitis, eum adiit Abbas Monasterii S. Joannis in Lamis, conqueſtus de injuriis, quas Monasterii prædiis inferebant Oppidulorum incolæ demanio prædicti Comitis finitimorum, Cives Riniani ſcilicet, S. Eleutherii, Caſtripagani, S. Nicandri, & Caniani. Eum igitur rogavit, ut patrocinio ſuo Monasterium adverſus injurias tuendum ſuſciperet, ne quod in poſterum detrimenti caperet. Per eam occaſionem Græcorum Principum Privilegiis prædicto Monasterio conceſſis rite agnitis, eorumque interpretatione facta, idem Henricus aliud Diploma edidit, in quo rem omnem ita narravit :

*Ego Henricus gratia Dei Comes Montis S. Michaelis Archangeli filius, & heres qu. Roberti Comitis bo. me. præſenti publico ſcripto clarefacio, quod cum ſederem in palacio meo in-
tus in Caſtro prædicti Montis S. Michaelis Archangeli, venit
Domnus Benedictus Abbas Monasterii S. Joannis de Lama, &
conqueſtus eſt coram me de multis oppreſſionibus, & injuriis,
quas faciebant ei, & dicto Monasterio, homines Terrarum vi-
cinarum demanii noſtri, videlicet Riniani, S. Eleutherii, Caſtri-
pagani, S. Nicandri, & Caniani, ſuper territorio, & perti-
nentiis dicti Monasterii, petens a me humiliter, quod pro re-
verentia ſanctæ legis, & B. Joannis Baptiſtæ deberem ſuper his
remedium adhibere, necnon territorium dicti Monasterii declarare,
& ipſum de ſine in finem deſignare, ac etiam ipſum confirmare
debere, & dictum Monasterium in ſuis juribus defendere, &
tueri. De quibus Ego illum interrogavi, ſi haberet inde aliquas
rationes, vel cautelas, qui inſtanter oſtendit coram me quinque
ſcripta publica Græcorum, bullata ex plumbo, & vocato inter-
prete, ea legi feci coram me, quorum continentia publicorum
ſcriptorum græcorum ſunt hæc.*

Hoc in loco Diplomatis fuerunt incertæ quinque illæ
Græcorum Principum conceſſiones latine redditæ, quibus al-
latis Henricus addidit :

Incirco

Idcirco in praesentia Rodolphi Judicis, & Joannis Clerici publici nostri Curialis Prothonotarii, adstantibus mecum Guidelmo fratre nostro, quamplurimis Magnatibus, et aliis hominibus demanii nostri . . . Visis, lectis, et intellectis omnibus scriptis publicis Græcorum prædictorum in praesentia nostra, voluntate, et honore Dei, ex pia devotione, quam ad ipsum sanctum Monasterium qu. Robertus pater noster habuit, et ego similiter habeo, tibi Domno Benedicto Abbati prædicti Monasterii S. Joannis de Lama, tuisque successoribus, et ipsi nostro Monasterio, omnia quæ in dictis scriptis Græcorum continentur, sicut præscripta sunt, indulgeo, et in perpetuum confirmo, et ita de fine in finem designo.

Inde descripsit Comes prædiorum limites, quæ concessa fuerant, & prout in Græcorum Principum Privilegiis enunciabantur, subnectens: *Unde de his omnibus tam per me designatis, quam per scripta publica Græcorum, sicut superius est expressum, et nostro Monasterio traditis, cum omnibus infra se habentibus, cum terris cultis, et incultis etc., atque cum omnibus pertinentiis suis sicut scripta sunt, tibi Domno Benedicto Abbati Monasterii S. Joannis de Lama, et tuis successoribus nomine, et pro parte dicti Monasterii, ac ipsi Monasterio transitive tradidi, et in perpetuum confirmavi, et per fustem pro parte dicti Monasterii te, tuosque successores investivi ad semper habendum etc.*

Digna etiam sunt, quæ observentur, quæ sequuntur in eodem Diplomate verba. Inde enim apertius liquet de concessorum prædiorum immensitate. Indidem quoque constat per id temporis duos ibi vicos fuisse, Divi Joannis Rotundi scilicet, ac S. Marci, qui temporibus mox insequentis in magnam incolarum frequentiam excreverunt. Verba autem Diplomatis sunt:

Ea etenim ratione, ac conditione, ad rescandas omnes lites, & controversias, quæ inter te pro parte dicti Monasterii, & posteros tuos, & homines Terrarum dominii nostri vicinarum dicti Monasterii, scilicet Riniani, S. Eleutherii, Castripagani, S. Nicandri, & Caniani, aliquo possent tempore devenire, statu-

minus de voluntate nostra, & voluntate Partium, locorum, & Terrarum prædictarum, quod liceat hominibus ipsarum Terrarum per totum territorium dicti Monasterii superius designatum, tam ipsi, quam ceterum animalibus libere aquam, & herbam accipere, ligna, & marraminas incidere, absque impedimento, & damno Monasterii supradicti, & terras laboratorias de vestra voluntate laborare, & de fructibus exinde exeuntibus dicto Monasterio sicut concedet respondere: domines vero tam dicti Monasterii, quam S. Joannis Rotundi, quam S. Marci, Vaxalli dicti Monasterii, qui infra dictum Territorium habitant, seu habitaturi erunt, vadant libere per totum Territorium prædictarum Terrarum demanii nostri viciniorum nostri Monasterii, scilicet Riniani, S. Eleutherii, Castripagani, S. Nicandri, & Caniani, tam ipsi, quam dictum Monasterium, & ipsorum animalia capiendi libere aquas, & herbas, ligna, & marraminas incidende, sine calumnia, & damno alicujus hominis dictarum Terrarum, & terras laboratorias in ipsis Terris demanii nostri prædictarum Terrarum laborant, & de fructibus exinde exeuntibus patronis ipsorum terrarum respondeant secundum consuetudinem Terrarum ipsarum.

Quæ hætenus exposuimus, de Regio patronatu in Abbatiam S. Joannis in Lamis dubitari non sinunt. Inde enim evincitur, eam opulenter liberalitate Principum, ac bonis Principatus fuisse dotatam. Neque vero interest, in prædictis concessionibus nullam dotis mentionem fuisse injectam. Sane ubi Constantinopolitani Principes Monasterio, ejusque Monachis, latissima illa prædia concesserunt, ut habeant unde abundanter vivere possint, ut in altero Diplomate dicitur, & ut sufficienter, & optime habeant unde vivere possint, ut in altero legitur, re ipsa dotem Monasterio constituerunt. Leges enim res ipsas, non verba spectari jubent. Aliunde Nov. 57. cap. 2. mentione dotis omissa, præscribit, ut patronatum habeat expendens in Ecclesia ministrantibus alimenta. Nov. etiam 123. cap. 18. jus patronatus addidit generatim omnibus, qui expensas ipsi Clericis ministrant. Idem Henricus in confirmatione concessionum in Monasterium collatarum, & in nova concessione sua, jus Regii patronatus agnovit.

vit. Neque alia de causa in Diplomate suo controversum Monasterium nostrum frequenter appellat, nisi quia dos ejus e manu Regia profecta fuerat, ac bonis Majestatis constituta.

At vero aliud in presenti controversia decretorium productum est documentum. Inde autem apertissime liquet, Neapolitanos Principes de controverso Monasterio pro arbitrio statuisse, quod quidem de Regio patronatu dubitari non finit. Id scilicet Diploma est Regis Gulielmi II. anni 1177., quo dotarium constituit uxori suæ Henrico Angliæ Rege prognatæ. In eo autem hæc occurrunt:

Quia vero nostra dignum est celsitudine, ut tam nobile & insigne conjugium decenti Dodario debeat honorari, per hoc præsens scriptum damus, & in Dodarium concedimus præfatæ Reginæ carissimæ uxori nostræ Comitatum Montis S. Angeli, Civitatem Siponti, & Civitatem Vessæ, cum omnibus justis tenimentis, & pertinentiis earum.

In servitio autem concedimus ei de tenimentis Comitatus Solfridi Alefinam, Pefchizam, Bicum, Caprile, Baranum, et Ssticizum, et omnia alia, quæ idem Comes de honore ejusdem Comitatus Montis S. Angeli tenere dignoscitur.

Concedimus etiam ei similiter Candelarium, Sanctum Cleiticum, Castellum Paganum, Bersentium, et Cognanum.

Pitæ hæc vero subdit: Insuper concedimus, ut sint de honore ipsius Dodarii Monasterium S. Joannis de Lama, et Monasterium S. Mariæ de Pulsano, cum omnibus tenimentis, quæ ipsa Monasteria tenent de honore prædicti Comitatus S. Angeli. Ita quidem, ut ipsa Regina uxor nostra prædicta omnia semper recognoscat ab heredibus nostris, nobis nostra ordinatione in Regno succedentibus, et de omnibus præscriptis tenimentis servitium, prout exigit feudum eorum, integre, et illibate jam dictis heredibus nostris faciat, et maneat semper in eorum fidelitate.

Hoc autem Gulielmi Diploma non solum Regium patronatum ostendit in Monasterium Divi Joannis in Lamis, sed in Monasterium etiam S. Mariæ de Pulsano. Licet enim ob temporis vetustatem primæ ejus dotationis monumenta desint, exploratum est tamen, prædictum Monasterium S. Ma-

riæ

riæ de Pulsano per Neapolitanos Principes fuisse dotatum ipsius Principatus bonis, ac præsertim prædiis in Montis S. Angeli Comitatu positis. Expressim id legitur in Guilelmi Diplomate, ubi is concedens Monasterium S. Mariæ de Pulsano, & Monasterium S. Joannis in Lama hæc addit: *Cum omnibus tenementis, quæ ipsa Monasteria tenent de honore prædicti Comitatus S. Angeli*. Vetusiorum igitur temporum ea de re monumentis posthabitis, Regium patronatum in Monasterium S. Mariæ de Pulsano illud luculenter evincit, quod jure quam optimo illud possederint Neapolitani Principes, idque Guilelmus dotarii titulo in conjugem suam transulerit edicens, Monasterium prædicti Comitatus bona habuisse.

Hoc ipsum autem apertius constat ex Diplomate Frederici II. Fovæ edito 13. Maji ann. 1225. In eo Fridericus in tutelam, & mundiburgium suum recepit Monasterium S. Mariæ de Pulsano cum omnibus obedientiis suis, eique confirmavit, ac rursus concessit bona omnia ab eo possessa, ac speciatim omnes terras, quas *dictus qu. fel. mem. Guilielmus Rex II. in loco, sine ulla exactione terratici, vel herbatici, nostris Bajulis aliquando tribuendo, ipsi Monasterio donavit*. Itidem ei confirmavit, ac rursus concessit bona omnia Monasterio ab iis concessa, qui in Comitatu Montis S. Angeli, ac finitimis Regionibus imperitarunt, ac speciatim Ecclesiam S. Joannis de Vento in territorio Castri Plietri, quamque Mastolius Troysus Dei, & Regis gratia Dominus Castri Plietri eidem Monasterio donavit: Monasterium S. Petri Opine novæ in Ischitella, quod qu. . . . Paulus Dei, & Regis gratia Dominus Castri Ischitella donavit dicto Monasterio, cum Ecclesiis, terris, vineis, sylvis, molendinis, & omnibus juribus, ac pertinentiis suis: duas petias terrarum, quas qu. Jonatas Dei, & Regis gratia Civitatis Comes in territorio prædictæ Terræ Civitatis dicto Monasterio donavit, unam videlicet in partibus Orientis juxta vallonem, qui dicitur Radicosa, alteram in partibus Occidentis, quæ dicitur Isola juxta flumen Fortorii. Itidem, ei concessit, ut per totum dominium nostrum, ubi possessiones, & tenimenta dictum Monasterium habuerit, possit as-

Tom. I. Cur. Cap. Maj.

L 1

fidare,

fiare, & diffidare; & ubique Monachi, vel homines prefati Monasterii possint libere emere, & vendere quæcumque voluerint, & nullum jus, actionem, seu platbeatum aliquod solvere teneantur. Denique vetuit Imperator, quod in piscationibus, quas idem Monasterium habet in mare Siponti, & S. Leonis, atque in Pantano Barani, nullus absque licentia Abbatis Pulsanensis audeat venari, vel piscari.

Cum constet igitur, Abbatias S. Joannis in Lamis, & S. Mariæ de Pulsano per Neapolitanos Principes opulenter fuisse dotatas, atque in eas patronatum exercuisse, Curia censuit, prædictarum Abbatiarum patronatum ad Principem, ejusque in Regno successores pertinere. Id & jus civile jubet, & ea in re Canones cum jure civili conveniunt. Eo accedit, prædictis Abbatibus feuda etiam fuisse concessa. Absurdum autem foret, ut ad libitum exterorum Principum eis quisquam investiat. Id ipsum igitur suadet, ut in controversas Abbatias patronatus necessario Principi asseratur. Cum summa quidem Principum Neapolitanorum injuria Romana Curia veterem Monasteriorum formam invertit, atque concessit Commendatariis, qui redditum unice studiosi ea dissolvi sunt passi: æquissimum tamen videtur, ut Regalis Corona in jus suum vetus restituatur, cum facultate & eligendi Abbatibus, & Abbatibus ipsas requius melius ordinandi, prout ipsas religioni videbitur. Eapropter Curia Ill. & Rev. Capellani Majoris, cum voto Domini Regii Consiliarii D. Dominici Potenza ordinarii Consultoris ejusdem, ita decrevit: *Monasterium sive Abbatiam S. Joannis in Lamis, ac Monasterium sive Abbatiam S. Mariæ de Pulsano, cum feudis, bonis, juribus, redditibus, exemptionibus, Ecclesiis, Graculis, & pertinentiis omnibus, fuisse, & esse de Regio patronatu: proinde in eum Regiam Coronam redintegrari oportere, sicut præsentis sententia redintegratur, ac restituitur, cum facultate eligendi Abbatibus, quoties Abbatias vacare contigerit, & cum reliquis juribus & Regio patronatu pendensibus: salva facultate Principis secus statuendi de Abbatiarum bonis, prout ejus religioni visum fuerit, ob extinctionem corporum, quibus liberalitate Neapolita-*

norum Principum concessa fuerunt. Ne quando autem injuria temporum jus Principis calumniam patiatur, tam dictum Monasterium sive Abbatia S. Joannis in Lamis, quam presatum Monasterium sive Abbatia S. Marie de Pulsano referantur in libros Curie inter Monasteria, & Abbacias, in quas jus patronatus Principi competit.

In causa Regii patronatus in Monasterium S. Michaelis Archangeli Montis Caveosi. Die 6. Februarii 1783.

Promotor Fiscalis Regalis Coronæ ab ipso anno 1772. actionem instituit in Curia Capellani Majoris, ut declararetur Regius patronatus in Monasterium S. Michaelis Archangelis PP. Casinensium Montis Caveosi, quippe non dotatum tantum, sed locupletatum quoque bonis decessorum Principum, qui in nostris Provinciis jura Summi Imperii exercuerunt. Actionem autem ab eo institutam adprobavit quoque Regiæ Coronæ Patronus. Lite vero denunciata prædicti Monasterii Patribus, ejus Regiam foundationem ac dotationem ingenue sunt professi, e veterum Nortmannorum Principum liberalitate manantem. Proinde declararunt se Regium patronatum oppugnatum non ire.

Maturiori igitur examine in controversiam instituto, aperte constitit, actionem Promotoris Fiscalis exploratissimis documentis innixam esse. Primo enim ostensum, quod mense Februarii anni 1082. Umfredus ex antiquorum Nortmannorum genere, misericordis Dei Omnipotentis, prout Deus vult, Comes Montis Scaviesi respiciens, quod Monasterium S. Michaelis Archangeli, videbatur habere hereditatem parvissimam, & non valebat se ibidem regere ad eorum utilitatem, Diplomate suo declaravit, accessisse se Simonem dicti Monasterii Abbatem, & coram suis Equitibus eidem concessisse, & tradidisse mediam hereditatem de Murro de illa parte fluminis Bradani, dimidium scilicet latifundii, de Murro dicti, trans Bradanum flumen, cujus & descripsit fines. Quibus descriptis hæc addidit: *Infra hos ergo fines inclusam ipsam medietatem*

Dos, quam summi Imperantes Cœnobio constituerunt, Regium jus patronatus tribuit. Posito autem jure patronatus Regio, cū pro bono ipsius Cœnobii videatur a veteri eligendi Abbatibus formā recedendum non esse; ea haud tamquam Abbatibus confirmatio ad Principem spectat.

tem supradictam de Murro, cultum, vel incultum, donavi, atque concessi tibi, tuisque successoribus, o prædictæ Domine Abbas, ut habeatis, & possideatis, & dominetis pro præfato Monasterio.

Uterius Promotor Fiscalis docuit, Radulfum Machabeum filium Umsfredi, una cum Guidelmo fratre suo, alio Diplomate mensis Septembris anni 1099. concessisse Ecclesiæ S. Michaelis de Monte Scaviofo, & tradidisse in dotem, eo quod nullam Ecclesiam oportet edificari sine dote, in die dedicationis illius, coram Episcopis eandem Ecclesiam dedicantibus, scilicet Tricaricensi Librando, Potentino Girardo, Gravinenſi Guidone, Mutilenſi Amuro, ibidem adstante etiam Comite Goffredo, filioque ejus Roberto, uxoreque ejus Sichelcaita, Riccardoque Senescallo, aliisque proceribus, necnon pluribus Militibus, Ecclesiam S. Salvatoris, quæ sita est in Castello, quod Comes Robertus edidit, & Ecclesiam S. Basilii, quæ est in Territorio Appii. Postea vero subdit: Confirmoque illi prædictæ Ecclesiæ ea quæ pater meus obtulit pro redemptione animæ illius ipsius ibidem sepulti In primis Ecclesiam B. Laurentii Martyris cum cunctis suis pertinentiis: Et Ecclesiam S. Juliani cum finibus suis: & ipsas roccas cum omnibus finibus suis; & Murrum cum divisionibus suis ex ista parte fluminis, & ultra transeuntibus: & veterem Civitatem, quæ Ancora vocatur; Et Ecclesiam S. Joannis de Avenella cum ipso eodem Castro, quod Avenella vocatur, cum integris suis pertinentiis; & medietatem omnium terrarum mihi pertinentium in Metaponto: & medietatem proficui portus: & Ecclesiam S. Mariæ, quæ sita est in loco, qui cornu vocatur, cum pertinentibus sibi: & Ecclesiam B. Nicolai de Appio, & fines suos: necnon Ecclesiam B. Benedicti de Acina: & Ecclesiam B. Viti: Et Ecclesiam S. Mariæ de Locorio: Et Ecclesiam S. Mariæ de Monte Scaviofo, quæ vocatur nova, cum omnibus suis pertinentiis: Et Ecclesiam S. Nicolai, quæ est sub meo Castello; Et Ecclesiam S. Lucie cum integris sibi pertinentibus, simul & Ecclesiam S. Mariæ, quæ Veterana vocatur: Et Ecclesiam S. Simeonis, quæ edita est juxta Turrin Severianam: & Ecclesiam S. Protomartyris Stephani de Rio, cum

cum olivis, & vineis: & vineas, quæ sunt in loco, qui vocatur Rupe: Et Ecclesiam S. Martini cum vineis; & Ecclesiam S. Leonis cum vineis, & terris, & omnibus ad se pertinentibus. Hæc autem omnia volumus, ut ipsa Ecclesia, & Governatores illius, absque contrarietate, libere, & integre habeant, possideant, ad honorem, & utilitatem.

Præterea constat, Comitissam Emmam Comitis Rogerii filiam, Civitatis Severianæ Dominam, viduamque memorati Radulphi Machabei, mense Septembri anni 1110. alio Diplomate concessisse prædicto Monasterio, ejusque Abbatibus, quod tenerent, & dominarentur libere, secure, & absolute cunctas possessiones, territoria, villas, terras cultas, & incultas, cellas quoque, & obedientias, homines quoque, qui ibidem servant, tam in prædicta Civitate Severiana, quam vir meus una mecum construxit, quam etiam in Casalibus, vel Castellis, aut ubicumque sunt, & habitant in Terris prædicti S. Michaelis, ut nec ego, nec mei heredes audeamus ab eis petere datum, aut servitium, vel angariam, seu placzam erga eos exigere Etiam licentiam vobis damus in prædicta Civitate, vel in cunctis locis vestris, vel nostris, homines assignare unde opportunitas exigit. Et rursus eandem Emmam Comitissam mense Julio anni 1119. insimul cum Rogerio Machabeo ejus filio, cum vellet de suis rebus propriis ditare, & amplificare prædictum Monasterium, eidem concessisse Castrum dictum Passabanti cum suis pertinentiis, juxta fines in Privilegio descriptos, cum facultate congregandi ibi villanos unde opportunitas exegerit, plantandi vineas & pomaria, & operandi quicquid proficuum Ecclesiæ fuerit: eidemque tradidisse jura terragiorum, & decimarum, & fidæ in compluribus locis in Privilegio descriptis.

Constat insuper Federicum II. Imperatorem, visis concessionibus Monasterio factis a memorata Comitissa Emma, confirmatis per Regem Rogerium illius fratrem, ea omnia rata habuisse alio Diplomate expedito mense Martio anni 1222. in quo hæc sunt verba: *Nos igitur considerantes sacram Religionem ipsius Monasterii, & devotionem fidei, quam Abbas, & Fratres ejus semper ad nostram Majestatem per es-*
sedum

festum operis habuerunt, attendentes etiam Ill. Regis Rogerii pietatem, qua memoranda sororis suae opus acceptant, donationem simul, & devotionem ipsius Monasterii per Privilegium, quod vidimus authenticum, confirmavit, concedimus & nos Abbatii Joannitio, & successoribus ejus, & Fratribus eorumdem, & ipsi Monasterio S. Michaelis de Monte Caveoso Privilegium praescriptum, quod & fecit praenominata Domina fundatrix, & omnia quae continentur in eo, tam videlicet possessiones, cellas, obedientias, homines, quam etiam libertates, & in perpetuum confirmamus.

Et rursus idem Imperator mens. April. ejusdem anni 1222. pro ampliori confirmatione Privilegiorum praedicti Monasterii aliud expedivit Diploma ita conceptum: Terras, Villas, Ecclesias, possessiones, tenimenta, medietatem etiam totius redditus Civitatis SS. Trinitatis, quae hodie dicitur Turris Maris, & omnia alia jura, quae ex concessione Emmae Comitissae Civitatis Severiana, olim Amica nostrae, ipsius Monasterii fundatrix, & concessione etiam Umsfredi, & Radulphi Machabei Dominorum Montis Caveosi, ac Regis Rogerii praedecessorum nostrorum memoria recolenda, vel quocumque alio iusto modo eidem Monasterio concessa, donata, & confirmata esse noscuntur, de speciali celsitudinis nostrae gratia confirmamus eidem.

Quae haecenus allegata sunt monumenta, dubitari non sinunt de Regio patronatu in Monasterium S. Michaelis Archangei Montis Caveosi. Sane prima ejus dotatio a Comite Umsfredo facta concessis Monasterio praediis late patentibus. Facta autem concessio fuit, ut haberet necessaria vitae subsidia, eo quod videbatur habere hereditatem parvissimam, & non valebat se ibidem regere. Comes quoque Radulfus eo prognatus, Machabeus cognomento, qua die dedicata fuit Ecclesia, eidem concessit diversis in locis vineas, oliveta, aliaque praedia non pauca, Castrum Avenelle cum territorio suo, & Ecclesias duodeviginti diversis in locis positas una cum bonis, quae ipsarum in mancipio erant. In concessione vero ita edixit, *Trado in dotem, eo quod nullam Ecclesiam oportet edificari sine dote.* Comitissa etiam Emma cum eodem Mo-

Monasterio liberalem se præstitit, quia, ut ipsa declarat in Diplomate suo, *Ecclesiam Beati Michaelis Arcangeli sitam in præscripta Civitate de suis rebus propriis dotare, & amplificare* voluit. Denique Fridericus in Diplomate suo memoravit *dotationem ipsius Monasterii* ab Umfredo, Radulfo Machabeo, & Emma Comitissa factam, quam etiam *Fundatricem* vocavit: meminit etiam confirmationis Rogerianæ. Ne quando autem ea de re controversia fieret, suam quoque confirmationem addidit. Quod igitur intendit Promotor Fiscalis in dubium revocari non potest, controversum scilicet Monasterium, Neapolitanorum Principum liberalitate, Principatus ipsius bonis dotatum ac locupletatum fuisse.

His itaque præstitutis, exploratum in jure est, non minus dotem, quam ipsius addimenta jus patronatus dotanti deferre, quamvis in dote constituenda id expressim reservatum non fuerit. Id aperte edicit ipse Pontifex Clemens III. in *cap. 25. de jure patr.* Eam Pontificis sententiam ita exhibet Glossator ad *Can. 9. dist. 1. de consecrat.*: *Jus patronatus ipso jure debetur, etiamsi non petat, vel in pactum deducat.* Id & Doctores ferme omnes sequuntur, & æquissimum videri debet. Ipsa enim rei natura postulabat, jus patronatus deferri iis, qui Monasteria, aut Ecclesias dotarent, ut ita pensaretur eorum pietas, qui substantiis suis ipsis consuluisent. Enimvero si id juris privatis denegari non debet, potiori jure Principibus competit, si ab ipsorum decessoribus ipsius Principatus bonis Ecclesiis dotatæ fuerint. Ea enim in specie jus patronatus inter Majestatis jura referri debet. His de causis in omnibus Catholicorum Provinciis receptum est, ut, si jus patronatus aliquod ad Principes pertineat, id neque præscriptione, neque diuturno inusu amitti possit.

His illud accedit, controversi Monasterii Patres adversus Regium patronatum nihil produxisse; ingenue enim confessi sunt ejus fundationem unice repetendam a liberalitate decessorum Principum, qui in Regni Provinciis jus Summæ Potestatis exercuerunt. Nihil igitur Curia impediendi vidit, cur ejus Monasterii patronatus Principi denegandus esset, ac
tum

tum ipse, tum ejus in Regno successores in jus primævum redintegrentur.

Quod autem ad Abbatis electionem, liquet anno 1480., Monasterio S. Michaelis Arcangeli Montis Caveosi tunc temporis jam commendato, ejusque renunciatione facta per Balthasarem de Baucio Commendatarium, Ferdinandum I. Aragonium a Xisto IV. petiisse, ut controversum Monasterium observantiæ monasticæ subjiceretur. Princeps enim optimus resciverat, id Monachis fuisse pene destitutum, ejusque ædificia ruinæ proxima. Ea de causa Princeps cum prædicto Pontifice egit, ut memoratum Monasterium uniretur cum Congregatione Divæ Justinæ Patavinæ, ut regeretur juxta ejus Congregationis *Constitutiones, ritus, & mores, ac regularia instituta*. A Principe autem petita unio exequutioni mandata fuit a prædicto Pontifice eo ipso anno 1480. Enim vero Congregatio Divæ Justinæ ex veteri instituto, quæ ea unita sunt, Monasteriorum Abbates ab omnibus Abbatibus capitulariter collectis una cum Generali Ordinis Præsidente eligi jubet, quæ quidem Congregationis lex mire profuit & paci in Monasteriis, & disciplinæ observantiæ conservandæ. Id igitur suadere videtur, ut in Abbatibus eligendis a veteri ritu non recedatur. His accedit, supplici libello suo ejus Monasterii Patres Regi exposuisse, præsentem Monasterii statum ab ipso Rege Ferdinando I. originem suam habere, eique preces obtulisse, ne redintegrato in Monasterium Regio patronatu, vetus forma eligendi Abbatis immutaretur, quæ & Monasterii quietem, & regularem observantiam mire juvit, idque ipsum servatum fuisse in redintegratione Regii patronatus in Monasterium Divi Laurentii Averfani. Clementissimum vero Principem Regiis suis codicillis 7. Septembris 1782. Curia mandasse, ut in dicenda sententia earum precum rationem haberet. Proinde Curia censuit, quod ad Abbatis electionem, in præsentis rerum statu a veteri Congregationis ritu in Abbatibus eligendis recedi non oportere. Ne quid tamen Regius patronatus detrimenti caperet, Curia visum, Abbates rite electos a Principe etiam confirmandos,

dos, neque posse munus suum suscipere, antequam a Principe confirmationem electionis obtineant. Quapropter tota de re sententiam Curia Ill. & Rev. Capellani Majoris, cum voto Domini Regii Consilarii D. Dominici Potenza ordinarii Consultoris ejusdem ita dixit: *Provisum, & decretum est, Monasterium S. Michaelis Arcangelis Benedictini Ordinis, dotatum ac ditatum ipsius Principatus bonis liberalitate veterum Neapolitanorum Principum, fuisse & esse Regii patronatus: proinde Regiam Coronam in patronatum suum reintegrari oportere in prædictum Monasterium sibi competentem una cum bonis ejusdem omnibus, feudis, vicis, grangiis, obedientiis, Ecclesiis ad Monasterium pertinentibus, secundum primævum statum, & naturam, cum facultate Abbatum confirmandorum, quoties electi fuerint: eorumque electiones neque ratas futurat, neque jus aliquod electis deferre, antequam confirmationem electionis a Principe obtinerint: denique Regem, ejusque in Regno successores jura omnia, quæ Principi Patrono competunt, in Monasterium exercere posse; ne quid autem detrimenti Regia jura patiantur, prædictum Monasterium describi in libris Curie inter alias Ecclesias, & Monasteria, in quæ jus patronatus Principi competit.*

In causa reintegrationis Regii patronatus in Abbatiam sive Monasterium S. Mariæ in Cryptis in Monte Drogo. Die 13. Martii 1783.

ANno 1777. Fisco nunciatum, Abbatiam Sanctæ Mariæ Cryptensis in Monte Drogo in Territorio Vitulani in Principatu ulteriori, Regii patronatus esse. Post nunciationem negotio omnino neglecto, anno 1780. Dominicus Ciaraldus a Rege supplici libello petiit, ut sibi mandaretur ejus causæ patrocinium, ut Corona Regia in controversum patronatum reintegraretur. Ciaraldi interpellatione ad Curiam Capellani Majoris remissa per Principem, Regiis codicillis Curie mandatum, ut audito Regiæ Coronæ Advocato, eodem Ciaraldo, aliisque, quos audiri oporteret, rite de tota re sententia diceretur. Per edictum igitur citationibus expeditis, de lite certiores facti sunt omnes, quorum interesset: judi-

Tom. I. Cur. Cap. Maj.

M in

Fundatio Ecclesiæ, neque ac dos e Principatus bonis derivata. Regium jus patronatus constituit: quod intelligendum est etiam si reservatus patronatus non fuerit.

cio

cio autem tantum adfuit Ferrantius Loffredus e Marchionibus Trevici, cui Abbatia commendata fuerat. Ab eo tamen declaratum, se Regio patronatui in prædictam Abbatiam non adversari. Ita termino probationibus præstituto, allegata sunt monumenta, unde Regius patronatus evinci posset.

Primum omnium producta sunt testimonia Ferdinandi Hughelli, atque Augustini Lubini. Ii enim de præfenti Abbatia loquuti in Diœcesi Beneventana posita, in eandem sententiam convenerunt. Ita enim uterque: *Altera Abbatia est S. Mariæ de Crypta inter duo juga montium, horrido ac pene impervio situ ædificata ab Atenulfo I. Beneventano, ac Capuano Principe, circa annum Domini 940., & a Benedictinis Monachis exulta usque ad annum 1443., quam in Commendam concessit deinde Nicolaus V.*

Ostensum est etiam, eandem Abbatiam mox dotatam ac locupletatam fuisse liberalitate Nortmannorum Principum, qui Longobardis devictis nostris Provinciis imperitarunt. Quamvis vero ad eas concessiones adprobandas Diploma tantum fuerit exhibitum Roberti Domini S. Lupi, & Pretæbubulæ, qui anno octavo Guilelmi Regis donavit Monasterio S. Mariæ de Monte Drogo solidam stertiam cum finibus late patentibus, pascuorum usum, & ligna cædua per omne territorium suum: producta sunt tamen Privilegia Friderici II., & Alphonso Aragonii, & Ferdinandi I., unde liquido constant concessiones Monasterio factæ superioribus temporibus ab ipso Rege Guilelmo, aliisque Nortmannis Principibus. Iis compertis ab eodem Friderico, Alphonso, & Ferdinando, superiores concessiones iteratæ, & confirmatæ sunt, aliis concessionibus superadditis.

Revera ita in Diplomate suo memoratus Robertus edicit: *Ego Robertus filius olim Ingolphi bona voluntate mea . . . concessi, atque donavi, & tradidi tibi Domino Roberto Monacho & Priori Ecclesiæ S. Mariæ Montis Drogi ad partem ipsius Ecclesiæ, integram unam stertiam, quæ est in loco, ubi Molina dicuntur: item pascua pro omnibus animalibus jam dictæ Ecclesiæ: præterea & incisiones quomodocumque utiles ipsi Ecclesiæ, & ibi*

Et ibi inservientibus, in toto tenimento nostro infra territoria ville meæ, quæ vocatur S. Lupi, Et Petra Bubula.

In Privilegio vero Friderici, Catanæ dato die 9. Julii anno 1209. antequam Friderico Imperium deferretur, narratur, Joannem Priorem una cum Conventu S. Mariæ Cryptensis in Monte Drogo per duos Monachos, preces prædicto Principi obtulisse, ut Privilegio suo confirmaret prædiorum quorundam concessionem a Rege Guilelmo II., aliisque Monasterio factas. In hunc autem modum Fridericus confirmationem indulsit: *Supplicationes vestras benignius admittentes, tenimenta omnia, quæ a prædicto Rege Guilelmo bo. me. jam dicto Monasterio collata fuerunt, Terram videlicet in Monte Drogi, in quo ipsum Monasterium est constructum, Et Terram, quæ dicitur Defensa, a supradicto Rege Guilelmo bo. me. eidem Monasterio concessas, de innata benignitatis nostræ clementia dicto Monasterio S. Mariæ de Crypta concedimus propterea, Et nostro Privilegio confirmamus. Quædam etiam alia, quæ petitis confirmari, ad supplicationem vestram certis nominibus duximus exprimenda: Tenimentum videlicet quod Robertus Ingolpbus in territorio Petre Bubule dicto Monasterio contulit: Terras laboratorias, quas Comes Joannes Alifio in prædicto Monte jam dicto Monasterio donavit: Petium terræ, quod Comes Rogerius de Andria in loco, qui dicitur Prata, ipsi Monasterio concessit: Terram, quæ dicitur sylva plana, quæ est juxta Civitatem Thelesæ, a Comite Guilelmo Caserta dicto Monasterio collatam Et. Præterea concedimus memorato Monasterio S. Mariæ pro animalibus suis libera pascua per totum demanium nostrum: insuper jam dictum Monasterium sub nostrâ Majestatis protectione ac defensione recipimus Et.*

In alio autem Friderici Privilegio 1. Februarii anni 1221. imperium jam adepti res ita narratur: *Quod post sollemnem Curiam nostram noviter Capuæ celebratam, Religiosus vir Dominus Placidus Venerabilis Prior Monasterii S. Mariæ de Crypta ad Curiam nostram accedens Majestati nostræ instanter, Et humiliter supplicavit, quatenus divinæ pietatis intuitu, Et spe retributionis æternæ, quasdam possessiones, quas Mona-*

sterium ipsum habere dignoscitur per loca & fines designata in instrumentis concessionis ipsarum possessionum facta dudum ipsi Monasterio a Dominis earundem possessionum, prout in instrumentis ipsis continebatur, & in prædicta nostra Curia eodem tempore Majestati nostræ præ parte dicti Monasterii præsentatis, ipsi Priori pro parte prædicti Monasterii de gratia benignitatis nostræ concedere, & confirmare perpetue dignaremur. Nos itaque attendentes honestam vitam, & laudabilem conversationem . . . omnes prædictas possessiones in instrumentis ipsis contentas, inferius denotatas . . . de nostra speciali gratia, de novo ipsi Monasterio elemosinaliter donamus, & concedimus, libere & absolute, absque servitio & auxilio personali & reali Curia nostra, vel aliquibus fidelibus nostris debito, seu debendo, & de Imperiali benignitate nostra in perpetuum confirmamus, non obstante Constitutione aliqua a prænominatis prædecessoribus nostris, & Majestate nostra edita, seu confirmata, vel amodo promulganda, eidem Monasterio contraria in prædictis.

Recepsit mox Imperator bona omnia, quæ complectebatur ipsius seu concessio, seu confirmatio. Eorum autem numerus ingens fuit. Memorabantur enim vici cum pertinentiis suis, demania, luci, immunitates a publicis functionibus, atque alia quæ ab iis tantum concedi possunt qui jure Majestatis utuntur.

Præterea ex alio Privilegio Regis Alphonſi Aragonii expedito Neapoli die 24. Martii anni 1444. liquet, ejus temporis Abbatem ei exposuisse, quod cum jam longissimo tempore retroactò ob devotionem ipsius gloriosissimæ Virginis Mariæ per aliquot Magnates, & Dominos hujus Regni, nonnullasque alias personas . . . plura fuissent prædia donata pleno jure, accedente consensu, & auctoritate Sacræ Sedis Apostolica, ac Imperialis, & Regni hujus Regiæ Majestatis, tunc cum dictum Monasterium recepsisset, & habuisset, prout in antiquis Privilegiis, & memorialibus, & scripturis ipsius Monasterii latius continetur: contra concessionem tamen vim iniquorum & spolia Monasterium patiebatur. Proinde cum Monasterium rogasset Alphonſum, ut denuo sibi concederet prædicta bona, ne
qua

qua ei molestia crearetur, Princeps indulgentissimus & vetera privilegia confirmavit, & petitam concessionem indulgit. Ita enim Monasterium non solum bona retinere poterat, quorum concessionis tempore in possessione erat, sed illa etiam vindicare, quæ ei fuerant adempta.

Denique Rex Ferdinandus I. alio Privilegio suo dato Neapoli 26. Martii anno 1471. ita edixit: Sane nuper pro parte venerabilis viri Galterii Gallaroli Abbatis venerandæ Ecclesiæ, seu Monasterii S. Mariæ de Crypta supra Vitulanum fidelis nostri dilecti, fuit nobis expositum, quemadmodum dicta Ecclesia seu Monasterium S. Mariæ ex piis oblationibus, concessionibus, legatis, atque elemosinis & gratis prædecessorum Regum, Principum, Comitum, Baronumque, & aliorum hominum & personarum ejusdem B. Virginis, Ecclesiæque prædictæ devotarum: & præsertim ex piis oblationibus, & concessionibus, necnon confirmationibus felicissimæ recordationis Regis Guilelmi, Rogerii, deinde augustæ memoriæ Federici, ac etiam recolendæ memoriæ Regis Alphonssi Patris & Domini nostri, tenuit & possedit, ac nunc tenet & possidet Ecclesias SS. Simeonis & Pauli cum omnibus suis pertinentiis, sitas in Territorio Montis Corbini, & Guardia Campi clari, cum jure patronatus in Ecclesia S. Mariæ de Vitulano, ac diversas vineas, domos, stantias, sylvas, defensas, nemora, oliveta, jardena, hortos, & alias terras cultas, & incultas, sitas & positas tam in Territorio Montis Corbini, Morconi, Casalibus Orculæ, in Civitate Capuæ, in Civitate Beneventi, in Civitate & districtu Thelesæ, in Territorio Terlicossi, in loco, qui dicitur Petra Bubula, & in loco, qui dicitur Arcus, quam etiam in Territorio, & Castro Petre Montis Corbini, in Casalibus Vitulani, Foliarii, Sale, Coeziani, in pertinentiis, & districtu Jovii, in loco ubi dicitur Culsiano, & ad Pratum, & in pertinentiis Castri Limatæ, & in Monte Drogi: Item domum, molendinum, & stantiam, quæ dicitur Sylva plana, item molendinum de Nassarellis in pertinentiis Limatæ cum certis redditibus in Territorio Solipacæ, ac cum juri- bus in & supra pratis, terris, vineis, nemoribus, herbagiis, & pascuis in Bostiro, & plano, in aquis, in molendinis, in

viis, & semitis, & omnibus aliis libertatibus, & immunitatibus in dicto Castro Tocchi, ejusque Casalibus, & Territorio; necnon etiam Casale Ferrarizii cum pertinentiis suis: Item omnia demania, excadentias, actiones, & conditiones in Terris, & aquis, quas Pelusina Domina Terlicofii in pertinentiis ipsius Castri quondam ipsi Monasterio obtulit & donavit: cum gratiis etiam immunitatibus, franchitiis, exemptionibus, auctoritatibus, & potestatibus, videlicet quod animalia ipsius Monasterii ubilibet per totum Regnum, tam per Terras demaniales, quam etiam aliorum Magnatum, Principum, Comitum, Baronum, libere pascant, & quod res & bona ipsius Monasterii sint exempta, immunia, & libera a plateis, plateaticis, solutionibus, & quod Oblati ipsius Monasterii non teneantur ad aliquam collectam, gravamen, aut servitium reale, vel personale, & eum omnibus aliis auctoritatibus, potestatibus, jurisdictionibus, prerogativis, & gratiis, prout & quemadmodum per ejusdem Abbatis partem latius contineri assertum est in scripturis, literis, & Privilegiis de ipsis donationibus, & oblationibus, earumque confirmationibus factis, & signanter in Privilegio prefati Imperatoris Federici dato Aversa anno Domini 1221. die 1. Februarii, ac in Privilegio prefati Domini Regis Alphonfi Patris nostri dato in Civitate Neapolis 24. Martii 1444. Cum igitur Monasterium Principem rogasset, ut prædictas concessiones sibi confirmaret, Rex Ferdinandus, iis distinctis ac numeratis, addidit: ea omnia confirmamus, ratificamus, acceptamus, & de novo concedimus.

Prædictis monumentis inspectis, Regalis Coronæ Patronus hanc actionem instituit: *Infat*, Monasterium sive Abbatiam in actis deducam redintegrari jurebus Majestatis, cum jure eligendi Abbatem, aliisque jurebus ad Regiam Abbatiam sive Monasterium pertinentibus: necnon describi in libris Rev. Capellani Majoris inter Abbantias sive Monasteria Regi jure patronatus.

Jam vero allegata Diplomata apprimè evincunt, Abbatiam seu Monasterium S. Mariæ Cryptenſis in Monte Drogò fundatam, ac dotatam fuisse liberalitate veterum Principum

pum Neapolitanorum ipsius Principatus bonis . Æquissimum igitur Curia censuit , patronatum prædicti Monasterii ad Principem pertinere ; Regiam vero Coronam in eum redintegrari oportere , quamvis in concessionibus suis Neapolitani Principes expresse sibi patronatum non reservarint . Diserte enim Justinianus in *Novell. 57. cap. ult.* patronatum ei competere iussit , *qui edificaverit Ecclesiam , aut etiam aliter in ea ministrantibus alimenta expenderit .* Id ipsum edixit Clemens III. in *cap. 25. de jure Patron.* Eandem juris Pontificii regulam proposuit Glossator ad *Can. IX. dist. 1. de consecrat.* , sic enim ibi : *Ius patronatus ipso jure debetur , etiamsi non petas , vel in pactum deducat .* Sed ea in re argumentis haud opus , nam ipsum Concilium Tridentinum patronatum ei asserit , *qui Ecclesiam construxerit , aut jam erectam , qua tamen sine sufficiente dote fuerit , de suis propriis & patrimonialibus bonis competenter dotaverit . Sess. 14. cap. 12. de Reform.* Ea Concilii sanctio ab æquitate naturali manat ; patronatu enim fundatori concessio gratam se præstat Ecclesia adversus eos , qui facultatibus suis Ecclesias dotant . Neque vero interest , dotis vocabulum in concessionibus usurpatum non esse . Nam non oportet leges calumniari , neque verba captare , sed qua mente quid dicatur aut fiat , animadvertere . Quapropter si leges patronatum ei deferri jubent , qui de suo Ministris alimenta constituit , nemo inficias iverit , dotis vocabulo contineri prædia , & alia id genus bona , unde Ecclesiarum Ministri alimenta percipiunt . Proinde Curia Ill. & Rev. Capellani Majoris , cum voto Domini Regii Consil. D. Dominici Potenza ordinarii Consultoris ejusdem , ita pronunciavit : *Abbatiam , seu Monasterium S. Mariæ Cryptensis in Territorio Vitulani Diocesis Beneventana , fuisse , & esse Regii patronatus , atque in eam Regalem Coronam redintegrari oportere una cum omnibus bonis , feudis , Ecclesiis , cellis , obedientiis , præminentis , jurisdictionibus , aliisque juribus , quæ ad Principem Patronum pertinent . Ne quid autem detrimenti Regia jura capiant , Abbatia describatur in libris Curiae inter alias Ecclesias , Monasteria , & Abbatias Regii patronatus .*

In

In causa redintegrationis Regii patronatus in Abbatiam, sive Monasterium S. Anastasii, & S. Eliæ de Carbone. Die . . . Aprilis 1783.

Dos Monasterio constituta a veteribus Dynastiis, qui Neapolitanis regionibus Imperitarunt, tum Principatus bonis a recentioribus Regibus aucta, Regium jus patronatus tribuit, quod, prout cetera Regalia, præscriptioni nō subjacet.

REgi optimo rite denunciatum fuit, Monasterium S. Anastasii, & S. Eliæ de Carbone Basilienfis Ordinis in Lucania positum Regii patronatus esse, & per summam injuriam a Romana Curia Abbatibus Commendatariis fuisse traditum. Ita ab ipso anno 1780. sub die 12. Augusti Regiis codicillis Curia Capellani Majoris mandatum, ut audito Regiæ Coronæ Patrono cum Partibus, quoad petitam patronatus redintegrationem rem omnem cognosceret, ac sententia sua definiret. Quapropter citationibus per edictum expeditis, ut judicio adessent, quorum res interesse posset, ac termino probationibus præstituto, in eodem termino producta sunt monumenta, quibus de petito Regio patronatu constaret.

Principio allegatum Diploma est Hugonis Claromontani, ejusque conjugis Gimargæ scriptum anno 1077., quo prædicti Principes obsequium præstituri Ecclesiæ, ejusque Pastoribus beneficium & honorem exhibere volentes, Abbati controversi Monasterii concesserunt amplissima prædia, ut Fratres in eo degentes necessitatibus suis inde consularent. In eo autem ita prædicti Principes: *Igitur dum prænominati Hugo Clarimontis, & Gimarga uxor ejus, apud Claromontem essemus, tu Blasius Abbas Venerabilis S. Anastasii, qui dicitur de Carbone, veniens ad nos multimodis precibus rogasti nos, ut Monasterium tuum prædictum, quod sub regimine nostro in Terra nostra adjacet, cum tenimento suo, tibi, & tuis successoribus, cum Privilegio nostræ auctoritatis & donationis, perpetuo concederemus. Nos autem cognoscentes ipsum Monasterium bonorum & religiosorum Monachorum vita & regula permanere: non solum ipsum tenimentum, verum etiam de alio nostro tenimento, ut ipsum Monasterium abundanter pro laborando, & animalia sua pascendo augetur, tibi & successoribus tuis largiri volumus. Annuentes enim tuæ sanctæ petitioni, pro salute animæ nostræ, nostrorumque omnium Parentum tam vivorum, quam defunctorum, hujus-nostri Privilegii auctoritate Monasterium ipsum*
cum

cum omni tenimento suo, & obedienciarum suarum in ipso habentium, tibi & tuis successoribus perpetuo concedimus, donamus, & confirmamus. Mox fines descripserunt prædiorum late patentium, quæ ipsorum Privilegio Monasterio concessa fuerant. In eorum autem limitibus Oppidum Carbonis fuit extructum, quod ab ipso Monasterio nomen accepit. Ad ejus enim loci ambitum paulatim confluxerunt homines, ac præsertim Coloni, qui ab Abbate eo vocati fuerunt concessa prædia colendi causa.

Præterea allegatum est Diploma Riccardi Siniscalchi Rogerii magni filii, ejusque conjugis Albendæ ann. 1100., quo ad preces Nili ejusdem Monasterii Abbatis ei concesserunt latissima prædia S. Mariæ de Ponte. Sed juvat ipsa Diplomatis verba hic interserere: Ego Riccardus Siniscalcus magni qu. Rogerii filius, una cum Albenda uxore mea, dum residemus apud Maxasram, & venisset ad nos Dominus Nilus Ven. Abbas. S. Anastasii de Abbazia quæ dicitur Carbonum, una cum Tristano Monacho suo, & requisisset a nobis, ac deprecatus fuisset, quatenus tenimentum S. Dei Genitricis Virginis Mariæ de Hospitali Ponti sibi donaremus & concederemus: nos autem divina inspiratione commoti, exaudientes Dei viri dignas & iustas petitiones, pro amore Dei, & remedio animæ Patris mei commemorati gloriosæ memoriæ, & Roberti Guiscardi Ducis Italiae, & Rogerii Ducis Barii filiorum ejus, & omnium Parentum nostrorum defunctorum, atque remissionem omnium peccatorum nostrorum, donavimus, & concessimus prædictum tenimentum S. Mariæ prædicti Hospitalis Ponti Domino Nilo prædicto Abbati, & Tristano Monacho, & omnibus successoribus suis, ad dominandum & possidendum quiete & libere omni futuro tempore. Similiter donavimus, & confirmavimus & concessimus prædictæ Abbatiæ Carbonis, & Domino Nilo prædicto Abbati, omnibusque rebus suis mobilibus, & immobilibus, una cum omnibus tenimentis suis, quorum fines ita incedunt &c.

Insuper fuit exhibitum celebre Privilegium a Boemundo expeditum, filio & herede clarissimi Boemundi Antiochiæ Principis, anno ab Orbe condito 6633., idest anno Christi

1125., quo inter alia bona controverſo Monafterio opulenta Scanzanæ deſenſa conceſſa fuit. In eo narrat prædictus Princeps, ſibi a Nilo Abbate fuiſſe exhibitum Privilegium patris ſui Boemundi pro Monafterio ſcriptum, quo immunitas ei indulgebatur ratione bonorum omnium, quæ ad Monafterium pertinebant, precibus additis, ut illud confirmaret. Abbas precibus Princeps annuens, ei immunitatem a publicis collationibus confirmavit, & bonorum omnium, quæ a Boemundo Monafterio conceſſa fuerant, novam conceſſionem indulſit. Statim autem addidit: *Quinimo non ſolum per hoc noſtrum Privilegium ratificavimus & confirmavimus prædicta omnia, ſed etiam Pontem Pollicorii una cum venerabili & ſacro Monafterio B. Virginis, & ejus Caſali, una cum Eccleſia Beatiff. Virginis, quæ eſt in Scanzana, una cum territoriis per hos fines confinatis, ideſt ab occidente quomodo deſcendit a fonte, qui dicitur dello Cremida, ſeu Cepollaro, & per radicem Montis qui dicitur Murica, qui deſcendit recto tramite uſque ad flumen, qui dicitur Chelandra, & quomodo prædictum flumen deſcendit uſque ad mare, & per litus maris deſcendit ad Eccleſiam S. Georgii, & quomodo a dicta Eccleſia S. Georgii aſcendit ad fontem, qui dicitur Ducato, & ab hoc fonte aſcendit ad alium fontem prædictum dello Cremida. Omnia prædicta territoria, cum injuſte ablata fuerint, & uſurpata dictæ Eccleſiæ, illi reſtituimus, ut ex nunc in antea habeat & poſſideat abſque nullo impedimento, & moleſtia, quemadmodum prædicta Monafteria B. Virginis, quæ eſt in prædicto Ponte Pellicorii & Scanzana, tenuerunt, & poſſederunt, & omnia prædicta bona, ut ſupra dictum eſt, habeat, & poſſideat prædictum Monafterium B. Martyris Anaſtaſii, & ejus Abbas, & ſucceſſores in perpetuum, abſque nullo impedimento.*

Productum eſt quoque aliud Privilegium Alexandri & Riccardi Dominorum Claromontis datum menſe Septembris anno ob Orbe condito 6634., ſcilicet anno Chriſti 1126., quo Monafterio confirmanur omnes prædictæ conceſſiones. In eo autem ita ſcribunt pientiffimi Principes: *Cum dominum & poſeſtatem Pollicorii a Domino Boemundo accepiffemus,*

venisti ad nos sanctissime Abbas Domine Nile, petent a nobis, ut tibi & successoribus tuis confirmaremus Pontem Pollicorii cum Ven. Monasterio S. Mariæ, & jurisdictionibus ejus, necnon Ecclesiam Dei Genitricis Iscanzana cum ejus possessionibus, ferens etiam alia Privilegia & felicit recordationis conjugum Riccardi Siniscalchi, & Domine Albende Amicæ nostræ, & Illustriss. Principis Domini Boemundi, in quibus quæ ab illis in locis prædictis tibi concessa fuerant, & per te justè & quiete obtenta & possessa continebantur. Nos igitur indignum arbitrari tuas in hujusmodi re preces despiciere. . . ea quæ ab illis tibi donata & concessa fuerunt, nos Fratres prædicti toto animo confirmamus, & benigne rata habemus amodo & in perpetuum, ut dicta Monasteria sine aliquo gravamine & perturbatione, tamquam a nobis accepta obtineas, & possideas tu, & tui successores . . . Præterea Pontem prædictum Pollicorii cum Monasterio S. Mariæ, & Ecclesiam Dei Genitricis Iscanzanæ cum bonis & jurisdictionibus eorum, ut dicimus, tibi confirmantes, confirmamus ea (quod justum esse, & animabus nostris conferre arbitramur) cum campis etiam, qui sunt in circuitu eorum, juxta confinia. infra-scripta &c.

His accedit ipsius Regis Rogerii Privilegium scriptum anno ab Orbe condito 6640., nimirum anno Christi 1132. Eo celeberrimus ille Princeps rogatus ab eodem Abbate Nilo confirmavit, & ratas haberi jussit concessiones Monasterio factas a Roberto Guiscardo Apuliæ Duce, ab ejus filio Boemundo, a Riccardo Siniscalcho ejusque conjuge Albenda, a Regina uxore sua, & Boemundo juniore nepote suo, & Privilegium a se ipso concessum antequam anno 1130. populorum suorum consensu Augustum Regis nomen assumpsit. In eo autem ita edicit Rogerius: Hinc est quod cum sanctissimus Nilus Abbas Monasterii S. Martyris Anastasii cognomento de Carbone, existente Serenitate nostra in Civitate Tarenti, ad nos venisset, & Privilegia sibi concessa a felicit recordationis Domini Roberto Guiscardo Ill. Duce, & a filio ejus Boemundo, necnon a Riccardo Siniscalco, & Albenda ejus uxore, & a præ memoria Regina, & ejus filio Boemundo nepote nostro, ac

etiam Privilegium nostrum, quod ei prius concesseramus, ostendisset, a nobis petit, ut hæc omnia per Privilegium ab Imperio nostro sibi confirmarentur Quapropter ejus petitioni annuentes, omnia prædicto Monasterio prius concessa, & ab eo obtenta, & juste possessa, juxta suorum Privilegorum tenorem confirmamus & approbamus, quatenus ea omnia inviolata habeat & possideat semper, & in perpetuum usque in sæculi consumationem.

A Rogeriano Privilegio diversum non est Diploma Guilelmi I. datum Panormi mense Octobri anni 1154., quo confirmavit Privilegium Rogerii parentis sui. Sic enim ibi Augustissimus Princeps: *Nobis itaque in palatio Urbis Panormi de more residentibus cum Comitibus & Magnatibus nostris, Lucas venerabilis Archimandrita Monasterii Carbonensis preces humillimas & devotas clementia nostra fudit, ut Privilegium quoddam a Genitore nostro Illustrissimo Rege Rogerio prædecessoribus suis, & eidem Monasterio suo factum, Græcis litteris scriptum mense Madii decima Indictionis, sibi pie renovari, & nostro signaculo decorari, nostroque sigillo roborari juberemus. Nos itaque solita consuetudine ad pia provocati, volentes semper devotos actus prædicti Domini, & gloriosissimi Regis patris nostri b. m. perenni observantia celebrari: Privilegium ipsum paternis liberalitatibus sibi concessum, eo modo & forma ut scriptum est, confirmavimus, salvis tenoribus & conditionibus in eo descriptis.*

Sed & adversus prædictum Monasterium Friderici II. pietas præteriri non debet. Is enim Privilegio Melpi dato mense Septembri anni 1231. non solum Monasterio confirmavit superiorum Principum concessionem, sed liberalitatem quoque suam cum eo exercuit. Sic enim ibi pientissimus Imperator: *De innata ergo clementia & beneficentia nostra . . . concedimus & donamus dicto Archimandrita, & successoribus suis, necnon eidem Monasterio in perpetuum tenimentum terrarum de demanio nostro, quod est in Pollicorio inter flumen Acri, & tenimentum Scanzana, sicut est per quatuor latera designatum. Ab Oriente est mare. A Meridie dictum flumen Acri. Ab Occidente territorium S. Nicolai de Sylva conjunctum cum territorio*

rio Montis Albani. Ab Aquilone tenimentum Scanzano: salvo jure, si quod ibidem habet Domus Hospitalis S. Joannis Hierosolymitani, & Ecclesia S. Juliani: tenendum ipsum libere sine aliqua rei vel juris diminutione, absque contrarietate & molestia alicujus, sicut tenimentum ipsum tempore Regis Guilelmi II. recordationis inclytæ Curia possidebat . . . De abundantiori ergo gratia nostra damus prædicto Monasterio liberam potestatem habere propriam barcam in flumine Acti . . . cum qua, & in qua possint ultro citroque, gratis, & libere, & intuitu Dei, transire quilibet transeuntes, sine aliqua Camerariorum, Bajulorum, & quorumcumque hominum contrarietate. Quam barcam in eodem flumine omni futuro tempore teneatur habere propter concessionem, quam ei facimus de tenimento prædicto. Salvo mandato, & ordinatione nostra.

Productæ sunt denique binæ Regiæ litteræ Ferdinandi Regis, altera mense Junio, altera Octobris expedita anno 1472. Prima is concessit brachium Regium Monasterio contra Vassallos suos, qui detestabant ejus jurisdictionem, ac solitas præstationes solvere denegabant: altera mandavit quibusdam Commissariis, ut re inspecta æquius melius decernerent de petitione Romani Archimandritæ, ad quem jure Monasterii sui Carbonis Oppidum pertinebat. Is enim supplici libello suo a Rege petierat; ut duos alios Bajulos in eo Oppido creare posset, quoniam ob auctam incolarum copiam duo Bajuli ad id usque temporis creati soliti bajulatus officium ad Monasterium spectans ferre non poterant.

Ex productis monumentis liquet, controversum Monasterium cum veterum Dynastarum, qui Neapolitanis regionibus imperitarunt, tum recentiorum Regum, in quos eorum jura migrarunt, liberalitate donatum ac locupletatum fuisse. Inde igitur necessaria consequentia liquet, Regium ejusdem Monasterii patronatum Regi Neapolitano asseri oportere. Cum enim publicis Principatus bonis dotatum Monasterium fuerit; Regni etiam successoribus veluti per manum traditus patronatus fuit. Tralatitium est in utroque jure, jus patronatus deferri omnibus, qui de bonis suis alimenta consti-

tine-

tuerunt Ecclesiarum Ministris, quamvis id sibi expressim non reservarint. Id æquissime placuit, ut ad dotandas Ecclesias pii homines facilius allicerentur, hoc ab Ecclesia hostimentum sperantes. Id igitur juris potiori ratione Principibus asseri debet, qui bonis e Corona delibatis Ecclesias ac Monasteria, eorumque Ministros ditarunt. Quin patronatus a Principibus ita quæsitus inter Majestatis jura referri debet, quod neque alienari, neque præscribi potest, ut ex regulis juris publici, & Divalibus ea de re scriptis Curia frequentissime pronunciavit. Quapropter eadem Curia Ill. & Rev. Capellani Majori, cum voto Domini Regii Consil. D. Dominici Potenza ordinarii Consultoris ejusdem ita censuit: *Abbatiam, ac Monasterium S. Anastasi, & S. Eliæ Carbonensis in Lucania positum, largissime dotatum ac locupletatum non solum ab antiquis Neapolitanis Dynastiis, sed a Regibus etiam successoribus, fuisse, & esse Regii patronatus; proinde Regiæ Coronæ restituendum cum omnibus suis bonis, feudis, Ecclesiis, Grantiis, obedientiis, privilegiis, pertinentiis quibuscumque, ac præsertim cum jure eligendi Abbatis, quoties casus vacationis extiterit, & reliquis juribus, quæ Principi Patrono competunt, exercendis cum ab optimo Rege Ferdinando, tum ab ejus in Regno successoribus. Ne vero jura Majestatis aliquid detrimenti capiant, prædictum Monasterium describatur in libris Curie inter alias Ecclesias, & Monasteria Regii patronatus.*

In causa Regii juris patronatus Monasterii S. Mariæ de Patiro, seu Patirois Ordinis Monachorum Basilianorum Rossanensis Civitatis. Die 10. Maji 1783.

Ex fundatione, vel dotatione jus patronatus acquiritur.

Regii juris patronatus cōsequens est, ut nulla existimetur erectio in Commendam a Romana Curia facta bonorum,

Cum ab mense Majo anni septingentesimi sexagesimi tertii supra millesimum concertatio orta esset in Rev. Curia præclarissimi Capellani Majoris hujusce Regni pro redintegratione Regii juris patronatus Abbatiae, & Monasterii S. Mariæ de Patiro, seu Patirois Ordinis Monachorum Basilianorum Rossanensis Civitatis ceterioris Calabriae, quodque Monasterium Romana Curia admodum liberaliter Sacerdotibus

se-

secularibus, quoad vixerint commendare consueverat; tandem die vigesima prima mensis Maji anni millesimi septingentesimi septuagesimi secundi per clarissimum laudatissimumque Dominum tunc Consultorem ipsiusmet Rev. Curiae, quae exscribitur, sententia dicta fuit: *Die 21. mensis Maji 1772. Visits Ec. Dicimus, decernimus, ac eadem Curia declarat, Abbatiam Ven. Monasterii S. Mariae Novae Odegitriae, corrupte de Patirio, Consentinae Provinciae, supradictis bullatis litteris per Curiam Romanam provisam, & ab ipsis Ven. Monasterii Mensa, particulari praebenda separatam, fuisse, & esse Regii juris patronatus, numerandam, et inscribendam inter ceteras Regales Abbantias Regni, ac reintegrandam juribus Majestatis, cum omnibus juribus, et actionibus, bonis, redditibus, praeminentiis, jurisdictionibus, dignitatibus, integroque ejus statu, et specificis cum jure per S. R. M. eligendi Abbatem in eadem Abbatia: Idem vero Monasterium, fuisse, et esse pariter Regii juris patronatus numerandum et inscribendum inter cetera Regalia Monasteria Regni, ac redintegrandum juribus Majestatis cum omnibus juribus, et actionibus, jurisdictionibus, praeminentiis, exemptionibus, dignitatibus, tenimentis, et omnibus pertinentiis suis, et cum integro ejus statu juxta primariam sui naturam. Et insimul cum jure Regii Assensus praecedentis pro conventuali electione canonice facienda titulo Regii juris patronatus, et Regii Assensus subsequentis pro ea confirmanda, instituendique unum, vel plures Commissarios, qui vice et nomine Serenissimi Regis Patroni partes suas debeant interponere electioni tractanda, toties quoties casus vacationis contigerit.*

Ab hacce sententia reclamavit vir exactissimus, & ardentis studio peculiarium jurium Regiae Coronae succensus Promotor Fiscalis D. Sebastianus Albani, quique, mandante etiam nunquam satis laudatissimo Domino Advocato Regalis Coronae, appellationem proposuit adversus modo exscriptam sententiam; porro exposuit, dupliciter laesa fuisse Regiae Coronae jura: primo siquidem ratum, acceptumque habebatur hujusmodi sententia, rite recteque per Romanam Aulam fuisse discidium, atque discerptum Regale Monasterium, ejusque

que Monasterio addicta sunt: consequens etiam est, ut jus eligendi Abbatem ad Principem spectet.

que Regium jus patronatus in Abbatem Commendatarium, & Abbatem Conventuale, seu Claustrale, redditusque ejusdem pessum ivisse contra Regii juris patronatus primævas fundationis leges. Discinduntur siquidem redditus pro ampliori parte in usum, siue mavis in abusum Abbatis Commendarii, & reliqui præparcissimi addicuntur pro Monachorum miserrimis alimoniis, itaut ne minimum quid super sit pro fartis tectis habendis ædificiis, sacrisque suppellectilibus curandis.

Postremo sane eademmet sententia divellitur, ut ait Promotor Fiscalis, immo exenteratur ex juribus Majestatis, & a potestate Principis Patroni jus eligendi Abbatem; illud quippe jus, quod non solum est insertum, infixumque visceribus, ut ita dicam, Regii juris patronatus, atque Regali Diademati Principum fundatorum Monasteriorum; verum etiam illud idem jus, quo Rex Rogerius in suo Diplomate anni 1130. usus fuit eligendo Lucam Monachum in Præfectum, seu Abbatem ipsiusmet Monasterii, ut *fol. 11. et 20. a t.* visitur. Cui quidem appellationi iisdemque rationibus inhæsit Procurator Monasterii *fol. 48 et 49.*

Ab anno 1772., quo supraexscripta sententia lata fuit, ad decimam tertiam diem usque mensis Januarii anni 1781. judicium interceptum est; prædicta siquidem die Regali Rescripto Augustissimi Clementissimique nostri Principis, causa appellationis mihi demandata fuit, *fol. 92.* At cum de hoc appellationis judicio certiores facti fuerint tam Monasterii Procurator, quam Procurator Rev. Abbatis Commendarii, immo ipse studiosus, & pervigil Promotor Fiscalis Regiæ Coronæ; unum tantum restat, ut sententiam scilicet meam in hocce appellationis judicio dicam, proferamque. Et ut quod mihi in mandatis per Suam Regiam Majestatem datum est, rite recteque exequar, breviter quædam ex Regiæ Rogerii Diplomate hic adnotanda, exscribendaque esse duco.

Nemo profecto inficias ire potest, quin Diploma Regis Rogerii anni 1130. in actis editum, sit verum, legitimum, atque authenticum, licet exscriptum ex apographo, satis

fatis enim, immo uberrime in actis illius veritas firmata est. Verum enim vero ego pro majori ejus confirmatione, & quorundam nominum in eo minus proprie fortasse descriptorum explanatione, chartam adducam anni 1112., quæ per præclarissimum, ornatissimumque virum Ludovicum Antonium Muratorium in suis Dissertationibus *Antiquitatum mediæ ævi* exscripta legitur. Hic sane laudatissimus vir in *Dissertatione* 28. *De diversis pecuniæ generibus, quæ apud veteres in usu fuerunt*, tom. 2. pag. 785., ut commonstraret inter alia pecuniæ genera adfuisse, *schysatum* seu *scysatum*, quod quam maxime usu habitum illi ævo fuit in hoc Regno, asserti chartam venditionis Casalis S. Apollinaris factæ Christodoro Admirato Willelmi Ducis Apuliæ a Fulcone de Bulangerio, ut in jus Monasterii S. Mariæ de Patiro transferatur, anno 1112.

Ex hac porro charta legitur, Fulconem de Bulangerio anno 1112. venundasse Christodoro Admirato Willelmi Ducis Apuliæ Roberti Guiscardi nepotis Casalem S. Apollinaris pro quingentis *schysatis*, & tribus equis, *pro offerre, dare, et tradere Monasterio S. Mariæ de Patiro*; in qua quidem charta hæc habentur verba: *Quapropter ego (Fulco) requirens voluntatem Domini Ducis Willelmi, et Comitessæ (quæ, ut ait Muratorius, fuit Ala, seu Adala Willelmi mater) ejusque filii Rogerii Comititis, atque Riccardi Senescalchi Ducis ipsi Valivi, quorum quippe consensu do, et concedo supradicto (Christodoro) Ammirato ipsum jam dictum Casalem, cum villanis, silvis, terris, aquis, ac pascuis, cunctisque Casalis ipsius pertinentiis.*

Comperitur siquidem ex hac authentica charta, quod non rite exscriptus fuit ex apographo Diplomate Regis Rogerii, Christodulus Amiras, sed transcribendum oportebat Christodorus Ammiratus. Pariter liquet mendose fuisse exscripta sequentia verba: *Quæ emis Protonotarius Christodulus Amiras cum possessionibus Pbulo de Bafolzeres*; transcribendum sane erat: *quæ emis Christodorus Ammiratus cum possessionibus a Fulcone Bulangerio*. Quas sane res a Christodoro Ammirato emptas a Fulcone Bulangerio, & Monasterio donatas,

Tom. I. Cur. Cap. Maj.

O o

Rex

Rex Rogerius eidem Monasterio confirmavit, rataque habuit cetera omnia, & præsertim ea quæ a Duce eidem Monasterio contradita fuerant. Quique Dux, cujus Rex Rogerius in suo Diplomate crebro meminit, intelligendus sane est pro Duce Willelmo.

At quidquid sit de mendis hisce, quæ in transcribendis vetustis chartis non effugiunt etiam maximos viros, & rem diplomaticam, & characteres summopere optimeque calentes, ut nonnunquam sibi accidisse non diffitetur ipse rei diplomaticæ magister præclarissimus Mabillonius; elicitur tamen, ut mea fert opinio, ex præfata charta, quæ apud Muratorium prostat, magis elucescere, atque resurgere veritatem Regis Rogerii Diplomatis in actis editi; etenim confirmat Rogerius Rex prædicto suo Diplomate anno 1130. quæ a Christodoro Ammirato anno 1112. emptæ fuere a Fulcone Bulangerio, ut Monasterio S. Mariæ de Patiro offerret, daret, traderet cum consensu, & voluntate Ducis Willelmi; confirmatque pariter, quæ ab eodemmet Duce, a decessoribus suis, & a semetipso eidem Monasterio, & pro Monachorum sustentatione, atque levamine, & pro fartis testis curandis sacris suppellectilibus, ædificiisque, & suppetiis omni jure debitis Christi pauperibus ferendis, contradita fuerant.

Hiscæ itaque prænotatis, consentaneum modo est disquirere de existentia Regii patronatus super Monasterio S. Mariæ de Patiro, seu Patiros, sive sit S. Mariæ Novæ Odegitriæ. Jam extra dubitationis aleam est, fuisse dictum, dotatumque Monasterium modo dictum tam ab Duce Willelmo Roberti Guiscardi, seu Wiscardi ex filio nepote, quam ab ipsomet Rege Rogerio, eorumque prædecessoribus, cui quidem Monasterio tum alia bona, tum S. Apollinaris Casalis ex voluntate, & consensu prædicti Ducis Willelmi, atque Comitissæ Adelæ suæ matris, a Christodoro Admirato ejusdemmet Ducis, donata fuere; quasque donationes confirmavit Rex Rogerius suo Diplomate anni 1130. in actis exhibito. Nullus profecto est, qui nesciat jus patro-

natus acquiri summo jure, & jure proprio per dotationem, fundationem, atque constructionem; ita sane sancivit Justinianus in *Novellis* 57. *cap.* 2., et 123. *cap.* 18., quodque non inficiantur, immo inculcant ex Concilio Toletano 1X. anni 655. *Canon. Filiis* 31. & *Canon. Decernimus* 32., atque *Can.* 33. *caus.* 16. *qu.* 7. & *Can.* 4. *caus.* 18. *q.* 2., sicut potestremo ex prædictis tribus conditionibus necessariis rei adjunctis, jus patronatus ipso jure acquiri statuit Clemens III., vel potius Cælestinus III. in *Cap. Nobis* 25. *Extra de jure patronatus*; eapropter satis concinne, atque apposite, immo jure proprio, dixit Rex Rogerius in sæpe laudato Diplomate: *Quod prædictum Sanctum Monasterium Regium sit, ac proprie nostrum, fol.* 12. et 22. *locis sign.* Jure igitur ait Rex Rogerius: *Prædictum Sanctum Monasterium Regium sit*, nam erant tunc temporis Monasteria Regia, seu Regalia, erantque alia, quæ Episcopalia dicebantur, in quibus discriminitim, diversoque medio Abbates eligebantur, ut paullo post, pro causæ necessitate, & ne Regium jus quid detrimenti capiat, demonstrabo; indeque quid juris esse debeat definiam contra evisceratores, atque obtrectatores jurium Regalis Coronæ.

Igitur si negari nequit, quin Monasterium S. Mariæ Novæ Odegitriæ, seu de Patis in ipsa sua fundatione fuit Regii juris patronatus, ac temporis processu fuit Regium declaratum, & peculiaris juris Regalis, nemo profecto poterat illud a dominio fundatorum auferre, vel quoquo modo attentare. Statuunt porro Sacræ Regulæ, Monasteria esse in dominio cujuscunque, etsi infimæ fortunæ, fundatoris, propterea ab eo auferri ipsæmet Sacræ Regulæ præpediunt, vetant, interdicunt. Mandavit enim Romana Synodus anni 817. *cap.* 21. ex recollectis per Labbæum *tom.* 9. *Conciliorum*, refertque etiam Gratianus *caus.* 16. *qu.* 7. *Can.* 33. hisce verbis: *Monasterium, vel Oratorium canonice constructum, a domino constructoris, eo invito, non auferatur.* Si non est ergo auferendum Monasterium a dominio cujuscunque humilis generis patroni, seu fundatoris, quo pacto, quaque ratione

per Romanam Aulam auferri poterat Monasterium Regium a dominio, atque proprio, & peculiari jure Principis fundatoris? Prosequitur quippe eadem Romana Synodus: *Liceatque illi (Construitori, seu Fundatori) Presbytero, cui voluerit, pro sacro officio illius Diocesis, cum consensu Episcopi, ne malus (Presbyter) existat, commendare.* Statuit igitur Romana Synodus, Monasterium auferendum non esse a dominio fundatoris, immo sui juris esse commendare idem Monasterium illi Presbytero, cui ipsi fundatori libuerit, modo sit per Episcopum Presbyter approbatus, ne fortasse malus existat.

Immo Patres Concilii Toletani IX. ab anno usque 655. peculiariter interdixerunt Episcopis, ne quoquo modo præsumerent Rectores ullos ordinare, spretis fundatoribus; secus vero ordinationem fore irritam, & ad eorum Episcoporum verecundiam, illos esse ordinandos, quos iidem ipsi fundatores condignos eligerent.

En Canonis II. prælaudati Concilii verba: *Quod si spretis eisdem fundatoribus, Rectores ibidem præsumpserit Episcopus ordinare, & ordinationem suam irritam noverit esse, & ad verecundiam sui alios in eorum loco, quos iidem ipsi fundatores condignos elegerint, ordinari; prostat apud Labbæum to. 7. Concilior.*

Priusquam ultra progrediar, monendum esse existimo, verba *commendare Monasterium, vel Ecclesiam*, quibus usi fuerunt Patres nedom prælaudatæ Synodi Romanæ, sed quamplurimorum Conciliorum ad sæculum XI. usque, non aliud sane denotabant, nisi conferre Ecclesiam, vel Monasterium Presbytero, qui tantum ordinandus erat per Episcopum; ab sæculo XI. in posterum illa formula in alium detorta fuit sensum; ita porro advertit doctissimus, eruditissimusque Boehmerus in notis ad superscriptum *Can. Monasterium*, secundum editionem Decreti Gratiani, quam ipse curavit variantibus lectionibus, suisque notis refertam Halm Magdeburgicæ typis dari anno 1747., ait enim vir clarissimus n. 86. *Integrum jus patronatus in duobus constituitur in Canone præcedenti, in*

in jure eligendi idoneor ad curam Ecclesiæ; in jure offerendi eos Episcopis ordinandos. Utrumque designatur voce commendationis in hoc textu, qua appellatione sepe totum jus patronatus in antiquis monumentis venit Secundum hos Canones itaque commendare Ecclesiam Sacerdoti, nihil aliud erat, quam eidem conferre Ecclesiam, ipsumque officium sacrum, atque Episcopi consensus primario ideo desideratus fuit, ut probaret candidatum, Ep̃ probatum ordinaret. Sed jam in Concilio Bituricensi de anno 1031. Can. 22. hæc formula in alium detorta sensum.

Redeo nunc unde digressus sum: vetant sane, prohibentque antiqui Canones auferri Monasteria a dominio fundatorum; interdicunt, ne aliis Presbyteris Monasteria ipsa commendentur, ni illis, quos iidem ipsi fundatores elegerint; ceteroquin ad verecundiam, dedecus, & opprobrium eorum, qui hocce facinus patrare præsumperint, fas sit fundatoribus Monasteria commendare, atque conferre iis, quos ipsimet fundatores, seu patroni condignos elegerint.

Ex hisce profecto Sacrarum Regularum, seu Canonum sanctionibus causa Regii juris patronatus Monasterii S. Mariæ de Patiro dicta est; etenim in comperto est, idem Monasterium fundatum, extructum, ditatumque, seu dotatum fuisse per Ducem Willelmum, Regem Rogerium, prædecessoresque suos, ipsumque Regem Rogerium edixisse illud esse *Regium*, & *proprie*, atque peculiariter *suum*, eapropter illud ipsum *per potentiam suam Lucæ* ejusdem Monasterii Monacho *commendavit*, contulitque. Si igitur posteriori ævo Romana Aula hoc idem Monasterium ob temporum injuriam, spreto fundatore, seu Patrono Principe, invasit, occupavit, eundemque Principem de proprio jure deturbavit, & ad sui libitum idemet Monasterium aliis commendavit, atque Regiæ foundationis leges, omni jure reclamante, fregit, delevit, pessundedit, & redditus, proventusque illius, exsecuit, discedit, discerpsit; cur ad verecundiam sui non debet Augustissimus Rex noster justissimus Regni, & jurium Regiæ Coronæ successor redintegrari in ipsius Monasterii Regio jure patronatus? in illo sane quidem jure, quod est co-

pu-

pulatum, immo quod semper hæret infixum Majestati, & dignitati ejusdem Coronæ, a qua prorsus divelli nequit, sicuti ab igne calor abstrahi potis non est.

Et tamen Curia tunc Rev. Capellani Majoris, ejusque disertissimus, præclarissimusque, atque omnigenæ literaturæ exornatissimus Dominus Consultor, sua superius exscripta sententia diei 21. mensis Maji anni 1772. redintegraverit juribus Majestatis Monasterium S. Mariæ Novæ Odegitriæ, seu de Patiro juxta primævam naturam; ratam nihilofecius habuit, confirmavitque distractionem, & discissionem ejusdem Monasterii per Aulam Romanam factam, & ut concinne, appositeque dicam, eadem sententia firmavit potuisse Curiam Romanam idem Regium Monasterium in commendam cuilibet tradere, & separare, atque dividere Mensam Monasterii, seu Monachorum a ceteris preventibus, hosque pro majori, & uberiori parte, & pene reditus omnes bonorum omnium Monasterii deglutendos Abbatibus Commendatariis in perpetuum in liberam commendam addicere; licet factum tectum præstitisset S. R. M. jus eligendi Abbatem, fortasse Commendatarium, nam ex eadem sententia liquide non depromitur de quonam Abbate electio Principi Patrono servatur.

Hanc sententiam, ut in antecessum commemoratum est, acceptavit diligentissimus Dominus Promotor Regalis Coronæ quoad redintegrationem Regii juris patronatus super præfato Monasterio; a ceteris vero, sedulo expetente etiam præclarissimo, & jurium Regalis Coronæ Domino Advocato apprime studiosissimo, appellationem protulit; eique inhæsit Procurator Monasterii.

Ego siquidem, ut quod sentio libere, ingenueque aperiam, non abs re ab exscripta sententia appellatum esse reor; bona tamen venia tam maximi viri sententiæ auctoris hoc dixerim. Non redintegratur certe Regium jus patronatus juxta primævam sui naturam juribus Majestatis, semel ac firmetur divisio, atque separatio duarum Mensarum, & pro constanti, firmæque habeatur præbenda bonis Regii Monasterii

sterii per Curiam Romanam suis bullatis literis imposita , atque provisa . Primæva sane naturæ Regii juris patronatus Regalis Monasterii S. Mariæ Novæ Odegitriæ , tantum abest , ut per prædictam separationem debilitari quiverit , ut ipse Rex Rogerius , quasi divinans quid aliquando secuturis temporibus contingere potuisset , in antecessum indemnitati patronatus ita hunc modum prospexerit : *Nec liceat cuivis filiorum nostrorum , successorum Principum , Magistratum , aut Ecclesiasticarum personarum hæc perturbare , aut iis quovis modo molestiam auferre , sive auferre ab illo (Monasterio) vel minima quælibet , eo quod prædictum Sanctum Monasterium (Lucæ Monacho collatum) Regium sit , ac proprie nostrum ; & hæc omnia superius enumerata confirmavi , & auctoritate munivi . Si quis autem deprehensus fuerit præter præsentis nostri sigilli (hoc est Diplomatis) vim quidquam agere , aut in contrarium facere , sive damnum inferre , aut innovare , aut a prædicto nostro dono auferre , nos ipsos , & filios , heredesque nostros adversarios , & ultores habebit ; insuperque maledictionem Sanctorum , & Deiferorum CCCXVIII. Patrum incurrat ; deinde ita maneat hoc demum firmum , & inconcussum , usque ad terminum sæculorum , fol. 12. & 22. Quos quidem trecentos & octodecim Patres non alios intelligendos esse apud omnes ita compertum est , nisi Patres Magni Concilii Nicæni anni 325. generalis primi , ubi 318. Patres interfuerunt ; inibi porro Can. 63. secundum versionem Arabicam Francisci Turriani , vel Can. 63. Arabicæ versionis Abrahami Ecchellensis , de bonis Ecclesiasticarum , earumque administratione quædam præscribuntur . Vide Labbæum tom. 2. Concilior.*

Hæc profecto fuit primæva naturæ Regii juris patronatus Regalis Monasterii S. Mariæ Novæ Odegitriæ , seu de Patiro ; hæc fuerunt immutabiles leges foundationi ejusdem adscriptæ , copulatæ , immo insertæ ; quæ primæva natura pressim Rex Rogerius vetuit , prohibuitque attentari , atque penitus innovari , interdixitque filiis , heredibus , suisque successoribus Principibus , præsertim vero , maximeque Ecclesiasticis personis minima quælibet auferre ; & in contrarias

par-

partes cunctas, atque versantes, ultores habere iussit seipsum, filiosque, atque Regni Principes successores. Si igitur hæc fuit primæva natura huiusce Regii juris patronatus, quam nemo, etiam Princeps, vel Pontifex attentare potis est, ut viri eruditi, & de firmitate juris patronatus optime meriti, docent, quia leges foundationis juris publici sunt; quoniam systemate, quæso, redintegratur Regium jus patronatus Monasterii S. Mariæ de Patiro, ita disceptum, & dissectum juribus Majestatis, & Regali Coronæ *juxta primævam naturam?* primæva natura quippe illius fuit, ut nec minimum quid e bonis Monasterio dono datis auferri liceret; in præsentia vero per præbendam a Romana Curia suis bullatis literis provisam, maxima pars, immo quasi omnia bona ab illo ablata, atque divulsæ sunt, & Abbatibus commendatariis tam retroactæ ævo, quam nuperrime per Aulam Romanam electis addictæ, & contraditæ sunt. Ita ne redintegratur juribus Majestatis Regium jus patronatus, sic dilaniatum, atque evisceratum, *juxta primævam sui naturam?*

Insuper primæva natura Regii juris patronatus Monasterii S. Mariæ de Patiro secum annexum, infixumque, immo indivisum traxit jus, atque potestatem eligendi Abbates ejusdemmet Monasterii; quam sane potestatem jure exercuit Rex Rogerius, qui *per suam potentiam*, hoc est, potestatem, & jus, Præfecturam ipsius Monasterii *commendavit* (ut supra exscriptus Canon Concilii Romani statuit) seu contulit Lucæ Monacho modo dicti Monasterii. Quodque hoc jus, & exercitium fuerit ferruminatum, immo invisceratum Regali Diademati omnium Principum Patronorum talium Monasteriorum, posthæc disquiram.

Primæva natura igitur Regii juris patronatus Monasterii S. Mariæ de Patiro, sibi copulatum habuit jus eligendi omnes Abbates in posterum futuros ejusdemmet Monasterii; sententia vero paulo ante exscripta, non commendationem, seu collationem Monasterii Abbatibus, quos Rex voluerit eligere, redintegrat juribus Majestatis, sed tantum *jus Regii Assensus præcedentis pro electione canonice faciendæ per Monasterium*.

nachos, & Regii Assensus subsequens pro electione per Monachos facta confirmanda; redintegratque jus instituendi unum vel plures Commissarios, qui vice, & nomine Serenissimi Regis Patroni, partes suas interponere debeant electioni tractanda. Eoqueenam, amabo, erunt hæ partes interponendæ per Commissarios, seu rectius & concinnius, per Missos Dominicos, electioni tractandæ per Monachos? orandi fortasse Monachos tunc gregatim collectos, ut in Abbatem eligant bonæ frugis virum, vel præbendi testimonium tractandæ electioni?

Partes profecto, quas Missi Dominici (qui Commissarii dicuntur) interponebant in electionibus Abbatum Monasteriorum Regalium, seu Regii juris patronatus, non erant sane nomine Regis præstandi assensum pro Monachis gregatim colligendis, congregandisque, indeque præsentiam suam commodandi tempore tractandæ, seu peragendæ electionis Abbatum; hisque per Monachos electis, Regis nomine, & vice assensum imperiendi; at erant, consistuntque ipsæ partes in jure eligendi nomine Regis ex eisdemmet Monachis Abbates, hisque Monasteria commendandi, idest conferendi. Hæ porro extra dubitationis aleam sunt partes, hocce siquidem est jus Regium, quodque præcipue Rex Rogerius exercuit in electione Lucæ Monachi Monasterii S. Mariæ de Patiro, præficiendo eum in Abbatem ejusdemmet sui Regalium Monasterii, ut ipse Rex testis est in supralaudato Diplomate.

Et ne hujuscemodi jus, atque potestas nimia, & immodica videatur quibusdam jurium Regalium obtrectatoribus, præmonendum esse existimo, retroacto ævo, quo exemptionum abusus nondum suas fixerat radices (contra quas inter ceteros apposite reclamationem S. Bernardus lib. 3. de consideratione, cap. 4. ad Eugenium III., ipsique obstrepuerunt Patres Concilii Constantiensis, ut comperitur ex Reformatorio cap. 20. apud Dominum Hard tom. 1. Concil. Constant. p. 10. pag. 620., easque perstringunt doctissimi viri Archiepiscopus de Marca Concord. Sacerd. & Imper. lib. 3. cap. 16. Espenius part. 3. Jur. Ecclesiasticæ tit. 12. cap. 4. Boehmerus lib. 3. Decretal.

Tom. I. Cur. Cap. Maj.

P p

tit. 35.

tit. 35. de Statu Monachor. §. 24. & seqq. ceterique eruditi viri) retracto, inquam, ævo, dico, & ante sæculum XI., Monasteria alia dicebantur Episcopalia, quæ Episcoporum jurisdictioni, correctioni, & potestati subiciebantur; alia Imperialia, seu Regalia nuncupabantur, quæ vel a Principibus fundata, vel ut plurimum ab ipsismet ditata, & amplissimis latifundiis donata fuere, ut videre est in Joachim Vadiano de Collegiis, *Monasteriisque German. Veter. lib. 1.*, qui prostat apud Goldastum tom. 3. *Rer. Allemanicar. pag. 17.* & sequent., Auberto Mireo in Codice donationum piarum, & de donationibus Belgicis, & ut ceteros præteream, legere licet in Sicilia Sacri Rocchi Pirri.

In hisce porro Monasteriis Abbas, seu qualiscumque Prælatus a Principe solum eligebatur, præciebaturque; qua de re testem do Monasterium S. Galli in Helvetia, fundatum, ditatumque per Pipinum, filiumque suum Carolum; de quo quidem Monasterio, cum concertatio orta fuisset inter Archiepiscopum Constantiensem, & Monachos, sequentia leguntur apud Goldastum tom. 2. *Rerum Allemanicar. in Centuria chartar. cartb. 96. Sed in solo Imperatorum arbitrio stare, quem ei loco (Monasterio) præficiat.*

Omnia profecto Monasteria Imperialia, vel Regalia nullius jurisdictioni erant mancipata, sed Archicapellano Palatino, quem nos Capellanum Majorem appellamus, suberant; electio easpropter Prælatorum a solo Principe, vel a Missis Dominicis vice ipsius peragebatur. Quæ quidem disciplina non solum in Occidente, verum etiam in Oriente firmo talo stetit. Affero luculentum testem, Innocentium nempe III. Pontificem Maximum, videlicet Jurisconsultorum jurisconsultissimum, ut phrasi Alteserræ utar. Ipse siquidem lib. 13. *epist. 39.* Baluzianæ editionis ad Heraclensem Archiepiscopum, & Cardicensem, & Fermipolensem Episcopos hæc ait: *Cum libera Monasteria, quæ Imperialia vocantur, Græcorum quoque dominio nulli essent Archiepiscoporum, vel Episcoporum subiecta, præsentium vobis auctoritate mandamus, quatenus inquisita, & cognita veritate, in Monasteriis illis Regalibus Regni*

gni Theſſalonienſis, quæ Græcorum tempore Archiepiſcopis, vel Episcopis ſubjecta non erant, non permittatis Archiepiſcopos, vel Episcopos juris aliquid indebite uſurpare.

Soli igitur Principi Regalia Monasteria ſubjiciebantur, & ex ſuo arbitrio pendeat, præficere Monasteriis Prælatos; non abs re porro Rex Rogerius in ipſo Monasterio S. Mariæ de Patiro Lucam Monachum elegit Abbatem. Neque enim in hoc ſolo Monasterio viſitur, electionem Abbatis factam fuiſſe per Reges fundatores, ſed in aliis quampluribus, immo in omnibus per Dynaſtas Normannos crectis, dotatisque Monasteriis idem jus eligendi Abbates, Prælatosque fuiſſe adhibitum, atque executioni demandatum per eoſdemmet, ſucceſſoresque ipſorum in propatulo eſt. Comes Rogerius proſecto erexit, dotavitque Monasterium S. Angeli de Brolo, inque eo elegit Abbatem Fratrem quemdam Exaſmum, ut videre eſt apud Rocchum Pirrum in *Sicilia Sacra*, notitia 10. vol. 2. pag. 1224. *lit. D.*, apud Petrum Burmannum in *Theſauro Antiquitatum, & Hiſtoriarum Siciliæ*; quo jure deinde uſi fuere Rex Alphonſus, qui anno 1449. elegit Beſſarionem Abbatem, & Rex Joannes anno 1464. præfecit Barſanophrium Lanza, ut ex eodem Pirro loco laudato *lit. F.* in comperto eſt. Aſt ne tempus fruſtra teramus pro explanando, Principes Normannos plene, & omnino uſos fuiſſe jure eligendi, præficiendique Abbates in Monasteriis per ipſos fondatis, atque ditatis, adeat, cui libet, modo laudatum Rocchum Pirrum tam in *Sicilia Sacra*, & præcipue in *notitiis Monasteriorum illius*, quam in *diſquiſitione 3. de electione Præſulum Sicilienſium*, quæ proſtat mihi in collectione Petri Burmanni in *fine* vol. 3. *Theſauri antiquitatum, & Hiſtoriarum Siciliæ*, o pag. 51.

Ex hiſce plane conſtat, quam appoſite in ſententia pro Regio jure patronatus Monasterii Tremitenſis per me explanata fuit epiſtola Decretalis ſive Clementis III., ſive Cæleſtini III., quæ incipit *Nobis, Extra de jure patronatus* (licet poſterior ævo, de quo loquimur) ibique firmiſſimis rationibus demonſtravi illam nedum excipere Regium jus pa-

tronatus Monasteriorum, Ecclesiarumque Collegiatarum; sed etiam patefeci, eamdemmet Decretalem epistolam merito jure nunquam receptam fuisse ubique Regnorum Catholicorum Principum, & præcipue in utraque Sicilia; de qua re ne denuo actum agam, ad nuperrime in medium allatam sententiam pro Regio jure patronatus Tremitenfis Monasterii me refero.

Neque obstitit, vetitum esse Abbatibus regimen Monasterii suscipere, Monachos suos benedicere, ceterasque functiones exercere, nisi prius solemniter ipse benedictionem a Romana-Curia consequutus sit; etenim talis benedictio necessaria minime est, nec est de essentia exercitii muneris Abbatialis; profecto hujuscemodi benedictionis nulla Regula Monastica meminit; in antiquis historiis, monumentisque ecclesiasticis ne verbum quidem ejusdem sit; neque sua primordia duxit, nisi in fine sæculi XI., ut præclare docet laudatissimus vir Espenius in *jur. Ecclesiast. univers. part. 1. tit. 31. cap. 10. num. 11. & seqq.* Nec obstat *Can. 14. VII. Synodi* relatus etiam a Gratiano *Can. 1. Distinct. 69.*, ubi legitur, Abbates manus impositionem ab Episcopis accepisse; nam ut apposite advertunt Balfamon, Zonaras, ceterique ad eundem Canonem, ipsum siquidem loqui de Abbate in Presbyterum ab Episcopo ordinatum, ex quo non immerito corripitur Glossa ad dictum Canonem, existimantem illam manus impositionem accipiendam esse pro benedictione Abbatiali; cum benedictio Episcopalis neutiquam promotionem Abbatis facit, ut scripsit Ivo Carnotensis per eundem Espenium laudatus.

Immo docet Tamburrinus de *jure Abbatum, tom. 1. disput. 11. qu. 3.* hodie non benedici Abbates triennales, nec eapropter ipsis abnuuntur eadem prærogativa, & privilegia, quibus utuntur ceteri Abbates benedicti. Benedictionem Abbatis necessariam non esse affirmat quoque Auctor anonymus in Opere Gallico idiomate conscripto, cui titulus est: *Traité du droits du Roy sur les benefices de ses états, tom. 1. chap. 4. n. 3. pag. mibi 97.*

Atque

Attamen siue necessaria sit, siue non Abbatis benedictio, non inde inficias ire licet jus esse Principibus fundatoribus eligendi Abbates in Monasteriis Regalibus, seu Regii juris patronatus: etenim sequuta electione Abbatis per Principem peracta, absolum non est, quin ipse Abbas benedictionem accipiat siue ab Episcopo, ut primævus mos erat, siue a Romana Curia.

Præterquamquod mirari summopere succurrit, quoniam pacto tam magni sit isthæc animi aversio aliquorum erga jus electionis Abbatum Principibus copulatum in Monasteriis Regii juris patronatus. Nonne Rex noster Augustissimus elegit tertio quoquo anno Prælatum, seu Priorem Claustralem Monasterii Montis Carmeli majoris hujusce Civitatis? Mittimus majora Beneficia, quorum collationem pleno jure exercet, semper ac casus vacationis contingat, satius profecto est meminisse, quod Rex Apuliæ habet collationem omnium Beneficiorum sui Regni, ut affirmat Glossa *in principio qu. 7. caus. 16. verbo Ecclesias*. Quod quidem jus habendum non est ceu simplex assertio Joannis Semeca, aut Bartholomæi Brixienfis, qui glossas per modo dictum Joannem Decreto Gratiani sæculo XII. appictas expulit, & a mendis expurgavit; sed existimari debet tanquam constans & immutabile axioma habitum non solum a trigintaquinque Romanis Correctoribus, qui selecti fuerunt prima vice a Pio IV., deinde a S. Pio V., & postremo a Gregorio XIII. Summis Pontificibus emendandi causa Decretum Gratiani, & qui prædictæ Glossæ nihil omnino vel addidere vel detraxerunt: sed etiam ab ipsomet Gregorio XIII., quippe qui sua Bulla diei 2. Junii anni 1582. jussit: *ut quæ emendata, & reposita sunt, omnia quam diligentissime retineantur, ita ut nihil addatur, mutetur, aut imminuatur*. Prostrat hujusmodi Bulla initio Decreti Gratiani; & qui ampliora de Gratiani Decreto, Glossisque edificare mavult, adeat Dissertationem Justi Eningii Boehmeri *de varia Decreti Gratiani fortuna*, præmissam suæ editioni ejusdem Decreti typis datæ Halcæ Magdeburgicæ 1747. Igitur non solum Joannes Gloss.

Glossator, & Correctores omnes Romani facti fuere, jus esse Regi Neapolitano conferendi Beneficia omnia sui Regni, sed etiam (quod summopere notandum est), quia hoc idem quammaxime confirmavit, comprobavitque ipse Summus Pontifex Gregorius XIII., sanciendo nihil penitus addendum, mutandum, neque imminuendum esse ab eo, quod Glossa, Correctoresque Romani reposuerunt, emendaverunt; immo diligentissime esse retinendum.

Sed quorsum isthæc perversa pervicacia abnuendi Principibus fundatoribus, atque patronis Monasteriorum jus eligendi Abbates eorumdem? Nonne definitum, sancitumque est Regali Diplomate diei 10. Februarii anni 1772., jus esse Principibus Patronis eligendi Abbates, Prælatosque Monasteriorum, Ecclesiarumque Conventualium? ita sane; & ne videar a vero digredi, en Regalis Rescripti verba: *Essendosi comunicato a' due Ministri Paoletti, e Belli la rappresentanza fatta da V. S. Illustriss. toccante la causa da decidersi in grado di appello del Regio patronato della Trinità di Mileto, ha il Re in vista delle rispettive loro risposte fatto ad essi sentire, che memore la M. S. di non esser questa la prima volta, in cui ha dovuto soccorrere alla esitanza de' suoi Magistrati, e frenarne gli arbitrij, coi ricordar loro le leggi, e le regole, che debbono tenere ferme nel giudicare; dice S. M. che siccome l'entrare in termini di economia è fuori della facoltà del Giudice, circoscritta nella esecuzione delle leggi; così vuole ancora la M. S. che si resti nella intelligenza, che nella causa del Regio patronato di Bagnara si ebbe per massima fondamentale della Sovranità, che nella reintegrazione al Regio patronato di Chiese Conventuali, quando non sia mutata l'antica forma, ed estinta la Conventualità (nel qual caso resta al Sovrano la libertà di dar altra forma, come tutto giorno si pratica) non dee controvertirsi il dritto di eligere, che al Re appartiene &c.*

Scite igitur, & perquam sapienter insequendo canonum æconomiam, mandavit, atque constantissime præscriptis Rex noster Clementissimus, fuitque juris apprime callentissimus, non esse obistendum, neque concertandum Principi Patro-

no

no Monasteriorum, Ecclesiarumque Conventualium jus eligendi Abbatem, ni velimus in frustra concidere jus Regium patronatus. Si igitur priscorum Canonum sanctio, si mos & consuetudo, si jus peculiare hujusce Regni Regum, si denique Augustissimi Regis nostri Rescriptum statuunt, præcipiuntque juris esse Principis Patroni electionem Abbatum, Prælatorumque Monasteriorum, & ceterarum Ecclesiarum Conventualium, quæ Regii juris patronatus sunt, equisnam tam obstinate, & pertinaciter esse potis est, qui sine intermissione animum suum obfirmet in avellenda a Regia Corona hoc jus electivum? nemo profecto, nisi qui a proprio consilio desistere renuit, quia alter viam veritatis aperuit.

Ex hisce porro, quæ hactenus disseruimus, perspicue patet firmo talo stare in Regiis patronatibus Monasteriorum, ceterarumque Ecclesiarum Conventualium jus eligendi Abbates, Prælatosque; hude, atque constantia afficiendum esse propterea disertissimum Promotorem Regionum jurium patronatum D. Sebastianum Albanum; utpote qui ab altera parte paullo ante exscriptæ sententiæ Rev. Curie Capellani Majoris reclamavit, appellavitque, ex quo modo dicta pars ultima ejusdemmet sententiæ jus eligendi Abbatem Monasterii S. Mariæ Novæ Odegitriæ, vulgo *del Patiro* nuncupatæ, Regi nostro invictissimo denegavit, solumque *Regium Assensum* præcedentem pro Conventuali electione canonice facienda titulo Regii juris patronatus, aliumque *Regium Assensum subsequenter* pro ea confirmanda concessit; instituendique unum vel plures Commissarios, qui vice & nomine Serenissimi Regis Patroni, partes suas debeant interponere electioni tractanda toties quoties casus vacationis contigerit (prout asseritur in *Cap. Nobis 25. de jure patronatus*) permisit. Quam quidem hujusce Capituli assertionem in sententia per me dicta in causa Tremicensis Monasterii, prorsus explosi, refelli, & in hoc Regno præcipue illam receptam non fuisse solide, firmiterque demonstravi.

His igitur explanatis, definimus, decernimus, & declaramus, rite, appositeque fuisse decisum per Rev. Curiam Capel-

pellani Majoris ejusque tunc præclarissimum, omnigenaque litteratura refertum Dominum Consultorem, Monasterium S. Mariæ Novæ Odegitriæ, seu del Patisro fuisse, & esse Regii juris patronatus; redintegrandum capropter illud esse, sicut redintegrari mandamus juribus Majestatis, Regiæque Coronæ, in omnibus servata forma legum in foundationis limine per Serenissimum quondam Regem Rogerium statutarum, præceptorumque. Nullamque profecto declaramus discessionem bonorum ejusdemmet Regii patronatus, atque commendationem ipsiusmet Monasterii per Curiam Romanam factam, inconsulto, atque penitus inscio Principe Patrono, legibus foundationis obsistentibus, reclamantibus; salvo tamen juribus eidemmet Regi Patrono de redditibus; bonisque additis Abbati Commendatario disponendi in aliud pium vel publicum opus, necessitatemque, prout pientissimo, religiosissimoque suo Regali animo melius, rectiusque visum fuerit. Necnon definimus, decernimus, & declaramus, annexum, infixum, atque ferruminatum fuisse & esse Regiæ Coronæ jus eligendi Abbatem in prælaudato Monasterio S. Mariæ Novæ Odegitriæ, seu del Patisro ac in ceteris omnibus aliis Monasteriis, atque Ecclesiis Conventualibus Regii juris patronatus, semper ac casus vacationis contigerit; salvoque quoque ipsimet Regi Patrono juribus omnibus, quæ quomodolibet ei competunt tam ex causa Regii juris patronatus, quam vi eminentis & supremi dominii, ac Summæ Potestatis.

In cause Regii patronatus Abbatia, & Monasterii S. Joannis in Flore. Die 6. Junii 1783.

Monachi Cistercienses citerioris Calabriæ reclamaverunt, & provocaverunt a Rev. Curia præclarissimi Capellani Majoris, atque ab sententia dicta a disertissimo doctissimoque ejusdemmet Rev. Curia Consultore in causa Regii juris patronatus Florentis Monasterii, & supplicem libellum Clementissimo Regi nostro obtulerunt, ut Judicem eis daret, qui in appellationis judicio modo dictam sententiam perpendere, distringeretque; quique definiret, Monasterium Florentense

rense non esse Regii juris patronatus, neque unquam retroactō ævo existisse Ordinem Regularem Florensem ullum, qui Ordinem distinctum, dissimilem, atque separatum a Cisterciensi unquam fuerit, prout utrumque adfuisse laudata sententia declaravit, decrevitque.

Ast cum Augustissimus Rex noster suo Regali Rescripto diei 21. mensis Julii anni 1781. mihi in mandatis dedisset, ut in hujusce causæ cognitione versarer; omni præterea, quo par est conamine curavi, ut invictissimi Principis præcepta facta testā habere, & ad hanc concertationem percutandam tenuis vires meas impenderem. Ut igitur ad rem deveniam, non abs eadem re esse puto, si quod hactenus in hac causa actum est, hic in medium adducam; & ut omnia in ordinem digerere valeam, initia hujusce Ordinis Florentis referre necessarium esse censeo; quæ ne in dubium revocari queant, inter ceteros dabo testes Scriptores ejusdemmet Ordinis Cisterciensis.

Satis superque notus est celeberrimus Abbas Joachim. Hic licet Monachus Familiæ Cisterciensis fuisset, & Sambucinæ professus, indeque Abbas Monasterii Curatii Diocesis Marturanensis, labente tamen sæculo XII., ab Ordine modo dicto discessit, novumque Ordinem nuncupatum Florensem Pontificia auctoritate instituit; inde dictum *Florensem*, quod primum Joachim Abbas Monasterium in loco nuncupato de *Flors* construxit, illudque B. Joanni Baptistæ dicavit, uti refert Angelus Manriquez Abbas Generalis ipsiusmet Ordinis Cisterciensis. tom. 3. *Annalium Cisterciensium*, anno 1190. cap. 6. *Inter hæc* (nam neque annus constat) *Joachimus Abbas, sive perfectioris vitæ, sive quæ plerumque per speciem perfectionis inquietant animos, novarum rerum cupidus, & Petram altam, quam tamen Petram olei ab unitione vocasset, pertæsus dudum, majores adhuc secessus in solitudine, & remotiores eremos, seu verius divisionem (neque enim fugam a Cistercio dicam) meditabatur.* Exinde aliquibus interjectis, ex Jacobo Grævo Cisterciensi Monacho, prosequitur: *Placuit ergo (Deo disponente) in Albonetto, ubi proprie de Flors est* Tom. I. Cur. Cap. Maj.

rum reditus Monachorum sustentationi inserviunt. Hinc Curie Romane non licet. Monasterio extincto, bona illi addita in commendam erigere, c. m. in plenam fundatoris potestatis revertantur.

Ad Principem spectat jus eligendi Abbates, Prælatosque in Monasteriis, & Ecclesiis Regii juris patronatus.

nomen, vestigia premere. Locus siquidem Floris annis duplici; a meridie scilicet Albula, a septentrione vero Netbo alluitur; qui . . . Albanethum efficiunt. In Flore porro duobus remanentibus, Converso scilicet & Laico, si quomodo, modo pasturum inquam, magalia, & casunculam, tuguriumve struere daretur, Pater Joachim ad Rainerium adduc in Petra manentem rediit: ex mutui denique aspectus exhibitione letantes, ubi primo in Flore constructum habitaculum sensere, se illuc confere procurant.

A casula igitur, & tuguriolo, seu casuncula, ut cum ipsismet Cisterciensibus Scriptoribus loquar, ramulis compacta in loco dicto de Flore collocato in montanea Silae initium fluxit Monasterii Florentis per Abbatem Joachim exstructi, ut novum Ordinem a Cisterciensi maxime diversum divisumque institueret. Hunc discessum ab Ordine Cisterciensi, atque institutionem, fundationemque novi Ordinis, in posterum Florentis denominati, idem Manriquez testatur eodem tomo 3. *Annalium Cisterciensium ad annum 1193. cap. 2. n. 7.* hisce verbis: *Sed hinc etiam conjectari licet, Joachinum, etsi a nostris jam exemptum, nequaquam eos insensos, aut ipsum aversantes expertum esse; quippe apud quos Panormi hospitabatur.* Hoc idem non inficiatur Ferdinandus Ughellus Abbas Monasterii SS. Vincentii, & Anastasii Cisterciensis Ordinis, & Congregationis Indicis Consultor tom. 9. *Italia Sacra* edit. ann. 1721. de Cusentino Archiepiscopo num. 11., en verba ipsius: *Hoc tempestate, eoque (Bonhomo scilicet) Archiprasule, B. Joannes Joachim signis, virtutibus, ac prophetia dono illustris quondam Monachus Sambucinae, mox Abbas Curatii Ordinis Cisterciensis in Marturanensi Diocesi, Monasterium Floris S. Joannis Baptista titulo insigne in hac Cusentina Archiepiscopatu ad radices Silae Sylva inter duo flumina Albulam, & Nethum in loco horroris, & vasta solitudinis de consensu Archiepiscopi construere capit anno 1189. & novam Monachorum Congregationem, seu Ordinem Florentem instituere. Hanc Pontifices Maximi suis Diplomatis confirmarunt, liberamque a Capitulo, Ordineque Cisterciensi fecerunt.*

Abbas Joachim ergo antea Monachus Cisterciensis ab hoc

hoc Ordine discessit, seque divisit, & novum Ordinem, novamque Congregationem Florensem a Pontificibus probatam, ac ab Capitulo, & Ordine Cisterciensi quam maximè diversam, ac dissimillimam instituit, fundavitque. Hæc namque, quæ laudati viri maximæ existimationis jure merito habiti ab Cisterciensibus ipsis fatentur, memoriæ hominum prius mandata fuere a Cornelio Pelusio Priore ejusdem Monasterii Florentis, & in hoc Regno Vicario, & Visitatore Ordinis Cisterciensis in libro, quem composuit de foundationibus ceterorum Monasteriorum hujusce Ordinis Florentis, atque a Jacobo Græco, & nuperrime a Gregorio Lauro Sagittarii Abbate. Igitur nulla animi fluctuatio habenda est, Ordinem Florensem alium toto cælo extraneum fuisse a Cisterciensi; quodque in propatulo quam maxime esse comperitur ex Bulla Cardinalis Cencii a latere Legati mensis Martii anni 1200., qua concessum fuit eidem Abbati Joachimo, & Unfredo Colino aliam Abbatiam in loco dicto *Albanetbo secundum statuta Ordinis tui, & formam, seu libertatem, quam tibi, & successoribus tuis, & Domui tuæ de Flore a Romano Pontifice constat, esse concessam*. Prostat apud eundem Manriquez ann. 1190. cap. 6.

Hoc profecto Monasterium Florense, quod, ut ita dicam, a suis incunabulis ortum, exordiumque traxit a casula quadam in montanea Silæ, & præsertim in loco *de Flore* ab Joachimo Abbate, & ab ejus Converso, & Laico structa, paullatim perquam ditissimum evasit, & amplissimis latifundiis fuit refertum; quod sane factum fuit ex dotatione, atque datione præcipue Henrici VI. Svevi, Imperatricis Constantiæ Nortmannæ ejus uxoris, eorumque filii Imperatoris Friderici II.

Ac primo Henrici VI. Diploma licet in actis hujusce causæ editum non sit, nihiloscius per supralaudatum Angelum Manriquez, utpote exscriptum a Chartulario ejusdem Monasterii, typis datum visitur laudato tom. 3. *Annalium Cisterciensium anno 1193. cap. 2. n. 4. Dixi Chartularium Monasterii*, nam inficete ab aliquibus appellantur *Archiva*

Q 9 2 loca

loca illa Monasteriorum, ubi adservantur Diplomata, chartæ, præcepta, ceteræque Regum donationes iisdem Monasteriis satis superque elargitæ, cum peculiariter *Chartularia* dicenda sint, teste eodem clarissimo Joanne Mabillonio in laudatissimo, præclarissimoque Opere *de Re Diplomatica*: cum Archivorum nomenclatio tantum donata sit locis illis, quæ Principum auctoritate constituta sunt ad publicas scripturas factas testas curandas, custodiendasque per aliquem ibidem ab eodem Principe præfectum, ut apud doctissimum virum Abasuerum Fritschium in Opusculo *de jure Archivi, Cancellarie* videre est.

Imperator profecto Henricus VI. anno Dominicæ Incarnationis 1195. pridie nonas Martii, decimæ tertie indictionis dono dedit Abbati Joachimo, & Monasterio ejus S. Joannis de Flore (quod tunc constabat ex pauperrima casula, seu potius tuguriolo) annuos quinquaginta bizantinos *exsolvendos in festivitate S. Joannis Baptistæ ex redditibus Salina de Neto, quæ est in territorio Sanctæ Severinæ*.

Prima igitur dos hujusce Florentis Monasterii, seu potius casulæ, constituta legitur per Imperatorem Henricum VI. pro levamine, & alimoniis Abbatis Joachimi, & duorum, triumve Monachorum secum ibi tunc temporis congregatorum pro explendis sacris. Verum nos non fugit, veritatem hujus Diplomatis pernegari per nuperos Monachos Cistercienses in libello per eosdemmet in aëlis edito, fol. 148. ad 153. At quam fatua sit atque emendicata hujuscemodi inficiatio, dein cum de aliis chartis, diplomatibusque sermo erit, differemus; satius modo est perspicere, quod siue stilus Svevorum Cancellariæ perpendatur, siue notæ chronologicæ eidem adscriptæ exacte reputentur, veritas illius dilucide patefiet; fert porro illud diem 6. Martii mensis anni 1195. decimæ tertie indictionis; hæc siquidem indictio in modo dicto anno decurrebat, ut iis, quibus res chronologica, atque diplomatica non later, satis nosse datum est. Sed cogimur inviti fateri, perisse hodiernis Monachis Cisterciensibus frontem, semelac tam audacter abnegant suprad-

dictam Henrici dotationem, cum ex opposito (missis aliis antesignanis Scriptoribus Cisterciensibus) Angelus Manriquez loco nuperrime laudato num. 5. de hacce Henrici donatione verba faciens, ita, post illam exscriptam, ait: *Haftenus Privilegium Monasterio Florensi satis utile; sed longe honorificentius ejus Abbati, ob cujus sanctitatem (absque ullo alio motivo designato) collatum dicitur. Porro ex eodem etiam perspicuum est, intra hoc biennium adauctum tertium Cenobium de Calabro Maria, quod supra inter Florenses numeravimus, ut credam facile quæ septem agnoscuntur Florensi subdita, atque observantia speciales Joachimi leges, ipso adhuc vivente, cuncta exorta. Quæ quidem septem alia Monasteria Florentis Ordinis, omnium facillimum ac tutissimum est affirmare, etiam pari modo per ipsosmet Cistercienses Monachos fuisse, una cum eorum latifundiis, occupata. Sed ad rem redeamus.*

Hanc profecto donationem, seu primam dotationem per Imperatorem Henricum VI. Monasterio Florensi collatam, non solum Imperatrix Constantia confirmavit, ratamque habuit, verum illam summopere adauxit, & bonis propemodum innumeris ampliavit, ut perquam clare liquet ex ejusdemmet Imperatricis Diplomate dato in Civitate Messanæ mense Januario anni Incarnationis Dominicæ 1198. indictione prima, quippe quæ excurrebat in modo dicto anno. Prostat siquidem hoc Diploma in actis exscriptum a suo autographo reperto, atque adservato in chartulario ipsiusmet Florentis Monasterii; quodque exemplū legitur pariter apud Ferdinandum Ughellum Monachum Cisterciensem loco nuperrime laudato, *de Cusentino Archiepiscopo* n. 14.

Mukæ aliæ in actis editæ sunt chartæ Imperatoris Frederici II., ceterorumque hujusce Regni Serenissimorum Regum, ex quibus comperitur non solum Florense Monasterium exædificatum, ditatum, dotatumque fuisse per eosdemmet Principes, verum etiam alia adfuisse extructa in eodem amplissimo solo montanæ Silæ; nos siquidem consulto hæc ceteras chartas hic referre negligimus, ne simus aliis fastidio, atque satietati, & ne sententiam nostram protra-

ha-

hamus ultra id, quod sententiæ dicendæ consentaneum est. At de duabus tantum chartis, quæ etiam exscriptæ leguntur apud laudatum Ughellum (testem omni exceptione majorem, utpote qui Monachus Cisterciensis fuit, quemque Cistercienses ipsi jure quidem optimo magni faciunt) de duabus, inquam, hisce chartis hic quædam commonefacere, æquum non est præterire. Una est sententia Bonhomii Archiepiscopi Cusentini, Riccardi Abbatis S. Euphemie, Simeonis de Manfistra Justitiarum Vallis Gratis, Vallis Signi, & Vallis Layni, Guillelmi de Bisignano, Rogerii filii Johelis, & Alexandri filii Guillelmi Rectorum Justitiariorum, hac quidem sententia definita fuit concertatio tunc temporis exorta inter Monasterium Florense, & Monachos Monasterii Sanctorum trium Puerorum Basiliani Ordinis, mandatumque fuit, non esse deturbandum Florense Monasterium a possessione loci, qui olim dictus est *Calosuber*, nunc autem *Bonum lignum*, & alterius loci, qui dicitur *Feradonius*, quam ceterorum tenementorum, & terrarum, secundum quod ei (Monasterio Florensi) concessum fuerat a Domino Imperatore (Henrico VI.) & confirmatum a Domina Imperatrice per Privilegia sua. Dicta fuit hæc sententia mense Junio anni 1199. indictione 2., legiturque apud Ughellum loco laudato.

Verum cum non destitissent Monachi Monasterii Sanctorum trium Puerorum a deturbando Monasterio Florensi in bonis prædictis, anno 1215. mense Augusto, indictione, quæ hoc anno decurrebat, tertia, fuit lis composita, finemque accepit per Lucam Archiepiscopum Cusentinum, & compositio isthæc fuit confirmata per Bullam Honorii III. anno secundo sui Pontificatus, in qua quidem Bulla concordia modo dicta inscribitur, quæque cum compositione prædicta, ut refert Ughellus loco nuperrime laudato, ex Registro Vaticanæ, fol. 215. exemplata fuit. Inque ea maxima pars bonorum a præfatis Augustis Monasterio Florensi donatorum, & in Sila collocatorum describitur, atque dinumeratur. Altera est charta seu Diploma Friderici II., qui anno Dominicæ Incarnationis 1200. mense Martio, indi-

cio-

Etione III. concessit eidem Abbati Joachimo *liberam potestatem*, ut ædificare valeret *Domum Religionis in loco, qui dicitur Caput Album in extrema parte Silæ, quæ adjacet Civitati Cusentina*, in quo quidem loco pridem *receptaculum quoddam positum erat ad refugium Fratrum (Monachorum) ejusdemmet Joachimi*, quique *Fratres pro rebus necessariis exinde transire cogebantur*. Donavitque propterea eidem Domui Religionis ædificandæ *in loco ubi dicitur Caput Album possessionem adjacentem ipsi loco per spatium mille passuum tam in longitudine, quam in latitudine, ut de redditibus ipsius Fratres, qui ibi Domino sunt servituri secundum institutionem Ordinis vestri (Joachimi) suppetias, atque alimentum percipere possent*. Prostat hæc concessio apud laudatum Ughel'm in *Italia Sacra tom. 9. pag. 197. edit. an. 1721.*

Ex hoc autem, Diplomate non solum comperitur *Friedericum II. confirmavisse donationes, atque dotationem Monasterio Florensi per suos Augustos genitores contraditas, verum etiam eruitur, dotavisse aliud Monasterium ædificandum secundum institutionem Florentis Ordinis in loco nuncupato Caput Album, eidemque possessionem positam in Sila longitudinis, & latitudinis unius miliarii tradidisse.*

Hiscæ porro strictim prænotatis, modo præstat diluere effugium, atque tergiversationem per Monachos Cistercienses in supra adnotato eorum libello præfractæ excogitatum. Abnegant ipsi veritatem, ingenuitatemque omnium Diplomatum, & chartarum in actis exhibitarum; abnuunt Ordinem Florentem fuisse diversum, & distinctum a Cisterciensi; immo toto animo, omnibusque nervis vafre contendunt, eundem fuisse Ordinem Cisterciensem ac Florentem, nulumque discrimen inter utrumque extitisse. Verum enimvero cavillatio isthæc perquam facillime refellitur, modo quæ hæcenus monuimus, reminiscamur. Quod attinet ad duorum Ordinum discrimen, nedum Manriquez, & Ughellus Monachi Cistercienses, verum etiam Bulla Cardinalis Cencii Legati a latere Summi Pontificis Innocentij III. dilucide ostendunt, Abbatem Joachimum novum Ordinem, novamque

que Congregationem instituisse prorsus dissimilem, atque exemptam a Congregatione, & Capitulo Cisterciensi; & regulis statutisque omnimode disparibus ac diversis illam submisisse. Si igitur ex Bulla cœva ipsimet foundationi, & exordio Ordinis Florentis in comperro est nihil commune habuisse Ordinem, seu Religionem Florentem cum Cisterciensi; si hoc contestantur firmiter, omniique dubitatione remota Angelus Manriquez, & Ferdinandus Ughellus res præteritas sui Ordinis apprimè callentes; qua petulantia, quave perfrecta, atque expudorata fronte negant moderni Monachi Cistercienses diversitatem unius ab altero Ordine? eadem sane audacia, atque oris contumacia, qua instruuntur ii, qui cum bonum jus non foveant, id omne quod ad condemnationem effugiendam animo occurrit, per fas nefasque objiciunt.

Negant insuper veritatem omnium Diplomatum, concessionum, chartarumque in actis exhibitarum. Proh protervitas? nonne chartæ istæ depromptæ sunt ab chartulario ipsiusmet Monasterii Florentis, ubi hætenus diligenter, attentèque servatæ sunt, ut effictum titulum amplissimorum latifundiorum in Sila per ipsosmet Monachos Cistercienses injuria detentorum, occupatorumque ostenderent, objicerentque cuicumque eos deturbare ausus fuisset, persuadendo insipientibus, atque simulando eadem bona fuisse Cisterciensibus elargita, atque donata? at quia nunc fabula detecta est, ad pernegandas easdem chartas impudenter confugiunt.

Attexunt præterea Cistercienses (ut suspensas modo dictas chartas faciant, & identitatem Religionis Florentis, & Cisterciensis suadeant) incertum prorsus esse, quando nam, qua causa, quo Pontifice suppressus fuerit Ordo Florentis, ut inde factum fieri potuerit, ut addicerentur latifundia prædicta Ordini Cisterciensi; quodque (iidem Cistercienses prosequuntur) cum nunquam acciderit; eapropter verum non esse, immo falsum, Ordinem Florentem fuisse distinctum a Cisterciensi, & bona illi contradita, occupata postea a Cisterciensibus extitisse. Hæc sane Monachi Cister-

cienſes obloquantur atque obſectant, ut Regium juſ patro-
natus Monafterii Florenſis debilitent, illudque a Principis
diademate decerpant, divellantque. Verum ut effugium hoc,
atque velamen, quod prætexere ſatagunt, nugæſque quas
Ciſterciennes garriunt, penitus diluamus, teſtem locupletem,
clafſicumque nobis producere lubet unum Angelum Manri-
quez Monachum Ciſterciensem in ſæpenumero laudato tom.3.
Annalium Ciſterciensium, cap. 6. n. 10. anno 1190. Hic An-
nalianum Ciſterciensium Scriptor profecto, quem reſellere non
licet Ciſterciensibus, diſertiffime refert, poſt excuſos an-
nos ducentos, Monafterium Florenſe, & cetera hujusce Or-
dinis Cænobia, fortunæſque eorum Ciſterciennes invaſiſſe,
quanquam aſſerat hoc accidiſſe propter legum, ſtatutorum-
que Ordinis Florenſis inobſervantiam, & bona gubernandi
cauſa. En Manriquez verba: *Inter Florenſia Monafteria nu-
merantur de Calabro Maria; de Fonte Laureto; de Bagnaria
Sanctæ Mariæ & Martyrum; S. Joannis de Ulaneis; de Suc-
cuſu S. Mariæ de la Nova; & quedam alia. Qua qualiter
poſt ducentos plus minus annos, Joachimi legibus penitus aboli-
tis, Ciſterciennes admiferint ad earum præſcriptum gubernanda;
ſi quis annales forſan proſequetur, diſcurus erit. Nec aliquis
tam rudem ſe ſtudeat eſſe, ut occupationem hanc excidere
fidem ſibi perſuadeat; nam non hac vice tantum, ſed ſæ-
penumero facinus hoc Ciſterciennes patraviſſe teſtatur Sum-
mus Pontifex Alexander III. in epiſtola ad Ciſterciennes in
quodam eorum Capitulo generali congregatos ſcripta, in qua
eos ſic perſtringit, reprehenditque: *Nunc autem aliqui ex vo-
bis priſtina institutionis obliiti penitus, vel ignari, contra Ord-
inis veſtri gloriam, & decorem villas, molendina, Eccleſias, &
altaria poſſident, fidelitates, & hominia ſuſcipiunt, ruſticos, &
tributarios tenent, & omne ſtudium adhibent, ut termini eorum
dilatentur: exſcribitur a Jano a Coſta tom. 1. des Revenus
Eccleſiaſtiques pag. 240.**

Profecto hinc plura colligi ex hæcenus expoſitis datur,
nempe, Monafteria Ordinis Florenſis peculiariter appellata
ſuiſſe Florenſia, non vero Ciſterciencia; non alia ſiquidem
Tom. I. Cur. Cap. Maj. R 1 de

de causa, nisi propter omnimodam amborum Ordinum diversitatem: insuper elicitur alias fuisse leges seu statuta Ordinis, sive mavis, Congregationis Florentis per Joachim fundatorem ei imposita atque praescripta, ab illis Cisterciensis Ordinis: ac denique eruitur omnia Monasteria Florentis Congregationis post plus, minusve ducentos annos occupata fuisse per Cistercienses, sub praetextu, ut ea gubernarent, regerentque solum, non autem ut ipsismet latifundia, redditusque omnes in proprietatem addicerent. Gubernatori profecto, sive administratori jus divinum, humanumque praescribit, mandatque ut ad rationes reddendas compellatur patrono Monasteriorum; sicuti qui vim ac potestatem effectumque juris patronatus norunt, in comperto habent; praesertim si Patronus Rex sit, qui tam ope juris patronatus, quam vi eminentis dominii Monachos, Clericosque omnes cogere potis est, ut rationem reddant de rebus Monasteriis ceterisque piis locis juris patronatus in fundatione addictis, vel postea auctis, deque usu reddituum illarum, maximopere si bona juris patronatus ab aliis gubernii causa administrata fuerint. Firmo talo stat igitur, non solum Monasterium S. Joannis in Flore, ejusque latifundia, praesertim ea in Regia Sila collocata; sed omnia alia Florentia, scilicet Florentis Ordinis Monasteria occupata fuisse una cum eorundem bonis per Cistercienses, post ducentos annos excurfos ab illorum fundatione, atque institutione.

Ex his omnibus porro, quae in antecessum praenotavimus, certo certius profluit, Monasterium Florentie, seu S. Joannis in Flore fuisse per retroactos Principes hujusce Regni fundatum, utpote quod in fundo Silae, quae jurium Regalium semper extitit, extractum fuit; ab ipsisque Principibus possessionibus latitudine amplissimis in Regia Sila locatis dotatum, dictatum, atque refectum. Hinc etiam extra omnis dubitationis aleam posuimus, modo dictum Monasterium Florentie fuisse, & esse Regii juris patronatus; per fundationem sane, atque dotationem jus patronatus proprio jure, non autem ex gratia, acquiri satis superque in com-

comperto est. Ita profecto sancivit Justinianus in *Nov. 57. cap. 2. § 123. cap. 18.*, quodque statuerunt Sacre Regulæ ex Concilio Toletano IX. *an. 655. in Can. Filiis 31. & in Can. Decernimus 32.*, confirmavitque deinde sive Clemens III. sive potius Cælestinus III. fuerit, ut viri eruditi autumant, sua Decretali epistola exscripta in *cap. Nobis de jure patronatus*, data post annum 1191. teste præclarissimo, consultissimoque viro Justo Eningio Boehmero in notis ad dictam epistolam, *not. 26.* ut videre est in sua editione totius juris canonici, variantibus lectionibus suffulta. Concinne igitur, atque scitissime præclarissimus Consultor Rev. Curie Capelani Majoris sua sententia declaravit, Monasterium S. Joannis in Flore fuisse, & esse Regii juris patronatus, redintegrandum eapropter juribus Majestatis, Regique Coronæ invictissimi Regis nostri una cum omnibus ejus bonis, juribus, & secundum primævum statum, & pristinam ejus naturam.

His ita præstructis, libeat mihi gradum facere ad quamdam seriam animadversionem, quam mihi suggerunt verba omnium Diplomatum, sive ea inspicias Henrici VI., sive cetera Imperatricis Constantiæ, vel Friderici II. Imperatoris, omnia profecto isthæc verba, quæ leges foundationi addictas, præscriptasque constituunt, atque firmant, non aliud digito ostendunt, & commonefaciunt, nisi latifundia omnia fortasse nimis liberaliter data, profusaque fuisse pro dote unius Florentis Monasterii, & pro levamine Abbatis Joachimi, & Monachorum Ordinis Florentis per eundemmet Joachim instituti successorum, seu melius, succedaneorum; de hac autem re ambigi nequit, & si quis dubitarit, diligenter quæso modo dicta Diplomata legat, & per nos animadversis obistere profecto nequibit.

Progrediendum nunc est ad ea, quæ paullo ante adnotavimus, videlicet ad dissolutionem Ordinis Florentis, qui post plus, minusve ducentos annos ab ejus institutione, ipsius Cisterciensibus testibus, penitus jam obsolevit. Fructus tantum redditusque traditi fuerunt Joachimo Abbati, ejusque

affectis Monachis & successoribus ad sui victum, & ad facta testā tuenda Monasteria, quæ sub regula prædicti Abbatis regerentur, ut legitur in Diplomate Friderici II. anno 1200. per Ughellum exscripto. Fructus, inquam, prædiorum ceterorumque bonorum, non vero proprietas eorumdem, concessa, & contradita fuerat. Hinc prono alveo fuit, fructus ipsos dissoluto, extincto atque abolito Ordine Florensi, qui ab Joachimo initium duxerat, ad fundatores, & dotatores penes quos proprietas remanserat, devolvi debuisse.

Fructus igitur, redditusque bonorum constituti, atque attributi, ut dixi, fuerunt Monasterio Florensi, ejusque Monachis in eodemmet Monasterio vitam ab oculis, & hominum convictu remotam ducentibus secundum institutum, & regulam per Abbatem Joachimum præscriptam; proprietas vero ipsorum bonorum a dominio eorumdem Principum fundatorum avulsa non fuit. Hoc sane, quod ex laudato Diplomate elicitur, peculiare est in omnibus juribus patronatus; perspicuum siquidem est id, quod statutum fuit in Concilio Romano anni 726. *Can. 12.* sub Eugenio II., prostatque apud Labbæum *tom. 9. Concilior.*, & refertur etiam a Gratiano *Can. 33. caus. 16. qu. 7.*, inibi porro legitur: *Monasterium, vel Oratorium canonicè constructum a dominio constructoris (hoc est fundatoris) invite non auferatur. Dominium profecto, de quo Concilium verbum facit, nihil prorsus hic denotat, nisi Monasteria, Ecclesias, ceteraque pia loca per fundatores extructa, atque dotata, una cum bonis pro dote ipsis constitutis, esse in proprietate eorumdemmet fundatorū.*

Hæc namque assertio nimis redundans fortasse quibusdam obrectatoribus videbitur; sed ut eam tanquam firmissimum canonem juris patronatus commonstremus, en quod præscriptum legitur in Capitularibus Regum Francorum collectis per clarissimum virum Stephanum Balutium *t. 2. p. 339. cap. 36.* Statutum est, ut si quis liber homo per consensum Episcopi Ecclesiam in sua construxit proprietate, fontesque ab Episcopo in ea fuerint consecrati; ideo non perdat suam proprietatem, sed si Episcopus voluerit, officium sacri baptismatis in suam Eccle-

eleſiam transferat , ipſa vero Eccleſia , a qua transfertur , in conſtruendis maneat jure . Legitur quoque hoc caput in legibus Langobardis lib. 2. cap. 47.

Hæc porro Monaſteria per Principes dotata, Monaſteria Regalia proprie appellabantur , & eoſque ipſa Eccleſiæ diſciplina exiſtimabat illa eſſe in dominio , & proprietate Regum Fundatorum , ut a manu ipſorum Regum haberi dicerentur : ex iſdem enim Capitularibus per Baluzium collectis tom. 1. pag. 259. cap. 6. ſtatutum legitur ſub Carolo Magno anno 793. *De Monaſteriis , & Xenodochiis , quæ per diverſos comitatus eſſe videntur , ut Regalia ſint ; & quicumque ea habere voluerit , per beneficium Domini Regis habeat .* Proſtat quoque in legibus Langobardis lib. 3. tit. 1. cap. 30.

Infuper in Capitularibus Ludovici Pii anni 823. cap. 8. eod. tom. 1. p. 635. hæc habentur : *Abbatibus quoque , & Laicis ſpecialiter jubemus , ut in Monaſteriis , quæ ex noſtra largitate habent , Epiſcoporum conſilio , & documento ea , quæ ad religionem Canonorum , Monachorum , Sanſimonialium pertinent , peragant , & eorum ſalubrem admonitionem in hoc libenter audiant , & obediant .* Reges ſiquidem ex eorum largitate dabant , concedebantque Monaſteria per eos fundata , atque dotata Abbatibus , hoſque eiſdem Monaſteriis præſciebant ; de his vero , quæ ad religionem pertinebant , audire Epiſcopum , eique obedire neceſſe erat .

Hinc erat , quod de bonis eorundem Monaſteriorum Abbates , & Abbatiffæ rationem Regi reddere debebant . Ex laudatis Capitularibus eod. tom. 1. pag. 174. cap. 20. legitur : *In alia Synodo nobis perdonaviſis , ut illa Monaſteria , ubi regulariter Monachi , vel Monachæ vixerunt , hoc , quod eis de illis rebus dimittebatis , unde vivere potuiſſent , exinde ſi Regalis erat , ad Regem faciant rationes Abbas , vel Abbatiffa ; & ſi Epiſcopalis , ad illum Epiſcopum .* Similiter & de illis vicis . Depromptum eſt hoc caput ex Concilio Vernenſi anni 755. congregatum ſub Pipino Rege , & Epiſcopis in palatio Vernis ; extatque etiam hæc Synodus apud Labæum tom. 8. Concil. pag. 417. & ſeq. can. 20. Quanta proſecto fuerit Regum

gum potestas in exigendis rationibus ab Abbatibus, & Abbatissis modo dictorum Monasteriorum, aliorumque omnium, qualisque auctoritas super illis adhibita, vide sis consultissimum Franciscum de Roye in præclarissimo Opusculo *de Missis Dominicis*, de quibus sane juribus nos etiam pleraque diximus in sententiis Regionum jurium patronatum Monasterii Tremitenfis, & S. Mariæ de Patiro, seu *Nova Odegitria*.

Hanc sane firmissimam disciplinam, canonesque, atque Regum statuta prosequendo Hincmarus Remensis Ecclesiæ Archipræsul Hedenulpho Episcopo Laudonensi scribens, sequentia urgere non destitit: *Ecclesiæ quoque in proprietatibus liberorum hominum, ac coheredum consistentes, ut suæ tradantur Ecclesiæ, non debet (Episcopus) cogere; sed secundum Synodalia, & Imperialia Capitula, quæ regularia esse probat Ecclesiæ, satagat quatenus dotis immunitates, sicut ceteræ Ecclesiæ, auctoritate Regis, habeant, & ipsæ ab eisdem liberis hominibus possintur*. Extat apud eundem Baluzium tom. 2. *Capitularium* pag. 626. cap. 6.

Ex hisce igitur, quæ hætenus exposuimus præclare comperitur, dominium, atque proprietatem bonorum pro dote Monasteriorum, Ecclesiarumque juris patronatus constitutorum per fundatores, penes eosdemmet manere; fructus vero, redditusque solummodo ipsorum bonorum in eadem pia loca pertransire pro levamine, atque alimoniis Monachorum, ceterorumque Ecclesiæ Ministrorum, proque sacris explendis, non secus ac usufructuarii utuntur fruuntur bonis in usumfructum legatis, donatisve, quorum proprietas semper salva, & integra penes dominum stat, remanetque.

Ex iisdemque quoque hucusque explanatis, firmatisque manat aliud juris axioma, nempe fructuario mortuo, usufructus finire, ait enim Jurisconsultus Paulus lib. 3. *sententiarum receptarum*, tit. 6. §. 33. *Finitur usufructus aut morte, aut tempore, morte cum usufructuarius moritur; unde infertur usumfructum legatum, relictumque communitati, vel alicui ceteri, eo extincto, & penitus exoleto, usufructus finitur,*

& ex-

& extinguitur; hæc namque est juris æconomia, atque axiomata, teste Jurisconsulto Modestino in *L. si usufructus* 21. *D. Quibus modis usufructus, vel usus amittitur: Si usufructus Civitati legetur, & aratrum in eam inducatur, Civitas esse definit, ut passus est Cartago; ideoque quasi morte definit habere usufructum.* Et ex hoc eodem axioma aliud, quod nequit avelli, profluit, videlicet, usufructu finito, & extincto morte usufructuarii, ad proprietatem redit, eique consolidatur, ut ipse Jurisconsultus Paulus in modo laudato loco, §. 28. edixit hisce verbis: *Usufructus amissus ad proprietatem recurrit; quodque etiam sancitum fuit ab Imperatore Justiniano lib. 2. Instit. tit. 4. de usufructu §. ult.* ubi hæc habentur: *Cum autem finitus fuerit totus usufructus; revertitur scilicet ad proprietatem, & ex eo tempore nuda proprietatis dominus incipit plenam in re habere potestatem.*

Tanquam firmissimum consuetarium pariter etiam ex adnotatis manat, extincto jam atque obsoleto prorsus Ordine Monachorum Florentium, exactis jam pridem ducentis annis ab ejus fundatione, & exordio, finitus extinctusque fuit usufructus, hicque omni intercapodine sublata recurrit, reversusque fuit ad proprietatem, sive, ut phrasi fori nomenclatur, consolidatus fuit cum proprietate, quæ penes Principes Fundatores indivulsa semper permansit, quique propterea ab illo ævo usque plenam in rebus, in usufructum Monasterio & Monachis Florentibus assignatis, potestatem habuerunt.

Infertur insuper ex præmonitis, non jure ex eisdemet latifundiis fuisse dissecta per Aulam Romanam bona illa omnia, quæ ad hanc diem visuntur in Commendam Abbati Commendatario collata. Discindere profecto bona juri patronatus obnoxia, nefas est, maxime si jus patronatus Regium fuerit, inconsulto, inscioque patrono; pensioni porro per Curiam Romanam nequeunt subjici Regia jura patronatus, immo nec patronatus privatorum hominum, ut apoposte differit Renatus Choppinus *de Sacra Politia l. 1. tit. 4. n. 13.*, & *lib. 3. tit. 2. n. 15.*, docetque Espenius, ut mit-

tam

tam alios, in *jur. Ecclesiast. univers. part. 2. sect. 3. tit. 11. cap. 6. n. 21.* Non alia siquidem de causa Matthæus Paris in *Historia majori Angliæ ad annum 1240. pag. mibi 362.* refert, Legato Pontificio responsum fuisse: *Item cum Rex Angliæ, & Magnates tam jure hereditario, quam bona, & appropriata consuetudine habent jus patronatus Ecclesiarum Angliæ, & Rectores ad eorum præsentationem instituti nolunt, sicut nec debent, nec possunt in aliquam contributionem consentire, inconsultis patronis, quia sic possit ex Ecclesiis suis præjudicium generari.*

Igitur si nulli pensationi subijci possunt bona Regii juris patronatus, quonam porro modo potuit Romana Curia discindere, atque discerpere bona Regii juris patronatus, illaque in commendam erigere, atque ad sui libitum Abbati Commendatario conferre? Eo minus potis erat, quia cum jam bona omnia per interitum, & extinctionem Florentis Ordinis in plenam potestatem invictissimorum Neapolitanorum Regum reversa jam erant; contra fas jusque discissio, seu ut phrasi forensi utamur, dismembratio illa attentari poterat contra bona Regiæ Coronæ.

Hiscæ omnibus ergo sic sedulo perpenſis, dicimus, decernimus, atque declaramus, *Monasterium Florentse, ejusque bona omnia sive allodialia, sive feudalia fuisse Regii juris patronatus, redintegrandæ eapropter ea esse Regiæ Coronæ cum eorum juri- bus, jurisdictionibus, accessionibus, & integro statu, prout hac nostra definitiva sententia reintegrari volumus, atque mandamus; nulla prorsus habita ratione discissionis bonorum in commendam datorum, inque Abbatiam per Romanam Aulam commendatarum erectorum; liceatque proinde invictissimo pietissimoque Regi nostro Augustissimo eisdem bonis omnibus uti, iisque vel in publicum, aut in pium aliud opus collocandis, prout melius sanctiusque suo religiosissimo animo visum fuerit.*

Declaramus isidem ad sacratissimum Regem nostrum, ejusque sanctissimos heredes, & successores pertinere præcipuum jus eligendi Abbates, aliosque Prælatos in omnibus Monasteriis, Ecclesiisque Conventualibus & Collegiatis Regii juris patronatus;

abolita prorsus atque prescripta formula interponendi tantum partes suas in electione tractanda Abbatum Claustralium, quæ hucusque inconcinne, & præter modum in aliquibus sententiis interpolata visitur, quæque jura Regiæ Coronæ ferruminata, atque infixa debilitat, detrahaturque.

BASILIUS PALMIERI.

In causa redintegrationis Regii patronatus in Abbatiam S. Joannis Tiresi apud Stylium. Die 8. Augusti 1783.

Joannes Baptista de Averfa a Rege optimo supplici libello petit, ut Abbatia Divi Joannis Tiresi, apud Styli Civitatem posita, Basiliensis Ordinis, Regii patronatus declararetur. Ita Regiis codicillis Curie Capellani Majoris mandatum die 14. Julii 1781., ut audito Regiæ Coronæ Patrono, rem omnem æquius melius definiret. Regis igitur mandata exequutura Curia ad controversiæ definitionem processit. Primum autem omnium citationem per edicta expedit, ut ita certiores de judicio fierent, quorum quoquo modo interesse posset. Re ita transacta, judicio tantum adfuit Procurator Monasterii S. Joannis Tiresi, qui tamen nihil opposuit adversus Principis patronatum. Judicio quidem adfuit quoque Procurator Universitatis Guardavallis, is tamen adversus Regium patronatum nil protulit; tantum edixit, de quibusdam bonis sibi litem cum Monasterio esse, quod ad præsentem controversiam prorsus haud pertinet. Quapropter incensatis de contumacia generatim aliis, qui se judicio non stitissent, solitum probationum terminum Curia præstituit, iis auditis, qui in judicio præsentem erant. In eo documenta fuerunt exhibita, unde de Regio patronatu liquere poterat. Ita termino rite expedito, documentis productis perpenfis, Curia controversiam definiendam suscepit.

Principio ex productis documentis apprimè constat, Comitum Rogerium, Brutiis positum, apud Stylium anno ab Orbe condito 6609., seu æræ Christianæ 1101. Privilegium

Tom. I. Cur. Cap. Maj.

S s

sub-

Sive fundacione, sive donatione Principum in Ecclesiâ, & Monasteriis collata, Regium jus patronatus acquiritur: cui consequens est, ut Principi licet Abbatem commendatariû statore ratione bonorum, quem ex Monasterii patrimonio Curia Romana decerpit; ite, ut ipsius Principis assensu Abbatia conventuali electio fiat.

subscriptisse, quo sollicitudine sua pro sacris Templis exposita, ac perpenso, Monasterio Divi Joannis Tirelli ad sustentationem suam multa deesse, ei munificentia sua dotem constituisse, ipsi concessis terris, ac lucis late patentibus, finibus designatis, quorum ambitu continerentur. Sed e re erit ipsa Privilegii verba proferre, sic enim ibi:

Privilegium factum a me Rogerio Comite Calabriae, & Siciliae Venerabili Monasterio S. P. nostri Joannis Therese Civitatis Styli, ejusque Abbati Baribolunæ Archymandrita, mense Septembris Indiæ. IX.

Quoniam nos divinorum Templorum curam habere debemus, eorumque constructionem stabilire volentes, cum igitur multa necessaria desint Templo Patris nostri S. Joannis, Dei auxilio id abundanter providimus, concedendo eidem terras, & nemora, quæ terminantur hoc modo &c. Finibusque descriptis longe, lateque patentibus, ita subjunxit. Hac omnia permittimus possidere Monasterium ex nunc, & in perpetuum immutabiliter, quia sunt Deo consecrata. Et si aliquis præsumeret in aliquo tempore permutare, & defraudare huic Privilegio, sit a Domino Deo excommunicatus, & a nostra implacabili indignatione punitus. Et ordinamus bene observari hoc Privilegium a nostris heredibus, & successoribus, & ab omnibus hominibus.

Præterea liquet anno Orbis 6613., qui incidit in annum Christi 1105., sororem ejusdem Rogerii Comitis, & Comitem Simeonem Rogerio prognatum, controverso Monasterio Abbatem confirmavisse Pancratium quemdam hujusmodi verbis: *Ego soror Comitis, simul cum ejus filio Comite Simeone, promittimus, & confirmamus Abbatem Monasterii Manachum nuncupatum Pancratium, quem elegerat Beatus Abbas Ubo, ex nunc, & deinceps sit Abbas, sicut ab eodem fuerat ordinatus, habeatque Monasterium, domumque prope Civitatem, duosque homines Hilarium, & Nicolaum Sacerdotem filium Prætelei.*

Constat insuper, eundem magnum Comitem Rogerium, præter bona primo illo Diplomate concessa, eodem anno 1101. in Monasterium contulisse alia quoque prædia, & montes

tes cum finium designatione, ut vel inde liqueat eam concessionem a priori illa fuisse omnino diversam. Liqueat etiam, anno Orbis 6648., seu anno Christi 1140., Privilegium magni Comitis Rogerii Regi Rogerio ejus filio Messanæ fuisse exhibitum, ut ab eo confirmaretur, & eorundem bonorum concessionem fecisse Regem, ea tamen lege, ut Monasterium Regium, & soli Principi obnoxium censeretur. Verba Rogerii in Privilegio ita leguntur :

Residentibus itaque nobis die 24. mensis Octobris 6648. Indict. 3. in omni pace, & tranquillitate in Civitate Messanæ per virtutem Omnipotentis Dei nostri, cum Comitibus, & Principibus Potentie nostræ accessisti coram nobis tu Pacomius Abbas Monasterii S. Joannis Theryste de Stylo, & ostendisti nobis Bullam celebris, & fel. mem. magni Comitis Patris Potentie nostræ cum sigillo plumbei anni 6609. IX. Indict., qui dicto Monasterio concefferat terras, & montes, quorum confinia hæc sunt Atque horum quoque bonorum descriptis finibus, hæc addidit : Hæc promittimus, & concedimus tibi, fratribus, & successoribus tuis, & mandamus, hoc Monasterium esse francum, & liberum, & Regium, & neminem cognoscere debere, nisi nostram a Deo conservatam potentiam.

Ostensum est denique ejus Regiæ foundationis memoriam per Historicos etiam fuisse servatam, & Græcum Scriptorem per Stephanum Barbarum latine redditum, post enarrata miracula ab eodem Sancto patrata, ita pergere : *Quibus permotus Rogerius Canobium, & Fanum, sicut bodie cernitur, condidit, consecrandum curavit. Item aliquos campos, & saltus dilargitus est, quæ hoc sæculo Monasterium fruitur, & sustentatur.*

Hactenus producta monumenta de Regio in controversum Monasterium patronatu dubitari non sinunt. Nam norunt omnes, utroque jure fuisse cautum per fundationem, ac dotationem in Ecclesias ac Monasteria patronatum acquiri. Proinde Curia censuit, Principi clementissimo, ejusque in Regno successoribus in prædictum Monasterium patronatum denegari non oportere; ejus autem patronatus effectum esse,

ut Principi non tantum liceat Abbatem Commendatarium destinare ratione bonorum, quæ ex Monasterii patrimonio Curia Romana decerpit, sed & ut Abbatis Conventualis electio ipsius Principis assensu fiat, designatis etiam a Principe hominibus, sive Missis Dominicis, qui in electione partes suas interponant, neque electio rata censeatur, nisi per Principem confirmata fuerit. Quamobrem Curia Ill. & Rev. Capellani Majoris cum voto Domini Regii Consil. D. Dominici Potenza ordinarii Consultoris ejusdem, ita pronuntiavit: *Monasterium seu Abbatiam S. Joannis Tiresii apud Civitatem Styli, Basilienfis Ordinis, fundatam atque opulenter dotatam a Neapolitanis Principibus, fuisse, & esse Regii Patronatum; proinde Regiam Coronam redintegrari oportere, ut in præfenti redintegratur in prædicti Monasterii patronatum cum omnibus ipsius bonis, juribus, privilegiis, gratiis, obedientiis, aliisque pertinentiis, cum jure eligendi Abbatis Commendatarii quoties eligere oportebit, ea etiam lege, ut non fiat Abbatis conventualis electio, nisi cum assensu Principis, eaque per Missos Dominicos expediat, neque rata habeatur, nisi numine Principali confirmata fuerit. Ne quando vero jura Regia detrimentum capiant, prædictum Monasterium in libros Curia referatur inter alia Monasteria, & Abbatias Regii patronatus.*

In causa redintegrationis Regii patronatus in Abbatiam sive Monasterium S. Helena de Pantasia, Larinensis Diocesis. Die 8. Augusti 1783.

Ex dotatione Monasterio facta ab illis, qui jura Majestatis exercent, Regium jus patronatus nascitur. Monasterio autem extincto, ac bonis ei additis in commendam crectis, ad Principem spectat, vel Abbatem Commendatarium eligere, vel aliis piis usus redditus addicere,

Augusto Regi nostro denunciatum fuit, Abbatiam S. Helenæ de Pantasia, Larinensis Diocesis, sive Monachorum olim Cœnobium jam inde extinctum, a Principibus hujus Regni foundationem, & dotationem accepisse, eoque Regii juris patronatus fuisse; ejus tamen redditus a Romana Curia Abbatibus Commendatariis, ab ea delectis, injuria permitti: proptereaque ipsis Abbatibus submotis, id jus patronatus Regiæ Coronæ redintegrandum esse. Hinc a Rege justum, Capellani Majoris Curiam hanc causam ad normam juris

juris cognoscere. A Curia itaque primo per edicta omnes citati fuere, qui id sua interesse autumarent; atque inde, inusatis contumaciis, terminus ad probationes datus fuit. Tum productis antiquis monumentis ad dicti patronatus probationem, ac denique compilato termino, spectabilis Advocatus Regis Coronæ his inscribit verbis: *Fiscus Regalis Coronæ instat redintegrari juribus Majestatis Monasterium sive Abbatiam sub titulo S. Helene de Pantasia cum omnibus bonis, juribus, jurisdictionibus, & integro statu, cum jure tamen per Principem Patronum eligendi Abbatem, si ipsi placuerit, aut ob jam extinctum Monachorum Conventum, addicendi bona piis usibus, prout melius Regis pietati & religioni visum fuerit. Et pariter instat describi Abbatiam, de qua agitur, in libris Curie Capellani Majoris inter ceteras Regias Abbatias.*

Hinc Curia quid verum justumve de productis documentis exquirens, ex eis pollentissimum præ oculis habuit; hoc est Diploma Longobardorum Principum Pandulphi patris, & Landulphi ejus filii, signatum anno XIII. Principatus Pandulphi, anno vero VIII. Principatus Landulphi, quod refertur ad Christi annum 976. In hoc enim Diplomate ipsi Principes ita effati:

Pandolphus & Landolphus filius ejus divina ordinante Gratia Longobardorum Gentis Principes. Inter ceteras virtutes, quas statuit Jesus Christus ad salutem animarum, elemosinam largiri potiorum locum tenere. Quapropter noverint omnium fidelium nostrorum presentium & futurorum sagaciores, quod nos divina inspirante clementia pro salute animarum nostrarum, & gloriosi Genitoris nostri, & omnium parentum nostrorum, dignum duximus ad honorem Dei, & Beate Helene Reginae, quamdam Ecclesiam ad sumum honorem construere in nostro demanio infra Comitatum nostrum de Pantasio, & Ecclesiam possessionibus augmentare, & in eo Monachos & viros Religiosos statuere, qui Deo jugiter famulentur, & qui Deo serviant, necesse est, ut rebus temporalibus nutriantur, utile duximus quamdam partem terrarum de prædicto nostro demanio prædictæ Ecclesie franco, libere, & absolute donare & offerre. Ita quod nul-

nullus *Castaldus*, seu *Bajulus*, seu *persona aliqua* liceat *prædictam Ecclesiam* molestare in aliquo, nec ab eo aliquid auferre, sed liceat *Monachis* vel *Abbati*, qui pro tempore ad regimen ipsius *Ecclesiæ* fuerint instituti, ipsas terras quiete libere & absolute in perpetuum habere & possidere, & eas laborare, & dare ad laborandum cui voluerint. Item damus & concedimus tibi *Johanni* modo ordinato *Abbati*, & tuis successoribus, ut liceat vobis in ipsis *Terris* *Casalia* seu *Villas* edificare, & homines ibidem amantiarare, vineas plantare, necnon etiam quidquam ad utilitatem *prædictæ Ecclesiæ* de *prædictis* terrenis facere volueritis plenam & integram habeatis potestatem faciendi quicquid volueritis, sine contrarietate & molestia *personæ* alicujus & requisitione.

Et post designationem finium longe, lateque patentium, iidem Principes hoc addiderunt: Quas possessiones cum omnibus infra se habentibus, & cum viis & arvis suis, cum Sylvis, terris cultis & incultis, cum herbis, & aquis, & cum omnibus pertinentiis suis, & cum omnibus infra se habentibus, sicut superius dictum est, francæ, ac quietæ, & libere, & reventæ aliqua non reservata, prænominatæ *Ecclesiæ S. Helenæ*, quam construere jussimus prope stratum publicam, infra Comitatum prædictum de *Pantasia*, sicut superius declaratum est, perpetuo concedimus, damus, tradimus, & assignamus, ad habendum, & possidendum &c.

Alia quidem documenta producta quoque sunt, quibus patet, anno 1179. id Cœnobium, ejusque territoria, pagosque ibi constructos, Regem *Guilielmum* in Regiam tutelam recepisse; & anno 1256. molestiis a *Rigantasia*, *Julii Anglonæ* uxore, affectum, *Judices Regios* in eorum bonorum possessionem Monasterium retinuisse. Sed *Curia* his aliisque opus non esse judicavit. Cum enim jure Civili pariter ac Canonico certissimum sit, fundatione, & dotatione patronatum acquiri; atque ex relato *Diplomate* satis perspicue constet, *Longobardos* Principes *Pandulphum*, & *Landulphum*, qui jura Majestatis tunc in partes hujus Regni habebant, *Ecclesiam S. Helenæ* fundasse ac condidisse, eamque

que inde Principatus bonis dotasse: nulli dubium esse debet, quin illud Cœnobium Regii juris patronatus fuerit, idemque nunc ad Augustum Regem nostrum, ejusque in hoc Regno successoris pertineat. Eoque pariter bonum quidem jus dicere, æquumque postulare videtur spectabilis Advocatus Regiæ Coronæ, scilicet, ut Regis sit aut Abbates Commendatarios eligere, quatenus his velit istius Abbatiæ reditus permitti, aut aliis piis usibus eos reditus addicere, ob extinctionem jam longissimo ab hinc tempore illius Cœnobii, ad ejus dotem unice a prædictis Principibus ea bona donata fuere. Curia igitur Ill. & Rev. Capellani Majoris, cum voto Domini Regii Consiliarii D. Dominici Potenza, ordinarii Consultoris ejusdem, ita decrevit: *Monasterium sive Abbatiam S. Helenæ de Pantasia, Larinenfis Diocesis, uti fundatam ac dotatam a prædictis hujus Regni Principibus, fuisse, & esse Regii juris patronatus; ac proinde Regiæ Coronæ redintegrandum esse, prout præsentis sententia redintegrari mandatur, patronatum dicti Monasterii sive Abbatie cum omnibus ejus bonis, juribus, rationibus, Ecclesiis, Granciis, obedientiis, feudis, iurisdictionibus, aliisque quibuscumque pertinentiis, & cum jure ad Principem spectante eligendi Abbates Commendatarios ad perceptionem reddituum dictæ Abbatie, aut assignandi ejus bona aliis piis usibus, spectatæ pietati ac religioni suæ bene visis, ob extinctionem Collegii, cui bona tempore foundationis fuerunt donata. Ne vero Regalia jura quid detrimenti capiant, prædicta Abbatia describatur in libris Curie inter alias Ecclesias, Monasteria, & Abbatias Regii juris patronatus.*

In causa redintegrations Regii patronatus in Cœnobium, sive Abbatiam S. Mariæ de Ligno Crucis. Die 6. Septembris 1783.

IN controversia instituta per Promotorem Fiscalem Regali Coronæ in Curia Capellani Majoris de Regio jure patronatus in Cœnobium, sive Abbatiam S. Mariæ de Ligno Crucis, Coriolani Rossanensis Diocesis sitam, hæc, quæ subnectuntur, in dato termino productæ probationes sunt perpectæ.

Antiquiores patronus Historicorum auctoritate recte probantur. Cum vero inter bona Monasterii ea inveniantur, Pri-

quæ nonnisi a Summa Potestate proficisci queant, Regia donatio, Regionisque patronatus luculenter evincitur.

Primo testimonium ab honestioribus ac fide dignioribus Coriolani Civibus in iudicio perhibitum de prisca majorum suorum constantique traditione, id Cœnobium ab Imperatore Friderico II. donatum fuisse spatiosissimi agri donatione, in Coriolanense Territorio, denominati *lo Capo di Grati*; eundemque consequentibus sæculis Abbates Commendatarios, a Romana Curia delectos, Camera Baronali in emphyteusim dedisse ad annum canonem in frumento præstandum, qui adhuc per dictam Abbatiam exigitur. Prætereaque ipsi testes ex accepta traditione perhibere, post eam primam donationem alia eidem Cœnobio bona largitos quoque fuisse antiquos Calabriæ Duces; qui Regum nostrorum primogeniti successoresque sapremo jure in hoc Regno dominabantur; additoque, quod eo inde Cœnobio a Romana Curia commendato, fato quodam omnium commendatarum Cœnobiorum, sive potius Abbatum Commendatariorum aviditate, Monachii dissipati abierint, ac Cœnobium eversum desolatum destructumque fuerit, reddituum majori parte ipsis Commendatariis addicta, reliquo a Romana Curia in alios usus inverso.

Id autem, quod Coriolani Cives testati sunt, firmatur auctoritate duorum anteaſti sæculi Scriptorum, qui antiquam originem ac foundationem sacrorum Italiæ locorum diligentissime investigarunt. Hi sunt Ferdinandus Ughellius, & Augustinus Lubinus: quorum primus in *tom. IX. tit. de Rosanenſi Archiepiſc.*, alter vero in *Notitia Abbatiarum Italiæ lit. L.* concordî sententia retulere, id Cœnobium bonis, privilegiisque a liberalitate Calabriæ Ducum acceptis, ditatum fuisse. Insuper prædictæ Coriolanensium testationes etiam comprobantur quadam antiqua plathea anno 1622., servatis servandis confecta, in qua ita legitur:

Item exigit dicta Abbatia, & Commenda singulis annis in mense Augusti a Curia Baronali Terræ Coriolani modios tritici, sive frumentis albi optimæ conditionis centum trigintaquinque, præteritio vero dictæ Abbatie centum octoginta, ex territorio, seu Prato dicto lo Capo di Grati, ex contractu stipulato in an-

anno 1506. manu Antonii Arminarii a Ruffano, concessio eidem Curia Baronali. Fuit dictum Pratum dictæ Ecclesiæ dictæ Abbatie Imperiali liberalitate tributum Federici Secundi Imperatoris inclitæ memoriæ in anno 1220. sub die sexta Martii. Extat transumptum scriptura ab Archiepiscopo B.M. Rossanen. nomine Nicolai Gigli Croitatis Sancti Marci in anno 1220. ad instantiam Abbatie Ven. Monasterii de Padula.

Canonistarum autem concursus constansque sententia hæc est, antiquiores patronatus auctoritate Historicorum rite recteque probari; dummodo hi antiqui ævi fuerint, & tempore affectationis vel fraudis non suspecto scripserint; eo magis vero hoc admittendum, si idem a pluribus & concorditer referatur: secus enim nihil utique certi esset: & fundamenta quidem humanæ fidei prorsus evertere videtur, qui concursus Scriptorum testimonium in dubium vocare contenderet. Hisque fundamentis complures Rotæ Romanæ decisiones de antiquis patronatibus innixæ habentur, & præsertim decisio 237. n. 9. 10. & 11. part. 18., & decisio 306. num. 15. part. 14. recent.

Porro, quod ad antiquorum Historicorum fidem in judiciis, extat definitio Honorii III. in cap. Cum causam de probat., res scilicet antiquas recte probari veterum librorum ope, per famam, & per adminicula id genus alia. Extat & Glossa ipsius juris Pontificii in dict. cap. Cum causam, sic enim ibi a Glossatore monitum: Nota ergo, quod scriptura librorum antiquorum facit fidem. In eamque iverunt sententiam Card. de Luc. de jur. patr. dis. 57. n. 13. de præm. dis. 2. n. 14. & dis. 3. n. 10. Lambert. de jur. patr. lib. 2. par. 2. in 4. art. decima qu. pr. n. 13. Cassan. in Catal. par. 10. confid. 46. circa fin. Surg. Neap. illustr. cap. 12. n. 1., alique sexcenti.

Ad hæc, inter bona ab ista Abbatia possessa inveniuntur descripta: Le giornate delli Bracciali, che si devono dagli Albanesi del Casale di Paviglione al detto Convento. Di più la decima della calce, quæ quidem jura ab homine privato Cænebium adipisci non potuit, sed necesse habuit sibi a Principibus hujus Regni concedi.

Tom. I. Cur. Cap. Maj.

T t Omnia

Omnium autem, quæ dicta sunt, vis profecto ex eo increbrescit, quod hujus Regni Principes fundatam habent intentionem de Ecclesiarum Cœnobiorumque fundatione ac dotacione; cum ex historiis, antiquisque monumentis constet, prædecessores Principes & Longobardos, & Normannos, & Svevos, & Andegavenses ad Ecclesias & Cœnobيا fundandum, aut dotandum propensissimos singulariter fuisse, & Regni bona profuse largitos: qua quidem re innixa est juris Canonici Glossa *caus. 16. qu. 7. in princ. verb. Ecclesias*, quod scilicet ad Reges Apuliæ pertineret Ecclesiarum investitura.

His itaque, aliisque penes acta productis, Curia censuit juxta instantiam spectabilis Advocati Regiæ Coronæ, Cœnobium, sive Abbatiam, de qua agitur, declarandam esse Regiæ fundacionis, ideoque ipsius patronatum ad Augustum Regem nostrum, ejusque in hoc Regno successores pertinere, cum jure eligendi Abbates Commendatarios, quotiescumque ipsa Abbatia vacaverit, quatenus tamen Rex velit istis Abbatibus ejus redditus fructusque permittere; & insuper cum jure redditus fructusque assignandi aliis piis operibus, spectatæ pietati Religionique suæ comprobatis, ob extinctionem Cœnobii, illiusque Collegii, cui prædicta bona fuere donata. Curia igitur Illustriss. & Reverendiss. Capellani Majoris, cum voto Domini Regii Consil. D. Dominici Potenza ordinarii Consultoris ejusdem, sic est decretum: Cœnobium, sive Abbatiam sub titulo S. Mariæ de Ligno Crucis in Territorio Coriolani Rossanensis Diocesis, fuisse, & esse Regii patronatus; ac proinde Regiæ Corona redintegrandum esse, prout præsentis sententia redintegrari mandatur, patronatum dictæ Abbatia, cum omnibus bonis, juribus, feudis, Graniciis, obedienciis, & quibuscumque pertinentiis; ita ut Regis sit, non solum eligere, quotiescumque vacatio acciderit, Abbates Commendatarios, quatenus velit istos dictæ Abbatia redditibus uti; sed etiam addicere ejus bona, & redditus aliis piis usibus Religionis suæ bene visis ob extinctionem Collegii, cui bona donata fuerunt. Ne vero Regalia jura quid detrimenti capiant, prædi-

Abbatia describatur in libris Curie inter alias Abbatis et Monasteria Regii patronatus .

In causa redintegrationis Regii patronatus in Præposituram, & Ecclesiam S. Sabini Civitatis Canusii. Die 20. Novembris 1783.

CANUSINÆ Ecclesiæ Capitulum anno 1780. mense Aprili supplici libello a Rege Faustissimo petiit, ut ejus Ecclesiæ Præpositura jam vacans obitu Præpositi Angeli Andream Tortora, & ipsa Canusii Ecclesia Regii patronatus declararetur, inspectis perspicuis documentis foundationis, & dotationis. Ideo Regiis codicillis 18. Aprilis ejusdem anni Curie Capellani Majoris præscriptum, ut, audito Regiæ Coronæ Patrono, juxta legum præscripta eam controversiam definiret. Eadem petitio mox quoque & ab Universitate Canusii, & a Sacerdote Antonio Magnotti instituta fuit. Regiis literis Curia obsequuta solitum judiciorum ritum implevit, expeditis citationibus per edictum, ut controversiæ certiores fierent, quorum interesset, & termino probationibus præstituto. His rite præmissis, cum nemo iudicio adfuerit, ad dicendam de controversia sententiam Curia procedit.

Regium jus patronatus constituitur, cum sive fundata, sive a Principibus dotata Ecclesia fuerit.

Quod autem ad Regium patronatum in Præposituram, & Ecclesiam Canusii, de eo dubitari non patitur Diploma Guilelmi Ducis Apuliæ, & Calabriæ anni 1118., quod in actis fuit exhibitum. Is filius fuit Rogerii Burfa Roberto Guiscardo prognati, & fratris filius Boemundi Principis Antiochiæ; & is quidem eundem Guiscardum parentem habuit. Ex Diplomate liquet, eundem Guilelmum, dum Regni Neapolitani Provinciis imperitabat, concessisse Abbati, & Clero Canusii Ecclesiam S. Sabini, quæ ipsius Capella fuerat, & pridem a Pontifice Paschale II. consecrata: eam vero concessionem fecisse, quia Canusium, & ejus Cathedralis Ecclesia destructæ fuerant ob incuriones Saracenorum. Indidem quoque constat, eundem Guilelmum præter prædictam Ecclesiam eidem Abbati, & Clero concessisse latissima prædia, ut frumento inde percepto exhibere se possent. Quo-

niam vero post memoratæ Ecclesiæ excidium placuerat, id adprobante, & confirmante eodem Paschale Pontifice, Canusinæ Ecclesiæ Abbatem præesse populo jure Prælati usuri eadem potestate in Sacrificiis, & Sacramentis ministrandis, & jurisdictione, qua Canusini Episcopi usi fuerant; ideo in Diplomate suo Guilelmus addidit, ne quis alius Episcopus Canusii Ecclesiam turbare aggrediretur; se enim prædicto Abbati, & Clero ea prædia largitum esse, ne alteri quam Deo, & Sanctis ejus de iis servitium præstarent. Sed e re fuerit ipsum Guilelmi Diploma in medium proferre.

Ego Willelmus Dux Calabria, & Apulia, anno millesimo CVIII. ab Incarnatione Domini nostri Jesu Christi, Gelasio II. Apostolica Sedis Prasidente, dedi Ecclesiam meam Sancti Sabini Canusii Capellam meam a Summo Pontifice Paschale II. consecratam Abbati, & aliis post eum Abbatibus, necnon Ecclesiæ, & Clero, aliquas terras positas in territorio Canusii, in quibus concessi frumenta singulis annis, ac plenam possessionem pro redemptione anime meæ, & Boemundi patris mei in Ecclesia prædicta sepulti, & talis elemosina in perpetuum subministraretur dictæ Ecclesiæ mea Capelle. Bona vero præfata hæc esse dicuntur, v3. Petia una terræ, quæ habet hos fines Item petia una alia terræ in loco ubi dicitur S. Anastasius, & hos habet fines Cum igitur annuente Deo dispositum sit post destructionem prædictæ Civitatis, ut quicumque in prædicta Ecclesia electus fueris in Abbatem, idem populo quoque cum eadem potestate in Missarum sollempnis celebrandis, & Sacramentis ministrandis, cum eadem plenitudine jurisdictionis, quam dabuerunt Episcopi Canusini, præesse debeat in Antistitem, hoc etiam collaudante, & concedente Summo Pontifice Paschale II. Ita ego disposui, ut quilibet Episcopus de suis contentus beneficiis dictam Ecclesiam perturbare non præsumat: & tradidi dicto Abbati, & Clericis Terras prædictas, ut nemini unquam seruirent de rebus Ecclesiæ, vel de possessionibus, nisi Deo, & Sanctis suis. Data tamen tanto libertate, capis me nimium precari ille Abbas veniendo ad me cum ceteris Clericis suis, ut
ficus

sicut aliquando constructa est Ecclesia prædicta, nullus Episcopus probatur habere nullum dominium, ac dominationem ibidem, ita petimus ut semper libere absque dominatione Episcoporum existat; & pro his omnibus petebant, ut facerem eis hanc libertatis, & securitatis chartulam: & quia rogavit me Abbas, ut ego aliquid servitii de Ecclesia ad meum opus, & ad opus meorum heredum retinerem: Ego autem requiscent petitioni ejus, jussi eis pro hac re semper per me orare, & constitui cum Abbate, ut Abbas, & Clerici duos panes mihi darent per consuetudinem, & non amplius, quotiescumque venissem ad præfatam Ecclesiam, vel in territorio dictæ Civitatis, & hoc finititer facerent omnibus successoribus meis post mortem meam, & non amplius.

Constat etiam, Regem Robertum Regis suis liceris 24. Aprilis ann. 1330. exscripto memorato Diplomate Guilelmi Ducis sibi exhibito, memorasse preces Canusini Præpositi, quarum sententia erat, donatione quidem decessorum Principum Ecclesiæ Canusinæ facta, quæ tanquam Capella Regia sub Regis tutela fuerat, eam in prædictorum prædiorum possessione perpetuo fuisse: per id temporis tamen de facto, & privata auctoritate turbari a Nicolao de Barulo, & Jacobo de Gaudiano, aliisque finitimorum fundorum possessoribus. Alias quoque preces ejusdem Præpositi memoravit. Quod cum Civitas Canusii spectet pleno jure ad suam Pastoralem jurisdictionem, suæque Ecclesiæ, utpote quod Civitas ipsa in proprio territorio sita, necnon quia Præpositi prædecessores ex antiqua, & canonica præscripta consuetudine approbata a Summo Pontifice Paschale II. & Gelasio II. exercuerunt usque adhuc Ecclesiasticam jurisdictionem, v3. in illos Clericos, ut moris est, Ecclesias, & Capellas visitando, tam Clericis dictæ Civitatis, quam laicis ministrando, prout ad Pastorale spectat officium, Ecclesiastica Sacramenta, & jura Episcopalia exercendo: Quibus Præpositis, ut eorum Pastoribus, Clerici, & laici quoque exhibuerunt omni hac usque tempore debitam reverentiam, & devotionem: & quod Archiepiscopus Barenfis, qui nunc præest in administratione spiritualium, & in exercitio suæ prædictæ Ecclesiasticæ jurisdictionis, quam idem Archiepiscopus in Civitate Ca-

Canusii dicit se habere, tam per se, quam per Vicarios suos dictum Præpositum molestari indebite, ac perturbat, in suam, ac ejusdem Ecclesiæ Canusinæ nostræ Capellæ præjudicium, damnum, & injuriam. Postmodum addidit: Veniendo igitur ad nos dictus Præpositus cepit nimium exorare, ut cum sua Ecclesia, quæ sub nostra protectione existit, ita fuerit sententia exempta ab omni jurisdictione Archiepiscopatus cujuscunque, ut nulli Archiepiscopo, vel Episcopo prorsus fuerit subdita, super his tam ipsi, quam Ecclesiæ suæ præfata indemnitati opportuno, & salutare dignemur remedium providere, præsertim cum nobis pertineat jura dictæ Ecclesiæ nostræ Capellæ tueri. Petitione autem Præpositi inspecta, statim idem Robertus mandavit Justituario Terræ Bari, ut juxta Regni Capitulum Super violentis destitutionibus vim arceret, & Canusinam Ecclesiam in possessione concessionis prædiorum tueretur: Archiepiscopum quoque Bariensem moneret, ne porro Canusinæ Ecclesiæ possessionem turbaret.

His accedit, Ferdinandum Regem, Privilegio expedito die 28. Decembris ann. 1459., inserto inibi cum Guilelmi, tum Roberti Regis Diplomate, utrumque sua quoque auctoritate firmasse.

Cum igitur ex indubiis monumentis constet, Canusinam Ecclesiam sub titulo S. Sabini Regiam Capellam esse, ejus Civitatis Clero concessam ob antiquæ Cathedralis destructionem, ab eodem quoque Principe concedente dotatam fuisse ad Præpositi, & aliorum Ministrorum sustentationem, in dubium revocari non potest, Regium patronatum ad Principem pertinere non minus in Præposituram ipsam, quam in Canonicorum Collegium, & Ecclesiam ipsam Canusinam. In eo enim jure Principi asserendo ea concurrunt omnia, ob quæ cum jus civile, tum canonicum cui-cumque privato homini patronatum tribuit. Potissima ea sunt constructio Ecclesiæ, quæ ab initio suo fuit Capella Regia extructa per Guilelmum Apuliæ, & Calabriæ Ducem, & ministrorum dotatio, quæ concessionem Ecclesiæ est insequuta. Proinde Curia Ill. & Rev. Capellani Majoris, cum voto

voto Domini Regii Consiliarii D. Dominici Potenza, ordinarii Consultoris ejusdem, ita pronunciavit: *Canusinam Ecclesiam sub titulo S. Sabini, tamquam Capellam Regiam, cum Præpositura, & Capitulo Canusino, inspecta fundatione, ac dotatione decessorum Principum, fuisse, & esse Regii patronatus; proinde Regiam Coronam redintegrari oportere, prout præsentis sententia redintegratur, in jus dicti patronatus, cum facultate eligendi, & nominandi Præpositum dictæ Ecclesiæ, & Canonicos prædicti Capituli, quoties occasio tulerit, cum omnibus juribus, facultatibus, dignitatibus, præminentis, jurisdictionibus Episcopalibus, & exemptionibus ad eundem Præpositum pertinentibus, aliisque juribus, quæ ad Principem Patronum pertinent. Quapropter prædicta Ecclesiæ, Præpositura, & Canonico-
rum Capitulum in libris Curie describantur inter alias Ecclesiæ Regii patronatus.*

In causa redintegrantis Regii patronatus in Ecclesiam Cathedralē Bibinensem, ejusque Capitulum. Die 22. Decembris 1783.

ANno 1780. felicissimo Regi denunciatum, in Episcopalem Bibinensem Ecclesiam Regium patronatum ei competere: camque in rem plura vetra documenta fuerunt exhibita. Ita Regiis codicillis Curie Capellani Majoris in mandatis datum, ut audito Regiæ Coronæ Advocato, & si quem alium audiri oporteret, de petita ejus Ecclesiæ redintegratione æquius melius decerneret. Proinde Regiæ Coronæ Advocatus die 13. Dec. ejusdem anni libello petiit procedi servatis servandis ad ea quæ incumbunt pro redintegratione juribus Majestatis Ecclesiæ Cathedralis Bibinensis, cum omnibus juribus, & signanter cum jure eligendi Episcopum spectante Principi Patrono. Citatione igitur per edictum expedita, ut lis ignotesceret omnibus quorum interesset, terminus probationibus præstitutus fuit a Curia: eo autem rite absoluto, ad sententiam dicendam de more proceditur.

Producta ea de re documenta eo collimant omnia, Cathedralē Bibinensem Ecclesiam opulētas accepisse dotationes

Cum veteres Regni Principes Ecclesiam dotaverint, substationi, ac decori Episcopali, & Canonico-
rum prospere-
riat, Regium jus patronatus consequitur in Ecclesiam Episcopalem, & Canonicatus; unde & jus nominandi Episcopum, & Canonicos eligendi ad Principem spectat.

nes a veteribus Principibus, qui per nostras Provincias jura Majestatis exercuerunt, atque in dotis datæ consequentiam, in eam jus patronatus acquisivisse. Re vera cum Bibinensis Ecclesia feudum Divi Laurentii in Valle possideat, omnino constat id ab ea possideri ob concessionem Roberti Lauretelli Comititis, veteris Nortmanni Dynastæ. Is enim cum Diplomate suo ann. 1110. donasset Monasterio Bandino Ecclesiam S. Laurentii in Valle cum Pago ejusdem nominis, eam donationi suæ legem apposuit, ut si in prædicta Ecclesia Monasterium cessaret habere Sacerdotes duos, qui ibi assidue Missas celebrarent, ac preces Deo perpetuo fundarent, statim post cessationem prædicta Ecclesia cum ejus Pago concessa intelligeretur Ecclesiæ Bibinensi, & ad eam pertineret, cum in dicta Bibinensi Ecclesia divina celebrantur mysteria, & celebrari perpetuo non cessabunt: & quod liceat Bibinensibus Episcopis qui erunt pro tempore, Casale prædictum cum Ecclesia eorum auctoritate capere, tenere, uti, & frui, pro parte & nomine Ecclesiæ Bibinensis in perpetuum.

Liquet etiam eundem Roberti Lauretelli Comitem alio suo Diplomate ann. 1126. cum adverteret Bibinense Capitulum divinis celebrandis officiis plurimum insudare, ut remotis temporalibus curis, impedimentum nullum occurrat, eidem Bibinensi Capitulo concessisse Pagum S. Viti in Territorio Bibinensi positum, cum omnibus pertinentiis suis. Et quoque concessisse lata prædia S. Petri de Matrice ad habendum, tenendum per dictum Capitulum, & perpetuo possidendum tamquam Dominum, & Patronum, eorumque fines latissimos descripsisse.

Constat etiam, alium Robertum Lauretelli, & Conversani Comitem, superiori Roberto prognatum, Diplomate suo ann. 1179. prædictæ Ecclesiæ Bibinensi amplissimas alias concessionem fecisse: concedimus, ibi ait, & donamus Ecclesiæ S. Mariae Bibinensis Episcopii, in qua, Deo dante, nostram elegimus sepulturam, & tibi Domino Pandulfo ejusdem Ecclesiæ Rev. Prasuli, nomine, & pro parte ipsius Ecclesiæ Bibinensis, Casale quod dicitur Dopni Leonis positum in Territorio Civitatis nostræ Bivini, cujus fines sunt ii Casale Sa-

Sauuceti nostrum suis finibus terminatum, & sunt ii Et Territorium S. Viti positum in territorio, & pertinentiis Civitatis nostræ Bivini, cujus fines ii Necnon Territorium S. Mariæ in Nebula, positum in pertinentiis dictæ Civitatis nostræ Bivini, cujus fines sunt Et campum etiam, qui est juxta Civitatem Bivini, qui est in longitudine usque ad Puriam, & in latitudine a capite Gironis Castri usque ad Serram descendantem a Monte Castro, & deinde descendit per dictam Serram usque ad dictum Montem Castrum in via Panni, cum omnibus juribus, rationibus, & exactionibus, quas in prædicto habemus, ad tenendum, habendum &c. Et construendum prædicta Cæsalia, & homines ibidem congregare ad habitandum, ad utilitatem, & commodum ipsius Episcopi, & territoria omnia colere, & excolere, & fructificare juxta arbitrium Episcopi, qui prædicta præerit Ecclesiæ. Dando habitatoribus dictorum Casalium, seu locorum, plenariam potestatem, agro, lignis, pascuis, aquis uti perpetuo, ac omnibus aliis necessariis in Territorio nostro Bivini, & ejus pertinentiis, more Civium Bivini.

At vero in dubium revocari nequit, prædictas, aliasque donationes Bibinensi Ecclesiæ postea factas, ejus dotandæ causa fuisse initas, cum ob ejus paupertatem ne sacra quidem mysteria in ea celebrari possent. Id apprimè liquet ab alia concessione ei facta ab eodem Roberto Lauretelli, & Conversani Comite alio ipsius Diplomate ann. 1180. In eo enim Gifonis ergo novi Episcopi, prædictæ Ecclesiæ rursus concessit vicos, & bona comprehensa in præcedenti Diplomate, atque alias majoris momenti concessiones addidit. Sic autem ibi: *Donamus, & concedimus Ecclesiæ B. Mariæ de Bibino indotatæ, & maxima paupertate oppressæ qua vix, aut nunquam poterant in ea divina officia celebrari, & tibi Gifoni Ven. Episcopo ejusdem Ecclesiæ, in qua nostram elegimus sepulcrum, Casale S. Petri in Drugazano, positum in Territorio Civitatis Bibini cum pertinentiis suis, cujus fines, & termini sunt tales Casale Balnei situm in pertinentiis dictæ Terræ Bibini, cujus fines his terminis limitantur Casale Castellucci de Sclavis positum in pertinentiis ejusdem Terræ Bi-*

Tom. I. Cur. Cap. Maj.

V v

bini,

bini, *cujus fines sunt ii Territorium Casalís S. Mariæ in Nebula, positum in pertinentiis Teriæ prædictæ, cujus fines sunt ii Necnon Casale Sambrui positum prope Montem acutum, cujus fines sunt ii cum hominibus si qui sunt hodie, vel esse poterunt in futurum, tenementis, possessionibus, nemoribus, aquarum cursibus, cum omnibus iuribus, rationibus, & actionibus, quas habemus in Casalibus prædictis, nemore Aquæ vi-væ nobis tantummodo servato, ad tenendum, habendum, construendum, & perpetuo possidendum ad ipsius Ecclesiæ opus, dando habitatoribus dictorum Casalium præsentibus, & futuris, plenariam potestatem utendi agro, lignis, pascuis, & omnibus aliis habilitatibus perpetuo in toto Territorio Civitatis nostræ Bibini, libere, & absolute, sicut ipsius Cives . . . Et ut in prædicta Ecclesia divina deinceps officia sedulo celebrentur, ipsorumque possimus esse participes, donamus, tradimus, & concedimus sibi prædicto Præsuli nomine, & pro parte dictæ Ecclesiæ, medietatem plateæ nostræ intus in Terra nostra Bibini, & ejus circuitu ad duo milliaria, omnium rerum venalium, quæ ab extraneis ementur ibidem de cetero, vel vendentur in perpetuum, v. g. animalium, eorum fatus, & fructuum arborum, auri, argenti, æris, ferri, vini, olei, & aliorum omnium, quæ vendi, & emi contigerit in eadem. Necnon rectam decimam totius Bajulationis ejusdem Terræ Bibini, & aliorum omnium Diocesis ejus &c.*

Jam vero ne Bibinensi Ecclesiæ calumnia aliqua fieret, Guilelmus II. interpellatus precibus ejusdem Gilsonis Episcopi, inspecto Privilegio prædicti Roberti Lauretelli Comitis, non minus Privilegium prædicti Comitis, quam donationes inibi ab eo factas sua quoque auctoritate firmavit: *Icirco respicientes quoddam Roberti Palatini Comitis Loritelli Privilegium, præsentatum nobis per Ven. Patrem Dominum Gilsonem, continens ipsum Comitem ad Dei honorem, & B. Virginis Mariæ, pro anima patris, & matris suæ, dedisse seu concessisse Ecclesiæ Bibinensis maxima paupertate oppressæ, quia vix poterant propter Canonicorum, & expensarum defectum, Divina officia celebrari, Casale S. Petri in Drugazano, Casale Balnei,*
Ca-

Casale Castellum de Sclavis, Casalettum Dopni Leonis, Casale S. Mariae in Ebula, posita in pertinentiis Civitatis Bibini, & Casale Sabuceti, eorum certis finibus terminata, libera, & absoluta ab omni personali servitio, & reali, & quod immediate, ac etiam in capite omnia teneat supradicta, & medietatem plateae dictae Terrae, omnium rerum venalium emendarum, & vendendarum intus in dicta Terra, & ejus circuitu ad duo milliaria, necnon rectam decimam Bajulationis Terrae ipsius, & aliarum omnium Diocesis ejusdem, quorum nomina dicto Privilegio continentur, praedicto mitissime ac juste Praefule deprecante, ad Dei honorem, & B. Virginis, pro salute nostra, omnes praedictas donationes, & concessionem, seu libertates dictorum Casalium factas per Comitem antefatum Bibinensem Ecclesiae supradictae, & ejus dicto Praefuli nomine suo, sicut in eodem Privilegio plene & apertius continetur, sibi Privilegio restituto, de speciali gratia acceptamus, concedimus, & confirmamus.

Denique adprobaturum in judicio est, eandem concessionem a Roberto Comite Lauretelli factam confirmatam fuisse quoque Diplomate Tancredi Regis ann. 1190. Is autem controversae Ecclesiae concessit etiam solidam decimam Civitatis Bibinensis, & latissimum praedium in loco Tegula districari solito. Eandem Roberti concessionem diserte confirmavit Friderici II. anno 1223. post solemnem Curiam Capuae celebratam, & per eam occasionem sub Regiam suam tutelam Ecclesiam Bibinensem recepit. Illam etiam ratam haberi jussit Rex Robertus ann. 1324. suo enim diplomate cavit, ut exemptiones Bibinensi Ecclesiae concessae integre servarentur. Postremo Rex Ladislaus Diplomate suo ann. 1403. in suorum Pagorum, & praediorum possessione eandem Ecclesiam servari jussit.

Cum igitur tam liquido constet, veteres hujus Regni Principes Bibinensem Ecclesiam opulenter dotasse, eamque ipsis bonis Principatus ditasse, ut eam a paupertate, & angustiiis liberarent, ibique & sacra officia, & christiana mysteria celebrarentur, in dubium revocari nequit, eos ipso jure patronatum acquisivisse, quamvis expresse cum ibi non

reservarint. Cum vero prædicti Principes opportune prospexerint non solum Ecclesiæ decori, & Episcopi sustentationi, sed Canoniorum quoque, ex quibus Clerus Bibinensis constat, exploratum est etiam, eos non solum in Ecclesiam, sed in ipsos quoque Canonicatus patronatum sibi quæsisse. Id ita cautum in jure civili *L. si quis C. de Sacros. Eccles. Novel. 57. cap. 2., & Novel. 123. cap. 18.* Ea autem in re cum jure civili consonat jus Pontificium *Can. 51. caus. 16. quæst. 1. cap. 25. de jure patron.* Id ipsum confirmatur plurimum Conciliorum Canonibus, ac præsertim *cap. 12. Concilii Tridentini sess. 14. de Reformat.* Proinde Curia Ill. & Rev. Capellani Majoris, cum voto Domini Regii Consil. D. Dominici Potenza, ordinarii Consultoris ejusdem ita censuit: Ecclesiam Cathedralē Bibinensem per antiquos Neapolitanos Principes opulenter dotatam, tam in Episcopi, & Ecclesiæ sustentationem, quam Capituli Bibinensis, fuisse, & esse Regii patronatus; proinde Regiam Coronam redintegrandam esse, prout præsentis sententia redintegratur in patronatum non minus ipsius Episcopatus, quam Canonicatum Bibinensem, cum omnibus juribus, privilegiis, feudis, & aliis bonis prædictæ Ecclesiæ concessis, & præsertim cum jure nominandi Episcopum, & Canonicos eligendi, quoties locus vacationis fiet, & cum aliis juribus, quæ ad Principem Patronum pertinent. Ne quid autem detrimenti Regia jura capiant, prædicta Ecclesia & Canonicatus referantur in libros Curia inter alias Ecclesias, & Beneficia Regii patronatus.

In causa redintegrationis Regii patronatus in Monasterium, sive Abbatiam S. Joannis in Venere. Die 24. Januarii 1784.

Vetustissima Chronica, quæ Principem Monasterii fundatorem memorat, concludentē probationem ministrat, bona vero a Monasterio possessa, cum illius

F Austissimo Regi exposuit Donatus Marotta, Abbatiam S. Joannis in Venere, in Provincia Theatina Aprutinatorum positam, fuisse Regiæ foundationis: illam vero possideri per PP. Congregationis Oratorii sub titulo S. Philippi de Urbe Roma, sine ulla concessione Neapolitanorum Principum. Quo vero Regalis Corona redintegraretur in jus patronatus di-

dictæ Abbatiæ, a Rege petiit sibi demandari hujusmodi patronatus patrocinium. Rex optimus precibus ejus indulgens, Regiis codicillis de die 28. Septembris 1779, Curie Castellani Majoris in mandatis dedit, ut de redintegrationis causa rite cognosceret, ipso audito, ac etiam audito Advocato Regalis Coronæ. Ita prædicti patronatus causa judicium fuit institutum: & controversia nunciata tam PP. dictæ Congregationis Oratorii, quam omnibus quorum interesset, præviis citationibus per edictum, in judicio adfuerunt dicti PP., opposcentes non esse locum petitiæ redintegrationi. Terminò exinde probationibus præstituto, in ea plurima ad causam adprobendam fuerunt producta documenta, illoque rite absoluto, & sollempnibus actorum expletis, ad causam definiendam de more proceditur.

Ea præcipua fuit Actoris intentio, quod scilicet, cum Longobardi Principes in hujus Regni regionibus imperitarent, Trasmundus Comes Theatinus, unus ex iisdem Principibus, altero Trasmundo Comite & Marchione prognatus, construxit, & opulenter dotavit Monasterium pro Fratribus Ordinis S. Benedicti, sub titulo S. Joannis, cui quidem additum fuit cognomentum S. Joannis in Venere, ex proximo portu Veneris, ita dicto ob antiquum Veneris Fanum. Eundemque fundatorem, quamvis in Aprutii regionibus summum exerceret imperium, eam tamen suæ foundationi legem dixisse, ut Monasterium sub Imperiali potestate semper maneret. Addidit insuper, præfatum Monasterium pluribus sæculis fuisse penes Fratres Ordinis S. Benedicti, sed insequentis temporibus, quales fuit opulentorum Monasteriorum commune fatum, Abbatibus Commendatariis commendatum fuisse, qui id unum curarunt, ut redditus inde perciperent; & hujus generis commendationem contra Principis mentem ceptatam, quod alias contigisse constat, dissolutioni ipsius Monasterii causam dedisse: & demum anno 1585. a Romana Curia idem Monasterium unicum fuisse præfatæ Congregationi PP. Oratorii S. Philippi.

Ad dictam positionem adprobendam Actor in medium pro-

ferre natus, ut a Principe tantum cedere possint, Monasterium a Principe dotatum ostendunt: quorum consequens est, ut Monasterium idem Regio juri patronatus obnoxium sit.

produxit antiquissimum Chronicum Casauriense, in quo post relatam permutationem quorundam territorium a dicto Comite Trasmundo factam anno 1016. cum Abbate S. Clementis de Casauria, subduntur hæc verba: *Iste Comes Trasmundus construxit Monasterium S. Joannis in Venere, & de suis rebus, & possessionibus opulenter ditavit. Qui Comes Trasmundus junior successit majori Comiti Trasmundo in possessionibus opulentissimis.*

Præterea ostendit, Abbatem prædicti Monasterii cum affectus fuisset ex liberalitate Comitis Trasmundi largitiones amplissimas pro ejusdem Monasterii dote, anno 1047. preces dedisse Imperatori Henrico III. pro illarum confirmatione: dictumque Imperatorem ejus precibus annuentem, præceptum ordinasse confirmationis, sive ut aiebant, mundi-burdium, & Diplomate suo enunciasse tam Monasterii fundationem a Comite Trasmundo factam, quam bona quamplurima eidem concessa. Nimirum id habetur ex ejus verbis:

Qualiter Joannes Ven. Abbas Monasterii S. Joannis Baptistæ positi in Territorio Theatinensi juxta mare in loco Venere vocato, & constructo a Trasmundo Comite, filio Marchionis Trasmundi, eo ordine, ut sub Imperiali potestate semper maneret, nostram adiit Excellentiam, petens quatenus jam dictum Monasterium sub nostram tuitionem reciperemus, & per nostrum præceptum cum omnibus suis pertinentiis confirmaremus. Cujus dignis precibus annuentes Monasterium prænominatum sub nostram defensionem recepimus, & quicquid ad idem Monasterium nunc pertinet, vel in futuro alias pertinuerit, confirmare decrevimus, hoc est res & proprietates, quas simul in uno tenenti XII. milia modiorum videntur convenire in circuitu ipsius Ecclesiæ, cui est ab uno latere rivus Olibelli, ab alio flumen Sangri &c., & medietatem Portus, qui est in Rocca Sangri, medietatemque Portus, qui est in fauce de Portu Arnalli, & cum omnibus molendinis pertinentibus ad ipsum Monasterium. Necnon Castellum muratum cum suis pertinentiis, ac Ecclesiam S. Dominici, & Ecclesiam S. Joannis, & Castellum de Lanzano cum eorum pertinentiis, & Ecclesias S. Eufanii, Sandique Be-

nedicti, S. Helenæ, S. Laurentii cum suis pertinentiis, Ecclesias Sanctæ Mariæ in Caldaris, Sancti Pauli, Sancti Michaelis, & quartam partem portus de Ortona, Ecclesiam Sancti Apollinaris, & S. Anselmi, & S. Joannis cum Castello de rivo majori, cum molendinis in flumine sub Sorulle positis, & Ecclesiam S. Laurentii, & sextam partem de Ecclesia S. Salvatoris in Comitatu Termulensi, Ecclesias S. Januarii, & S. Laurentii juxta Piscariam cum quarta parte transitorii ipsius aquæ, & Ecclesiam S. Joannis, quæ est in Plano de Piscaria, & S. Romani cum suis pertinentiis Ecclesiarum S. Pauli, S. Joannis juxta Piscariam, & S. Michaelis, S. Joannis, & S. Crucis, Ecclesiam S. Joannis, & S. Crucis, Ecclesiam S. Joannis in Comitatu Pennensi, & Ecclesiam S. Joannis, Sanctique Donati in Comitatu Ampurlesensi cum omnibus suis pertinentiis. In Principatu Beneventano Ecclesias S. Joannis, & S. Mariæ eum eorum pertinentiis, omnibusque rebus mobilibus, & immobilibus, & Ecclesiam S. Benedicti cum Castello, quod parvum dicitur, cum molendinis, & fluminibus, & terris, vineis, villis, Castellis suis, pascuis, campis, sylvis, aquis, molendinis, piscationibus, servis, & ancillis, & omnibus utentibus. Castellum Rocche, dictam Ecclesiam S. Zaccaria, & Castellum de Giruli, Castellum Rigorustri, Castellum de Rivo Petri, Castellum Moro, Castellum de . . . octingentos modios terræ, Castellum de Senella, Castellum de Lionati quantum ad ipsum Monasterium pertinet, Castellum Castillioni, Castellum Aymoni, Ecclesiam S. Petri, Castella duo . . . Castellum de Casale, & Salliano, Castellum de Tegole, Castellum de S. Angelo, & Romano, cum omnibus ad idem Monasterium de jure pertinentibus &c.

Docuit insuper Alexandrum III. Pontificem Bullis expeditis mense Martio anno 1176. dotationem a Comite Trasmundo factam expressis verbis recognovisse, eique ad preces Abbatis Odorisi robur etiam suæ confirmationis adjecisse, ad exemplum scilicet Leonis, Victoris, Nicolai, & Urbani suorum decessorum, qui concessiones easdem confirmaverunt. Ea sunt Pontificis verba: *Quapropter sibi in Chri-*

sto legitime, Ordinis Abbas, tuis, tuorumque Fratrum iustis deprecationibus exorati . . . præstante Deo auctoritate præsentis Privilegii communimus, privilegiorum siquidem formam sequentes, quæ vestro Canobio a nostris prædecessoribus Sanctis, videlicet Leone, Victore, Nicolao, & Urbano collata sunt, vobis vestrisque successoribus illa omnia perpetuo possidenda confirmamus, quæ Transmundus Comes, & Transmundi Ducis, & Marchionis filius, in Comitatu Theatino, Pinnensi, Aprutinesi, Firmano, & Termulano, vestro noscitur Monasterio obtulisse &c.

Uterius Privilegium exhibuit ab Imperatore Henrico VI. expeditum die 1. Martii 1195., quo ad preces ejusdem Odorisi Abbatis confirmata iterum fuit concessio Monasterio facta Castrorum, Pagorum, Ecclesiarum, Territoriorum, aliorumque bonorum complurium ab eo possessorum: reservatis tamen per ipsum Imperatorem juribus Imperialibus sibi suisque successoribus in dictum Monasterium. Idemque Privilegium exhibitum pridem fuit in judicio ab ipsa Congregatione Oratorii ad tuendam feudorum possessionem contra Fiscum, adeoque citra hæsitacionem adprobatum, & recognitum. In eo ita Imperator: *Ex exuberanti nostræ munificentia gratia præsentis nostro Privilegio confirmamus Monasterio S. Joannis in Venere, Abbati Oderisio fideli nostro, & successoribus suis, omnia Castella, & obedientias, quas tempore prædecessorum Regum Siciliæ, Regis scilicet Rogerii, Guilelmi I., & II., ipsa Ecclesia tenuit, & possedit, scilicet &c.* Et enumeratione facta complurium Castrorum, Pagorum, Ecclesiarum, aliorumque bonorum, ita addidit: *salvo mandato ordinationis nostræ, & heredum nostrorum.*

Ad hæc actor ostendit, Pagos, & Castra Monasterio concessa, & enunciata in Privilegiis Henrici III. & Henrici VI., naturæ feudalis fuisse. Id adeo verum esse, ut eorum plura hodie quoque descripta inveniantur in antiquis libris Regii Cedralarii. Eo potissimum pertinere Civitatem Sangri, Castrum Lanzaum, feudum S. Eufanii, Pagum Caldaricæ, Pagum S. Apollinaris, Castrum Roccæ, Pagum de Girli, Pagum S. Iusti, Castrum Muri, feudum Castelloni,

Roc-

Roccam S. Joannis, feudum S. Angeli, atque alia non pauca, quæ aut a Congregatione Oratorii in præfenti possidentur, aut aliis concessa inveniuntur sub annuis præstationibus. Ea vero bona feudalia ad ipsum Principatum pertinentia ab aliis concedi non potuisse, nisi ab ejus ætatis Dynastiis, qui summo imperio utebantur in regionibus ad se pertinentibus: quæ quidem concessiones omnimodi roboris firmitatem consequerentur, ubi ab Occidentis Imperatoribus confirmatæ forent: ii enim debellato Desiderio ultimo Longobardorum Rege, in Provinciis, in quibus Longobardi Principes dominabantur, suprema tantum jura Majestatis obtinuerunt, quæ, stante Longobardorum in Italia Regno, ad ipsos Longobardos Reges pertinuerunt. Cum igitur bona concessa ad ipsum Principatum pertinerent, neque ab aliis concedi potuerint, nisi ab illis, qui summum obtinebant imperium, exploratum esse, quod ipsum bonorum concessorum ingenium in Monasterii favorem, Regium patronatum demonstrat.

Ostendit denique, anno 1691. eandem Oratorii Congregationem in Regia Camera exposuisse, Abbatiam S. Joannis in Venere, quæ perpetuæ Commendationis titulo ad eam pertinebat, possidere diversa alia feuda non descripta in antiquis libris Regii Cedulaarii: ut autem inibi describerentur, sponte ea denunciavit, subdens, se certioris probationis gratia *Regales concessiones exhibere eidem Abbatia factas, in quibus hæc alia feuda continebantur*, qua de re dictum Privilegium Henrici VI. Imperatoris exhibuit. Nihil autem esse certius, quam ipsius Congregationis confessionem in judicio factam, quod scilicet bona per eandem possessa pervenerint ex Regalibus concessionibus, idque tantum, ceteris prætermisissis, validissimum fundamentum constituere Regii patronatus.

His omnibus perpensis, Curiz visum fuit ex lucidissimis probationibus erui Regium patronatum. Siquidem de prima Monasterii fundatione non ambigitur, utpote enuntiata tam in antiquo Chronico Casauriensis, quam in Diplo-

mate Imperatoris Henrici III., & in Bullis Alexandri III. Ea quidem vetustissima Chronica neque probationem, neque suspicionem in contrarium admittunt. Extat definitio Honorii III. in *cap. Cum causam, de probat.*, res scilicet antiquas recte probari veterum librorum ope, per famam, & per adminicula id genus alia. Extat & Glossa ipsius juris Pontificii in *d. cap. Cum causam*, sic enim ibi a Glossatore monitum: *Nota ergo, quod scriptura librorum antiquorum facit fidem*. In ipsa vero specie patronatus, docuit Barbosa *de offic. & potest. Episcop.* part. 3. alleg. 72. n. 53. antiquis Chronicis recte probari: *Ex Chronicis veris etiam ab immemorabili tempore scriptis probari potest jus patronatus*, nam antiquis Chronicis, quibus a maioribus nostris fides communiter adhibita est, credere debemus. In eamque iverunt sententiam Card. de Luc. *de jure patron. disc.* 57. n. 13. *de preemin. disc.* 2. n. 14., & *disc.* 3. n. 10. Lambertin. *de jure patron. lib.* 2. part. 2. in 4. *decime qu. princip.* n. 13. Cassan. in *Catal. par.* 10. *confid.* 46. *circ. fin.* Quod autem enunciationes contentæ in Principum Privilegiis plenariam fidem faciant, advertit *Clementina unic. de probat., Mascard. conclus.* 1148. n. 2., & *conclus.* 1233. num. 5., & 10. *de probat., Fontanell. de pact. nupt. claus.* 4. *glos.* 10. *par.* 2., *Capyc. Latr. consult.* 93. n. 14., Menochius, aliique.

Præter vero foundationem antiquissimam, probata fuit opulentissima Monasterii dotatio, facta per Principes, qui jure summi imperii in hujus Regni Provinciis utebantur, uti ex allegatis Privilegiis Henrici III., & Henrici VI. luculenter apparet. Illis additur bonorum donatorum qualitas, quæ pertinebant ad Principatum, & neque ab aliis, nisi a summis Imperantibus concedi poterant. Additur demum ejusdem Congregationis judicialis confessio, se scilicet possidere feuda, aliaque bona ad Abbatiam pertinentia ex concessionibus Regiis, quod quidem constituit probationem, ut ajunt, probatam.

Cum igitur ob foundationem, ac dotationem, cum jus civile, tum Pontificium patronatum concedant, id Regi Neapo-

politano denegari non debet in Monasterium S. Joannis in Venere, cum de fundatione, ac dotatione a decessoribus suis facta liquido constet. Quapropter nulla ratione habita commendationis dicti Monasterii factæ per Romanam Curiam in beneficium præfatæ Congregationis, spreto Principe Patrono, in prædictum patronatum Regia Corona redintegrari debet cum omnibus pertinentiis ipsi hærentibus, ac cum jure præsertim eligendi Abbatis Commendatarii in singulis vacationibus, quousque Principi placuerit, ut a Regio demanio delibata bona, ac in sustentationem Fratrum Benedictinorum addicta, Abbatibus Commendatariis ditandis inserviant; salvo tamen jure Principis aliter statuendi de bonis ob extinctionem Monasterii, cum quo Neapolitani Principes liberalitatem suam exercuerunt. Hinc Curia Ill. Capellani Majoris, cum voto Regii Conf. D. Dominici Potenza ordinarii Consultoris ejusdem, tota de re ita pronunciavit: *Monasterium S. Joannis in Venere in Provincia Aprutina positum, fundatum, opulenter dotatum a Neapolitanis Principibus, fuisse, & esse de Regio patronatu: proinde Regiam Coronam in ejus possessionem, una cum bonis, feudis, Ecclesiis, Grantiis, privilegiis, pertinentiis quibuscunque, redintegrari oportere, sicut præsentis sententia redintegratur, & restituitur, secundum primævam naturam suam; ad Principem etiam ejusque in Regno successores pertinere jus eligendi Abbatis Commendatarii, tum in præsens, cum in futuris vacationis casibus, quousque ei in animo fuerit Abbates Commendatarios potiri redditibus, qui pro Monasterio Fratrum Benedictinorum destinati fuerunt. Salva tamen facultate Principis secus statuendi de Abbatia bonis ob dissolutionem Monasterii, cui liberalitate Neapolitanorum Principum concessa fuerunt. Ne quando autem injuria temporum jus Principis calumniam patiatur, prædictum Monasterium referatur in libros Curie inter alia Monasteria, Ecclesias, & Abbacias, in quas jus patronatus Principi competit.*

In causa III. Principis S. Boni super redintegratione juris patronatus feudalis in Abbatiam S. Angeli in Cornacchiaro. Dit. 29. Januarii 1784.

Jus patronatus, quod ex dotatione ad Baronem pertinuit, immediate ad sequentem feudi possessorem, mediate vero ad Regem spectat, nulli præscriptioni obnoxium.

Petit III. Princeps S. Boni D. Gregorius Caracciolo in Curia Regii Capellani Majoris, Abbatiam sub titulo S. Angeli in Cornacchiaro, in Aprutio citeriori positam, declarari de jure patronatus pertinentem ad ejus feudum Frisæ Grandinaræ, dictumque feudum redintegrari in præfato jure patronatus, non obstantibus collationibus a Romana Curia nuperrime factis, non sine patronorum injuria. Citationibus itaque per edictum expeditis in judicium vocati sunt omnes, qui sua interesse putarent, & in termino probationibus præstituto idem Princeps complura produxit documenta, quibus intentionem suam adprobaret.

Docuit is primum, ab ipso anno 1115. Hugonem de Grandinatis ut sustentationi provideret Monasterii S. Angeli in Cornacchiaro, tunc Ordinis S. Benedicti, eidem concessisse Cæstrum Doliolæ cum ejus Territorio late patente, cujus fines in concessionis scriptura fuerunt descripti: necnon familiam de Grandinatis pluribus sæculis possedisse feudum Frisæ, quod ab ipsa familia cognomentum sumpsit Frisæ Grandinaræ: atque in hujus feudi territorio constructum fuisse Monasterium S. Angeli in Cornacchiaro.

Ostendit quoque, ob extinctionem familiæ de Grandinatis sæculo XIV., tam dictum feudum Frisæ Grandinaræ, quam cetera feuda hereditaria, successionis jure transiisse in Sangrorum familiam: atque ea de re post cæptatam a Romana Curia commendationem præfati Monasterii, non alios Abbates Commendatarios fuisse renunciatos, nisi qui nominati fuissent ab utilibus Dominis Frisæ Grandinaræ de Sangrorum familia, vigore juris patronatus ad eosdem spectantis, quod quidem ab ipsa Romana Curia recognitum fuit & approbatum. Ita primo Abbatiam prædictam commendatam fuisse Paulo de Sangro ejusdem familiæ: postea vero per ejus renunciationem Bullis Papæ Pauli III. de die 19. Aprilis 1537. Abbatem Commendatarium renunciatum fuisse

fuisse Marcellum de Sangro ob nominationem , & præsentationem factam a Sigismundo de Sangro utili Domino Frisæ Grandinariæ, quemadmodum iisdem Bullis expressum fuit his verbis: *Cum itaque Monasterium S. Angeli in Cornacciano Castri Cornacciani Ordinis S. Benedicti, quod de jure patronatus dilecti filii nobilis viri Sigismundi de Sangro moderni, & pro tempore existentis Domini in temporalibus Castri Frisæ Grandinaria dictæ Diocesis &c.*; eo etiam addito per Pontificem, se scilicet prædictam Abbatiam deferre memorato Marcello, cum ad hoc præfati Sigismundi, prout per ejus Patentes litteras suo sigillo munitas nobis extitit legitime facta fides, expressus accedat assensus .

Præterea ostendit, anno 1559. ob renunciationem prædicti Marcelli, ab eodem Sigismundo de Sangro utili Domino Frisæ Grandinariæ præsentatum fuisse Joannem Antonium de Sangro in Curia Theatina, a qua Bullis expeditis ita conceptis verbis fuit declaratum: *Et quia Excellentissimus Dominus Sigismundus de Sangro utilis Dominus Terræ Frisæ jus patronatus in dicto Monasterio seu Abbatia, quotiescumque vacare contigerit, asseruit habere, ut clare nobis constat ex scripturis, & Patentibus ipsius Domini, & te infra legitima tempora presentasse in Monasterio, seu Abbatia prædicta: Nos præmissorum meritorum tuorum intuitu volentes tibi gratiam facere specialem &c.* Insuperque anno 1572. ob mortem prædicti Joannis Antonii de Sangro, Baronissam Frisæ Hyppolitam de Sangro, memorati Sigismundi filiam, in Curia Romana nominavisse Ladislau de Aquino in Abbatem Commendatarium, eidemque Bullis Papæ Gregorii XIII. Abbatiam fuisse delatam. Dictoque Ladislao ad dignitatem Cardinalis postmodum evesto, & tandem defuncto anno 1617., Curiam Romanam sub obtentu vacationis per mortem Presbyteri Cardinalis, Abbatiam libere contulisse juxta Cancellariæ regulas: qua collatione libere semel facta, idem juris sibi asseruisse in sequentibus vacationibus, patronorum jure contempto .

Verum Princeps S. Boni quo magis probaret hujusmodi pa-

patronatum pertinere ad feudum Frisiæ Grandinaræ, ostendit ad instantiam creditorum Antonii de Ebulo, & Hypopolitæ de Sangro conjugum, jussu Sacri Consilii pridem fuisse sequestro positum idem feudum, ejusque appretio instituto per Tabularium Joannem Carolum Rabicano, in eo inter alia fuisse relatam jus patronatus, de quo agitur, his verbis: *Ci sono doi Ecclesie, una intitolata il S. Salvatore, quale ei servita da cinque Preti, e l'altra S. Angelo in Cornacchiaro, quale ei Abbazia, che se conferisce per l'utile Signore di detta Terra.* Docuit etiam, Terram Frisiæ Grandinaræ tunc temporis veniisse, atque emptam fuisse sub hasta a Julio Jesualdo, & cum in venditionis instrumento, tum in Regio assensu præfatio venditioni sub die 22. Januarii 1585., inter alia feudi corpora diserte fuisse inclusum *lo jus patronato dell'Abbazia di S. Angelo in Cornacchiaro, e con la potestà de reintegrare, recuperare, ed acquistare qualsivogliano beni, membri, ed intrate, ragioni, jurisdictioni per qualsivoglia causa.* Ostendit ulterius sæculo sequenti ad instantiam creditorum prædicti Julii Jesualdo, & Isabelæ Jesualdo Principissæ Venusii, veniisse rursus Terram Frisiæ Grandinaræ, emptamque fuisse sub hasta a Cæsare Caracciolo, ac in emptionis instrumento, Regioque assensu præfatio die 16. Februarii 1618. prædictæ alienationi, memoratum etiam fuisse *lo jus patronato di Ecclesie, & jus di presentare in quelle.*

Cum denique Princeps S. Boni docuerit, prædictum feudum a tempore dictæ acquisitionis per suos decessores possessum, in præsentiarum esse in ejus utili dominio: petiit iccirco idem feudum reintegrari in possessionem dicti juris patronatus, & declarari ad se, suosque in feudo successores, pertinere jus nominandi Abbatem in memorata Abbatia, cum reliquis juribus a patronatu dependentibus. Cumque producta documenta de antiquo patronatu ad feudum spectante dubitari non sinant, Curiæ visum, petitam declarationem, & redintegrationem a Principe S. Boni petitam denegari non oportere: eo magis quia jura patronatus, quæ juris publici sunt in hoc Regno, ut & passim in Europa ali-

alibi, ullam temporis præscriptionem non admittunt. Quapropter Curia Illustriss. & Reverendiss. Domini Capellani Majoris, cum voto Domini Regii Consiliarii D. Dominici Potenza ordinarii Consultoris ejusdem, ita pronunciavit: *Jus patronatus in Abbatiam S. Angeli in Cornaccbiaro, in Aprutio citeriori positam, mediate ad Regiam Coronam pertinere, intermedio scilicet Principe S. Boni, tamquam ipsius feudo cobarens; ac jus patronatus immediatum, feudi concessione durante, spectavisse, & spectare ad prædictum Principem S. Boni, ejusque in feudo successores; ac proinde prædictum Principem redintegrandum esse, sicut præsentis sententia redintegratur in possessionem dicti juris patronatus, cum facultate nominandi Abbatem in quolibet casu vacationis, ac cum omnibus juribus, bonis, Ecclesiis, Grantiis, ac pertinentiis quibuscunque. Ipsa autem Abbatia S. Angeli in Cornaccbiaro referatur in libror Curie inter alias Ecclesias, & Abbatias patronatus feudalis, in quas jus immediatum Baronibus, mediatum Regi competit.*

In causa redintegrationis Regii patronatus in Cathedrali Ecclesiam S. Severi. Die 9. Februarii 1784.

Promotor Fiscalis Regalis Coronæ in Curia Capellani Majoris libello petiit, ut Regius patronatus redintegraretur in Ecclesiam Cathedrali S. Severi, in quam anno 1580. migrarunt jura omnia destructæ Cathedralis Civitatenfis. Id autem ab eo petitum vigore ipsorum documentorum, quæ in Regali Camera S. Claræ producta sunt in defensionem jurium prædictæ Cathedralis Ecclesiæ in causa agitata inter Mensam Episcopalem S. Severi, & Ill. Principem S. Angeli: inde enim constare ajebat prædictam Ecclesiam Episcopalem Civitatensem fundis Regii ærarii fuisse dotatam. Id ipsum liquere contendebat ex Divalibus prævia consultatione ejusdem Regalis Cameræ scriptis, quibus cautum, Ecclesiam Cathedrali S. Severi, quippe quæ successerit in jura Cathedralis Civitatenfis, manutenendam in possessione jurium,

Cum Ecclesiæ bona hujusmodi sint, ut nonnisi a Summa Potestate concedi ei potuissent; Ecclesiâ ipsam bonis Principatus dotatam, & Regio juri patronatus obnoxiam esse, certum est.

rium, & exactionum, quæ quidem Cathedrali Civitatensi, uti res dotaliæ, concessæ fuerunt. Promo toris Fiscalis petitio, qua hodierno Episcopo S. Severi, qua aliis, quorum fortasse interesset, per edictum denunciata fuit, neque quisquam legitimus extitit contradictor. Superest igitur, ut exhibitis documentis inspectis, de controversia Curia sententiam dicat.

Ex productis autem documentis liquido constat, prædictam Ecclesiam Cathedralē Civitatensem vetustissimis temporibus fuisse dotatam facultate exigendæ decimæ ex juribus, & redditibus percipi solitis ex Bajulatione Oppidi Civitatensis, quæ per id temporis ad Regium patrimonium pertinebat. Id mire confirmat Diploma Caroli II. Andegavensis scriptum anno 1301. ad Bajulos, & homines Civitatenses. Inde enim apprime constat, prædictum Principem, ei in antecessum adprobata facti quæstione, decessores scilicet Episcopos Civitatenses ab antiquissimis usque temporibus exigere solitos decimam jurium, & reddituum prædictæ Bajulationis, in mandatis dedisse Bajulis prædicti Oppidi Civitatensis, ut ex pecunia ex ea Bajulatione quotannis redire solita, singulis annis decimam decernerent, quæ solveretur ejus ætatis Episcopo.

Ex alio quoque Diplomate ejusdem Principis anno 1302. ad eisdem Bajulos scripto constat, cessantibus ipsis prædicto anno a solutione decimæ Episcopo Civitatensi debitæ, eo sub obtentu, quia idem Rex concesserat Comiti Rainaldo Dammartino Militi, & familiari suo, eadem jura, & redditus ejusdem Bajulationis, prædictum Principem præscripsisse, ut, quacumque concessione aliis facta non obstante, prædicta decima Episcopo solida solveretur. Ita autem est edictum in Diplomate suo: *Cum intentionis nostræ non fuerit per concessionem ipsam factam eidem Raynaldo de juribus Bajulationis ejusdem, solutioni dictæ decimæ derogare.* Aliis etiam literis ejusdem Principis anno 1306., & in sequenti scriptis, cum ea de re Regem interpellasset Civitatensis Episcopus recens electus, iterum præscriptum Bajulis Civitatensibus,

bus, ut Episcopo solverent solidam Bajulationis decimam, sicut ejus decessores a vetustis temporibus Siculorum Regum eam consequi consueverant.

Præterea ex literis Roberti Regis anno 1331. scriptis ad Justitios Provincie Capitanatæ liquet, ejus ætatis Episcopum prædicto Principi exposuisse, Bajulos refragari circa solvendam ei decimam de juribus Bajulationis Civitatis ejusdem, *sibi debitam ipsius sue Ecclesie ratione*. Ideo ab eodem Roberto statim præscriptum, ut quovis obtentu remoto, Episcopo solida Bajulationis decima solveretur, *ac jurius ejus omnium*, quemadmodum ab antiquis temporibus ejus decessoribus soluta fuerat. Anno autem 1345. id ipsum denuo cautum a Cardinale Aymerico Legato, & Regni Vicario.

Ostensum est insuper, per nostram ætatem rursus controversia facta de prædictæ decimæ solutione per Principem S. Angeli possessorem Terræ S. Pauli in territorio Civitatis positæ, jussu felicissimi Ferdinandi rem totam in Regali Camera fuisse discussam; ab ea autem Regi fuisse relatum, Episcopum S. Severi successisse in jura Episcopi Civitatisensis; in ipsius etiam Cathedrali veteris Cathedralis Civitatisensis jura migrasse, cui quidem decima Bajulationis uti res dotalitia fuerat concessa; ita ejusdem Regalis Camere consultatione probata, a Principe cautum, ut prædictus Episcopus S. Severi manuteneretur in controversiæ decimæ exigendæ possessione, quemadmodum eam exegerant decessores Episcopi.

Cum igitur decima isthæc potissimos complectatur controversiæ Ecclesiæ redditus, ejusque dos a Regali Camera S. Clare, & a serenissimo Rege habita fuerit; eadem vero liberalitate Neapolitanorum Principum a patrimonio Regio fuerit profecta; & ea ipse hodie juxta felicissimi Principis novissimam declarationem, maximam partem dignitatem suam tueatur Ecclesia S. Severi: exploratissimum est patronatum in eandem ad Coronam Regiam pertinere. Constat enim cum ex jure civili tum Pontificio per dotem Ecclesiæ datam patronatum acquiri.

Tom. I. Cur. Cap. Maj.

Yy

Com-

Compertum est denique, ad præfatam Ecclesiam Episcopalem Civitatem pertinuisse ab antiquo, tanquam rem dotalem, Casale S. Leucii, ad Ecclesiam Cathedrali S. Severi postmodum translatus. Dictum vero Casale possessum fuit ab Episcopis Civitatensibus sub feudali natura, & uti feudum in capite, ut ajunt, Regiæ Curia, & pro eodem feudo exhibebant Episcopi, ut & ceteri Regni Barones, militare servitium Regibus hujus Regni, uti constat ex registris Regum Caroli II., & Roberti. Cum vero feuda ad Regium demanum natura sua pertineant, consequens est a solis Regibus feudum prædictum, a Regio Solio delibatum, Ecclesiae concedi potuisse, ac proinde ipsa rei natura Regiam dotationem satis evincit. Proinde Curia Ill. & Rev. Capellani Majoris, cum voto Domini Regii Consil. D. Dominici Potenza, Consultoris ejusdem, ita censuit: *Ecclesiam Episcopalem S. Severi tamquam e Regali patrimonio dotatam, fuisse & esse Regii patronatus; ea propter in ejus patronatum Regiam Coronam redintegrati oportere, prout præfenti decreto redintegratur, & in omnia ejusdem Ecclesiae jura, bona, jurisdictiones, privilegia, præeminencias, cum jure ad Regem ejusque in Regno successores spectante nominandi Episcopum quoties Episcopatum vacare contingerit, & cum facultate redintegrandi eidem Ecclesiae bona & jura forsan occupata, & cum reliquis juribus, quæ ad Principem patronum pertinent. Ne quid autem detrimenti Regia jura sentiant, prædicta Cathedralis Ecclesia describatur in libris Curia inter alias Ecclesias Cathedralis Regii patronatus.*

In causa alterius appellationis, vertente in Curia Capellani Majoris inter Collegiatam Ecclesiam S. Michaelis Archangeli Plani Civitatis Surrenti, cum nonnullis interesse habentibus. Die 6. Martii 1784.

Collegiatæ Ecclesiae argumenta sunt Canonico-
rum nomen,
quod Presbyteri ei
addicta præferebant,

Inter Surrentinum Archiepiscopum, Canonicos Collegiatæ Ecclesiae Divi Michaelis Archangeli in Surrenti Plano constructæ, ac Fratres Sodalitii Mortuorum eadem in Ecclesia instituti, concertatio in Capellani Majoris Curia super Ca-
no-

nonicatum ejusdem Collegiæ collatione instructa est, quam primo Curia Capellani Majoris hujusmodi sententia die 17. Septembris anni 1781. diremit.

Curia Capellani Majoris declarat, Ecclesiam Parocbialem S. Michaelis Archangeli in Surrentino Plano, in loco Carotto nuncupato, fuisse, & esse receptitiam, & in ea Collegiatam erectam, mere patrimoniale esse, pro Sacerdotibus in eam Parocbialem receptis. Præposituram vero, Canonatus, Mansionariatus, quibus eadem Collegiata constat, & quibus nunquam haberet præbenda qualitas, sed tantum participatio portionum mere temporalium sub titulo distributionum quotidianarum ob quotidianum personale servitium, fuisse, & esse mera officia, ac dignitates ventosas appellitari solitas, non subiecta reservationibus, & affectionibus Romanæ Curie; proinde jus providendi in singulis vacationibus ad ipsum Corpus Collegiatorum participantium pertinere, neque usquam Ordinarium loci ea in re immiscere se posse, salvo tamen Gubernatori, & Capserio dictæ Parocchialis Ecclesiæ jure nominandi, eligendi Canonicos duos, ac totidem Mansionarios in Collegiata prædicta in singulis vacationis casibus, servata forma instrumenti anni 1726. Quod autem ad patronatum a Sodalitio Mortuorum petiit Collegiata absolatur, fol. 175. a 1. ad 176.

Ut sententiæ ratio dilucide constaret, primum quibus orta fuerit initiis, quibus processerit incrementis Collegiata Ecclesia, qua de agitur disertissime exponitur: eam nempe initio laicalem, ac Parocchialem fuisse administrationi laicorum Moderatorum, qui ab Universitate eligebantur subiectam; necnon receptitiam, in quam nonnisi Sacerdotes, qui in Vico nuncupato Carotto ortum habuerant, admittebantur: demum anno 1726. cum Moderatores Ecclesiæ eam in Collegiatam efferre animo destinassent, primo Mortuorum Sodalitio Præfectos prædia quædam, & pecunias ad annuos redditus collocatas, unde ducati biscentum triginta in singulos redirent annos, contulisse, pluribus vero Ecclesiæ impositis oneribus: deinceps Moderatores Ecclesiæ, ut alendis Canonicis melius prospiceretur, alios annuos ducatos

Y y 2

bis-

illorum numerus præfixitus, Chorus cum stillis, consuetudo se congregandi, Missa Conventualis, recitatio Officiorum, ac ordinatio Statutorum. Collatio Canoniciatum in Ecclesiis Collegiatis ex consuetudine potissimum dependet; præcipue cum consuetudinem taceatur lex ipsa fundationis.

biscentum superaddidisse: cui tamen largitati nonnullæ adjecit fuerunt conditiones, ac præ ceteris, ut tantummodo Presbyteri Vici *Carotto* in Canonicos, ac Mansionarios allegerentur, utque Moderatoribus Ecclesiæ binos Canonicos, totidemque Mansionarios nominandi jus perpetuo reservaretur.

His ita constitutis, pergit sententia Sodalitatis Mortuorum Fratres, ac Ecclesiæ Moderatores, ut hanc ad Collegiatæ gradum eveherent a Benedicto XIII. expostulaverunt, qui Bulla anni 1727. negotium certis conditionibus, quas sigillatim sententia recenset Archiepiscopo Surrentino perficiendum demandavit: videlicet, ut Ecclesiæ pristino Patriciæ statu retento, in Sæcularem, ac Collegiatam erigeretur: necnon jus nominandi, eligendique Parochi, ab Archiepiscopo tamen approbandi, atque instituendi, apud Patriciæ incolas resideret, utque in ea dignitas una Præposituræ titulo insignita, septemque Canonicatus, totidemque Præbendæ *pro septem Presbyteris ejusdem Patriciæ Ecclesiæ filiis patrimonialibus idoneis constituerentur*; ut denique duos præsentandi Canonicos Moderatoribus laicis jus esset, atque hoc jus patronatus, Pontificiis reservationibus penitus exclusis, Gubernatoribus tunc, & *pro tempore existentibus prædictis, non ex privilegio Apostolico, sed ex vera, reali, plena, & omnimoda fundatione, vel dotatione mere laicalibus dumtaxat competeret.*

Mandatis itaque Pontificiis obsequens Archiepiscopus Collegiatam instituit, Canonicisque nomine tenus, ait sententia, præbendas destinavit: hac in re etiam reprehendendus, quod de Canonicatibus, ac imaginariis præbendis agens addiderit: *quorum pro tempore vacaturorum proviso, & omnimoda dispositio ad Nos, sive ad Romanam Sedem, prout de jure spectare, ac pertinere debet.*

Denique anno 1728. idem Archiepiscopus sex alios aliegit Canonicos, idque Clementis XII. Bulla confirmatum fuit, neque destitit Archiepiscopus, quin paullo post sex Hebdomadarios creaverit, quo circa Collegium, redditibus non auctis, ad vicenarium numerum pervenit.

Qui-

Quibus sic enarratis, sententia hæc rationum præcipue exhibet momenta : Ecclesiam scilicet non Ecclesiasticis quidem, sed mere laicalibus dotatam bonis, antiquam nunquam exuisse naturam, sed ita ut antea fuerat, receptitiam permanisse, ac patrimonialem: quandoquidem nonnisi unius Vici Carotti Presbyteri ad Canonicatus provehi posse, sive ad foundationis tabulas, sive ad Pontificis Bullam spectes, exploratum est. Proinde ut receptitiarum Ecclesiarum indoles suadet, utque Regni fert politia, pluribus Regis explanata constitutionibus, collationes Ordinarii, & Romanæ Curiae a jure nimis abhorrere. Præterea Præposituram, ac Canonicatus, quibus Collegiata constat, beneficia vera non esse, sed mere officia, interque dignitates, quas *ventosas* appellare solent, adnumerari oportere; siquidem præter quotidianas distributiones, quæ Ecclesie servitio unice cohærent, nihil præbendæ nomine possideant: Canonicatum autem suapte natura præbendam requirere ex *cap. Relatum de præbend. & dignit.*

Postremo a patronatu, quem sibi Mortuorum Sodalitas asserebat, sententia Collegiatam absolvendam esse censuit, cum non ex largitate, sed ad onera Ecclesie imposita vix rependenda annuos ducatos biscentum triginta Sodalitas contulisset.

Huc usque Curie Capellani Majoris sententia, a qua Archiepiscopus ad piissimum Regem nostrum provocavit: datoque appellationis Judice Reg. Consil. March. D. Carolo Cito, ac judicio instaurato, expletisque probationibus, prior sententia hunc in modum die 27. Aug. 1782. fuit reformat: *Bene fuisse appellatum per Rev. Archiepiscopum Surrentinum, & male judicatum per Curiam Capellani Majoris, maleque appellatum per Gubernatores laicos Paræcialis Ecclesie S. Michaelis Archangeli Plani Surrenti; ac proinde declaramus, quatuordecim Canonicatus, & sex Mansionariatus, quibus Collegiata dicta Ecclesie coalescit, esse vera Beneficia Ecclesiastica, salvo Collegiatæ jure patronatus, tam pro sex Canonicatibus secundo erectis auctoritate dicti Rev. Archiepiscopi die 26. Martii 1728. & per*
Pon-

Pontificem Clementem XII. Bulla mensis Julii 1733. confirmati, petentibus Rever. Præposito, & septem primis Canonicis, quam pro Mansionariatibus pariter auctoritate ejusdem Rev. Archiepiscopi die 13. Maji 1751., petentibus omnibus Canonicis, constitutis, ac salvo Incolis ejusdem loci jure præsentandi Parochum, & Gubernatoribus, sive Capserio Ecclesiæ prædiæ jure præsentandi duos ex octo primis Canonicis, totidemque Mansionarios, servata forma instrumenti foundationis anni 1726. fol. 11. integra tamen remanente dicto Rev. Archiepiscopo, loci Ordinario, simplici institutione dictorum Canonicatum, & Mansionariatuum de jure patronatus Rev. Canonicorum Incolarum loci, & Gubernatorum, sive Capserii Ecclesiæ prædiæ, fol. 211.

Altera hæc sententia priori discors solidis firmat argumentis: Canonicatus, Mansionariatus, ac Præposituram esse vera beneficia Ecclesiastica, quum sint officia, sive perpetua Ecclesiastica ministeria cum annexo jure percipiendi fructus ex Ecclesiæ bonis Ecclesiastica auctoritate in titulum erecta; quæ omnia ex foundationis tabulis, atque ex Bulla Pontificis perspicue evincit; neque Ecclesiastici beneficii naturæ obstat, atque officere autumat, quod Canonicatus nonnisi loci incolis possint conferri: certis namque personis ex foundationis lege beneficia sæpissime destinantur, quod Innocentius III. ad Auranum Archiepiscopum scribens *epist. 82. lib. I.* innuit.

His addit beneficium sine officio consistere non posse, atque inde minime ventosas definicndas esse dignitates, quibus pro diurno servitio fructus quotidie tribuatur. Quinimo id proprius ad puriorem Ecclesiæ disciplinam accedere, qua sane paullatim laxata, inter Ecclesiæ Ministros bona dispersita fuerunt, quæ beneficiorum fuit origo, cum primus stipendia Clericis ex Ecclesiæ bonis in dies ab Episcopo dispensarentur: *Et sane beneficia, ait Bohemerus de Paroch. sess. V. c. 2. §. 13., tunc innotescere ceperunt, ubi Clero non amplius e re videbatur isti portionum divisioni inbarere, sed malebat propria possidere bona.*

Hæc, aliisque, quæ missa facimus, argumentis, prior sententia refellitur: postremo ratio subjicitur, cur Mortuo-

rum Sodalitati jus patronatus omnino negatum fuerit, Canonici autem ipsis concessum pro aliis sex Canonicatibus, ac Mansionariatibus anno demum 1751. investitis: quia nempe retributionis nomine, ob onera Ecclesiæ injuncta, non liberalitatis titulo annuos ducatos biscentum triginta Sodalitas præstiterit. Contra vero ex primorum Canonicorum liberalitate, eorumque portionibus attenuatis, alii sex Canonici adaucti, ac Mansionarii additi fuerint.

Ab hac sententia Canonici Ecclesiæ Collegiatæ, aliquot tamen abnuentibus *fol. 133.*, appellavere *fol. 224. ad fol. 128.*, novum itaque appellationis judicium institutum est, modo absolvendum, quod inter Archiepiscopum, & Canonicos tantummodo versatur, cum binæ concordēs sententiæ Sodalitatem Mortuorum prorsus submoverint.

Ut vero res probe expendatur, duplex definienda videtur quæstio. An scilicet Ecclesia Divi Michaelis Archangelī, pristino receptitiæ statu oblitterato, Collegiatæ naturam revera induerit, ejusque Canonicatus Ecclesiastica beneficia censeri debeant. Et demum cui nam Canonicatum Ecclesiarum Collegiarum collatio sit attribuenda.

Ad primum, quod attinet, præter discretissima argumenta, quæ posterior affert sententia, Ecclesiam, de qua sermo erit, Collegiatam vere, & proprie habendam esse, dubio procul censemus; omnia enim Collegiatæ Ecclesiæ argumenta, atque indicia conveniunt, quæ *Card. de Luca de præminent. disc. 51.*, enumerat, nempe nomen *Canonicorum*, eorumque numerus *præfinitus*, & *Chorus cum stallis juxta ordinem anzianitatis*, & *consuetudo se congregandi*, necnon *Missæ Conventualis*, & *recitatio Officiorum*, ac *ordinatio statutorum*, atque id genus alia, quæ decreto Archiepiscopi Surrentini anni 1728., quo Collegiata erecta fuit, complectuntur, *fol. 102.*

Sed quid iudiciis, argumentisque opus est, ubi expressum patet Privilegium? Fratres Sodalitatis, ac Ecclesiæ Moderatores Collegiatæ erectionem Pontificem rogaverunt: eam Pontifex rogatus concessit: eam denique Archiepiscopus

pus Surrentinus Pontificia auctoritate expedit, ejusque verba hic subtexere non ab re erit: *Nos utendo auctoritate Apostolica nobis tradita in eisdem præscriptis literis Parochialem Ecclesiam prædictam S. Michaelis Archangeli supprimimus, & extinguimus, & extindam in Collegiatam Ecclesiam sub invocatione Sancti Michaelis Archangeli cum Choro, Capitulo, Mensa Capitulari, arca, sigillo communibus, & omnibus aliis insignibus Collegialibus &c. fol. 102.* Hujusmodi autem facultatem nemo unus Pontifici denegavit: quinimmo, quamplurimum Canonistarum judicio, facultatem hanc Pontifex peculiariter sibi asserit, vindicatque. *Rebuff. in prax. benef. tit. de erecl. Collegiat. Lotter. de benef. lib. 1. quæst. 13. n. 49.,* quid plura cum ipse Capellanus Major anno 1728., cum Bulla Benedicti XIII. Regio placito firmata fuit, hanc eandem Pontificis facultatem his verbis agnovit: *Sen di voto, che V. E. può restar servita per esecuzione di detta Bolla Apostolica concedere a' supplicanti il Regio exequatur per trattarsi di concessione di dignità mere Ecclesiastiche, locchè spetta al Giudice Ecclesiastico competente? fol. 91.*

Neque nos ex hac opinione ratio illa movebit, quod Canonicatus omnino præbendis careant, Canonici quidem sine præbenda non est, cum *Canonici sit jus ad præbendam ex Jano a Costa ad tit. 5. de præbend. & dignit. lib. 3. Decretal.* Verum enim vero quotidiana distributio, præbenda deficiente, vicem obtineat præbendæ, ideoque plurima in Regno extant Capitula, sive Cathedralium, sive Collegiarum Ecclesiarum, quæ nullas præbendas, sed quotidianas tantum habent distributiones, deque iis Cap. V. Constitutum nuper a Regali Camera S. Claræ super Ecclesiis, ac beneficiis vacantibus editarum nominatim loquitur: *Trattandosi di Canonici senza prebenda, i quali abbiano le sole distribuzioni quotidiane: quæ cum ita sint, nemo sane inficias ibit, Ecclesiam Divi Michaelis ex receptitia ad Collegiatam gradum fecisse: Regiasque Constitutiones, quarum prior sententia meminit rem non attingere, utpote quæ de Ecclesiis agunt receptitiis.*

His jactis fundamentis ad alteram quæstionem expediendam pergimus, cui nimirum in Collegiatis Ecclesiis Canonicatorum collatio tribuenda sit. Si de beneficiorum collatione generatim quæatur; Doctores in diversas abierunt sententias. Dadinus Altaserra *Jurisdic. Ecclesiæ. lib. 2. c. 14.* eam Episcopo deferret: *De jure Collatio beneficiorum pertinet ad solum Episcopum . . . & si beneficium sit liberum, collatio mera pertinet ad Episcopum, quæ dicitur proprie collatio: si vero beneficium sit jure patroni, institutio dicitur pertinere ad Episcopum ad præsentationem patroni &c.* Janus vero a Costa in *Summ. ad tit. 6. de election. & elect. potest. contra sentit: Si quæatur de cooptando fratre, vel Canonico regulariter electio pertinet ad Episcopum, & Capitulum.* Plerumque tamen inter Canonicatus Ecclesiarum Cathedralium, & Collegiarum distinctio adhiberi solet. Quoad primos Fagnanus in *Cap. cum Ecclesia Vulterna de election.* quatuor refert sententias, quarum prima est, ut collatio spectet ad solum Episcopum: altera ut sit, Episcopi, Capituli tamen consensu accedente: tertia, ut sit Episcopi, adhibito Capituli consilio: & quarta demum, ut ad Episcopum, & Capitulum conjunctim pertineat. Quæ posterior sententia ex de Luca *de benef. disc. 1. num. 26.* communiorum Doctorum calculo recepta est. Collegiarum vero Canonicatus ab ipso Collegio conferri post Garziam *de benef. p. 5. cap. 4. num. 58. & seqq.*, idem de Luca auctor est *de benef. disc. 12. n. 13. & disc. 17. n. 5.*, cui Franciscus Duarenus *de Sacr. Eccl. min. lib. 3. cap. 4.* adscripuitur: *Præbendas Ecclesiæ Cathedralis, & Dignitates ejusdem receptius est ab Episcopo conferri, sed totius Collegii Ecclesiastici consensu accedente, nisi consuetudo contraria ostendatur cap. ea nescitur, de his, quæ sunt a Prælat. &c.* In Ecclesiis vero inferioribus, quæ Collegii nomine, & titulo insignitæ sunt, præsentatio quidem ad Prælatum, Collegiumque ipsius Ecclesiæ pertinet, sed Episcopi tamquam Superioris est institutio Can. Nullus &c.

Ut ut vero se res habeat, illud in comperto est, nimirum hac in re consuetudinem valere, eamque potissimum

Tom. I. Cur. Cap. Maj.

Z z

spe-

spektari *cap. ea noscitur de his, quæ fiunt a Prælat. &c. Et cap. cum Ecclesia Vultarana de elect. &c.* Atque hæc sententia omnium omnino Doctorum suffragiis confirmatur. Jam vero, teste de Luca, *de benef. disc. 1. num. 29. In Italia frequentius, ac pene in totum collatio est solius Episcopi absque aliqua Capituli participatione.* Sed generalem præter consuetudinem ex peculiari, stabilique usu Ecclesiæ Divi Michaelis Canonicatus a solo Archiepiscopo Surrentino collatos semper fuisse exploratum est; atque istiusmodi usus legibus fundationis coheret: ea etenim lege Collegiata instituta fuit, ut nimirum Canonicatum provisio ad Ordinarium, sive ad Romanam Sedem, prout de jure pertineret; eamque conditionem subire, neque Moderatores Ecclesiæ, neque Fratres Sodalitatis Mortuorum, neque Presbyteri, qui primo ad Canonicatus honorem evecti fuere, renuerunt. Quid itaque ultra quærimus, ubi longævam, constantemque consuetudinem lex ipsa in fundatione apposita tuetur? Quo circa primam Regii Consiliiarii Marchionis Cito sententiæ partem confirmandam prorsus existimamus.

Ea vero ejusdem sententiæ pars, qua Collegiata jus patronatus tribuitur tum pro sex Canonicatibus secundo erectis auctoritate Rev. Archiepiscopi die 26. Martii 1728., & per Pontificem Clementem XII. Bulla mensis Julii 1733. confirmatis, petentibus Rev. Præposito, & septem primis Canonicis, quam pro Mansionariatibus pariter auctoritate ejusdem Rev. Archiepiscopi die 13. Maji 1751. petentibus omnibus Canonicis constitutis; ea sane sententiæ pars nimium redolet æquitatis; posset enim quis reponere ab hujusmodi patronatu Canonicos removendos eodem argumento, quo idem jus patronatus Sodalitio Mortuorum negatum fuerat; quia scilicet non ex mera liberalitate, sed ut sibi aliqua ex parte onera allevarent, Canonici primo instituti sex alios creari Canonicatus petierunt. Sed cum huic sententiæ Archiepiscopus prorsus acquieverit, ab ea recedere non oportet.

Postrema demum sententiæ pars, quæ omnium Canonicatum, ac Mansionariatuum institutionem Archiepiscopo loci

loci Ordinario defert, perfectam, expletamque omnibus suis numeris judicamus. Id Canonicis sanctionibus, unanimique Doctorum sententia defenditur. Instar omnium sit Franciscus de Roye ad tit. de jur. patr. in prolegomen. cap. 21. Omnes autem Sacri Canones volunt, ut Patronus Clericum Diocesano Episcopo præsenteret, ei nempe in cujus Diocesi constituta est Ecclesia, qua de agitur Can. 1. 16. qu. 3. Can. Decernimus, Can. Monasterium 16. qu. 7., quia jure communi omnes Ecclesie sunt in ejus ordinatione, Can. Omnes Basilicae ibid. . . . Tridentini Patres sess. 14. de Reform. cap. 12. in fin. Volunt solis Episcopis collationem, & institutionem reservari, non etiam aliis inferioribus Prælatibus &c. Quapropter Regius Consil. D. Nilus Malena, Judex appellationis per S. M. specialiter deputatus, sententiam Regii Consil. Marchionis Cito confirmans, decernit: Bene fuisse, & esse judicatum per Ill. Marchionem Cito Regium Consiliarium, & Judicem per S. M. specialiter deputatum ejus decreto diei 27. Augusti anni 1782. fol. 211., & male appellatum pro parte Collegiatae Ecclesie S. Michaelis Archangeli Plani Surrenti, fol. 224.

In causa Regalis Abbatie S. Maria de Vittoria de Scurcula pro redintegratione juris patronatus in Ecclesiam S. Maria de Capellis, & in Ecclesiam S. Andrea de Tibulario. Die 28. Aprilis 1784.

Curia Regii Capellani Majoris, cum voto Domini Regii Consil. D. Dominici Potenza ordinarii Consultoris ejusdem, declarat: Ecclesiam S. Nicolai de Capellis, in villa Capella positam Diocesis Marforum, fuisse, & esse Granciam, sive membrum Regalis Abbatie S. Maria de Vittoria de Scurcula de Regio jure patronatus; ac proinde memoratam Ecclesiam redintegrari oportere, sicuti præsentii sententia redintegratur eidem Regali Abbatie, cum omnibus suis bonis, territoriis, redditibus, juribus, & pertinentiis, juxta ejus statum primævum, & cum jure spectante Regio Abbati ejusdem Regalis Abbatie nominandi, & eligendi Parochum, duosque Canonicos, pro cura animarum, & pro divino cultu, eidem Ecclesie inservientes.

Z z. 2

Ecclesie, quam constat ad aliam pertinuisse, illi redintegranda est, cum omnibus juribus.

fu-

Insuper declarat, Ecclesiam S. Mariæ de Tibulario in eadem Diocesi Marforum sitam pertinuisse, & pertinere ad dictam Regalem Abbatiam S. Mariæ de Victoria, eidemque redintegrandam esse, prout presenti sententia redintegratur, cum bonis, juribus, & pertinentiis suis omnibus, & cum jure eidem Regio Abbati competente eligendi, & nominandi ejusdem Ecclesiæ Rectorem, quoties casus vacationis acciderit. Quoad reliquas vero Ecclesias in cõit deductas, melius instructo processu providebitur.

Ita censuit Curia, ex eo quod ex actis apparuit, Ecclesiam S. Mariæ de Capellis pertinuisse ab antiquo ad Regale Monasterium S. Mariæ de Victoria Terræ Scurculæ, cujus Abbas in dicta Ecclesia destinabat Capellanum ad nutum amovibilem. Constitit etiam, anno 1582. Matthæum Colli Episcopum Marforum, & Abbatem Commendatarium dicti Regalis Monasterii, pro animarum salute, pro divinis celebrandis officiis, ac pro commodiori Sacramentorum administratione, in eadem Ecclesia constituisse Rectorem sive Parochum, duosque Canonicos, eisque congruum redditum assignasse ex ejusdem Ecclesiæ fundis, reservata in beneficium dicti Regalis Monasterii reliqua quantitate fructuum, qui ex fundis dictæ Ecclesiæ redibant. Quod vero ad Ecclesiam S. Andræ de Tibulario, perspexit Curia ex actis, dictum Regale Monasterium, ad quod ex antiqua fundatione Caroli I. Andegavenfis, complures Ecclesiæ pertinebant, possedisse quoque memoratam Ecclesiam S. Andræ de Tibulario, atque ad nominationem Abbatis dicti Monasterii Rectores in dicta Ecclesia fuisse institutos in vacationum casibus. De jure igitur Regalem Abbatiam S. Mariæ de Victoria in dictis suis juribus redintegrari oportuit.

In causa redintegrandis Regii patronatus in Canonatus, & Dignitates Cathedralis Ecclesiæ Miletensis. Die 10. Martii 1784.

PER Curiam Regii Capellani Majoris redintegratus fuit Regius patronatus in Mileti Ecclesiam anno 1771. In ejus sententiæ veluti consequentiam Regiæ Coronæ Patronus libello

Constitutis dote pro Episcopo, & Clericis aliendis, qui in ministerio precum,

bello petiit, ut Regius patronatus redintegraretur quoque in ejusdem Ecclesiæ Dignitates, & Canonicatus. Ejus petitio eo potissimum argumento innixa fuit, quod Rogerius Magnus ille Calabriæ, & Siciliæ Comes, non minus ejus Ecclesiæ Episcopo, quam ceteris ejusdem Ecclesiæ Ministris Diplomate suo dotem constituerit. Mileti Episcopo nunciatum judicio, eoque rite audito, idem excepit, ei petitioni locum non esse oportere, quia Rogerius in prædicta dote constituenda Episcopum tantum & Clericos memoravit; de Dignitatibus, & Canonicatibus nil quicquam edixit; Canonicatus igitur, & Dignitates sub Clericorum nomine non intelligenda. His idem addidit, decessores suos Episcopos, ut Canonicis alimenta suppeterent, ejusdem Ecclesiæ Dignitatibus, Personatibus, & Canonicatibus numero, ut res sunt hodie, duo de viginti, plurium Beneficiorum, Capellarum, seu Altarium in Mileti territorio positorum redditus univisse, eas autem uniones jure foundationis, ac dotis censendas esse.

Ad controversiæ definitionem progressa Curia perpendit, in dote constituenda Rogerium diserte declarasse, prospicere se quidem velle Episcopo, Ecclesiæ, atque illis, qui ad divinum cultum inibi inservirent, ut pro Christianis, ac spirituali salute Rogerii, ejusque parentum ad Deum preces assidue funderent. Id inculcant ipsa verba Diplomatis. Sic enim ibi: *Ideo prædictum Episcopum, & ipsam Sanctam Miletensem Ecclesiam, & eos qui illi serviunt ad Dei cultum, quæcumque illis ad vitam necessaria sunt, ut Deum pro Christianis, & spirituali salute nostrorum parentum, & nostra assidue orent.* Eo autem verborum ambitu uni minores Clerici designari nequeunt, verum intelligi quoque debent ipsi majores Ecclesiæ Ministri, qui, & divino cultui in majoribus ordinibus inserviunt, & Deum precantur assidue. Id ipsum vero Canonici exequuntur, & sacris quotidie operantes, & in sacra psalmodia officium recitantes. Atque ideo, cum fundator in posterioribus Diplomatis sui verbis præscripserit, *ut solvantur omnia jura Episcopatus, & Clericorum in eadem* Ec-

& divini cultus Ecclesiæ inservirent, sub Clericorum nomine majores etiam Ecclesiæ Ministri intelliguntur: quare ipsius patronatus competit etiam in dignitates, & Canonicatus postea ceteros.

Ecclesia permanentium, ac præterea, cum Rev. Episcopus Miletensis, vel ejus successores, vel Clerici volent ex arboribus nostrorum montium ligna cadere propter S. Ecclesiam libere possint incidere, & deferre absque ullo tribute, procul dubio designavit non Clericos quidem minores, sed eos potissimum quos in antecessum significaverat, & quorum alimentis se prospicere declaraverat, eos scilicet qui divino cultui in Ecclesia inserviunt, & precum obsequium Deo præstant.

Eo accedit, Clericorum nomine in monumentis Ecclesiasticis numquam intellectos, qui vulgo hodie eo vocabulo designantur, prima tonsura scilicet, aut Minoribus Ordinibus initiati homines. Sat enim constat eo vocabulo fuisse designatos generatim omnes in Ordinibus Ecclesiasticis constitutos divino cultui deservientes, quocumque in gradu Ecclesiæ deservirent. Sane ita definiuntur in ipsis legibus Christianorum Principum. Instar omnium esse queat *L. 2. Cod. Theodof. de Episc. & Cleric. Qui divino cultui ministeria Religionis impendant, idest hi qui Clerici appellantur, ab omnibus omnino muneribus excusentur. Eodem redit Iudori illud lib. 2. de Ecclesiast. offic. cap. 1. Clerici generaliter dicuntur, qui in Ecclesia Dei deserviunt, dumtaxat ordinem habeant. Deridiculo autem esset, qui, quod leges præscribunt de Clericis sub titulo Codicis de Episcopis, & Clericis, illis tantum accommodandum censeret, qui in Minoribus Ordinibus sunt constituti, neutiquam vero omnibus Ecclesiasticis divino cultui inservientibus, quavis dignitate sint præditi.*

Cum igitur Rogerius Comes dotem ab initio constituerit cum Episcopo, cum Clericis aliis exhibendis, qui in ministerio precum, & divini cultus Ecclesiæ inservirent; neque in dubium revocari possit, munia isthæc ad Canonicos potissimum pertinere: necessario inde consequitur prædictæ Ecclesiæ Canonicatus Regii patronatus declarari oportere. Exploratum est enim, ex regulis utriusque juris patronatum acquiri, seu Ecclesiæ, seu cuicumque beneficio constituta dos fuerit. Cum vero Rogerius in Neapolitanas Provincias jura Majestatis exercuerit, atque ipsius Principatus bonis do-

tem

tem Canonatibus constituerit, res ipsa flagitat, ut ejusmodi patronatus Regi restitatur.

At vero quod post Rogerii dotationem a successoribus Episcopis est innovatum, veteri Regio patronatus fraudi esse non debet, idque non facit, ut Miletensis Episcopus in eundem patronatum quidquam sibi juris asserat. Neque enim ostenditur, asserita beneficia Canonatibus quidem annexa, unionis tempore in tituli beneficii Ecclesiastici revera fuisse erecta, ut inde evinci possit, redditus inde redire solitos fuisse qualitatis Ecclesiasticæ. Quin rectius præsumi queat, ea fuisse legata pia adnexionis tempore, ac proinde qualitatis mere laicalis, cujusmodi sunt ut plurimum omnia, quæ transactis temporibus perperam beneficia sunt & credita, & appellata. Sane per unionis tempus ea ita sunt indicata, *simplicia beneficia sine cura, Capella, seu Altaria in dicta Ecclesia Miletensi existentia, & existentes*. Ea autem ambigua appellatio sat evincit, ejusmodi beneficia fuisse Capellanas nuda laicales, in quas patronatus in defectu fundatorum non ad Episcopos, sed ad Reges Neapolitanos delatum fuerat, tamquam in bona vacantia, quæ ad Principem deferri jubentur. De iis igitur solus Princeps, non Episcopi statuere poterant. Proinde ejus rei nulla ratione habita, Curia Ill. & Rev. Capellani Majoris, cum voto Regii Consilarii D. Dominici Potenza, Consultoris ejusdem, ita pronuntiavit: *Canonatus, & Dignitates Ecclesiæ Cathedralis Miletensis ob dotem eis constitutam a Rogerio Magna Siciliæ, & Calabria Comite, fuisse & esse Regii juris patronatus, in ejus igitur possessionem Regiam Majestatem redintegrari oportere, ut præsentii sententia redintegratur, cum bonis eorum omnibus, juribus, pertinentiis, & integro primævo statu, & cum jure ad Principem pertinente ad eas Dignitates, & Canonatus nominandi Clericos, quoties casus vacationis extiterit. Ideo Dignitates, & Canonatus prædicti describantur in libris Curia inter alia beneficia Regii patronatus, oppositis non obstantibus.*

In

In causa redintegrationis Regii patronatus in Monasterium sive Abbatiam, sive Præposituram sub titulo S. Eustachii, sive S. Eustasii in Pantasia.

Foundatione, & dotatione jus patronatus acquiritur.

CURIA Regii Capellani Majoris, cum voto Domini Regii Consiliarii D. Dominici Potenza, ordinarii Consultoris ejusdem, declarat: *Monasterium, sive Abbatiam, seu Præposituram sub titulo S. Eustachii, sive S. Eustasii in Pantasia, fuisse, & esse de Regio jure patronatus; ac proinde in eodem jure Regalem Coronam redintegrandam esse, prout præsentis sententia redintegratur, cum omnibus bonis, feudis, casualibus, juribus, privilegiis, jurisdictionibus, pertinentiis ad dictum Monasterium spectantibus, juxta statum primævum, ac cum jure felicissimo nostro Regi, ejusque in Regno successoribus pertinente, eligendi Abbatem Commendatarium, si ipsi placuerit, aut ob jam extinctum Monachorum Convantum addicendi bona piis usibus, prout Regis pietati, & religioni visum fuerit; ac cum reliquis juriis & patronatu pendentibus. Ne quando vero jura Regia detrimentum capiant injuria temporum, dictum Monasterium, sive Abbatiam referatur in libris Curie inter cetera Monasteria, sive Abbatias, in quas jus patronatus Principi competis.*

Ita censuit Curia, ex eo quod liquet ex actis, memoratum Monasterium fundatum fuisse per Comitem Adelferium de stipite Principum Longobardorum, ac deinde anno trigesimo octavo Principatus Pandolfi Beneventi Principis, & duodecimo anno Principatus Landolfi ejus filii, anno scilicet 1050. æræ Christianæ, ab eodem Adelferio prædictum Monasterium in proprio ejus territorio constructum, prope ejus Castrum de S. Juliano, tamquam rem propriam, oblatum fuisse pietatis intuitu Richerio tunc Abbate Montis Cassini, cum claustris, cellis, casis, Ecclesiis, aliisque ædificiis, cum vineis, territoriis, pertinentiis, ac cum omni substantia, & cum omni ornatu: quo scilicet ab eodem Abbate sub S. Benedicti regula regeretur. Liqueat etiam, anno 1266. Adenulfum, dictitatum de stipite, pietatis etiam intuitu, concessisse eidem Monasterio, tunc temporis anne-

xo Monasterio Casinensi, *Casale*, & Ecclesiam S. Crucis cum omnibus juribus, rationibus, redditibus, pertinentiis, servitiis realibus, & personalibus quibuscumque, ad utendum, tenendum, & fruendum. Constat denique Monasterium prædictum insequentibus sæculis per Romanam Curiam, spreta voluntate fundatoris, a Monasterio Casinensi fuisse abstractum, & commendatariis fuisse traditum, non sine ejusdem Monasterii dissolutione.

Cum itaque appareat nedum de fundatione prædicti Monasterii facta per antiquos Principes, qui jura Summi Imperii in hujus Regni Provinciis exercuerunt, sed etiam de ejus dotatione ex bonis ad Principatum pertinentibus: optimo jure in ejus Monasterii patronatum Regalem Coronam redintegrari oportuit, cum neminem lateat, fundatione, & dotatione Monasterii, ex jure cum Civili, tum Canonico, patronatum acquiri.

In causa redintegrationis Regii patronatus in Ecclesiam Archiepiscopalem Compfanam. Die 9. Augusti 1784.

Quod ad causam de redintegrando Regio patronatu in Archiepiscopalem Compfanam Ecclesiam, ad jus Principis confirmandum plura producta sunt documenta. Inter ea autem potissimum videri debet, quod suppledit Diploma Jonatæ ex vetustissimis illis Nortmannorum Dynastis, quo tempore Aristocratico eorum regimini Provinciæ Neapolitanæ suberant. Is enim, cum in Compfanum Comitatum Summo Imperio utebatur, Diplomate suo 1. Febr. ann. 1161. concessit Ecclesiæ S. Mariæ, Compfani Episcopii, Ecclesiam, ac Terram S. Andreæ in Territorio Compfano positam, & Castri Petreapaganæ, cum hominibus habitantibus ibidem, & terris per circuitum ejusdem Ecclesiæ: earum vero terrarum fines late patentes ibidem descripsit. In Diplomate diserte addidit, concessionem se facere ad usum Ministrorum Dei: addidit etiam, pro vicu Clericorum, qui in eadem Ec-

Cum Ecclesia ea possideat bona, quam a Principe tantum concedi queant; exploratum est, utut bonis Principatus eam dotatam Regio juri patronatus subjectam esse.

Tom. I. Cur. Cap. Maj.

Aaa

cib-

clesia Compšana diu noſtrique deſerviunt ad laborandum; & ſerviendum. Homines qui per id temporis habitarent, aut in poſterum habitaturi ſorent Terram S. Andreæ, immunes eſſe juſſit a quolibet ſervitutis, & exactionis onere, quod ſibi, & ſuis liberis, aut heredibus quoquo titulo competeret. Præterea Diplomate ſuo id quoque cavit: Et ſi aliquod maleficiũ, ſive malefactũ prædicti homines fecerint, ſive offenſam, non a nobis ſive Officialibus noſtris, ſed a Paſtoribus, & Clericis Eccleſiæ Compſanæ compellantur quærentibus facere rationem, & de eorum culpis, & delictis judicentur per eosdem. Si vineas, domos, hortos aliæque ædificia infra præſentam Terram ædificare voluerint, poteſtatem faciendi ſecundum juſſionem Paſtoris, & voluntatem Clericorum Compſanæ Eccleſiæ firmiter, & libere habeant, & perpetualiter poſſideant, itaque a nemine nullam aliquam habeant contrarietatem. Paſcua vero, aquam, ligna, cum ceteris noſtris hominibus Civitatis Compſanæ, & Petræ Paganiæ, abſque damno communiter habeant aquam, quæ oritur infra fines ſubſcriptos, cum forma & curſu damus, & inviolabiliter concedimus Eccleſiæ ſupradictæ libere, & abſolute, nulla nobis in prædicta aqua conditione reſervata; ſed volumus, quod ipſa Eccleſia Compſana molendina facere, & ædificare in ea poſſit, & ad alios uſus eam trahere juxta velle, & nullus alius in curſu ejusdem aquæ, & formæ molendina facere poſſit, nec de ea terras adacquæ, vel ad alias partes eam trahere ſine voluntate Paſtoris, & Clericorum Eccleſiæ Compſanæ.

Ex allato Diplomate aperte liquet, conſeſſionem Terræ S. Andreæ fuiſſe factam ob dotandam Compſanam Cathedralẽ Eccleſiam. Eo enim Eccleſiæ dotatio pertinet, ut Epifcopi, & aliorum Miniſtrorum ſuſtentationi conſulatur, Novell. 57. cap. ult. Id ipſum autem curaviſſe Jonatam in ſua conſeſſione vidimus. Conſtat etiam eam dotationem fuiſſe factam ipſius Principatus bonis; ejusmodi enim erant Terra S. Andreæ, & jura omnia Epifcopo, & aliis Miniſtris ejus Eccleſiæ conceſſa. Ea vero donatio maximo emolumento fuit Eccleſiæ, Terra enim S. Andreæ hodieſum poſſidetur
a Menſa

a Mensa Archiepiscopali Compfana cum redditibus, jurisdictione, & jure exigendarum decimarum ab omnibus hominibus prædictæ Terræ .

Ottenfum est quoque prædictam Compfanam Ecclesiam possidere Terram Sancti Mennaji cum Vassallis, & fundum rusticum, *Palum rotundum* vulgo dictum, in Melphitano Territorio positum. Quamvis vero hodie ob temporum antiquitatem de primæva concessione non liqueat, ipsa tamen Mensa non semel in judicio professæ est, ea se possidere largitionibus veterum Neapolitanorum Principum . Verum ea de re dubitari non potest, prædictæ enim concessiones feudæ complectuntur . Ea autem ipsius Principatus sunt bona, atque ab iis tantum concedi possunt, ad quos Summum Imperium, & jura Majestatis pertinent .

His igitur perpensis in probationum termino rite ostensis, neque re aliqua in contrarium allata, seu per Compfanum Archiepiscopum lite ei specialiter denunciata, seu per alios, quorum fortasse interessæ posset, & quibus citationibus per edictum judicium nunciatum fuit, visum est Curie Regii Capellani Majoris, dubitari non oportere de Regio patronatu in Compfanam Ecclesiam . Quapropter cum voto Reg. Conf. D. Dominici Potenza, Consultoris ejusdem, ita pronunciavit: *Compfanam Archiepiscopalem Ecclesiam, utpote feudis aliisque bonis dotatam per decessores Neapolitanos Principes, fuisse, & esse Regii patronatus, ac proinde Regiam Coronam redintegrari oportere, sicuti præsentis sententia reintegratur in prædictæ Ecclesiæ patronatum cum bonis suis omnibus, feudis, Ecclesiis, juribus, jurisdictionibus, prærogativis, privilegiis, & quibuscumque pertinentiis suis, & cum jure spectante fauissimæ Regi Nostro, ejusque in Regno successoribus, nominandi Archiepiscopi, quoties eam Ecclesiam vacare contigerit, & reliquis juribus, quæ Patrono Principi leges deferri jubent. Salva provisione facienda per nostram Curiam quoad ejusdem Ecclesiæ Dignitates, & Canonicatus. Ne quod autem detrimenti Regia Corona sentiat, placuit, ut Compfana Archiepiscopalis Ecclesia describeretur in libris Curie inter alias Cathedralæ, quæ Regio patronatui subsunt.*

In causa redintegrationis Regii patronatus in Monasterium, sive Abbatiam S. Angeli de Fasanella. Die 9. Augusti 1784.

Ecclesia, quæ dotata est ab eo, qui Summum Imperiū exercet, Regio iuri patronatus est obnoxia; cum vero bona dotis nomine data, præter concedentis mentem, alii addita sint usui, jura ad Principem spectant, de iis in quoslibet alios pios usus disponendi.

UNIVERSITAS S. Angeli de Fasanella supplici libello suo a felicissimo Rege Ferdinando petiit, ut Regii patronatus declararetur vetus Abbatia sub titulo S. Angeli de Fasanella, eaque de causa primævæ foundationis documenta exhibuit. In Divalibus litteris 27. Septembris ann. 1783. Curie mandatum, ut audito Regiæ Coronæ Patrono, de controversia sententiam diceret. Proinde iudicium denunciatum fuit Joanni Angelo Cocolo in præsentī Abbati, quamvis in scripto declaravit, se nusquam oppugnaturum jus Principis, quod in controversam Abbatiam ei competeret. Generatim etiam per edictum idem iudicium denunciatum fuit omnibus, quorum interesse posset. Nemine igitur iudicio se sistente, atque eam ob rem contumaciis inculcatis, terminoque probationis præstituto, prædicta Universitas non solum memoratis documentis, sed per testes etiam intentionem suam asseruit.

Inter argumenta autem ad adprobendam actionem Universitatis potissimum illud videri debet, quod ex primævæ Abbatie foundatione deducitur. Ostensum est enim, anno 1134. Lampom veteribus Principibus Longobardis prognatum, Fasanellæ dominum, Guaiferii Comitis filium, concessisse Monasterio SS. Trinitatis extra Civitatem Salerni posito, in loco cognomento Metiliano, integram Ecclesiam, quæ ad honorem S. Confessoris, atque Pontificis Nicolai constructa est, quam sibi ipse Lampus pertinere clarificavit, foris, & prope superscriptum Castellum suum de Fasanella, & cognominatur dicta Ecclesia de Lufasso, cum omnibus rebus stabilibus, & mobilibus ad eandem Ecclesiam pertinentibus, & cum omni ejus jure, & pertinentiis, & cum vice de viis suis, ea videlicet ratione, ut ipsa Ecclesia qualiter superscriptum est, semper sit juris, & ditionis ipsius Monasterii, prout apparet ex Diplomate ob eam concessionem expedito.

Ostensum est etiam, anno 1183. Tancredum in Fasanellæ

nellæ Dynastia successorem alio suo Diplomate concessisse Priori, cui demandatum fuerat a Monasterio SS. Trinitatis extra Salerni Civitatem constructo regimen Ecclesiæ, ac bonorum S. Nicolai de Frasso, *quamdam Ecclesiæ S. Laurentii, quæ constructa est in tenimentis Fasanella prope fluvium, qui dicitur Cillinum, cum domibus, & terris, & vineis, & arboribus fructiferis, & infructiferis, & hortis, & casalinis, cum introitu, & exitu viarum suarum, & cum omni jure Ecclesiæ eidem pertinente.* Additum fuit in Diplomate: *Hanc vero prædictam Ecclesiæ, qualiter fines tenimenti sui eam circumdant, sicut nobis congruum est, per hanc cartulam offero, & trado Ven. Priori S. Nicolai de Frasso, tali modo, ut ipse, aut alius, qui ejusdem Ecclesiæ S. Nicolai Rector, & Gubernator fuerit, securiter, & firmiter semper eam habere, & possidere valeat, sicut supra legitur, & Dominus Benincasa Ven. Cavensis Abbas, qui Cavense Monasterium regit, & gubernat, vel alius, qui posterior ejus fuerit, potestatem habeat jam dictam Ecclesiæ S. Laurentii, omnesque res ejusdem Ecclesiæ stabiles, & mobiles, dominandi, fruidendi, & possidendi &c.*

Eviſtum etiam in judicio est, misſo per Monasterium Cavense Priori ad regimen Ecclesiæ S. Nicolai de Frasso, inibi Monasterium fuisse extractum, ubi sub S. Benedicti regula vixere Fratres. Prædictum Monasterium inclaruit sub titulo S. Angeli ad Fasanellam, eo quod fuit erectum in vicinia Cryptæ S. Michaeli Archangelo dicatæ, & quæ detecta fuit in Fasanellæ Castro. Prædictum vero Monasterium opulentam sustentationem, ac lauta alimenta percepit ex redditibus prædiorum lato patentium, quorum in dominio fuerant Ecclesiæ S. Nicolai, & S. Laurentii, quæ sane ex munificentia Lampi, & Tancredi profecta fuerant. Ejus vero regimen demandatum fuit Abbati, qui in Fasanellæ Terram quasi Episcopalibus juribus est usus, atque in eam quasi Episcopalem jurisdictionem exercevit, juxta scilicet traditionem, de qua testes in termino producti testimonium perhiberent.

Enimvero cum opera Romanæ Curie Monasterium com-

men-

commendationis titulo cessisset Marino Caracciolo anno 1497.; ea commendationis species, veteribus Christianis ignota, incommoda attulit, quæ alia commendata Monasteria subierunt. Ita enim veteri inter Fratres abrupto vinculo, dissolutum est Monasterium, ejusque reditus sustinendo Abbatum Commendatariorum luxui sunt expensi, contra Principum concedentium sententiam, qui largitionum suarum fructus exhibendis Religiosis addici voluerunt.

Quoniam igitur bona Abbatie S. Angeli ad Fasanellam ea ipsa sunt, quæ Monasterio olim concessere Principes, qui concessionis tempore in Oppida sibi subiecta Majestatis jure utebantur; ea vero bona contra concedentium mentem, non pro Religiosorum alimentis inservierunt, sed in Abbatum conversa sunt usum: recte Regiæ Coronæ Patronus secundum petitionem Universitatis S. Angeli de Fasanella petiit libello suo, ut prædicta Abbatia Regii patronatus declararetur, cum jure ad Principem pertinente convertendi bona in alios pios usus, aut eligendi Abbatem Commendatarium, quoties Abbatiam vacare contigerit, si Princeps ita maluerit. Proinde Curia Regii Capellani Majoris, cum voto Domini Regii Consilarii D. Dominici Poenza, ordinarii Consultoris ejusdem, ita pronunciavit: *Monasterium seu Abbatiam S. Angeli de Fasanella, fuisse & esse Regii patronatus, ac proinde Regiam Coronam redintegrandam esse, sicut præsentis sententia redintegratur in patronatum prædictæ Abbatie, cum omnibus bonis suis, Grantiis, Ecclesiis, obedientiis, juribus, jurisdictionibus, prærogativis, privilegiis, & pertinentiis quibuscunque, & cum jure, quod ad Principem pertinet, convertendi ejus bona in alios pios usus, utcumque ipsius religioni videbitur; si vero in præsentis statu Abbatiam stare maluerit, cum jure eligendi Abbatem Commendatarium in singulis Abbatie vacationibus, & cum reliquis juribus, quæ ad Principem Patronum pertinent. Salva provisione facienda circa qualitatem, quam vocant nullius Diœcesis, audito Episcopo Caputaquensi. Ne usquam autem jura Regia detrimentum patiantur, prædicta Abbatia describatur in libris Curie inter alias Abbatias Regii patronatus.*

In

In causa redintegrationis Regii patronatus in Ecclesiam Cathedralē Tricaricensem. Die 31. Augusti 1784.

Divalibus litteris felicissimi Regis Ferdinandi Curiae Capellani Majoris mandatum fuit mense Februarii currentis anni, ut audito Regiae Coronae Patrono, necnon Advocato Francisco Antonio de Simone, iisque quorum interesset, de Regio in Cathedralē Tricaricensem Ecclesiam patronatu cognosceret, eaque de controversia sententiam diceret. Curia igitur per edictum iudicio adesse iussit generatim omnes, quorum controversia interesse posset, atque aliis adhibitis, quae ordo iudiciorum exposcit, ad dicendam de re controversa sententiam rite processit.

Boni Principatus
extructa, & dotata
Ecclesia Regii juris
patronatus est.

Ad intentionem autem fundandam pro praetento patronata, huiusmodi per praedictum Franciscum Antonium de Simone allatae sunt probationes. Constat scilicet ex monumentis productis, in primo illo Nortmannorum regimine aristocratico, Tricarici Civitatem cum tota ferme Lucania fuisse sub potestate Roberti Nortmanni, Montis Caveosi Comitis, Roberti Guiscardi nepotis. Constat etiam ob ejus aetatis vices per id temporis Tricaricensem Cathedralē Ecclesiam fuisse omnino neglectam, ejusque Templum Episcopale solo ferme aequatum. Certum est etiam, eam Ecclesiam Tricaricensis faciem Robertum Comitem commiseratum, ipsam e fundamentis restituisse. In ejus quidem Diplomate in actis exhibito ejusmodi verba adhibentur, ut dubium videri possit, utrum ab ipso Roberto, an ab alio quopiam Tricaricensis Ecclesia constructa fuerit. In eo enim Cathedralis Tricaricensis Ecclesia *noviter constructa* dicitur, neque additur, a quo ea fuerit extructa. Enim vero ea de re scrupulum omnem eximit Rogerii Regis Diploma in actis exhibitum. In eo enim dicitur, *Robertum Comitem Montis Caveosi, & Dominum Civitatis Tricarici, Ecclesiam B. Mariae Tricaricensis denuo fundasse.*

Neque vero sola Ecclesiae constructione Robertus Comes liberalitatem suam ostendit: eam enim opulenter dotavit.

tandam quoque curavit. Nam ut apparet ex Diplomatis in actis exhibitis de mense Augusti anni 1068., ei donavit feuda duo, eaque nobilia, *Montemurum* scilicet, & *Armentum* cum vassallis, prædiis, juribus, vectigalibus, collectis, omnibusque pertinentiis. Eodem etiam anno eidem Ecclesiæ elargitus est defensionem late patentem cognomento *Cognatum*, ut ex actis liquet, *fol. 29.* In eandem contulit alia quoque feuda, ut ex Episcopalis codicillis constat, ab Episcopis concedi solitis Officialibus & Gubernatoribus, in actis exhibitis. Prædicta autem feuda & prædia Tricaricensis Ecclesiæ hodie quoque dotem constituunt.

Licet autem tempora non defuerint, per quæ Tricaricenses Episcopi in prædictorum bonorum possessione turbati fuerint, eis tamen favore suo adfuerunt Neapolitani Principes, atque ipsis possessionem eorumdem servari curarunt. Ita quidem eam ob rem Rex Rogerius ab Erberto Episcopo interpellatus, Diplomate suo mense Julii anni 1135. ad Guilelmum Magnum Justitiarium præscripsit, ut idem prædictum Erbertum Tricaricensem Episcopum in prædictorum bonorum, & jurium possessione tueretur. Id ipsum factum per insequutos Neapolitanos Principes, ut liquet ex Diplomate Guilelmi I., Ladislai, Alphonsi I. in actis exhibitis.

Prædicta autem Diplomata, quibus Neapolitani Principes Tricaricensi Ecclesiæ dotem aut concesserunt, aut confirmarunt, & ab ipsis Tricaricensibus Episcopis pro veris sunt habita, & eorum veritatem ipsa suprema Tribunalia pluries agnoverunt. Nam Tricaricenses quidem Episcopi eorum Diplomatum ope feudorum ad se pertinentium jurisdictionem in controversiis sæpe subortis in judicio defenderunt & suprema Tribunalia secundum ea pro Episcopis judicarunt.

Ex dictis hætenus Curia aperte constare censuit, Cathedrali Tricaricensi Ecclesiæ extructam, & ipsius Principatus bonis dotatam fuisse liberalitate Roberti Nortmanni, Comitis Montis Caveosi, qui per totam ferme Lucaniam, & Tricarici Civitatem, in veteri illo aristocratico Nortmannorum regimine Summo Imperio est usus; patronatum
igi-

igitur in Tricaricensem Ecclesiam ex præscripto Legum & Canonum, extructione & dotatione ei quæsitum, in Reges Neapolitanos migrasse; piensissimum igitur Regem Neapolitanum in Tricaricensis Ecclesiæ patronatum redintegrari oportere. Proinde de tota controversia, cum voto Regii Conf. D. Dominici Potenza Consultoris ejusdem, ita pronuntiavit: *Tricaricensem Episcopalem Ecclesiam a Principibus Neapolitanis extructam, & ipsius Principatus bonis dotatam fuisse, & esse Regii patronatus: in eam igitur Regem Neapolitanum redintegrari oportere cum omnibus bonis, feudis, Ecclesiis, jurisdictionibus, privilegiis, & cum omnibus juribus, & prærogativis, quæ Leger, & Canonet Principi Patrono deferri jubent, & præsertim cum facultate nominandi Episcopi quoties eam Ecclesiam vacare contigerit. Proinde eam Ecclesiam in libris Curie describi jubet inter reliquas Ecclesias Cathedralis, in quas Regius patronatus ad Principem pertinet.*

In causa redintegrationis Regii patronatus in Abbatiam, sive Monasterium S. Benedicti de Salerno. Die 8. Novembris 1784.

Promotor Fiscalis Regalis Coronæ in Curia Capellani Majoris petiit libello suo, ut Regius patronatus redintegraretur in Abbatiam S. Benedicti de Salerno. Is autem ad intentionem suam firmandam monumenta non una protulit.

Eam autem in rem primo allegatum est testimonium Leonis Ostiensis inter Regni Historicos antiquissimi. Is enim lib. 3. cap. 14. memoriæ prodidit, controversum S. Benedicti Cœnobium, utpote proprium Salerni Principum, Casinensi Monasterio fuisse concessum, atque eidem subiectum, Salerni autem Cives ægre ferentes prædictum Cœnobium, tamquam Monasterii Casinensis cellam, per Præpositum, non per Abbatem regi, contra instituta majorum; per vim Patribus Casinensibus Monasterium abstulisse, eique Abbatem restituisse: de vi illata cum Gisulfo Salerni Principe Desiderium Casinensem Abbatem conquestum, ejusque precibus interpellatum Gisulfum, secundum veterem concessionem Mo-

Tom. I. Cur. Cap. Maj.

Bbb

na-

Monasterium Principatus bonis dotatum, & a Principe extructum, Regio patronatus juri obnoxium est; eo vero, contra fundatoris mentem, in commendam erecto, ad Principem spectat aliis piis usibus bona addicere.

naſterio Caſinenſi Salernitanum Cœnobium reſtituiſſe. Hujuſmodi vero Cœnobium diutiſſime præclare ſtetit, donec reliquerum Monaſteriorum commune ferme naufragium paſſum commendationis genere veteribus Chriſtianis ignoto, Abbatibus Commendatariis traditum diſſolutionem ſubiit.

Ut autem conſtaret, quibus bonis ab initio ſuo Salernitanum S. Benediſti Cœnobium liberalitate Principum dotatum fuerit, Ferdinandi I. Aragonii illuſtre productum eſt Privilegium, ab eo ſcriptum die 4. Januarii 1482. In eo edicit Princeps, per annos ferme trecentos prædictum Monaſterium poſſediſſe feudum, ſeu terram Fajani in vico S. Teclæ, in tractu Montis Corvini juxta territorium Salernitanum; per ætatem autem Caroli II. Andegavenſis memoratum Fajani feudum, utpote ejus Monaſterii proprium, inter reliqua ipſius bona in inventario fuiſſe deſcriptum, ut liquebat ex Tabulario: a Ladislao quidem Fajani feudum Monaſterio fuiſſe ablatum, eundem tamen mox meliorem mentem induiſſe, reſtituto Monaſterio feudo cum juribus ejus omnibus, ut conſtabat ex literis ejusdem Ladislai redintegratoriis. His addidit Ferdinandus, eo feudo penes ſe conſtituto, cum Monaſterio præſſet, uti Abbas Commendatarius dilectiſſimus filius ſuus Joannes Cardinalis Aragonius ſub Divi Hadriani titulo, ſe precibus ab eo aditum, ut Fajani feudum Monaſterio reſtitueretur. Ita Ferdinandus per plenariam reſtitutionem in integrum, in ejus poſſeſſionem Monaſterium, atque ipſius filium, ac futuros Abbates redintegraſſe, cum hominibus, vaſſallis, tenimentis, prædiis, redditibus, aliisque pertinentiis ſuis, utili traſlato dominio, cum onere tamen adoha, & feudalis ſervitii.

Neque vero in ſolo Fajani feudo Salernitano S. Benediſti Cœnobio conſtituta dos fuit. Ea enim compleſtebatur plura alia Caſtra, & Pagos, Alitum ſcilicet, Biſſillanum, Liberos, Oretellum, Magniam, Trepianum, & S. Angelum Atenaricum. Id apprimè liquet ex Regeſtris duobus exhibitis anni 1278., & anni 1306. Caroli I. & II. Ex primo conſtat, ad interpellationem Prioris, & prædicti Monaſterii Sa-

Salernitani, Justitiario Principatus citerioris fuisse mandatum, ut in prædictos Pagos suos Vassallos fugitivos revocari curaret. Ex altero liquet, bellorum occasione prædictis Pagis miseria oppressis, & veteri incolarum frequentia immixtis, eodem Monasterio interpellante, ejusdem Principatus Justitiario fuisse præscriptum, ut per aliquos annos immunitas eis indulgeretur a generalibus collectis, subsidiis, & donativis, donec opulentiores, & numerosiores facti veteribus oneribus sublinendis pares evaderent.

Denique de Regia prædicti Monasterii fundatione non leve etiam argumentum vel inde desumi potest, quod Neapolitani Principes illud sub Regale suum Mundiburgium receperunt. Id sane liquet ex Diplomate Reginæ Joannæ I. anni 1344., ibi enim sub Regiam suam protectionem recipit *Monasterium S. Benedicti de Salerno Ordinis S. Benedicti, cum omnibus terris, possessionibus, hominibus, vassallis, & quibusvis aliis bonis ad Monasterium ipsum spectantibus*. In prædicto autem Joannæ Diplomate maximum momentum habent verba, quæ ibi occurrunt, *sub nostra protectione suscipimus, & ad curam defensionis nostræ specialiter deputamus*. Inde vero facile intelligitur, cur eadem Joanna I. Diplomate suo ejusdem anni 1344. prædicti Monasterii Abbatem inter suos Consiliarios, Capellanos, ac familiares recenseri jussit.

His ita præstitutis, nemo inficias ierit Monasterium S. Benedicti de Salerno, auctoribus Salerni Principibus constructum, ac dotatum fuisse, & per eosdem Casinensi Monasterio subiectum. Ii vero Summum exercuerunt Imperium per Provincias, quibus Salerni Principatus continebatur. Proinde Curia visum, ad eos Regium patronatum pertinuisse in Monasterium liberalitate sua dotatum; jure igitur veluti per manus tradito eundem patronatum migrasse in Regem Neapolitanum, in quem veterum Salerni Principum reliqua quoque jura migrarunt. Sed si omnia desint, ipsa dotatium bonorum natura suadet, nonnisi a liberalitate Principum prædicti Monasterii dotem proficisci potuisse. Ea enim complectebatur, ut vidimus, Castra, Pagos, & quod caput

Bbb 2 est,

est, Fajani terram, quæ hodieum ab Abbazia possidetur. Visum etiam Curie Regium in Principe patronatum non solum completi facultatem eligendi Abbatem per singulas vacationum vices, eique conferendi jus utendi fruendi redditibus in origine sua Monasterio addictis, sed & Abbaziam novæ formæ subjiciendi, & in alios pios usus, aut in publicam utilitatem convertendi bona, prout ipsius religioni videbitur, inspecta Monasterii commendatione contra fundatorum mentem per Romanam Curiam cæptata, ejusque dissolutione ab ipsa commendatione profecta. Proinde Curia cum voto Domini Regii Consilarii D. Dominici Potenza, ordinarii Consultoris ejusdem, ita pronunciavit: *Abbaziam, seu Monasterium S. Benedicti de Salerno, utpote fundatam, ac dotatam feudis, aliisque bonis ad Principatum pertinentibus, ab antiquis Salerni Principibus, fuisse, & esse Regii patronatus, ac Regalem Coronam redintegrandam, prout præsentis sententia redintegratur in ejus patronatum cum bonis ipsius omnibus, feudis scilicet, Ecclesiis, Grantiis, juribus, jurisdictionibus, præminentis, aliisque pertinentiis suis, & cum jure ad Regem, ejusque in Regno successores spectante eligendi Abbatem Commendatarium in singulis vacationum casibus, quandiu ei placuerit Commendatariorum Abbatum retinere institutum, & cum jure quoque novæ formæ Abbaziam subjiciendi ob insequentam conventualitatis extinctionem, & convertendi bona in alios pios usus, vel publicam utilitatem, prout expedire putaverit. Ne autem jura Regia aliquid usquam detrimenti capiant, præsens Abbazia referatur in libros Curie inter alias Abbazias, & Monasteria, in quæ jus patronatus ad Principem pertinet.*

In causa redintegrationis Regii patronatus in Monasterium, sive Abbaziam S. Maria de Picciano. Die 23. Decembris 1784.

Regii juris patronatus est Monasterium, quod fundatum, dotatumque apparet ab eo, qui

Curie Capellani Majoris Divalibus litteris die 27. Martii 1784. in mandatis datum, ut sententia sua pronunciaret de denuncatione D. Conceptii Zugari, qua is contendebat Regii patronatus esse Abbaziam S. Mariæ de Picciano in Pinenfi

nenſi Diœceſi poſitam, ac proinde Regiam Coronam in ejus poſſeſſionem redintegrari oportere. Proinde Curia citationibus per edictum judicium nunciari curavit generatim omnibus, quorum intereſſe poſſet. In citationum autem edictalium conſequentiam judicio adfuit Procurator Monaſterii Olivetani S. Mariæ de Subſidio Aquilenſis, quod in poſſeſſione controverſæ Abbatix erat, opponens Monaſterii poſſeſſionem, & præſcriptionem centenariam. Ad controverſiæ vero definitionem progreſſa Curia, exhibita per D. Conceptum Zugarum monumenta ante ſententiam de more perpendit.

Primo igitur productum eſt Diploma Bernardi Comitæ Pinnenſis, alio Bernardo de Liuduno prognati, de anno 1049. Eo prædictus Princeps, qui per Comitatum ſuum jure Summi Imperii utebatur, declaravit, ſe procuraviſſe *Monaſterium in Pinne loco nomine Piczano inſtitui, & inſtitutum ſtabiliri, & perpetuo confirmari.* Declaravit quoque, ſe eodem in loco erexiſſe Eccleſiam Beatiffimæ Virgini *Monafficis uſibus aptam*, eamque ſe tradidiſſe *quatuor Religioſis viris videlicet Monachis ibi coadunatis, ut Altiffimo Domino laudes jugiter reſultent.* Enim vero fundacione Eccleſiæ, & Monaſterii non contentus, ejus quoque dotacioni proſpiciendum cenſuit, in eam collatis diverſis prædiis in tractu Pinnenſi in latifundio poſitis, quo ipſum Monaſterium ambiebatur, *ad neceſſarium ipſius ſupplementum, Chriſtiſque ſervorum in ipſo degentium, ſeu illuc undecumque advenſantium, perenne ſubſidium.* Mox deſcripſit prædicta prædia, ejusque fines latiffimos deſignavit. Immenſæ autem latitudinis vel illud argumento eſt, quod in alio ſuo Diplomate anni 1051., quo prædicta fundatio, & dotatio confirmata fuit, diſerte narrat ea prædia paruiſſe *per menſuram modiorum duodecim mille.* Præterea elargitus eſt Monaſterio *Villam Catiani cum dominiſque, & Eccleſiis, & cum uno Molendino, quod eſt ſitum in vortecello, & ſyloam, quæ dicitur Salebutzo, & totam ſyloam Calcareolo: & Eccleſiam S. Pauli, quæ in trivio collemodii eſt adificata: & Eccleſiam S. Laurentii de Candaminiera: & Eccleſiam San-*

Et Martini de Casa Roccella cum Ecclesiis, & hominibus sibi pertinentibus. Horum vero bonorum largitionem firmam haberi voluit, quatenus Fratres, tam hi, qui praesentes sunt, quam & hi qui venturi sunt, famuli Christi habeant ea, & possideant fruanturque jure quieto, ac pacifico, & bodierno die, & deinceps . . . eo scilicet ordine, ut absque ullius controversia regulariter sub norma S. Benedicti degant. Isthæc autem donatio alio ipsius Diplomate ann. 1051. in omnibus ejus partibus confirmata fuit.

Exhibitum etiam in judicio est Privilegium Guilelmi Loreti Comitis ann. 1114. 5. Decembris. Eo Monasterio remitti placuit servitium quodlibet Principi debitum. Eidem concessa Ecclesia S. Pamphili de Spoltore cum pertinentiis suis, absque ullo obsequio.

Præterea aliud allegatum est Privilegium Gozolini alterius Laureti Comitis scriptum mense Dec. ann. 1169., qui Adelitiam Rogerii Regis jam defuncti filiam uxorem duxerat. Is non solum Monasterio confirmavit concessionem omnium retro Principum, atque eas præsertim, quæ factæ fuerant ab Ramberto patre suo, sed alias quoque Ecclesias ei concessit, S. Petri scilicet, S. Mariæ, & S. Lucæ, cum pertinentiis suis in Spoltoris Castro, ac Territorio positis. Eidem quoque concessit Picciani homines, & vassallos omnes, Monasterio remissis quibuslibet servitiis, ac præstationibus ipsi debitis, atque in eos jurisdictionem exercere jussit.

Denique Historicorum auctoritate demonstratum, insequentibus temporibus prædictum Monasterium jussu Romanæ Curiae commendationi fuisse traditum, quo facto fortunam Monasteriorum commendatarum subiit. Nam haud multo post pristinam faciem suam exiit, atque a Monachis est derelictum. Quin anno 1501., prævia renunciatione Abbatis Commendatarii, a Pontifice Alexandro VI. contra fundator mentem unitum fuit Abbatiae S. Mariæ de Subsidio extra Aquilæ pomeria positæ Olivetani Ordinis. Id autem de Monasterio factum, non ut inibi incoherent religiosi homines, qui sub Divi Benedicti Regula Domino inservirent,

ut

ut fundatori placuit; sed ut prædicta Abbatia S. Mariæ redditibus potiretur Monasterii jam dissoluti; & cujus hodie vix rudera demonstrantur.

His omnibus rite perpensis, Regiæ Coronæ Advocatus libello petiit declarari, controversum Monasterium esse Regii patronatus, ac proinde Regiæ Coronæ redintegrandum cum omnibus bonis, juribus, jurisdictionibus, ac integro statu, cum jure tamen per Principem Patronum disponendi de bonis, prout melius pietati, ac religioni suæ visum fuerit, stante antiqua forma a Curia Romana abusive mutata.

His ita præstitutis, cum constet tam aperte de controverso Monasterii fundatione, & dotatione, ob liberalitatem Pinnensis Dynastiæ, aliorumque Principum, qui in nostris regionibus jure Summi Imperii per id temporis utebantur, Curiae visum de eorum patronatu dubitari non posse. Jure enim sive Pontificio, sive civili, jus patronatus fundatione, & dotatione acquiri jubetur. Cum vero in prædictorum fundatorum jura successerit felicissimus Rex Ferdinandus, exploratum est ad ipsum, ejusque in Regno successores, veterum illorum Principum patronatum transmissum esse. Jus vero in ea re Regium nulla temporis præscriptione elidi potest; vulgatum est enim illud, cum in Regno Neapolitano, tum passim in Europa alibi, Regios patronatus nullius temporis præscriptioni subesse. Aliunde sat constat, prædictam fundationem, & dotationem cæptasse Principes, ut in controverso Monasterio exhiberentur Monachi, qui sub Regula S. Benedicti visitarent, quique assiduis pietatis, ac religionis officiis exequendis se devoverent. Liqueat vero, dissoluto jam Monasterio, ac Monachis inde dilapsis, fundationis, dotationis scopum cessasse. Rationi igitur, ac justitiæ perinde adversatur, contra fundatoris mentem, in alterius Abbatie utilitatem Monasterii redditus expendi. Proinde recte quoque Regiæ Coronæ Advocatus petiit libello suo, ut pro arbitrio suo Princeps de veteribus Monasterii bonis statuere possit. Quapropter Curia, cum voto Domini Reg. Consil. D. Dominici Potenza, Consultoris ejusdem, ita pronuntiavit:

Ab-

Abbatiam S. Mariæ de Picciano in Pinenſi territorio, per abuſum unitam Abbatia S. Mariæ de Subſidio Olivetani Ordinis in Civitate Aquilæ, fuiſſe, & eſſe Regii patronatus, ac proinde in ejus poſſeſſionem Regiam Coronam redintegrandam eſſe, quemadmodum præſenti ſententia ea redintegratur in ejus Monaſterii patronatum, bona, feuda, jura, Eccleſias, Grancias, ju- riſdictiones, & alias ejus pertinentias. Declarat quoque Curia, ob mutationem veteris in Monaſterio formæ, & conventualitatis ceſſationem, ad Principem pertinere Regio patronatu ſuo de Monaſterio bonis ſtatueræ, eaque in alios uſus convertere, prout ipſius religioni videbitur. Ne quid autem detrimenti in poſterum Regia jura capiam, Monaſterium deſcribatur in libris Curie inter alia Regii patronatus.

In cauſa redintegrationis Regii juris patronatus in Abbatiam S. Sophia de Benevento. Die 18. Februarii 1785.

Promotor Fiscalis Regalis Coronæ ab ipſo anno 1781. in Capellani Majoris Curia petiit, ut Regii patronatus eſſe declararetur Abbatia S. Sophiæ de Benevento cum bonis omnibus, quæ ad prædictam Abbatiam pertinent; aut quoniam immutata jam foret vetus Monaſterii forma, quod facras virgines complectebatur olim, quibus dotalia ejusdem bona fundationis tempore, conceſſa fuerunt, declararetur ipſum Siciliæ Regem de bonis ejus Abbatia pro arbitrio ſtatueræ poſſe, eique juſ eſſe eorum redditus commutare in alios pios uſus, prout ejus religioni viſum erit. Petitio iſthæc ærariis feudorum, quæ ad Abbatiam pertinent, publice denunciata fuit; per citationes etiam edicto expediri ſolitas de ea certiores facti ſunt omnes quorum fortasſe intereſſet. Cum vero nullus judicio adfuerit, ſecundum Fori conſuetudinem incuſatis contumaciis ad controverſiæ definitionem Curia rite proceſſit.

Ex monumentis ad firmandam intentionem per Promotorem Fſcalem exhibitis aperte conſtitit, Longobardos Principes qui pleriſque olim Regni Neapolitani Provinciis im-

Cum bona dotalia alicujus Monaſterii pertineant ad Principatum, & juſſu Principum delibata ſint ad dotem Monaſterio conſtituendam, ſequitur juſ patronatus deſerri ad Principes dotantes, & ad ipſorum in Regno ſucceſſores; & etiam conſequitur quod mutato rerum ſtatu, & ceſſante objecto donationis, poſſit Princeps patronus in alios pios uſus ea bona convertere.

peritarunt, quo tempore eorum Sedes in Civitate Beneventi constituta erat, controversam Abbatiam fundasse. Nam Gifulfus quidem II. a fundamentis extruendum suscepit opulentum Templum in Civitate Beneventi dicatum Divinæ Sapientiæ, quo pertinet S. Sophiæ titulus ei destinatus. Cum autem mortalitati cedens illud non potuisset absolvere, Arechius, qui post Liutprandum Beneventanum Principatum habuit, Basilicam perfecit eadem magnificentia, qua inchoata jam fuerat. Ei tamen potissima cura fuit prædictæ Ecclesiæ addere Monasterium sacrarum virginum, quas per Benedictinos Casinates Patres regi voluit. Quoniam vero prædictum Monasterium impensiori studio is fovebat, ideo anno Domini 774. longiori Diplomate suo, transcripto in Chronico S. Sophiæ de Benevento, eidem contulit copiosas amplasque donationes, eo locupletato latissimis prædiis in Provinciis hujus Regni positis. Neque tamen Arechii liberalitas adversus Monasterium hic subsistit, is enim insequentis temporibus aliis quoque bonis Monasterium ditavit. Ejus vero exemplum æmulati juniores Longobardi Principes, amplissimis aliis donationibus idem Monasterium sunt prosequuti. Ita factum, ut hodiernum Abbatia isthæc in hoc Regno possideat prædia quidem latissima, ac præter alia, feuda tria cum jurisdictione, Torum scilicet, S. Joannem in Galdo, & Farnetum *Abbatibus* dictitari solitum, quæ quidem corpora nemo inficias ierit ex ipsius Principatus bonis fuisse decerpita, & in veteribus concessionibus contineri.

Enimvero vetus hoc Monasterium opulenter ab initio suo dotatum, post trium ferme sæculorum spatium existentiam suam amisit, & quaque causa id fecerit, dissolutionem subiit. Pro veteribus vero Monialibus, Monachis cessit Benedictinis, iique percipere redditus in sacrarum virginum usus additos. Inde ob opulentas Monasterii opes Romana Curia occasionem arripuit ejus commendandi, ut Abbates Commendatarii ab ea destinati Monasterii redditibus sub imagine legum potiri possent. Ita prædicti Cænobii fatum non fuit diversum ab aliis, quæ commendari fuerunt solita, Abba-

Tom. I. Cur. Cap. Maj:

Ccc tum

tum enim Commendatariorum aviditas causam novæ ipsius dissolutioni præstitit, Benedictinis Fratribus inde dilapsis. Post tot memorati Monasterii vices, anno 1595. Clemens VIII. cum consensu Cardinalis Columnæ per id temporis Abbatis Commendatarii idipsum per unionem adnexuit Congregationi Canonicorum Regularium Salvatoris, ita tamen ut ejusdem Abbatis Commendatarii subjectioni subesset. Atque ea ipsa est præsens controversi Monasterii conditio, ejusque reditus per summam injuriam contra fundatorum leges & mentem, partim Commendatarius Abbas, partim prædicti Canonici Regulares absumunt.

His ita præstitutis, Curia perpendit dotis Monasterio concessæ qualitatem. Perspexit itaque bona omnia ferme dotalia in Regno Neapolitano fuisse posita, eademque bona ad ipsum Principatum pertinentia, fuisse ad dotem Monasterio constituendam inde jussu Principum delibata. Exploratum visum est Curiæ per dotem id genus ad Principes dotantes fuisse delatum jus patronatus in Monasterium, tam ex juris civilis, quam ex Canonum sanctionibus. Jus autem patronatus a memoratis Principibus initio quæsitum *prædictæ dotationis causa*, ad alios transferri non potuit, nisi ad ipsorum successores in hoc Regno. Ut enim vidimus, bona dotalia utpote ab ipso Principatu decerpta ad ipsum Regnum pertinuerunt: Proinde memorati Monasterii patronatus hodie dum ad ipsum Regem Siciliarum pertinet, & cum reliquis Principatus juribus, ipsius in Regno successoribus deferri debet.

Jam vero inter alia patronatus jura imprimis recenseri debet facultas curandi bona dotalia, ac providendi ut eorundem fructus expendantur in usus, quibus destinata fuerunt, & vetandi, cavendi, ne contra foundationis leges absumantur, aut usurpentur ab illis, ad quos neque usus, neque fructus illorum pertinent. Id & cum æquitate convenit, & non minus cum jure Ecclesiastico, quam civili consonat. Sane in *Can. Rationis, caus. 16. qu. 7. Can. 34.* rationi contrarium esse pronuntiatur, Monasteriis piorum funda-

datorum liberalitate dotatis, eorum bona aut ab aliis usurpari, aut in alios converti usus. Sic enim ibi: *Rationis ordo non patitur, ut Monasterium contra voluntatem fundatorum, ab eorum dispositione ad arbitrium suum quis vindicare debeat.* Concilio etiam Toletano ita placuit apud Gratianum eadem *caus. 16. qu. 7. Can. 32. Decernimus, ut quamdiu fundatores Ecclesiarum (id ipsum ad successores extende) in hac vita superstites extiterint, pro iisdem locis curam permittantur habere sollicitam.* Id ipsum statuerunt Christiani Principes. Insuper omnium sit Zenonis Imperatoris Constitutio in *L. Si quis 15. Cod. de Sacrosan. Eccles.* Ibi enim de fundatoribus Monasteriorum, Ecclesiarum, Hospitalium, loquutus Princeps edicit, ut secundum ipsorum voluntatem bona dotalia administrentur. Sic enim ibi: *His vero adimpletis (dote scilicet constituta) administratio fiat secundum ea, quæ his, qui liberalitatem exercuerunt, visa fuerunt, & secundum præscriptos fines.* Quæ quidem sanctio in Synopsi βασιλικῶν lib. 2. tit. 3. cap. 2. ita fuit enunciata: *Ab eo, qui donationis instrumentum confici curavit, ad extruendum vel Oratorium, vel Xenonem, vel Nosocomium, promissa per Episcopos & Oeconomos exigantur: nibilo tamen minus arbitrato suo rem administret. Quæ vero facultas privatis non denegatur, potiori jure ad Principes pertinet, si ipsi, eorumve decessores dotarint Ecclesias. Ex quo recte consequitur, quod mutato rerum statu, & dotationis primo objecto cessante, potest Patronus Princeps in alios pios usus destinare bona.*

Cum igitur veteres Neapolitani Principes bonis e Principatu decerptis sacrarum virginum Monasterium Beneventi dotarint, eo jamdiu dissoluto, exploratum est, primum & unicum objectum opulentæ dotationis cessasse. Quapropter Curie visum ad Regem Neapolitanum, tamquam Patronum, pertinere facultatem secus statuendi de bonis Monasterii dotaliis, illaque in alios pios usus ad publicam utilitatem convertendi, prout ejus religioni æquius melius videbitur. Proinde Curia Ill. & Rev. Capellani Majoris, cum voto Domini Regii Consilarii D. Dominici Potenza ordinarii Consul-

sultoris ejusdem, ita censuit: *Ad Regem Neapolitanum pertinere jus patronatus in antiquissimum Monasterium S. Sophie de Benevento ob opulentiam dotem ab antiquis Beneventi Principibus eidem constitutam in ipsis bonis e Regio patrimonio delibatis. Declarat quoque, inspecta dissolutione Monasterii sacris virginibus destinati, in consequentiam Regii patronatus ad eundem Regem spectare facultatem statuendi in quosnam pios usus ad publicam utilitatem converti oporteat Monasterii redditus, prout ipsius religioni expedire videbitur; proinde bona omnia prædicti Monasterii in hujus Regni territorio posita sequestro poni oportere etiam quod ad fructus, ut expendantur in usus a clementissimo Rege destinandos. Quovero ad bona posita in territorio Civitatis Beneventi, fiat relatio S.R.M.*

In causa redintegrationis Regii patronatus in Monasterium, suo Abbatum Montis Cassini. Die 5. Aprilis 1785.

Cum ex vetustissimorum Scriptorum, & Historicorum testimonio omni exceptione majorum exploratissimum appareat Monasterium aliquod non solum dotatum a Principe, sed tamquam suæ perennitatis illud habitum, non dubitatur admodum de Regio jure patronatus, & Abbatis electio, est Regii juris. Si vero Princeps velit veterem servare formam electionis Abbatum, tum ante electionem requiratur assensus Regius necesse est, & postea debet eundem a Principe confirmari.

Promotor Fiscalis Regalis Coronæ in Curia Capellani Majoris petiit libello suo, ut Regius patronatus redintegraretur in Monachorum Casinensium Monasterium. In eo judicio ipsi Monasterio denunciata lis fuit, atque ab eo consensus petiit redintegrationi præstitus. Terminum probationibus rite præstituto, in eo vetera producta sunt documenta, unde Regius patronatus adprobari posset. Expletis igitur de more judiciorum solemnibus, Curia procedit ad dicendam de re controversa sententiam.

Primum omnium satis constat, Regium in Casinense Monasterium patronatum evinci testimonio Scriptorum omnium, qui Regni Neapolitani historiam literis consignarunt. Neque enim inter eos invenias, qui pro re nata professus haud fuerit, ejus & fundationem, & opulentam dotationem, veteribus Principibus Neapolitanis acceptam referri oportere. Enim vero a Promotore Fiscalis potissima desumpta sunt argumenta a Leonis Hostiensis veteri Casinensi Chronico, in quo res longe diffitorum temporum diserte enarrantur. Ibi præter alia traditur, destructo Longobardorum vi Monasterio

na-

nafterio anno ferme 568. , idcoque Monachis Romam recedere coactis, inde post intervallum annorum 141. eorum paucos in Montem Casinum remeasse, ibique domos sibi construxisse sub regula S. Benedicti victuros. Apud eundem Hostiensem additur in eum montem ascendisse Gisulfum juniorem Liutprandi Regis Longobardorum nepotem, qui Godescalco in Ducatu Beneventano successit: is autem cum perpexisset religiosam Monachorum vitam sub D. Benedicti regula, divino tactus instinctu cuncta in circuitu tam campestris, quam montana eidem Patri Benedicto contulit in scriptis, firmisque denariis in perpetuum eadem posteris habenda concessit, per has videlicet terminationes, & fines . . . una cum omnibus Castellis, Vicis, domibus, Ecclesiis, molendinis, & aquis, ceterisque omnibus, quæ intra prædictos fines tunc temporis habebantur. Quæ quidem bona latissime patentia Monasterio concessa fuerunt juxta adnotata in eodem Chronico, ut Religiosi ipsius cultui mancipati alimenta, & quibus tenerentur haberent.

Idem autem Hostiensis tradit in Chronico, Arechium Beneventi Principem alia prædia Monasterio concessisse in territorio Genfianæ. Eodem autem Leone auctore, ejus filius Grimoaldus ejusdem Beneventi Princeps per præceptum donationis concessit S. Benedicto universa dominicalia sua cum servis & ancillis in eodem territorio Genfianæ, & cellam S. Agapiti, portum quoque Trajediensem, & Vulturensem, necnon & totam piscariam de Civitate Lesina cum ipsa foce sua. Ibi etiam traditur, insequentis porro temporibus Ildebrandum Spoleti Ducem Monasterio concessisse Curtem, quæ dicitur Castrillanum cum omnibus pertinentiis suis in Comitatu Pinnensi, & olivetum in Tromto, loco qui dicitur Turri: in Comitatu vero Marforum, loco qui Paternus vocatur, Curtem quingentorum simul modiorum, & familias multas cum omnibus earum, necnon & aliquos Piscatores in lacu Fucino, cum portu ipsius lacus vocabulo ad Restina, sed & Gualdum suum nomine Cufanum: necnon ulterius Siconem Beneventi Principem aliam Monasterio fecisse concessionem de stuvio, qui dicitur Lauri cum omnibus limitibus, & pisceris suis, & universis, quæ juxta ipsum

ipsum fluvium hinc & inde ad jus sui Palatii pertinebant.

In eodem quoque Chronico ingentes enarrantur alie concessioncs Ecclesiarum, Castrorum, & latissimarum possessionum in Monasterium collatæ a Pipino, Carolo Magno, Lothario, & Ludovico. Indidem quoque constat, Ludovicum adhuc adolescentem Lotharii filium precibus interpellatum ab Abbate Bassatio, ut Italiam peteret, & ejus regiones tueretur adversus incursiones, & calamitates eis a Saracenis inferri solitas, eundem, Italia statim petita, Saracenis debellatis, ac fuis, Beneventum venisse, inibi Longobardis accitis, inter Radilchisium, & Siconolfum, Benevntanum Principatum divisisse; eosdem divisionem a Ludovico factam executioni mandasse, inter se dividentes ipsas Ecclesias, Monasteria, Abbatias, quæ in cujusque territorio forent. Addit autem Chronista: *Hoc tamen Monasterium S. Benedicti, & Monasterium S. Vincentii extra sortem esse decreverunt, dicentes: Hæc Monasteria ad Nos minime pertinent, quoniam sub tutela & immunitate Dominorum Imperatorum Lotharii, atque filii ejus Ludovici constituta sunt.*

Præterea ibidem Chronista narrat, anno 884. Saracenorum opera Monasterium fuisse miris modis afflictum, combustum; ob damnum autem ei illatum, Monachis ab Athenulfo Beneventi Principe concessus fuit Mons S. Eleutherii in Monasterio S. Marie de Cingla, pro pascuis videlicet animalium ipsius loci, necnon, & pro lignis faciendis ad diversas utilitates: fluvius etiam qui dicitur Ete ab ipso ortu suo usque ad fluvium Vulturnum, & deinceps ipsum Vulturnum, usque in pedem prædicti Montis S. Eleutherii, quemadmodum ad jus Palatii pertinuit, ad faciendum in ipsis quicquid ei Monasterio necessarium fuerit. In eodem Chronico Leo addit, Guaimarium Salerni Principem eidem Monasterio concessisse Curtem unam magnam in loco, qui dicitur Rota cum castis, & sylvis, & arbutis, vineis, & castaneis, servis quoque & ancillis, & cum omnibus eidem Curti ex integro pertinentibus, necnon medietatem Curtis in finibus Sarni, loco vocabulo Lanciaria; deinceps vero Landulfum Principem largitionem Monasterio fecisse

*cisse de terris, & fundis in Liburia, loco qui dicitur ad Tre-
fone, cum aqua Saonis fluvii, & ceterarum aquarum, cum ripis,
& limitibus suis.*

In eodem Leonis Chronico traditur, anno 963. Im-
peratorem Othonem Monasterio confirmasse bona omnia a
decessoribus Principibus ei concessa: paucis etiam post an-
nis ab Othone eidem concessum Monasterium S. Angeli de
Barregio cum cellis, & pertinentiis suis: anno quoque 1014.
Casinensi Monasterio Henricum Imperatorem iterum confir-
masse prædicta bona, ac præsertim latissime patentia prædia
ei concessa in Termuli Comitatu. Ibidem memoriæ prodit-
ur anno 1055. Principem Pandulfum juniorem eidem Mo-
nasterio concessisse Castrum, cognomento *Saracenisum*, in
confinio Cominensi cum adjacentiis, & pertinentiis suis: an-
no etiam 1084. a Nortmannis Principibus plurima retulisse
dona, ac per eos ei concessum Monasterium S. Philippi Im-
perialis Tarenti, Monasterium S. Angeli Trojæ, S. Nican-
dri, & S. Anastasii in Calabria, S. Nicolai in Selectano
cum pertinentiis suis. Ibidem quoque liquet, Sigelgaitam
Ducissam cum consensu filii sui Rogerii Monasterio con-
cessisse Cetrarum in Calabria cum portu suo, cum suis per-
tinentiis, & colonis inibi habitantibus, eum ipsum locum,
quem dotis nomine acceperat a suo viro Roberto: anno
quoque 1104. Riccardum II. Capuæ Principem ei conces-
sisse Pontemcorvum, aliosque per id temporis Dynastas ei-
dem contulisse alia Oppida & Castra; anno etiam 1108.
Aquini Comitibus vi potitis Castro Terami Monasterio pri-
dem concessio, ejus defensionem suscepisse Robertum Prin-
cipem Riccardi successorem, atque expulsis Aquini Comi-
tibus, ejus possessionem Monasterio restituisse.

Complures aliæ Neapolitanorum Principum concessiones,
& facta plura in eodem Leonis Chronico enarrantur, unde
certo deduci potest, Monasterium Casinense veteribus Nea-
politanis Principibus non tantum primam existentiam suam
acceptam referre oportere, sed etiam restitutionem post ex-
cidium suum, & dotationem in Terris, Oppidis, Castris,
la-

latifundiis , aliisque bonis ex Principatu decerpitis . Eo accedit tutela Principum Monasterio præstita per ea tempora, quibus aut res Monasterii invadebantur , aut vis adversus ipsum parabatur . Et singulare ejus Monasterii respectu est, quod veteres Latini Imperatores , cum jure Summi Imperii in Italiam ejusque regiones utebantur olim , advertentes tot beneficia in ipsum per se collata , Monasterium appellabant *Imperialem Cameram* , ejusque Monachos *Capellanos Romani Imperii* dicebant .

Sane in prædicto Chronico legitur , anno 1136. dissidentibus Monachis Casinatibus circa Abbatis electionem , electo per aliquos Abbate Rainaldo , qui fidelitatem promiserat Rogrio in Regnum recens adveſto , & a quo ipsius electio confirmata fuerat ; Monachi partis adversæ Lotharium Imperatorem Ravennam usque adierunt . Ibi eorum expostulationibus adversus electionem expositis , Chronista subdit : *Lotharius autem Imperator misericordias motus , necnon & memor , qualiter sub antecessorum suorum tuitione Cassinensis Ecclesia fuisset , multo magis tamen propter odium Regis Rogerii , quem Romano Imperio inimicissimum esse judicaverat , propensior erat apud prædictos Fratres , & juxta tenorem edicti , quod Pipinus , & Carolus Magnus statuerant , illos inter Capellanos Romani Imperii juxta morem antiquum constituit . Cumque Ducem , Principes , ac Marchiones Imperii congregasset , beneficiis prædecessorum suorum Cassinensi Canobio concessa intimabat , & supradictum Raynaldum accusans , manifestum hostem Romani Imperii pronunciat , quoniam Abbatiam ab inimico Romani Imperii sibi confirmatam acceperat , neglecto ac contempto Imperatore , a quo Cassinensis Ecclesia Civitates , Castra , & omnes possessiones acceperat .*

Eodem pertinet , quod ibidem Leo Hostiensis addit , Lothario scilicet Neapolim profecto cum exercitu , cum Castra posuisset prope Melphium , præsentem etiam Pontifice Innocentio , inde Imperatorem ad se venire jussisse Rainaldum Abbatem , sua tutela ei promissa ; ita Abbatem excusso timore ad Castra venisse , a Principe humanissimo fuisse exceptum :

ceptum: & rem ex ejus jussu ita fuisse gestam: Tunc Imperator cum ipso, ac Fratribus, pro D. Benedicti amore magnificenciam ostendit, moxque missa a laere suo Henrico Duce Baohariæ genero suo, & Rodulpho & Othone Palatinis Comitibus, ut tentorium, quod juxta Papilionem Pontificis ipsius jussu fixum fuerat removerent, illudque juxta suum tentorium figerent, mandavit: asserens, cum Casinensis Ecclesia per Carolum Magnum, & Pipinum specialis Camera sit Romani Imperii constituta, nequaquam justum esse Capellanos Imperatoris (Monachos scilicet Casinensis Ecclesiæ) ab Imperatore separari, sed juxta eum suum tentorium figi debere, quod & factum est.

Quæ hætenus sunt enarrata non tantum Regium patronatum in Monasterium Casinense exploratissimum reddunt, sed ostendunt etiam, Neapolitanos Principes prædictum Monasterium habuisse tamquam rem pertinentiæ suæ. Proinde Curiae visum, dubitari non oportere de redintegratione Regii patronatus per Promotorem Fiscalem petita, qui ab ipso Monasterio in suo libello supplici ad Principem est declaratus. Nunc, quod superest, videamus de Abbatis electione, quem quoque articulum petitio Promotoris Fiscalis completitur.

Primum omnium satis constat, in dubium revocari non posse jura Patroni Principis in Abbatis electione si de Ecclesiis Conventualibus agatur, idque ipsarum rerum in hac ipsa Curia judicatarum auctoritate liquet. Enim vero in præsentis controversia Curia advertit. Monachos Casinenses supplici libello suo a Principe petiisse, ut nullo cum Regii patronatus præjudicio, nihil innovaretur contra receptum institutum Congregationis Casinensis, S. Justinæ Patavinæ distictari solitæ. Secundum illud invaluit, ut Abbates Monasteriorum omnium, ex quibus Congregatio constat, non a singulis quidem Monasteriis eligantur, sed ab ipsis Comitibus generalibus, in quæ ritu recepto coeunt Abbates Monasteriorum omnium, & Præses Generalis Ordinis Casinensis. Principi exposuerunt, ejusmodi institutum mirum in modum pacem Monasteriorum juvisse, & Monasticæ disciplinæ ob-

Tom. I. Cur. Cap. Maj.

D d d

fer-

servantiam conservasse; id ipsum obtinuisse hactenus, ita nusquam fuisse turbatam quietem Ordinis; ob ejus instituti utilitatem scilicet, & effectus optimos inde profectos, Regem Ferdinandum Catholicum Diplomate suo anno 1515. ratam habuisse unionem Monasteriorum Regni cum prædicta Congregatione, & in tutelam suam recepisse Congregationem S. Justinae Patavinæ mox Casinensem appellatam, & generatim in Regno introductam. His tandem addiderunt, in sententiis Curiae de redintegratione Regii patronatus in Averfanum Monasterium Divi Laurentii, & S. Michaelis Archangeli Montis Caveosi ejus Congregationis, ob prædictas causas annuente Principe placuisse, ut in præsentium rerum statu a veteri Congregationis ritu non recederetur in Abbatis electione. Exemplo igitur rerum alias ita judicatarum Principem rogaverunt, ut in Casinensi Monasterio idem observaretur. Princeps autem pietissimus Regiis suis literis Curiae præcepit, ut præ oculis haberet sententias suas de prædictis Monasteriis Casinensibus evulgatas, eisque in præsentem controversia uteretur, prout æquius melius videbitur.

Divalium igitur Rescriptorum sententia inspecta, Curia censuit in eo rerum habitu, quod ad formam electionis Abbatis, neque quicquam innovari, neque ea in re a veteri Congregationis instituto recedi oportere. Enim vero ne usquam jura Principis detrimentum capiant in ipsius proprio Monasterio, id ipsum servari visum, quandiu Principi placuerit. Proinde integrum ei sit in posterum uti jurebus, quæ in Abbatum electione ad Principem Patronum pertinent, si futuræ rerum vices id aliquando suaserint. At vero dum servatur vetus Congregationis forma, ante Abbatis Casinensis electionem Principis requiratur assensus, eadem sequuta a Principe confirmetur; Abbas igitur munus suum suscipere nequeat, nisi ejus electio a Principali Numine confirmata fuerit. Quapropter Curia Illustriss. & Reverendiss. Capellani Majoris, cum voto Domini Regii Consilarii D. Dominici Potenza, ordinarii Consultoris ejusdem, ita pronunciavit: *Casinense Monasterium vetustissimum Fratrum Benedictini Ordinis*

nis, magnifice extructum a veteribus Neapolitanis Principibus, atque eorum liberalitate opulenter dotatum ipsius Principatus bonis, fuisse, & esse Regii patronatus; proinde Regiam Coronam redintegrandam, sicut presenti sententia redintegratur, tam in patronatum ipsius Monasterii, quam suarum Ecclesiarum, cellarum, Granciarum, obedientiarum, feudorum, Castrorum, prædiorum, iurium, prærogativarum, quæ quocumque modo ad Monasterium pertinent; cum jure ad Principem pertinente, nempe ut ante Abbatis electionem Regius requiratur & obtineatur assensus, neque electio firmitatem obtineat, nisi a Principe confirmata fuerit, & cum reliquis enunciatis juribus ad Principem Patronum pertinentibus. Ut autem ea in re Majestatis salva sint jura, Castinense Monasterium describatur in libris Curia inter reliqua Monasteria, in quæ jus patronatus ad Principem pertinet.

In causa redintegrationis Regii patronatus in Cathedralem Ecclesiam Thurfi, & Anglonæ. Die 10. Junii 1785.

FRANCISCUS Antonius de Simone causarum Patronus, prævia felicissimi Regis Ferdinandi venia, in Curia Capellani Majoris libello petit, ut in Cathedralem Ecclesiam Thurfi, & Anglonæ Regius patronatus redintegraretur. Proinde citationibus per edictum expediri solitis judicium denunciatum fuit generatim omnibus, quorum interesse fortasse posset, & speciatim Episcopo: quamvis neque Episcopus, neque alii se judicio stiterint. Contumaciis igitur de more inculcatis, ac termino probationibus præstituto, in eo insequentia producta sunt monumenta, unde Regius in prædictam Ecclesiam patronatus facile evinci possit.

Ad Fiscii causam adprobendam allegatum primo fuit Rescriptum Guilelmi II. ann. 1164., quo prædictæ Ecclesiæ ab eo constituta dos fuit concessione Nucaræ feudi nobilis cum omnibus tenementis, & pertinentiis suis, cujus hodiernum possessio est penes prædictam Ecclesiam. In ipsa vero concessione ab eodem Principe cautum, ut Anglonæ Ecclesia sub protectione culminis nostri rerum suarum, & securitate vigeat, & incremento.

Opulentia largitione ex bonis a Principatu decerptis Regii patronatus fundamentum sunt.

D d d 2 Aliud

Aliud insuper Diploma Friderici II. fuit exhibitum, primo Imperii sui anno editum, insertum in Privilegio confirmationis Regine Joanne I., ejusque conjugis Ludovici. In eo memoratus Imperator primo edicit; quod nos intuitu divina retributionis, & pro remedio animarum felicium Regum prædecessorum nostrorum, felicisque memoria Duci Imperatoris patris nostri, intuitu etiam Beata Virginis, in cujus nomine Anglonensis Ecclesia noscitur esse fundata, ipsam Ecclesiam cum omnibus bonis suis sub protectione culminis nostri recipimus. Deinde ei concedit ipsum Anglonæ Oppidum cum tenimentis, & pertinentiis suis, ejus finibus in Diplomate suo accurate descriptis. Ei quoque concessit homines in Oppido Thurfi, & S. Archangeli, & immunes declaravit Anglonensem Ecclesiam, & Prælatos suos, hominesque, & vassallos Anglonæ, ejusque Diocesanos ab omnibus servitiis, talis, collatis, & exactionibus Curie nostræ, & successorum nostrorum, Justitiariorum, Castellatorum, Bajulorum, & omnium Officialium nostrorum, & successorum nostrorum, Comitum, & Baronum, & nihil nobis, & successoribus nostris in prælibatis ejus hominibus, & vassallis ipsius penitus reservantes, præter judicium sanguinis, & quod nobis, & successoribus nostris homagium facient, & juramentum præstabunt fidelitatis. Ea autem Friderici concessio in partibus suis omnibus per Reginam Joannam I., ejusque conjugem Ludovicum confirmata fuit Diplomate ann. 1352.

Productum præterea est Privilegium Ferdinandi I. Aragonii ann. 1468., quo is ab Episcopo precibus interpellatus ei concessit, ut Anglonæ jus esset quotannis celebrari nundinas rerum venalium per dies octo incipiendas a vigilia die Natalis B. Virginis, ita addens in Diplomate suo: quas quidem nundinas prædicto modo futuras francas esse volumus, & exemptas ab omni onere dogana, & cujuscumque alterius servitutis.

Denique, ut omittam alia, exhibitum in judicio est aliud Privilegium Caroli V. ann. 1518., quo confirmavit Episcopali Ecclesiæ Anglonensi concessionem Civitatis Anglonæ cum tenimentis, prædiis, & pertinentiis suis in super-

perioribus Privilegiis memoratis, ita edicens, *ac omnia alia, & singula in prædictis Privilegiis, ad que nos referimus, ac volumus hic haberi, & habemus pro sufficienter insertis, ac si de verbo, ad verbum essent inserti, laudamus, & approbamus, ratificamus, & confirmamus, ac quatenus opus sit de novo concedimus.*

Præterea allegata sunt in judicio documenta, unde liquet, Anglonenses Episcopos eis Privilegiis in judicio usos esse, ea recognosci, & verificari curasse, atque in jure probasse, prædictarum concessionum vigore Anglonensem Ecclesiam possedisse, ac possidere Anglonæ feudum, ac per feudum ipsum exercuisse omnimodam jurisdictionem, excepto sanguinis judicio, ac facultatem quotannis eligendi Nundinarum Magistrum, & omnia alia jura, exemptiones, & immunitates, quæ in prædictis Privilegiis continentur.

Eæ opulentæ largitiones per Neapolitanos Principes in Thurfi, & Anglonæ Ecclesiam collatæ ex bonis e Principatu decerptis, cujusmodi fuerunt Nucaræ feudum, & Anglonæ Civitas, cum concessione jurisdictionis, exemptionum, & immunitatum, quæ tantum a liberalitate Principum proficisci possunt, Regii in prædictam Ecclesiam patronatus fundamentum sunt, atque de eo dubitari non sinunt. Nam, & jus civile, & ipsi beatioris ætatis Canones patronatus in Ecclesias illis addici jubent, qui eas de suo dotarint. Dos autem Anglonensis Ecclesiæ in feudis potissimum est constituta, quæ per decessores Neapolitanos Principes ab ipso Principatu sunt delibata. Inde factum quoque, ut Anglonenses Episcopi, & opulenta alimenta sibi pararint, & Regni Barones evaserint. Proinde Curia visum de Regio in prædictam Ecclesiam patronatu dubitari non oportere. Quapropter Curia Ill. & Rev. Capellani Majoris, cum voto Domini Regii Consiliarii D. Dominici Potenza, Consul-toris ejusdem, omnibus accurate perpen-sis ita pronunciavit: *Episcopalem Ecclesiam Thurfi, & Anglonæ, a Neapolitanis Principibus opulenter dotatam, fuisse & esse Regii patronatus, ac propterea Regiam Coronam redintegrandam esse, ut præsentis sen-tentia*

sentia reintegratur in patronatum prædictæ Ecclesiæ cum bonis suis omnibus, feudis, jurisdictionibus, juribus, prerogativis, & pertinentiis, ac cum facultate ad Principem, ejusque in Regno successores pertinente eligendi, ac nominandi Episcopi in singulis vacationibus, & cum aliis juribus, quæ ad Principem patronum leges, & mores deferri jubent. Præinde ne jura Regia aliquando detrimentum patiantur, prædictæ Ecclesiæ referatur in libros Curia inter alias Cathedralis Ecclesiæ, in quas jus patronatus Principi competit.

In causa particularium Civium Montis S. Angeli super Regio jure patronatus Basilicæ S. Michaelis Archangeli Montis Gargani cum Rev. Archiepiscopo Sipontino. Die 7. Septembris 1785.

Si pro privatorum jure patronatu in Ecclesiis adquirendo legitimi modi sunt dotatio, ac fundatio; magis hæc vim habent, cum de Regio jure questio est; præsertim vero si eas Ecclesiæ Principes restituerint in pristinum.

Cum nonnulli particulares Cives Civitatis S. Angeli Montis Gargani insisterent pro reintegratione Basilicæ, sive Collegiæ Ecclesiæ dictæ Civitatis, & pro inhibitione collationum Canonicatum contra decretum per Curiam Capellani Majoris sub die 26. Aprilis præteriti anni 1784. interpositum, quo fuit ordinatum, quod super omnibus hinc inde deductis, & prætensis in biduo audiantur Partes, & interim citra præjudicium judicii moti pro prætensa reintegratione Collegiæ Ecclesiæ S. Michaelis Archangeli Civitatis Montis S. Angeli ad Regium patronatum, Rev. Archiepiscopus Sipontinus utatur pro nunc suo jure in conferendis Canonicatibus dictæ Collegiæ Ecclesiæ, quoties casus vacationis occurrerit, donec judicium prædictum fuerit expletum.

Et datus fuerit Judex appellationis Dominus Miles U. J. D. D. Franciscus Peccheneda Regius Consiliarius per S. R. M. specialiter deputatus, fuit provisum pariter, & decretum: Bene appellatum pro parte Civium Civitatis S. Angeli, & male judicatum per Curiam Rev. Capellani Majoris in dicto ejus decreto, ideoque declaratum est, prout præsentis definitiva sententia declaratur, Basilicam, sive Collegiatam Ecclesiam sub titulo S. Michaelis Archangeli Civitatis S. Angeli Montis Gargani, fuisse & esse Regii juris patronatus, ac præinde redin-

redintegranda esse, prout præsentis sententia redintegratur, Regiæ Coronæ cum omnibus bonis, juribus, prærogativis, jurisdictionibus, pertinentiis, immunitatibus, Regalibus, aggregationibus, ac integro statu, & cum jure eligendi per S. R. M. dignitates, & Canonicos Ecclesiæ prædictæ, quoties casus vacationis extiterit, atque describendam esse inter alias Ecclesias patronatus Regii.

Etenim Basilica sub invocatione S. Michaelis Archangeli in Monte Gargano constructa, quæ & ipsa Regium sive Imperiale nomen præsefert, an sit juris patronatus Regii, quæsitum est. Advocatus Regiæ Coronæ pro Regio jure exequutive procedi contendit, denegante Sipontino Archiepiscopo. Hinc in judicio appellationis re mature perpenſa, jus Regium ex scripturis apud acta exhibitis vindicandam, ac sacrum testum servandum esse dilucidis documentis firmatum est.

Explorati autem juris est pro privatorum in Ecclesiis jure stabiliendo inter legitimos juris patronatus acquirendi modos fundationem, aut dotationem, sive etiam ditationem recenſeri. Hinc Justinianus Imperator *Nov. 57. cap. 2.* eum habuit pro Ecclesiæ fundatore, aut dotatore, *qui ædificans Ecclesiam, aut etiam aliter expendens in ea ministrantibus alimenta, voluerit aliquos Clericos statuere.*

Ædificationis autem nomine contineri reædificationem collapsæ, sive dirutæ Ecclesiæ, ac præstationem alimentorum Ecclesiæ Ministris dotationis etiam nomine contineri, tum res ipsa, tum Legislatoris verba aperte demonstrant, ac proinde uno, vel altero hujusmodi titulo accedente, jus patronatus ex justitia deberi, manifestum est.

Quæ quum ita sint, si de Privatorum jure patronatus vindicando ageretur, ea quæ in præsentis causa confluunt argumenta, satis superque jus Privatorum firmarent.

Quamvis enim memoriæ proditum sit, ab anno usque reparatæ salutis 663., Basilicam, de qua agitur, penitus everſam fuisse, eamque a Principibus Longobardis in pristinum statum restitutam, atque adfirmari merito possit, ab
ca

ea usque ætate jus patronatus successoribus Principibus ex iustitia deberi; attamen posthabito, quod profuit ab Historicis, argumento, luculentissime patet ex Diplomate Ludovici II. Imperatoris, Basilicam Garganicam pene desertam ab ipso Imperatore instauratam anno 868., bonisque, ac juribus Regalibus dotatam fuisse.

Nam Ludovici Diploma ab ipso Archiepiscopo Sipontino apud acta exhibitum ea continet, quæ hoc ipsum luculenter demonstrant.

Imperialis Diplomatis hæc sunt verba: *In nomine Domini nostri Jesu Christi Dei Eterni. Ludovicus divina ordinante Providentia Imperator Augustus. Dum pro variis temporum adversis plurima bedificiorum, & alia quedam pertinentia Ecclesie S. Michaelis, que Deo Autore sita est in Monte Gargano, vidissemus deserta & ruinea seu dissipata, ne tam famosior Oratorii honor, cultusque vilesceret, ac debita veneratio per incuriam deperiret, divine inspirationis nutu compuncti pro Dei, & S. Michaelis amore, nostreque dilectissime conjugis Angilberge, ac prolix omnisque parentele nostre, necnon salute perpetua; pro nostri etiam statu Imperii, omniumque nostrorum sospitate, ac prosperitate, concessimus in eandem Venerabilem Ecclesiam, cui Ajo Beneventanus Episcopus preeffe videtur, ipsum Castellum, ubi jam dicta sacrosanta Ecclesia sita est, una cum omnibus gastaldianis ibi commanentibus exceptis Ser . . . do . . . & servis singulorum hominum, ut amodo, & deinceps omnes perpetuis temporibus salva sua libertate sint sub defensione ipsius Ecclesie, quatenus a nullo unquam Gastaldio, vel quolibet publico actionario, seu ministeriali molestentur, aut pensionem, aut censum, aut xenia dare, aut quamcumque angariam facere, aut in exercitum ire cogantur, sed sint semper securiter sub cura, & defensione omniique obedientia ipsius sacratissimi Oratorii, ut quod ad Gastaldeos vel in publicam exactionem persolvere debent, hoc persolvant in ipsum sanctum locum, secundum voluntatem, & ordinationem Beneventani Pontificis, sive in pensione, seu in xeniis, & censu, vel angariis, & pro ipsa defensione, quando cogantur a Gastaldio, vel quolibet Actionario publico ire in exercitum,*

citum, sint in obedientia ipsius sancti Oratorii ad restaurandum, & cooperandum queque illic necessaria esse paruerint interius, exteriusque, juxta voluntatem, & preceptionem Beneventani Pontificis, vel eorum, qui ab ipso ibi preordinati fuerint; ita ut ipsis tantummodo, & nulli alteri sint subditi, sive ad pensionem censumque, seu consueta xenia dandum, seu angarias rationabiliter persolvendum, & sicuti dictum est, salva sua libertate in omnibus obediendum, ut & ipsi sub hac defensione quieti permaneant, & prefato sancto loco per eos debitus honor accumuletur, sive per congruas exactiones, seu per necessarias operationes, & devotas obedientias, dum ea exhibent in ipso sancto loco, quæ Gastaldius, seu publicis exactoribus soliti fuerant exhibere. Et ut nullus Judex, aut Scabinus, nullus Exactor publicus, aut Alcionarius quolibet modo, nullusque omnino Gastaldius in prefato sancto, ac venerabili loco placitum ullo modo presumat tenere, nostra presenti funditus interdicimus Imperiali preceptione. Quam nostre preceptionis, atque concessionis immunitatem, quia in perpetuum volumus inviolabilem permanere, ideo ex nostre potestatis auctoritate firmiter censemus, ut si quis contra eam quolibet modo agere temptaverit, vel quicquam inde violare presumpserit, non solum id, quod violaverit, restituendo restauret, sed etiam XXX. libras auri purissimi in ipso sancto loco inivit per solvat, quatenus hec nostra concessio semper firma, & secuta persistat; pro qua videlicet inconcussa nostre pie devotionis concessione volumus, ut omni tempore per singulos dies pro nobis, nostraque dilectissima conjuge, ac prole, omnique parentela, illic Missa canatur, & die, nocteque semper per singulas officiorum horas ter cum propria Oratione Kyrie eleyson dicatur, & in Matutinorum expletione Deus misereatur nostri, ac bore tertie Deus in adjutorium meum, seu Completorium, De profundis ubi, & ubi eternaliter decantentur. Porro, ut hec nostre concessionis immunitas ab omnibus verissima credatur, & inviolabilis conservetur, propria manu eam firmavimus, & bullis nostris roborari pariter precepimus. Signum serenissimi Augusti Domini Ludovici, Ego Ganginus Sacerdos, ac Capellanus jussu serenissimi Augusti Domini Ludovici scripsi. Añ Beneventi Ci-

Tom. I. Cur. Cap. Maj.

Eee

vi-

uitate. Datum IIII. Kal. Junii anno Christo propitio Imperii Serenissimi Augusti Domini Ludovici XX. Indictione IIII. feliciter.

Ex his Diplomatis verbis patet, locum ipsum adeo desertum, & ruinosum, seu dissipatum, ut nonnisi Principis accedente subsidio, in pristinum statum reduci nequiret, ac proinde Imperator, quum ad eam formam Basilicam S. Michaelis reduceret, quæ pro cultu innovando omnino necessaria erat, jure ipse merito fundatoris nomine habendus est.

Accedit, quod Imperator ipse in eodem Diplomate non modo Castellum cum omnibus Castellianis, sed etiam immunitates, sive amplissima bona, & jura fiscalia, quæ in Diplomate recensentur, a sola Majestate profecta in sacratissimum Oratorium Imperiali munificentia contulit, nempe summum ex Principatu pretium concessit, delegata propterea Beneventano Pontifici facultate eorum, quæ interius, exteriusque ad restaurandum, & cooperandum necessaria erant. Quod quippe non alia de causa, quam pro sustentatione ipsius Ecclesiæ, ac Ministrorum, ac pro cultu in posterum servando ab illis usque temporibus fuit constitutum.

Præterea ex Diplomatis sententia evincitur, Imperatorem ea omnia Garganicæ Ecclesiæ contulisse, ne tam famosior Oratorii honor, cultusque vilesceat, ac debita veneratio per incuriam deperiret. Si igitur hujusmodi munimine Oratorii honor, cultusque Ecclesiæ instauratus, ac modis omnibus absolutus viguit, ejusque status redintegrationem nonnisi Imperatori acceptam retulit, jus patronatus successoribus Principibus omnino ex justitia deberi tum jura, tum Canones ipsi proclamant.

Jus enim patronatus inductum est tum aliis rationibus, tum illa præsertim, quam proferunt Canonistæ, ne Ecclesia, in qua non est nec ruga, nec macula, ingrati animi vitio laborare videtur. Sane Franciscus de Roye *Proleg. ad tit. de jure patron. cap. 3. pag. 12.* ait: *Jus patronatus introductum ex virtute gratitudinis, ut nempe ita in perpetuum teneatur Ecclesiæ, quantum suis fundatoribus debeat, ut ita fugiat in-*

ingratitude vitium, in qua nec est ruga, nec macula, ut iis perpetuum sancta literalitatis suae monumentum iis relinquit; sicque fundatores Ecclesiarum in iis jus patronatus habent, quasi autem, quasi aliquam remunerationem suae pietatis, & iustissimum munificentiae suae symbolum in Ecclesiam.

Est & illud in Diplomate Ludovici II. præceptum, nempe ut perenne servitium in Oratorio Garganico expleatur, atque assiduum in eo ministerium exerceatur, idque pro se, conjuge, prole, atque conjunctis; scilicet, ut omni tempore per singulos dies illic Missa canatur, & die noctique semper per singulas officiorum horas preces singulatim descriptae aeternaliter decantentur. Quæ quidem omnia illius temporis moribus, & disciplinæ consentanea sunt, ac fundatoribus Ecclesiarum apprimè conveniunt. Peculiari quippe modo Imperator antiquissimum, ac celeberrimum illud Oratorium desertum, ruinosum, ac pene deperditum, postquam Imperiali munificentia in pristinum honoris statum, cultumque reduxerit, sibi, suisque addixit, ut sacrum solemne quotidie, & preces per singulas Officiorum horas diu noctueque, ut mos erat, solemni ritu ab Ecclesiae ministris celebrentur: ita tamen ut sibi uni Imperator jure merito vindicaret; atque eo modo Oratorium suum, ac suorum asseruit, ut ibi pro se, suisque omni tempore per singulos dies Missa canatur, perinde ac si Basilica, sive Imperialis Capella & esset, & haberetur. Quo itidem factum est, ut deinceps honor Oratorii pro ipso honore Montis S. Angeli acceptus esse videatur.

Hactenus dicta anno reparatae salutis 868. peracta sunt; anno nempe imperii Ludovici II. vigesimo, juxta stylum, qui adhuc sæculo IX. vigeat; ac proinde ab hoc uno monumento titulus juris patronatus aperte colligitur. Et palam est, jus patronatus Regiæ Majestati semel ex justitia debitum, & in Corona, ut ajunt, incorporatum, nulla temporum injuria, nulla Magistratuum oscitantia diminui aliquando, aut deleri posse: quodque postea innovatum est, veteri Regio patronatus fraudi esse non debet; quemadmodum sæpe alias ipsamet Curia definivit.

Ecc 2

Ve-

Verum post tot harum Regionum vicissitudines, ac deperdita monumenta illud eluxit sæculo XIV., ut Joanna Ducissa Dyrrachii, Regni Albanæ, & honoris Montis S. Angeli Domina, Archidiaconum, Archipresbyterum, Primicerium, & omnes & singulos Canonicos Garganicos in numerum Capellanorum domesticorum reciperet, atque aggregaret, hisce verbis, nempe: *in Capellanos, & familiares nostros domesticos recipimus, & aliorum Capellanorum, & familiarium nostrorum domesticorum numero, & consortio aggregamus*: quæ quidem verba aperte demonstrant, Joannam Oratorium Garganicum, sive ejusdem Capitulum domestico Oratorio suo, sive Ministris Palatinæ Capellæ coopere, unire, atque aggregare voluisse. Nunquam enim interdicta Principibus facultas uniendi non capellaniis modo, sed etiam post beneficia investita, beneficia ipsa, quæ pleno jure ipsi Principibus conferendi jus fasque esset. Joannæ Diploma tum a Ludovico ejus viro honoris Montis S. Angeli Domino ann. 1376., tum a Regina Margarita ann. 1400., tum denique a serenissimis successoribus Alphonso, Ferdinando I., & ab Imperatore Carolo V., cujus archetypum apud acta exhibitum est, sigillatim confirmatur.

Illud etiam prætercundum non est, serenissimos retro Principes titulo dominiis honoris Montis S. Angeli insignitos ea potissimum de causa, quod Oratorium Garganicum fama atque honore ceteris anteiret, quod quidem tum ex illis verbis eruitur Ludovici II. Imperatoris, *ne tam famosior Oratorii honor, cultusque vilesceret*, tum ex aliis, quæ supersunt, sequiori ævi monumentis. Quapropter observandum est, quod sicuti dominum pro patrono, ac dominium pro patronatu antiqui Canones idecirco acceperunt, quod fundatores post collata bona in Ecclesias, domini consensum perpetuo retinebant; ita patet usum fuisse Joannæ, ac Ludovici Principum ætate, quorum illa libere usa est jure dominiis, sive patronatus in uniendo Capitulum Garganicum suæ Palatinæ Capellæ, hic, quod uxor statuerat, confirmavit; posteaque successores omnes ad Carolum V. usque id ipsum ratum, fir-

firmumque habuere: atque exploratissimum est, ea, quæ tum Regiæ stirpis Principibus delata fuerunt, in Regum tandem omnimoda potestare, ac dominio coaluisse. Qua de re quum vis, ac potestas Principatus in eo posita sit, ut vere dictum videatur, *Regalia vindicandi eternam esse auctoritatem*, fieri nequit, ut tam præclarum Oratorium, ejusque Capitulum, & Canonici Patrono Principi non ea conferant, quæ privatis patronis nunquam jura, ipsique Canones denegarunt.

Superest, ut ea persequamur, quæ ipsa Joanna *Honoris Montis S. Angeli Domina*, alique Principes in Oratorio Garganicum contulerunt. Joanna in eodem Diplomate suo aliam concessionem complexa est his verbis: *Volentes earundem tenore præsentium eisdem nostris Capellanis ad gratiam amplio- rem, quod de quolibet rotulo quarumcumque rerum venalium, & vini octava qualibet venditoribus rerum ipsarum, in Terra scilicet Montis S. Angeli, & ejus pertinentiis tornensem unum minus quam alii Saculares ementes utensilia ipsa, & omni debeant exhibere, & ut dicti nostri Capellani non priverentur di- ctæ gratiæ nostræ fructu.*

Anno vero 1376. Ludovicus Dux Dyrrachii ad preces Abbatis Angeli Primicerii Garganici, quem vocat devotum Capellanum & oratorem nostrum, pro parte Canonicorum confortiorum suorum Joannæ uxoris donationem confirmavit his verbis: *usque ad nostræ beneplacitum voluntatis gratiam cum subscripta modificatione ejusdem Canonici, & non aliis Clericis duximus de certa nostra scientia concedendum, quod prærogativa præfata ipsorum Canonicorum quilibet rotulum unum cum dimidio carniū, casei, vel piscium, octavas vini tres per diem habeant, & non ultra, & si majorem quantitatem emere voluerint, emant pretio, quo merces communiter venduntur intra præsentibus, durante ipso nostro beneplacito, & non ulterius valituris.*

Accedit, quod Regina Margarita Ducissa Dyrrachii, & Regni Albanæ, & honoris Montis S. Angeli Domina anno 1400. Diplomate suo gabellam, uti vocant, Atrii a Joanna sorore sua Capitulo, & Canonicis Garganicis donatam confirmavit, ac de novo concessit. In quo quippe Di- plo-

plomate adnotanda sunt hujusmodi verba: Sane pro parte Venerabilium virorum Canoniorum, & Capituli Ecclesie S. Michaelis Archangeli de Civitate nostra Montis S. Angeli Capellanorum oratorum, & devotorum nostrorum fuit M. N. humiliter expositum, qualiter dudum Ill. Joanna Ducissa Duratii soror nostra carissima agens in humanis confissa de fide, & legalitate viri nobilis Judicis Matthæi Pulderici tunc sui, & nunc nostri Capitanei, & Castellani dictæ Terræ Consiliarii, & fidelis nostri dilecti Judici Matthæo concedendis de iuribus, rebus, & bonis Curie dictæ Ducissæ quibuscumque personis benemerentibus, & mea quantitate sibi visis concessit per literas suas licentiam, & plenariam potestatem, prout in literis Ducissalibus sibi proinde factis plenius continetur. Qui Iudex Matthæus vigore dictarum Ducissalium literarum pro remissione peccaminum, & salute animæ dictæ Domine Ducissæ proinde agens Gabellam Atrii dictæ Terræ nostræ Montis S. Angeli, illiusque jura, fructus, redditus, & proventus, quæ consistunt in imaginibus præfati S. Michaelis Archangeli, eisdem Canonicis, & Capitulo intuitu personarum ipsorum pro anima ipsius Domine Ducissæ in perpetuum dedit, donavit pariter, & concessit, sic equidem, quod de dicta gabella Atrii, & iuribus ipsius Archiepiscopus Syoninus præsens tunc, & futuri, se non haberet de dictis iuribus impedire Gabellam Atrii dictæ Terræ Montis S. Angeli, cum iuribus, redditibus suis, omnibusque tenore præsentium de certa nostra scientia confirmamus, ipsique Canonicis, & Capitulo præfati gabellam Atrii, illiusque jura, fructus, redditus, & proventus pro anima dictæ Domine Ducissæ, & nostræ, & prædecessorum nostrorum de novo damus, concedimus, & donamus.

Deinde subdit: Concedentes eisdem Canonicis, & Capitulo eorum serie, & de dicta nostra scientia plenariam potestatem, quod possint, & valeant gabellam hujusmodi, illius jura, fructus, redditus, & proventus quolibet scilicet anno vendere, locare, & ad extaleum concedere quibuscumque personis, illam, & illa emere volentibus plus exinde offerentibus pro eo pretio, quo fieri poterit, meliori, præmissis subbustationibus, & servatis

is solemnitatibus, aliisque, quæ in venditione gabellarum & juriur fiscalium requiruntur, & solitæ sunt seruari.

Hic opportune adnotandum est, Reginam Margaritam, quæ uxor fuerat Caroli III. Dyrrachinensis, ac mater Ladislai Regis, ea omnia jura adquisivisse, quæ Joannæ sororis erant, ac Ludovici Principis; proindeque Canonicos Garganicos, uti Capellanos Regios, ac Capellæ Palatinæ coopertatos, ipsam Reginam hoc suo Diplomate agnovisse.

Tum anno 1403. Rex Ladislaus Caroli III. genitoris sui concessionem Canonicis, & Capitulo Garganico factam confirmavit his verbis: *Dudum siquidem clara memoriæ Dominus Carolus III. dictorum Regnorum Rex genitor habens, & gerens specialis devotionis affectum ad Capitulum, & Canonicos sacrosanctæ Basilicæ B. Michaelis Archangeli in Monte Gargano eisdem Canonicis, & Capitulo annuam provisionem unciarum duodecim de carolenis argenti ponderis generalis exsolvendum eis annis singulis in, & super juribus, redditibus, & proventibus Dobanæ salis, ac membrorum Civitatis Mansfredoniæ pro vita, & sustentatione dictorum Capituli, & Canonicorum elemosinaliter contulit, & concessit, prout in literis dicti Domini Regis Caroli genitoris nostri tam gratiosis, quam exequutoriis hæc, & alia plenius, & seriofius continentur Nos enim ad dictam Basilicam, & ejus Capitulum, & Canonicos devotionem, & similem habentes affectum prædictam provisionem annuam super dictis juribus, fructibus, redditibus ipsius Dobanæ salis, & membrorum dictæ Civitatis Mansfredoniæ, prout in prædictis paternis literis continetur: necnon & ipsas literas tam gratiosas, quam exequatorias in nostra Curia originaliter præsentatas, quarum tenorem haberi volumus præsentibus pro expressis, harum serie de certa nostra scientia confirmamus, ac nostræ auctoritatis, & potestatis præsidio communimus. Itaque per hujusmodi nostræ confirmationis literas ipsa provisio annua in dictis Canonicis, & Capitulo perpetuo sit fructuosa, stabilis, & realis, sine diminutione quacumque.*

Privilegia enunciata nempe Reginæ Margaritæ, Ladislai, & Ludovici Ducis Dyrrachii ab Alphonso Rege anno

1443.

1443. confirmata fuere, & de novo concessa.

Tandem Ferdinandus I. Alphonsi Regis Privilegium cum insertis in eo Privilegiis Reginae Margaritae, Ladislaw, & Ludovici Ducis Dyrrachii, quos vocat praedecessores nostros, anno 1457. confirmavit his verbis: *Omnes, & singulas concessiones, immunitates, donationes, exemptiones, franchicias, libertates, literas, Privilegia, & quascumque alias gratias per supradictos retro Principes praedecessores nostros concessas, & concessa, comodum, utilitatem, & beneficium ipsorum Capituli, & Canonicorum concernentes eo modo, & forma, quibus melius usi sunt, & eatenus, quatenus in possessione persistunt, tenore praesentium de certa nostra scientia deliberate, & consulto, ac gratia speciali confirmamus, ratificamus, & approbationis munimine roboramus. Addidit praeterea: Omnibus, & quibuscumque subditis nostris auferimus potestatem sculpendi, & fingendi imagines plumbeas ad similitudinem S. Angeli.*

Quod quidem Privilegium fuit impetratum a Blasio Loca de Asculo Primicerio Garganico, quem Rex Capellanum nostrum vocat tum initio Diplomatis, tum in calce ejusdem ubi leguntur haec verba: *quia per dictum Donnum Blasium Loca de Asculo Primicerium, & Capellanum nostrum nomine Canonicorum, & Capituli &c.*

Tandem Carolus V. Imperator Privilegia omnia Capitulo Garganico concessa, & a Regia Camera prius recognita anno 1536. Imperiali auctoritate firmavit, ac de novo concessit; atque in posterum decreto Collateralis Consilii anno 1690. definitum est, quod eadem Privilegia exequantur juxta eorum seriem, continentiam, & tenorem. Pro nunc vero tam pro annuis ducatis septuaginta duobus ipsi solvi solitis a Regis salinis Civitatis Baruli, quam respectu prohibitionis vendendi statuas, aliasque imagines dicti Archangeli in dicto Monte absque licentia ejus Reverendi Capituli.

Quae quum ita sint, liquido patet, post temporum vicissitudines saeculo labente XIV., non aliunde Ministris Ecclesiae Garganicae alimenta quaesita, quam a successoribus Principibus, nempe a Dyrrachienſi Carolo III. qui ab anno

1382. ad annum 1386. regnavit; idque his conceptis verbis: *pro vita, & sustentatione Capituli, & Canonicorum*, quæ quippe bona Fiscalia pro illius Ecclesiæ Ministris alendis collata sunt elemosynaliter, scilicet *libere, ac sine ullo onere*, qua significatione utebantur medii, ac inferioris ævi Scriptores. Quum Rex itaque concessit bona Regalia *pro vita, & sustentatione Capituli, & Canonicorum*, id diserte indicat quoque titulum Justiniani lege quæsitum.

Hinc aperte colligitur, titulum juris patronatus adeo elucescere, ut si de privati hominis jure quæreretur, non lex modo Justinianæ, sed & Tridentini Concilii dispositio in cap. 12. sess. 14. ad jus quæsitum tuendum omnino sufficerent.

Verum de jure Regio quæstio est; cujus vis, & potestas in Ecclesiis mirum in modum ab ipsis Sanctissimis Episcopis, & sanctioribus Ecclesiæ regulis decantata est. Præ ceteris aureum illud Aviti Archiepiscopi Viennensis effatum memoriæ proditum est; scripsit enim Regi Burgundiæ hæc verba: *Quidquid habet Ecclesiola mea, immo Ecclesiæ nostræ, vestrum est, de substantia, quam vel servastis hactenus, vel donastis*; ubi concinne vir doctissimus adnotavit apud Thomam. part. 3. lib. 1. cap. 35. n. 3. *Principibus accepta feruntur dona Ecclesiæ, quæ vel donarunt ipsi, vel ut donare liceret, concesserunt*.

Præterea non denegatum præsertim Principibus jus patronatus ex eo, quod Ecclesias a manu Infidelium subtraxerint. Illustre extat exemplum Nicolai II. Summi Pontificis in Bullario Romano anno 1060., & Sixtus V. anno 1586. literis Apostolicis ad Philippum II. Hispaniarum Regem, jure debitum jus patronatus asseruit; apud Pirrum *de electione Præfulum Siciliensium* pag. 110.

Qua de re nemo unus inficias ibit, tot titulis jus Regiæ Coronæ quæsitum esse in Ecclesiam Garganicam, nptote pluries a Saracenis everfam, a Principibus restitutam, a Ludovico II. Imperatore in pristinum statum redactam, & bonis, ac juribus Regalibus dotatam, a successoribus novis

Tom. I. Cur. Cap. Maj.

Fff

do-

donationibus auctam, ejus Ecclesiae Ministri a Carolo usque III. bonis Fiscalibus ali, & sustentari jussi, & uti Regii Capellani Capellae Palatinae cooptati; quae quidem praerogativa nunquam in posterum specificè abrogata est, quum ipsi actu Oratione Garganico inservirent.

Postremo loco recensenda cetera, quae supersunt monumenta. Non desunt arma Regalia, non lapidea stemmata, non Chronica, non quamplurima a Regibus, ac Principibus profecta munera, atque alia veritatis vestigia. Extat denique datum die 2. Augusti anno 1755. Catholici Regis Rescriptum in haec verba: *Ha risoluto, che si continni al feudo di Monte Santangelo il titolo di Città, come ezianedio il nome di Basilica a quella Chiesa, per aver goduto quel celebre Santuario la special protezione, e munificenza de' Serenissimi Predecessori di S. M., e per essere stato decorato di molti Regali Privilegij confermati dall' Imperatore Carlo V.*

Ex his omnibus apparet, serenissimos retro Principes variis temporibus triplici jure, nempe honorifico, oneroso, atque utili, quod patronatus complectitur, usos esse, ut vere possit adfirmari, quod quidem privatis competit, nempe per exercitium, ac usum unius altius dumtaxat ex competentibus patrono, quasi possessionem in jure patronatus adquiri. Ceterum Princeps semper retinet supremam Regaliam etiam illius Regaliae, quam in alium trasfert; tunc enim non aliud, quam ipsius exercitium intelligitur esse concessum. Hinc facile patet, cur Regii patronatus, de quo agitur, possessio apud Principem manserit.

Quum igitur pro jure Regio vindicando tot praesto sint argumenta, ut nullus amplius dubitandi sit locus: jura vero Regiae Coronae, ubi pateant, ne momento quidem posse ab aliis detineri, manifestum sit, nisi ab iis, qui causam specificè habeant a Rege; idcirco quum jus patronatus in Basilicam Garganicam Regiae Coronae ex justitia debeat, omnino quidem oportet, ut Capitulum, & Canonici tot juribus Regalibus in eos collatis, privilegiis, atque honoribus suffulti, sub defensione sacri Palatii ab antiquissimis usque tempo-

poribus cooptati, eum colant, & recognoscant patronum Principem, a quo & honorem Oratorii, cultumque instauratum, & alimenta habuere.

Quo factum est, ut, tum ex documentis ab ipso Si-
pontino Præsule exhibitis, tum ex aliis Privilegiis ab Impe-
ratore Carolo V. confirmatis, & in judicio appellationis rite
productis, veritate plenissime cognita, jus patronatus juri-
bus Majestatis inhærens, ab ipsa Majestate non minus ab-
surdum, quam pene impium existimandum sit posse divelli:
ac proinde amoto quocumque detentore, cujus nulla posses-
sio, Regiæ Coronæ vindicandum oportuit. Namque in hu-
jusmodi Regalibus nullam, nisi apud Principem, dari posses-
sionem, apertissimum est. Juris enim operatione fit, ut pos-
sessio apud Principem servetur; alii vero quicumque nun-
quam suo, sed Principis nomine, Regalia detinere possunt;
hi enim in possessione sunt, sed non possident; *aliud est enim
possidere*, Juris. inquit in *L. 10. ff. de adquir. possess.*, longe
aliud in possessione esse; sacra igitur hujusmodi jura impræ-
scriptibilia sunt, sancteque servanda.

His itaque rationibus, jus patronatus in Basilicam Gar-
ganicam, ejusque Capitulum, & Canonicatus Regiæ Ma-
jestati ex justitia deberi, in judicio appellationis pronuncia-
tum est.

*In causa redintegrationis Regii patronatus in Monasterium, seu Ab-
batiam S. Mariæ de Ripalta. Die 18. Novembris 1785.*

IN Curia Capellani Majoris agitata lis fuit de patronatu
celebris Monasterii, seu Abbatie S. Mariæ de Ripalta, quæ
ob decelictionem Fratrum Cisterciensium suppressa in præ-
senti reperitur, & per Romanam Curiam commendata; ab
Abbatibus vero Commendatariis sub annuo censu translata
in S. Severi Cælestinos Patres. Illustris Princeps S. Angeli
D. Placidus Imperialis die 18. Decembris ann. 1779. sup-
plici libello suo Regi clementissimo exposuit, memoratæ Ab-
batie patronatum cum feudo Alexinæ coherere, eum ro-
gans,

Fff 2

gans,

Abbatie & Mona-
stria quibus dos cõ-
stituta est in feudo,
Regii patronatus ju-
dicantur; neque e-
nim feodorum con-
cessio aliunde pro-
fiscisci potest.

gans, ut juberet declarari, ejus spectantiam ad se pertinere, tamquam utilem prædicti feudi dominum. Verum die 26: Januarii ann. 1780. Promotor Fiscalis Regalis Coronæ in Curia petiit libello suo, ut controversa Abbatia Regii patronatus declararetur, atque in ejus possessionem Regalis Coronæ redintegraretur. Cum pluries Regiis literis mandatum Curiam fuerit, ut ea de controversa sententiam rite diceret, termino probationibus prælitato, in quo ab utraque Parte probationes sunt allegatæ, & documenta exhibita, Curia omnibus perpensis, ad dicendam sententiam de more procedit.

Quod ad Principem S. Angeli, is ad fundandam intentionem suam exhibuit Caroli II. Andegavensis Diploma scriptum die 19. Junii ann. 1294. In eo Carolus interpellatus ab Abbate & Fratribus S. Mariæ de Ripalta edixit, se sub clientelam suam Monasterium recipere, eique confirmare: *bona omnia eidem Monasterio concessa olim ex dono Matthæi Comitis Alexina, ac bona infra scripta, jura, immunitates, & libertates indultas, & confirmatas eis per Prædecessores nostros in Regno Sicilia.* Mox descripsit memorata bona, & nulla facta concedentium distinctione, his usus est verbis: *Bona vero prædicta, libertates, & immunitates hæc esse dicuntur, videlicet: Locus ipse, qui dicitur Ripalta, in quo dictum Monasterium ad honorem Beata Maria Virginis noscitur esse fundatum, cum omnibus possessionibus, & pertinentiis suis, tam intus, quam foris, tam terris cultis, quam incultis. Tota siquidem Foresta, Ikla, Gualdo cum omnibus adjacentiis, & rationibus suis. Similiter & locus aquarum, fauces, portus, & omnis proprietas fluminis Fortaris usque ad mare, & infra. Descriptis deinde finibus, quibus Monasterium concinebatur, distincte retulit bona Monasterio donata per Comitem Alexina insequentibus verbis: Item concessiones, & libertates factæ dicto Monasterio Beata Maria de Ripalta per Mattheum Gentilem olim Comitem Alexina, scilicet de angulo, qui est ad caput hospitalis, & imbocaturella piscali cum omnibus jussis pertinentiis, & pertinentiis suis, ita videlicet, quod liceat . . . ejus.*

*ejusdem Ecclesiæ piscari facere in ipsa angulo, & in ipsa im-
bocaturella singulis annis a quatuor temporibus Septembris usque
ad idem Comes in aliis angulis suis ipsius fluminis piscare fa-
ciebat tam in luce, quam in obscuro, nullam troctam, nullum
inde captonem ipsi propterea Comitæ exhibendo de tota piscatione,
quam dicta Ecclesiæ Beatæ Mariæ de supradicto angulo & im-
bocaturella piscali vendiderit: eadem Ecclesiæ platiam deberet per-
cipere, & habere de omnibus, quæ dicta Ecclesiæ per universam
terram dicti tunc Comitæ ad opus suum compararet, vel vende-
ret, prout in Privilegio ejusdem tunc Comitæ eidem Monasterio
indulto plenius continetur. Denique alia bona descriptis ab
aliis Monasterio concessa.*

Præterea Princeps S. Angeli in iudicio allegavit taxam
Baronum Regni, licet incerti temporis, & adhuc non de-
finiti. Ea vero sic habet: *Comes Goffridus Alexina, sicut
dixit. Alexina est feudum VIII. militum: & Porcina est feu-
dum IV. militum: & Ripalta feudum II. militum. Una de
proprio feudo sunt milites XV., & augmentum ejus sunt mili-
tes XVII., una inter feudum & augmentum sunt milites XXXII.
& servientes C., & sicut significavit Raymundus filius Fran-
chaldi, idem Comes Goffridus tenet Casale S. Trifonis feudum
I. militis, & cum augmento obtulit milites II.*

His quidem documentis Princeps S. Angeli adprobare
contendit, Alexinam, Porcinam, ac Ripaltam unam veluti
Baroniam ab initio constituisse, ac proinde Ripaltam Comita-
tus Alexinenfis partem & membrum fuisse; Matthæum Gen-
tilem controversum Monasterium fundasse, ei donato latissi-
mo Ripaltæ feudo, ideoque patronatum in Monasterium Co-
mitatui Alexinenfi fuisse acquisitum. Inde infert, Civitate
Alexinenfi a se acquisita cum juribus patronatus Ecclesiarum,
ad se quoque pertinere oportere patronatum in Ripaltæ Ab-
batiam.

Adversus hæc regerit Promotor Fiscalis, in Diplomate
Caroli II. nusquam legi Matthæum Alexinæ Comitem Mo-
nasterium fundasse, eique Ripaltam concessisse: ibi quidem
enunciari *bona Monasterio concessa ex dono Matthæi Comitæ A-*
le-

lexine, pariterque enunciari *bona infrascripta, jura, immunitates & libertates indultas & confirmatas eis per Prædecessores nostros in Regno Siciliae*. Quod tamen ad bona donata ab Alexinæ Comite, de iis singularem rubricam fieri, ac speciatim indicari, allegato etiam memorati Comitum Privilegio; inter ea vero Ripaltæ concessionem non legi. In Caroli Diplomate memorari quoque bona Monasterio concessa per antiquiores Siciliae Principes; ea vero alibi non inveniri, nisi in præcedenti rubrica, in qua, & Monasterii fundatio, & Ripaltæ concessio ei facta memoratur. Fisco autem non ob stare, affirmari in allata taxa, prædicta feuda penes Comitem Alexinensem fuisse. Nam adversus id excipit Promotor Fiscalis, cum non extet certa epocha & memoratæ taxæ, & fundationis Monasterii, contingere potuisse, ut intermedio tempore publicationis titulo ad Regiam Curiam feuda pervenerint.

Sed ea controversia seposita, perpendi debet, quo jure contendatur, a Matthæo Gentili Monasterio concessio Ripaltæ feudo, Monasterii patronatum feudo Alexinæ fuisse acquisitum. Ad id adprobandum primo ponitur, Alexinam, Porcinam, Ripaltam unam Baroniam, seu Comitatum constituisse, idque significari illis taxæ verbis, *una de proprio feudo sunt milites XV*. At vero potius ex ipsis taxæ verbis inferri potest, ea tria feuda separata fuisse; unumquodque enim diversa & propria taxa descriptum fuit: *Alexina est feudum VIII. militum, & Porcina est feudum IV. militum, & Ripalta feudum II. militum*. Sane si unum feudum ea constituisent, conjunctim omnia describenda fuissent sub una taxa. Neque vero verba, *una de proprio feudo sunt milites XV*, Baroniam, quæ ponitur, unitatem designare possunt.

Potius ad recte interpretanda verba *de proprio feudo*, dici oportet, Goffridum ex genere procerum Nortmannorum fuisse, qui post ann. 1041., Apulia armis parata, Melisium convenientes, eam inter duodecim Principes viros diviserunt, inter quos Gualterius Civitatem retulit, auctore Leone Hostienſi lib. 2. cap. 67. Proinde Gualterium qui Ci-

vi-

vitatem habuit, Alexinæ etiam imperasse oportuit, ejus territorium, ut asseritur in Caroli II. Diplomate, cum Civitatenſi commune erat. Sane ipſe Leo Hoſtienſis *lib. 3. cap. 58.* memoriæ tradit, ann. 1084. Gualterium Alexinæ fuiſſe Comitem; incertum tamen an iſ idem ille Gualterius fuerit, an alius inter ejus liberos. In prædicta etiam taxa a P. Borrello allata cernere eſt, ſub rubrica Civitatis aſſerri tam Goſfridum Alexinenſem Comitem, quam Philippum Comitem Civitatenſem, utrumque cognomento Gentilem, ex liberis fortasſe primi illius Gualterii, inter quos Oppida illa diviſa fuerant. In Regiſtro etiam Roberti Regis, ubi traditur de Matthæo Gentili, qui memoratæ donationis auctor fuiſſe creditur, additur *Comitis Civitatis, & Alexinæ*. Inde autem tuto licet inferre, ſuperioribus temporibus Civitatem & Alexinam penes eundem poſſeſſorem fuiſſe.

Inde igitur enatam oportuit expreſſionem *de proprio feudo* in taxa extantem, cum conſiſt ex P. Borrello, a quo integra ea aſſertur, in ea fuiſſe diſtincta feuda, quæ agnoſcebat Goſfridus *de Domino Rege in demanio*, cujuſmodi erant Peſchutium, Bicarum, Caprilia, Varanum, atque alia in Monte S. Angeli, ab aliis a ſe tanquam propriis feudis poſſeſſis, cujuſmodi erant Alexina, Porcina, Ripalta. Qua quidem ex re deduci poteſt, ea feuda in debellatis Provinciis fuiſſe partem, quæ majoribus ſuis in earum diviſione ceſſerat.

Aliud inſuper argumentum aſſertur, ut evincatur, prædicta feuda unam Baroniam conſtituere. Id eo reddit, Porcinam, & Ripaltam inveniri in territorio Alexinenſi: eorum igitur feudorum unicum, & indiviſum eſſe territorium; id vero liquere ex Diplomate Caroli II., & ex instrumento ann. 1411., quo Regina Margarita donavit Alexinæ feudum S. Virginis Nunciatæ Domui, a qua S. Angeli Princeps cauſam agnoſcit; id ipſum convenire Comitatus naturæ, cui illud inſit, ut individuus exiſtimetur.

Enim vero neque feuda, de quibus agitur, a Principe Supremo aliquo in unum Comitatum fuerunt erecta, neque

ex

ex memoratis scripturis deducitur quod a Principe S. Angelī ponitur. Et sane in Diplomate Caroli II. primum occurrunt verba illa: *ipsum vero Monasterium his finibus circumdatur. In primis ex parte meridiei a flumine Fortoris ascendens per oleastrum quod est parum longe a flumine. Inde vero tantum illud inferri potest, Monasterium ex meridie flumine Fortore circumdari. Verum in finibus porro describendis via memoratur, qua itur a Civitate ad Ripaltam, & additur; & transiens per ipsam viam incipiunt limites, qui dividunt tenimentum prædictum a tenimento Civitatis usque ad partem meridiei. In Ripaltæ vero limitibus alterius describendis subnectitur: Deinde ex orientali parte descendit per ipsam viam juxta commune tenimentum Civitatis, & Alexinæ usque in viam, qua venit a Porcinæ per Barbaranum ad Ripaltam usque ad partem septentrionis, & descendens per ipsam viam juxta tenimentum Alexinæ venit usque ad Vallonem de Conca. Ex quibus sane eruitur, per id temporis territorium Alexinæ, & Civitatense fuisse commune, illudque idem territorium, nunc sub nomine Civitatis & Alexinæ, nunc sub nomine solius Alexinæ, proponi tanquam limitem territorii Ripaltensis, ac præterea per limites suos utrumque territorium fuisse divisum. Quæ quidem evincunt, Ripaltam territorium suum habuisse ab Alexinensi diversum: tantum abest, ut ostendant utriusque territorii unitatem.*

Quod ad instrumentum donationis a Regina Margarita in Domum SS. Nunciatæ collatæ, in eo fines Alexinenfis territorii ita breviter describuntur. *Civitatem Alexinæ itam juxta territorium S. Licandri, juxta territorium Porcinæ, & juxta territorium, seu fluvium Fortoris, & alios, s. qui sunt superiores confines. Verba juxta territorium Porcinæ falsam evincunt assertionem, qua ponitur territorium Porcinæ, Alexinæ, & Ripaltæ unum, & indivisum fuisse: Porcinæ enim territorium distinctum erat. Cum enim in instrumento dicatur, Porcinæ territorium Alexinæ fuisse limitem, necessario inde debet inferri alterum in altero contineri non potuisse. Quæ subjiciuntur verba juxta territorium, seu fluvium Fortoris, accipi*

cipi debent de latissimo illo territorio, quod per id temporis, & hodie quoque *territorium Fortoris* appellatur, in quo sita est pars Ripaltæ; nam pars quidem altera posita est trans flumen. Convenit id etiam cum Diplomate Caroli II., in quo inter alia bona Monasterio concessa connumeratur *omnis proprietas fluminis Fortoris usque ad mare*. Hoc Fortoris territorium designatum in instrumento fuit tamquam Alexinæ limes. Proinde ab Alexinenſi territorio Ripalta fuit exclusa.

Sed & in præſenti controversia ea intercedunt adjuncta, ut a Principe S. Angeli ne peti quidem possit ea territorii unitas. Is enim emit Civitatem Alexinæ juxta descriptionem finium contentam in appretio per Tabularium Gallarantum inito ann. 1730., quæ a probationibus creditorum in judicio factis non differebat. In ea descriptione, secundum quam eum Alexinam emisſe vidimus, diserte dicitur, Alexinæ territorium per plura milliaria terminari a territorio Ripaltæ, atque ibidem memorantur multi limites, qui Ripaltæ territorium ab Alexinenſi dividunt. S. Angeli Princeps eo jure, ea conditione in præſenti possidet, neque alia judicialis declaratio produci potest, qua possessionis suæ causa mutata fuerit. Perperam igitur ab eo petitur patronatus in Monasterium Ripaltæ sub vano illo quidem obtentu, Ripaltæ territorium ab Alexinenſi diverſum existimari non oportere.

Regina Margharita in donatione Alexinæ in Domum SS. Nunciatæ collata, cum in ea patronatus etiam contineri vellet (nam Latislaus quidem in assensu ei donationi præſtando, nusquam patronatum meminit), cum inquam Margharita in donatione sua patronatus etiam contineri vellet, inſequenti formula liberalitatem suam coerevit: *cum beneficiis Capellaniarum, & jure patronatus Ecclesiarum, quæ sunt in Civitate prædicta, ejusque territorio & districtu*. Patronatus igitur extra Alexinæ Civitatem & territorium constituti ad possessorem Alexinæ non pertinent. In venditione vero a Gubernatoribus prædictæ S. Domus, aliisque inita quorum in-

Tom. I. Cur. Cap. Maj.

Ggg tc-

tererat, de patronatu quidem mentio fuit injecta, ea tamen respexit Alexinenſis Matris Eccleſiæ patronatum. Quod ſi ſpecioſus ille in Ripaltæ Monafterium patronatus ad prædictam S. Domum pertinuiſſet, in venditione non fuiſſet omiſſus.

Cum igitur controverſus patronatus ad S. Angeli Principem pertinere nequeat, ad Regem Neapolitanum neceſſario pertinere debet. Nam ſi concedatur, fundationem Monafterii cum conſeſſione Ripaltæ a Matthæo Alexinenſi Comite fuiſſe factam, non vero a deceſſoribus Neapolitanis Principibus, exploratum videtur, Alexinenſem Comitem ex Procerum Nortmannorum ſtirpe fuiſſe, qui regiones Neapolitanas armis partas, Ariſtocratico veluti regimine ab initio conſtituto, inter ſe diviſerunt, unoquoque in Oppida ſibi delata jus Summi Imperii exercente. Sub Rogerio I. quidem Regni formam induerunt Neapolitanæ Provinciæ, memorati tamen Nortmannorum proceres regiones ſuas quique retinuerunt, in eas juribus Majeſtatis utentes, cum obligatione tantum præſtandi Regi perſonalis ſervitii militaris, ubi bellum ingrueret. Is vero habitus rerum Neapolitanarum ſtetit, donec, prædictorum Nortmannorum procerum deficiente virili ſtirpe, ceſſantibus ejuſmodi Dynaſtiis, jura Majeſtatis nuſquam imminuta ad unum Principem redierunt. Ipſa autem Ripaltæ conſeſſio Monafterio facta jure allodii, quod *francum* diſtitiari ſolet, ejuſmodi erat, ut a ſimplici feudatario legibus feudalibus obnoxio cæptari non poſſet. In francum enim allodium ſeuda a privatis concedi nequeunt. Ea enim facultas & jus Summi Imperii ſupponit, & ab eo divelli non poteſt. Ad naturam etiam feudorum accedunt, & inter Regalia quoque referri debent alia, quæ Monafterio conſeſſa memorantur, *lacus aquarum ſcilicet, fauces, portus, & proprietas fluminis Fortoris*. Ea enim ad Principatum pertinent.

Ex diſtis liquet, quod ſi Alexinus Comes patronatum in Ripaltæ Monafterium acquiſivit, quia dotis titulo Ripaltam ipſam jure allodii largitus fuerat, eum tanquam ejus

ætatis Dynasta acquisivit, & jure Summi Imperii, quo suis regionibus imperitabat. Nam eo quidem respectu ea concessio fieri poterat, & sine quo ejus concessio exitum habere non potuisset. Enim vero jura Majestatis isthæc, memoratis Dynastis deficientibus, in Regem Neapolitanum migrarunt. Proinde prædictus patronatus a jure Summi Imperii ab initio natus in Regem tantum Neapolitanum cadere potest, eique necessario debet addici.

Ea de causa Abbatiae, & Monasteria vetera, quibus in feudis constituta dos fuit; in defectu chartarum de fundatione testantium, Regii patronatus sunt judicata. Neque enim fendorum concessio aliunde proficisci poterat, quam a Summa Potestate: seu a Principibus Regia dignitate munitis exercita ea fuerit, seu a Dynastis, qui Majestatis jura in regiones suas habuerunt. Quin licet Monasteria feudis dotata non forent, ubi constitisset dotationem fuisse factam a veteribus Nortmannis Principibus, domini sui latifundiis, aliisque ipsius Principatus bonis, Regii patronatus declarari solita fuerunt; idque actum fuit habito respectu ad ipsam Summam Potestatem, qua ii in suas regiones utebantur. Neque vero ex præsentibus Baronibus quisquam ejusmodi patronatus ad se pertinere contendit. Instar omnium sunt Montis Caveosi Monasterium ann. 1099. fundatum a Radulfo Maccabeo Montis Caveosi Comite, Monasterium S. Anastasii & S. Eliæ de Carbone ann. 1077. fundatum ab Hugone Clarimontis Comite, Ecclesia Cathedralis Bibinensis ann. 1110. fundata a Roberto Lauretelli Comite, Ecclesia Archiepiscopalis Compfana ann. 1161. fundata per Jonatam Compfæ Comitem, quæ judicatæ sunt Regii patronatus effectus: neque præsentibus utilibus Dominis Montis Caveosi, Clarimontis, Lauretelli, vel Compfæ, ullatenus in mentem venit eorum Monasteriorum, vel Ecclesiarum patronatum sibi vindicare.

Quin si fundatio non probetur jure Summæ Potestatis facta, ex rebus quotidie judicari solitis exploratum hodie in Regno est, in defectu heredum fundatorum, patronatum,

ut reliqua jura vacantia, Fisco addici oportere.

His igitur omnibus accurate perpenſis, Curia Ill. & Rev. Capellani Majoris cum voto Regii Conſil. D. Dominici Potenza, ordinarii Conſultoris ejuſdem, ita pronanciavit: *Monasterium, seu Abbatiam Sanctæ Mariæ de Ripalta in Provincia Capitanatæ sitam, fuisse & esse Regii patronatus; ac proinde Regalem Coronam reintegrari oportere, prout præſenti ſententia reintegratur in patronatum prædicti Monasterii, cum omnibus suis bonis, feudis, juribus, granciis, Ecclesiis, obedienciis, privilegiis, jurisdictionibus, & pertinentiis quibuscumque, cum jure ad Principem pertinente eligendi Abbatem Commendatarium, quoſque pati velit, ut redditus Monasterii veteris ab Abbatibus Commendatariis percipiantur, & cum jure mutandi veterem Abbatie formam ob Monasterii suppressionem, & convertendi redditus in alios pios, aut publicos usus, prout suæ religioni videbitur, cum finis foundationis cessaveris: & cum aliis juribus, quæ ad Principem Patronum pertinent. Quo vero ad petitionem Ill. Principis S. Angeli D. Placidi Imperialis, Curia declarat, non esse locum petitis per eundem. Ut autem jura Regia detrimentum non patiamur, prædicta Abbatia referatur in libris Curie inter alias Abbantias, & Monasteria Regii patronatus.*

In causa reintegrantis Regii patronatus in Ecclesiam Sancti Altissimi Sorana Diocesis, Die 1. Decembris 1785.

Cum nulla produci possit a Barone patronatum concessio, præsertim quoad feuda, patronatus ad Regiâ Coronam pertinet.

Nunciatum faustissimo Regi fuit, S. Altissimi Ecclesiam in Arpini Territorio positam in Soræ Diocesi, cum redditibus, & pertinentiis suis, Regii patronatus esse. Per Regiam Majestatem Regiis codicillis Curie mandatum, ut aditis, quos oporteret, ad controversiam definiendam rite procederet. Proinde citationibus edictalibus se judicio sistere jussi sunt omnes, quorum interesse posset. Ita penes acta adfuit Procurator Ill. Principis Plumbini, & Ducis Soræ, isque contendebat, patronatum in prædictam Ecclesiam feudalem esse, atque ad prædictum Principem pertinere, tamquam Arpini Baronem. Exinde Curia examen instituere su-

suscepit documentorum, quæ patronatum seu Regium, seu feudalem possent evincere.

Ad Regium in prædictam Ecclesiam patronatum probandum, fuit ostensum documentis extractis ex Tabulario Regiæ Siciliæ, Carolum II. Andagavensem literis suis Regiis ex Brinnonia scriptis die 2. Augusti ann. 1292. ad Carolum Martellum filium suum, Hungarorum Regem, cum certiores fecisset, se contulisse quibusdam Clericis familiaribus suis subscriptas Capellas nostras ad collationem nostram pleno jure spectantes, cum omnibus juribus, redditibus, & pertinentiis suis; atque inter illas se contulisse dixit Tibaldo de Dufiaco Ecclesiam S. Altissimi de Arpino. Subjecit, se ad ejusmodi collationes processisse irritatis per nos collationibus quibuscumque, si quæ forte factæ fuissent per Dominos locorum prædictorum, vel alios, personis aliis quibuscumque. Inde cernere est, ab iis usque temporibus locorum Barones patronatus Regios usurpare studuisse. Ceterum iis expositis præscripsit Carolus II., ut collationibus a se factis plena exequutio daretur, Clericis prædictarum Ecclesiarum possessione, & reddituum perceptione concessa.

Idem vero Carolus II. aliis literis suis ad eundem Carolum Martellum de eadem Ecclesia S. Altissimi ita statuit: Sicut nobis datum est nuper intelligi, Raynaldus Galarus Miles Regni Siciliae Panetarius Capellam S. Altissimi de Arpino, in qua claræ memoriæ Dominus Pater noster jus patronatus habuisse dignoscitur nosque habere debemus, quæque per eundem Dominum Patrem nostrum cum viveret pluries collata fuisset comperitur, prætextu doni de terra Arpini sibi facti, sibi approprians jus prædictum indebite usurparit, eamque alii pro suo velle contulerit. Nos id pati nolentes, cum intentionis dicti Domini Patris nostri, ac nostræ semper extiterit, quod in concessionibus factis per eum, aut nos, personis quibuscumque, Capellæ hujusmodi, si quæ forent in locis concessis, in manibus Curia servarentur: volumus, ac fidelitati vestræ præcipimus, quatenus statim post receptionem præsentium Capellam prædictam cum juribus suis omnibus de manu dicti Raynaldi, vel cujuscumque personæ ex ipsius

ipſus Raynaldi collatione tenentis, ad manus Curia revocantes; Capellam ipſam faciatis ad opus ejuſdem Curia procurari: de cujus etiam Raynaldi bonis, in prædictæ uſurpationis penam, proventus, & redditus Capellæ prædictæ, totius ſcilicet temporis, quo eam in ſuis manibus habuit, vel alter ex collatione ſua, ut prædicitur, tenuit, exigatis, & exigi faciatis.

Ex allatis literis aperte liquet, Carolum II. in confe-
renda S. Altiſſimi Eccleſiæ, eodem tempore voluiſſe qualita-
tem, & ſtatum prædictæ Eccleſiæ declarare, ea in Regiam
manum reſtita, atque eamdem ab inſaſoris feudatarii pote-
ſtate liberare. Neque quicquam vehementius excogitari po-
teſt expreſſionibus prædicti Principis, quibus edicitur, quæ-
cumque fuiſſet Arpinatis feudi conceſſio, ejus Capellæ pa-
tronatum complecti non potuiſſe, eamque in manu Regia
perpetuo permanere oportere.

Aliis quoque Regiis literis idem Carolus die 27. ejus-
dem menſis Auguſti (incertum eſt enim cur exitu caruerit
prima illa collatio pro Tibaldo de Duſſiaco) eamdem Ca-
pellam conſulit Joanni de Monte familiari ſuo eadem ſer-
me reſciſſoria clauſula, ita enim edixit: *irritata per nos col-
latione qualibet, ſi qua forte facta fuiſſet per Dominum, aut
Dominos loci prædicti, vel alios, alteri perſonæ cuicunque, cum
Regii patronatus eſſet.*

Cum prædictæ Caroli II. litteræ de Regio patronatu
dubitari non ſinant, Dux Soræ ſolito vitiligatorum effugio
eo devenit, ut earum fidei controverſiam faceret. Ut au-
tem earum ſuppoſitionem probaret, obtendit, eas cum ra-
tione temporum non convenire. Ait enim, Colienucii, &
Troili auctoritatem allegans, ann. 1292. Carolum II. Brin-
noniæ eſſe non potuiſſe. Enimvero eam quidem oppoſitionem
confutari non oportet, nam publica regiſtra in Tabu-
lario Regiæ Siciliæ controverſiam pati non debent. Tantum
autem abeſt, ut ob Scriptorum narrationes indubium revo-
cari poſſint, ut potius ipſorum ope eorum errores ſint emen-
dandi, præſertim ſi ejus ætatis non ſint, cujus hiſtoriam
narrant.

Ex

Ex alio documento ex eodem Tabulario exscripto liquet, Robertum Regem anno 1328. præsentasse ad Ecclesiam S. Altissimi Canonicum Simeonem de Spineto familiarem suum, cui præsentationi insequentem declarationem præmisit: *Sane Ecclesia S. Altissimi Soranæ Diæcesis, in qua ex causâ legitimis jure nobis competit patronatus, quamque Banduinus filius Raynaldi de Supino militis huc usque tenuit, propter diversos excessus, & culpas, non sine proditiōis nota commissas per Banduinum eundem, sicut constitit esse notorium, contra Mæstetatem nostram, circa invasionem Regni nostri, cum damnatis hæreticis, & nostrorum hostium nefaria comitiva, ipso Banduino de jure privato, ac per consequens ad præsentationem nostram rationabiliter devoluta &c.*

Ex his quidem verbis Dux Soræ frustra colligit, controversiæ Ecclesiæ patronatum ad Arpini feudum pertinuisse. Ab initio orationis suæ declaravit Robertus, prædictam Ecclesiam Regii patronatus esse. Subnectit eo usque penes memoratum Banduinum fuisse. Id eo pertinet, quod Ecclesia ipsa ei concessa, seu collatione, seu nominatione Regia fuerit: falso autem inde quis inferat, ad ipsum Banduinum patronatum pertinuisse, quem in literis suis Regium Robertus asserit. Ea vero ob proditiōis crimen ille privatus fuerat, itaque rursus Regiæ nominationi, seu collationi locus patuit. Perperam vero jactatur, prædictum Banduinum Arpini fuisse Baronem, cum ea de re nusquam monumenta appareant. Si vero ponatur eundem prognatum fuisse Raynaldo illo Galardo, cujus in literis Caroli II. fit mentio, quamvis persona diversimode indicetur, eumque patronatus usum attentasse, idem alterius usurpationis reus fuisset, & merito puniendus ob ejusdem Caroli mandata contempta.

Producta ex vetustissimo Regiæ Siciliæ Tabulario documenta Partis adversæ argumenta refellunt, neque de Regio in controversam Ecclesiam patronatu dubitari sinunt. Sed transeamus ad documenta per Ducem Soræ allegata, qui contendit, patronatum feudalem esse, utpote, ut ipse ait, pertinentem ad Arpini feudum.

Is vero primo allegavit Regias literas Ladislai Regis scriptas anno 1404. Ibi legitur, Mazzeum Puldericum libello suo Regi asseruisse, se quatuor Ecclesias possidere, quas inter Ecclesiam S. Altissimi numeravit, ad se delatas ex præsentatione Jacobi Estendardi, ad quem patronatus pertinebat. Sacerdotem vero Nicolaum de Jannotto plurariam earum sibi possessionem turbare, & ab eo in perceptione reddituum negotium sibi fieri; ea autem de causâ a Rege implorasse præsidium Capitulorum Regni, ut possessionis commodis uti pergeret; Regem porro literis suis ad Arpini Capitaneos, Camerarios, Bajulos, Judices, prædictum Capitulorum præsidium ei concessisse. Posito igitur, prædictum Jacobum Estendardum Arpini Baronem fuisse, inde Dux Soræ ait deduci posse, controversam Ecclesiam ad Arpini feudatarium, tamquam feudi partem pertinuisse.

Enimvero ex prædictis literis id inferri non potest. Eæ enim omnino innituntur Mazzei Pulderici assertionem circa possessionem, in qua se dixit esse, neque Rex disquirendum censuit, num patronatus aut omnium, aut alicujus ex prædictis Ecclesiis, ad Jacobum Estendardum pertineret. Futile est autem quod addit Dux Soræ, Regem scilicet omnia recte perpendisse ob verba a Principe adhibita *provida, & interna discussione*. Ea enim quovis alio pertinent, ut ex insequenti contextu liquet. Sic enim ibi: *Nos igitur provida, & interna pariter discussione pensantes, quod se caritas extendit ad omnes, & in repellenda injuria, non inferenda lex virtutis assumitur*. In ea igitur assertionem Principi id unice in mentem venit, turbatis in possessione sua denegandum non esse manutentionis præsidium, ut in Regni Capitulis cavebatur, neque examinandum suscepit, num Jacobo Estendardo præsentandi jus esset. Et sane post enunciata sanctionem Caroli II., ut concessio feudo, prædicta Ecclesia in Curie manu foret, apud Jacobum Estendardum prædictæ Ecclesiæ patronatus esse non potuisset, nisi ubi ostendisset, eum speciatim sibi concessum. Sed & ea concessione posita, ipsâ Duci Soræ prodesse non potuisset; memorati enim Estendardi

dardi linea extincta, Arpini Oppidum ad Fiscum rediit.

Præterea ex fide extracta ex repertorijs Regiorum quinternionum ostendit idem Dux Soræ, anno 1533. Carolum V. Imperatorem Francisco Mariæ de Rovere Urbinati Duci donasse Ducatum Soræ, & Arcis, qui ab eodem Duce possidebatur ob concessionem Philippi de Croy ei factam *cum ejus hominibus, vassallis, Castris, Oppidis, Terris, Casalibus &c.* Ostendit autem, in concessione jurium in eum translatorum clausulam quoque comprehensam, *cum juribus patronatus Ecclesiarum.* Supponens vero, inter Oppida a Ducatu Soræ pendentia Arpinum quoque comprehensum fuisse, inde infert, translato Soræ Ducatu venditionis titulo ab Urbini Ducibus in majores suos, se validam quoque concessionem habere in Ecclesiam S. Altissimi patronatus.

At vero posito, tempore prædicti Privilegii Arpini Oppidum in Ducatu Soræ fuisse contentum, nil quicquam prodesset simplex illa clausula *cum juribus patronatus.* Nimirum totus contextus ita se habet: *cum censibus, angariis, perangariis, servitiis realibus, & personalibus, possessionibus, vineis, arbusibus, stariis, querquetis, forestis, herbagiis, glandagiis, defensis, clausuris, demantiis, molendinis, baptinderiis, aquis, platheis, juribus platbearum, & correturæ, gabellis, datis, doganis, scannagiis, portulanis, mercatura ponderum, & mensurarum, bajulationibus, bonis mortuiis, & vacantibus, juribus patronatus Ecclesiarum &c.* Formula vero isthæc ex Cancellariæ stylo omnibus feudalibus concessionibus adnecti solet. Eo autem accedit, in allegato Privilegio clausulas omnes fuisse coercitas per solemnia investiturarum verba, *prout sui prædecessores tenuerunt*, quemadmodum in aliis Privilegiis coerceri solent per formulam, *si qui, vel si qua sunt.* Ut igitur Privilegii formulæ intentionem Illustris Ducis firmare possent, ab eo ostendi oporteret, ut decessoribus Philippi de Croy ipsius patronatus controversi concessio facta fuerit, non vero vaga, & generalis illa concessio, accepta referenda Regiæ Cancellariæ stylo. Cum enim Ecclesia S. Altissimi ad patronatum Regium pertineret, ex Regis Caroli II. sanctione
Tom. I. Cur. Cap. Maj. Hh h Etione

etione quacumque generali concessione comprehendi non poterat.

Verum frustra ponitur, Arpini Terram in Soræ Ducatu fuisse comprehensam. Anno 1533. quo prædictum Privilegium fuit obtentum, Arpini Oppidum non possidebatur neque a Philippo de Croy, neque ab Urbini Duce, sed a Ferdinando Francisco de Avalos, tamquam in Aquini Ducatu comprehensum. Id liquido constat a confirmatione ab ipso Carolo V. facta anno 1517., ejusque matre Regina Joanna, qua Aquini Ducatus confirmatus fuit prædicto Ferdinando. Ibi enim in feudotum enumeratione ad prædictum Ducatum pertinentium Arpini etiam Oppidum recensetur, ut ostensum documento extracto ex iisdem repertoriis Regiorum quinternionum. Aliunde Urbini Dux, Soræ possessor anno 1536. Carolum V. precibus suis interpellavit, ut ob ejus Ducatus exiguos redditus, ei concederet Soræ fiscales functiones, & feudorum a Sora pendentium, quas Imperator sibi reservaverat: id vero ei concessum. In Imperatoris enim Diplomate ei concessæ leguntur fiscales functiones Civitatis, & Terrarum prædictarum, Soræ, & Arcis, Brocchi, Campli, Castellucii, Fontana, & Insule. Ibi autem non memoratur Arpini Oppidum, ut liquet ex documento ab ipso Duce Soræ allegato.

Id ipsum vero in dubium revocari nequit. Ipsi scilicet decessores Ducis Soræ ann. 1579. Ducatum Soræ emerunt ab Urbini Duce. Anno etiam 1583, ab Alphonso de Avalos Vasli Marchione Aquini Baroniam emerunt. In Aquini autem emptione speciatim comprehensum fuit Arpini Oppidum: id ipsum vero in Ducatu Soræ comprehensum non fuit, ut liquet ex taxa adhuc, ad quam faciendam memoratæ sunt Soræ, Arcis, Fontana, Castellucius, Insula, & Broccus: Arpini nusquam in ea mentio. Eo autem jure, ea conditione Dux Soræ prædicta feuda in præsentî possidet.

Cum igitur nulla usquam concessio patronatuum producta fuerit, quod ad Oppida, quæ Aquini Baroniam constituunt; omni destituitur fundamento Dux Soræ, quo vindicare

care possit patronatum in Ecclesiam S. Altissimi Arpinatis, qui a pluribus retroseculis, tamquam Regius, ad Regalem Coronam pertinuit. Cum vero nullius momenti videri debeant alia pro ejus petitione in judicium deducta, eaque ne confutari quidem oporteat, controversum patronatum Curia Ill. & Rev. Capellani Majoris sententia sua Regiæ Coronæ addicendum censuit. Ea de re cum voto Regii Consiliarii D. Dominici Potenza Consultoris ejusdem, ita pronunciavit: *Ecclesiam S. Altissimi Arpinatis in Diocesi Soræ, fuisse & esse Regii patronatur, ac proinde Regalem Coronam redintegrandam, prout præsentis sententia redintegratur in prædictum patronatum cum omnibus bonis, juribus, & pertinentiis suis; atque ob destructionem pridem Ecclesiam, cum jure convertendi bona in alios pios, aut publicos usus, prout equius melius suæ religioni videbitur: atque ea de causa prædictæ Ecclesiæ bona sequestro poni oportere, etiam quoad fructus. Respectu vero deductorum per Ill. Ducem Soræ, Curia declarat, non esse locum petitis per eundem. Ne vero Regia jura detrimentum quandocumque patiantur, Ecclesia S. Altissimi describatur in libris Curie inter alias Ecclesias Regii patronatur.*

In causa declarationis Regii patronatus in Canonatus Ecclesiæ Collegiata Vallatæ Civitatis Pedimontii. Dis 20. Decembris 1785.

LIs instituta fuit de pertinentia patronatus seu Canoniciatum, qui anno 1719. erecti fuerunt in Ecclesia Collegiata Vallatæ Pedimontii, & sex aliis ibi existentibus annexi. Prædictum patronatum sibi vindicarunt Dux Laurentiani utilis Pedimontii Dominus, ejusdem Civitatis Universitas, Æconomi Capellarum SS. Annuntiæ, & SS. Sacramenti in eadem Collegiata erectarum; Episcopo Alifano etiam intercedente, qui contendebat prædictos Canonatus ad suam liberam collationem pertinere. Re in Regali Camera S. Claræ rite discussa, & ad felicissimum Principem relatione missa, is Regiis literis sub die 12. Maji 1785. declaravit, prædictos Canonatus, utpote anno 1719. dotatos, & fundatos

Hhh 2.

Cum desint heredes fundatorum, patronatus Fisco addici debet; & cum bona laicalia conversa sint in Ecclesiastica sine Principis licentia, eaque deinde sola Principis ejusdem indulgentia acceperint suæ legitimæ substantiæ sequitur, ut ea Principis indulgentia sit positivum fundamentum Regii patronatus.

bonis laicalibus prædictarum Capellarum, quæ antea Confraternitates erant, perperam, & contra jus publicum erectos fuisse, & irritum ab initio fuisse Canonicatum ita erectorum negotium; bona enim prædictarum Confraternitatum siue venia Principis in Canonicatum dotem converti non potuisse; id injurium adversus Principis Majestatem fuisse, ad quem tantum pertinere poterat commutare voluntatem testatorum, qui memoratis Sodalitiis ea bona donassent. Ibidem declaratum, frustra contendere Laurentiani Ducem prædictorum Canonicatum patronatum ad se pertinere; neque enim eum fuisse fundatorem prædictarum Confraternitatum, quas in præsentî prædictæ Capellæ repræsentant, sed simplicem protectorem.

Per clementissimum autem Principem intellecta etiam instantia Advocati Regalis Coronæ, qua petebatur a patronatu prædicto ipsam Pedemontii Universitatem excludendam esse, quippe quæ nil de suo ad Canonicatum fundationem contulisset; pariterque memoratas Capellas, quippe quæ ob saluberrimas de vetita admortizatione leges acquirere nequeant; Canonicatum etiam collationem neque ad Episcopum, neque ad Datariam Romanam pertinere posse, eosque Regii patronatus declarari oportere, eo magis quia Pedemontii Universitas qualecumque jus suum Fisco renunciavit in consilio publico habito die 30. Decembris 1783.: proinde eodem referipto piensissimus Princeps perpensens, cum religione sua non convenire prædictorum Canonicatum abolitionem, cum detrimento sacri servitii per Canonicos incolis præstari soliti; statuit eos sustineri oportere; excluso autem a petitione sua Laurentiani Duce, & a collatione tam Episcopo, quam Dataria Romana, Curia Capellani Majoris de justitia provideat, audito Regiæ Coronæ Advocato, & ratione habita renunciationis per Universitatem in publicis Comitibus factæ die 30. Decembris 1783. Si Curia autem videretur, prædictos Canonicatus sanatoria indigere ad subsistentiam suam, ob nullitatem eis ab initio hærentem, eam a Principe de more postulare.

Cu-

Curia igitur actis expensis, & a Partibus allegatis mature discussis, rite controversiam definiendam suscepit. Et primo quidem Curia perpendit, necessariam non esse Principis novam indulgentiam ad sustinendam Canonicatum erectionem irritam ab initio. Cum enim Principi placuerit, ut, non obstante nullitate erectionis, Canonicatus subsisterent, simplex hoc Principis placitum sufficere censuit ad contrariam erectionem firmandam.

Deinde, cum exploratum sit contrarios Canonicatus fuisse crectos fundis præstitis ab antiquis Confraternitatibus SS. Annuntiæ, & SS. Sacramenti, Curia censuit absurdum esse liberam eorum collationem vindicare Episcopum, aut Datariam Romanam. Ut enim nihil dicatur de jure civili, ipsum jus Pontificium in *Cap. Nobis, de jure patron.* diserte cavet, sola Ecclesiæ, aut Ecclesiastici beneficii fundatione jus patronatus acquiri. Cum autem neque Episcopus, neque Romana Curia memoratos Canonicatus fundarit, neque Episcopus, neque Dataria Romana controversum patronatum sibi potest asserere.

In controverso autem patronatu adjudicando, excluso jam Ill. Laurentiani Duce, perpendit Curia, non amplius existere Confraternitates, quæ dotem Canonicatibus constituerunt, easque a nemine representari posse, quasi subingressione jure ad eum patronatus pertineat. Capellæ enim, quæ extant hodie sub titulo SS. Annunciationis, & SS. Sacramenti, ab extinctis illis Sodalitiis sunt diversæ. Quin eæ ne acquirere quidem hodie patronatum possent ob novissimas de amortizatione leges. Controversus patronatus potiori jure pertinere potuisset ad pios illos testatores, qui in alios pios usus Confraternitatibus legarunt fundos, quos illæ contra eorum voluntatem in Canonicatum dotem transfulerunt. Sed de eorum heredibus nusquam liquet. Ipsi autem Universitati jus nullum est patronatum sibi asserendi. Ea scilicet pro intentione sua firmanda non aliud allegat, nisi se solere, quo jure non constat, eligere Gubernatores prædictarum Capellarum Annuntiæ, & Sacramenti. Id vero ad pa-

patronatum Universitati prodesse non potest; si enim ipsis Capellis patronatus acquiri non potuit; earum Capellarum intuitu ipsi Universitati acquiri nequit. Eo accedit quod Universitas ipsa, perspecta sui juris insubsistentia, in publicis Comitibus 30. Decembris 1783. Canonatus Regali protectioni subiecit.

His omnibus igitur in controversum patronatum jure carentibus, videndum superest, an deferri oporteat instantiæ Advocati Regalis Coronæ, qui petit, prædictos Canonicatus Regii patronatus declarari. Ejus petitio duplici fundamento innititur. Primo enim desunt heredes testatorum, qui prædictis Sodalitibus legarunt fundos, quibus controversi Canoniciatus fuerunt erecti, desunt quoque personæ, quæ subingressæ videri queant in jus qualecunque Confraternitatum jam extinctarum, quæ prædictis bonis Canoniciatibus dotem constituerunt. Ii igitur, ut reliqua bona, & jura vacantia, Fisco debent addici. In articulo enim patronatus sexcenties definitum est, deficientibus fundatorum heredibus, patronatus Fisco addici oportere.

Deinde prædicti Canonicatus ab initio inutiliter constituti ob commutatam testatorum voluntatem per privatos homines non sine Majestatis injuria, & ob conversa licalia bona in Ecclesiastica beneficia sine assensu Principis, sola Principis indulgentia legitimam subsistentiam acceperunt, is enim clementia sua confirmavit erectionem illam ab initio nullam. Si igitur Canonicatus neque subsistere possunt, neque bona possidere, nisi ob Principis voluntatem; qui, qui pollet humanitate, Canonicatus subsistere jussit, perinde res est, ac si Canonicatus existentiam, ac bona acceperint a manu ipsius Principis; adeoque ea Principis indulgentia ejus patronatus potissimum est fundamentum. His igitur perpensis, Curia Ill. & Rev. Capellani Majoris, cum voto Regii Conf. D. Dominici Potenza Consultoris ejusdem, ita pronuntiavit: *Sex Canonicatus erectos an. 1719. in Ecclesia Collegiata Vallatae Pedimontii, qui ob solam Principis indulgentiam subsistunt, non obstante eorum abujosa erectione, Regii patronatus esse.*

46

ac proinde eorum patronatus juribus Majestatis adjudicetur, cum omnibus pertinentiis suis, ac præsertim cum jure eligendi, & nominandi Canonicos in singulis vacationibus, ac cum aliis juribus, quæ pertinent ad Patronum Principem. Quapropter prædicti Canonici describantur in libris Curiae inter reliqua beneficia Ecclesiastica Regii patronatus.

In causa redintegrationis Regii patronatus in Cathedrali Ecclesia Trojanam. Die 4. Martii 1786.

ANno 1785. mense Martio Franciscus Antonius de Simone caufarum Patronus, divalium litterarum præcedente venia, in Curia Capellani Majoris libello petiit, ut Regius Patronatus redintegraretur in Ecclesiam Trojæ Cathedrali, utpote prædiis late patentibus dotatam liberalitate Principum, qui Neapolitanis Regionibus imperitarunt. Proinde editales citationes expediri fuerunt, ut judicio adessent omnes, quorum interesse posset. Contumacius autem de more incusatis, probationibus terminus præstitutus fuit, atque in eo ab actore ad firmandam intentionem suam allegata sunt documenta. Judicio igitur rite ordinato, Curia ad sententiam procedendum censuit.

Producta autem monumenta ejusmodi sunt, ut de Regio in prædictam Ecclesiam patronatu dubitari non sinant. Primo enim fuit exhibitum Diploma Rogerii cognomento Burse Roberto Guiscardo prognati, scriptum mense Martio anni 1092., quo is concedit Trojæ Ecclesie, ejusque Episcopo Gerardo Ecclesiam Sanctæ Mariæ de Arato, & Casale, & ejus Villanos quomodo ibi sunt, & venturi sunt, & cum omnibus pertinentiis sibi a patre meo concessis, quorum fines, & termini hi sunt &c. Animadverti autem oportet, ob concessiones prædictæ Ecclesie a Roberto factas jam inde Rogerium ejus filium in eam jura Patronatus exercuisse per ipsam Episcopi electionem. Hæc enim in Diplomate occurrunt: *Concedo Trojanæ Ecclesie, & Domino Gerardo venerabili Episcopo, qui nunc prædictæ Ecclesie præest, quem ego favente Trojano Cle-*

Cum liquido constet aliquâ Ecclesiâ dotatam feudis, vel bonis a Summa Potestate manantibus fuisse, in dubium revocari nequit eisdem Principibus jus patronatus.

Clero, & principali, & presente, & cooperante Legato S.R.E., cui Trojana principaliter subiecta est, in Pontificem elegi, Ecclesiam S. Mariæ de Arato &c.

Aliud exhibitum est Diploma Ducis Rogerii mensis Maji anni 1092., in quo ostendens se velle sanctæ & venerabilia loca Beneficiis necessariis dotare, concessit prædictæ Ecclesiæ, & eidem Gerardo Trojanæ Sedis venerabili Episcopo Casalem, qui dicitur S. Laurentius in Carminiano, cum omnibus rusticis tam præsentibus, quam futuris, & cum omnibus pertinentiis suis, quorum fines, & termini hi sunt &c. Hunc igitur Casalem, qui dicitur S. Laurentius in Carminiano, cum omnibus terris, quæ infra superscriptos terminos concluduntur, & cum omnibus rusticis, qui modo ibi habitant, & qui aliquando habitaturi sunt, do & concedo Sacræ Trojanæ Ecclesiæ, & tibi Domino Gerardo venerabili Episcopo, & omnibus successoribus tuis in perpetuum habendum, & possidendum liberum & absolutum ab omni contrarietate mea, vel heredum & successorum meorum.

Neque vero prædicti Principis in eandem Ecclesiam munificentia hic substitit. Anno enim 1105. tertio suo Diplomate eidem Ecclesiæ in augmentum dotis concessit prædia latissime quidem patentia. Ita in Diplomatis epigraphæ: *Donatio facta per Rogerium Ducem Guillelmo Episcopo de augmento terrarum, & tenimenti S. Laurentii in hæc verba*. Mox ita subdit: *Dono & concedo S. Trojanæ Ecclesiæ, & tibi Domino Guillelmo Trojanæ Sedis venerabili Episcopo, tuisque successoribus in perpetuum Terras, quarum fines & termini hi sunt &c.* Ex latissimo autem finium, & terminorum ambitu, cernitur inter eos comprehensa fuisse maximæ extensionis prædia, ac speciatim quæ dicuntur hodie feuda Montis Calvelli, & pectia S. Nicolai in locatione Pontis Albaneti, quæ carros, quos vocant, ferme quinquaginta patent, quæque secundum Apuliæ mensuram jugera faciunt mille octingentum, & unde ducati pro mercede redeunt ultra duo millia.

Præterea producta sunt vetera documenta, unde liquet, statim ab initio Trojanos Episcopos ex prædictis concessionibus utilitatem maximam perceperisse. Labet ea de re veterem.

rem chartam hic exhibere. Ea sic habet: *Præceptum hominum de Monte Arato. Ego Ubertus Trojanæ Sedis Episcopus concedo & annuo omnibus hominibus habitantibus in Monte Arato præsentibus, & futuris domos ædificare, vineas, & arbores plantare, terras laborare, ovium pascua, porcorum, atque armentorum habere. In eadem vero charta ab ipso anno 1100. constitutæ fuerunt præstationes, quas homines Montis Arati persolvere oportebat Episcopo, & successoribus suis.*

Alia vetus charta sic habet: *Pañum inter Trojanam Ecclesiam, & homines S. Laurentii. Ego Ubertus Trojanæ Sedis Episcopus firmissimo pacto concedo & annuo omnibus hominibus Casali S. Laurentii, quod Carminianum vocatur, tam præsentibus, quam futuris, quod sine traditione nostra, nostrorumque successorum, terras, vineas, hortos, foveas, quæ in dicto Casali operati fuerint, vendere, & donare omnibus ibi residentibus, eaque dimittere filiis, & filiabus, usque ad septimam progeniem, necnon pro anima sua in Sanctis locis distribuere in nostris Trojanis Ecclesiis, potestatem habeant. Tributum vero, quod mihi, meisque successoribus omni anno homines ibidem commorantes persolvere debeant, hoc est: Si quis habet aratrum de duobus bobus, bis in anno persolvat decem denarios, quinque in mense Maji, & quinque in mense Septembris. Item qui habet aratrum de tribus bobus, seu de pluribus, reddat in anno solidum unum, medium in mense Maji, & medium in mense Septembris. Item qui habet duo jumenta, reddat bis in anno novem denarios, qui vero unum bovem, vel unum asinum, vel unum jumentum, solvat dimidium de dicto pretio dictis temporibus. Homo autem, qui nullum laboriosum habet, bis in anno duos denarios solvat, unusquisque nempe tributum bis in anno reddat saltem, & sex operas cuiusvis animalium ad seminandum, & tres ad mundandum, & septem ad metendum, de frumento, hordeo, vino etiam solvat &c.*

At vero insequentis temporibus remanserunt Episcopi in possessione bonorum, quæ ipsis concessa fuerant. Sub Regina etiam Joannæ I. ab ea obtinuerunt immunitatem a solutione ad hunc respectu feudi S. Laurentii, in Diplomate de die 24. Maji anni 1363. in actis exhibitio. Rursus cum ejusdem

Ecclesiæ prædia in locatione Pontis Albaneti sita, occupata fuissent, in eorum possessionem redintegrata fuit per decreta Regiorum Magistratuum. Ita Trojana hodie Ecclesia in pacifica possessione est bonorum, quæ liberalitate Neapolitanorum Principum ei concessa vidimus: Episcopi autem, qui eam Ecclesiam habuerunt, in diversis judiciis, ut jurium suorum possessionem sibi tuerentur ex concessionibus prædictorum Principum argumenta sumpserunt.

Cum igitur liquido constet, Trojæ Cathedralē Ecclesiam opulenter dotatam esse per veteres Neapolitanos Principes feudis, aliisque ipsius Principatus bonis, in dubium revocari nequit, eisdem Principibus acquisitum fuisse patronatum in eandem Ecclesiam. Exploratum est enim in jure non minus civili, quam Pontificio, jus patronatus per dotationem acquiri. Jus autem patronatus semel quæsitum in Regem Neapolitanum concessit, in quem & reliqua jura Majestatis migrarunt. Proinde Curia Illustris. & Reverendiss. Capellani Majoris, cum voto Domini Regii Consiliarii D. Dominici Potenza Consultoris ejusdem, ita pronunciavit: *Trojæ Cathedralē Ecclesiam in Capitanatæ Provincia, utpote opulenter dotatam a veteribus Regni Principibus feudis, atque aliis ipsius Principatus bonis, fuisse, & esse Regii patronatus: proinde Regiam Coronam redintegrari oportere, prout præsentis sententia redintegratur in prædicta Ecclesia patronatum, cum omnibus bonis, feudis, Ecclesiis inde pendentibus, præeminentiis, & privilegiis, & cum omnibus prærogativis, quas leges, & Canones Principi Patrono tribuunt, & præsertim cum jure nominandi Episcopi, quoties Ecclesiam vacare contigerit. Ne quid autem detrimenti Regia jura copiant, Ecclesia Trojæ Cathedralis referatur in libris Curie inter alias Cathedralēs, in quas patronatus Principi competit.*

In causa redintegrationis Regii patronatus in Dignitates, & Canonicatus Cathedralis Ecclesiae Cavenfis. Die 20. Martii 1786.

Regii patronatus in Cavensem Cathedralē Ecclesiam redintegrationis absoluto iudicio, petum est quoque, ut in Dignitates etiam, & Canonicatus ejusdem Ecclesiae Regius Patronatus redintegraretur. Ut igitur solito iudiciorum ordine res ageretur, lis denunciata fuit cum Episcopo, tum Cavenfi Capitulo. Terminō autem probationibus praestituto, allegata sunt documenta, unde de eo quoque Principis patronatu liquere posset.

Tota vero praedicti patronatus possessio inde desumitur, anno 1513. Regium Monasterium Trinitatis Cavenfis Regii patronatus jam declaratum, Ecclesiae Cathedrali Cavenfi per id temporis erectae dotis nomine dedit annuos scutatos auri de Camera mille quadringentum. Summa autem isthaec decrepta fuit ex bonis per veteres Neapolitanos Principes Monasterio Cavenfi concessis. Ea causa fuit cur anno 1779. die 14. Augusti praedicta Cathedralis Ecclesia cum Monasterio, Regii patronatus declarata fuit. Inter bona autem, unde praedicta summa redibat, insequentia numerata fuerunt *Census Camerariatus, Census de Camera, pensiones quaedam annuae, seu affictus bonorum stabilium.*

Inde ostensum est, anno 1515. Cardinalem Aragonium, Episcopalis Cavenfis Ecclesiae administratorem, ad Cavenfis Universitatis preces eidem quasdam gratias concessisse, easque confirmatis fuisse instrumento successoris Episcopi. Preces eo redibant: *Item supplicant praedictam Ill. Dominationem, ut creare dignetur in praedicta Ecclesia noviter construenda Capitulum cum quatuor Dignitatibus, duodecim Canonicos, Sacristam, & Cantores duos = Placet quatenus dos Ecclesiae patiat. Item supplicant, ut Ill. Dominatio dignetur constituere mensam Capitularem ex dicto Episcopatu, eique dare praebendam in scutatis aureis de Camera quatuorcentum inter ipsos dividendam = Placet deductis & reservatis nobis fructibus ad vitam, modo & forma inter nos servandis.*

lil 2

Cum

Cum Monasterium, quod Regii patronatus est, dederit dotis nomine Episcopali alicui Ecclesiae redditus decreptos ex bonis per Principes Monasterio concessis, sequitur ut etiam Cathedralis Ecclesia Regii patronatus declaratur.

Cum igitur eo modo prædictæ Cathedralis Ecclesiæ Capitulum initia habuerit, ei præbenda decerpta scutatorum quatuorcentum desumptorum ex dote Ecclesiæ constituta in annuis scutatis mille quatuorcentum, & ipsa decerpta ex Monasterii bonis: inde illatum, Dignitates, & Canonicatus quoque prædictæ Ecclesiæ Regii patronatus censerī oportere, Monasterium enim, Ecclesiam, Capitulum dotem suam agnoscere ex veterum Principum liberalitate.

Ut autem ostendatur, Dignitates, & Canonicatus prædictos eas præbendas hodie possidere, easque constare bonis a Monasterio datis Ecclesiæ Cathedrali, atque inde ab Episcopis dotis titulo concessis Capitulo: exhibiti sunt sex libri veteres, seu Catasta diversarum præbendarum Canonicalium, ubi recensentur diversi redditus ad quemque Canonicum pertinentes. Curia autem Cancellario prædictos libros inspicere iussu, & referre quod deberet circa qualitatem, & identitatem bonorum, quæ ad Canonicatus pertinent: ab eodem renunciatum est, in antiquis libris præbendarum Canonicalium contineri testimonia plurium personarum ab antiquo facta, quæ declarant, se debere Monasterio Cavenfi varias præstationes annuas ob stabilia a se in censum accepta. Ita autem constitit, præbendas hodie ad Canonicos pertinentes constare bonis, quæ ab initio ad Cavense Monasterium pertinerunt ob Neapolitanorum Principum concessionem, & quæ postea anno 1513. a Monasterio dotis nomine Cathedrali Ecclesiæ assignata fuerunt sub nomine *Censuum de Camera*, & quæ tandem anno 1515. ab Episcopis ipsi Capitulo dotis titulo concessa fuerunt. His igitur rite perpensis, & inspecto quoque libello Advocati Regiæ Coronæ, Curia Ill. & Rev. Capellani Majoris, cum voto Regii Consiliarii D. Dominici Potenza, Consultoris ejusdem, ita pronunciavit: *Dignitates, & Canonicatus Capituli Ecclesiæ Cathedralis Cavenfis, fuisse & esse Regii patronatus, proinde Regiam Coronam redintegrandam, ut præsentī sententiā redintegratur in prædictum patronatum, una cum bonis, præbendis, juribus, ac prærogativis pertinentibus ad Dignitates & Canonicatus prædictos, jux-*

ta integrum eorum statum, & cum jure ad Regem ejusque in Regno successores spectante eligendi Canonicos, eosque qui dignitates occupent in singulis vacationum casibus. Ne vero Regia jura detrimentum patiantur, prædictæ Dignitates & Canoniciatus describantur in libris Curia inter alia beneficia Regii patronatus.

In causa in gradu appellantis Regii patronatus super Abbatiam S. Martini de Mesa inter Archiconfraternitatem S. Spiritus de Urbe Roma, & Regium Fiscum. Die 8. Junii 1726.

Cum per Curiam Rev. Capellani Majoris sententia interposita sub die 7. Januarii 1783., fol. 249., fuisset decretum abusivam, & nullam fuisse unionem factam Abbatia S. Martini de Mesa, Archiconfraternitati S. Spiritus de Urbe Roma; dicta Archiconfraternitas appellavit ab hac sententia, & datus fuit Dominus M.les U. J. D. D. Franciscus Pecheneda Regius Consiliarius, Præfex Regiæ Cameræ Summaria, in præfenti causa Judex appellationis specialiter per S. R. M. per quem fuit provisum: *Bene judicatum per Curiam Reverendi Capellani Majoris in citata sententia diei 7. Januarii 1783., fol. 249., respectu nullitatis unionis Abbatia, sive Beneficii Sancti Martini de Mesa in beneficium Venerabilis Archiconfraternitatis Sancti Spiritus de Urbe Roma, & male appellatum pro parte ejusdem Archiconfraternitatis Sancti Spiritus, ac proinde dicimus, decernimus, sententiamus, declaramus, & confirmamus, unionem prædictam fuisse, & esse abusivam, & nullam. Ac visis ceteris actis, declaratum: Abbatiam, sive beneficium nuncupatum S. Martini de Mesa, extincto Collegii Monastici titulo, fuisse, & esse devolutam in beneficium Regiæ Coronæ, cum facultate pleno jure disponendi de ejusdem Abbatia juribus, ac bonis omnibus, subrogata legitima Principis potestate, ubi deficit defuncti fundatoris arbitrium, ad normam Regiæ declarationis diei 10. Septembris proxime elapsi anni.*

Et cum Capitulum Rheginum petiisset Regium assensum in unionem Abbatia S. Martini de Mesa facta anno 1682. ab

Ar-

Deficiente titulo Monastico, Canonici Ecclesiastici beneficii erectio quoque deficit, retenta natura legati pii.

Omnia jura, & bona, quæ temporalia sunt, a solius Principis potestate pendunt, & proinde uniones, collationes, & concessiones si a Principis voluntate non proficiantur, nullius sunt roboris.

Diversa est natura Regii exequatur ab illa Regii assensus.

Archiepiscopo Rhegino in beneficium ejusdem Capituli, fol. 342., decretum est: quod respectu deducitorum in dicta supplicatione Capituli Rhegini, explicata prius instantia Domini Advocati Regalis Coronæ, providebitur super consultatione facienda S. R. M. vigore prædicti Regalis Rescripti.

Perpicuum enim est ex ipsis Bullis Pontificiis apud acta exhibitis, Abbatiam, de qua agitur, titulo Collegii Monastici fuisse insignitam, ac conventu in posterum caruisse. Hæc sunt verba: *Monasterium Abbatia nuncupatum S. Martini de Mesa, seu de Calanda, Sancti Benedicti, seu Sancti Basilii, aut alterius Ordinis, Reginensis Civitatis, vel Diocesis*. Et infra: *Monasterium præfatum, quod cura, & conventu caret, & de quo consistorialiter disponi non consuevit, fol. 92. proc. curr.* Certum porro est, deficiente titulo Monastico, Canonicam Ecclesiastici quoque tituli erectionem omnino deficere, pii dumtaxat legati natura retenta.

Quæ quom ita sint, omnino patet, omnia hujusmodi jura, ac bona, quæ nonnisi temporalia sunt, a solius Principis potestate pendere; propterea concessiones, collationes, atque uniones, si a Summa Principis Potestate non perficiantur, nullius roboris esse habendas. Quocirca unionem bonorum Abbatiae, de qua agitur, anno 1698. a Romano Pontifice *motu proprio, non ad alicujus instantiam, sed ex mera scientia, liberalitate, & Apostolica Potestatis plenitudine*, ut in ipsis Bullis asseritur, fol. 92., factam Archiconfraternitati Sancti Spiritus Nationis Neapolitanæ in alma Urbe erectæ, nulla accedente specifica Principis concessione, nullam habere firmitatem, apertissimum est.

Principio quidem occurrit, quod unio, de qua agitur, peracta est a Summo Pontifice *motu proprio*, ac de Apostolicæ potestatis plenitudine; quæ quidem potestas, nisi spirituale jus tangat, temporalia jura Principum invadit. Profecto, extincto titulo, sive Canonico ministerio, eodemque non existente, nil spirituale superest; sed quod est reliquum, id tantummodo bona attingit, quæ temporalibus accenscuntur: ac proinde bonorum hujusmodi dispositio non a Pontifice,

fice, nec ab Episcopis, sed ab uno Principe petenda est.

Præterea, si de re beneficiaria ageretur, uniones Beneficiorum, præcipue quæ perpetuæ sunt, utpote jus alteri quæsitum lædentes, ex unanimi Canonistarum sententia tanquam odiosæ sunt habitæ, tum aliis de causis, tum præsertim, quod Beneficia instituta sunt, ut singula suum habeant ministrum. *Van-Espen P. II. tit. XXIX. cap. 2.*, iidemque uniones ipsas *speciem esse alienationis* merito adfirmant. Propterea, quum Ecclesiæ tutela Principi sit demandata, atque alienandi facultas Ecclesiæ Ministris legum sanctionibus sit vetita, fieri nequit, quin in unionibus solemnibus, ac legitima Principis omnino intercedat auctoritas. Tutela enim Reipublicæ, in qua est Ecclesia, juribus Majestatis in hærens, vim, & potestatem suam, præsertim in beneficiorum unionibus, exercere debet; quod si secus evenerit, foundationes, quæ publici juris sunt, evertantur necesse est.

Accedit, quod uniones Beneficiorum quacunque ex causa de una in aliam Diocesim, ac multo magis de uno Regno, vel Principatu in alium, utpote ab abusu potestatis Ecclesiasticæ manantes, nullo temporis intervallo firmitatem accipere possunt. Hæc quidem publici juris pars, publica sua dente causa, apud omnes ferme Nationes est habita. Hujus rei exempla extant apud Fevretium *de abusu lib. 2. cap. 4. num. 28.*

Neque obstat, quod Pontificiæ unioni anno 1698. *Regium*, quod ajunt, *Exequatur* accesserit, quod utique vice Regiæ concessionis fungatur. Hoc sane absurdum est, & ad imminuenda Majestatis jura excogitatum. Quis enim inficias ibit, in omnibus Regiis placitis, quæ Pontificum concessionibus adjiciuntur, pro Regiæ Majestatis, Regniq; incolumitate perpetuo tuenda, insitam inesse clausulam *Regiis juribus, Regniq; legibus, ac moribus semper salvis*? *Regium* præterea *exequatur* eo potissimum spectat, ut Princeps territorialis patiat, ea, quæ constituuntur, aut rescribuntur extra Regnum ab Ecclesiastica potestate, usui esse in Regno, si legibus patriis, & Majestatis juribus non officiant

ciant. Proinde Princeps, *Regium exequatur* concedens, id dumtaxat agit, ut sinat, eas causas, pro quibus *Regium exequatur* indulget, in arbitrio fuisse Ecclesiasticæ potestatis, quæ extra Regnum exercetur. Contra vero Regii assensus ea est natura, ut ipse Princeps territorialis vim omnem addat, imo communicet causis, pro quibus assensum interponit suum. Quum vero Beneficiorum uniones, & tanquam alienationes, & tanquam voluntatum commutationes, in forma saltem specificâ assensum Principatus requirant, plane sequitur, eas assensu Regio communiendas, nec satis fuisse, ut a Pontificia potestate factæ *Regio exequatur* permitterentur: nisi quis dicere velit, illud fieri potuisse, ut Princeps territorialis pateretur, exteram Potestatem in Regno suo summis potiri Majestatis juribus.

Quæ modo dicta sunt, in re beneficiaria locum habent, in re vero temporalis, quæ pia legata complectitur, Pontificum concessio, sive alienatio ipso jure est nulla; ac proinde *Regium exequatur* in iis rebus, quæ pii tantum legati naturam induunt, vice Regiæ concessionis fungi posse, adeo est absurdum, perinde ac si diceret, *quod meum est, alieni juris esse posse*; idque contra naturam esse, sanxere leges.

Eliminanda igitur opinio est, *Regium exequatur* Regis assensum implicite continere: quod quidem sæpius Regiis Rescriptis declaratum est. Ad rem omnino faciunt, quæ sequuntur, Rescripti verba: *Ha veduto il Re quanto V. S. Ill. ha rappresentato sull'istanza dell'Avvocato della Corona, il quale ha chiesto, che per la causa del Regio Padronato della Badia della Trinità di Mileto, da decidersi in grado di appello, si giudichi in termini di giustizia, e non di economia al solo Principe riservata, e che tengano presenti le massime fondamentali della Sovranità del Re in altre occasioni ricordate, così toccante i Regj dritti de' Padronati delle Chiese Conventuali, come il non bastare l'Exequatur, trattandosi particolarmente di Regio Padronato sulle Bolle di unione, e di traslazione; e tanto meno un Exequatur implicito; ma essere necessario l'Assenso in forma specifica solennemente emanato dal Trono. E memore la M. S.*
di

di non esser questa la prima volta, in cui ha dovuto soccorrere alla esitanza de' suoi Magistrati, e frenare gli arbitrij col ricordare loro le leggi, e le regole, che debbono tener ferme nel giudicare. Mi comanda dire a V.S. Ill., che siccome l'entrare in termini di economia è fuori della facoltà del Giudice, circoscritta nell'esecuzione delle leggi; così vuole ancora la M. S., che resti V. S. Ill. nell'intelligenza, che nella causa del Regio Padronato della Bagnara si ebbe per massima fondamentale della Sovranità, che nella reintegrazione del Regio Padronato di Chiese Conventuali, quando non sia mutata l'antica forma (come tutto giorno si pratica) non debba controversarsi il dritto di eligere, che al Re appartiene. E vuole ancora S. M., che resti V. S. Ill. nella intelligenza, che coll'occasione del Baliaggio di S. Stefano di Potignano, il quale essendo da principio un Monistero di Regia fondazione, trovavasi con Bolle Pontificie unito alla Religione di Malta, e che anche pretendessi confermato dalla Sovranità con Regj Assensi impliciti, dichiarò la M. S. con Dispaccio de' 8. Agosto 1771. per questa Segreteria di Stato, che vedea il Re una Regia fondazione, vedea una traslazione non Regia, vedea la massima fondamentale della Sovranità, di non poterli supplire per equipollenza, e congettura il necessario atto della Sovranità, ovunque si trattasse di qualunque genere di concessione; ma dover tal atto esser chiaro, espresso, pensato, ed emanato solennemente dal Trono. Con qual Dispaccio resta per punto generale ordinato, che il Regio Assenso, e tutto quello, che è Regalia, non si possa supplire nè per tempo, nè per congettura, nè per equipollenza, ma dee essere solenne, e nella forma specifica, e vedersi ocularmente originale e nudo. -- Caserta 10. Febbrajo 1772. Bernardo Tanucci -- Sig. Consigliere Caporuota D. Carlo Paoletti.

In eadem sententiam loquutus est idem augustus Rex noster in Rescripto, quod ad Cameram S. Claræ missum est die 15. Augusti 1785. Jussit enim, tanquam Principatui noxiam, haberi opinionem, quæ Regium exequatur in locum Regii assensus subrogat.

Quapropter, sanctiore disciplina Regiis Rescriptis firmata, optimo jure Principi, quæ Principis sunt, facta tecta servanda censuimus.

Tom. I. Cur. Cap. Maj.

Kkk

In

In causa redintegrationis Regii patronatus in Ecclesiam Cathedralē Gravinenſem. Die 7. Junii 1736.

Eccleſiam, quæ ho-
nis Principatus do-
tate ſunt, Regii ſunt
patronatus.

DOCTOR D. Paulus Tambellus ſupplici libello ſuo Principem interpellavit, ut ſibi patrocinium mandaret Regii patronatus in Gravinenſem Cathedralē Eccleſiam, innixi documentis a ſe producendis. Ita Divalibus litteris anni 1784. Curiae Capellani Majoris in mandatis datum, ut audito prædicto Tambello, quomodo expediret, juxta Regni leges, & politicam de prædicta controverſa ſententiam diceret. Hinc per Curiam citationes per ediſtum ſunt expeditæ, ut judicio adeſſent, quorum intereſſe poſſet, ac præſertim Episcopopo Gravinenſi denunciata lis fuit. Nemine judicio ſe ſiſtente, contumaciæ de more ſunt incuſatæ. Mox probationibus termino præſtituto, ad inſtitutam actionem fundandam producta ſunt documenta. Terminò igitur rite conſtato, ad cauſæ definitionem Curia procedendum cenſuit.

Ea de re primo fuit exhibitum Diploma Umfridi Gravinæ Domini, ex genere veterum Nortmannorum Principum, datum anno 1093. menſe Septembri. Ibi enarrat, in adventu ſuo in Gravinæ Civitatem ſe maximo dolore affectum; eam enim Eccleſiam, quamvis ſub regimine Arnaldi Archiepiſcopi Acheruntini conſtitutam, proprio tamen Rectore jamdiu viduatam eſſe: ſe execratum a militibus ſuis, & a Gravinæ Nobilibus, ut legatos ad Archiepiſcopum mitteret, Rectoris Eccleſiæ conſtituendi cauſa, Archiepiſcopum vero id ſacere recuſaſſe, dicentem *Eccleſiam Gravinenſem non oportere Episcopali Sede fungi, paupertatis tanto onere depreſſam, quod ſi aliquis in ea ordinaretur Episcopos, victum ibi una die vix inveniret*. Id cum reſcriviſſet Umfridus, & ſecum cogitans, quomodo Episcopos, & totius Eccleſiæ ſubſiſtentiae conſuleret; Montem Pilolum venit Archiepiſcopi rogandi cauſa, ut ſe Gravinam conferret, atque ibi de utilitate Eccleſiæ ageretur. Id cum impetraſſet, congregatis militibus, & optimatibus, coram Archiepiſcopo ſe dotem Eccleſiæ in ſequentem modum conſtituiſſe tradit:

Ob-

Obtuli super ejusdem Ecclesiæ Altare, & concessi in perpetuum cunctam integre decimationem nostram frumenti, bordai, vini, moneta, omniumque quatuorpedum nostrorum, & fructuum hortorum absque ulla diminutione, meo fratre Aytardo, meisque militibus presentibus cunctam suam decimationem similiter concedentibus, & offerentibus. Concessi potestatem homines assidendi quotcumque ipsi Ecclesiæ se assidare voluerint: & ut Episcopus potestatem habeat hominibus Ecclesiæ Judicem ordinare... Ipsi etiam homines tam Clerici, quam Laici, habeant licentiam arandi, & seminandi terras nostras, & plantandi vineas, salvo jure nostro: sed Ecclesia, Episcopus, & Canonici sine terratico semper laborent ubi voluerint terras nostras, & plantare vineas sine aliquo redditu vini, & non sint sub aliquo bonno publici juris. Concessi etiam perpetuo omnibus hominibus ipsius Sanctæ Ecclesiæ potestatem edificandi domos, & cavandi cryptas sibi, & foveas in terris nostris, absque ulla datione penitus, & contrarietate. Omnia vero animalia eorum habeant communem aquam, & herbam per universas terras Gravinæ sine aliqua assidatione, & impedimento, & ligna pro foco communia esse volumus, & statuimus eis omnes utilitates totius Gravinensis Terræ, tamquam nostris propriis hominibus. Præterea concessi, ut omnia animalia Sacri Nostri Episcopi semper habeant pascua ubicumque nostra propria animalia pascunt, & ut ligna incidantur in nostris nemoribus, & incisa deferantur ad utilitatem Ecclesiæ, & ad edificationem domorum ejus; & omnia jura, quæ Episcopali honori pertinent, omnia præscripta Gravinensi Ecclesiæ, sine mea, meorumque heredum vel successorum contrarietate vel contradictione stabiliori, & perpetuo concessi.

Aliud etiam productum est documentum anni 1152., unde liquet, Marchionissam Philippam viduam Marchionis Manfredi Gravinæ Dominæ, ex consilio Ursonis ejusdem Civitatis Episcopi animum appulisse ad construendam in Episcopio Capellam in honorem Sanctorum omnium; ea constructa, multos Episcopos, & Abbates invitasse, ut eam rite dedicarent. Eos tamen dedicationem recusasse, eoque venire se nolle testatos, nisi prius Capellam dotasset, eamque

subjecisset Episcopo cum omnibus juribus, quæ ad eam pertinebant. Ea autem in instrumento ea de re confecto dixit se statim ejusmodi conditionem impleſſe: *Nam prius eam dotavi de viginti affidatis meis, quos prædictus Dominus Maritus meus cum Florencia mihi in dotarium cum aliis affidatis dedit, & de terris Sancti Martini pro quatuor aratris circa eandem Ecclesiam dirutam, & de bobus quatuor, & de scroſis viginti prægnantibus, & equabus tribus, & de ovibus centum, quod, velut ego ipſa cognovi, me facere oportuit. Poſtquam de prædictis dotibus eandem Capellam omnium Sanctorum dotavi coram prætitulatis Episcopis, & Abbatibus, una cum ipſo filio meo prænominato, & cum Guilelmo Folliarino, & Umfrido de Piro Baronibus ipſius filii mei, tradidi eandem Capellam cum omnibus præſcriptis dotibus in manus ipſius Domini Uſonis Episcopi, Accardo Milite ſuo Advocato cum eo ſtante, & per clavem recipiente cum eo, ſic ut amodo ipſa Capella, cum omnibus ſuis dotibus præſcriptis, ſit in poteſtate, & regimine, & ordinatione prælibati Domini Episcopi Gravinenſis, & omnium Succeſſorum ejus. Sicque eo die, Spiritus Sancti gratia ſuffragante, conſecrationis munus ab eodem Domino Episcopo Gravinenſi eadem Capella conſecuta eſt.*

Denique Diploma fuit exhibitum Tancredi de Say Comitæ Gravinenſis datum menſe Septembris 1189., unde conſtat eum pluries interpellatum per Thomam Gravinenſem Episcopum, ut donationem aliquam largiretur Eccleſiæ Gravinenſi in-demanio ſuo conſtitutæ, cum ob animæ ſuæ remedium, tum ob ejusdem Eccleſiæ commodum, tandem eam peregiſſe inſequentibus verbis: *Conceſſimus, donavimus eidem Eccleſiæ in perpetuum, & tradidimus in manibus ipſius Domini Episcopi terras, quæ ſunt inter rivum majorem, & vallonem, qui deſcendit a fonte, qui dicitur Cordaſca, & iis ſinibus deſignatur. . . Ea tamen ratione, ut amodo in antea omni futuro tempore idem Dominus Episcopus, vel ejus ſucceſſores habeant, teneant, & poſſideant, atque dominantur omnes præſignatas terras a ſine in ſinibus cum omnibus pertinentiis ſuis & utilitatibus, ad utilitatem & commodum ipſius Gravinenſis Eccleſiæ, franca*

ra-

ratione, faciantque in eis, & ex eis quidquid voluerint sine noſtra, noſtrorumque heredum, ſeu ſucceſſorum contrarietate, contradictione, vel requiſitione.

Illud autem omitti non debet, tria memorata Diploma in autographis ipsis oblata fuiſſe per Jacobum Gravinensem Episcopum Carolo II. Andegavenſi. Ne vero eorum memoria periret, ſeu ob temporis vetuſtatem, ſeu ob alias rerum humanarum vices, de verbo ad verbum fuerunt inferia in quarto Diplomate edito ab ipſo Rege Carolo 17. Novembris 1308., cujus regeſtum extat in tabulario Regiæ Siciliæ.

Quoniam igitur in dubium revocari nequit, Gravinæ Cathedralẽ Eccleſiam fuiſſe dotatam per veteres Neapolitanos Principes, quo tempore jure Summi Imperii in Regni Neapolitani Provinciis utebantur, inter ſummas ejuſdem Eccleſiæ anguſtias, ipſius Principatus bonis, & immunitate earum præſtationum, quæ jure Majeſtatis exigebantur: incicias iri non poterit prædictam Eccleſiam Regii patronatus eſſe. Ut enim ex regulis utriuſque juris exploratum eſt, patronatum in Eccleſias per dotationem acquiri; ita exploratum etiam eſt, patronatum ejus Eccleſiæ per prædictos Principes acquiſitum ad hodiernum Regem Neapolis rediſſe, in quem & reliqua eorum jura migrarunt. Cum vero aperte liqueat, prædicta dotatione non ſolum Episcopı, ſed & Canonicorum ſubſtentationi fuiſſe proſpectum, neceſſario inde conſequitur, Regium patronatum extendi non ſolum ad nominationem Episcopı, ſed Canonicorum quoque in ſingulis vacationibus. Proinde Curia Ill. & Rev. Capellani Majoris, cum voto Domini Regii Conſilarii D. Dominici Potenza ordinarii Conſultoris ejusdem, ita definivit: *Gravinensem Cathedralẽ Eccleſiam fuiſſe & eſſe Regii patronatus, ac proinde Regalem Coronam in eum redintegrandam, ut præſenti ſententia redintegratur cum omnibus ſuis bonis, feudis, Eccleſiis, juribus, privilegiis, immunitatibus, & pertinentiis ſui primævi ſtatus, & cum jure ad Principem, ejusque in Regno ſucceſſores ſpectante, eligendi, & nominandi tam Episcopum, quam Dignitarios, & Canonicos*

cos ejusdem Ecclesiae Cathedralis in singulis vacationibus & cum reliquis juribus, quae ad Patronum Principem leges pertinere jubent. Ne vero jura Regia detrimentum capiant, Gravina Cathedralis Ecclesia describatur in libris Curiae inter alias Ecclesias Regii patronatus.

In causa redintegrationis Regii patronatus in Cathedralium Ecclesiam Archiepiscopalem Civitatis Capuae. Die 8. Junii 1786.

Cum regulae juris utriusque per fundationem & dotationem cuique privato patronatus tribuunt, Regii patronatus erunt Ecclesiae, quae bonis Principatus fuerunt dotatae.

Cum in Curia Capellani Majoris actio instituta fuerit, qua petabatur, ut Regius patronatus redintegraretur in Capuae Archiepiscopalem Ecclesiam, ad iudicium rite ordinandum edictales citationes sunt expeditae, ut ei adessent, quorum interesse posset. Cum vero nullus contradictor copiam sui fecerit, processit Curia ad examen documentorum in actis productorum, unde de Regio in praedictam Ecclesiam patronatu constabat.

Primum omnium, veterum Scriptorum auctoritate fuit ostensum, in consequentiam edictorum Imperatoris Constantini, quibus cavebatur, ut in honorem veri Dei magnifica Templum construerentur Imperiali pecunia, solita ejusdem Principis liberalitate veteris Capuae primam Cathedralium Ecclesiam fuisse fundatam, Constantinianam Basilicam jam inde dictam; eadem vero non solum ad divini cultus Majestatem ornamentis fuisse ditatam, sed & latifundiis fuisse locupletatam, ut Ministris perpetua alimenta suppeterent. Ea de re Anastasius Bibliothecarius ita scripsit in vita S. Sylvestri.

Eodem tempore fecit Beatissimus Constantinus Augustus intra Urbem Capuam Basilicam Apostolorum, quam cognominavit Constantinianam, ubi posuit dona haec: Patenas argenteas duas pensantes singulas libras viginti, scyphos argenteos tres pensantes singulas libras octo, calices ministeriales quindecim pensantes singulas libras duas, amas argenteas duas pensantes singulas libras decem, candelabra aerea in pedibus denis pensantia singulas libras 180., phara cantara ex argento triginta. Et donum quod obtulit, possessionem in Territorio Menterno, Massam Statilianam pra-

præstantes solidos 85. , Poffeffionem Paternum in territorio Sulfano præstantem solidos 150. , Poffeffionem ad centum in territorio Capuano præstantem solidos 60. , Poffeffionem in eodem territorio Sulfano Gauronicam præstantem solidos 40. , Poffeffionem Leonis præstantem solidos 40.

Ejusdem foundationis illufre monumentum occurrit in Vulturnenfi Chronico *lib. I.* transcripto a Muratorio *tom. 1. Scriptor. rer. Italic. pag. 330.* Ibi enim traditur, Constantinum fundaffe in Civitate Capuana Ecclefiam in honorem Apostolorum, quæ dicitur Constantiniana. Idem testatur Alphonsus Ciacconius in *Vit. Pontific. tom. 1. fol. 217.* in vita S. Sylveftri his verbis: *Præterea juxta urbem Capuam in Campania Basilicam sub nomine Apostolorum idem Imperator Constantinus conftruxit, cognominatam a Civibus Constantinianam. Cui donavit quinquaginta mille feptingentos, & quinquaginta coronatos in ornamentum, & splendorem divini cultus: duobus mille feccentum aliis aureis, Sacerdotibus inibi miniftrantibus confitutis.* Eandem foundationem memorat Baronius ad ann. 324. n. 62. Recentioribus vero temporibus Abbas Fleury hiftoriæ Ecclefiafticæ fcriptor accuratiffimus describens *lib. XI. num. 36.* Ecclefias Constantini juffu conftructas cum Romæ, tum in aliis Italiæ partibus, fpeciale mentionem injicit Ecclefie Capuanæ in honorem Apostolorum extructæ, Constantinianæ appellatæ, & annuorum reddituum, qui per Constantinum ei decreti fuerunt.

Testimonium prædictorum Scriptorum confirmat Eufebius Pamphilus in vita Constantini. Is enim enarrans res a Constantino geflas poftquam Maxenfium debellavit, & ingenti cum laude ingreffus eft Romam, defcripfit ipfius iter per Italiam inter comitatum Epifcoporum, & thefauros, quos in Ecclefiarum extructionem expendit, *lib. 1. cap. 42.* *Ad hæc quocumque iter faceres, eos fecum deducebat, Deum, quem illi colerent, ob id etiam propitium fibi adfore pro certo habens. Quin etiam Ecclefis Dei plurima ex thefauris beneficia fubminiftravit, partim Sacras ædes amplificans, & in fublime erigens, partim angufta Ecclefiarum facraria plurimis donarilis exornans.* Idem Eufebius *lib. 2. cap. 45.* memoravit binas Constantini leges,

al-

alteram ad abolendum idolorum cultum, alteram ad construendas Ecclesias; addito, ut eam in rem expendenda pecunia e thesauris Imperialibus desumeretur. *Altera lex, quæ Oratorum fabricam in sublime erigi, & Ecclesias Dei tam latitudine, quam longitudine ampliores effici præcipiebat, perinde ac si universi, ut ita dixerim homines, insana multorum Deorum observantia e medio sublata, in posterum accessuri essent ad Deum. Hæc Imperatorem sentire, hæc ad cuiuscunque Provincie Præfides scribere, religiosa Divini Numinis observantia impellebat. Illud præterea lex continebat, ne pecuniis largiendis parcerent, sed ut ex Imperialibus thesauris sumptus ad ædium Sacrarum constructionem depromerentur. Quin etiam ad cuiuscunque loci Ecclesiarum Antistites istiusmodi litteræ scribebantur: cuiusmodi etiam ad me scribere dignatus est. Et revera in epistola ad eundem Eusebium, quæ apud eum extat cap. 46. Constantinus illum certiores fecit, se Provinciarum omnium Præsidibus mandasse, ut quancumque pecuniæ summam præberent, qua opus esset in extruccionem Ecclesiarum. Cunctos admonere, ut in opera Ecclesiarum omni studio, ac diligentia incumbunt, quo aut reparentur, quæ adhuc manent, aut augeantur in majus, aut, sicubi usus postulaverit, nova ædificentur. Quæcumque autem necessaria fuerint, & ipse, & reliqui alii tui interventu, tum a Præsidibus Provinciarum petant, tum ab officio Præfecturæ Prætorianæ. His enim per litteras præceptum est, ut omni diligentia iis, quæ tua sanctitas dixerit, obsequantur.*

Demonstratum est etiam, sæculo XI. cum Capuæ imperitabant Longobardi Principes, dextrorsum ferme veteri Civitati, Landonem, Paldonem, Landonulfum, & Landulfum, omnes prognatos Landulfo Matico e vivis erepto, ædificare connixos novam Capuæ Civitatem prope pontem Casilini Vulturini fluminis, ubi hodie cernitur; præ ceteris autem novæ Civitati construendæ studuisse Landulfum juniorem, qui cum Comes esset Capuæ ejusdem Civitatis fuit Episcopus, inde Comite Landone mortuo ei superstes fuit Comes Lando junior cognomento *Cirritus*, qui secundum testimonium Chronici Comitum Capuæ, novam Ecclesiam Cathedralem ædifican-

ficandam instituit, & turrin Campanariam penes Casiliū, ubi hodie cernitur. Neque tamen is absolvere potuit ædificium inchoatum. Nam anno nondum exacto, comitatu privatus fuit per Paldonem patrum suum, Matico prognatum, qui comitare volebat in Episcopo cum fratre suo Landulfo Comite, ut constat ex eo loco Chronici: *Land. Cyrrutu fil. ejus Episcopiu, & Turri in Casulinu extruere capit. Sed ante anno Comitatu pulsus est a Pald. fil. Mathicu thiu suo, qui comitare volebat cum Landulfo fratre suo in S. Aula Episcopiu.* Ita novæ Cathedralis, & turris campanariæ constructio absoluta fuit per Landulfum Comitem alium patrum suum, qui & Episcopus fuit. Narrant enim Capuæ Historici recentioris ætatis, ante ruinas superioris ordinis turris Campanariæ, in marmore ibi existente fuisse scriptum, ME LANDO REXIT, LANDULFUS CULMEN EREXIT: in veteri etiam inscriptione musivi operis, quæ in eadem Ecclesia legebatur, sequens carmen fuisse, CONDIDIT HANC AULAM LANDULFUS, ET OTHO BEAVIT.

Animadversum est quoque, post obitum Landulfi Comitiss, inter dissidia, quod ad electionem novi Episcopi, Guaiherium Salerni Principem, qui sibi asserebat Capuæ Comitatum, a Joanne VIII. contendisse, ut Episcopus consecraretur alius Landulfus a se nominatus; Pontificem vero in epistola sua se Capuam petiturum pollicitum ad controversiam componendam, his adjectis verbis: *Nam pro vestro, cum venerimus, amore, ipsum, quem vultis Capuanæ plebi, Domino favente, Antistitem ordinabimus, ut vester principalis honor indiminutus remaneat.*

Curæ quoque propositum, inspecta fundatione, & dotatione Ecclesiæ Capuanæ profecta ex liberalitate Principum, qui nostris Regionibus imperitabant, ipsos Romanos Pontifices agnovisse, ad eosdem Principes jus patronatus in illam pertinuisse. Sane cum Innocentius III. Friderici II. baliatum gereret, vacante sub ejus Pontificatu Ecclesia Capuana, quo tempore, per Canonicos Cathedralium cooptandi erant Episcopi, ad Capuanum Capitulum scriptis is litteras, seu De-

Tom. I. Cur. Cap. Maj.

LII

cre-

cretalem Cum inter universas, sit. de electione, & electi potest. Ea vero Collegium Canonicorum admonuit, ut virum idoneum Episcopum eligeret, & post electionem ad se nuncios mitteret, qui ab eo assensum in electionem peterent vice Regia, a se tamquam Friderici Bajulum interponendum. Ita enim Pontifex in Decretali prædicta: Quia vero mora longior in electionibus est valde suspecta, imo sæpe damnosa, discretionis vestra per Apostolica scripta mandamus, atque præcipimus, quatenus invocata Spiritus Sancti gratia, personam idoneam per electionem canonicam concorditer assumatis ad regimen Ecclesiæ Capuanæ: consequenter ad nostram præsentiam nuncios idoneos transmissuri, per quos a nobis vice Regia postuletis assensum, & Apostolicæ confirmationis gratiam requiratis: Ad hanc vero Decretalem adnotavit Gonzales: Unde in illis electionibus, in quibus Rex Siciliae, si aditus esset, præstaret Assensum, tamquam Patronus Cathedralium sui Regni, Innocentius tamquam Tutor præstabat Assensum vice Regia.

Ipsæ autem Fridericus II. Regno potitus controversæ Ecclesiæ impense favit. Ab ipsis enim Regni sui initis Diplomate anni 1206. mense Martio confirmavit Raynaldo electo Capuæ Episcopo, ac successoribus suis, & ipsi Capuanæ Ecclesiæ concessionem Castri Vulturæ a suis Parentibus ei factam. Ita enim in memorato Diplomate: Concedimus, donamus, & confirmamus Tibi, tuisque Successoribus, & Capuanæ Ecclesiæ in perpetuum Castellum maris de Vulturno cum omnibus justis tenementis, & pertinentiis suis, quæ cum omnibus terris, aquis, & quibuscumque aliis proventibus consuevis habere: quemadmodum olim a Domino qu. Imperatore patre nostro, & Domina Imperatrice matre nostra prædecessori tuo Matthæo Venerabili Capuano Archiepiscopo, ejusque Successoribus, & Ecclesiæ Capuanæ, per eorum Privilegium noscitur fuisse concessum.

Curia quoque perpendit, prædictæ Ecclesiæ fuisse concessa bona & jura feudalitæ complura, ac præsertim Cancelli feudum, & Armonis, quæ a manu Regis accipi oportuit: a munificentia quoque Roberti Regis in eam profectum anno 1316. feudum Roccæ Montis Capuæ: & a prædecessoribus

ribus Principibus accepisse decimam Bajulationis Capuæ: præter alia bona, quæ ex Regalibus concessionibus possidet. Illud etiam decretorium apparuit, quod scilicet anno 1397. Capitulum & Canonici ejusdem Ecclesiæ Regem Ladislaum adcentes pro obtinendis nonnullis Terris, & possessionibus, quæ ad dictam Ecclesiam fuerant devolutæ, supplicii eorum libello professi fuerunt, quod Rex ipse habebat stallum in Choro, & vocem in Capitulo, & partem: quæ quidem jura decessores Reges reservare consueverunt in Ecclesiis Regali munificentia fundatis. Ita habetur in Diplomate memorati Regis Ladislai de die 13. Julii 1397. *Quare dignetur ipsa Majestas, in qua est fletera justitia, & jurium Ecclesiarum Protector, Defensor, & Pugil, & maxime dictæ Ecclesiæ Capuanæ, in qua habet stallum in Choro, & vocem in Capitulo, & partem, mandare quod dicta bona, quæ tenentur ab ipsa Ecclesia, saliter devoluta, præserventur, dentur, & assignentur Capitulo supradicto.*

Quoniam vero ex regulis utriusque Juris fundatio, & dotatio Ecclesiarum cuicumque privato jus Patronatus tribuit, Curie visum, de Regio in Capuanam Ecclesiam Patronatu dubitari non posse, cum de bonis Principatus eam & fundarint, & dotarint Neapolitani Principes. Proinde cum voto Domini Regii Consiliarii D. Dominici Potenza, ordinarii Consultoris Curia Regii Capellani Majoris ita pronunciavit: *Cathedralem Capuæ Archiepiscopalem Ecclesiam, tanquam fundatam & dotatam a Neapolitanis Principibus, fuisse & esse Regii Patronatus; quapropter Regalem Coronam in ejus Ecclesiæ Patronatum redintegrari oportere, ut præsentis sententia in eum redintegratur, una cum omnibus ejus bonis, feudis, Ecclesiis, prærogativis, privilegiis, præeminentiis, & pertinentiis suis, & præsertim cum jure ad Principem, ejusque in Regno successores spectante eligendi & nominandi Archiepiscopum in quibuscunque vacationum casibus, & cum aliis juribus, quæ Principi Patrono competunt. Ne quid autem detrimenti Regia jura patiantur, ea Ecclesia describatur in libris Curie inter alias Cathedrales Ecclesias Regii juris Patronatus.*

In causa redintegrationis Regii patronatus in Cathedrali Ecclesia Satriani, & Campaniæ. Die 12. Junii 1786.

Ex regulis utriusque
juris exploratum est,
jus patronatus per
dotationem acquirit,

Cathedrales Ecclesiæ Satriani, & Campaniæ per unionem conjunctæ, felicissimo Regi Ferdinando nunciatæ fuerunt tamquam Regii patronatus. Ita Regiis eodicillis anno 1784. 12. Septembris Curia Capellani Majoris mandatum, ut audito Regiæ Coronæ Advocato, aliisque quos de more audiri oporteret, sententiam suam ea de re diceret, & de litis exitu referret. Proinde per Curiam citationes per editum expeditæ fuerunt, ut certiores fierent, quorum interesse possent, seque judicio sisterent. Judicio adfuit solus prædictarum Ecclesiarum Episcopus. Is autem libello declaravit, nihil sibi esse, quod adversus Fiscum petitionem opponeret, ac sententiæ ipsius Curia se remittere, eo addito, ut ritu recepto in causa procederetur. Quapropter incusatis contumaciis adversus alios, qui a judicio absissent, ac termino probationibus præstituto, eoque per documentorum exhibitionem compilato ad controversiæ definitionem Curia in præsentem procedit.

Quod igitur ad Satriani Cathedrali Ecclesiam, Diploma fuit exhibitum Goffredi Comitæ Satriani Nurmanni generis datum mense Septembris ann. 1011., quo is intenso desiderio suo commonstrato honoris Ecclesiæ præstandi, opulentam dotem constituit Ecclesiæ Satriani sub titulo D. vi Stephani Protomartyris, in eam collato nobili feudo cognomento Castellari, cum pertinentiis suis, cum bonis ejusdemque generis, cum decima ad eum pertinente, ejusque Curiam Civitatis Satriani, & cum exercitio jurisdictionis. Sic enim in Diplomate: *Ideoque ego Goffredus Dei gratia Comes Satriani in finibus Salerni, una cum conjuge mea Sicalgaita, & filiis Roberto, Alexandro, Tranquido, & Guillelmo offerimus in primis Deo, & postmodum Altari S. Stephani Protomartyris, quod est Episcopi ejusdem Civitatis, pro redemptione animæ filii Domini Radulfi, qui defunctus est, & in eadem Ecclesia est sepultus, ut intercessione B. Protomartyris Stephani ani-*
ma

ma ejus sit in gloria aeterna, Castellum, quod vocatur Castellarum, cum omnibus rebus suis & pertinentiis, stabilibus & mobilibus, & sicut ego prædictus Comes tenui, cum seculari dominio, & cum decima de nostra Curia de prædicta Civitate Satriani.

Neque vero hic substitit Goffredi liberalitas erga Satriani Ecclesiam. Adhuc enim ei donavit vineas duas cum Abbatia dicta de Merulo, cum duabus Ecclesiis a se constructis in honorem SS. Virginis, altera sub titulo S. Mariæ de Rocca, altera sub titulo S. Mariæ de Stella, cum pertinentiis suis, ac speciatim cum domibus, vineis, hortis, campis, villis, ac pistrinis, juxta limites a se descriptos; præterea eidem donavit prædia quædam nuncupata de Aira veteri cum pertinentiis suis. Denique in Diplomate ejus hæc leguntur: *Offerimus Deo in Ecclesia S. Stephani Protomartyris Castellum, Abbatiam, vineas, decimas, Ecclesias, & terras supradictas, ad semper habendum, possidendum, & utendum, Domino Joanni Venerabili Episcopo, qui hodie est, seu alii successores ejus, in honorem S. Matris Ecclesiæ, absque nostra, nostrorumque heredum, vel posterum nostrorum contrarietate, vel requisiione qualicumque, unde nullam portionem de his prædictis rebus nobis reservamus, quas pro salute animæ filii nostri Radulfi, qui defunctus est in eodem venerabili loco, obtulimus, & nos, & nostri heredes & successores defensores existamus ad omnem humanam personam.*

Præterea allegatum in judicio fuit Privilegium Reginæ Joannæ II. anno 1427. 23. Augusti, in quo fuit insertum integrum Diploma memorati Goffredi Satrianensis Comitis. Precibus autem Andræ de Vinetis per id temporis Satriani Episcopi id ipsum Regina observari præcepit contra plurium occupatorum attentata, eo addito, ut Satriani Ecclesia restituere:ur in bona, & jura omnia, quæ in memorata concessione ei donata fuerant.

Inspecta igitur tam opulenta dotatione Satrianensis Ecclesiæ in eam collata a Goffredo Satrianensi Comite, qui in Oppida domini sui jure Summi Imperii utebatur, Curæ vi-

visum, inde concedenti Principi jus patronatus in eandem Ecclesiam quæsitum esse. Exploratum est enim ex regulis utriusque juris, per dotationem potissimum jus patronatus acquiri. Juris etiam explorati visum, patronatum per prædictum Principem acquisitum ad Regem utriusque Siciliæ fuisse delatum, in quem fuere translata jura omnia Majestatis Principum omnium, qui in Neapolitanas Regiones jus Summi Imperii exercuerunt.

Quod autem ad Cathedralem Campaniæ Ecclesiam, Bulla Leonis X. fuit exhibita mense Aprilis anno 1514. Inde liquet, Matricem Campaniæ Ecclesiam, interpellante Ferdinando de Urfinis Campaniæ Comite, evasisse Collegiatam sub titulo S. Mariæ de Pace: in eadem vero Collegiata erectum fuisse Præposituram, inibi destinato Præposito, qui hujusmodi Ecclesiæ Capitulo præesset cum jure superioritatis, & cognoscendi, & judicandi causas, coercendi subditos, & exercendi jurisdictionem spiritualem in paræcianos ejusdem Ecclesiæ; reservato in eam jure patronatus non solum prædicto Ferdinando Campaniensi Comiti, sed & ejus in Comitatu successoribus, ob dotationem ex ipso fundo Campaniæ decerptam.

Bulla etiam Clementis VII. fuit exhibita mense Julio anno 1525., unde liquet prædictam Campaniæ Collegiatam Ecclesiam a memorato Pontifice fuisse erectam in Cathedralem, atque Cathedrali Satriani Ecclesiæ fuisse unitam, quæ ob Satriani devastationem Sede Episcopali carebat. Cum vero per eam occasionem Præpositura antiquæ Collegiatiæ Campaniæ fuisset abolita, omnia Præpositi jura, ut & prædia omnia, quibus Præposituræ constituta des fuerat, migrarunt in Satriani Episcopum, quippe quem & Campaniæ Ecclesiam regere oportebat.

Ex dictis hætenus facile inferre est, novam Campaniæ Cathedralem Regii patronatus evasisse. Id autem factum oportuit, tum quia ea fuit unita Cathedrali Satrianensi, quæ & Regii patronatus erat, accessorium enim natura rei principalis sequitur; tum quia patronatus pertinens ad Campaniæ

niz Comites in veterem ejus Præposituram extingui non potuit. Quoniam vero jura superioritatis ad Præpositum spectantia, & Præposituræ prædia in Episcopum sunt translata, qui Satriani, & Campaniæ Cathedralis regebat, necessitate juxta patronatus fuit extensum ad ipsam Campaniæ Cathedralē, quæ Ecclesiæ Satriani unita fuerat. Exploratum est autem, insequentibus temporibus Campaniæ Comitatum ad Fiscum rediisse: ob perduellionem Principis Monaci, qui Comiti de Ursinis in Comitatu successerat. Ita factum, ut cum reliquis Comitatus juribus, patronatus etiam in Campaniensem Ecclesiam ad Regem Neapolitanum pertinere cœperit. Proinde Curia Ill. & Rev. Capellani Majoris de controversia ita pronunciavit, cum voto Domini Regii Consilarii D. Dominici Potenza, ordinarii Consultoris ejusdem: *Cathedrales Ecclesias Satriani, & Campaniæ simul unitas, fuisse & esse Regii Patronatus, ac proinde Regiam Coronam redintegrandam esse, ut præsentī sententiā redintegratur in earum Patronatum, una cum earum bonis, feudis, Ecclesiis, juribus, jurisdictionibus, prærogativis, præeminentiis, & quibuscumque pertinentiis suis, & speciatim cum jure ad Regem Neapolitanum, ejusque in Regno Successores spectante, eligendi, & nominandi Episcopum in singulis vacationibus, & cum aliis juribus ad Principem Patronum pertinentibus. Ne vero jura Regia detrimentum patiantur, memoratæ Ecclesiæ describantur in libris Curia inter alias Cathedralis Ecclesias, in quas Patronatus Principi competit.*

In causa in gradu appellationis a sententiā Regii patronatus in Basilicā Montis S. Angeli inter Cives, & Rever. Archipræsulem Sipontinum. Die 16. Junii 1786.

Concertatio quidem, quæ in præsentia adeo præfractæ, obfirmatoque animo in Curia Rev. Capellani Majoris discipatur inter Cives Montis S. Angeli, necnon sacræ Garganicæ Basilicæ Canonicos, seu Capellanos Palatinos, ut melius, & apposite dixeris; & Rev. Archipræsulem Sipontinum hæc duo complectitur capita, num scilicet Basilica Garganica An-

Causis Regii patronatus subnoto iudicio ordinario executive esse tractandas.

ge-

gelorum Principis Michaelis juris patronatus sit Regiæ Coronæ; numne sententia dicenda sit executive, ut Pragmatici ajunt, vel cognita causa, & termino ordinario expleto. Contentio isthæc dispari amplissimorum virorum judicio definita est; Dominus Consultor enim modo dictæ Rev. Curie homo sane præclarissimus, non aliter eam definiendam esse decrevit, quam judicio proprietatis, sive ordinario. Ex opposito vero, & fortasse non abs re, appellationis Judex per pientissimum Regem nostrum (quem Deus Optimus Maximus sospitet cum Augusta Familia) designatus, tunc Regius Consiliarius, modo Regiæ Camere Summarie Præfatus D. Franciscus Peccheneda, vir profecto laudatissimus, in alia omnia ivit, & Sacram Basilicam Garganicam, utpote de antiquo Regio jure patronatus, e vestigio, nulloque interjecto termino, & ex Diplomatum, chartis, ceterisque scripturis in processu editis, Regiæ Coronæ redintegrandam esse sua sententia dixit. De isthac sententia Archiepiscopus Sipontinus reclamavit, supplicationis libellum præfatus Augustissimo nostro Regi porrexit, petitque alium Judicem, per quem postrema modo dicta sententia perenderetur, deque ea sedulo cognosceretur; deindeque ea rescissa, atque abrogata, primam firmo talo stare debere statueretur, utpote quæ redintegrationem ad Regiam Coronam Regii juris patronatus Garganicæ Basilicæ Angelorum Principis S. Michaelis expetitam per supradictos Cives, Canonicosque termino ordinario mancipavit. At elementissimus Rex noster, quippe qui in ministranda justitia semper sibi constans fuit, sive de privato jure subditorum, sive de patrimonio, juriisque dominicis quærat, mihi in mandatis dedit, ut de utraque sententia cognoscerem, eequenam firmanda, vel infirmanda sit, meo judicio dicerem. Ego porro ut Regiis mandatis, omni qua par est observantia, obsequar, meam sententiam aperiam, & ut perspicue dilucideque rem exequi valeam, quod in antecessum retuli, strictim complexi curabo.

Cives Montis S. Angeli, & dein Canonici Sacræ Basilicæ.

filicæ Garganicæ dicatæ Angelorum Principi S. Michaeli, una simul petierunt in Curia Rev. Capellani Majoris redintegrandam esse modo dictam Basilicam Regiæ Coronæ, tanquam de antiquo Regio jure patronatus, utpote quæ fundata, dotata, ditataque fuit tam per Ludovicum II. Imperatorem, quam per Dynastas, Regesque successores ejus florentissimi Regni. Huic sane petitioni obstitit Sipontinus Archiepiscopus, in cujus Diœcesi locata est hæc Sacra Basilica; exposuitque Basilicam ipsam, Canonicos, Dignitatesque, & quicquid ad illam pertinet, juris metropolitici esse, adque Metropolitam libera collatione attingere; pro qua libertate firmanda, non solum veterem usum in conferendo intercessisse allegavit: verum etiam Basilicam Garganicam de Regio patronatus jure esse, vel quoquo modo fuisse in antecessum, obfirmato animo abnuvit; atque spuria, confictaque esse omnia Diplomata, & quæcumque monumenta, ex quibus Actores redintegrationem Regii juris patronatus persequi animum intendunt.

In hacce quidem mutua, alternaque concertatione disertissimus Consultor Curia: Rev. Capellani Majoris, Civibus, Canonicisque minime auditis, die 27. mensis Aprilis anni 1784. decrevit: *Super omnibus hinc inde prætenfis & deductis in biduo audiantur Partes, & interim citra præjudicium judicii moti pro prætenfa redintegratione Collegiatæ Ecclesiæ S. Michaelis Archangeli Civitatis Montis S. Angeli ad Regium Patronatum, Reverendiss. Archiepiscopus Sipontinus utatur pro nunc suo jure in conferendis Canonicatibus dictæ Collegiatæ Ecclesiæ, quoties casus vacationis occurrerit, donec judicium prædictum fuerit expletum.*

A quo quidem decreto reclamaverunt Cives, & Canonici, exposueruntque causas redintegrationis Regii juris patronatus, non judicio ordinario, sed executivo, jure; & praxi definiendas esse, semperque pertractatas; eapropter supplicem libellum porrexerunt Sux Regiæ Majestati, ut Judicem appellationis statuere, qui ne redintegrationis causæ Regiorum jurium patronatum detrimentum caperent, con-

Tom. I. Cur. Cap. Maj.

Mmm

cer-

certationem hanc definiret. Merito igitur per Suam Regiam Majestatem designatus fuit appellationis hujusce Judex clarissimus Regius Consiliarius D. Franciscus Peccheda, qui sedulo re perpensa, accurateque, atque momento suo perspectis omnibus Diplomatis, chartis, & monumentis etiam per Rev. Archiepiscopum in processu editis, causam executive, ut explorati juris, & praxeos est, ablegato prorsus termino ordinario, definiivit, & Basilicam Garganicam, utpote quæ ex diplomatibus, ceterisque scripturis liquebat esse de antiquo Regio jure patronatus, redintegrandam Regiæ Coronæ, una cum juribus omnibus esse censuit.

At Rev. Archiepiscopus de hac sententia conquestus, eam ægre tulit, reprobendamque esse asseruit; nam jurisdictionis Judici appellationis demandata (ut ipse dicitur) circumscripta tantum fuerat in cognoscendo, num ordinario judicio, vel executivo causa isthæc definienda erat, qua cognitione, & decisione peracta, remittenda erat decisio redintegrationis Regii juris patronatus ad Rev. Curiam Capellani Majoris, cujus jurisdictionis in prima instantia erat cognoscendi, numne constet de Regio patronatu; & hinc redintegrandum esse, vel non; cum autem appellationis Judex, missum faciens decernere, ordinario ne, an executive, in hac causa sententia dicenda erat, sicque decretum dictæ Rever. Curiæ probare, vel solum judicarium ordinem instaurare, exemplo Regium patronatus jus re ipsa adesse, illudque redintegrandum fore Regiæ Coronæ statuisset, mandatæ jurisdictionis, potestatisque limites transiit.

Insectatur etiam Archiepiscopus sententiam, contendens, nœnias esse ea, quæ de Regio patronatu effunduntur, nam sive Diploma Imperatoris Ludovici II. inspiciatur, hocce tanquam inconstans, & spurium flocci habendum esse decantat; sive cetera Diplomata successorum hujus Regni Regum emunctæ naris hominis judicio subjiciantur, absconum esse, ex illis jus Regium patronatus posse deduci prædicat. Hæc porro est contentio, de qua mihi differendum est, meaque sententia definiendum. De utroque igitur duorum viro-
rum

rum apprime sapientissimorum judicio disquirere, me, measque tenues ingenii vires urget necessitas; attamen quod mihi mandatum est, intrepide agam.

De hinc profecto quæstionibus, quæ in hac causa ad trutinam revocandæ sunt, discutiendum est. Una scilicet, num in judiciis redintegrationum juris Regii patronatus, sententia ferenda sit, dato, & expleto termino ordinario, editis jam monumentis licet antiquitate donatis; an vero termino ordinario submoto, executive redintegratio sit definienda? Altera vero, sit nec ne Regii juris patronatus Basilica Garganica? In prima quippe concertatione scissi sunt in contraria studia præclarissimus Consultor Rev. Curie Capellani Majoris, & disertissimus appellationis Judex, disparibus siquidem, ni me mea fallit opinio, juris principiis. Etenim Dominus Consultor pro comperto habuit, in præsentationibus, collationibus, electionibusque semper ultimum statum servandum esse in re beneficiaria. Itaut si contentio sit inter quasi possessorem juris præsentandi, conferendi, atque eligendi, & proprietarium, scilicet eum, qui proprietatem præsentandi, conferendi, vel eligendi habet, semper ultimus status, ut ajunt, servandus est, videlicet ille qui in præcedentibus vacationibus præsentavit, contulit, aut elegit, in quasi possessione modo dictorum jurium manutenendus est: præstabit autem Judex facta testia jura proprietario in judicio petitorio, sive proprietatis, vel ut Pragmatici ajunt, ordinario; sicque definitum fuisse assequitur ab *Cap. Cum olim*, & *Cap. Cum Ecclesia Sutrina, de causa possessionis, & proprietatis*, atque ex *Cap. Querelam, de electione*: quam theoriam Pragmatici in praxin produxere.

Ex hisce porro librorum Decretalium regulis decretum supra exscriptum retinuit in quasi possessione conferendi Canonicatus Basilicæ Garganicæ Archipræfulem Sipontinum, utpote qui ipse ejusque prædecessores Archiepiscopi illos in antecessum contulerunt; Augustissimo Regi autem juris patronatus proprietario, proque illius redintegratione fuit cognitio servata in judicio ordinario, eoque expleto.

Mmm 2 In-

Insuper possessor, qui neque vi, neque clam, neque precario possidet ab altero, ita interea possidere debet, ex interdicto Prætoris statutum fuisse Ulpianus refert in *L. 1. ff. Ut possidetis*: Separata namque, ut verbis ejusdem Jurisconsulti utar, esse debet possessio a proprietate: fieri etenim potest, ut alter possessor sit, dominus non sit. Ex hisce igitur juris principiiis decretum modo dictum, ut mea fert opinio, manat.

In contrarium ivit Dominus appellationis Iudex, & fortasse ex sequentibus juris rationibus: siquidem Prætoris interdictum, ut ipse Ulpianus patefacit in laudata lege §. 1. *de soli possessore*, scriptum est, quem potiore Prætor in soli possessione habeat: quodque etiam monet §. 8. & Justinianus lib. 4. *Instit. tit. 15. de Interdictis* §. 4. non secus quam hisce verbis edixit: *Interdicto quidem Ut possidetis, de fundi, vel ædium possessione contenditur*. In causa profecto qua de agitur, non de soli possessore, sive de fundo, ædibus, ceterisque stabilibus rebus contentio versatur; neque de mobilibus, de quibus unis interdictum *Utrubi* Prætori locum habere placuit, obtinuitque ejus vim exæquatam fuisse *Ut possidetis* interdicto, ipso Ulpiano teste in *L. unica ff. Utrubi*, & Justiniano obfirmante loco nuperrime laudato. Agitur quippe, ut ajunt, de quasi possessione rei beneficiæ patronatui Summi Principis mancipatæ: in quo quidem jure frustra, & contra jus, fasque dicitur quemcumque quasi possidere præsentationem, collationem, vel electionem beneficiorum Regii juris patronatus. Sunt porro isthæc jura Regiæ Coronæ ita ferruminata & annexa, ut ne quid minimum ex eis decerpi potest, nisi ipsa Regia Corona evertatur, destruat, & pessum eat. Nulla igitur horum sacrorum jurium quasi possessio sive civilis, sive naturalis dari potest penes quemvis etiam quacumque dignitate præditum, atque donatum; simplex etenim detentatio, ut cum Pragmaticis loquar, dici potest, ex qua neque possessio, neque quasi possessio in detentatorem transfertur, ut apposite inter ceteros docet Franciscus Salgadus *de Regia protectione* par. 3. cap. 10. n. 154. & 155. Nec aliquo temporis vestigio

gio possessio, vel quasi possessio Regii juris patronatus a sacra Principis persona, ejusque Corona divelli potest; nulum enim præjudicium, nullumque detrimentum ei afferri potest, ut in propatulo est apud omnes hujus juris Scriptores; ita namque affirmant Solorzanus *de Indiarum jure tom.2. lib.3. cap.2. num.25. & seq.* & in sua *Politica lib.4. cap.2. Cabedus de Patronatu Regiæ Coronæ cap.4.7. & 10.* Salgadus loco supra laudato, ceterique innumeri, quos videre est tam apud hosce Scriptores, quam penes Michaellem de Cortiada *decis.253. a num.55. ad 58.* Immo docet prælaudatus Cabedus *de Patronatu Regiæ Coronæ cap.10.* nullam possessionem posse per Episcopum, vel quemlibet alium allegari, quamvis per centum pluresque annos Ecclesia Regii juris patronatus per eos collata fuerit: additque ita, ipsomet patrocinante, decisum fuisse per Lusitanæ Senatum in causa ejusdam Beneficii magni redditus Regii juris patronatus, eandemque sententiam secutus est Salgadus loco nuperrime adducto *n.145.146. & 147.* qui etiam firmat *n.155.* in hisce causis non competere remedia possessoria; & Cabedus edocet loco laudato *cap.8. n.11.* fructus perceptos ex bonis Regii patronatus per provisos ab Episcopo esse restituendos, prout judicatum refert, ipsomet instante tanquam Regiæ Coronæ Procuratore. Prosequuntur quæ diximus Cortiada *dis. decis.253. n.58.* ceterique, quos ne fastidium moveamus, hic referre lubenti animo præterimus.

Si igitur nulla possessio, vel quasi allegari, & afferri potest per Episcopum, quamvis per ævum, cujus memoria non habeatur, ab eo, ceterisque prædecessoribus Ecclesia, vel quodcumque beneficium Regii juris patronatus fuerit collatum; abs re est interdictum Prætoris *Uti possidetis* in medium proferre; scriptum porro est illud de possessore, ut Ulpianus monet; editum namque fuit de fundi, adiumque possessione, Justiniano edicante.

Labefactantur quoque superscriptæ Decretales epistolæ, utpote quæ de possessore, possessioneque scriptæ fuere, ideoque ad rem non pertinent, nefasque est ad jura Regiorum pa-

patronatum illas defletere, atque detorquere: horum juri-um namque nec vola, nec vestigium possessionis vel quasi possessionis, apud Episcopos esse potest, licet per immemorabile tempus collatio per eos facta videatur. Si ergo nulla est possessio, frustra retentus fuit Archiepiscopus Sipontinus in quasi possessione conferendi Canonatus Basilicæ Garganicæ, quousque terminus ordinarius fuerit expletus, in quo Supremus Princeps noster de proprietate sui patronatus edocere valeat. Contra fas inquam mancipata fuit termino ordinario redintegratio Regii juris patronatus, & retentus Archiepiscopus in quasi possessione conferendi Canonatus; nam in hisce judiciis quocumque tempore, etiam post lapsum mille annorum, actione spoliæ Rex successor, ejusque Coronæ Procurator agere potis est contra Episcopos pro redintegratione Regii juris patronatus, ita sane docet Cabedus de *Patronatu Regiæ Coronæ cap. 7.* & decisum refert n. 5.

Etenim Regium jus patronatus, ut supra monuimus, inter præcipua jura Majestatis adscribitur, ut percipere licet ex Antunnez Portugal de *donationibus Regiis tom. 2. lib. 3. cap. 28. n. 138.* & *cap. 45. n. 28.* Frasso de *Patronatu Regio Indiarum tom. 1. cap. 1. n. 19.* Cabedo, Solorzano, Salgado, ceterisque omnibus, quos vide si lubet apud laudatum de Cortiada *decis. 253. n. 55.*, ac proinde præscribi nullo modo per quemvis potest. Quotiescumque porro ablegata est præscriptio, contra juris æconomiam est, posse possessionem, vel quasi possessionem in medium proferri, redintegrationem vero Regii juris patronatus termino ordinario subjici.

Ex hisce profecto, aliisque (quæ consuetius missa facimus, ne alios tædio, molestiaque afficere videamur) tamquam firmissimum consuetarium fuit rite; appositeque Consultissimus appellationis Judex, submoto rejectoque judicio ordinario, confestim ad redintegrandum Regium jus patronatus Basilicæ Garganicæ, cum ceteris suis juribus Regiæ Coronæ invictissimi Regis nostri devenit, & redintegrationem luculentissima atque præclarissima sua sententia definivit.

De altera quæstione sane nunc disserere præstaret, num
vi-

videlicet sit, necne Regii juris Patronatus Basilica Garganica? Verumtamen quia de hoc Regio jure super Basilicam Garganicam satis superque profecto, ac omnino apposite, & dilucide per disertissimum Dominum appellationis Judicem disceptatum est in sua sententia, Regiumque jus patronatus firmissimis rationibus ex *Novell. 27. Justiniani*, aliisque Conciliorum, atque Summorum Pontificum, Canonibus, & epistolis, ceteris demum patronatum signis luculentissime proditum est; neque ultra id quod per eundemmet non vulgaris eruditionis virum dictum, perscrutatumque est, aliquid proferre opus est, nisi placeat crambem repetere, libenter igitur sermonem abstinemus.

At quia postquam sententia dicta fuit, Archipræsul diplomatibus, monumentis, aliisque scripturis, quas ipsemet in actis edidit, injuria obsistit, earumque aliquas spurias, ceterasque ad jus patronatus firmandum, nulla efficacia, & robore prædicas esse jactat, ne dicam, nugatur; ideo ad propulsandas hæc technas, nugæque dispellendas, parumper de eis disquirere lubet. De Diplomate Imperatoris Ludovici II. filii Imperatoris Lotharii I. nepotisque Ludovici Pii per eundemmet Archipræsulem in actis exhibito, sic qui partes tenent Archipræsulis obloquuntur. Modo dictum Diploma adscriptos non habere annos Incarnationis Christi Servatoris, sed Ludovici Imperii solum. Porro sequens nota chronologica in ea signata legitur: *Acta Beneventi Civitate: Datum 1111. Kal. Junii anno Christo propitio Imperii Serenissimi Augusti Domini Ludovici XX. Inditione 1111. feliciter.* Deest igitur, obtretractatores isti murmurant, adscriptio annorum Christi: Spurium ergo, falsumque Diploma est, proindeque *Casellum* quod in eo per Ludovicum donatum, datumque cum suis Gastaldianis asseritur Garganicæ Basilicæ, purum putum hoc signum est. At bona verba quæso, & indefinenter precamur, ut non tam dictu proclives sint in exhibilando Diplomata illa, quæ ipsimet exhibendo in processu, probaverunt; ne contra legem faciant, quæ vetat reprobari ea, quæ semel probata fuerint; sed missis istis, amabo, nobis dicatur, unde
nam

nam critici nostri isti didicerint, apocrypha esse Diplomata, præcipue Sæculi IX., a quibus æræ Christi Servatoris nostri adscriptio abest? At ut in posterum rem melius percipiant, & ab similibus insectationibus abstineant, strictim quod ad rem facit, eos admonendos esse putamus.

Chronologia quæ in Diplomatis observatur, ad tria capita revocari potest, nempe in adpositione anni, & diei, Indictionis, & Regni, & Imperii Regis, vel Imperatoris, cujus est Diploma. Non unica, & certa numerandorum annorum apud omnes fuit ratio, sed aliter apud Francos, aliter apud Germanos, diversimode apud alias gentes illa fuit, unde maxima rerum confusio, ac perturbatio, ut præclarissimi viri monent, orta est. Adscriptio quippe annorum Christi ortum habuit a Dionysio Exiguo Romano Abbate, qui ineunte Sæculo VI. floruit, hæcque ab Incarnationis Dominicæ anno adscribi cæpit. Verum non statim in Diplomatis illa adposita fuit, sed primum annalium Scriptores ea usi fuere in suis Chronicis. Sæculo VIII. porro initium cepisse videtur, ex eo quia adposita illa legitur in quodam Langobardico Diplomate, quod Bernardus Montfaucon evulgavit in *Diario Italico* cap. 4. pag. 64.

Et licet æra Dionysiana computationem statuisset a die Incarnationis, videlicet a die 24. mensis Martii, attamen computatio isthæc hunc firmum canonem non obtinuit, nam multi a die Natalis Christi; alii a Circumcisione Domini; a die Paschatas quamplurimi; & non desuere, qui a mense Octobris ut videre est apud doctissimum virum Joannem Mabillonium *de Re Diplomatica* l. 2. cap. 23. Du-Cange in Glossario verbo *Annus*, Christianum-Henricum Eckardum *Introductio ad rem Diplomaticam* sect. 3. de *internis Diplomatum notis*, ceterosque qui rem diplomaticam versaverunt.

Adpositio profecto annorum Christi Servatoris in Diplomatis Francorum, Germanorumque Imperatorum, quoniam tempore cæpisse videatur, res inconstans est apud Scriptores; si statim maledicta detrectantium dirumpere placeret, nobis sine cunctatione eis objicere liceret, annorum Christi
in

in Diplomatis Francorum Imperatorum adscriptionis, ex sententia Davidis Blondelli: *In pleniore Genealogia Francorum assertione*, nulla monumenta reperiri integra ætate Pippini, Caroli Magni, Ludovici Pii, filiorumque; sed ævo posteriore illos adpositos fuisse; sed quia sententiam hanc reprobendam esse didicimus a doctis rei Diplomaticæ viris, libenter eam mittimus. Non desunt quippe, qui affirmant modo dictorum annorum adscriptionem initium sumpsisse sub Carolo Crasso, qui ad Imperiale fastigium assumptus fuit die Christi Natalis anni 880. quamquam alii affirmant Carolum Coronam Imperii obtinuisse anno 881.; attamen Pagius monet hanc varietatem intercessisse, quia hi postremi anni initium ducunt a die Natalis. Verum sententiam hanc viri doctissimi refellunt, inter quos clarissimus Hermannus Coringius in *censura Diplomatis Lindavienfis cap. 18.*

Illud profecto quod magis consentaneum esse videtur, originem annorum Christi in Diplomatis quandoque usque- nisse ævo Carolingorum, itaut a sæculo octavo in aliquibus Diplomatis perraro illos adpositos fuisse legitur, major pars vero illorum hac adscriptione caret, ut laudatus *Mabillonius lib. 2. cap. 26. & 28.* monet, quodque advertit doctissimus *Heineccius Dissertat. de genuina Nativitatis Christi æra §. 4.* Illud porro quod extra dubitationis aleam est, a *Carolo Crasso* in posterum, hoc est ab anno 881., firmatum usum fuisse adpositionis æræ Christianæ in Diplomatis Imperatorum Francorum, atque Germanorum, cum in antecessum soli anni Regni, & Imperii adscribebantur.

Quamobrem ex præmonitis tanquam ex prono alveo fluit, nugas esse, atque quisquilias ea quæ inscite objiciuntur circa falsitatem *Diplomatis Ludoviciani* propter deficientiam adpositionis æræ Christianæ; isthæc porro anno 868., quo datum fertur modo dictum Diploma, nondum in pleniore usu erat in diplomatis Francorum, apud quos a *Carolo Crasso*, videlicet ab anno 881. in posterum immota stetit, sicuti apud Germanos ab *Ostboye I.*, ut præ ceteris admonet laudatus *Eckardus* loco desuper adnotato.

Tom. I. Cur. Cap. Maj.

Nnn

At

At fas sit mihi dicere, nescio ex quo monumento, & undenam excerpti sint illi anni 868.; qui initio prædicti Diplomatis typis editi, per Archipræsulem Sipontinum in actis hujus causæ exhibiti, videntur, legunturque adnotati & impressi. Diploma hanc epocham non fert, sed annum vigesimum dumtaxat Imperii *Ludovici*, & Indictionem quartam. Hæ siquidem notæ Chronologicæ haudquaquam ad prænotatos annos respondent, nam anno 868. prima Indictio numerabatur, non vero quarta, quæ incidit in annum 871., quæ quidem quarta Indictio adscripta anno vigesimo Imperii *Ludovici II.* magis magisque firmat hoc diploma. Siquidem *Ludovicus II.* anno 855. successit patri *Lothario I.* Ad eruendam tamen veritatem Diplomatum hujus *Ludovici* præstat distinguere, atque secernere quatuor epochas Regni ejusdem. Prima nempe anni 844., quo anno declaratus fuit Italiæ Rex ab *Lothario* Imperatore ejus patre, missusque Romam, ut perquireret quoniam jure, quave auctoritate *Sergius* electus, ordinatusque fuerat Pontifex inconsulto Imperatore *Lothario*, & priusquam ipse Imperator sineret, ut in locum demortui Pontificis cooptaretur, tunc profecto coronatus Romæ fuit Langobardiæ Rex die 25. mensis Junii anni 844. Secunda epocha *Ludovici* fuit annus 849., quo a *Lothario* fuit ad Imperium associatus. Tertia fuit annus 850., quo, patre *Lothario* adhuc in humanis existente, fuit sacratu Imperator per Pontificem *Leonem IV.* die 2. Decembris. Quarta demum fuit annus 855., quo *Lotharius* mortem obiit: vixitque vero *Ludovicus II.* ad diem usque 13. Augusti an. 875. Verum tertia epocha, videlicet an. 850., quo aliqui putant *Ludovicum II.* Imperiale fastigium consecutum fuisse, nomenque Imperatoris assumpsisse, itaut ab hoc anno inchoanda sit computatio annorum sui Imperii, ad *Pagium* adscribenda est, quem incunctanter Patres Maurini prosecuti sunt *Dans l'art de verifier les dates.* Attamen præclarissimus, summaque eruditionis vir *Ludovicus Muratorius* in *Annalibus Italia ad annum 850.* non abs re de hac Imperii epocha dubitatione æstuat.

Hæc

Hac distinctione modo epocharum *Ludovici II.* præmissa, monendum porro est (quod brevibus verbis complectar) tres esse præcipuas Indictiones. Prima nempe Constantinopolitana, seu Græca nuncupatur, quæ numerari incipit a prima die mensis Septembris; deque ea sit mentio ab Anastasio Imperatore in *L. ult. Cod. de Annonis, & tribus lib. 10.* & ab Valentiniano, & Valente in *L. 1. Cod. de Militari veste lib. 12.*, de qua quidem Indictione intelligendus est Justinianus, cum eam adscribi iussit in *Novell. 47. cap. 1.* omnibus instrumentis. Altera Constantiniana, quæ deinceps etiam Cæsarea appellari consuevit, quæ ab octava die mensis Octobris inchoatur. Tertia demum Pontificia seu Romana, quæ initium ducit a Circumcisionis die, seu a prima die mensis Januarii; sunt enim & aliæ, quæ ad nos nunc nihil faciunt. Ex hisce enim trium Indictionum speciebus, Constantiniana potissimum ab Imperatoribus Francis, & Germanicis in Diplomatum servata fuit, meruitque eapropter dici etiam Cæsarea; videtis inter ceteros laudatum Eckardum loco superius adnotato §. 28. & Du-Cange in *Glossario verbo Indictio*.

Hisce autem prænotatis, ad Diploma modo dictum reum redeundum est. Hoc vero sequentes notas chronologicas inscriptas habet: *Acta Beneventi Civitate. Datum III. Kal. Junii anno Christo propriis Imperii Sereniss. Augusti Domini Ludovici XX. Indictione IIII.* Licet enim, ut præmonuimus, Ludovicus II. fuisset consecratus Imperator die 2. mensis Decembris anni 850. ut Pagius, & Maurini Patres autumant, non proinde anni viginti, qui Diplomati adscripti videntur, recensendi sunt ab die secunda mensis Decembris anni 850. Etenim admonent Papebrochius in *Propyl. part. 1. §. 46.*, atque Eckardus loco superius adnotato, *Señ. 3. de internis Diplomatum notis §. 28.*, crebro aliquos menses prioris anni, vel Regni, vel Imperii, fuisse in Diplomatum aut omissos, numerando ab anno sequenti; vel adactos: incipiendo computationem a prima die anni suscepti Regni, vel Imperii uniendo nempe annos Regni, cum annis Impe-

rii. Exemplum notatu dignum, atque luculentissimum affert præclarissimus Papebrochius, loco nuperrime laudato. Ocho siquidem Magnus coronatus Imperator Romæ fuit initio an. 962., & quamquam annus vigesimus sextus Imperii a Coronationis die decurreret, tamen abrupto anno vigesimosexto, annum vigesimum septimum numeravit, ut anni Regni, & Imperii æquarentur; id quod nostro Diplomati contingit, nam modo dictæ Coronationis tempore adhuc Lotharius pater imperabat, quamquam ab anno 849. Ludovicus ad Imperium associatus fuisset.

Insuper Diploma Ludovici habet annum vigesimum Imperii, & quartam Indictionem, qui annus vigesimus Imperii, si recenseatur ab die, qua tamquam Imperator consecratus fuit, videlicet a die secunda mensis Decembris anni 850. explebitur annus vigesimus die secunda mensis Decembris anni 870. quo quidem anno non quarta Indictio, sed tertia decurrebat, ut (si fastidium computationis Indictionum effugere placet) videre est *Dans l'art de vérifier les dates*, elaborata per Patres Benedictinos Congregationis S. Mauri, pag. 36. & apud ceteros Chronologos, qui accuratius annos cum Indictionibus dinumeraverunt, & præcipue laudatissimus Muratorius videndus in anno 870. *Annalium Italiae*.

Primus annus igitur Imperii Ludovici II. non ab anno 850., sed ab anno 851. jam inchoato, incipiendus est, itaut annus vigesimus sui Imperii expleatur die octava mensis Octobris, vel in mense Septembris (a quo mense etiam Indictiones dinumeratæ leguntur in quamplurimis ejusdem Ludovici Diplomatum) quo Indictio IV. pariter absolvitur; sicque annus vigesimus, non secus quam anno 871. mense Junio, in quibus Indictio IV. contingebat, statuendus est, hisque anno, & mense quidem Diploma datum habendum est.

Nec obstat quod hoc anno Ludovicus II. ob insidias, quas ei Adalgisus molitus fuit, Benevento comprehensus, fuit custodiæ mancipatus; siquidem hoc nefandum facinus

ac-

accidit die vigesima quinta mensis Augusti modo dicti anni, postquam Ludovicus ob verba ei ab Adalgiso data, iterum Beneventum regressus fuit, a quo nuperrime discesserat. Non obstat quidem hoc, nam ex Diplomate quodam ejusdemmet Ludovici per accuratissimum Criticum Ludovicum-Antonium Muratorium typis datum, & in dissertationibus *Antiquitatum medii ævi, dissertatione II. rclatum*, constat Ludovicum die 14. mensis Aprilis anni 871. moram fecisse in Beneventana Civitate, ibique per aliquam temporis interca-pedinem permanisse: quodque idem laudatissimus vir refert in Annalibus Italiæ anno 871. ex Andrea Presbytero Historico synchrono: merito igitur Diploma datum legitur die 2. mensis Junii 871.

Ultraquamquod, etiamsi mense Junio Ludovicus Benevento non permanisset, sed ad propellendos Saracenos a Civitate Bari cum exercitu commecisset, nec easpropter Diploma sublestæ fidei habendum esset; inscriptum profecto illud est: *Actum Beneventi Civitate: Datum IIII. Kal. Junii.* Quæ quidem notæ *Actum*, & *Datum*, sive *Acta*, & *Data*, indicant, prima videlicet locum, ubi Princeps gratiæ concessionem mandavit, ibique præsens tunc erat: altera vero locum, ubi per Cancellarium Diploma scriptum fuit. In comperto siquidem est apud rem Diplomaticam callentes, discrimen hoc inter utrasque notas intercedere, quod acceptum referre primo debemus disertissimo Joanni Mabillonio *de re diplomatica lib. 2. cap. 26. §. 10. & 13.* Nec ab eo scorsum sentit præstantissimus Joannes-Petrus de Ludewig in *præfatione tom. 1. Reliquiarum manuscriptorum pag. 43.* ubi ait: inde discenda discrimina formularum: *Datum*, atque *actum*. *Ultimum notat tempus concessionis, & significatæ Imperialis voluntatis; primum vero scripturæ, & conceptionum verborum, Casare licet absente;* quodque denuo edocet *pag. 50.* Hanc eandem sententiam profecutus est laudatissimus Eckardus in *introductione in rem Diplomaticam sect. 3. §. 36. & seq.* Quæ quidem dux formulæ, multoties amtæ adscribuntur in Diplomatis, sæpe numero vero sive una, sive altera tantum adnotata legitur.

Hoc

Hoc quippe discrimen formularum luculenter manifestum se prodit in nostro Diplomate, etenim legitur in eo: *Abba Beneventi Civitate: Datum IIII. Kal. Junii*, hoc est concessio facta fuit mense Aprilis, vel alio tempore anni 871., quo Ludovicus Beneventi morabatur; scriptum vero, *exaratumque Diploma fuit per Cancellarium IIII. Kal. Junii*, quamquam Ludovicus a Beneventana Civitate abesset. En igitur quoqueversum disperdita, ac dissipata techna cujusvis male feriat hominis, qui licet magna contentione Ludovicianum Diploma distorquere voluerit, nunquam tamen commentitii vicio illud afficere potis erit.

Neque silentio prætereundum est, quod usquequaque monet, urgetque præstantissimus Muratorius, parvi sciendum esse de notis Chronologicis, quæ apographis, sive exemplis præcipue Diplomatum adpositæ, adnotatæque reperiuntur, utpote quæ quam facillime per scribas ut plurimum illiteratos, rudesque invertuntur, distorquentur, miscentur, atque turbantur; a quibus mendis sane, atque interpolationibus apographum Diplomatis Ludoviciani per Archiepiscopum Sipontinum in actis exhibitum fortasse non abest.

Verum enimvero ut undique omnis cavillationis causas amputemus, amandamus adversæ sententiæ fautores, & Diplomatis Ludoviciani obtrectatores ad Chronicum Casauriense, in quo non pauca Diplomata describuntur ipsiusmet Ludovici Augusti, utpote qui Monasterium Casauriense (licet ævo posteriore abolitum) ædificari curavit, dotavitque. Ex modo dictis Diplomatis profecto eruitur in aliquibus adpositos esse Christianæ æræ annos, atque Imperii, in quamplurimis vero Imperii solum, & Indictionis; quæ notæ Chronologicæ si cum nostro Diplomate conferantur, necesse est ut adversantes sibi os obstruant.

Quod nuperrime diximus in notis Chronologicis apographorum, sive exemplorum Diplomatum per amanuenses scriptorum sæpe numero peccari, eas interpolando, dilucide visitur in ipsomet nostro Diplomate, seu melius in iisdemet suis apographis, sive exemplis. Etenim aliud apographum

phum ejusdem Diplomatis nobis exhibet Ferdinandus Ughellus tom. 8. *Italiæ Sacrae de Beneventano Archiepiscopo* pag. 44. § 45. editionis 1721. legitur quidem ibi: *Actum Beneventi Civitate: Datum IV. Kal. Junii anno Christi propitio Imperii Serenissimi Augusti D. Ludovici XXI. Indictione VIII. feliciter*, adestque etiam monagramma Ludovicianum. Hoc exemplum testatur Ughellus desumptum fuisse ab ipso Autographo Bibliothecæ Beneventanæ.

Duo quippe monenda hic sunt; primum quidem huic apographo adpositam esse Indictionem VIII.; illi vero per Archiepiscopum exhibito Indictionem quartam. Ughellianum Apographum præferre annum vigesimum primum Imperii Ludovici, qui si computetur ab anno Coronationis 850. incidit in annum 871., quo quidem anno non Indictionem octavam, sed IV. in antecessum decurrisse docuimus; in apographo autem in actis exhibito, Indictionem IV. adnotatam esse legitur, quæ anno 871., & anno vigesimo Imperii Ludovici respondet. Monitu dignum etiam esse quoque mihi videtur, minus recte ibi scripsisse Ughellum modo dictum Diploma datum fuisse anno 21. Imperii Ludovici, eundemque annum fuisse ultimum suæ vitæ, & annum salutis 875., indeque sane eum falli, in aperto est, nam licet annus 875. fuisset ultimus Imperii & vitæ suæ; Diploma siquidem non fuit datum anno vigesimo primo sui Imperii, neque hic annus fuit ultimus suæ vitæ, ut colligi potest ex his quæ in antecessum adnotavimus.

Insurgit nihilofecius Archipræsul, objicitque, quod etiam si nulla suspectæ fidei labe prædictum Diploma laboraret, nec propterea ab eo Regium jus patronatus inferri, deducique posset. Siquidem (ipse obstitit) Castellum, quod cum Gargaldianis in Ludoviciano Diplomate Sacræ Basilicæ Garganicæ donatum a Ludovico fertur, longe ante constructum fuisse ab quodam Urso electo ipsius Ecclesiæ; proindeque cum neque construxerit, neque (ipse Archipræsul ait) de re propria eam dotaverit Ludovicus; patronatus jus prorsus acquirere ipse nequivit; hoc jus namque, sive per Jus-

stiniani *Noel.* 57. sive per *Can.* 33. *caus.* 16. *qu.* 7. & *Canonem* 4. *caus.* 18. *qu.* 2., sive demum per *Cap. Nobis* 25. *extra de jure patronatus*, non secus acquiri a quovis potest, quam per *fundationem*, vel *extructionem*, *dotationemque* *Ecclesiæ*. Cum igitur *Ludovicus* nihil ex hisce *Garganicæ* *Basilicæ* contulisset, frustra asseritur eam de *Regio* *jure patronatus* fuisse, & in *præsentia* esse.

Ad *Castellum* constructum ab *Urso*, & ab eodemmet *Basilicæ* *Garganicæ* donatum probandum, producit ab ipso *Archipræsule* *Sipontino* charta quædam *Pandolfi Beneventani* *Principis*, cui nescio quomodo appictus supra eam sit annus *MCCCCLXIX.*, cum neque in principio, neque in fine illius legatur dies vel mensis, vel quævis alia nota *chronologica*. In hac enim *Charta* hæc verba leguntur: *Igitur noveris omnium fidelium nostrorum, præsentium scilicet, ac futurorum sollicitia, Joannem Venerabilem Archiepiscopum Sanctæ Tarentinæ Sedis & Nicolaum Protospatarium, & Judicem, & Theodoro Protospatario de ipso Chrisotriclino, & Teporete de ipse Scote, dilectis fidelibus nostris, nostram adierunt a Deo protegendam Principalem dignitatem, deprecantes ut pro augmento S. Ecclesiæ, nostræque Patrie salvatione, concederemus, atque confirmaremus in Archiepiscopio S. Dei Genitricis, & Virginis Mariæ Sedis Beneventane, in quo Landolfus Venerab., & egregius Archiepiscopus Spiritualis noster Pater præfatus dinoscitur, ad perpetualiter habendum, & possidendum integram Ecclesiam S. Michaelis Archangeli, que constructa est in Monte Garganico, cum omnibus ejus pertinentiis, & possessionibus, simulque cum integro ipso Castello ejusdem S. Angeli; quod quidem Ursus electus præfate Sedis in proprio territorio jam dictæ Ecclesiæ, a nobis (idest a novo, ut Cangius verbo nobis explicat) construxit fundamine. Pariterque eum integrum Episcopatum S. Sipontine Sedis, cum omnibus ejus pertinentiis &c.*

Ex verbis illis: *Cum integro ipso Castello ejusdem S. Angeli*, quod quidam *Ursus electus præfate Sedis* (*Beneventane* scilicet) *in proprio territorio jam dictæ Ecclesiæ a novo construxit fundamine*, auribus suis blanditur *Archipræsul* *Castellum*

lum a Ludovico Imperatore pro dote Basilicæ Garganicæ datum anno 871. fuisse proprium ejusdemmet Basilicæ; nam Pandolphus Beneventi Princeps, ita firmissimè declarat modo dicta Charta anni 969. Eapropter cum Basilicam non dotavisset; abs re est asserere jus patronatus acquisivisse, cum rem propriam Ecclesiæ ei confirmavisset.

At paulisper exscriptis verbis Chartæ immorandum est. Mittimus libenter num Charta prædicta vera sit, an commenticia, a qua cum prorsus absint quæcumque notæ chronologicæ, & temporis adnotatio, ex Constantini Magni legibus, nempe *L. 1. Cod. Theod. de Constit. & L. 1. cod. Cod. de Rescript.*, eam flocci faciendam esse in propasulo est. Sicque etiam statutum esse legitur in *Leg. Alamannor. tit. 43. Bajuvariorum tit. 15. cap. 13.* & Caroli Magni Capitularibus *lib. 6. cap. 147.* Dicitur porro in Charta modo dicta: *Castellum ejusdem S. Angeli, quod quidam Ursus electus prefate Sedis in proprio territorio jam dicte Ecclesiæ a nova construxit fundamine.* At quisnam fuerit ille *Quidam Ursus electus Sedis Beneventane* ignoravit ipsemet Pandoifus cum dicat *quidam Ursus.* Verumtamen ut morem geramus meritissimo Archiepiscopi Sipontino, & veritati obsequamur, non inficiamus Cathedralam Sipontinam ab Religionis Christianæ ævo proprius habuisse Episcopos ad annum fere 668. nam cum anno 658. bellum indictum fuisset inter Langobardos, Græcosque pro illius Regionis occupatione, & præcipue Montis Garganici, prospera fortuna favit Langobardis, qui nedum integram Regionem illam, verum (proh facinus!) sacratissimum specus S. Archangeli Michaelis diripuerunt; & licet Paulus Diaconus utpote ipsemet Langobardus, sequestram hanc dirptionem vertat ad Græcos; disertissimus Camillus Pellegrinus vero de finibus Ducatus Beneventi *differ. 7.* suspectæ fidei habet Paulum Diaconum in his quæ suis Langobardis officere possunt: idcirco quamplurimis argumentis, Langobardos illius facinoris auctores existimat, & a Pellegrino non dissentit Ughellus *Italia Sacra tom. 7. editionis 1721. de Metropoli Sipontina.*

Tom. I. Cur. Cap. Maj.

O o o

Cum

Cum igitur quassatæ, ac everse fuissent illæ, ceteræque Regiones etiam ab Imperatore Constantio, qui contra Langobardos cum Græcorum exercitu arma movit, Cathedra Sipontina pene deserta, & divinis officiis destituta erat. Anno siquidem 668. petente S. Barbato, tunc Beneventano Episcopo, fuit illa Episcopatus Beneventano unita, insimul cum Garganica Basilica; a quo quidem anno, ad annum usque 1033. Beneventani Præsules se dixerunt Episcopos Beneventanos, & Sipontinos. Hoc quippe anno, Benedicto IX. Pontifice, Sipontina Sedes fuit in integrum restituta, & dignitate Archiepiscopali exornata; quamquam Sedes Beneventana jam pridem eisdem infulis fuisset donata: de qua re videndus est Marins Vipera lib. 1. *Chronol. Episcoporum, & Archiepiscoporum Beneventi*, & Ughellus paullo ante laudatus.

Hiscæ tamquam per excursus præmonitis, ultro fate-mur inter Episcopos Beneventanos, & Sipontinos recenseri *Ursum Episcopum Beneventanum, & Sipontinum* ann. 833. sub Gregorio IV. Pontifice, qui vixit ad annum 845. usque. Attamen etiamsi ad hunc Ursum referri visum fuerit, quod in supra exscripta Charta anni 969. a Pandolfo dictum placet, illa verba vel subleste fidei Chartam faciunt, vel *τὸ Castellum* ad aliud ædificium referri debet, nequaquam vero ad Castrum, seu Oppidum S. Angeli habitatoribus, sive oppidanis refertum. Siquidem Imperator Ludovicus II. die 9. Junii anni 871. (videlicet non longe ab annis 833. & 845., in qua temporis intercapedine Ursus rexit utraq; Ecclesias Beneventanam, & Sipontinam) Beneventano, & Sipontino Episcopo dono dedit *ipsum Castellum ubi jam dicta Sacrosanta Ecclesia Garganica sita est, una cum omnibus Gastaldianis ibi commanentibus*; & de hac nova constructione Castellum a fundamine facta per quendam Ursum, nec parum, nec multum profert.

Insuper Imperator Otho Magnus anno 967. Castrum S. Angeli in Gargano donavit Landulfo Episcopo Beneventano, & Sipontino, una cum Ecclesia, ut ex Mario Vi-pera

pera testimonium perhibet Ughellius loco additato , & de nova illius extruptione peracta per *Urfum* , altum silentium ipse Otho tenet .

Ast ne digito quidem abs verbis ipsis Chartæ Pandolfi discédamus , quæso ut accuratius illa perlegantur ; eindequo si de Castello, seu de Oppido, & habitatoribus, oppidanisque in eo commorantibus, verba illa intelligenda sint, omnes qui ingenii dexteritate non destituantur, quid ea sibi velint, pergnoscant. Donat igitur Pandolfus Castellum ejusdem S. Angeli, quod quidam *Urfus electus prefate Sedis (Beneventana)* in proprio territorio jam disse Ecclesie a novo construxit fundamine. Castellum siquidem medii ævi latinitate præsertim, non solum indicabat Oppidum, sive Castrum habitatoribus refectum, & in locis montanis collocatum, sed etiam *Casam* in loco alto positam ; sic enim apud *Du Cangium* in *Glossario mediæ & infimæ latinitatis*, verbo *Castellum* ex Uguitione legitur : *Castrum quod in loco alto situm est, quasi Casa alta, unde Castellum*. Silentio prætereundum non est quod Patres Maurini ibi addunt eodem verbo *Castellum*. *Castellum*, vel *Castellus* receptaculum, quod aquam publicam suscipit, quæ ducitur ad aliud prædium irrigandum. Non immerito sane laudati Patres Maurini modo dictam interpretationem etiam ad τὸ *Castellum* accommodant; quippe non solum apud Frontinum in libro de *Aquaductibus*, & Marcum Vitruvium lib. 8. cap. 7. *Castellum* pro aquæ receptaculo usurpatur ; sed apud Jctum Paulum etiam nunc pro aquæ receptaculo *Castellum* habetur in *L. Fissulam D. de servit. urbanor. prædior.* En ejus verba: *Fissulam injunctam parieti communi, quæ aut ex Castello, aut ex Cælo aquam capit, non jure haberi Proculus ait*. Apage quæso, ne quisquis, qui ad hoc Pauli *Castellum* fortasse offendar, illud pro Castro, oppidove repente existimare putet.

Ex illo etenim mediæ latinitatis loquendi more, & qui in ejus cognitione versantur in præceps non ruunt, affirmantque *Urfum* a fundamine construxisse *Castellum*, hoc est Oppidum cum incolis, & habitatoribus; sed quamdam *Casam* eum extrui curavisse, certo certius pro comperto habent, quæ *Casa*

cum posita fuisset in cacumine montis Garganici, in charta Pandolfi fuit Castellum illius ævi more appellatum. Hoc quippe præclare etiam deducitur ex ipsis verbis chartæ: Dicitur namque, *Ursus a fundamine construxisse Castellum in proprio territorio jam dicte Ecclesie*. En ergo tò Castellum nil aliud sibi voluisse constat, ni Casam constructam ab *Urso* electo Sedis Beneventanæ, & Sipontinæ in Monte Garganico in proprio territorio Ecclesiæ Angelorum Principis. *Territorium* quippe non secus quam pro agro, possessione, prædioque accipiendum esse, tam leges omnes, quam ipsa mediæ ævi latinitas pro explorato habent. Ita siquidem territorium intelligitur in *L. 34. C. Theod. de operibus publicis, L. 2. de exactionib. L. 30. de Annonis, & L. 186. de Decurionib. eod. Cod.* Immo in plurimis foundationum Monasteriorum, Ecclesiarumque chartis territorium pro agro, possessione, & prædio, extra dubitationis aleam adhibetur. Quæ porro monumenta, si vellemus hic afferre, ab causæ concertatione, ad fastidiosum diverticulum digrederemur; adeant eapropter illi, qui de hac re sibi fieri satis exoptant Carolum du Fresne, seu du Cange in *Glossario mediæ & infimæ latinitatis*, verb. *Territorium*; ubi præcipue ex Ugutione scribit, *Territorium: Locus modicus, vel districtus alicujus, vel territorium dicitur, quasi territorium, idest tritum bobus*.

Castellum igitur Chartæ Pandolfi, non de Castello cum Galdianis a Ludovico II. Imperatore Sacræ Basilicæ Garganicæ dotis causa donatum, accipiendum est, sed de quadam Casa constructa in proprio prædio ipsius S. Angeli a quodam *Urso* electo Sedis Beneventanæ. Hinc profecto intelligitur, quam maxime dissimilis fuit loquendi modus Pandolfi ab illo Ludovici II. Pandolfus siquidem mentionem tantummodo fecit de Castello constructo ab *Urso* in proprio territorio ejusdem S. Angeli. Ludovicus vero (verbis utar fere ipsiusmet Imperatoris) cum vidisset per varias temporum adversitates plurima ædificia, & alia quadam pertinentia Ecclesiæ S. Michaelis, quæ Domino Auctore sua est in Monte Gargano, deserta, & ruinea, ne tanti Oratorii famulus bonor, cultusque

vilesceret, concessit in eandem Ven. Ecclesiam ipsum Castellum, ubi jam dicta Sacrosancta Ecclesia sita est, una cum omnibus Gastaldianis ibi commorantibus.

En igitur quantum distat Castellum constructum in proprio territorio Ecclesiae S. Angeli, de quo Charta Pandolfi loquitur: *a Castello ubi jam dicta Sacrosancta Ecclesia sita est, a Ludovico ipsi Ecclesiae dono dato, cum omnibus Gastaldianis ibi commorantibus.* Pandolfus siquidem meminisse pergnoskitur cujusdam Castelli, sive Casae a quodam Urso in proprio territorio S. Angeli constructa: Ludovicus vero donat Castellum cum omnibus Gastaldianis, Incolis nempe in eodemmet Castello commorantibus, in quo ipsa Sacrosancta Ecclesia sita est. Castellum profecto in quo Gastaldiani commorabant, non secus erat quam Castrum, sive Oppidum Incolis inhabitatum, in districtu cujus Ecclesia S. Michaelis sita, sive collocata erat.

Incola quippe Oppidi, medii ævi latinitate, Gastaldiorum nomine donati fuere, Auctore Cangio in sæpe numero laudato loco, verbo *Gastaldiani*, ubi ita docetur: *Gastaldiani, Gastaldiius incolæ.* Ad quam denominationem porro firmandam, in testem profert hoc ipsum nostrum Diploma Ludovici II., de quo in præsentiarum Archipræsul Sipontinus obloquitur, idque maledictis exagitat.

Præterea equisquam in animum induxerit, id ætatis qua assidue, & diræ, sævæque excursionses, direptiones, depopulationesque inter Langobardos, & Græcos committebantur, homo quidem privatus, sicuti Urfus erat, nulla sublimi potestate, nulloque eminenti dominio præditus, poterat Castellum, seu Castrum Incolis, & armis ad vim externam propulsandam munitum, a fundamine construere; & ita libere, ut neque Langobardi, neque Græci, opus de cetero ipsis suspectum, non præpedirent? Incredibile memoratu est, & a fide profus abhorret.

Firmo talo stat igitur veritas Diplomatis Ludoviciani, deque eo tanquam ex prono alveo manat, Basilicam Garganicam retroacto ævo, sive per Langobardos, sive per Græcos

cos directam, & labefactatam, Imperator Ludovicus fartam tectam præstitit, eamque satis superque ditavit, dotavitque, ne, ut ipfemet Imperator ait, *tanti Oratorii famofus honor, cultusque vilesceat, ac debita veneratione per incuriam deperiret.* Dotavit siquidem nedum de Castello, & Gastaldianis, verum etiam de ceteris quamplurimis bonis, redditibusque, qui in jam dicto Diplomate singillatim recensentur.

Hancque porro opimam dotationem, donationemque confirmavit, ratamque habuit Carolus Calvus Ludovici patruus, utpote qui frater fuit consanguineus Lotharii, progenitusque ab Ludovico Pio Imperatore, & Judith ejus secundi tori socia. Annuit huic dotationi quoque Otho Magnus, ut in antecessum monuimus, illique fidem accrevit; quas quidem dotationes, & confirmationes ipfemet Pandolfus in prædicta sua Charta laudat, comprobaturque.

At quorsum tandem ista, quæ usque adhuc diximus? Cogimur inviti fateri, nos perdidisse operam, diemque, tempus frustra terendo in prænotatis Diplomatum disferendis, atque disceptandis. Satiùs profecto erat, estque inspicere amplissimas concessiones, uberrimasque donationes Sacræ Basilicæ Garganicæ factas pro Divino, sacroque cultu facto tecto servando, & alimoniis, suppeliisque Canonicis, sive Capellanis Palatinis præstandis per Joannam Dyrrachii Ducissam, *Margaritam ejus sororem, & hujusce Regni Reginam, Ladislaum, Alphonsum I. Aragoneum, Ferdinandum I. ejus natum, & per maximum Imperatorem Carolum V. constanti animo pro obfirmatis habitas.* Minima pars siquidem eorum, quæ in hisce concessionibus visuntur, & honorum, prærogatarum, quibus iidem Capellani afficiuntur, ultra id, quod res exigit, Regium jus patronatus super Basilicam illam acquisitum, obfirmatumque fuisse certo certius luculenter ostendit.

Ultraquamquod anno 1362. die vero 25. mensis Martii, Indictione XV. Joanna Dyrrachii Ducissa (ita verba perhibuit) *Archidiaconum, Archipresbyterum, Primicerium, & omnes, & singulos Canonicos Garganicos in Capellanos, & Familiarios nostros domesticos eligimus, & aliorum Capellanorum,*
& fa-

& familiarium nostrorum domesticorum numero, & consortio aggregamus, volentes, & concedentes eisdem, & cuilibet ipsorum, quod illis de cetero honoribus, privilegiis, & immunitatibus, prærogativis, & gratiis ubilibet potiantur, & gaudeant, quibus ceteri alii Capellani, & familiares nostri domestici potiuntur, & gaudent, ac potiri soliti sunt, & uti (leguntur isthæc verba fol. 13.). Hæc quippe concessio, & declaratio confirmata fuit per Reginam Margharitam, ceterosque nuper laudatos Regni successores, Reges, & demum per augustissimum Carolum V. Imperatorem die 22. mensis Martii anni 1533. dum hic Neapoli degebat. Immo ipsamet Regina Margharita, in confirmando Privilegia, omnesque concessionem, prærogativas, & exemptiones per Joannam Dyrrachii Ducissam sororem suam, & Civitatis Montis S. Angeli Dynastam, Capitulo, & Canonicis Basilicæ Garganicæ largitas, eos appellat *Capellanos, & devotos suos, fol. 10.*

Non abs re sane initio hujusce nostræ disquisitionis, & sententiæ Canonicos Sacræ Basilicæ Garganicæ diximus Capellanos Palatinos. Cum enim tam Ducissa Joanna, quam Regina Margharita illos elegissent, adscripissent, atque adnumeravissent inter Capellanos, familiares, & domesticos ipsarum, & hocce honore, & dignitate illos donavissent; dubio procul ex hoc fluit eos adlectos fuisse inter Regales Capellanos. Ii siquidem, qui per Principes in Capellanos suos adlecti erant, Capellani Regales, & ad Palatium pertinentes dicebantur. In divisione porro inita anno 851. inter Radilchisum Beneventi Principem, & Siconolfum Principem Salerni commemorantur Canonici, & Abbates ad Palatium pertinentes. En verba capitularis Radilchis; seu modo dictæ divisionis, quam debemus præclarissimo viro Camillo Pellegrino, qui eam exscripsit a Codice membranaceo Bibliothecæ Cassinensis, legiturque nunc tom. 3. operum ejusdemmet laudatissimi critici; editionis anni 1751. eruditi viri Canonici Pratilli: *Præter Monasteria S. Benedicti (Cassinensis) & S. Vincentii, quæ sub defensione Domini Imperatoris Lutharii, ejusque filii Domini Ludovici Regis sunt, ut singula Ec-*
cle-

clesiæ, suum primatum habeant integrum, sicut semper habuere in omni loco, quemadmodum decet causam Dei: Exceptis Canonicis, Abbatibusque ad Palatium pertinentibus; nam Abbatum res, quæ ad Palatium pertinent, in cujus divisione res ipsæ venerint, ille eos habeat, in cujus fuerint parte, ita habetur n. 4. jam dictæ divisionis, & num. 6. etiam legitur exceptis Clericis, qui in Palatio servantur.

Hacce enim divisione unicuique modo dictorum Principum fuit adscripta pars magni olim Ducatus Beneventani, una cum Ecclesiis, & Monasteriis collocatis in qualibet duarum partium; ab hisce tamen fuere excepta Monasteria S. Benedicti Cassinensis, & S. Vincentii ad Vulturum (ex cujus excidio ortum habuit Monasterium S. Laurentii Averfani) utpote quæ sub defensione, & patronatu Lotharii, & Ludovici erant; cetera vero Monasteria, & Ecclesiæ sub ditionem illius Principis remanserunt, in cujus parte illæ collocatæ erant. Canonici quoque, Abbates, & Clerici ad Palatium pertinentes, subiecti fuerunt illi Principi Patrono, in cujus parte Principatus Beneventani incolæ erant.

Illi profecto Canonici, Abbates, & Clerici, qui in Sacellis, sive Capellis Palatiorum Principum sacris peragendis officii operam præstabant, Palatinorum Capellanorum nomine donabantur, Clerorumque Palatinum efficiebant, ut ex veteribus chartis, auctoribusque videre est apud Cangium in *Glossario mediæ & infimæ latinitatis*, verb. *Capellani v. Atque id primum*. Dicebantur eapropter isti Capellani Palatini, ad Palatium pertinere; nam ex eodem Cangio elicitur idem esse Presbyterum Palatii, ac Presbyterum Capellæ Palatinæ, sive Capellanum Palatinum.

Ministrabant porro in Regum Capellis viri dignitate illustres, ut Episcopi, Abbates, aliique; & familiares Principum, sive Regum etiam appellabantur; in cujus rei testimonium affert Cangius loco laudato, v. *Ministrabant*: chartam Imperatoris Caroli Calvi, ubi hæc habentur *Abbas quoque, vel Rector Monasterii ejusdem in Capella nostra, Episcopis, & Abbatibus nostris adbareat, & nobis familiariter serviat*.

Hinc

Hinc intelligitur quid sibi velint verba illa *Radilchisi exceptis Canoniciis Abbatibusque ad Palatium pertinentibus*; scilicet exceptis Canoniciis, Abbatibusque Capellanis Palatinis, qui ministrabant sacra officia in Capella Palatina; dicebanturque etiam familiares Principis.

Ex hucusque præmonitis firmissimum consecrarium fuit, Archidiaconum, Archipresbyterum, Primocerium, & omnes, & singulos Canonicos Garganicos per Joannam Dyrrachii Dynastam fuisse inter Capellanos Palatinos, & domesticos, familiaresque suos adlectos, & dignitate, ministerio, & honore Capellanorum Palatinorum præditos; hasque prærogativas, & dignitates per Reginam Margharitam (a qua Capellani nostri fuerunt appellati) confirmatas fuisse; immo per ceteros Reges Regni successores sollempni ratihabitione munitas, & confirmatas, ex in antecessum adnotatis in comperto est. Jure igitur, & quidem merito nos eos Capellanos Palatinos, & Clerum Palatinum appellavimus a quacunque jurisdictione exemptos, & solum Archicapellano, seu Apocrifario, qui per nostros Capellanus major dicitur, esse subiectos. Quæ quidem subiectio a novitate prorsus abest, immo ab Principis eminenti dominio, & summa potestate, a qua ceteræ omnes deducuntur, fluere, atque emanare, missis aliis, testis est celeberrimus Hincmarus Remensis Archiepiscopus in suo *Opusculo* 14. tom. 2. *Ad Proceres Regni pro institutione Carolimanni Regis, de ordine Palatii* n. 16. ubi sic habet: *Apocrifarius autem, quem nostros Capellanum, vel palatii custodem appellant, omnem Clerum Palatii sub cura, & dispositione sua regebat*. De his enim Presbyteris, aliisque Clericis qui ad Palatium pertinebant, meminet idem Hincmarus eodem tom. 2. *opusculo* 6. inscripto *Clericis Palatii, Presbyteris, Diaconibus, Subdiaconibus, & ceteris in Palatio Domino nostro Regi, & Domine Regine, ac illorum fidelibus Ecclesiastico ministerio consulentibus*. Non inficiamur tamen eos quandoque ab Ecclesiastica disciplina fuisse digressos.

Alienum a re non est hic monere, Apocrifarii nomen inditum fuisse diversis officiis, Legatis Principum nempe;
Tom. I. Cur. Cap. Maj. P p p Can-

Cancellarius, qui sigillum Principis servat, & ejusdem Diplomata signat, dictus etiam Secretarius; & demum primum Capellanum, sive Capellanum Majorem Regiæ Capellæ Apocrisiarii nomine fuisse donatum ex Cangio loco laudato, verbo *Apocrisiarius* in comperto est. Hunc siquidem Apocrisarium (quem Hincmarus Remensis Responsalem rerum Ecclesiasticarum etiam appellat nuperrime laudato *opusculo* 14. n. 13.) primum institutum fuisse a Constantino Magno postquam pacem Ecclesiæ indixit, & in Aula Regia collocatum ut toti Ckro Palatino præesset, illumque regeret atque ordinaret ipsemet Hincmarus n. 13. ejusdem opusculi tradit sequentibus verbis: *In prima igitur dispositione, Regis palatium in ornameto totius palatii ita ordinatum erat. Ansepósito ergo Rege, & Regina, cum nobilissima prole sua, tam in spiritualibus, quam & in secularibus, atque corporalibus rebus per hos Ministros omni tempore gubernabatur. Videlicet per Apocrisarium, idest Responsalem negotiorum Ecclesiasticorum. Cujus ministerium ex eo tempore sumpsit exordium, quando Constantinus Magnus Imperator Christianus effectus fuit.* Igitur Capellanos Palatinos, sive omnes Presbyteros ad Palatium pertinentes subditos esse Apocrisario, sive Capellano Majori in Aula Regis posito, perque eundem ordinandos, & instituendos esse, proprii, & antiqui juris esse perquam manifestum est.

Quis ergo huic Regio juri patronatus usque adeo est adversarius, ut ea quæ prænotavimus dissimulare possit, & a Regia Corona consilio præceps illud decerpere, atque extorquere ausit? Firmo igitur talo stat jus Regium patronatus super Basilicam Garganicam; illiusque propterea Archidiaconum, Archipresbyterum, Primicerium, & Canonicos veros esse Capellanos Palatinos, & Capellano Majori subditos, atque subjectos; & ab eo ordinandos, instituendos, & gubernandos esse certo certius est; eapropter adesse reipsa Regium jus patronatus super Basilicam Garganicam, ejusque Capellanos Palatinos; sublatoque termino ordinario hocce jus definiendo, apposite, accuratiusque sententiam dixit Dominus Prædens Regiæ Cameræ Summarie D. Franciscus Pec-

Peccheneda vir ceteroquin cultiori eruditione refertus, atque præditus; & perperam ab sua sententia appellatum fuisse per Rev. Archipræsulem Sipontinum. *Merito profecto & quidem jure modo dictam sententiam, utpote quæ consentanea est juribus Majestatis Regiorum patronatuum a Regia Corona insecabilium, eique inseparabiliter connexorum atque ferruminatorum, exequendam esse censemus, definimus atque pronunciamus.*

BASILIUS PALMIERI.

In causa redintegrationis Regii patronatus in Ecclesiam Cathedralem Lyciensem. Die 28. Junii 1786.

Divalibus felicissimi Ferdinandi litteris Curiae Capellani Majoris in mandatis datum, ut sententiam ex jure diceret de petita redintegratione Regii patronatus in Episcopalem Lyciensem Ecclesiam, & ad patrocinium admitteret Franciscum Antonium de Simone, a quo petitum id fuerat. Ea de causa edictales sunt expeditæ, ut ejus rei certiores fierent omnes, quorum interesse posset. Cum nemo judicio adfuisset, contra absentes incusatae sunt contumaciae, atque probationibus terminus est præstitutus; in eo vero prædictus Franciscus Antonius de Simone documenta exhibuit, ut in prædictam Ecclesiam Regium patronatum evinceret. Antequam vero in termino conclusum esset, Regem libello adiit Nicolaus Turfanus Advocatus, & Promotor Fiscalis Episcopalis Curiae Lyciensis, & quibusdam scripturis exhibitis redintegrationi Regii patronatus se opposuit. Rex autem Curiae præcepit, ut in judicando præ oculis haberet oppositiones ab eo productas. Terminò igitur rite absoluto, Curia de more procedit ad dicendam de re controversa sententiam.

Cum documenta demonstrarent dotem aliquam Ecclesiam, repetendam esse a Dynastis illius Contractus, ubi Ecclesia sita est, nequit dubitari de Regio in eam patronatu.

Primo igitur fuit exhibitum Diploma Goffridi Lyciensis, & Ostunensis Comitis de die 15. Augusti ann. 1115. quo ita declaratur: *Donavimus præfatæ Ecclesie Lyciensi totam medietatem*

tatem nos contingentem de Casalì Vernula, quæ dicitur de S. Larentio, cum Territoriis suis sub dicto Comitatu Lycii, juxta tenimentum Casalìs Pignani, juxta tenimentum Casalìs Aquarici, juxta tenimentum alterius medietatis dicti Casalìs, & alios confines, assignantes ipsam medietatem per nos donatam in manibus præfati Domini Episcopi recipientis ipsam pro parte prædictæ Lyciensis Ecclesiæ, scilicet cum omnibus Vassallis, juribusque suis, & nihil nobis reservavimus in eisdem tenimentis. Quod vero magis controversum patronatum asserit, id ipsum est, quod in libello suo prædictus Tursanus advertit, memoratum Dynastam scilicet prædictam donationem fecisse, tam pro reparatione Matris Lyciensis Ecclesiæ, quam una cum Rev. Patre Formoso Dei gratia Venerabili Episcopo Lycii construi fecimus, quam etiam pro præbendis, & beneficiis Clericis prædictæ Ecclesiæ.

Aliud quoque Diploma fuit exhibitum Imperatricis Constantiæ mensis Maji ann. 1197. in quo continetur, Robertum, ad quem Comitatus Lyciensis redierat, Lycii Cathedrali concessisse decimam monetæ Catapania, decimam platbea, fluminis, piscium, & lini, decimam maritime, decimam altimonia, decimam reddituum Villanorum Rugia, decimam . . . Curuliani, Carpiniani, Monteroni, Arnesani, & universorum Casalium, decimam casei, recocta, lane, gallinarum, & pullorum tam Lycii, quam Casalium, decimam reddituum Casalìs Segina tam frumenti, quam bordei, & aliorum reddituum, quæ ad demanum Lyciensis pertinent Comitatus, decimam quoque omnium fructuum jardenorum, & aliorum hortorum de demanio prædicti Comitatus. Memorata autem Imperatrix, exposita decimarum concessione per Comitem Robertum facta, ut nominatim contineretur in instrumento ea de re inito, edixit, eas se confirmare, & de novo concedere, ita tamen quod nulli Lyciensis Ecclesiæ Episcopo, vel Prælato, liceat aliquid de prædictis decimis in præbenda alicui concedere, seu modo quolibet alienare, sed eadem decimarum proprietatem debeat semper ad opus Lyciensis Ecclesiæ conservari, & in perpetuo detineri.

Ex alio quoque Diplomate ejusdem Constantiæ mense

No.

Novembris anno 1195. liquet, memoratum Goffridum Comitum, præter quam Ecclesiæ Lycienſi conceſſit dimidium Pagi Vernolæ in ſuo Comitatu poſiti, eidem donaffe etiam Caſale S. Stephani de Finiano cum hominibus, vaſſallis, territoriis, & tenimento prædicti Caſalis S. Stephani, terris cultis, & incultis, & cum omnibus juribus, & pertinentiis eorundem tenimenti, & Caſalis, de ſuo proprio demanio Lycienſi ſito in Provincia Terræ Hydrunti. Necnon quædam tenimenta terrarum de eodem ſuo proprio demanio Lycienſi, videlicet tenimentum Pettorani, tenimentum Porcilliani, & tenimentum Caſſanellæ, cum juribus, pertinentiis, & rationibus eorundem. Præterea ab eodem Diplomate conſtat, quod Riccardus tunc Dominator Civitatis Lycii eidem Eccleſiæ Lycienſi conceſſit Eccleſiam Beati Petri, quæ cognominatur de Vernotico cum ipſo Caſale ad ſe pertinente, cum hominibus, vaſſallis, terris cultis, & incultis, cum arboribus, ſylvis, & aquis, ac cum omnibus infra ſe habentibus, ac cum omnibus aliis juribus, rationibus, & pertinentiis ſuis, de ſuo proprio mero demanio Lycienſi. Eadem vero Imperatrix Conſtantia expoſitis prædictis conceſſionibus, quas nominatim complectebatur inſtrumentum ea de re initum, edixit eas ſe confirmare eadem lege, ita quod nulli Lycienſi Epifcopo, vel Præſbitero ejusdem Eccleſiæ liceat aliquod de prædictis bonis in præbendam alicui concedere, ſeu modo quolibet alienare, ſed proprietatem integraliter ad opus Lycienſis Eccleſiæ conſervari debeat, & perpetuo detineri.

Præterea aliud quoque Diploma fuit exhibitum Ferdinandi Aragonii diei 26. Februarii 1465. Inde autem conſtat, omnes memoratas conceſſiones dimidii Pagi Vernolæ, Vici S. Stephani, prædictorum prædiorum, ſeu Pettorani, Porcilliani, & Caſſanellæ, & alterius Pagi Divi Petri in Lama, antequam per Conſtantiam Imperatricem confirmarentur, confirmatas, & de novo conceſſas Cathedrali Lycienſi, ejuſque Epifcopo Fulconi, ab ipſo Guilhelmo II. Diplomate ſuo ann. 1180. ſexto Aprilis. Is autem adjunxerat Diplomati ſuo, quod prædicta Lycienſis Eccleſia, & ejus Epifcopus perpetuo haberent liberam poſſeſſionem aſſidendi homines in

in Casalibus prædictis, tenementis, territoriis, & pertinentiis præscriptæ Lycienfis Ecclesiæ, & de eisdem Vassallis adscriptis, & affidatis cognoscendi in Curia ipsius Lycienfis, & non in aliqua alia Curia, in civilibus causis, necnon quod animalia omnia, & singula ipsius Ecclesiæ Vassallorum adscriptiorum; & assessorum prædictorum, ubilibet liberi, & sine aliqua molestia pastua, & aquas sumere valeant. Cum autem Lycienfis Episcopus Ferdinandum libello suo adiisset, ei expositis memoratis concessionibus, & confirmationibus Ecclesiæ suæ factis, Tarenti autem Principem, ad quem Lycii etiam Civitas pertinebat, eum privare voluisse jurisdictione in S. Petri in Lama incolas, & indigetis; idem Ferdinandus, confirmatis, & iterum concessis Lycienfi Ecclesiæ bonis omnibus in veteribus concessionibus comprehensis, Episcopum sine ulteriori causæ cognitione statim restituit in possessionem jurisdictionis prædicti Pagi, hoc addito, concedentes eidem Episcopo, quod vigore & auctoritate præsentis nostri Privilegii possit & valeat per se, vel alium ejus parte, capere & apprehendere corporalem possessionem dictæ jurisdictionis, & potestatis in cognoscendis civilibus causis de Vassallis adscriptis & fidatis dicti Casalitis S. Petri de Lama, de qua per dictum qu. Principem Tarenti ipse Episcopus, & ejus Ecclesiæ fuerunt indebite destituti, & spoliati.

Ostensum etiam in judicio est, Ecclesiam Lyciensem præter feuda Vernulæ, S. Petri Vernotici, & de Lama, S. Stephani, & Rugiæ in veteribus concessionibus comprehensa, & in præsentibus ab ea possessa, possidere quoque feuda Vienneri, S. Marci, S. Nicolai de Russis, quæ ipsi nonnisi a veteribus Dynastis in ea Provincia Summo Imperio usque, concedi potuerunt.

Ex alio quoque documento liquet, ann. 1562. Lyciensem Episcopum in controversia decimarum, quæ debebantur Ecclesiæ suæ, in quodam articulo in judicio declarasse, & probasse in insequentem modum. *Pone, e vuol provare, come di tutti li beni e robbe, delle quali al presente se ne ritrova in la reale, ed attuale possessione la detta Catedrale Chiesa,*

fa, e suo Rev. Vescovo, di quelle non se ne potrà mai costare, nè provare, che ne sia stata oblata, ovvero donata cosa alcuna a detta Catedrale Chiesa per detta magn. Università, e dalli particolari suoi Cittadini universalmente, ma essergli state tutte donate dalli Principi, ed utili Signori, li quali pro tempore ne sono stati di detta Città di Lecce, come questo, ed altre chiaramente si dimostra per li Privilegi antichi, ed antichissimi di detta Catedrale Chiesa.

Cum igitur documenta isthæc commoſtrent constructionem Cathedralis Ecclesiæ Lycienſis Goſfrido Comiti maximam partem acceptam referri oportere; ejus etiam opulentam dotem ab eodem, & aliis Dynastiis in Lycienſi Comitatu repetendam; eas vero concessiones majorem firmitatem accepisse per confirmationes, & novas concessiones Guilelmi II., & Ferdinandi I.: Curia censuit de Regio in Lycienſem Ecclesiam patronatu dubitari non posse.

Quæ vero adversus hæc regerit Advocatus Curie Lycienſis facillime refelli possunt. Quid quid enim seu de restituta, seu aucta Ecclesia dicat post constructionem in Goſfridi Diplomate memoratam, quibus in operibus quidem partem opulentorum reddituum expendere oportuit decessores Episcopos: exploratum est, opulentam illam dotationem per ea tempora extitisse, & adhuc extare. Prædia enim, unde Episcopus alimenta percipit, & Ecclesiæ onera sustinet, ea ipsa sunt, quæ e prædictorum Principum liberalitate manarunt. Ex amplissima illa dotatione redeunt ducatorum septem millia, quorum reddituum si fors æstimetur, ea pertinet ultra ducatorum ducenta millia, qua cum ingenti sorte sumptus expensis in restituendam, & augendam Ecclesiam conferri non debent. De Principum igitur dotatione dubitari nequit. Ea vero caput, & fundus est patronatus, unde & Episcopi vitam, & Ecclesia necessitates tollere possint.

Fruſtra autem opponitur, eam Principum dotationem, dotem Ecclesiæ originariam non fuisse, cum per id temporis ea dotata sat fuerit; & ex prædictis largitionibus jus patronatus enasci non potuisse, cum & sine patronatus refer-

servatione sint factæ, & rationem simplicis potius beneficii, quam dotandi consilium exhibeant. Nam nusquam legitur ante Goffridum Comitem, Lyciensem Ecclesiam aliam habuisse dotem; neque aliud hodie ea possidet, præter ea, quæ in prædictis concessionibus continentur. Prædictus autem contradictor aperte adversatur judiciariis assertionibus Episcoporum Lyciensium, qui in iudicio professi sunt, bona omnia Lyciensis Ecclesiæ concessa fuisse a veteribus Principibus, qui Lycii Comitatum olim habuerunt. Prædicta autem bona dotis titulo Ecclesiæ fuisse concessa, primo liquet ex verbis ab ipso oppositore animadversis, quibus inculcatur, Goffridum Comitem primam secisse donationem *tam pro reparatione Matris Lyciensis Ecclesiæ quam una cum Reo. Patre Formoso Dei gratia venerabili Episcopo Lycii construi fecimus, quam etiam pro præbendam, & beneficiandis Clericis prædictæ Ecclesiæ*. Si igitur donata fuere bona, ut inde reparari posset Ecclesia recens extructa, atque indidem constituerentur præbendæ & beneficia ejusdem Ministris, exinde liquet, bona isthæc in Ecclesiam fuisse collata ejus dotis causa, quæ patronatum constituit juxta *Can. Nemo, de consecr. dist. 1.*, & *Novell. 57. cap. ult.*. Id ipsum apertius deducitur ex memoratis confirmationibus, & novis concessionibus Imperatricis Constantiæ, quæ ea lege fuere factæ *ita quod nulli Lyciensi Episcopo, vel Prelato ejusdem Ecclesiæ, liceat aliquod de supradictis bonis in præbendam alicui concedere, seu modo quolibet alienare, sed proprietates integraliter ad opus Lyciensis Ecclesiæ conservari debeas, & in perpetuo destineri*. Lex isthæc de bonis perpetuo conservandis integraliter ad opus Lyciensis Ecclesiæ, non alio profecto pertinet, quam ut ea dotem Ecclesiæ constituerent, ipsius Ecclesiæ perpetuo commodo inservitaram. Aliunde nemo inficias iverit, ipso jure patronatum acquiri per Ecclesiæ seu constructionem, seu donationem, quamvis id juris diserte non reservavit sibi patronus, ut præter alios evincit de *Roye de jure patron. cap. 15*.

Quod denique opponitur, jus patronatus in prædictam Ecclesiam amissum inusu fuisse; & ad Regem Neapolis perti-

tinere potuisse, non Regio quidem, sed patrimoniali jure, tamquam heredem veterum Principum, a quibus repeti concessiones debent, jus autem id genus præscriptioni subesse; facillime etiam refelli potest. Prædictæ enim concessiones ex ipsius Principatus bonis decerpæ sunt omnes. Concessa enim Oppida, & Pagi, in demanio Comitatus Lyciensis continentur: ad idem demanium pertinebant decimæ omne genus Ecclesiæ Lyciensis concessæ. Diferte memoratum id fuit in ipsis veteribus concessionibus; id ipsum repetitum in confirmatione a Guilhelmo II. facta. Ibi enim declaratur, prædicta bona omnia fuisse *de demanio Lyciensis*, jus igitur patronatus a prædictis concessionibus profectum ipsi Principatui fuit acquisitum, iisque, qui jure Summi Imperii in Lyciensem Comitatum uterantur. Ea autem jura cum in Regem Neapolitanum migrarint cum reliquis Majestatis juribus, is etiam patronatus in Regem Neapolitanum transit. Inspecto autem jure publico, & non minus Regni, quam aliorum in Europa Principatuum decisionibus, jus Regionum patronatum præscribi non potest. Proinde Curia Ill. & Rev. Capellani Majoris, cum voto Regis Conf. D. Domini Potenza, ordinarii Consultoris ejusdem, ita pronunciavit: *Lyciensem Episcopalem Ecclesiam, tamquam a veteribus Principibus opulenter dotatam, fuisse, & esse Regii patronatus, ac proinde Regiam Coronam redintegrandam esse, ut præsentis sententia redintegratur in ejusdem Ecclesiæ patronatum, cum omnibus suis bonis, feudis, juribus, Ecclesiis, jurisdictionibus, privilegiis, & aliis pertinentiis suis, ac præsertim cum jure ad Principem, ejusque in Regno successores spectante nominandi, & eligendi Episcopos, quoties eam vacare contingerit, & reliquis juribus ad Patronum Principem pertinentibus. Ne vero jura Regia detrimentum capiant, Lyciensis Cathedralis Ecclesia describatur in libris Curia inter alias Cathedralis in quas juxta patronatus ad Principem pertinet.*

In causa in gradu appellationis proposita per Rev. Archipresbyterum, & Capitulum Collegiatæ Ecclesiæ S. Rochi Terræ Montorii cum Rev. Episcopo Teramano. Die 8. Novembris 1786.

Confirmator sententia
diei 28. Aprilis
1783.

Cum Rev. Archipresbyter, & Capitulum Collegiatæ Ecclesiæ Terræ Montorii appellasset a sententia, & decreto Rever. Curie Capellani Majoris sub die 28. Aprilis 1783. Regali Diplomate Dominus Miles U. J. D. D. Andreas Marchio Tontulus Regius Consiliarius in præfenti causa Judex appellationis per S. M. specialiter fuit deputatus, per quem provisum & decretum est: *bene fuisse judicatum per dictam Rev. Curiam in citato decreto fol. 287. , & male appellatum per Rev. Archipresbyterum, Capitulumque Collegiatæ sub titulo S. Rochi Terræ Montorii Aprutina Diocesis.* Pessimi enim exempli, ut hoc solum scitissime dictis in præfati decreti ratiocinatione adjiciam, est, obedientiam, & reverentiam proprio Episcopo, cujus in dignitate Div. Hieronymus, contra *Luciferian. cap. 4.*, nos docet, Ecclesiæ salutem esse positam, pertinaciter contendere; dignatio quippe subjectionis, prælationis reddet indignum. Nec juvat ad defensionem asserere, se ab Episcopi jurisdictione Summum Pontificem exemisse. Audiant quod Div. Bernardus, *de Consider. lib. 3. cap. 4.*, ad Pontificem Eugenium III. loquitur: *Tibi licitum censeat, suis Ecclesiis mutilare membris, confundere ordinem, perturbare terminos, quos posuerunt patres tui? Si iustitia est jus cuique servare suum; auferre cuiquam sua, iusto quo modo poteris convenire? . . . Videras hoc qui dicebas; Vidi Civitatem Sanctam Jerusalem, novam descendentem de Cælo a Deo paratam. Ego enim propter similitudinem dictum reor, quod sicut illi Seraphim, & Cherubim, ac ceteri quique usque ad Angelos, & Archangelos ordinantur sub uno capite Deo: ita hic quoque sub uno Summo Pontifice Primates, vel Patriarchæ, Archiepiscopi, Episcopi, Presbyteri, vel Abbat, & reliqui in hunc modum. Non est parvipendendum, quod & Deum habet autorem, & de Cælo ducit originem. Quod si dicat Episcopus, nolo esse sub Archiepiscopo, aut Abbas nolo*

obedi-

obedire Episcopo: Hoc de Carlo non est. Nisi tu forte Angelorum quempiam dicentem audisti, nolo sub Archangelis esse: aut ex alio quolibet inferiorum ordinum aliquem non ferentem subesse cuicumque, nisi Deo. Quid? inquit: prohibes dispensare? Non, sed dissipare. Non sum tam rudis, ut ignorem positos vos dispensatores, sed in adificationem, non in destructionem. Jure ergo si Archiepiscopus Parisiensis Petrus de Marca Concord. lib. 3. cap. 16. §. 7. post Gulielmum Durandum de modo Concil. gener. celebrand. Rubr. de exemp., probare fategit, constitutum a Conciliis generalibus in Ecclesia Ordinem non posse a Pontificibus, his gratiosis exemptionibus pro libito everti. Deinde & si hoc a Papa fieri posset, non expediret statui universalis Ecclesiæ, nec Religioni, nec ipsius personis Ecclesiasticis; quod multis firmat argumentis, docens, Episcopatus vim in partes dividi, dignitatem violari, obsequium, reverentiamque Episcopis debitam aboleri, vitia subditorum impunita relinqui, & criminibus faciliorem viam aperiri. Quin & Ecclesiasticos, qui demissionem animi profiterentur, his exemptionibus tumidos in superbiam adeo efferti, ut frequentes contendant Episcopis, Archiepiscopis, & aliis Prælati se quodammodo fore æquales. Quare cum ex hac graduum confusione scandalum ab aliquot sæculis natum non dum sit deletum; & si non adeo serveat ac tempore Divi Bernardi, atque eam ob causam exemptiones omnino tolli non debeant, atramen cum illæ Canonum, & disciplinæ sanicris remissiones publicam tranquillitatem laudant, non alienum esse a Regio munere, ut ex parte sua cures, his perturbationibus averruncandis manum Regiam admovere intelligit, quid diligenter expendet ea, quæ ipse Archiepiscopus particulari Diatriba ostendere promissit; non præstitit tamen; unde Carolus Fevretus de abusu lib. 3. cap. 1. copiose hoc perficit. Quo peracto Renati Choppini vestigiis insistent, manifesto ostendit, exemptiones illas abusum præferre. Quapropter, ut ipse testatur, sæpius in Gallia executione caruissent, præsertim si consensu non tantum proprii Episcopi, quam Regis carent; quorum concentum prima,

ma, & altera Marculfi formulæ manifeste requirunt, ut & Bignonius in eas adnotat; nam Regis est Episcoporum jura tutari.

Præterquamquod in Bulla Summi Pontificis Pauli IV. hæc non legitur concessa exemptio, quæ tamen declarari expresse oportebat; nam ipse Innocentius IV. *cap. 1. de privil. in 6. privilegiorum* limites in eos expresse verbis designatos excedere prohibet. Et Alexander III. *cap. 3. de privil.* id tantum observari voluit, quod deprehenditur in privilegiis contineri; cum eorum metas transgredi omne fas abruptet. His rationibus, quis non videt exequi deberi præfatum decretum Rever. Curie Capellani Majoris, consulta etiam instantia Domini Regalis Coronæ Patroni, cujus sententiæ et penitioni, solidiorique rei Ecclesiasticæ notitia sunt depromptæ?

In causa redintegrationis Regii patronatus in Capitulum, & Ecclesiam S. Mariæ Majoris Civitatis Baroli. Die 9. Decembris 1786.

Ecclesiæ donatione
jus patronatus acqui-
ritur.

Proposita causa in Curia Regii Capellani Majoris pro redintegratione Regii patronatus in Ecclesiam S. Mariæ Majoris Civitatis Baroli, ejusque Capitulum, primo citationes per edictum sunt expeditæ, ut judicio adessent omnes quorum interesse posset. Dein termino probationibus præstituto, in eo pro evincendo Regio patronatu insequentibus adductæ sunt probationes.

Ostensum primo fuit, per Regem Guilielmum II. concessam fuisse Archipresbytero & Capitulo Berothanae Ecclesiæ quartam partem decimarum Bajulationis, Dohanæ, & aliorum jurium Regiæ Curie, necnon annuas libras sexaginta ceræ ex proventibus ejusdem Dohanæ pro cereo Paschali: dictamque donationem confirmatam fuisse per Imperatorem Henricum VI., ac denique Privilegia eorundem Principum exhibita fuisse Imperatori Frederico II., qui eis recognitis, alio Privilegio suo mense Decembris anno 1234, noviter illa confirmavit his verbis: *Per præsens Privilegium*
con-

concedimus, confirmamus, & donamus in perpetuum eidem Archipresbytero, & Capitulo Barolitanae Ecclesiae quartam partem decimarum Bajulationis, Dobanae, & aliorum jurium Curiae nostrae in Barolo, & sic cerea ex proventibus ejusdem Dobanae pro cereo Paschali per annum, quae eidem Ecclesiae per qu Regem Willelmum II. consobrinum nostrum, ac Summum Augustum Patrem nostrum Imperatorem Henricum recolendae memoriae per Privilegia eorundem praedecessorum nostrorum per eundem supplicantes nostrae Curiae assignata, concessa fuisse, necnon & quae Archipresbyterum & Capitulum dictae Ecclesiae Baroli, per inquisitionem de mandato nostri culminis inde factam, in nostra Curia praesentatam, & examinatam, consuevisse percipere & habere temporibus Dominorum ipsorum, usque ad tempus, quo Tranensis Ecclesia ea illicite occupavit, nostrae constat Majestati.

Productum est quoque Privilegium Regis Alphonsi I. de Aragonia, de die 10. Decembris ann. 1442., ex quo patet, in sequentes Reges post Imperatorem Fridericum II., praeter r. v. r. Regem Ladislaum, & Reginam Joannam II., novas indulsisse concessionem, & confirmationem eidem Ecclesiae, ejusque Capitulo, dictumque Regem Alphonsum ad eorum requisitionem denuo illas confirmasse hujusmodi verbis: Moti devotis supplicationibus supplicantium praedictorum, & considerantes quod dicta major Barolitana Ecclesia vocabulo gloriosa semper Virginis Mariae insignitur: considerantes quoque, quod decens est beneficia Principum esse mansura, volentes cum eadem majori Ecclesiae agere gratiose, jam dictae majori Ecclesiae Barolitanae, praefatisque Archipresbytero & Capitulo ejusdem Ecclesiae, praefatam quartam partem decimarum dictorum fundici, & Dobanae, & aliorum veterum jure Regiae Curiae eorumdem fundici, & Dobanae, necnon & praedictos tarenos quindecim super dictis juribus veteris Bucceriae dictae Terrae, ac cere libras sexaginta pro cereo Paschali super juribus Dobanae praedictae, prout in praefatorum Privilegorum & literarum Reginalium, & Regiorum, & signanter praefatorum Domini Regis Ladislai & Dominae Reginae Joanne tenoribus continetur; ipsasque literas, & Privilegia, & singula contenta in eis, quorum

rum & quorum tenorem haberi volumus in præsentibus pro sufficienter expressis, ac de verbo ad verbum inseritis, & particulariter annotatis, licet per se valida firmitate subsistant, ad majorem tamen cautelam suffragium, eo modo, quo usi sunt, ac si, & prout in possessione seu quasi existunt, tenore præsentium de certa nostra scientia, cum dicti nostri Consilii matura deliberatione confirmamus, ratificamus, acceptamus, & approbamus, ac nostræ potestatis & auctoritatis præsidio communimus.

Denique exhibitum fuit insigne Privilegium Regis Ferdinandi I. de Aragonia, datum Baroli die 28. mensis Decembris anno 1470. Regni ejus anno XIII. Is memoret, quod in dicta majori Ecclesia Barolitana coronatus fuisset in Regem hujus Regni, & Ol:o Sacro perlinitus ab ipsa die 4. Februarii anno 1459., uberiores in eandem majorem Ecclesiam contulit largitiones, easque diserte destinatas tam ad subltinenda ejusdem Ecclesiæ onera, quam ad subltitendos Clericos, aliosque Ministros eidem inservientes. En ejus verba: Si debemus Dei intuitu omnibus Ecclesiis, in primis Ecclesiæ Sanctæ Mariæ, primariæ Terræ Baroli, Tranensis Diocesis, plurimum debere prostemur, ob memoriam candidi illius diei, ut cetera ornamenta ipsius Venerabilis Ecclesiæ taceamus, quo in eo ipso Templo investituram hujus nostri Regni accepimus, uncti in Regem hujus Regni, atque coronati fuimus: qui quidem dies a nobis æterna memoria est maxime & venerandus, & observandus. Instituentes namque ipsam Ecclesiam Sanctæ Mariæ Baroli muneratione aliqua afficere, quo ipsa Ecclesia venerabilior, & ornatio ad Dei cultum reddatur: serie præsentium eidem Ecclesiæ primariæ Barolensi ab hodierna die in antea in perpetuum concedimus, donamus, & indulgemus ex certa scientia, liberalitate mera, & gratia speciali, consulto, & deliberate, quod nomine dictæ Ecclesiæ & ejus Capituli, possit per ejus Procuratores prope salinas nostræ Curie, in territorio dictæ Terræ Baroli existentes, in quocumque latere maluerint, fieri, & fieri facere centum currus salis quotannis, seu anno quolibet, ad mensuram grossam æstimandam, & mensurandam per mensuratores dictæ Curie sine aliqua contradictione per nos, suos

sive per Magistros salis nostræ Curie, aut nostro nomine, vel alieno nomine quocumque quovis modo facienda: non obstante communi estimatione, quæ in massis salium dictæ Curie fieri solet: nihilominus semper sine detrimento ad mensuram grossam per nostros Officiales sit dictæ Ecclesiæ, seu Capitulo assignandum. Quodve nomine dictæ Ecclesiæ, sive ejus⁹ Capituli, dictum sal liberum, francum, & exemptum ab omni solutione facienda nostræ Curie, & alteri cuicumque, possit vendi extra hoc nostrum Regnum, cui melius, & utilius eisdem visum fuerit, & extrahi ex dicto Regno sine aliqua solutione juris exitura, aut alterius cujusvis vengialis: ea etiam conditione, quod si in uno anno quavis ex causa, quæ contingere posset, non fieret integra summa dicti salis, possint & valeant in sequentibus annis supplere, & tanto plus salis facere usque ad annuam quantitatem supplementum &c.

Verum ut dicti salis pretium laudabiliter in utilitatem & honorem dictæ Ecclesiæ vertatur, ut nostræ mentis est, nec possit in alios usus converti: decernimus, & ordinamus, quod de pretio dicti salis fiant tres partes æquales, & quod una pars convertatur, & converti debeat in salariis, & mercede Magistrorum cantus, & musice organorum, ac Grammaticæ, & Theologie ad erudiendos Clericos & pueros dictæ Ecclesiæ juxta Canonicas sanctiones, quibus cavetur in Ecclesiis dictos Præceptores constituendos esse: ita tamen quod quoties dicta tertia pars non sufficeret, de reliquis duabus partibus detrahi possit, adeo quod hujusmodi institutionibus Clericorum & puerorum primo & ante omnia sit laudabiliter provisum, ut moribus & scientia præditi in Ecclesiis Dei resplendeant, tanquam stella firmamenti in perpetuas æternitates. Altera vero pars dividatur pro distributionibus quotidianis Clericorum vacantium cultui Divino dictæ Ecclesiæ juxta ipsius consuetudinem, & usum. Reliqua vero tertia pars impendatur in rebus pertinentibus ad cultum, & ornamentum ipsius Ecclesiæ, ad memoriam Majestatis nostræ, & celebris diei dictæ nostræ incoronationis, unktionis, & investituræ, nostrorum Officialium, qui in Terra Baroli pro tempore aderunt, seu nostro interveniente assensu.

Quæ dicta sunt hæcenus, satis superque Regium videntur

tur firmare patronatum . Nam præter antiquas largitiones Regis Guilelmi II. ab Henrico VI., Friderico II., & Alphonso I. confirmatas, quibus Ecclesiam ejusque Capituli necessitatibus apprime fuit consultum; postrema Regis Ferdinandi I. opipara concessio, ad eum usum ab ipso Rege expressim destinata, ut subsisterentur Clerici cultui Divino in ipsa Ecclesia vacantes, & ut provisum esset impensis pertinentibus ad ejusdem Ecclesie cultum & ornatum, dotem procul dubio uberrimam ipsi Ecclesie, ejusque Capitulo paravit. Scitum est autem ex Civilibus, & Canonicis sanctionibus, ob Ecclesie dotationem jus patronatus acquiri, præsertim cum ex propria substantia expense ad Ecclesie sustentationem, & alimenta ejus Ministris præbeantur. Hujusmodi vero jus patronatus a decessoribus Regibus bonis ipsius Principatus acquisitum, nulli dubium est pertinere ad felicissimum Regem Ferdinandum, in quem cetera Regni jura migrarunt. Proinde Curia Ill. & Rev. Capellani Majoris, cum voto Domini Regii Consilarii D. Dominici Potenza, ordinarii Consuetoris ejusdem, ita definivit: *Ecclesiam S. Mariæ Majoris Civitatis Baroli, ejusque Capitulum, fuisse, & esse Regii patronatus, ac proinde Regalem Coronam redintegrandam esse, prout præsentii sententia redintegratur in patronatum prædictæ Ecclesie ejusque Capituli, cum omnibus eorum bonis, juribus, Privilegiis, & pertinentiis quibuscumque, cum jure ad faustissimum Regem Ferdinandum, ejusque in Regno successores pertinet, eligendi, & nominandi Archiepiscopos, ceterosque Capitulares ejusdem Ecclesie in singulis vacationum casibus, & cum ceteris jurebus & patronatu pendentibus. Ne quando vero Regia jura detrimentum patiantur, referatur dicta Ecclesia in libris Curie inter ceteras Ecclesias Regii patronatus.*

In causa redintegrationis patronatus feudalis in Abbatiam S. Angeli de Rapario, Die . . . Decembris 1786.

Illustris Princeps Marfci Novi Joannes Baptista Pignatelli supplici libello suo Regem adiit, exponens inter alia feuda se possidere Oppidum S. Chirici de Rapario in Anglonensi Diœcesi, acquisitum a majoribus suis *cum juribus patronatus Ecclesiarum & Abbatiarum*; in ejus vero territorio extare Abbatiam sub titulo S. Angeli de Rapario, a veteri S. Chirici Feudatario bonis ejusdem feudi dotatam; eum patronatum solitis artibus Romanam Curiam occupasse, & contempto patroni jure, Abbatibus Commendatariis ab ea destinatis eum cessione. Proinde a Rege providentissimo petit, ut Abbatia isthæc patronatus feudalis declararetur, ejusque juris exercitium sibi redintegraretur, quod & Fisco profuturum erat ob rerum humanarum orbem, & incertos devolutionis eventus. Supplex ejus libellus Regiis litteris anno 1779. 27. Novembris remissus fuit Curiae Capellani Majoris, ut audito Regiæ Coronæ Advocato, & Partibus, sententiam de controversia rite diceret, & judicii exitum referret.

Bonis feudalibus Ecclesia dotata subiacet patronatui, qui mediate ad Principem, immediate ad feudi possessorem spectat.

Ita prædictus Ill. Baro actionem de memorati patronatus redintegratione instituit: ejus vero libello Curiae exhibitto, ab ea cautum, ut lis denunciaretur omnibus, quorum interesse posset. De lite speciatim factus est certior Didacus Positanus Commendatarius in præsentem Abbas beneficio Romanæ Curiae, & termino probationibus præstituto, ejus decreto se opposuit prædictus Abbas contrario libello suo. His ita transactis alio libello supplici Regem interpellavit Josephus Bentivenga Castri Saraceni Sacerdos, neque memorata actione per Marfci Principem ea de re instituta, exposuit, prædictam Abbatiam pendere e veteri S. Benedicti Monasterio: ei ad alendos Monachos fuisse donatum totum prædicti Castri Saraceni territorium, cum pistrinis, demanio, platea, portulania, & cæteris feudalibus juribus; Monasterio dissoluto ejus redditus cessione Abbatibus a Romana

Tom. I. Cur. Cap. Maj.

Rrr

Cu-

Curia renunciatis cum Fiscis injuria, ad quem pertinebat feudum Castri Saraceni. Hinc petiit libello, ut Curia in mandatis daretur, ut ad redintegrationem procederet, & sibi delationis primum decerneretur. Ea quoque nunciatio Curia remissa fuit anno 1780. 21. Octobris, eique mandatum, ut audito Advocato Coronæ, aliisque quos audiendos censeret, de justitia provideret, relato Principi fato controversiæ.

In literarum Divalium consequentiam edictales citationes sunt expeditæ, ut litis certiores fierent generatim omnes, quorum interesse posset. Termino probationibus præstituto, in ejus spatio judicio adfuit Abbas Didacus Positanus declarans se non adversari petitioni prædicti Sacerdotis Bentivenga, sed tantum petitioni Principis Marfici. Cum vero absorum videretur, ut de controversa Abbatia actiones diversis judiciis definirentur: Curia censuit, ut idem terminus probatorius præstitutus intelligeretur, tam super deductis a Principe Marfici, quam a Sacerdote Bentivenga. Compilatus terminus rite fuit per probationes testium, & scripturarum productarum a Marfici Principe, per scripturas etiam exhibitas a Bentivenga. Iis inspectis Regiæ Coronæ Advocatus petiit libello suo, ut Abbatia Regii patronatus immediati declararetur, atque in ejus possessionem redintegraretur Regia Corona. Proinde Curia procedit ad dicendam de re controversa sententiam.

Primo igitur fuit exhibitum vetus documentum donationis a Mango, seu Manghisio factæ in tempore dominii sui S. Clerici anno ab Orbe condito 6594., hoc est a Nativitate Christi 1086., in favorem Ecclesiæ S. Archangeli de Rapario, ubi legitur: *Manifeste, & publice obtulimus S. Ecclesiæ S. Archangeli de Rapario, & tibi Ven. Abbati Nimpho, & omnibus qui ibidem, & tecum sunt, & erunt Monachi supradictæ Ecclesiæ S. Archangeli, collapsum Castellum nominatum Saracenum, cum omnibus tenementis suis, scilicet terris, vineis, montibus, forestis, & cursibus aquarum, cum introitibus, & exitibus suis. Quod edificium donamus Templo S. Archangeli ad vicum vestrum, & Fratrum vestrorum sistentium in dicta Ec-*

eleſia S. Archangeli, & qui futuri ſunt Monachi in dicta Eccleſia . . . Hoc obtulimus pro liberatione, & remiſſione peccatorum noſtrorum, & parentum noſtrorum &c.

Contendit Marſici Princeps ad memoratum Manghiſium, qui per id tempus S. Chirico imperitabat, nullatenus jus Summi Imperii pertinuiſſe, eundem nudum fuiſſe Feudatarium Rogerii Ducis cognomento Burſæ, Ducis Roberti filii, qui per ea tempora in Neapolitanas Provincias jure Summi Imperii utebatur. Id autem demonſtravit iſtis donationis verbis, quibus donator Manghiſius ſanctionem pœnalem comminatus eſt adverſus eos, qui donationem ſuam reſcindere aggredierentur. Sic enim iſc ſancit: *Nemo autem præſumat irritare noſtram donationem Eccleſiæ S. Archangeli de Rapario, nec controvenire . . . & pro his noſtris donationibus non ſolum pœnam quam expreſſimus hæreditabit, ſed confirmamus, quod ſi quis in eam inciderit, noſtro Magno Duci libras centum auri componat, & cum toto hoc firmam, ratam, & incommutabilem donationem volumus permanere.*

Idem Ill. Princeps intendit, per ea tempora Baronibus licuiſſe proprii feudi bona per donationes delibare, & decerpere; nam prohibitionem alienationis bonorum feudalium in noſtris Provinciis ex poſtiori Conſtitutione Rogerii enatam eſſe. Oſtendit etiam anno 1147., exorta controverſia de dictorum bonorum poſſeſſione, a Rege Rogerio Juſtitiariis ſuis in mandatis datum, ut inquirent, quo tandem modo Eccleſia S. Angeli de Rapario dominio haberet in virum Caſtri Saraceni, eoſdem Juſtitiarios Curiam in S. Chirico habuiſſe, & auditis Abbate, ſinitimis Baronibus, quibuſdam Episcopis Militibus, & Sanſone Manghiſii filio, & ætente diſcuſſa charta donationis per Abbatem exhibita, definiſſe quod Clemens Abbas, qui per id temporis regebat Eccleſiam, & Monasterium, *juſte dominabatur in prædicta Caſali*: Ea vero ſententia a Rogerio confirmata fuit.

Adprobavit inſuper Marſici Princeps per teſtes decem ad articulum nonum interrogatos, S. Archangeli de Rapario Abbatialem Eccleſiam conſtructam eſſe in ejusdem feudi

S. Chirici de Rapario finibus, & idem Castrum Saracenum prædictæ Ecclesiæ a Manghio donatum, fuisse, & esse ejusdem Baronie S. Chirici Vicum, & in ejus territorio positum. Eam ob rem exhibuit documentum ann. 1442., unde liquet, S. Chirico sub Hugonis Sanseverini utili dominio constituto, unum Bajulatum complexum esse tam S. Chirici, quam Castri Saraceni Bajulationem, hujus autem Bajulatum veluti membrum fuisse habitum Bajulationis S. Chirici veluti feudi Majoris. Præterea produxit documentum articulorum, & probationum anno 1530. factarum per Hostiliani Principem per id temporis feudi S. Chirici possessorem, in controversia inter eum, & Abbatem S. Angeli de Rapario, & Universitatem Castri Saraceni. In eo enim judicio fuit ostensum, Baroniam S. Chirici habuisse, & habere in territorio suo Vicos complures, & præsertim Castrum Saracenum, & in toto prædictorum Vicorum territorio veteres possessores Baronie S. Chirici fuisse animalia pabulorum causa, & a non fidatis diffidam exegisse, nusquam adversantibus prædicto Abbate, & hominibus Castri Saraceni. Ostendit etiam, ann. 1757. ob ea documenta per Reg. Cameram Abbatem S. Angeli de Rapario coactum fuisse fungi, & publica onera conferre Universitati S. Chirici, ob bona ab eo possessa tam in S. Chirici, quam in Castri Saraceni territorio.

Prædictis autem documentis innixus Marsici Princeps contendit, patronatum Baroni Manghio quæsitum in Abbatiam S. Angeli de Rapario in feudo S. Chirici positam, ipsi S. Chirici feudo quæsitum esse, & in feudum successoribus. Ea enim acquisitio promanavit ex donatione Vici Castri Saraceni, & bonorum omnium eidem Castro hærentium: quæ quidem omnia pars erant Baronie S. Chirici; id enim Oppidum caput Baronie erat.

Quod vero præsentis controversiæ maximum est præjudicium, adprobavit etiam Marsici Princeps, Barones S. Chirici vetustissimos in controversam Abbatiam jus patronatus exercuisse. Cum enim Baroniam S. Chirici Sanseverinensis nominis utiles Domini pluribus retro sæculis possedissent, ho-

die etiam in plerisque ejus Ecclesiæ Abbatialis locis cernere est arma, & stemmata ejus domus gentilia, & insequentem titulum: HUGO TERTIUS DE SANCTO SEVERINO COMES SAPO-
NARIÆ. LUCIUS SANSEVERINUS SENIOR. Ea autem arma, & tituli variis Ecclesiæ partibus inscripta patronatus certissima æstimantur argumenta.

Eodem pertinere contendit, quod in insequentis alienationibus S. Chirici, speciatim fuerint expressa jura patronatus, quæ penes venditores erant. Offensum est quoque, ejusdem Baronis possessione delata ad Joannem Dentice, ab eodem instrumento ea de re inito die 11. Novembris ann. 1464. rursus venditam fuisse Beatrici Zurlæ uxori alterius Sanseverinenfis Hugonis *cum juribus patronatuum Ecclesiarum*: ac alio etiam instrumento die 23. Januarii ann. 1469. eundem Hugonem, & Beatricem memoratam Baroniam rursus vendidisse Lucæ Sanseverino Bisliniani Principi *cum juribus patronatus Ecclesiarum*.

Præterea ostendit, a Rege Ferdinando II. successorem Alphonsum Sanseverinum S. Chirici Baronia privatum, & aliis suis feudis perduellione sua; & eundem deinde in S. Chirici, & aliorum feudorum possessionem redintegratum *proux per prius ante rebellionem suam possidebat*, adeoque S. Chiricum ei restitutum cum patronatibus ante perduellionem a se possessis: eandem vero gratiam ei confirmatam clementia Federici Aragonensis Diplomate die 30. Octobris ann. 1496. Tandem ad examen Curie revocavit, ann. 1525., ab eodem Alphonso Sanseverino S. Chirici Baronia vendita Hostiliani Principi Caraphæ, ab ejus successoribus eandem Baroniam ann. 1682. fuisse venditam Joanni Baptistæ Spinelli Caivani Duci, venditionem vero fuisse initam: *cum juribus patronatus Ecclesiarum, & Abbatiarum, & cum jure redintegrandi*: ab eodem etiam Caivani Duce eandem Baroniam transiisse in decessores Principis Marsici, quo jure, quaque conditione erat; contractibus assensu Regio rite roboratis.

Ob prædicta documenta Curie visum, dubitari non oportere, Manghifium veterem S. Chirici Baronem ob dona-

na-

nationem Ecclesiæ S. Archangeli de Rapario, ejusque Abbati factam de Castro Saraceno cum prædiis eis hærentibus, ea lege donationi adjuncta *ad viduum vestrum, & Fratrum vestrorum sustentium in dicta Ecclesia S. Archangeli, & qui futuri sunt Monachi in dicta Ecclesia*, in eam Ecclesiam patronatum acquisivisse. Neque enim occurrit in jure potior ratio acquirendi patronatus, quam substantiæ suæ largitione prospicere Ministrorum Ecclesiæ sustentationi, ut discrete cavet Imperator in *Novell. 57. cap. ult.* Sic enim ibi: *Si quis edificans Ecclesiam, aut aliter in ea ministrantibus alimenta expendens &c.*

Curia quoque visum, cum idem Manghisius jure Majestatis careret; Ecclesia ab eo dotata bonis e feudo S. Chirici delibatis, ex dotatione ab ipso Rege Rogerio mox confirmata jus patronatus ipsi feudo quæsitum fuisse, unde decurpta dos fuit, idemque in feudi possessoribus pro tempore transivisse. Eo pertinet juris Pontificii sanctio in *cap. 13. de jure patron.* Eodem pertinent ejusdem juris Pontificii loci, in quibus cavetur de patronatibus feudis aut villis hærentibus, præsertim *cap. 7. eod. tit.* Sed id argumentum late exequitur Carolus Molinæus, Gallia ille Papinianus, ad *Consuet. Parisiens. tit. 1. de feud. §. 55. gloss. 10. n. 6 ad 11., & Franciscus de Roye de jure patron. in prolegom. cap. 18. 19.*, alique complures. Ea autem in re maximi momenti Curia visum, successores Feudatarios, ac præsertim Hugonem Sanseverinum, Lucium Sanseverinum, aliosque ejusdem familiæ Barones, possessores feudi S. Chirici de Rapario, in controversam Ecclesiam jus patronatus exercuisse appetitis armis gentis suæ in parietibus interioribus, & exterioribus ejusdem Ecclesiæ. Nam Doctores omnes producti ab eodem Francisco de Roye in tractatu *de juribus honorif. lib. 2. cap. 3.* tamquam certissimam probationem patronatus constituerunt in armorum gentilium insignibus, seu listris in variis partibus Ecclesiarum appositis. Hinc vir ille doctissimus ita concludit. *Ex quibus omnibus patet fundatorem intra, & extra suam Ecclesiam, listras, que loco sunt titulorum, imaginum, & inscri-*

scriptionum, habere posse, quod est veluti symbolum, & memoria præteriti domini. Et hinc lista per totam Ecclesiam depicta certissime indicat, quis sit ejus fundator, quippe quæ ei soli competat intra, & extra Ecclesiam.

Sed & Curia visum, patronatus ab Hugone, Lucio, aliisque Sanseverincensibus possessos, amissos non fuisse, neque rediisse ad Fiscum, ob perductionem Alphonsi eorum successoris, inspecta plenaria restitutione ei facta a Ferdinando II., & ab ejus patruo Friderico. Ei enim Baronia S. Chirici restituta fuit cum aliis feudis, *prout per prius ante suam rebellionem possidebat.* Ita Baronia ei redintegrata, jura patronatus etiam ei redintegrata fuerunt. Inde factum, ut in alienationibus porro factis prædictæ Baronie S. Chirici, & in ea quoque, qua eadem Baronia ad Auctores hodierni Principis Marsicensis pervenit, in tabulis venditionis constanter fuerit apposita clausula, scilicet vendi feuda *cum jure patronatus Ecclesiarum.* Quæ quidem omnia firmissimum titulum prædicto Marsicensi Principi præstant ad pertinentiam controversi patronatus sibi tuendam.

Quapropter Curia censuit controversum patronatum ad Regem pertinere, ac Regium esse, ob directum dominium, quod in feudo, & jura omnia feudalia Regi competit. Cum tamen prædicta S. Chirici Baronia jure feudi sit penes Marsici Principem, eidem Curia visum, eundem patronatum mediate Regium esse. Intermedia est enim persona prædicti Principis Marsicensis, isque, quamdiu ipsius linea supersit, uti debet patronatus juribus, donec ea cum feudo ad Fiscum redeant. Quamdiu id non contingerit, Curia censuit, jus redintegrandi ad prædictum Principem pertinere ratione feudi ab eo possessi.

Quod autem ad nunciationem Sacerdotis Josephi Ben-tivenga Fisco factam, in controversia scilicet veteris Monasterii pridem aboliti, ejus bona ex tunc novissimorum Regalium ordinum ad Regiam Coronam devoluta intelligi, contendit Marsici Princeps, id in præsentī controversia locum habere non posse. Nam Regales ordines Monasteria

ve-

vetera respiciunt, de quorum fundatore non liquet, & a qua manu dotem acceperint, & qui dotantium sint successores. De iis quidem Monasteriis recte placuit, jura veteris patronatus ad Principem rediisse, ejus potestate succedente, ubi fundatorum non existentium deest arbitrium, quod & de bonis vacantibus leges cavent, quæ ad Fiscum deferri jubentur. Si quæ igitur vetera Monasteria destituta Monachis deprehendantur, recte Divalibus literis declaratum, bonis ad Principem devolutis, ad eum jure Majestatis pertinere, & novam formam Monasteriis dare, & bona seu Abbatibus Commendatariis destinare, seu in alios usus ea convertere. Enim vero cum de veteri Monasterio agatur, de cujus dotatione liquido constat, facta a Barone fuisse bonis ad feudum S. Chirici pertinentibus, qua ipsi feudo quæsitus patronatus fuit, & in feudum successuris, cum constet etiam, feudi successores patronatum exercuisse; cum ejus pertinentia veluti per manus transierit ad omnes feudi successores, seu hereditario nomine, seu singularis emptionis titulo ei successerint, ad hodiernum Baronem usque, recte contendere videtur Marfici Princeps, non obstante Monasterii suppressione, perstare adhuc jura patronatus sui propter proprii feudi bona, quibus Monasterio constituta dos fuit, patronatus enim veteris utilis dominii consequentia est; Baronis vero existente linea, neque patronatum, neque prædicta bona ad Fiscum redire posse, si feudales de utili dominio leges servari velint. Atque hæc argumenta per Marficensem Principem allegata, & in suis allegationibus latius deducta Curia suaserunt, ejus causam justam esse. Rerum igitur momentis accurate perpenſis, controversiam in infrequentem modum definiendam censuit, cum voto ordinarii Consultoris ejusdem Regii Consilarii D. Dominici Potenza: *Abbatiam S. Archangeli de Rapario sitam in territorio S. Chirici patronatus feudalis esse, herentis ipsi feudo S. Chirici; prædictum autem patronatum mediate ad Coronam Regiam pertinere durante concessione feudi, & existente Barone, ejusque linea; immediate vero pertinere ad Ill. Principem Marfici Novi, tamquam*

quam utilem dominum S. Chirici, & ad ipsius successores in feudo, ejus linea permanente; proinde prædictum Illust. Principem redintegrandum, ut præsentis sententia redintegratur in jus patronatus prædictæ Abbatiæ cum ejusdem bonis, juribus, prærogativis, & pertinentiis quibuscumque, & cum jure ad prædictum Ill. Principem pertinente eligendi Abbatis in singulis vacationibus, & cum reliquis juribus & patronatu pendentibus. Quapropter Abbatiæ prædictæ referatur in libris Curie inter alias Abbatiæ juris feudalis, in quas patronatus mediatas ad Principem, immediatus pertinet ad Barones.

In causa redintegrationis juris patronatus feudalis in Ecclesiam, seu Castellum sub titulo S. Mariæ Caritatis, seu della Carda, posita in Comitatu Montis Odorisii. Die . . . Decembris 1786.

Marchio Piscariæ & Vasti Thomas Avalos de Aquino Aragonius a Rege libello supplici petit, ut redintegraretur in patronatum feudalem Ecclesiæ seu Capellæ sub titulo S. Mariæ della Carda, seu Caritatis, in Comitatu Montis Odorisii positæ, a Curia Romana propter vices temporum usurpatum. Ea de re Princeps interpellatus jussit, Curiam Capellani Majoris sententiam dicere, prout æquius melius videretur, auditio non tantum Regiæ Coronæ Advocato, sed Sacerdote etiam Michaelæ Angelo Tambelli. Is enim in R. C. S. Claræ detulerat, prædictum patronatum esse Regium, utpote Fisco devolutum. Regiis etiam codicillis cautum, ut ea de re acta R. C. S. Claræ ad Curiam Capel. Majoris mitterentur.

His ita transactis, memoratus Marchio ostensurus prædictæ Ecclesiæ patronatum feudalem esse, documentum exhibuit extractum a libro Curiæ, in quo digesta reperiuntur beneficia cum Regia, tum feudalia. Inde enim constat, sub rubrica beneficiorum feudalium extare & prædictam Ecclesiam, hunc in modum relatam: *Theatina = S. Maria della Carda, alias della Carità. Theaten.*

Præterea exhibuit documentum exscriptum ab inventario, seu redintegratione bonorum ac jurium feudalium Comitatus Montis Odorisii, exequutioni mandata anno 1548.

Tom. I. Cur. Cap. Maj.

S 11

præ-

Immemorabilis possessio juris patronatus facit, qui pro possessore pronuncian- dum sit, licet insequen- tis temporibus Curia Romana, vel Dio- cesis collationem u- surpaverit.

præcedente Diplomate Caroli V. per Commissarium Organ-
tinum Scarolam ad petitionem Francisci de Avalos de Aquino . Ibi vero inter alia bona & jura feudalia legitur : *Item tenet & possidet jus eligendi & presentandi in omnibus & singulis Beneficiis & Ecclesiis, tam Curatis, quam Ruralibus, in dicta Terra Montis Odorisi, & toto Comitatu .*

Quod autem palmarium videri possit, exhibuit documenta antiquarum præsentationum factarum a decessoribus suis serie non interrupta, executioni mandatarum ab ipsis Pontificibus, & cum a Delegatis Romanæ Curæ, tum ab Ordinariis loci . Ab ipsis autem liquet, mense Decembri an. 1523. per Clementem VII. Pontificem Bullam editam, qua collata fuit Antonio de Petra *Recloria Ecclesiæ S. Mariæ de Caritate, quæ de jure patronatus laicorum nobilium, videlicet Comitis Montis Odorisi pro tempore existentis, fore dignoscitur* . Addidit etiam Pontifex memoratam collationem Antonio de Petra a se fuisse factam, cum ad hoc dilecti filii nobilis viri *Alphonso de Avalos de Aquino March. del Vasto Simone*, moderni Comitis Montis Odorisi ipsius Recloriæ patroni, expressus accedat consensus, prout per ejus patentes literas nobis extitit legitime facta fides.

Liquet etiam die 3. Decemb. ann 1549. eandem Ecclesiam Abbatix titulo a Cardinale Sabinenſi Theates Archiepiscopo, ejusque Curia, fuisse collatam Dominico de Constantio, & in Bulla additum, prædictam collationem ei fuisse factam, quia *Ill. Dom. Maria de Aragonia, Marchionissa Vastæ, Principissa Montis Erculi, etiam Mater, Balia, Tutrix, & Administratrix usufructuaria filiorum, & generalis Procuratrix Ill. Ferdinandi Francisci de Avalos de Aquino, Marchionis Piscariæ filii primogeniti, se jus presentandi in dicta Abbatia, & Ecclesia, quoties vacare contigerit, habere asseruit, & se infra legitima tempora presentasse in Abbatia prædicta .*

Constat insuper, die 6. Martii insequentis anni 1550. vacante rursus prædicta Ecclesia ob liberam renunciationem prædicti Dominici de Constantio, a Cardinale Massejo Theates Archiepiscopo fuisse collatam Joanni Baptistæ Picciolo in insequentem modum : *Ecclesiam prædictam S. Mariæ de Caritate, quæ de jure patronatus Ill. Marchionissæ del Vasto exi-*
stere

fere asseritur, de ipsius Marchionissa consensu, seu ad ejus præsentationem, sicut præmittitur, aut alio quovis modo vacantem, cum omnibus juribus, & pertinentiis suis, tibi nostra auctoritate . . . conferimus, & de illa etiam providemus.

Liquet denique, anno 1578. loco ejusdem Ecclesiæ successioni factæ, propter obitum prædicti Piccioli, per Piscariæ tunc temporis Marchionissam præsentatum Pontifici fuisse Innocentium Hernandez Clericum Neapolitanum: Bulla vero Pontificis Cardinali Carasæ Archiepiscopo Neapolis fuisse mandatum, ut servatis servandis procederet ad collationem prædictæ Ecclesiæ in favorem nominati Clerici. In ejus Bullæ executionem Archiepiscopus Delegatus mandatum dedit Præposito Gipsi. In eo præfatus, cum licet liqueat de possessione, in qua existit dicta Ill. Domina juris patronatus, & præsentandi in dicta Ecclesia, tamen volentes cautius agere, & informationem habere de jure patronatus, & possessione dicti juris præsentandi a tempore immemorabili, ei præscripsit, ut ea de re rite audiret seniores testes, & de compertis eum certiorum faceret. In mandati autem consequentiam, de articulis Innocentii Hernandez interrogati fuerunt seniores loci testes, & totius vicinæ, qui nemine discrepante testati sunt de antiquissima, & hominum memoriam excedente possessione, in qua fuerunt utiles Domini Montis Odorisii & patronatus & juris præsentandi in prædicta Ecclesia. Quamobrem a Cardinali Carasæ fuit edita Bulla hujusmodi verbis: *Quia nobis per publicas, & authenticas scripturas, & informationes in scriptis habitas, servata forma præinsertarum literarum Apostolicarum, legitime constitit, & constat jus patronatus prædictæ Ecclesiæ, seu Abbatiæ S. Mariæ de Cardine spectavisse, & spectare ad præfatam Ill. Dom. Marchionissam Piscariæ utilem Dom. Montis Odorisii, & per diligentes examinationes de mandato nostro factas reperimus, præfatum D. Innocentium fuisse & esse habitum, & sufficientem ad prædictam Ecclesiam, seu Abbatiæ obtinendam; propterea præfatam Ecclesiam S. Mariæ de Cardine, ut supra vacantem, cum omnibus juribus & pertinentiis suis, præfato D. Innico, cum consensu prædictæ Ill. Domine Marchionissæ Piscariæ Patronæ, cujusque ad hoc expressus interven-*

nit assensus, Apostolica auctoritate, & omni alio meliori modo, via, & causa nobis a jure permittis, contulimus, & assignavimus, ac conferimus, & assignamus.

Prædictis igitur documentis satis liquet, Ecclesiam controversam pertinere ad Montis Odorisii Comites inspecta immemorabili possessione juris patronatus, & juris præsentandi, in qua fuerunt ab ineunte sæculo XVI. Proinde si insequentis temporibus, aut Romana Curia, aut Diocesani Episcopi pro diversitate mensum ejus liberam collationem usurparunt, id attentarunt cum patronorum injuria. Quapropter Curia visum, ut nulla ratione habita, aut lapsus temporis, aut præscriptionis, quæ in patronatibus id genus vim nullam in Regno obtinet, Comitatus Montis Odorisii, ejusque intuitu possessores prædicti feudi in controversum patronatum redintegrentur. Eo accedit, quod Regiæ Coronæ Patronus prædictis documentis inspectis, libello suo non impedivit favore Possessoris feudi petitam redintegrationem. Et Michael Angelus Tambelli delator a sua nunciacione recedens, se remisit sententiæ Curia, quæ cum voto Dom. Reg. Conf. D. Dominici Potenza ordinarii Consultoris ejusdem, ita pronuntiavit: *Ecclesiam S. Mariæ de Carda, seu Cardinis, aut Caritatis, in Theatina Diocesi, fuisse, & esse patronatus feudalis hærentis Comitatus Montis Odorisii, ac eum patronatum pertinere ad Marchionem Piscaria & Vassi de Avolos, de Aquino, de Aragonia, utilem prædicti Comitatus Dominum, ac proinde Marchionem, ejus feudi ratione, redintegrari oportere, ut præsentis sententiæ redintegratur in jus patronatus prædictæ Ecclesiæ cum suis bonis, juribus, pertinentiis, ac præsertim cum jure ad eum, ejusque in feudo successores spectante, eligendi, & nominandi Rectoris, seu Capellani prædictæ Ecclesiæ, & cum reliquis juribus & patronatu pendentibus: salvois juribus Regii Fiscii, si feudum devoluti contigerit: salvois etiam in alio judicio juribus Regio sorte competentibus quod ad res petitas in libello, fol. 94. a 1. Denique prædicta Ecclesia, attenta præsentis redintegratione, denuo describatur in libris Curia inter Ecclesias patronatus feudalis.*

F I N I S.

INDEX ARGUMENTORUM.

ARMA, ET INSIGNIA.

Concori Historicorum testimonium, & Arma Regia probant Regum patronatum.

Decr. 6. Maji 1776. p. 14.

Patronatus luculenta probatio oritur ex verisimilibus monumentis, & insignibus.

Decr. 27. Decembris 1776. p. 19.

Decr. 28. Julii 1779. p. 52.

Decr. 7. Aprilis 1781. p. 181.

BENEFICIUM ECCLESIAST.

Deficiente titulo Monastico, canonica Ecclesiastici Beneficii exceptio quoque deficit, retenta natura legati pii.

Decr. 8. Junii 1786. p. 437.

Perpetua Ecclesiastica ministeria, quæ perceptionem fructuum ex Ecclesiæ bonis præferunt, quæque in titulum erecta sunt, vera Ecclesiastica Beneficia censentur; cui non obstat quod ad ministerium quædam persone designatæ ex fundationis tabulis sint eligendæ.

Decr. 27. Aug. 1782. p. 244.

CANONICATUS.

Collatio Canonicatum in Ecclesiis Collegiatis ex consuetudine positissimum dependet, præcipue cum consuetudinem lex ipsa fundationis tuetur.

Decr. 6. Martii 1784. p. 355.

Constitutio dotæ pro Episcopis, & Clericis, qui divino cultui inserviant, nomine Clericorum veniunt etiam majores Ecclesiæ Mi-

nistri; quare jus patronatus competit etiam in Dignitates, & Canonicatus postea erectos.

Decr. 10. Mar. 1784. p. 164.

Cum Principes Ecclesiæ dotando prospererint sublimitati Episcopi, & Canonicorum, consequitur Regum jus patronatus in Episcopatum, & Canonicatus.

Decr. 22. Dec. 1783. p. 335.

DECIMÆ.

Cum jura Regii patronatus non subsint prescriptioni; sequitur ut præstatio decimarum Ecclesiæ Regii patronatus, licet intermissa, debeatur.

Dec. 10. Julii 1779. p. 51.

Præstatio decimarum, quæ dominicales esse non constat, decerni debet, prout opus est Ecclesiæ.

Dec. 7. Jan. 1779. p. 43.

DOS.

Augumentum dotis æque, ac dos ipsa jus patronatus tribuit. Dotasse autem dicitur is quoque, qui licet usus non sit dotis nomine, fundos tamen donavit unde alimenta sumerent Ministri.

Dec. ... Maji 1777. p. 23.

Decr. 29. Nov. 1779. p. 73.

Dos, edificatio, fundus, immo quilibet ex his titulis jus patronatus constituunt.

Decr. 23. Dec. 1776. p. 19.

Decr. 14. Nov. 1780. p. 147.

Dos e rebus ad Principatum pertinentibus Monasterio data, Regium jus patronatus constituit, licet ab alio illud fuerit extructum.

Decr. 30. Mars. 1780. p. 108.

Do.

Dotatio Ecclesie ex bonis feudali-
bus cum Regio assensu facta jus
patronatus medietatem Baronis, im-
mediatum Regi tribuit; hinc pu-
blicitatis bonis Feudatariis, im-
mediatum jus consolidatur cum
mediato &c.

Decr. 30. Martii 1780. p. 108.

Decr. 2. Jun. 1781. p. 195.

Dotatio de bonis, quæ ad Principem
pertinent, Regium patronatu-
m constituit.

Decr. 2. Jun. 1780. p. 114.

Ecclesia, quæ Principatus bonis
dotata est, est Principis dotis
nomine uti non sinit in ea dotan-
da, Regi juris patronatus est.

Decr. 7. Nov. 1782. p. 257.

ECCLESIA.

Collegiatæ Ecclesie argumenta sunt
Canonicorum nomen, illorum
numerus definitus, Chorus cum
stallis, consuetudo se congregan-
di, Missa Conventualis &c.

Decr. 6. Mart. 1784. p. 354.

Cum Monasterium Regi patrona-
tus dotem alicui Ecclesie dederit,
sequitur, ut etiam Cathedra-
lis Ecclesia Regi sit patrona-
tus.

Decr. 5. Mart. 1786. p. 435.

In collatione officiorum Ecclesie
receptitiæ, & mere patrimonialis
se ingerere nequit Curia Roma-
na, & loci Ordinarius.

Decr. 17. Sept. 1781. p. 218.

ELECTIO.

Electio Abbatis a fundatoribus,
qui summum Imperium exercue-
runt, tributa Monachis, confir-
matio spectat ad Principem.

Decr. 14. Augusti 1779. p. 59.

Decr. 13. Decembris 1780. p. 146.

Ex Regio jure patronatus in Mo-
nasterium sequitur, ut in Prioris
electione Princeps interponat suam
partem, quod denegatur privato
patrono.

Decr. 30. Mart. 1780. p. 109.

Decr. 6. Jun. 1782. p. 305.

Posito jure patronatus Regio, cum
pro bono alienius Canonici re-
cedendum non videatur a veteri
forma electionis, confirmatio ad
Principem spectat.

Decr. 6. Febr. 1783. p. 267.

EMPHYTEUSIS.

Cum Ecclesiasticum Beneficium
Ecclesie Regi patronatus uni-
tum fuerit, emphyteusis bonorum
ipsius Beneficii antea facta, ex
defectu Regi assensus non est
improbanda.

Decr. 17. Mart. 1781. p. 177.

Regi juris patronatus consequens
est, ut a Principe nominatus non
teneatur in emphyteusim rursus
dare Ecclesie prædia; cum an-
tecedens emphyteusis nulla sit
quippe quæ Regio assensu caret.

Decr. 2. Decembris 1779. p. 83.

EXEQUATUR REGIUM.

Regium Exequatur differt a Regio
Assensu.

Decr. 8. Junii 1786. p. 437.

FUNDATIO.

Cum tabulæ fundationis desunt,
præsumptiva admittitur juris pa-
tronatus probatio, præsertim si
agatur de jure Regio.

Decr. 14. Augusti 1775. p. 2.

Cum nulla super sit memoria fun-
dationis, a Principibus, in quo-
rum territorio sunt, Ecclesie fun-
data

- data presumuntur.
Decr. 15. Jan. 1781. p. 152.
 Feuda, & alia corpora ab Ecclesia possessa, quæ nonnulli a Principe concedi possunt, Regiam fundationem ostendunt.
Decr. 13. Julii 1781. p. 205.
 Jus patronatus tacite inest in fundatione, etiam si non reservata.
Decr. 30. Martii 1780. p. 107.
 Nulla longissimi temporis possessio legi fundationis obstat; ubi autem ambigua lex sit, diuturna observantia, etiam ad præscribendum inest, optima tamen interpretes accipiunt.
Decr. 10. Maji 1775. p. 3.

JURISDICTIO.

- Ex unione Ecclesiarum, quæ habent curam animarum, jurisdictionis Ecclesiastica, & spiritualis censetur translati in Prælatum inferiorem; atque ex potestate huc tributa visitandi, corrigendi & Clerum, inducitur territorium nullius Diocesis.
Decr. 9. Aug. 1779. p. 85.
 Jurisdictionis munus, quo fungitur aliqua Ecclesia, Principis concessione manifeste indicat, & hinc Regium jus patronatus probat.
Decr. ... Maji 1777. p. 23.
Decr. 29. Novemb. 1779. p. 72.

JUS PATRONATUS.

- Abbatia declarata Regii juris patronatus, etiam & Grancia, siue membra illius naturam sequuntur.
Decr. 7. Jan. 1779. p. 42.
Decr. 9. Julii 1779. p. 45.
 Bona laicalia conversi in Ecclesiastica sine Principis licentia; & quæ postea Principis indulgentia suam legitimam substantiam acceperint, Regii patronatus sunt.
Decr. 20. Dec. 1785. p. 427.

- Causas Regii patronatus, submoti judicio ordinario, executive esse tractandas.
Decr. 6. Julii 1786. p. 455.
 Concors historicorum testimonium, & Regia Arma probant patronatum Regium.
Decr. 6. Maji 1776. p. 14.
 Cum nulla produci possit a Barone patronatum concessio, præsertim quoad feuda, patronatus ad Regiam Coronam pertinet.
Decr. 1. Dec. 1785. p. 420.
 Cum desint heredes fundatorum, patronatus Fisco addici debet.
Decr. 20. Dec. 1785. p. 427.
 Dos, edificatio, fundus, immo quilibet ex his titulis, jus patronatus continent.
Decr. 23. Decemb. 1776. p. 19.
 Ecclesiam, & Monasteria sub Principum defensione recepta, licet a privata extructa, Regii juris patronatus censentur.
Decr. 23. Octob. 1781. p. 225.
 Et si in fundationis tabulis non constitutum, re ipsa tamen fundatione acquiritur, vel donatione jus patr.
Decr. 8. Aug. 1775. p. 8.
 Jus patronatus feudo adherens, si feudum Regi aperitur, inter majora Regalia recensetur, ita ut neque comprehendere possit in generali concessione feudi neque obnoxium sit præscriptioni.
Decr. 24. Aprilis 1776. p. 1.
 Fundatio, & duratio Ecclesiarum jus patronatus præferunt, etiam si non reservatum: reservatum intelligitur cum Princeps in ipsa fundatione Episcopum elegerit.
Decr. 14. Nov. 1780. p. 129.
 Jus patronatus Regium numeratur inter majora Regalia; hinc neque alienari, neque est præscriptioni obnoxium, & frustra opponitur ei ultimus status, ob quem poss.

possessio acquisita dici nequit.

Decr. 15. Apr. 1776. p. 12.

Non subjacet prescriptioni Regium
jus patronatus, nec dicitur con-
cessum cum feudi concessione,
nisi expresse in investitura de eo
sit mentio.

Decr. 7. Apr. 1781. p. 181.

Quae Ecclesiis dantur in onerum
mercedem non tribuunt jus pa-
tronatus, cum ex mera liberali-
tate non proveniant.

Decr. 17. Sept. 1781. p. 219.

Regii juris patronatus consequens
est, ut nulla existimetur erectio
in Commendam a Curia Roma-
na facta bonorum, qua Monaste-
rio addita sunt.

Decr. 10. Maji 1783. p. 286.

Decr. 6. Jun. 1783. p. 304.

Sicut adificatione, ita & remedi-
catione jus patronatus acquiritur.

Decr. 14. Aug. 1775. p. 9.

MONASTERIUM.

Monasterio extincto, & bonis in
Commendam erectis, ad Prin-
cipem spectat vel Abbatem Com-
mendatarium eligere, vel redi-
tus aliis piis usibus addicere.

Decr. 8. Aug. 1783. p. 324.

Decr. 8. Nov. 1784. p. 377.

Decr. 23. Dec. 1784. p. 380.

Decr. 18. Febr. 1785. p. 384.

Monasterium a Principe dotatum
Regii juris patronatus est, quem-
admodum & Abbatis electio; & si
Princeps velit servare veterem for-
mam electionis, tunc ante ele-
ctionem requirendus est assensus,
& postea debet a Principe con-
firmari.

Decr. 5. Apr. 1785. p. 388.

NOMINATIO.

Ex bonis Monasterii Regii patro-

natus Ecclesia aliqua Cathedralis
 dotata injuria Principis, quomdiu
 Principi dotacionem tolerare ve-
 lit jus patr. ei competit.

Decr. 14. Dec. 1779. p. 59.

Regii juris patronatus consequens
 est, ut qui a Principe nominatus
 fuerit, non teneatur Ecclesia præ-
 dia rursus in emphyteusium con-
 cedere, cum antecedens emphy-
 teusis nulla sit, quippe quæ Re-
 gio Assensu caret.

Decr. 2. Dec. 1779. p. 83.

PRÆSCRIPTIO.

Regium jus patronatus inter majora
 Regalia adnumeratur; hinc ne-
 que alienari, neque præscriptio-
 ni est obnoxium, & frustra ei op-
 ponitur ultimus status, ob quem
 possessio acquisita dici nequit.

Decr. 15. Apr. 1776. p. 12.

PRÆSENTATIO.

Multiplicatæ præsentationes. jus pa-
 tronatus, præsertim Regium,
 probant.

Decr. 23. Dec. 1777. p. 34.

Decr. 7. Jan. 1779. p. 43.

RENUNCIATIO.

Nisi expressa renunciationi jus pa-
 tronatus fundator remisit, re-
 missum præsumi nequit ex qua-
 vis generali formula.


Decr. 30. Mars. 1780. p. 107.

UNIO.

Jura, & bona, quæ temporalia
 sunt, a solius Principis potesta-
 te pendent, & proinde uniones,
 collationes &c. à Principis vo-
 luntate non proscribuntur, nul-
 lius sunt roboris.

Decr. 8. Junii 1786. p. 417.

F I N I S.



234.
E.
24.

